



38538

Mag. St. Dr.

P




*Teol.* 3432.



*X. i. 18*











TABVLA NAVFRAGII  
Seu  
**T R A C T A T V S**  
SPECVLATIVVS & MORALIS.  
DE POENITENTIA,  
DE INDVLGENTIIS ET SVFFRAGIIS,  
ET  
DE CENSVRIS ECCLESIASTICIS.  
Iuxta doctrinam Venerabilis

**P. F. JOANNIS DVNS SCOTI**

D. Subtilis Ordinis Minorum, omnium  
Theologorum facile Principis-

Operà, ac studio R. P. F. MARIANI COSTENI, Ordinis  
Minorum Regularis obseruantix, Prouinciæ Majoris  
Poloniæ Patris, & S. Theologiæ Lectoris  
Generalis ac Jubilati.

*Opus Theologiæ, Parochiis, Concionatoribus, ac Confessariis summe  
utile, ac necessarium.*

Cum licentia Superiorum.

---

MOGVNTIÆ,  
In Officinâ typographicâ VVIGANDI FVNCCII.

*M. Luca Piotrowski. M.*






38538  
II

D.

D.



dentius  
in nam  
Et pie p  
vitam  
modo p  
matur  
mensur  
deris in  
dus ed p  
nec. sit  
liberari  
tia spect  
spes sal  
asylum  
firmius  
lutarium  
Vnde m  
bula,  
utilitat  
bens, lu  
ipsa suo



Epistola Dedicatoria.

Per Illustri ac Reuerendissimo Domino

D. JOANNI GRABINSKI

ABBATI OLIVENSI. &c.

Domino, ac Benefactori nostro colendissimo.

**M**ellissimus Doctor, Sanctus Bernardus, sermone suo mel-  
lito tertio, & quarto in Cantica Canticorum REVEREN-  
DISSIME DOMINE, primum gradum ad perfectionem ten-  
dentium asserit esse paenitentiam, quâ per veritatem peccata da-  
mnamus, & per misericordiam veniam speramus, quod quàm verè,  
& piè pius Doctor protulerit, nemo est qui non aduertat: non enim  
vitam nouam viuere possumus vetere non mortuâ, mori verò nullo  
modo possit nisi doloris, atq; odij vehementiâ Diuinâq; virtute peri-  
matur, quantus enim est amor boni, tantum est odium mali; oâj  
mensura amor est, aquâ lance vibratur utrumq;, quantum est pon-  
deris in vno, tantum grauitatis in alio, Paenitentia igitur est gra-  
dus ad perfectionem, & medium ad consequendam salutem, cujus  
necessitas tanta est, vt nullus possit à lethali culpa, sine paenitentia  
liberari, nullus sine paenitentia saluari. Si verò utilitatem paeniten-  
tiæ spectemus, paenitentia est tribunal misericordiae, initium vitae,  
spes salutis, sententia libertatis, refugium peccatorum, quod enim  
asylum è fuga magis obuium? qui portus è naufragio tutior? quod  
firmius è ruina receptaculum? quod ad vulnera medicamentum sa-  
lutarius, ac efficacius potest reperiri paenitentia? nullum profectò.  
Vnde meritò à SS. Patribus vocatur Secunda post naufragium ta-  
bula, quam TABVLAM NAVFRAGII dum pro communi  
utilitate in lucem profero, eam tibi REVERENDISSIME DOMINE li-  
bens, lubensq; offero, quam non est quòd amplius commendem, cum  
ipsa suo scilicet sapore facile se commendabit ijs, quibus pietas &  
salus,



(†)

salus animæ sapit, verùm si delicatioribus fortasse saluam non moueat patere queso REVERENDISSIME DOMINE à Tui Nominis splendore ac praestantissimis animi Tui virtutibus, nonnihil, ut ei lucus, ac splendoris accedat, id enim mihi pollicetur, tum Tua in DEVM eximia pietas, tum singulari in gubernando prudentia, & dexteritas, tum in pauperes maximè in Ordinem nostrum Seraphicum, paterna ac munifica liberalitas. Suscipe igitur REVERENDISSIME DOMINE hoc animi beneuoli Religionis nostra erga te monumentum, sereno vultu. Viue Ecclesia Sacrosancta in ornamentum perpetuum, Sacri Cistercijs Ordinis in auiternum decus, & Religionis nostrae Seraphica in subsidium. Vale. E Conuentu Posnaniensi ipsis Kalendis Octobris 1636.

Per illustris ac Reuerendissimae  
Dominationis vestrae  
in Christo seruus

FR. MARIANVS COSTENVS,  
Ordinis Minorum Regularis obs.  
S. Theologiae Lector Generalis  
ac Jubilatus,

Præ



BENEVOLO LECTORI.



Ereor ne apud te BENEVOLE LECTOR, audaciæ, ac temeritatis insimuler, quod post tot eruditissimos, omniq; ex parte absolutissimos, doctissimorum virorum commentarios de Pœnitentiâ, ego qui nullo ordine inter eosdem cœleri promereor, eundem cursum, aggredi, & in arenam proflere ausus sim, verum hanc temeritatis suspicionem facile depones, istosq; ausus, æqui boniq; consules, vbi causas diligenter scripti mei cognoveris. quarum prima est, quia multi arbitrantur Doctorem Subtilem, vix aliquid de Materiis Moralibus in sua Theologia tractasse, cum tamen tantâ soliditate, junctâ breuitati scholasticæ tractauerit, vt non immeritò quidam ex recentioribus Scotistis dixerit: *Necputo ab ullo scholasticorum vnquam, ita exactè, eruditè, ac profundè tractatum esse.* quod an verum sit, ex hoc opere nostro, quiuis facile iudicare poterit. Deinde cum à multis rogatus sim, vt ea quæ intra priuatos parietes legi, in lucem pro vtilitate communi, proferrem. Reluctabar equidem frequenter, sed vehementiùs instantibus, tandem manus dedi, credidi enim minùs me culpandum, si quid, quod supra vires meas esset incautè susceperem, quàm si hoc tantâ instantiâ, rogantibus, negarem. Habes igitur beneuolè Lector scribingi causas, si quid placuerit, DEO, OPTIMO, MAXIMO, à quo bona cuncta procedunt, tribue, si quid displicuerit, humanæ imbecillitati dona, hocq; nostro labore, diu felix propitio Numine frueri,

Vale.



FACVL



FACULTAS A. R. P. MINISTRI PRO-  
vincialis,

**E**go Frater Georgius Godziseuius, Ordinis Minorum Regularis Observantia, Prouincia Majoris Poloniae Minister Prouincialis, ac S. Theologiae Lector, & Prædicator Generalis, facultatem concedo, ut TABULA Naufragii, seu, Tractatus de Pœnitentia, De Indulgentijs & Suffragijs, ac de Censuris Ecclesiasticis à R. P. Fratre Mariano Costeno; Prouincia nostra Patre, ac S. Theologiae Lectore Generali & Jubilato elaboratus, atq; à deputatis ad id Theologis lectus, & approbatus, typis mandetur, sijs quorum interest videbitur. In cuius rei fidem has literas manu nostra subscriptas, & sigillo officij nostri munitas dedi. Louicij ultima Augusti. 1636.

APPROBATIO A. R. D. CENSORIS  
Ordinarij.

**E**go infrascriptus Doctor Theologus, Ecclesiæ Cathedralis Posnaniensis Canonicus, & Concionator Ordinarius; Ad: R. Patrem Fr. MARIANI COSTENI Ordinis Minorum de obseruantia Prouincia Majoris Poloniae Patris, ac S. Theologiae Lectoris Generalis & Jubilati Tabulam Naufragij, seu Tractatum de pœnitentia ab ejusdem instituti, Reuerendis Patribus, Fratribus, Lectoribus S. Theologiae, visum, lectum, & approbatum, & typis dignissimum judicatum, itidem ego approbo, & luce dignissimum censeo. Posnanie Idibus Septembris 1636.

MARTINVS MORESCIUS  
librorum Censor ordinarius.

mpp-

APPRO-



---

 APPROBATIO THEOLOGORVM.
 

---

**N**OS infrascripti Sacrae Theologiae Lectores ex mandato Ad. R.  
 P. Georgii Godziseuij Ordinis Minorum Regularis Obseruan-  
 tia Majoris Poloniae Ministri Prouincialis, ac S. Theologiae Le-  
 ctoris, ac Predicatoris Generalis. Tabulam Naufragij, seu Tracta-  
 tum de Pœnitentia, de Indulgentijs ac Suffragijs, ac de Censuris Ec-  
 clesiasticis succinctâ, facili, ac lucidâ methodo decem Disputationi-  
 bus comprehensum, & juxta lineam perfectissimam Doctoris Subtilis  
 contextum, aberuditissimo, & de Sacris literis meritissimo, Ad. R. P.  
 Fratre **MARIANO** Costeno Prouinciæ Patre, & S. Theologiae  
 Lectore Generali & Jubilato, summa cum voluptate & attentione  
 animi vidimus, & legimus, in quo cum omnia fidei Orthodoxa con-  
 sona, cuncta firmissimis rationum euidentissimarum munimentis robo-  
 rata, nec non tam cultoribus Subtilitatum **SCOTI**, quàm incumben-  
 tibus animarum saluti, utilisima aduerterimus, æquissimum censemus  
 ne diutius intra claustra Religionis Seraphica deliteat. sed ut celerius  
 typis excusus ad eminentiorem Sanctæ Matris Ecclesiæ exaltatio-  
 nem, ad maiorem Doctoris Subtilis doctrinæ elucidationem, & o-  
 mnium fidelium publicam utilitatem in lucem prodeat. Datum  
 in Conuentu Posnaniensi, ipsis Nonis Septembris 1636.

**Fr. JOANNES NOVENSIS**  
 S. Theologiae Lector Emeritus.

**Fr. HIERONYMVS WOLSTI-**  
**NIVS** S. Theologiae Lector, & in Con-  
 uentu Posnaniensi Ordinarius.  
 Professor.

INDEX.



# INDEX.

## DISPUTATIONVM, QVÆSTIONVM, ET ARTICVLORVM, TABVLÆ NAVFRAGII.

### DISPUTATIO I.

De Pœnitentia vt est virtus.

folio. 2.

QVÆSTIO I. *Vtrum pœnitentia virtus, necessariò requiratur ad deletionem peccati mortalis post Baptismum cõmissi. fo. 2.*

1. An pœnitentia necessariò requiratur post peccatum. 2.
2. Quid maneat in peccatore transeunte actu peccati &c. 8.
- ART. 3. An macula peccati siue reatus possit deleri & quomodo. 17.
4. An ad deletionem peccati requiratur pœna voluntaria. 18.
5. Vtrum pœnitere idem sit quod pœnam tenere. 20.

QVÆSTIO II. *Vtrum actus pœnitendi requisitus ad deletionem peccati mortalis, sit actus alicujus virtutis.*

1. An pœnitere prout est velle vindicare sit actus alicujus virtutis. 22.
2. An detestatio peccati, pœnæ acceptatio, tolerantia pœnæ sit actus alicujus virtutis. 28.
3. An isti 4. actus omnes omninò simul acquirantur. 32.
- ART. 4. An actus pœnitentiæ, qui requiritur ad delendum peccatum mortale, debeat esse genitus à virtute, & formatus gratiâ. 36.
5. An pœnitentia sit virtus supernaturalis, & infusa, vel naturalis, & acquisita. 41.
6. An in statu innocentiz fuisset pœnitentia. 48.

QVÆSTIO III. *Vtrum pœnitentia virtus sit unius pœnæ inflictiuæ.* 50.

### DISPUTATIO II.

De Pœnitentia vt est Sacramentum.

53.

QVÆSTIO I. *Vtrum per pœnitentiæ Sacramentum deleatur culpa.* 53.

1. Vtrum pœnitentia sit Sacramentum. 53.
- ART. 2. Quid sit pœnitentiæ Sacramentum, & quæ ejus essentia. 59.
3. A quonam & quando fuit Sacramentum Pœnitentiæ institutum. 66.
4. Quomodo Sacramentum pœnitentiæ necessarium sit. 69.

QVÆ.



*Index titulorum.*

QVÆSTIO II. *Vtrum ista tria, contritio, confessio, & satisfactio sint partes essentielles Sacramenti Pœnitentiæ.* 70.

DISPV TATIO III.

De Materia & forma Sacramenti Pœnitentiæ.

QVÆSTIO I. *Quenam sit materia Sacramenti Pœnitentiæ.* 72.

1. Quæ sit materia remota Sacramenti pœnitentiæ. 73.
2. Vtrum peccata venialia, possint esse materia Sacramenti pœnitentiæ. 74.
3. Vtrum peccata dubia sint materia sufficiens, & necessaria. 75.
- ART. 4. An peccata semel dimissa, possint esse materia Sacramenti Pœnitentiæ. 76.
5. An pœnitens possit aliqua peccata dimissa confiteri, & aliqua non. 79.
6. An possit is absolui, qui vel nulla peccata habet, vel si habet, nulla tamen confiteretur. 79.
7. Quenam sit materia proxima hujus Sacramenti. 81.

QVÆSTIO II. *Quam sit forma Sacramenti Pœnitentiæ.* 81.

1. Quenam sit forma Sacramenti pœnitentiæ, & quisnam sit sensus formalis ejus. 81.
- ART. 2. Vtrum Sacramentum Pœnitentiæ sit validum, si contingat aliqua mutatio in forma. 87.
3. Vtrum sit validum Sacramentum pœnitentiæ, quando in forma apponitur aliqua conditio. 88.

DISPV TATIO IV.

De Contritione, & Attritione.

1. Quid sit contritio, & Attritio. 89.
- ART. 2. Quæ sit differentia, & conuenientia inter contritionem, & Attritionem. 91.
3. Quomodo ex attrito fiat contritus. 94.

QVÆSTIO II. *De Requisitis ad Contritionem.* 96.

1. An, & quale propositum requiratur in contritione. 97.
2. Vtrum firmitas hujus propositi requirat, vt pœnitens velit vitare omnia peccata, & omnes occasiones peccandi. 98.
- ART. 3. Quantus dolor requiritur ad contritionem. 99.
4. Quomodo Contritio respectu peccatorum est concipienda. 102.

QVÆSTIO III. *De Præcepto contritionis.* 101.

1. An contritio sit sub præcepto, & quali. 104.
2. Quo tempore homo obligatur ad contritionem. 105.

DISPV TATIO V.

De Confessione.

III.

Quæ-



## Index titulorum.

Quæres 1. *An satisfactio habeat aliquem effectum ex opere operato.* 197.

Quæres 2. *Virum opera satisfactoria quæ procedunt, ex meliori, & ferventiori actu, sint magis satisfactoria.* 198.

4. *An poenitens teneatur per se poenitentiam implere.* 199.

**QVÆSTIO IV. De potestate confessarij circa commutationem poenitentiae.** 200.

1. *Virum Confessarius poenitentiam à se impositam possit commutare.* 201.

2. *Virum Sacerdos par, possit ab altero pari poenitentiam impositam commutare.* 201.

**ART. 3.** *Virum Sacerdos superior possit commutare poenitentiam ab inferiore impositam.* 201.

4. *Virum inferior possit commutare poenitentiam superioris.* 203.

## DISPUTATIO VII.

**De Effectibus Sacramenti Poenitentiae.** 205.

**QVÆSTIO I. De Effectu Sacramenti Poenitentiae, circa remissionem peccatorum.**

1. *Virum per Sacramentum Poenitentiae, remittatur culpa mortalis.* 206.

2. *Virum per Sacramentum Poenitentiae, remittantur peccata venialia.* 208.

3. *Virum per Sacramentalia remittantur venialia.* 210.

4. *Virum poenitentiae actus, sit prior infusione gratiae.* 212.

5. *An infusio gratiae, & remissio culpæ, sit vna mutatio, vel duæ.* 213.

**ART. 6.** *Virum prior sit expulsio culpæ, vel infusio gratiae.* 219.

7. *An peccatum de potentia Dei absoluta, possit remitti absq; infusione gratiae.* 221.

8. *Virum Justificatio peccatoris fiat in instanti.* 226.

9. *Quid sit Justificatio, & quænam sint causæ justificationis nostræ.* 227.

10. *Virum Poenitentia facta in extremis, valeat.* 239.

11. *Virum post hanc vitam, possit peccatum dimitti quoad culpam.* 251.

**QVÆSTIO II. De Effectu poenitentiae circa remissionem pænæ debitæ peccati.** 254.

1. *Virum poenitentia remittat culpam, & pænâ.* 254.

**ART. 2.** *Virum post hanc vitam possit dimitti aliquod peccatum quoad pænâ.* 255.

**QVÆSTIO III. De Effectu poenitentiae, quoad irreversibilitatem peccatorum semel dimissorum.** 257.

1. *Virum de potentia Dei absoluta, possibile sit idem numero peccatum redire, quoad culpam, & quoad pænâ.* 257.

**ART. 2.** *Virum de potentia Dei ordinaria dimissum, possit redire.* 259.

3. *Virum remissa redeant peccata, tanquam circumstantia aggravans, ratione ingratitude.* 260.



## Index titulorum.

Quæres. *An ingraticudo, ratione cuius peccata redeunt, sit speciale peccatum, necessario confitendum.* 262.

**QVAESTIO IV. De Effectu Pœnitentiæ, quoad recuperationem gratiæ, virtutum, & bonorum operum.** 263.

ART. 1. Vtrum virtute pœnitentiæ gratia & opera amissa recuperentur. *ibidem.*  
2. Vtrum per pœnitentiam opera mortua, vel mortificata reuiuiscant. 266

## DISPUTATIO VIII.

**De Ministro Pœnitentiæ, & requisitis ejus.** 267.

**QVAESTIO I. Quis sit Minister verus, & proprius Sacramenti pœnitentiæ.** 268

1. Quis sit verus Minister Sacramenti pœnitentiæ, & necessarius. *ibidem*  
2. Quisnam sit proprius Minister secularium 269  
ART. 3. Quæres. *An in Articulo mortis quilibet Sacerdos sit Minister.* 271.  
3. Quisnam sit proprius Minister Regularium. 273.

**QVAESTIO II. De conditionibus Ministri pœnitentiæ.** 276

1. Qualis potestas, & scientia requiratur in Ministro pœnitentiæ. *ibidem.*  
Quæres 1. *An ad aliqua capita, possit reuocari, scientia Confessario necessaria.* 277.  
ART. 2. Quæres 2. *Vtrum hac scientia sine limitatione requiratur.* 278.  
2. Qualis bonitas, & prudentia, requiratur in Ministro pœnitentiæ. 279.  
Quæres. *An Minister existens in mortali, teneatur pramittere confessionem, ante administrationem sacramentorum.* 280.

**QVAESTIO III. De clauibus, seu auctoritate sacerdotali.** 281

1. Vtrum cuilibet Sacerdoti, in susceptione Ordinis sacerdotalis, conferantur claves regni coelorum, & quæ 281.  
2. An clavis scientiæ, & potestatis sint distinctæ. 284.  
ART. 3. Quid sit potestas jurisdictionis, & an sit distincta à potestate Ordinis 285.  
4. Vtrum potestas clauium extendat se ad remissionem culpæ. 291.  
5. An potestas clauium extendat se ad remissionem pœnæ. 294.

**QVAESTIO IV. An requiratur approbatio in Ministro Pœnitentiæ.** 296.

ART. 1. An approbatio requiratur in Ministro, & per quem fieri debet. 296.  
2. Quamdiu censenda sit durare facta semel approbatio. 299.

**QVAESTIO V. De auctoritate delegata, & facultate eligendi Confessarium.** 300.

ART. 1. Quis, & cui potest delegare facultatem jurisdictionis. 300.  
ART. 3.



*Index titulorum.*

1. An ad jurisdictionem requiratur actualis consensus, vel an sufficiat rati-  
habito. 302.
3. Quinam habeant facultatem à jure eligendi Confessarium. 305.
- QVAESTIO VI. De Casibus reservatis.** 306.
1. Vtrum in Ecclesia sit potestas reservandi peccata. 306.
2. Quinam habeant potestatem reservandi sibi casus, & quam ob causam. 308.
3. Vtrum in Religionibus possint superiores reservare casus ad libitū suū. 311.
4. Quinam habeant potestatem à casibus reservatis. 316.
5. An Religiosi mendicantes per privilegia sibi concessa, possint absolvere  
à Casibus Papæ, & Episcopo reservatis. 318.
- ART. 6.** Vtrum propter casus reservatos dimidiari possit confessio. 323.
7. Vtrum peccata reservata, quorum pœnitens in Confessione superiori  
fuit oblitus, maneat sub eadem reservatione. 327.
8. Vtrum Sacerdos, qui tempore jubilei, absoluit pœnitentem à reservatis,  
si intra tempus jubilei ille pœnitens iterum committat peccata reserva-  
ta, possit vigore jubilei ab iisdem absolvi ab eodem. 329.
- Quæres 1. An reservatio Pontificia, cadat in culpam, vel solum in Censuram,  
vel in virumq.* 309.
- Quæres 2. Qui sunt casus reservati Episcopis.* 310.
- QVAESTIO VII. De obligationibus Ministri Pœni-  
tentie.** 330.
1. An Confessarius obligatur ad audiendam Confessionem, quoties pœ-  
nitens voluerit. 330.
2. Qualem dispositionem Confessarius debet advertere in pœnitente. 331.
- Quæres. Quid faciendum est Confessario, qui advertit pœnitentem, aliquod  
peccatum quod commisit non confiteri.* 333.
- ART. 3.** Vtrum teneatur Confessarius instruere pœnitentem ignorantem. 334.
4. Quid faciet Confessarius si malè absolvat pœnitentem. 336.
5. An aliqua dispositio requiratur in Confessario, & Cœremonia, 338.
- QVAESTIO VIII. De Sigillo Confessionum.** 339.
1. Quò jure teneatur Confessarius ad sigillum confessionis. 339.
2. Quenam cadant sub sigillum confessionis. 341.
3. Quinam teneantur ad sigillum Confessionis. 343.
4. Vtrum Confessarius loqui possit, de auditis in Confessione. 346.
5. Cui, & quando tacendum est peccatum in Confessione acceptum. 349.
- ART. 6.** An sigillum Confessionis extendat se ad sigillum extra confessionē. 350.
- Quæres 1. Quanta sit obligatio servandi sigillum extra Confessionem.* 351.
- Quæres 2. An sigillum Confessionis, differat à sigillo secreti.* 352.
7. An denunciare Confessarium sollicitantem ad inhonestā, sit contra  
sigillum. 353.



DISPUTATIO IX.

De Indulgentiis, & Suffragiis.

355.

QVAES. I. *Utrum in Ecclesia sint Indulgentiae, & quid sint.* 355.

1. Vtrum in Ecclesia sit aliquis spiritualis thesaurus. 355.

2. Ex quo constat hic thesaurus Ecclesiae Spiritualis. 359.

Quaeres. *Quomodo merita reponantur in thesauro Ecclesiae, & alijs applicari possint.* ibidem.

3. Quid sit Indulgentia. 365.

4. Quae sit causa Efficiens Indulgentiarum. 367.

ART. 5. Quis sit effectus Indulgentiarum, & quotuplices indulgentiae. 368.

Quaeres 1. *Quotuplices sunt Indulgentiae.* 370.

Quaeres 2. *Qualis dispositio requiritur in recipiente Indulgentias.* 371.

6. Quae sit causa finalis Indulgentiarum. 372.

7. Quenam sit forma concedendi Indulgentiam. 373.

Quaeres *Utrum forma Indulgentiae tantum valeat, quantum sonat.* 374.

8. Quid sit Iubileus, quatuor conditiones illius. 376.

QVAESTIO II. *De Suffragijs.* 381.

1. Vtrum fideles possint se inuicem iuare per suffragia. 381.

ART. 2. Quae conditiones requirantur in eo qui suffragia offert, & in eo pro quo suffragia offeruntur. 382.

3. Qualis fructus conferatur iis, qui ad merita Religionum admittuntur. 384.

QVAESTIO III. *De Purgatorio.* 385.

1. Vtrum in purgatorio animae purgantur. 385.

ART. 2. Quò loco sit purgatorium. 391.

3. Quà ratione animae in purgatorio iuari possunt. 393.

DISPUTATIO X.

De Censuris Ecclesiasticis.

394.

QVAESTIO I. *De natura causis, & conditionibus Censurae.* 394.

1. Quid, & quotuplex sit Censura. ibidem.

ART. 2. Quenam sint causae Censurae. 395.

3. A quo possit auferri Censura. 397.

QVAESTIO II. *De Excommunicatione.* 398.

1. Quidnam sit, & quotuplex Excommunicatio. 398.

2. Quenam sint Excommunicationes Papales. 400.

Quaeres. *Quae sint Bullae Cerae Domini. 141. In iure.* 406.

3. Quinam possint excommunicare. 413.

ART. 4. Quot sunt, & qui effectus Excommunicationis. 415.

5. De Minori Excommunicatione. 423.

6. Quinam possint excommunicari. 424.

7. De absolutione ab excommunicatione. 426.



*Index titulorum.*

<b>QVAESTIO III. De Suspensione.</b>	428.
1. Quid sit suspensio, & quotuplex.	428.
<b>ART. 2. Quomodo incurratur suspensio, &amp; quamdiu duret.</b>	429.
3. De Effectibus suspensionis, & de absolutione illius.	434.
<b>QVAESTIO IV. De Interdicto, &amp; Cessatione à Diuinis.</b>	437.
1. Quid, & quotuplex sit interdictum.	437.
<b>ART. 2. De casibus quibus incurritur interdictum.</b>	438.
3. De effectibus interdicti, & de ejus absolutione.	440.
4. Quid sit Cessatio à Diuinis.	442.
<b>QVAESTIO V. De Irregularitate.</b>	444.
1. Quid sit, & quotuplex Irregularitas.	444.
2. Quid requiratur ad incurrendam irregularitatem &c.	445.
<b>ART. 3. Quinam sint effectus irregularitatis.</b>	447.
4. Vnde nam contrahatur irregularitas.	448.
5. Quis possit dispensare in irregularitatibus.	454.
<b>QVAESTIO VI. Quid sit degradatio, &amp; depositio.</b>	456.
Quæres. Quæ sit differentia inter censuram, & inter degradationem, cessationem à Diuinis, & Irregularitatem.	457.





# INDEX CONCEPTVVM PRÆDICABILIVM, ET CONTROVERSIARVM.

Quæ in hoc opere continetur.

1. Quid pœnitentia ut virtus necessaria sit ad remissionem peccatorum. fol. 2.
2. Quid sit macula peccati, transeunte actu peccati. 8.
3. Quid non sit necesse, ut actus pœnitentiæ qui requiritur ad delendum peccatum mortale, sit actus genitus ab aliqua virtute, vel formatus gratiâ DEI. 26.
4. Quæ virtus sit pœnitentia, an infusa, vel acquisita. 41.
5. An pœnitentia sit Sacramentum novæ legi. 53.
6. Quid sit Sacramentum Pœnitentiæ. 64.
7. A quonam, & quando institutum est Sacramentum pœnitentiæ. 66.
8. Quomodo Sacramentum pœnitentiæ est necessarium. 69.
9. Quæ sit materia remotâ Sacramenti pœnitentiæ. 73.
10. Quid sit contritio, & attritio. 89.
11. Quæ sunt requisita ad perfectam contritionem. 96.
12. Quando homo obligatur ad Contritionem. 105.
13. Quid sit; Confessio Sacramentalis. 117.
14. Quo jure præcepta sit Confessio Sacramentalis. 115.
15. Quæ peccata tenentur fideles confiteri, & quid sit peccatum. 122.
16. Quæ sit differentia inter peccatum mortale, & veniale. 125.
17. Quæ, & quot viæ sint ad cognitionem peccati mortalis. 128.
18. Quæ circumstantia in Confessione exprimenda. 132.
19. Quanam conditiones requirantur ad Confessionem. 144.
20. Quid sit, & quotuplex sit conscientia. 153.
21. Quid sit scrupulus, & quæ remedia contra eum. 153.
22. Quando iteranda est Confessio. 162.
23. Quibus de causis excusentur fideles à Confessione. 164.
24. An



24.	An remissa culpa, remaneat poena exolucenda per satisfacti- tionem.	157.
25.	Quid sit satisfactio Sacramentalis, & an reconciliet Deo.	169.
26.	An per opus poenale debeat fieri satisfactio.	174.
27.	Quanta debeat imponi satisfactio Sacramentalis.	178.
28.	Quenam, & quot sunt opera satisfactoria.	182.
29.	An pro poenitentia possit imponi opus alias preceptum.	184.
30.	An poenitens teneatur poenitentiam acceptare, & implere.	187.
31.	An poenitens teneatur in statu gratiae poenitentiam implere.	194.
32.	Quos effectus parit Sacramentum poenitentiae.	206.
33.	An Sacramentalia remittant venialia.	210.
34.	An prior sit expulsio culpa, vel infusio gratiae.	219.
35.	Quid sit Justificatio, & qui errores haereticorum circa justifi- cationem.	227.
36.	Varia nomina gratiae explicantur.	233.
37.	Quenam sint Cause Justificationis.	237.
38.	Utrum poenitentia in extremis facta valeat.	239.
39.	Quod poenitentia remittat culpam, & poenam.	254.
40.	Quod peccata semel dimissa non redeant.	259.
41.	Quod peccata semel dimissa, secundum quid ratione ingratitu- dinis redeant, ubi de gradibus ingratitudinis ex Seneca.	261.
42.	Quod virtute poenitentiae gratia Dei, & omnia merita amif- sa per peccatum reparentur.	263.
43.	Quae conditiones requiruntur in Ministro Poenitentiae.	276.
44.	De clauibus seu auctoritate Sacerdotali.	28.
45.	Utrum in Ecclesia sit aliquis Spiritualis thesaurus, seu Indul- gentiae.	355.
46.	Ex quo hic thesaurus spiritualis constat.	359.
47.	Quid sit Indulgentia.	365.
48.	Quae sint cause Indulgentiarum Efficiens. Finalis, & forma.	367. 373.



49. Qualis dispositio requiratur in recipiente Indulgentias. 371.  
 50. Quid sit Jubilæus, quæque conditiones illius. 376.  
 51. An fideles possint se inuicem per suffragia iuare. 38.  
 52. Quæ conditiones requiruntur in eo, qui suffragia offert, & in eo, pro quo suffragia offeruntur. 382.  
 53. An aliqua anima post hanc vitam in purgatorio, poenis temporalibus expientur. 385.  
 54. Quo loco sit purgatorium. 391.  
 55. Quâ ratione anime in purgatorio nostris suffragiis iuari possint, & quibus. 393.  
 56. Quid sit excommunicatio, & ubi adumbrata. 399.  
 57. Quid sit hæresis, & quotuplex. 403.  
 58. Quot sunt, & qui effectus excommunicationis. 415.



TRACTA



TRACTA



inu  
vt f  
fect  
nec  
vt e  
pan  
fer  
poen  
Poen  
fere  
per  
tiar  
gra  
10.  
tia  
teri  
Con  
teni  
9. d  
ticu



# TRACTATUS DE POENITENTIA.

## PROOEMIUM.

**E**tsi omnes Tractatus Theologici sint scitu digni ac nobiles, tamen Tractatus de Poenitentia omnibus aliis est scitu dignior, & utilior, omni enim loco, omni tempore, omniq; hominum statui conuenit; ubi enim & quem inueniemus, qui cum prima Baptismi tabula post naufragium ita seruetur, vt secundâ poenitentiae tabula non indigeat? Nullibi, & nullum profectò. Vnde nec panis vitae, nec medicina ægro, nec nauis nauigaturo, nec alæ volaturis auibus magis necessaria, quàm poenitentia peccatoribus, vt ex hac vita ad æternam transeant, potest enim Deus nutrire sine pane, sanare sine pharmacis, potest sine naui in ulteriorem ripam transferre, potest facere, vt sine alis quis volet, at saluare non potest sine poenitentia peccatorem potestate ordinaria. Quare cum Tractatus de Poenitentia sit iucundus, utilis, ac summè necessarius, eum in lucem proferendo, in omnibus sequemur mentem Doctoris subtilis, quem ipse per nouem distinctiones incipiendo, à Distinctione 14. libri 4. sententiarum vsq; ad distinct. 22. inclusuè protrahit: Nos verò claritatis gratia, præsentem Tractatum non recedendo à mente Doct. subtilis in 10. Disputationes diuidemus. *In 1. Disputatione tractabimus de Poenitentia vt est virtus. In 2. de Poenitentia vt est Sacramentum. In 3. de Materia & Forma Sacramenti Poenitentia. In 4. De Contritione. In 5. de Confessione. In 6. de Satisfactione. In 7. de Effectibus Sacramenti Poenitentia. In 8. de Ministro Sacramenti Poenitentia, & de requisitis eius. In 9. de Indulgentiis & suffragiis. In 10. de Censuris in communi, & in particulari.* Porro vnamquamq; disputationem secundùm necessitatem, & exigentiam diuidemus in aliquot quæstiones, tandem Quæstiones in Articulos; in Articulis verò aliqua Quæstiones, & petita proponemus.



# DISPUTATIO I.

## De Poenitentia vt est virtus.

Præsentem Disputationem in tres Quæstiones diuidemus. In 1. quaeremus. Vtrum Poenitentia necessariò requiratur ad deletionem peccati mortalis commissi post Baptismum. In 2. Vtrum actus poenitendi requisitus ad deletionem peccati mortalis sit actus alicujus virtutis. In 3. Vtrum Poenitentia sit virtus vnius tantum poenæ inflictivæ.

### QVÆSTIO I.

Vtrum Poenitentia virtus necessariò requiratur ad deletionem peccati mortalis post Baptismum commissi?

Præsentem Quæstionem in 5. Articulos diuidemus.

In 1. principale quæsitum inquiremus.

In 2. Quid maneat in peccatore transeunte actu peccati &c.

In 3. An macula peccati siue reatus possit deleri & quomodo?

In 4. An ad deletionem peccati requiratur poena voluntaria?

In 5. Vtrum poenitere idem sit quod poenam tenere.

### ARTICVLVS I.

Vtrum Poenitentia virtus necessariò requiratur ad deletionem peccati mortalis post Baptismum commissi?

NOTA 1.  
Duplex necessarium.

NOTA 1. Duplex est necessarium, simpliciter, & ex suppositione: de vtroque procedit difficultas, & consequenter de Potentia DEi absoluta, & ordinaria; idq; de peccato actuali commissio post Baptismum, non de originali.

Poenitentia  
unde dicta.

NOTA 2. Poenitentia nomen accepit à Verbo poenitere, quod significat poenam tenere; id est punire in se peccata commissa, & sic poenitentia dicitur, quasi poenæ tenentia, ut observat S. Aug: & habetur in jure cap. Poenitentia. 2. de poenitent: dist. 3. quia homo per poenitentiam poenam subit, & in se punit peccatum, dolendo; vnde S. Gregorius homil. 34. in Euangelia dicit: Poenitentia est mala plangere, & plangendo



plangenda iterum non admittere. Porro à SS. Patribus dicitur Pœnitentia secunda post naufragium tabula, quia per ipsam eripimur à secundo naufragio, cum enim nomine primi naufragij intelligatur lapsus totius naturæ humanæ in primo Parente per peccatum originale, & ab hoc naufragio per Baptismum liberemur, optimè Baptismus appellatur prima tabula, quatenus verò per pœnitentiam à naufragio peccatorum actualium liberamur, jure pœnitentia secunda post naufragium tabula nuncupatur. Ita S. Thom. in 4. distin. 14.

NOTA 3. Nomen Pœnitentiæ dupliciter vsurpatur à Theologis, vel ut est virtus, vel ut Sacramentum, quæ inter se partim conveniunt, partim differunt. Differunt 1. Quia Pœnitentia ut est virtus, potest esse in quolibet homine; pœnitentia ut Sacramentum in solo baptizato. Secundo Pœnitentia ut virtus, est vel in genere habitus, vel actus; ut verò Sacramentum, in ratione signi consistit, cum sit signum sensibile. Tertio Pœnitentia ut virtus, potest esse actus interior voluntatis: ut verò est Sacramentum, debet esse actus exterior, cum consistat in signo sensibili. Quarto. Antiquitate, quia ut virtus fuit necessaria hominibus statim post lapsum, ut Sacramentum verò à Christo Domino instituta. Conveniunt autem. Primo In notione nominis, est enim illis commune nomen Pœnitentiæ, quod à pœna nuncupatum est, ut idem sit pœnitere, quod pœnam tenere juxta S. Aug. Secundo Quia utraq; est necessaria ad deletionem peccati mortalis. Tertiò Quia utraq; circa peccatum actuale versatur. Quarò Quia utraq; debet esse in homine utente ratione.

DICO I. DEVS secundum potentiam absolutam, posset delere culpam sine pœnitentia. Ita D. Subt. in 4. dist. 14, q. 1. Prob. Quia DEVS secundum potentiam suam absolutam potest velle non punire peccatorem absq; omni actione peccatoris. Ergo pœnitentia non est simpliciter necessaria secundum potentiam Dei absolutam. Probr. 2. Idem non potest separari ab eodem, accipiendo uniformiter identitatem, & separationem, nempe si realiter, realiter: si ratione, ratione: quia hoc includit oppositum primi principij, scilicet quod idem ut est idem, simul sit, & non sit. Sed remissio culpæ, & pœnitentia de culpa, non sunt essentialiter idem. Ergo possunt separari ab invicem. Ergo potest esse remissio culpæ absq; pœnitentia. Minor Probat. In statu innocentiz potuit infundi gratia homini, & potuit homo diligere à Deo, & tamen nullus ibi fuisset actus pœnitentiæ, quia nullum fuisset peccatum, de quo



quo potuisset esse pœnitentia. Confirmatur Quia dimissio culpæ posset separari ab actu pœnitentiæ, quia qualem DEVS potuit creare hominem, talem potest DEVS de potentiâ sua absolutâ reparare. Sed potuit DEVS se solo creare hominem in puris naturalibus. Ergo potest eodem modo se solo absq; pœnitentia, vel aliquo actu pœnitentiæ peccatorem restituere in puris naturalibus. Confirmatur 2. Quia hæc repugnantia quæ est post peccatum, est moralis, & non potest provenire, nisi ex ratione status, qui est lex, & decretum DEI, quo statuit homini existenti in peccato sine pœnitentia non infundere gratiam, ideo bene sequitur quod de lege ordinaria non potest infundi homini gratia: at secundum potentiam absolutam, quæ legibus ordinariis non subiacet, non repugnat homini existenti sic in peccato infundere gratiam. Confirmatur 3. Quia homo existens in peccato, post actum peccati, nec actu, nec virtualiter, DEVM offendit, neq; tunc retractat actum peccati, sed merè negatiuè se habet.

Probatur 2. Actus pœnitentiæ peccatoris, non requiritur ad deletionem peccati, tanquam forma per seipsam formaliter excludens culpam, sed tanquam dispositio congrua ex natura rei, & ordinatione Diuinâ. Sed non implicat Deum producere formam quamecunq; in subiectum absq; præiua dispositione, quod patet in formis naturalibus. Ergo. Confirmatur In vnione hypostatica secundum legem ordinariam, natura assumpta à Verbo statim sanctificatur, & repletur gratia. Atqui secundum omnes potuisset Verbum assumere naturam hominis peccatoris. Ergo in tali vnione peccatum dimitteretur homini illi sine actu pœnitentiæ: quia assumptio ista fieret in instanti. Ergo si illa natura in toto priori tempore vsq; ad instans assumptionis mansit in peccato, in instanti assumptionis non potuit habere actum pœnitentiæ, quia actus ille non potest haberi in instanti, cum nulla creatura possit operari in instanti.

DICES 1. Deum remittere peccatum mortale homini, est eum in gratiam & amicitiam suam recipere, ac illum diligere. Sed per nullam potentiam potest homo reuocari in amicitiam Dei, & ab eo diligeri, nisi fiat iustus, & bonus: Atqui adultus non potest fieri iustus & bonus, nisi conuertat voluntatem suam in Deum, quæ conuersio non potest fieri nisi per detestationem peccati. Ergo impossibile est remitti peccatum sine pœnitentia. Minor Probatur Quia Deus per suam potentiam non potest



*Tractatus de Penitentia.*

potest diligere quidquam, nisi bonum, quod intellectus ostendit illi esse bonum. RESPONDEO Supponendo bonitatem, & malitiam non esse in re ex se, sed ex ordinatione DEI: quia illud est malum quod est prohibitum à Deo, & illud est bonum, quod est volitum à Deo. Minor itaq; est falsa de potentia Dei absoluta, potuisset enim Deus secundum hanc potentiam ordinare hominem peccantem esse bonum, quia extra Deum nihil est bonum, nisi illud quod voluntas Diuina vult, ideo, enim intellectus Diuinus apprehendit ad extra totum illud sub ratione boni, quod voluntas Diuina determinat esse bonum. Assumptum falsum est de potentia DEI absoluta, quia homo absq; tali conuersione posset esse iustus & bonus.

DICES 2. Non potest fieri transitus à contradictorio in contradictorium, vel à contrario in contrarium sine aliqua mutatione in extremis. Sed homo post peccatum est iniustus, & inimicus DEI, dimisso autem peccato est iustus, & amicus Dei. Ergo necesse est, quod hic aliqua facta sit mutatio, quæ non est aliud, nisi detestatio peccati; quia conuersio ad creaturam, & auersio à Deo est ipsum peccatum. Ergo impossibile est dimitti peccatum absq; poenitentia actu. RESPONDEO Quod in hac mutatione, qua homini deletur peccatum, & fit gratus Deo, sine actu poenitentia, fit mutatio in altero extremo scilicet in homine, quia illi infunditur gratia habitualis, quæ ipsum reddit iustum, & gratum Deo.

DICO 2. Poenitentia habitualis, non est necessaria etiam de potentia DEI ordinaria ad deletionem culpæ mortalis. Probatur Quia alicui remittitur peccatum ad vnum solum actum contritionis, vel poenitentia, quæ est displicentia, vel detestatio ipsa peccati; ex quo tamen vnico actu non generatur habitus virtutis poenitentia, nec est necessario elicitus à virtute, sed prior virtute, & generatiuus illius secundum aliquem gradum. Tum quia poenitere importat actum, non habitum, quia idem est quod poenam tenere, tenere autem dicit actum, non habitum. Ergo.

DICO 3. De lege DEI ordinaria, necessario requiritur ad delendum peccatum mortale poenitentia, seu punitio voluntaria. Probatur Quia illud est necessarium de lege ordinaria, quod est ordinatum à lege Diuinæ sapientia. Sed inter leges Diuinæ sapientia, hæc est vna, vt peccatum non deleatur nisi per poenitentiam. Ergo. Minor patet ex locis Sacrae scripturae *Nisi poenitentiam egeritis omnes simul peribitis. Luca 13. S. Petrus*

*Poenitentia  
habitualis  
non est ne-  
cessaria.*

*Punitio vo-  
luntaria est  
necessaria  
ad delendum pecca-  
tum.*



prædicans Iudæis, & ex prædicatione compunctis de occisione Christi Domini, & quærentibus modum delendi suum peccatum, dixit *Penitentiam agite, & baptizetur unusquisque vestrum. Act. 2. Apocalyp. 2. Memor esto itaque, unde excideris & age penitentiam. Ezechielis 18. Si impius egerit penitentiam omnium iniquitatum ejus amplius non recordabor. Confirmatur 1. ex Tridentino sessione 14. cap. 4. ubi dicitur. Fuit autem omnitem-pore necessarius hic motus ad obtinendam peccati veniam. Confirmatur 2. ex SS. PP. S. Hieronymus Epistola 2. ad Demetriadem appellat penitentiam secundam tabulam post naufragium. S. Chrysost. Homil. 10. ait. Penitentia sola est quæ rectam facit viam, quæ in peccato erat obliqua. Hinc.*

*De Peniten-  
tia est præ-  
ceptum Dei*

Collige Præceptum esse Dei de poenitentia facienda Matth. 13. *Penitentiam agite appropinquavit vobis regnum cælorum: Hoc autem præceptum continetur in Decalogo virtualiter, formaliter, verò in multis locis sacra scripturae clarius patebit Disp. 4. quæstione 3. Articulo 1. Dixi in conclusione. (Requiritur poenitentia seu punitio voluntaria) quia certum est peccatum, non deleri quacunque poena, ut patet de poena damnatorum in inferno. Ergo poena voluntaria requiritur ad dele-tionem peccatorum. Patebit Artic. 4. Dico 4. Cessante actu interiori, & exteriori, cessat esse peccatum, quia peccatum nihil est aliud, nisi deordi-natio in actu interiori, & exteriori. Ergo ad delendum illud non neces-sario requiritur poenitentia. RESPONDEO Peccatum transi-re in se, quia peccatum est actus ipse cum illa deformitate, remanet ta-men quoad maculam, & reatum.*

*Actus peni-  
tentia sit  
formalis*

Dico 4. Bonum esset ut iste actus poenitentia sit formalis; non tamen semper necesse est, ut sit formalis sed sufficit virtualis, Pro in-telligentia.

*sufficit vir-  
tualis*

NOTA Per poenitentiam formalem intelligitur actus aliquis ex quatuor, nimirum velle vindicare peccatum à se commissum: detestari à se peccatum commissum, poenam grater acceptare; & poenam in-flictam patienter ferre; maxime verò consistit in vindicatione, & detesta-tione peccati commissi, & tristitia, seu dolore de commissione illius, Porro poenitentia virtualis est actus, qui virtualiter continet dolorem de peccato commissio, licet actu homo de peccato non cogitet, nec dole-at, ut est actus Martyrii Prima pars indicatur in SS. literis. Joelis 2. Con-vertimini ad me in toto corde vestro, in jejuniis, & planctu. Matthæi 3. Facite fructus dignos poenitentia. Confirmatur. Quia homo peccando auertit se

à Deo



à Deo, ideò ad delendum peccatum, oportet vt conuertatur ad DEVM, & auertat se à creatura: quod fit per actus formales poenitentia. Secunda pars patet quia poenitentia formalis, non est ita medium necessarium, vt virtuale omninò excludat, & quodcunq; aliud medium, quia reperiuntur aliqua alia media sufficientia ad delendum peccatum mortale post Baptismum commissum, quæ non sunt formaliter actus poenitentia, sed tamen illum virtualiter includunt, & ideò dicuntur poenitentia virtualis. Tertia pars Probatur primò, quia peccata mortalia absq; vilo actu formali delentur per Martyrium: V. G. si aliquis raperetur ad Martyrium sustinendum, vbi fortè non esset cogitatio de aliquo peccato mortali prius commisso, nec aliquod poenitere formale, benè tamen virtuale. Sed in tali casu per Martyrium deleteretur peccatum commissum. Ergo non est semper necessarius actus poenitentia formalis, sed sufficit actus poenitentia virtualis. Minor patet, quia in tali casu faceret id, quod est necessarium ad salutem, nempe seruaret fidem, & fortiter sustineret mortem pro Christo Domino. Ergo. Confirmatur ex Doct: Subtili qui in 4. dist. 63 q. 6. inquit. *Fortè Martyres in actu sustinendi Martyrium non habebant usum rationis, quia grauitas poenarum illum adimebat, & consequenter, neg; detestationem peccati.* Ergo poenitentia virtualis in hoc casu sufficebat: dummodo Martyr nullam tunc temporis habuerit cogitationem, vel recordationem peccati mortalis. Quod si aliqua cogitatio venit Martyri de aliquo peccato commisso, non sufficebat Martyrium, sed requirebatur poenitentia formalis, vel perfecta, vt est contritio, vel imperfecta, vt est attritio. Quod in tali casu sufficiat Attritio Probatur. Martyrium est Baptismus sanguinis, & est æqualis Baptismo Aquæ, quoad remissionem culpæ, & poenæ. Sed in Baptismo fluminis sufficit attritio ad delenda peccata. Ergo & in Baptismo Sanguinis. Confirmatur 2. S. Aug. lib. 13. de Ciuitate Dei c. 7. ait. *Quicumq; etiam non percepto regenerationis lauacro pro CHRISTI confessione moriuntur, tantum eis valet ad dimittenda peccata, quantum si abluerentur sacro fonte baptismatis.* Idem tractatu 84. in Ioannem inquit. *Iniuria est pro Martyre orare, cuius nos debemus orationibus commendare.* Probatur 2. principaliter tercia pars conclusionis. Potest aliquis obliuisci peccatorum facta etiam diligenti examinatione. Atqui in tali casu peccata delentur sine poenitentia formali. Ergo. Probatur 3. Potest DEVS per aliquem motum feruentem dilectionis in Deum dimittere peccatum, vt docet D. Sub

*Sufficit poenitentia virtualis*

*Sufficit attritio in Martyrio*



D. Subt. in 4. dist. 14. q. 1. art. 3. § Ex his ad solutionem. Ergo. Confir-  
matur 1. Actus charitatis comprehendit omnes actus præceptorum Dei,  
& in impletione illius, impleri totam legem, quia in præcepto dilectionis  
continetur vniuersa lex, & prophetæ. Ergo etiam includit nedum cessa-  
tionem à peccatis, sed etiam detestationem illorum virtualiter.

COLLIGE Pœnitentiam formalem esse remedium ordinarium  
necessarium ad delenda peccata, & necessitate medii, & necessitate præ-  
cepti, si potest homo, & est occasio, & recordatur, dantur tamen reme-  
dia extraordinaria, vt Martyrium, & dilectio Dei super omnia, semper  
tamen poenitentia adhibenda est, dum est occasio ratione præcepti.

## ARTICVLVS II.

*Quid maneat in peccatore transunte actu peccati, à quo deno-  
minatur peccator?*

Prima opinio asserit quòd illud manet quòd in peccatore transunte ac-  
tu peccati est quædam macula, quæ est carentia, & priuatio gratiæ habi-  
tualis. Est Soti in 4. dist. 15. q. 1. Medina p. 2. q. 86. Caietani *ibidem*. Probatur  
1. Quia peccatum est priuatio. Ergo necesse est, vt illud quo quis est pec-  
cator sit priuatiuum. Sed peccator post peccatum habet maculam pec-  
cati, qua est malus. Ergo illa macula peccati est priuatio gratiæ habi-  
tualis. 2. Peccatores dicuntur esse Deo abominabiles. Osee. 9.  
Sed non sunt abominabiles ex eo, quia sunt deputati ad poenam. Ergo ex  
macula.

Secunda opinio asserit quod istud derelictum in anima, à quo ho-  
mo dicitur peccator, non est priuatio gratiæ habitualis; nec est quid  
reale absolutum, vel relatiuum derelictum ab actu peccati. Neq; est e-  
longatio à Deo, sed est relatio rationis. Est D. Subt. in 4. dist. 14. quest. 1. §.

*Hic tria sunt videnda. Pro intelligentia.*

Duplex ju-  
stitia

Duplex in-  
justitia

NOTA 1. Duplicem esse iustitiam. Vna est habitualis scilicet gra-  
tia, & charitas, quod idem est apud D. Subt; alia est iustitia actualis,  
& est actus, elicited, vel imperatus à voluntate conformis rationi rectæ.  
Huic iustitiæ duplici, duplex opponitur iniustitia. Vna habitua-  
lis, & est priuatio gratiæ: altera actualis, estq; actus elicited, vel impera-  
tus, à voluntate difformis rectæ rationi. Dicit itaq; Doctor quod pec-  
cator non denom natur ab vilo istorum. Non ab iniustitia actuali, quia  
cessante



cessante actu peccati, hæc injustitia non est, & tamen peccator dicitur esse peccator. Neq; ab injustitia habituali, quia hæc per primum peccatum mortale introducit, non autem per alia sequentia peccata, & sic illa non haberent propriam injustitiam derelictam à qua peccator denominetur peccator ratione subsequen-  
tium peccatorum.

NOTA 2. Non negat absolutè D. Subt. hominem esse, & dici peccatorem ab injustitia habituali: sed negat dici peccatorem à sola injustitia habituali: ita expressè docet loco citato: neq; etiam negat absolutè injustitiam actualem concurrere, nam etiam illa aliquomodo concurrat, quod diligenter notandum est propter Thomistas, qui non rectè sententiam D. Subt. percipiunt.

*Ab injustitia  
habituali de  
nominatur  
peccator, pec-  
cator*

DICO 1. Macula peccati non est absolutè priuatio gratiæ, siue injustitia habitualis sola, formaliter. Probat 1. Si macula esset injustitia habitualis, sequeretur quod qui commisisset duo millia peccatorum mortaliū, & qui vnum essent æquè peccatores intensiue. Consequen-  
tia patet quia in eis tota gratia, quantum ad intensionem, & sola ipsa quantum ad extensionem amittitur, tam in eo, qui commisit vnum peccatum, quam in eo, qui duo millia, & idè essent æquales peccatores. Respondent Thomistæ Quod macula non est priuatio nuda, & pura sed est priuatio in ordine ad causam scilicet ad peccatum à quo causatur. Exemplificant. V.G. vmbra est priuatio luminis ex objectione alicujus corporis inter Solem, & aerem illuminatum, vnde sicut ex diuersitate ob-  
jectorum diuersificantur vmbre, ita macula peccati est priuatio decoris gratiæ ex actu peccati interposito. & sic secundum diuersitatem peccatorum, maculæ sunt majores, & minores. Contra Macula non potest suscipere magis, vel minus, nec in respectu ad gratiam, nec in respectu ad peccatum, quod indè patet quia priuatio, & habitus sunt ejusdem rationis, ita quod priuatio respondet proportionaliter habitui, & formæ, cuius est priuatio; priuationes enim distinguuntur, & cognoscuntur per habitus, & formas quibus opponuntur. Ex quo sic arguo. Illa priuatio, suscipit magis, ac minus, cuius habitus, & forma suscipit magis & minus; & illa non suscipit magis & minus, cuius forma non suscipit magis, nec minus. Sed sic est quod macula per aduersarios est priuatio gratiæ habitualis quæ non suscipit magis & minus. Ergo macula non suscipit magis, & minus: quia magis & minus, in macula & priuatione sumitur

*Macula non  
est injustitia  
habituali  
formaliter.*

*Priuatio non  
suscipit ma-  
gis, nec mi-  
nus.*



penes formam cui opponitur, & cuius est priuatio, non penes relationem ad causam efficientem destruente formam, & causantem priuationem. Confirmatur quia etsi charitas & gratia habitualis augeatur, tamen non potest diminui, nec remitti, sed cum corrumpitur tota corrumpitur, ut omnes Theologi docent, maxime S. Thomas 2. 2. q. 24. art. 12. Sic ergo V. G. Anima rationalis non suscipit magis, vel minus, sed requirit certum gradum in organizatione corporis, quo ablato, à corpore recedit, ideo ita interficitur animal vnico vulnere destruente gradum illum, sicut centum vulneribus, nec dicitur magis occisus, nec magis mortuus, qui occisus est vnico vulnere, quam qui centum. ita charitas siue gratia cum consistat in indiuisibili gradu, quia non diminuitur, peccatum vnum mortale, ita occidit animam spiritualiter, & priuat illam gratia Dei, ac si essent plura peccata, quia priuatio commensuratur habitui. Exemplum de vmbra allatum confirmat nostram Conclusionem loquendo de diuersis corporibus respectu eiusdem partis aeris, & luminis, falsum est diuersa corpora causare diuersas eiusdem rationis vmbas: nam in eadem parte aeris, licet possint esse diuersae priuationes diuersarum rationum, & diuersarum formarum, ut tenebrae, & silentium, non possunt tamen esse diuersae priuationes eiusdem formae, & eiusdem luminis, V. G. Si corpus opacum vnum interponatur inter aërem & Solem, priuat aërem lumine, vnde licet aliud corpus opacum interponatur, & iterum aliud, si vnum quodq; illorum & æquè adæquatè est opacum, & adæquatè priuat aërem lumine, priuatio luminis nec à secundo, nec à tertio procedit. **COLLIGE** Macula peccati non est carentia gratiae in ordine ad peccatum, aliàs macula vnus peccati expelleretur per alterum peccatum, quod est impossibile: V. G. odium Petri summum, pelleretur per summam dilectionem Petri.

*Macula non  
est elongatio  
à Deo.*

**DICO 2.** Macula in peccatore non est elongatio à Deo. Probatur quia elongatio à Deo est idem quod priuatio gratiae. Sed priuatio gratiae sola non est macula. Ergo elongatio non est macula. Quod si per elongationem à Deo intelligat aliquis carentiam rectitudinis actualis, etiam eius opinio non est sustinenda, quia illa rectitudo, non est nata manere, nisi manente actu, vnde etiam si transacto actu illius priuatio adsit, illa tamen priuatio non est macula à qua quis dicatur peccator.

*Macula non*

**DICO 3.** Macula qua homo verè dicitur pollutus non est denominatio

natio e  
ret. Q  
qua re  
dimit  
extrin  
de etia  
manet  
minati  
I  
nihil a  
obliga  
essenti  
fundat  
tur. N  
ab ista  
relatio  
Non p  
ta anin  
furgit  
relatio  
extrin  
te exte  
realis,  
qua ca  
dicitur  
Diuin  
missiu  
quà ad  
nō pot  
causa a  
I  
esse pe  
Quia  
tio ad  
ad ill  
malice



natio extrinseca proueniens ex peccato præterito, non retractato. Pa-  
tet. Quia sequeretur quod peccator ex parte rei non esset maculatus ali-  
qua re reali, vel rationis existente in peccatore, quod est falsum: quia cum  
dimittitur peccatum sequeretur non auferri, nisi illam denominationem  
extrinsecam, quæ denominatio extrinseca, nihil ponit in peccatore, vn-  
de etiam post retractatum peccatum adhuc illa denominatio extrinseca  
manet in peccatore, & tamen illa non est macula, & ideo sola illa deno-  
minatio non est macula.

*Pa-  
est denomi-  
natio extrin-  
seca.*

Dico 4. Peccator non denominatur à reatu quodam culpæ, qui  
nihil aliud sit, nisi quædam obligatio ad pœnam debitam illi culpæ, quæ  
obligatio sit respectus realis fundatus non super actum culpæ, sed super  
essentiam animæ, præuia tamen culpa actuali. Sicut V. G. Paternitas  
fundatur in potentia actiua patris mediante actu generationis. Proba-  
tur. Nulla relatio realis fundata super actum culpæ manet in illo. Ergo  
ab ista non potest dici aliquis peccator. Antecedens patet quia si esset  
relatio realis, vel esset relatio intrinsecus, vel extrinsecus adueniens.  
Non primum quia illa positis extremis in esse statim insurgit. Sed posita  
animæ essentia, & posita pœna ordinata in pœnam talis peccati, non in-  
surgit obligatio in essentia ad talem pœnam nisi fiat peccatum. Ergo hæc  
relatio non est realis, & intrinsecus adueniens. Non 2. Quia relationes  
extrinsecus aduenientes non insurgunt virtute extremorum, sed ab agente  
externo producantur. Sed istius obligationis non potest dari actio  
realis, nec agens reale: Ergo. Minor patet. Si istius actionis daretur ali-  
qua causa, vel esset DEVS, vel anima. Non DEVS: quia nulla anima  
dicitur peccatrix præcisè ab illo quod est terminus immediatè actionis  
Diuinæ, quia tunc DEVS diceretur esse causa peccati per se, & non per-  
missiua. Non anima, quia illa nullam aliam habet actionem, nisi eam,  
quæ actus peccati producit. Atqui illa actio transit, & consequenter  
nō potest esse causa relationis alicuius, quæ maneat post illam, quia ablata  
causa auferitur effectus eius, ideo illa actio non producit relationem.

*Macula non  
est relatio  
realis.*

Dico 5. Istud derelictum in anima, à quo homo est, & dicitur  
esse peccator, non potest esse aliquid reale absolutum. Probatur.  
Quia istud reale absolutum, vel esset habitus vitiosus, vel dispositio  
ad habitum vitiosum. Sed habitus vitiosus, & dispositio  
ad illum non possunt esse illud, à quo quis dicitur, estq; for-  
maliter peccator: quia habitus quantumcunq; radicati, vt

*Macula non  
est reale  
quid abso-  
lutum.*



experientia videmus, nisi actibus firmentur, cessant cursu temporis: Atqui illud à quo peccator dicitur peccator, post actum peccati, non desinit esse per quantumcunq; tempus, licet actus similes non adjiciantur, donec peccator pœnitentiam fecerit. Tum quia de multis viris justificatis constat, quod post suam conuersionem habebant vitiosos habitus, non tamen erant peccatores. Tum quia cessantibus actibus peccaminosis habitus naturaliter desineret esse, & sic aliquis naturaliter posset justificari, quod est falsum.

*Quid sit  
macula for-  
maliter*

*Est Ens ra-  
tionis.*

DICO 6. Illud à quo quis formaliter dicitur peccator est ratio-  
 nis fundata in anima hominis peccatoris, in quantum est subjectum  
 intellectus, & voluntatis Diuinæ ordinantis eam ad pœnam correspon-  
 dentem peccato, eo quia commisit peccatum. Explicatur Quando  
 intellectus Diuinus vidit hominem peccasse, contra suam legem, vo-  
 luntas Diuinæ ordinat illum ad pœnam correspondentem tali peccato,  
 pro omni tempore, donec culpa, sit soluta pœna, Ergo offensa ista quâ  
 quis post actum peccati est peccator, est tota ista realitas, siue aggrega-  
 tio omnium istorum, tam entium realium, quàm rationis, nempe vi-  
 sio actus peccati, & ordinatio animæ ad pœnam correspondentem pec-  
 cato debitam, durans donec retractetur. Ex quo habetur quod or-  
 dinatio ipsa ad pœnam propter peccatum, realiter est actus Diuinæ vo-  
 luntatis, & sic hæc macula est quid reale, prout verò transit super obje-  
 ctum obligatum, & ordinatum ad debitam pœnam est ratio rationis  
 in Deo, nam in Deo actus ad extra est rationis, non realis, vt probat  
 Doctor Subt. in dist. 30. 1. Exemplificat rem Doctor in textu in 4. dist. 14.  
 à simili de aliquo Principe magno, quem si aliquis offendat, cessante  
 illo actu, nihil est in ipso quod prius non fuit, propter quod modo dica-  
 tur inimicus, & non prius sed tantum in voluntate Principis offensus est  
 actus transiens super ipsum, & per hoc in ipso, vt in objecto voluto, vel  
 ordinato ad talem pœnam, resultat ratio rationis. Probatur conclu-  
 sio 1. ex S. Augustino qui super Psalmum 31. *Beati quorum remissa sunt ini-  
 quitates & quorum tecta sunt peccata*: ait *Quod Deum videre peccata est  
 ad pœnam imputare; auertere faciem suam à peccatis, est ad pœnam illa non  
 reservare.* Ergo ex Augustino idem sunt videre Deum peccata, velle  
 punire peccata; & non videre peccata, & obliuisci illorum, est remissa  
 esse peccata. Ergo hinc sequitur, esse aliquem in peccato, est esse ob-  
 jectum Diuinæ voluntatis, & Diuini intellectus, quatenus ipsum vult  
 puni-

1. Ratio.

punire  
 Diuin  
 qui est  
 volitu  
 linqui  
 nã, v  
 COLL  
 nõ de  
 S. Aug  
 quasi  
 me vi  
 recora  
 gerit p  
 dabor  
 quit, l  
 lat, e  
 esse pe

re De  
 torem  
 sma C  
 pecca  
 sine p  
 fit dig  
 tor ob  
 ex Ca  
 tis, &  
 Ergo  
 ex pa  
 cator  
 creat  
 nem

R  
 Et sub  
 C  
 explic



punire: mundari autem à peccato, & justificari, est non esse objectum Diuini intellectus, & voluntatis Diuinæ, vt sunt punitiua peccatoris. Atqui esse objectum intellectus, & voluntatis Diuinæ, vt intellectum, & volutum, est relatio rationis. Ergo esse in peccato, siue id quod delinquitur in anima post peccatum, est relatio rationis voluntatis Diuinæ, volentis punire propter peccatum: Hinc

COLLIGITUR cōtra Hēreticos dicentes quod peccata dum dimittuntur, reuera nō delentur, sed occultantur, & raduntur, non eradicantur. Sed hi audiant S. Aug. loco citato dicētē, *Nō sic intelligas quod dixit peccata cooperta sunt, quasi ibi sint & viuunt: sed dicuntur à Deo peccata testā, quia etsi illa optime videat, tamen cum per penitentiam retractata sint, amplius illorum non ta?* recordatur, nec in illa animaduertit, iuxta illud Ezechielis 18. *Si impius egerit penitentiam, omnium iniquitatum ejus, quas operatus est non recordabor.* Confirmatur ex eodem S. Aug. qui libro 6, contra Julianum inquit, *Peccatum quod remanet in homine post actum peccati, & ipsum maculat, esse solum reatum in occultis Dei legibus manentem, & hunc expiandum esse per penitentiam.*

RESPONDET Caietanus Concedendo quod placito S. Aug. tegere Deum peccata sit non imputare, non tamen sequitur quod esse peccatorem sit Deum imputare & obligare ad poenam. Sed est inquit Sophisma Consequentis, & impertinentis ex illo hoc inferre: quia homo est peccator, non ex eo quod est ex parte Dei, sed ex eo, quod est ex Parte ipsius peccatoris, quod est auersio à Deo, & conuersio ad creaturam, quā fit dignus tali poena. CONTRA Peccator post peccatum, non est peccator ob actuale in iustitiam, quia illa transit, sed quia est dignus poena, ex Caietano. Sed esse dignum poena est esse objectum Diuinæ voluntatis, & intellectus judicantis, & ordinantis illum ad debitam poenam. Ergo peccator post actum peccati, est peccator formaliter per aliquid ex parte Dei, licet sit occasionatum ex peccato. Minor patet, quia peccator est dignus poena, iudicio & ordinatione Diuinā, non humana, nec creata, esse verò dignum poena, vel præmio, dicit relationem ad rationem judicantem.

RESPONDET Medina S. Aug. explicare grauitatem peccati ab effectu. Et subdit. Quod qui commisit peccatum, est reus peccati, donec poeniteat.

CONTRA Hæc responsio pro nostra conclusione est, nam ibi S. Aug. explicat grauitatem peccati ab effectu, qui est macula, & illam maculam

Mundari  
à peccato  
quid?

Esse in pec-  
cato

Quid sit esse  
testa pecca-

Responsa  
Caietani.

Rejicitur.

Medina.



dicit esse reatum, reatum verò esse idem quod videre Dei, & videre esse imputare, siue obligare ad poenam debitam pro peccato commissio. Ergo secundum S. Augustinum macula, siue id quo quis dicitur peccator post actum peccati, est reatus siue obligatio ad poenam debitam.

Probatur 2. Principaliter à simili: si Deus ex multiplicatione meritum non decreuisset augere habitum charitatis, sed solum decreuisset eum in mente sua, qui plura merita haberet ordinare ad maiorem gloriam, tunc esse maius meritum in illo, non diceret quid positium reale absolutum, vel respectuum, sed solum relationem rationis, quā obijceretur intellectui Diuino, ut ordinatus ad maiorem gloriam, & quā voluntas Dei ordinaret eum ad gloriam, realiter autem, nihil aliud esset nisi actus voluntatis Dei. Ita in proposito aliquem esse peccatorem vel maiorem peccatorem, post actum peccati, nihil aliud est nisi relatio rationis ordinati ad talem poenam, & in voluntate Diuina est relatio ordinationis ad talem poenam: realiter verò nihil aliud est nisi actus Diuinæ voluntatis, volentis eum punire propter peccatum.

DICES 1. Scotus in eruditè confundit omnia culpam, & effectum culpæ, nam ordinatio ad poenam est effectus culpæ, quia enim homo peccauit ideò ordinatur ad poenam. Vnde ait Caietanus hæc tria habent ordinem in peccatore. Primo est priuatio gratiæ. Secundo est esse dignum poenæ; Tertio est ordinatio ad poenam. Sed peccator non est peccator ab ultimo. Ergo ex eo quod facit eum dignum poenæ, juxta illud Osee 13. *Perditio tua ex te Israel, &c.* RESPONDEO Non confundere hæc omnia D. Subt. sed optimè distinguere. Dicit enim quod reatus peccati est obligatio ad poenam debitam ex peccato proueniens. Ergo peccatum præcedit obligationem: & ratio est cur peccator sit dignus ordinationis ad poenam, carentia gratiæ, deinde obligatio ad poenam. Quando verò Caietanus dicit, quod quis peccator est ex eo, quod se tenet ex parte sui, non ex eo, quod est ex parte Dei. Concedo. Sed ex hoc non sequitur, quod non sit peccator, & reus obligatione ipsa ad poenam, nam obligatio ipsa est relatio rationis, quæ partim est à Deo, partim a peccato, à Deo effectiue, à peccato occasionaliter, & meritorie, scilicet quatenus peccatum est causa faciens peccatorem dignum tali poenâ.

DICES 2. Si Deus statuisset contra peccatorem nullas inferre poenas, nec infernum, nec purgatorium, adhuc peccatum esset macula animæ.

Macula pro  
uenit ex pec  
cato.

Maius me-  
ritum quid?

ma. E  
Res p  
non m  
pecca  
nam,  
tali c

tempo  
quis c  
poena  
Instat  
tione  
pecca  
tione  
suppe  
solum  
bligat  
tate p  
dicitu  
ad Tr  
poena  
quia  
mica  
pecca

go ob  
stingi  
ut est  
judic

D  
in ter  
are, &

aliter  
pecca  
term  
& ho



ma. Ergo obligatio ad poenam non est macula ex peccato proueniens. **RESPONDEO** Si actus qui sunt peccata manerent peccata, ita vt Deus non mutasset legem, nisi quoad poenas, tunc peccatum esset macula, & peccator esset maculatus, nam licet non esset ordinatus à Deo ad poenam, tamen meritorie quantum esset ex se, esset dignus poenâ, & sic in tali casu esset in eo macula aptitudinalis, non actualis.

**DICES 3.** Remissa culpa, manet in peccatore obligatio ad poenam temporalem. Ergo obligatio ad poenam non est macula, & reatus quo quis dicitur peccator. **RESPONDEO** Quod macula est obligatio ad poenam æternam, non autem temporalem.

Instat Suarez 3. p. tom. 3. disp. 9. Sect. 2. Ex opinione Scoti sequi in justificatione non remitti culpam, sed poenam. Sed in Trident. Sess. 5. dec. de orig. pecc. C. 3. dicitur, *In justificatione auferri totum id quod veram, & propriam rationem peccati habet.* Atqui poena non habet rationem peccati, sed illam supponit. Ergo. **RESPONDEO** Nego sequelam, quia in justificatione, non solum poena æterna remittitur, sed etiam obligatio ad poenam, quæ obligatio ex parte peccatoris prouenit ex peccato, & ex merito, ac dignitate peccati, & ideo dicitur, peccatum siue offensa Dei, vt autem est à Deo dicitur odium & ira Dei, volentis vindicare peccatum commissum. Vnde ad Tridentinum dico quod in justificatione remittitur illa obligatio ad poenam æternam, quæ habet veram rationem peccati, & culpæ virtualis quia est derelicta ex peccato, & est quo formaliter, anima remanet inimica Deo: obligatio autem ad poenam temporalem, non habet rationem peccati, quia non procedit ex peccato, nisi remotè.

*In iustificatione non solum poena, remittitur sed etiam obligatio ad poenam.*

**DICES 4.** Macula est turpis. At obligatio ad poenam est bona. Ergo obligatio non est macula. **RESPONDEO** Concedo Majorem, Distinguo Minorem; obligatio ad poenam quatenus est à Deo est bona, prout est à peccato est macula & vituperabilis, sicut poena inflicta latroni à iudice est bona, vt autem inflicta latroni ex peccato mala.

**DICES 5.** Esse in peccato est terminus huius quod est peccare; sicut esse in tenebris est terminus huius quod est tenebrescere. Sed peccare est deuiare, & auerti à Deo. Ergo esse in peccato est esse auersum, & deuium à Deo.

**RESPONDEO** esse in peccato dupliciter contingit esse. Primo actualiter. 2. Post actum peccati. Esse in peccato priori modo, est terminus peccare, quia peccare est habere actum carentē debita rectitudine, & ideo terminus actus peccandi est habere actum carentem debita rectitudine; & hoc est esse in peccato actu, Secundo modo esse in pecca-



to, est esse non in peccato formaliter, (vt putant aduersarij, quia qui peccauit, & cessauit ab actu peccati amplius non peccat,) sed est esse in effectu peccati, quia est in obligatione, & reatu ad poenam causatam ex peccato, quæ dici possunt peccatum, non formaliter, sed originaliter, vel causaliter, quia causantur à peccato.

DICES 6. Damnatis non imputantur peccata quæ committunt in inferno ad poenam. Ergo macula non est imputatio ad poenam. RESPONDEO Quod illa peccata quæ committunt damnati in inferno non habent obligationem vllam actualem ad poenam, sunt enim extra statum demerendi ex lege Dei: habent tamen obligationem aptitudinalem, & quantum ex se habent dignitatem ad habendam poenam.

DICES 7. Opinio Scoti videtur esse damnata à Pio V. & Gregorio XIII in bulla quadam, in qua damnatur propositio Michaelis Baij Doctoris Louanienlis in ordine 53, quæ est talis. *Transcunte actu peccati nihil remanet, nisi reatus seu obligatio ad poenam.* Sed hoc idem sentit Scotus, Ergo & ejus opinio est damnata.

Scotus non  
idem sentit  
quod Michael  
el Baius.

RESPONDEO Ista Bulla non inuenitur in Bullario nouissime Romæ impresso. Sed quidquid sit, non idem sentit D. Subt. quod Michael Bajus, quia iste dicebat quod post actum peccati nihil remaneat, nisi reatus vel obligatio sola: at verò D. Subt. præter reatum docet remanere in peccatore post actum peccati carentiam gratiæ habitualis. Et licet hæc verba habeat Doctor. *Nihil aliud est post actum peccati cessantē, offensa, macula, & reatus, nisi obligatio* &c. per hæc enim verba innuit maculam non esse quid reale absolutum, vel respectuum derelictum à peccato in anima.

Ex his

Macula  
quomodo est  
obligatio?

COLLIGE 1. Absolutè loquendo macula non est obligatio, sed obligatio ad poenam debitam propter peccatum commissum, quæ obligatio etiam carentiam justitiæ habitualis, & carentiam inuoluit justitiæ actualis, nam licet illa transeat transcunte actu, remanet tamen in mente Diuina, quia propter illam obligat animam peccantis ad poenam debitam, quæ obligatio fit propter peccatum visum, majus, vel minus, propter peccatum enim majus ordinatur ad maiorem poenam.

Obligatio  
non oritur à  
sola Dei vo-  
luntate.

COLLIGE 2. Falsò aliqui imponunt Doctori Subtili, quasi ipse asseruerit obligationem ad poenam oriri à sola Dei voluntate, non autem à dignitate peccati, quia D. Subt. expressè oppositum docet dicens. Quod destinatio illa Dei est ad debitam poenam ob commissum peccatum

Ad 1.



Ad 1. in oppositum satis euidenter constat ex dictis, maximè ex Notando 1.

Ad 2. Patet à simili, Poena suspendii in latrone est abominabilis; non quatenus est à iudice, sed quatenus est propter peccatum latroni inflicta.

### ARTICVLVS III.

*An macula peccati, siue reatus possit deleri, & quomodo?*

DICO 1. Iste reatus siue macula, qui remanet post actum peccati potest deleri, & de facto deletur. Est de fide Ezechielis 18. *Si impius egerit penitentiam, omnium iniquitatum ejus non recordabor.* Et in Symbolis Apostolorum, & Nicæno, expressè dicitur: *Credo remissionem peccatorum.* Confirmatur: Alio-

quin prædestinatus lapsus in mortale, non posset beatificari. Sed Consequens est falsum, ut patet in Dauide, Petro, Paulo, & aliis multis. Atqui certum est de istis, quod sint beati, nec amplius pro culpis commissis ad poenam obligati. Ergo &c.

DICO 2. Hæc obligatio non deletur ordinariè nisi per factam poenitentiam, vel punitionem; vel per aliquid æquiualens in acceptatione Diuina. Probat. Lucæ 13. dicitur: *Nisi poenitentiam egeritis, omnes simul peribitis.* Tum: quia obligare aliquem ad poenam est velle punire eum. Ergo non tollitur nisi sequatur debita punizio, vel aliquid æquiualens, in acceptatione Diuina. Dixi (vel per aliquid æquiualens in acceptatione Diuina) id est per Martyrium, vel per actum Diuini amoris intentum, ut dixi Articulo 1.

*Macula deletur per poenitentiam.*

DICES 1. Cessante actu interiori, & exteriori cessat peccatum. Ergo absq; poenitentia desinit esse peccatum. Antecedens patet quia ratio formalis peccati est carentia rectitudinis debitæ in esse actui. Sed actus transit, quia habet esse in fieri. Ergo simul cum illo transit deformitas, seu ista carentia rectitudinis debitæ.

RESPONDEO: Peccatum Transire dupliciter contingit,

D

vel



vel in se, vel quoad reatum. Concedo ergo quod peccatum transeat in se, remanet tamen quoad reatum.

DICIS 2. Potest homo dimittere offensam alteri absq; ulla pœnitentia. Ergo & DEVS.

*Nota solutionem pro materia prædestinationis.*

RESPONDEO. Negatur Consequentia: Homo enim est mutabilis: DEVS immutabilis: Voluntas enim Dei in se est immutabilis non solum absolute, sed etiam quatenus actus ejus transit super objectum, nam semper est vniformis. Vnde si DEVS in æternitate vult aliquem puniendum esse pro aliquo tempore, semper vult illum puniendum pro illo tempore, nisi in creatura aliquid mutetur, vnde si objectum mutetur, DEVS non habebit amplius idem velle respectu illius objecti: quare si peccator per pœnitentiam mutatur, actus Dei etiam mutatur, non in se, sed quia objectum super quod transit aliter se habet, quam prius, quæ solutio notetur pro materia prædestinationis: non sic autem est de voluntate hominis irati, qui mutatur quoad actum volendi, & nolendi. Hinc.

COLLIGE 1. Non esse idem essentialiter remittere culpam, & punire eam, quia vnum absq; alio optimè esse potest.

COLLIGE 2. Melius est peccatorem non correctum esse in pœna, quam sine pœna, cum in vniuerso nihil inordinatum sit secundum dispositionem Diuinæ Sapientiæ, culpa verò dicit deordinationem, & sic melius est quod reordinetur, quam quod deordinata permaneat, reordinatur verò culpa per pœnam.

COLLIGE 3. Tantum bonum est actus pœnitentiæ, quantum actus peccati, quia sicut malum actus peccati auertit ab ultimo fine, ita actus pœnitentiæ reducit ad vltimum finem.

#### ARTICVLVS IV.

*Vtrum ad deletionem culpe requiratur pœna voluntaria?*

*Pœna debet esse voluntaria.*

DICO Ad deletionem peccati regulariter requiritur pœna, vel punitio voluntaria. Probatur. Tum quia culpa fuit voluntaria. Ergo & pœna correspondens ei debet esse voluntaria.

Tum



Tum quia peccatum non deletur quacunq; pœna, vt patet de pœna damnatorum in inferno, quia est inuoluntaria. Ergo pœna pro peccatis debet esse voluntaria.

**COLLIGE** Quod pœna quæ tollit obligationem, & pœna quæ non tollit obligationem, non distinguitur per maioritatem, & minoritatem extensiuam, vel intensiuam, sed per voluntarium & inuoluntarium, idcō enim non delet peccatum pœna maxima in inferno, quia est inuoluntaria, pœna verō viatorum, licet longē minor deleat, quia est voluntaria.

**QVÆRES** Quomodo pœna potest esse voluntaria?

**NOTA 1.** Pœna est quodcunq; disconueniens, siue incommodum, & hoc vel parti sensitiuæ, vt dolor, vel intellectiuæ vt tristitia, quæ est propriè pœna: & hac duplici pœna punitur culpa.

**NOTA 2.** Inuoluntarium simpliciter est illud, contra quod voluntas simpliciter remurmurat, & nollit simpliciter quantum est ex se. Porro voluntarium simpliciter est illud, contra quod voluntas non remurmurat: hoc autem quatuor modis se habere potest, & sic quadruplex modus potest esse pœna voluntaria. Primò quando voluntas liberè pœnam, & sine murmuratione sustinet. Secundò Quando voluntas voluntariè pœnam acceptat. Tertiò, Quando liberè eam causat & efficit in seipsa: Et hoc dupliciter, vel vt causa proxima, partialis, & non intendens illum effectum pœnalem, sed aliud, V. G. si quis intendat vulnus, vt placeat Domino cui seruit, non autem intendens, nec volens vulnus propter dolorem, & pœnam quam causat, sed præcisè propter illum finem ad quem illud vulnus ordinatur. Vel vt causa remota intendens effectum pœnalem. Applicando istos quatuor modos pœnæ interiori, quæ est tristitia. 1. Si aliquid disconueniens ponatur in esse existentia, vt priuatio lucis, tale potest esse voluntarium, primo modo quia potest voluntas illud patienter sustinere, 2. istud disconueniens positum in esse potest voluntas acceptare, vt si quis de peccato doleat, & dolore gaudeat. 3. Quando voluntas est causa proxima partialis tristitia, scilicet quia est causa nolitionis rei existentis, ad quam no-

*4. modi  
pœnæ voluntariae.*



litionem sequitur naturaliter tristitia de existentia illius rei, licet voluntas non intendat tristitiam illam: duæ enim sunt causæ tristitiæ, nolitio disconuenientis, & illius consideratio. 4. Quando voluntas imperat, & vnit simul vtramq; causam tristitiæ, ita vt voluntas sit causa principalis præcipiens intellectui, vt apprehendat aliquam rem existere; deinde præcipiat sibi ipsi vt nolit rem illam existere, & hoc imperat ad hoc, vt in seipso oriatur tristitia.

NOTA 3. Isti quatuor modi voluntarii distinguuntur: quia in primis duobus modis pœna, & dolor est obiectum solum voluntatis: in tertio est effectus, non obiectum voluntatis: in quarto est obiectum, & effectus voluntatis. Deinde in ratione voluntarii vnus modus est magis voluntarius alio; Secundus primo, quia magis voluntarium est pœnam grater acceptare, quam patienter tolerare: tertius modus est magis voluntarius quam secundus, quia illa pœna est magis voluntaria, quæ mihi prouenit ex aliqua causa, cui annexa est naturaliter pœna, quam ego elegi, licet non in ordine ad illam pœnam, sed propter alium finem. 4. modus est maximè voluntarius; quia in eo non solum volo causam à qua naturaliter manat talis pœna, sed etiam volo talem causam, vt causet illam pœnam in me.

COLLIGE: Pœna comparata ad voluntatem sequentem affectionem commodi est inuoluntaria, comparando verò eam ad voluntatem sequentem affectionem iustitiæ, est voluntaria.

## ARTICVLVS V.

*Vtrum pœnitere idem sit quod pœnam tenere?*

NOTA: Quod punitio consideratur, vel passivè, vel actiue: punitio actiua fit quatuor modis. Primò cum voluntas vt causa principalis, vult efficaciter pœnam propter peccatum, quando imperat, & coniungit simul causas effectiuas tristitiæ, & pœnæ: & hoc est vindicare peccatum. Secundò. Quando voluntas præcipit apprehensionem peccati, & sibi ipsi præcipit vt nolle peccasse, non tamen vt sentiat tristitiam de peccato, sed propter aliquem alium finem; vt quia offendit DEVM, & tunc est causa par-



partialis effectiua tristitiæ; & hic actus dicitur detestatio peccati. Tertio modo cum acceptat tristitiam, vel poenam inflictam propter peccatum, & hic actus dicitur, acceptatio poenæ libera. Quarto cum patienter fert poenam: & hic dicitur tolerantia poenæ sine murmuratione. His quatuor modis actiuis, correspondent quatuor passivi: puniri enim potest esse volitum à voluntate imperante, detestante, acceptante, & patienter tolerante. Ex quo sequitur 1. quod poenitere respectu horum octo modorum non est uniuocum, sed æquiuocum. Sequitur secundò. Quod poena non est poenitentia, quia poena dicit solum passionem inflictam, poenitentia verò dicit actionem, quâ hæc poena tenetur.

Dico itaq; 1. Poenitere non significat propriè iuxta vsum communem punitionem passiuam, sed solum actiuam, & sic solum extenditur ad quatuor modos punitionis actiuæ. Patet: quia poenitere est poenam tenere: poenam autem tenere, non est idem, quod poenam recipere, sed est habere aliquem actum, quo poena teneatur.

Dico 2. Iuxta quatuor modos punitionis, actiuæ assignatur quadruplex definitio poenitentia. Iuxta primum sic. Poenitere est vindicare peccatum à se commissum, applicando sibi poenam siue in affectu, siue in effectu, siue actu, vel virtute. Iuxta secundum ita, Poenitere est detestari peccatum à se commissum, siue habere displicentiam de peccato à se commissio: & hæc displicentia, vel est formalis, quando aliquis habet realem nolitionem non peccandi; vel virtualis cum aliquis habet actum talem, ex quo illa nolitio peccati est causalis V. G. dilectionem Dei. Iuxta tertium modum sic. Poenitere est poenam inflictam pro peccato suo gratanter acceptare per actum voluntatis. Iuxta quartum modum, ita describitur: Poenitere est poenam sibi inflictam pro peccato suo patienter ferre, id est poenam tenere, seu non abijcere per remurmurationem, sed conformare se agenti infligenti poenam. Ex his sequitur quod omnis punitio voluntaria debet contineri sub aliquo horum quatuor modorum poenitentia.

*Quadruplex definitio poenitentia.*



## QVÆSTIO II.

Vtrum actus pœnitendi requisitus ad deletio-  
nem peccati mortalis, sit actus alicujus  
virtutis?

In hac Quæstione inquiremus:

1. Vtrum pœnitere prout est velle vindicare peccatum sit actus alicujus virtutis.
2. An detestatio peccati, pœnæ acceptatio, & tolerantia sine mur-  
muratione pœnæ sit actus virtutis?
3. An isti actus quatuor ad delendum peccatum omnino requiran-  
tur, & quis eorum sit præstantior.
4. Vtrum iste actus Pœnitentiæ debeat esse genitus à virtute, & for-  
matus gratia Dei.
5. An Pœnitentia sit virtus supernaturalis & infusa, vel naturalis &  
acquisita.
6. An in statu innocentie fuisset pœnitentia?

## ARTICVLVS I.

*An Pœnitere prout est velle vindicare peccatum sit  
actus alicujus virtutis?*

NOTA Quoniam superiori Quæstione vidimus quod qua-  
tuor actus Pœnitentiæ D. Subt. assignauerit, in ista Quæstione  
de vnoquoq; inquiremus. An sit actus virtutis, & cujus virtutis,  
quod Doctor facit in 4. dist. 14. q. 2.

*Velle vindi-  
care pecca-  
tum est ac-  
tus virtutis*

DICO I. Pœnitere prout est vindicare velle peccatum à se  
commisum, est actus virtutis. Probatur Omnis actus conformis  
rectæ rationi est actus virtutis. Sed pœnitere prout accipi-  
tur pro imperio voluntatis, seu pro velle vindicare peccatum,  
potest esse conforme rationi rectæ. Ergo potest esse actus virtutis.  
Maior clara. Minor Probatur Nam omnis iustus legislator potest  
iuste punire secundum rectam rationem transgressores iustæ le-  
gis. Vnde Aristoteles 1. Ethic. cap. ultimo tradita doctrina de vi-  
tijs & virtutibus statim introducit legem positivam tanquam vl-  
tricem



trixem vitiorum, & remunerationem virtutis. Ergo quilibet legislator vindicat transgressionem legis secundum rectam rationem, & consequenter minister exequens voluntatem legislatoris, quia rectitudo in actu ministerij consistit in conformitate ad agens cui ministrat.

DICES 1. Actus pœnitendi est passio. Ergo non est actus alicujus virtutis. Antecedens patet quia punitio, vel pœna est passio, sicut delectatio est passio. Respondet Doctor loco citato, Cum dicitur pœnitere est passio: si accipiatur pœnitere pro tristitia inflicta, concedit: esse passionem; si verò accipiatur pœnitere prout est actus imperans tristitiam ipsam, negat esse passionem sed est actus liber, & electivus, & est laudabilis. Seu si pœnitere fumatur, pro tristitia absolute, concedendum est esse passionem, quâ nec laudamur, nec vituperamur: Si verò accipiatur pro effectu virtutis pœnitentiæ, quæ est vindicatio de peccato per actum imperandi causis producentibus tristitiam, ut ipsam actum producant in punitionem peccati, & est laudabilis, non est passio sed effectus actus liberi voluntatis.

*Actus pœnitendi, quomodo sit passio, & actus.*

*Pœnitere est actus voluntatis.*

DICES 2. Actus virtutis est voluntarius, quia electivus ex 2. Ethicor. Sed pœnitentia est involuntaria, nihil enim pœnale est voluntarium. Ergo actus pœnitentiæ non est actus virtutis.

RESPONDEO cum Doctore 1. Tristitiam esse voluntariam, vel quoad affectionem commodi, vel quoad affectionem justitiæ. Primo modo tristitia est involuntaria, at bene secundo modo.

RESPONDEO 2. Pœnitentia potest duobus modis considerari. Vno modo quoad pœnam quam infligit, quæ est tristitia; alio modo quoad actum elicitum à voluntate quò imperat tristitiam, & pœnam infligi. 1. modo est involuntaria; secundo modo est voluntaria; neq; involuntarium primo modo facit, quod non sit voluntarium secundo modo.

DICES 3. Si pœnitere esset actus alicujus virtutis, esset actus voluntatis. Sed non est. Ergo. Minor Probatur quia actus voluntatis sunt solum duo scilicet velle, & nolle. Sed pœnitere non est velle, quia habet pro objecto peccatum; Si autem actus ejus est velle, pœnitere esset velle peccatum quod est absur.



absurdum. Neq; est nolle, quia si esset aliquod nolle, esset nolle peccasse. Sed pœnitere non potest esse nolle peccasse, quia non peccasse est impossibile; Ergo voluntas non potest nolle peccare, quia nollet impossibile, scilicet illud non esse factum, quod est factum, quod neq; Deus facere potest, juxta illud Agathonis apud Aristotel. 6. *Ethicorum capite 2. Hoc solo priuatur DEVS, in secula facere, quæ facta sunt.*

RESPONDEO: Negando Minorem. Ad probationem Dico ex D. in 2. d. 6. q. 1. quod duplex est velle, efficax, & inefficax: Voluntas vult non peccasse, voluntate inefficaci, non efficaci, & hæc volitio sufficit ad pœnitentiam, & ad delendum peccatum.

In pœnitere  
est velle, &  
nolle.

Quod in pœnitere includitur velle & nolle: velle respicit, & terminatur ad tristitiam in recto, & est actus imperans voluntatis, vt dixi supra: nolle verò tendit, & terminatur ad peccatum commissum quod nollet commississe nolitione inefficaci.

Pœnitere  
est actus spe-  
cialis virtu-  
tis.

Actus pœni-  
tentiæ quinq;  
continet.

Dico 2. Pœnitere prout est velle vindicare peccatum, non est actus cuiuscunq; virtutis, sed specialis virtutis. Ita Doctor in 4. D. 14. q. 2. §. *Supposito hoc sit hæc conclusio.* Quam Conclusionem antequam probet supponit actum pœnitere quinq; continere, nimirum velle imperatiuum, quod est causa tristitiæ remota: deinde distinctam cognitionem ejus de quo pœnitet peccator, cognoscit enim peccator se esse ad pœnam obligatum: præterea ista obligatio, vel nolitio obligationis generat tristitiam: tandem sequitur complacentia tristitiæ; deniq; gaudium de tristitia, juxta illud S. Aug. *Peccator de peccato doleat, & de tristitia gaudeat.* Probatur itaq; conclusio ille actus est specialis virtutis, qui habet speciale objectum, & speciales circumstantias ordinatas. Sed hic actus est talis. Ergo. Minor patet quia objectum ejus est peccatum vindicabile, quod est objectum speciale. Circumstantiæ speciales sunt quæ conueniunt huic actui, vt sit rectus, & rectè tendat in id objectum: V. G. finis, qui est propter bonum commune; modus vt cum spe veniæ, & aliis circumstantiis ipsum concomitantibus de quibus infra.

DICES: Nulla virtus exigit habentem ipsam prius esse sub contrario ipsius virtutis. Atqui pœnitentia præexigit pœnitentiam



tia præexigit poenitentem fuisse sub peccato, quod est contrarium ipsi. Ergo poenitentia non est specialis virtus. Maior patet. Tum quia semina virtutum indita sunt nobis à natura, ut illas auxilio Diuino possimus acquirere absq; peccato: maximum enim esset absurdum, quod sit necesse peccare, ad hoc vt habeamus virtutes in actu. Tum quia in Christo Domino fuerunt omnes virtutes, & non fuit pœnitentia. Minor est euident quia certum est nos non posse poenitere nisi prius peccauerimus: poenitentia enim est detestatio peccati commissi.

RESPONDEO. *Pœnitentia*

Pœnitentia dupliciter consideratur, vel quoad habitum, vel quoad vsum & actum: Primo modo considerata non præexigit, neq; præsupponit peccatum in actu, in habente talem virtutem, sed sufficit quod præsupponat in potentia: vnde & in statu innocentia potuisset esse habitus poenitentia, cuius munus fuisset depellere malum si adesset, licet nunquam reduceretur ad actum. Sicut multa sunt medicamenta, quæ apta nata sunt morbos depellere, qui tamen actu non sunt: atq; sic in nobis sunt semina virtutum, & consequenter habitus poenitentia, seu potentia acquirendi habitum poenitentia absq; peccato, licet vsum illius non possimus habere, nisi posito peccato. Aliud itaq; est loqui de virtute: aliud de vso, & actu, virtutis poenitentia. Atq; sic in Christo Domino conceditur ab aliquibus fuisse poenitentia habitus, quod an verum sit videbimus Articulo 6. huius Questionis.

*alia est habitualis, alia actualis.*

PROBATVR 2. Conclusio: Pœnitentia est virtus specialis perquam tollitur, & destruitur peccatum. Sed peccatum non tollitur, nec destruitur, nisi per poenam voluntariam. Ergo poenitentia, quæ est virtus specialis, est poena siue punitio voluntaria. Atqui velle vindicare peccatum, est talis actus: Ergo est actus specialis virtutis.

DICO 3. Pœnitere acceptum pro velle vindicatio, non est actus alicuius virtutis intellectualis. Probatur. Quia poenitere hoc modo est imperare voluntati, vt aliquod obiectum detestetur, ac nolit esse, & intellectui, vt consideret, & apprehendat illud obiectum esse, ex quibus duobus sequitur tristitia. Sed

*Pœnitere non est actus alicuius virtutis intellectualis.*

E

impe-



imperare non est actus intellectus, sed voluntatis. Ergo poenitere non est actus virtutis intellectualis. Minor patet. Quia sola voluntas imperat intellectui, & sibi, teste S. Augustino lib. 11. de Trinitate cap. 3. dicente, *voluntas copulat parentem cum prole.* Confirmatur. Quia virtus intellectualis dicitur verum esse, vel non esse. Pœnitentia verò inclinatur ad sic agendum, & operandū, Ergo poenitere est actus virtutis appetitivæ, non intellectivæ.

*Pœnitere est actus virtutis ordinantis ad alterum.*

Dico 4. Pœnitere acceptum pro velle vindictivæ peccati, non est actus alicuius virtutis appetitivæ ordinantis ad seipsum, cuiusmodi est temperantia, & fortitudo, sed est actus virtutis ordinantis ad alterum, cuiusmodi est iustitia, prout in generali dicitur iustitia virtus ordinativa ad alterum. Ita D. Subtilis in 4. dist. 14. q. 2. §. *Sequitur alia conclusio.* Probat.

Quia virtutes ordinantes ad seipsum, ordinant actus circa propriam personam illius, qui habet has virtutes. Sed poenitere vindictivum potest aliquis eodem modo secundum rationem rectam exercere in se, ac in alio: & quando quis exercet illum actum in seipsum, non exercet illum, nisi ut in alterum, quia non exercet illum actum vindictæ, nisi in quantum committitur sibi à legislatore ut vindicet in tale reum. Atqui pœnitens est minister legislatoris, & reus simul. Ergo exercet illum actum vindicandi in seipso, sicut exerceret, si esset alius in Persona. Ergo velle vindictivum est actus iustitiæ, quæ est ad alterum.

*Actus vindicandi peccatum est actus iustitiæ punitivæ.*

Dico 5. Iste actus vindicandi peccatum, est actus iustitiæ punitivæ, quæ contra distinguitur à iustitia commutativa. Pro intelligentia Nota. Dupliciter potest aliquis se habere ad alterum. Primò communicando se illi quantum potest se illi communicare, & talis iustitia dicitur amicitia. Secundò communicando illi sua: Et partitur hæc iustitia in distributivam, & commutativam: distributiva illa est quæ præmiat merita, & punit vitia. Dicit ergo Doctor Subtilis vindicare esse actum iustitiæ punitivæ; & subdit hunc actum esse fortè nobiliorem, qui sub iustitia incommuni reperiatur, excepto actu præmiationis. Quod sic probatur: Ille actus iustitiæ est nobilior, qui natus est competere personæ nobiliori. Sed talis est actus vindicandi peccatum, qui competit legislatori, & nulli alteri, nisi ex commissione illius.



Cœteri verò actus ut amicitia, & iustitiæ commutatiuæ possunt convenire regulariter quibuscunq; Personis. Quod autem actus præmiationis sit nobilior vindicatione, patet, quia habet pro vno extremo meritum, & pro alio præmium, deinde personam meritam cui præmium confertur: vindicatio autem habet pro vno extremo culpam, pro alio pœnam, & personam rei, in qua fit vindicatio. Atqui illa tria sunt nobiliora, quæ concomitantur præmiationem. Ergo.

DICO 6. Pœnitentia accepta pro vindicare, non est actus amicitia. Probatur. Quia vindicare quando est actus ordinatus, & conformis rectæ rationi, non est actus amicitia, ordinatus ad reconciliandum eum in quem fit vindicta: quia vindicta ordinata & conformis rectæ rationi, propriè respicit correspondentiam pœnæ ad culpam secundum legem, siue concomitetur correctio puniri, siue non. Tum quia si esset actus amicitia ordinaretur per se, & primò, ad correctionem; Sed non ordinatur, quia quandoq; per vindictam punitus exterminatur. Hinc

*Pœnitere non est actus amicitia.*

COLLIGE. Vindicare esse actum pœnitentiæ laudabilem, & virtutis specialis, nempe iustitiæ punitivæ, quia proximè ordinatur ad servandam legem latam à Deo, secundariò ad bonum commune: tandem vltimò ad ipsum Deum.

DICES I. Ille actus quo aliquis reconciliatur alteri, est actus amicitia. Sed vindicare siue actus pœnitentiæ est actus, quo peccator reconciliatur Deo. Ergo est actus amicitia.

RESPONDEO. Distinguo Minorem Peccatorem reconciliari Deo per pœnitentiam dupliciter intelligitur. Primò. Quod reconciliatio & amicitia instaurationis peccati, & sic falsa est Minor: quia finis proximus vindictæ pœnitentiæ est solutio pœnæ taxatæ secundum legem propter transgressionem legis, ut punitus sit immunis illam solvendi; & vltior finis est observatio legis, & bonum commune, & deniq; propter ipsum Deum statuentem talem legem.

*Finis proximus vindictæ pœnitentiæ.*

Secundò. Quod sit actus secundarius, & concomitans: quod enim aliquis per talem vindictam pœnitentiæ reconciliatur Deo, &



& in ejus amicitiam reducatur est actus externus concomitans, & consequenter actus amicitiae non est actus poenitentiae.

DICES 2. Actus amicitiae est corrigere amicum, ut sit dignus amari. Sed vindicare peccatum est hujusmodi. Ergo Minor probatur. Actus vindictae, ut sit virtutis, & ordinatus, debet habere pro fine correctionem illius in quo fit vindicta. Sed vindicare hoc modo est actus amicitiae: Ergo. Major Probatur, quia exercere actum vindictae ut vindicans satietur, siue ut habeatur vindicta sola, est actus crudelitatis, tam in ministro quam iudice. RESPONDEO. Negatur Minor, juxta datam distinctionem in solutione praecedentis objectionis. Ad probationem ejus Dico. Quod vindicare non est principaliter propter peccatum puniri, licet quandoque correctio illa sequatur, sed finis ejus per se est, ut corrigatur culpa commissa per poenam, & ut observetur lex punitiva: & sic negatur Major. Ad probationem illius Nego esse actum crudelitatis: duplex enim est finis hujus punitionis: primus & proximus est conservatio legis. Alius bonus commune: quare si reus puniretur propter alium finem extra hos, talis punizio esset actus crudelitatis.

*Vindicare  
est actus  
bonitatis.*

DICO 7. Actus ille vindicare, est actus voluntatis, cujus est imperare intellectui, & ipsi voluntati, & hoc imperio pertinet ad irascibilem, & potentiam aliquam, habentem in se aliquid simile virtuti irascibili: Ita Doctor Subr. loco citato § *Alia est conclusio ista.* Probatur. Quia sicut irascibilis in parte sensitiva vindicat, & punit suo modo, ita illa potentia quae in parte intellectiva imperat vindictam habet quoddam simile cum potentia irascibili: ista vero potentia similis irascibili in parte intellectiva est sola voluntas. Ergo actus iste vindicandi est actus voluntatis.

## ARTICVLVS II.

*An detestatio peccati, poena acceptatio, & tolerantia poenae sit actus virtutis, & cujus virtutis?*

DICO 1. Poenitentia accepta pro detestatione peccati potest esse actus virtutis. Pater. quia potest elici conformiter recte rati-



rationi, ratio enim dicitur detestandum & odiendum esse malum. Ergo detestari potest esse actus virtutis.

*Detestatio est actus virtutis.*

DIcO 2. Actus iste detestandi peccatum, non potest esse actus alicujus virtutis specialis; Sed est actus cujuscunq; virtutis appetitiuæ. Ita Doctor Subtilis loco citato §. Et ex hoc patet secundum conclusionem. Prima pars probatur. Quæcunq; virtus inclinatur ad complacendum in bono honesto, inclinatur etiam ad detestandum, & odio habendum, siue ad displicentiam de malo inhonesto opposito. V. G. sicut castitas inclinatur ad actum castum, ita inclinatur ad actum detestandum inhonestum oppositum castitati: & humilitas inclinatur ad actum oppositum detestandum superbiæ. Atqui iste actus detestandi malum, est nimis generalis, conuenit enim pluribus virtutibus; actus autem virtutis poenitentia proprius competit soli poenitentia. Porro accipiendo poenitentiam largo modo, prout est punitio voluntaria, & est communis illis quatuor modis, potest dici actus poenitentia. Hinc COLLI-GE. Quod in omnibus virtutibus est prosecutio objecti proprii, & fuga oppositi disconuenientis. V. G. dilectio Dei super omnia, in charitate, est actus proprius charitatis, fuga verò, & detestatio peccati, quia est offensa Dei, est actus ejusdem virtutis pertinet ad fugam, sed quia est actus ei communis cum alijs virtutibus, sub hac ratione dicitur poenitentia sub modo detestationis. Secunda Pars patet: quia sola virtus appetitiua potest odire, & detestari, quia etiam sola potest amare, amare autem, & odire sunt effectus, & passionibus appetitiuæ virtutis. Confirmatur. Si poenitentia accepta pro detestatione peccati esset virtus specialis, maximè hoc esset ideo, quia habet objectum secundum rationem formalem diuersum ab omnibus alijs virtutibus particularibus, (quæ est illa particula, quatenus peccatum est offensum Dei). Sed ista ratio non est intrinseca virtuti poenitentia, sed accidentalis, & omnino extrinseca, scilicet ratione imperii charitatis: Ergo poenitentia sumpta pro detestatione peccati non est specialis virtus.

*Detestatio non est actus alicuius virtutis specialis.*

COLLIGE. Quando voluntas detestatur peccatum, quia est Deo displicibile, & contrarium, actus iste est elicitus à poenitentia, & charitate, & primò à charitate, quia ista imperat, &



est finis mouens, & vtens pœnitentiâ, pœnitentia verò est virtus eliciens, & quâ charitas vtitur, & hoc modo pœnitentia considerata, est aggregatum ex duplici virtute, quâ ratione est dolor de peccatis, est pars iustitiæ, quâ ratione verò est dolor offensæ Dei, est species charitatis.

**OBIECTI.** Suárez. *Disputat. 3. Sectione 4.* Detestatio peccati potest habere diuersos fines, siue diuersas rationes formales obiectiuas; (finis enim in moralibus est obiectum distinguens,) potest ergo aliquis detestari actum peccati propter amorem, & dilectionem Dei, cui peccatum displicet, & tunc hic actus esset actus charitatis. Similiter si quis detestetur peccatum, vt per hanc detestationem consequatur DEUM, quem desiderat sibi esse bonum, est actus spei, & sic cum elicitur ab aliis virtutibus secundum finem, & motiuum illarum virtutum specialium. Subsumit Suárez. Actus iste detestandi peccatum, potest esse actus specialis virtutis, quâ pari modo potest quis detestari peccatum, vt resarciat injuriam illatam Deo, qui est finis, & ratio formalis pœnitentiæ. Ergo hic actus potest esse actus particularis virtutis pœnitentiæ, quia ab ejus obiecto, siue fine, vel motiuo, elicitur. Confirmat ex Tridentino quod dicit *Sess. 14. cap. 2. Pœnitentiam esse detestationem cum pio animi dolore.*

**RESPONDEO.** Obiectio probat, quòd detestatio peccati non est actus vnus specialis virtutis, quod nos concedimus, sed vna quæq; virtus particularis ex motiuo suo particulari potest detestari peccatum. Quando subsumit Quòd pœnitentia potest detestari peccatum, quatenus est injuria Dei, & quòd vt sic detestando resarciat injuriam Deo. Dico Quòd hæc non est ratio formalis obiecti pœnitentiæ, quæ est virtus specialis, sed est relatio extrinseca actus pœnitentiæ, competens, quatenus pœnitentia est imperata à charitate, vel ad illam ultimè refertur. Vnde fundamentum aduersariorum istud, quòd ratio formalis & finis pœnitentiæ sit destructio peccati, quatenus est injuria Dei, & vt resarciat amicitiam Dei; falsum est.

**Ad Confirmationem ex Tridentino** Respondeo, quòd pœnitentia

*Recompensatio iniuriæ illatæ DEO, non est ratio formalis obiecti pœnitentiæ.*



tia est pœnæ tenentia voluntaria, & quia detestatio peccati est pœnæ tenentia, scilicet tristitiæ & doloris, ideò detestatio est pœnitentia, non tamen Concilium definiuit, quod detestatio sit actus determinatus vnius specialis virtutis, quæ sit pœnitentia, sed Scholasticis ad disputandum reliquit, dum modo dicamus poenitentiam esse dolorem de peccatis, siue hic actus sit vnius specialis virtutis, siue non.

Concilium  
quid sibi  
velit.

OBIICIT 2. Primarius actus virtutis pœnitentiæ est detestatio peccati, & secundarius actus vindictio est, quod aperte docet S. Aug: lib. de vera & falsa poenitentia cap. 8. dicens. *Pœnitentia est doloris vindicta puniens in se quod dolet commississe.* Ergo cum ex dolore oriatur vindictio, detestatio est primarius actus pœnitentiæ.

RESPONDEO. Nego primum actum pœnitentiæ virtutis detestationem esse; sed vindicationem esse actum primum pœnitentiæ specialis virtutis. Ad S. Augustinum. Dico esse pro nobis, quia non dicit quod poenitentia sit detestatio peccati; sed inquit, quod est vindicta puniens in se quod dolet commississe: unde detestatio non pertinet in recto, & vt actus primarius pœnitentiæ, sed virtualiter, & vt conditio integrans actum vindicationis.

Vindictio  
est primarius  
actus pœnitentiæ.

COLLIGE. Quando Concilia, & SS. Patres dicunt quod peccatores mouentur aduersus peccata per odium, & detestationem, non inde colligas quod detestatio sit actus virtutis pœnitentiæ, sed loquuntur de odio & detestatione quæ est actus cuiuscunq; virtutis, maximè detestatio, & odium est actus charitatis, quia ex motiuo charitatis & dilectionis Dei oritur.

DICO 3. Pœnitere tertio modo quod est gratanter acceptare pœnam; potest esse actus virtutis: porro hic actus potest esse multarum virtutum; quarum qualibet est appetitiua. Prima pars patet. Quia talis actus potest esse conformis rectæ rationi. Secunda pars probatur. Quia quæcunq; virtus potest esse principium acceptandi, & volendi aliquod objectum, potest etiam inclinare, & esse principium ad acceptandum aliquid in ordine ad illud objectum. V. G. Sicut ex charitate amatur Deus, ita ex chari-

Gratanter  
pœnam ac-  
ceptare est  
actus virtu-  
tis.



charitate potest acceptari poena aliqua, in quantum est reductiua in amicitiam Dei. Similiter sicut ex virtute spei desideratur Deus, ut bonum ipsi desideranti, ita ex virtute spei acceptatur poena, ut ordinatiua ad consecutionem & possessionem huius objecti. Item Sicut ex virtute timoris, timetur amissio vitae aeternae, ita ex eodem timore acceptari potest poena, quae auertit, & excludit ipsam amissionem vitae aeternae. Et ex hoc sequitur quod actus ille non est unus specialis virtutis: sed plurium. Tertia pars patet: Quia sola virtus est appetitiua, quae acceptat, & diligit. Ergo.

*Ferre patienter poenam est actus patientiae.*

Dico 4. Actus quartus poenitentiae patienter ferre poenam, est actus virtutis, & virtutis patientiae: cuius officium est confirmare animum contra tristitiam, & poenam.

### ARTICVLVS III.

*An isti actus quatuor, vindicare peccatum, detestari; grater acceptare, & patienter ferre poenam, ad delendum peccatum omnes omnino simul requirantur, & quis eorum sit praestantior?*

*Omnibus his 4. modis deletur peccatum.*

Quantum ad numerum Dico 1. Omnibus his quatuor modis deletur peccatum. Patet, quia per poenitentiam deletur peccatum, praesertim per contritionem, ut per dispositionem praeuiam. Sed quiuis horum actuum potest esse contritio: Ergo quiuis actus est sufficiens ad delendum peccatum. Ex quo sequitur: quod contritio non est actus solius virtutis poenitentiae, sed etiam virtutis generalis poenitentiae.

*Sola detestatio est sufficiens ad delendum peccatum.*

Dico 2. Sola detestatio peccati sine vindicatione est sufficiens ad delendum peccatum, non tamen sequitur quod ipsa sola sit actus poenitentiae delens peccatum: quia etiam per alios actus poenitentiae, deletur peccatum. Idem dicendum est de aliis actibus praedictis: unde falsum est quod actus detestationis antecedit actum vindicationis, quia vindicare peccatum est actus nobilior, & essentialior actus poenitentiae, quam sit dete-



detestatio pura & nuda, quia vindicatio includit virtualiter detestationem, non è contra.

OBIIICIT 1. Soto in 4. dist. 14. q. 2. art. 3. Suarez. disput. 3. Sect. 4. Assignare istos quatuor modos in poenitentia non est necessarium. Tùm quia talis multiplicatio confusionem parit; Tùm quia neq; docti, neq; rudes ejusmodi numeri, & ordinis actuum etiam si diligenter attendant, recordantur. Tùm quia nulla ratione solida fulcitur hæc multiplicatio, ac proinde est voluntaria.

RESPONDEO. Optima methodo isti quatuor modi assignati sunt, quia assignati sunt penès modum volendi poenam: poena verò voluntaria esse potest his quatuor modis. Ad primam Confirmationem dico quod multiplicatio istorum actuum nullam parit confusionem, imò maximam dilucidationem, ita vt etiam quivis etià indoctus illorum discrimen percipere possit. Ad secundam Confirmationem patet, quia distinguuntur isti actus penès modum volendi poenam.

COLLIGE. Isti actus vindicare peccatum, & detestari distinguuntur ex propria ratione formali, quia vnus est magis voluntarius, quàm alius, nimirum vindicare quàm detestari. Deinde differunt per suas rationes formales, & conditiones; nam vnus potest esse sine alio V. G. detestatio absq; vindicatione, contingere enim potest, vt alicui displiceat peccatum, & propter hoc doleat, & tristetur de illo, non tamen imperat tristitiam, vt objectum, quod est vindicare.

OBIIICIT. 2. Velle punire, & vindicare est poenam debitam pro culpa velle exigere: quia punire est exigere culpam. Sed poenitentia formaliter non est exactio poenæ, vel volitio exactiois poenæ, sed est ablatio culpæ. Ergo vindicare non est poenitentia.

RESPONDEO. Nego. Quod vindicare siue infligere poenam debitam culpæ, non sit auferre culpam, inflictio enim poenæ debitæ pro culpa, destruit culpam, & offensam derelictam à peccato commisso. Obiectio itaq; videtur probare, quod vindicare idem sit quod satisfacere pro poena peccati, quod est sal-



*Vindicare* sum, quia illa satisfactio est pro poena temporali, non pro æterna, at vindicare est satisfactio pro culpa.

*non est satisfactio pro poena temporali, sed pro culpa.* Quantum attinet ad prioritatem & præstantiam horum actuum quatuor?

*Vindicare* Dico. 1. Vindicare peccatum est actus primarius, & supremus pœnitentiæ. Probatur. Tùm quia est actus proprius

*est actus primarius.* virtutis pœnitentiæ. Tùm quia vindicare tendit, & respicit rationem formalem objectivam virtutis propriè dictæ pœnitentiæ, quæ ratio formalis est peccatum punibile propter observantiam legis, non autem respicit pro objecto peccatum incommuni, ut est offensuum Dei, ista enim relatio, ut est offensuum Dei, non inest intrinsicè actui pœnitentiæ, sed extrinsicè quatenus subordinatur charitati, à quâ imperatur. Tùm quia vindicare est actus nobilior, & essentialior pœnitentiæ, quàm sit sola detestatio, vindicatio enim includit detestationem virtualiter, non è contra, detestatio enim potest esse absq; vindicta.

COLLIGE. Quando dicimus vindicare esse actum primarium pœnitentiæ, non intelligimus via originis, quia vnus non originatur ab alio, & vnus potest esse sine altero, nimirum detestari absq; vindicare, licet vindicare non possit esse sine detestatione, nam vindicare includit nolle peccasse, quod est detestatio peccati, sed intelligimus via perfectionis, quia est perfectus ac proprius actus pœnitentiæ.

*Qui actus causant tristitiam.* Dico 2. Duo ultimi modi pœnitendi, scilicet grater pœnam acceptare, & eandem patienter ferre, non causant tristitiam, sed supponunt jam causatam in subiecto in quo sunt. Duo verò priores modi, nimirum, vindicare, & detestari peccatum, causant in pœnitente tristitiam: cognoscentes enim peccatum commissum esse offensuum legis Diuinæ, mouemur efficaciter ad vindicandum tale peccatum, imperando intellectui, & voluntati, quæ sunt proximæ causæ tristitiæ ut ipsam tristitiam efficiant in punitionem peccati, ut lex seruetur.

Dico. 3. Major excellentia actuum vindicare, & detestari peccatum respectu deletionis peccati, oritur ex intensiori actu ad quem nata est sequi tristitia.

Ratio est, quia quò major,



major, & intensior est actus aptus natus causare tristitiam, magis meretur, ut deleatur peccatum, & gratia infundatur. Ex his:

**COLLIGE 1.** Tristitia de peccato solum aliquando oritur ex motu charitatis, non autem virtutis poenitentiae; quandoque vero oritur ex contemplatione Dei in nobis, actus intensissimus iustitiae Dei vindictivae, cognoscentes enim peccatum commissum esse offensivum Dei, mouemur efficaciter ad vindicandum tale peccatum imperando intellectui, & voluntati, quae sunt proximae causae tristitiae, ut ipsam tristitiam efficiant in punitionem peccati ut lex seruetur, licet aliquando intellectus, & voluntas, non mouentur hoc imperio iustitiae, quia carent habitibus inclinantibus ad istos actus: Similiter etiam si intellectus, & voluntas moueantur ad istos actus, tamen non sequitur semper effectus debitus, nempe tristitia, quod plerumque contingit ob conjunctionem appetituum, cuius enim appetitus sensitivus natus est facile tristiari, voluntas quoque ejus facile tristatur, cuius appetitus sensitivus difficilis ad tristandum, seu dolendum, similiter, & voluntas.

*Ex quo motu  
tuo oritur  
tristitia.*

**COLLIGE 2.** Detestatio peccati, & vindictio mutuo se excedunt circa causationem tristitiae, quia quandoque detestatio causat tristitiam, vindictio vero non; quandoque vindictio habet actu imperium intensissimum, ut causetur tristitia, & tamen tristitia non causatur propter impedimenta, & sic ex parte actus nati apti causare tristitiam, vindictio excedit detestationem, licet non sequatur tristitia.

**DICO 4.** Si loquamur de istis quatuor actibus uniformiter, id est quatenus omnes oriuntur ex una virtute, vel ex quot unus, ex tot, & alius, velle vindicare peccatum est perfectissimum omnium, quia habet magis de voluntario, ut dixi Articulo 4. quaest. prima. Si vero loquamur difformiter, ita ut unus oriatur ex una virtute, & alius ex pluribus; aut quod unus eliciatur a virtute perfectiori quam alius: tunc si vindicare eliciatur ex sola iustitia, & detestatio ex charitate, detestatio erit perfectior, quam vindictio: aut si detestatio eliciatur ex pluribus ijsque perfectio-

*Quando de  
testatio per-  
fectior, quam  
vindicatio.*



fectioribus virtutibus, erit perfectior, quàm aliquis actus ex præfatis.

PETES Anactus contritionis sit actus solius virtutis pœnitentiæ?

RESPONDEO. Cùm secundum omnes Theologos contritio sit actus talis pœnitentiæ qui delet peccatum, vt dispositio præuia, non est necesse vt contritio sit actus solius specialis virtutis pœnitentiæ, cum talis sit solùm vindicare peccatum; non autem detestari. Atqui omnes isti quatuor actus sunt sufficientes ad veram contritionem; sequitur necessariò quod contritio est actus, nedum virtutis specialis pœnitentiæ, sed etiam virtutis generalis pœnitentiæ.

#### ARTICVLVS IV.

*Vtrum actus pœnitentiæ, qui requiritur ad delendum peccatum mortale, debeat esse genitus à virtute, & formatus gratia?*

NOTA. Doctor Subtilis in 4. dist. 14. q. 2. §. De secundo principali, tria examinat. Primò. An pœnitere quod requiritur ad delendum peccatum mortale, necessariò sit actus alicujus vnius determinatæ virtutis. Secundò. An talis actus necessariò debeat provenire ab aliqua virtute, jam genita. Tertiò. Quomodo actus pœnitentiæ quo deletur peccatum mortale, habeat se ad gratiam?

QUANTVM AD PRIMVM. RESPONDET. Quòd pœnitere, quod requiritur ad delendum peccatum mortale, non est necesse esse actum alicujus determinatæ virtutis, V. G. vindicatiuæ iustitiæ quæ est virtus specialis. Probat. Quatuor sunt modi pœnitendi, quorum vnusquisq; sufficit ad delendum peccatum mortale. Sed isti actus non sunt ejusdem virtutis, nam primus iustitiæ; vltimus patientiæ, duo intermedii cujuscunq; virtutis appetitiuæ. Ergo actus requisitus ad delendum peccatum non est vnius determinatæ virtutis. Major Probat. ex Ezechiele



chiele capite 18. *Si autem impius egerit pœnitentiam ab omnibus peccatis suis. &c.* Vbi Propheta apertè dicit, peccatum remitti per pœnitentiam: pœnitentia autem est punitio voluntaria, quæ fit quatuor modis, vt dixi Articul. 4. Quæst. 1. Ergo quolibet illorum quatuor modorum remittitur peccatum. Minor clarè constat ex præcedenti Articulo 1. & 2.

DICES. Peccatum non dimittitur per volitionem pœnæ, sed per nolitionem culpæ. Ergo. Isti tres modi præter secundum, nimirum detestationem, non dimittunt peccata.

RESPONDEO. Quòd in his quatuor modis includitur nolitio culpæ, nam dum quis vult pœnam pro peccato, simul habet nolitionem peccati; quia nemo potest velle pœnam debitam pro peccato, & non odire peccatum.

QUANTVM AD SECVNDVM. Dicit non esse necesse, quod actus pœnitendi quo peccatum mortale deletur sit actus genitus ab aliqua virtute, quæcunq; illa sit. *Actus pœnitendi non est necesse sit sit virtutis aliquis.* Probatur. Quandoq; sunt actus duo æquè perfecti secundum omnes circumstantias morales, ambo æqualiter sunt Deo accepti, & grati. Sed sic est quod antequam virtus sit genita, potest haberi actus ita perfectè circumstantionatus secundum circumstantias morales, sicut post adeptam virtutem. Ergo talis actus æquè erit gratus, & acceptus Deo, sicut actus ex virtute genitus, & ita poterit delere peccatum sicut actus ex virtute genitus. Minor patet. Quia voluntas ante virtutem genitam, potest habere actum perfectum secundum dictamen rectum rationis, cum omnibus circumstantiis, quia actus primus fit generatiuus virtutis, virtus enim habitus, fit ex frequentatis actibus. Ergo ita est perfectus ille actus cum sit generatiuus virtutis, sicut ille qui generatur à virtute, & sic æquè est gratus, & acceptus Deo.

QUANTVM AD TERTIVM PUNCTVM. Quomodo scilicet actus pœnitentiæ quo deletur peccatum mortale habeat se ad gratiam?

E

NOTA



*Ordo iusti-  
ficationis.*

NOTA 1. Ordo qui seruatur in iustificatione impii ad-  
ulti juxta D. Subtilem est talis. 1. Supponit. Quod peccator  
post peccatum commissum manens in reatu peccati, dum incipit  
conuertere ad Deum, potest ex suis viribus naturalibus cum influ-  
entia communi Dei, considerare peccatum commissum, vt offen-  
suum Dei, & vt contra legem Diuinam, & ut auersiuum à Deo,  
& vt impeditiuum præmii, & vt inductiuum supplicii, & sub  
alijs rationibus. Habita hac consideratione. Voluntas duobus  
modis potest peccatum istud detestari. Vno modo sub aliqua  
vna istarum conditionum tantum, vel aliquibus pluribus, non  
tamen sub omnibus. 2. Modo potest illud peccatum detestari

*Attritio est  
dispositio si-  
ue meritum  
de congruo.*

sub omnibus circumstantiis moralibus debitis, qui motus, & de-  
testatio vtraq; vocatur à D. Subtili attritio, & est dispositio, siue  
meritum de congruo ad deletionem peccati mortalis: & motus  
iste debet certum tempus ex decreto Dei durare, in cuius vltimò  
instanti gratia infunditur, quantum autem sit istud tempus, non  
est certum: debet etiam habere certam intensiorem, qua si care-  
at non est perfectè circumstantio natus. Differentia verò est in-  
ter istos motus; quia non est certum ex voluntate Diuina, an de-  
testatio primo modo, non perfectè circumstantionata, sit suffi-  
ciens dispositio ad delendum peccatum mortale, secundo modo  
motus est sufficiens dispositio; ista tamen dispositio, non præce-  
dit tempore infusionem gratiæ, ita vt inter ipsam, & instans in  
quo infunditur gratia, mediet aliqua duratio temporis, sed præ-  
cedit tempore, quia ipsa sit in tempore, quo completo in instan-  
ti immediatè sequenti infunditur gratia, & attritio formatur,  
ita vt in illo instanti temporis adsint illa tria signa naturæ. In  
primo habetur attritio in esse completo, in genere moris, & na-  
turæ: in secundo creatur gratia in anima ejus, qui iustificatur.  
In tertio, actus ille formatur gratia inhærente animæ iustificati,  
& inclinante ad motum, & actum illum.

*Quid per  
motum in  
genere mo-  
ris intelligat*

NOTA 2. Per motum hunc in genere moris, quem natu-  
ralem appellat, non intelligit motum factum ex puris viribus na-  
turæ, absq; auxilio gratiæ, vt aliqui D. Subtili tribuunt, sed falsò,  
quia hoc Pelagianum est, sed intelligit motum factum auxilio  
Diuinæ



Diuinæ prouidentie specialis, quod auxilium Diuinum vocat influentiam communem, qua Deus per suam prouidentiam omnibus illud largitur, ideo videtur esse quodammodo naturale, quia à primo Motore omnibus hominibus tribuitur. Voluntas ergo humana mota auxilio Diuino, & illi assentiens facit actum dignum de congruo, vt Deus creet gratiam habitualement, in ipsa, & iustificetur, qua gratia habituali creata homo iustificatur; & si perseueret in bonis operibus, vel in illo opere bono, post gratiam habitualement acceptam, opera illa sunt meritoria Vitæ æternæ de condigno jam, non de congruo.

NOTA 3. Quando D. Subtilis in 4. dist. 14. q. 2. §. *Ad huius intellectum* dicit: quod potest homo ex puris naturalibus cum communi influentia considerare peccatum commissum, vt offensiuum Dei, excludit tantum gratiam habitualement, quia ibi inquit, ardispositio præuia informis sufficiat, non autem excludit auxilium Dei, neq; asserit quod vltima dispositio ad gratiam sit ex nobis, cum aperte gratiam Dei præuenientem admittat, vt in 1. d. 44. q. vnica. Num. 4. ait. *Quemlibet peccatorem saluari posse, quia inquit potest Deus cum sua gratia præuenire.* Et in 4. dist. 20. q. vnica dicit ex S. Augustino. *Opus Dei esse non hominis pœnitentiam fructuosam inspirare.* Et infra dist. 22. art. 2. ait: *Deum propter merita mortificata citius dare gratiam ad resurgendum.* Et in 2. Dist. 9. q. 2. num. 14. ait. *Hominem non posse efficere vltimam dispositionem ad formam supernaturalem.* Hoc idem docet Quodlib: 17. art. 1. & alibi sæpè.

*Vltima dispositio ad gratiam non est ex nobis.*

NOTA 4. Gratia est forma aliarum virtutum, non quod eis det proprium esse formale, sed quia aliarum virtutum dirigat operationes in vltimum finem, & quia dat actibus aliarum virtutum, & operibus nostris bonis, acceptabilitatem, & dat illis vt sint meritum de condigno vitæ æternæ. Ille ergo actus dicitur formatus, qui elicitur ab existente in charitate secundum inclinationem charitatis seu gratiæ: ille verò informis, qui licet sit moraliter bonus, non tamen elicitur secundum inclinationem gratiæ.

*Gratia quæ modo est forma virtutum.*

NOTA



*Meritum aliud de congruo, aliud de condigno*

NOTA 5. Meritum aliud est de condigno, aliud de congruo. Meritum de condigno strictè, & in rigore, est actio libera cui debetur ex iustitia aliquod præmium: Ad hoc meritum requiritur dignitas operis, & Personæ, & lex statuta de concessione præmii sibi respondentis. Meritum de congruo est actio libera, cui congruum est, & par, vt aliquod præmium correspondeat; hæc autem congruitas contingit vel propter dignitatem operantis. V. G. alicujus iusti pro peccatore orantis, qui dignus est vt sua oratio exaudiat, vel propter legem à Deo statutam de concessione alicujus præmii.

*Actus requisitus ad deletionem peccati non est necesse vt sit formatus gratia.*

DICO 1. Actus requisitus ad deletionem peccati mortalis, vt dispositio præuia, & vt meritum de congruo, non est necesse, quod sit formatus gratia. Patet ex Notandis quia talis actus præcedit remissionem peccatorum, & infusionem gratiæ.

*Actus concomitans deletionem peccati est formatus gratia.*

DICO 2. Actus concomitans deletionem peccati mortalis, est formatus gratia: Probat. Quia in illo instanti in quo peccatum deletur gratia inest, & consequenter actus requisitus, vt concomitans deletionem peccati, necesse est vt sit gratia formatus: nam vt dixi in primo Notando, in tertio signo actus ille continuatus, dicitur gratia formatus. DICES. Sequeretur ex hoc quod non per contritionem deleteretur culpa, quia non est contritio, nisi in tertio signo naturæ, cum tamen in secundo signo deleatur.

RESPONDEO. Quod Deus disposuit dare gratiam huic homini per attritionem tanquam per meritum de congruo, non tamen dat in principio attritionis, oportet enim continuare attritionem per certum tempus à Deo institutum, quo transacto Deus statim dat gratiam, tanquam per meritum de congruo, quatenus autem eadem attritio continuatur, vsq; in instans infusionis gratiæ, in quo instanti hic actus, accipit esse contritionis per istum actum, & sic attritio fit contritio sine omni mutatione reali actus. Dicitur autem DEVS dare per istum actum gratiam, tanquam per dispositionem concomitantem.

SI DICAS, Contritio sequitur remissionem peccati. Ergo non remittitur per contritionem peccatum?

*Quomodo contritio delectat peccatum*

RESPONDEO, Concedi debet quod contritio delectat peccatum in sensu diuisionis



nis, nam iste ille idem est motus informis, & formatus, informis est dispositio prævia remissionis culpæ: & sic dicitur contritio delere culpam: in sensu autem composito contritio, id est actus iste formatus gratia, non delet culpam, quia est natura posterior dimissione culpæ.

COLLIGE. D. Subtilis loco citato Num. 16. dicit quòd in instanti præmiationis de condigno, non potest poni obex, in instanti verò præmiationis de congruo potest poni obex, & sic in termino meriti de congruo, potest aliquis non habere illud quod meruit, quia posuit obicem.

ARTICVLVS V.

*Virum penitentia sit virtus supernaturalis, & infusa, vel naturalis & acquisita.*

NOTA 1. Duplices esse virtutes Theologi affirmant: alias Theologicas, alias morales acquisitas. Virtus infusa est habitus, qui ab alia causa produci non potest, nisi à solo Deo: Acquisita verò virtus est habitus, cujus propria est causa exercitatio, & cōsuetudo, licet & talis habitus possit à Deo infundi, sed jam dicitur infusus per accidens. Porro multi Thomistæ affirmant præter morales virtutes acquisitas, concedendas esse morales suapte natura, & per se infusas, quæ differunt à moralibus suapte natura acquisitis, quam opinionem Medina 1. 2. q. 63. artic. 3. dicit Sacris Scripturis, Conciliis esse consentaneam, adeò vt negare virtutes morales infusas sit ingens temeritas.

*Virtus alia infusa, alia moralis.*

NOTA 2. Virtutes Theologicæ differunt à moralibus ob- jecto, materia, & fine, nam Theologicarum, objectum, materia, & finis, est Deus, moralium verò res ratione recta præfer- pra. Quod si dicas, obedientia, pietas, & Religio in Deum sunt virtutes ad mores pertinentes, & tamen habent Deum objectum, similiter poenitentia, quæ Deo pro peccatis commissis satisfacimus. RESPONDEO, Prædictas virtutes non versari circa Deum tanquam circa proprium objectum: nam Religionis ob- jectum

*Differentia inter virtutes Theologicas & morales.*



Religionis  
objectum cul-  
tū.

jectum est cultus, qui Deo debetur; pietatis honor, & reuerentia, quæ Deo defertur; obedientiæ obsequium, quod Deo præstamus, & quod ei tanquam Domino paremus: penitentia verò est actus, quo Deo pro peccatis charitatis impulsu, & imperio satisfacimus. Secundo. Differunt virtutes Theologicæ à moralibus: quia Theologicæ, Diuinæ regulæ innituntur, morales recta ratione diriguntur.

Non dantur  
virtutes in-  
fusa mora-  
les.

Dico. 1. Præter virtutes infusas Theologicas, & morales acquisitas, non esse aliquas morales per se, & natura sua infusas à solo Deo. Ita D. Subtilis in 3. d. 36. q. unica § Licet de istis virtutibus moralibus. Henricus quodlibet 6. q. 12. Occam. in 4. d. 33. Bassolus in 3. dist. 33. q. 2 & alii. Probat 1. Nulla adest necessitas ponendi has virtutes morales per se infusas. Ergo non sunt ponendæ. Antecedens probatur. Quia si essent necessariæ, vel essent necessariæ ex proportionem effectus ad causam: vel ratione objecti formalis: tandem ratione finis. Non primum: nam non est ratio quod virtutes Theologicæ quæ sunt principia infusa efficiant alias virtutes morales à naturalibus, sed sufficit quod alio modo eas dirigant, ac faciant principia naturalia, quia alio modo secundum fidem debemus exercere actum castitatis, temperantiæ, iustitiæ &c. alio modo secundum lumen naturale; atq; ita hæc virtutes morales infusæ non sunt necessariæ propter complementum naturæ, quia morales naturales sufficiunt ad complementum naturæ secundum esse naturale, Theologicæ verò complent secundum esse supernaturale. Non ratione objecti formalis, quia cum duplex sit objectum scilicet naturale, & supernaturale, ad utrumq; sufficiens disponitur homo, & simpliciter perficitur in se, & ad alia extra se, & ad Deum, per virtutes morales, & Theologicas, ut D. Subtilis probat in 3. dist. 34. Ergo non sunt admittendæ virtutes morales infusæ. Instat Caietanus. Si ratio hæc Scoti valeret sumpta ex parte objecti, quia scilicet vnicum est objectum supernaturale, ad quod virtutes Theologicæ sufficienter disponunt, & ordinant, & ideo non sunt ponendæ virtutes morales infusæ, sequeretur quod esset necesse ponere virtutes purè infusas Theologicas, quia fides, spes, & charitas

ritas



ritas acquisitæ, perficiunt nos in ordine ad Deum, nihil enim diligitur charitate infusa, quod non diligatur charitate acquisita. Sed consequens est inconueniens. Ergo. **RESPONDEO.** Ex fide habetur, non autem naturaliter est notum, dari in nobis virtutes infusas, vt probat Doctor Subtilis in 1. dist. 17. & in 3. dist. 23. Atqui ex fide non habemus virtutes infusas morales dari. Ergo non sunt ponendæ. Non ratione finis. Quia omnes actus virtutum moralium possumus ordinare ex charitate ad finem supernaturalem. Ergo virtutes infusæ morales, sunt superflue. **RESPONDET** Caietanus 2. 2. q. 63. art. 3. Quod fides, & charitas, tendunt immediatè in finem, qui est Deus, non in media, virtutes verò morales infusæ tendunt immediatè in media ad finem hunc consequendum. Contra Fides nostra, non solum est immediatè de fine ultimo, sed etiam est immediatè de medijs ad illum consequendum, vnde quod est de ratione vnius virtutis, non potest alijs tribui. **PROBATVR 2.** Conclusio Adultis qui exercitio compararunt sibi aliquas virtutes morales, non debent concedi aliquæ virtutes morales infusæ; quia hæc vel essent diuersæ speciei, vel ejusdem. Non primum quia habitus morales qui sunt circa eandem materiam, quorum actus sunt ejusdem speciei, non differunt specie. Sed si essent V. G. duæ temperantiæ vna infusa, & alia acquisita, essent circa eandem materiam, & actus earum essent ejusdem speciei. Ergo &c. Non 2. quia infundi non possent; nam duæ virtutes ejusdem speciei, & solo numero differentes in eodem subiecto esse non possunt. Ergo. Tertio probatur Vel tales virtutes morales infusæ concedendæ sunt hominibus ad substantiam operationis, vel ad illius facilitatem. Non 1. quia ad hanc sufficit ipsa naturalis potentia nuda. Non 2. quia hanc præstant virtutes morales acquisitæ.

**OBIICIUNT 1.** Deus in multis locis Sacræ Scripturæ dicitur esse author virtutum, vt Sapientiæ 8. *Sobrietatem enim & prudentiam docet, & iustitiam & virtutem*, id est fortitudinem. Ibidem dicitur. *Et vt scini quoniam aliter esse non possem esse continens nisi Deus dei.* Ergo virtutes morales à Deo infunduntur.



RESPONDEO. In primo testimonio sapiens ostendit sapientiam esse matrem virtutum moralium. In posteriori loquitur de continenda, & conseruanda sapientia, non autem de continencia virtutis castitatis, quæ est virtus moralis.

OBJICIUNT. 2. Si non ponerentur virtutes morales infusæ, sequeretur, quod baptizato puero, vel adulto, qui respectu vitij, & virtutis moralis se haberet neutraliter, non sufficienter ei esset prouisum à Deo: quia esset quidem ei prouisum circa finem per virtutes Theologicas infusas, sed non esset ei prouisum circa appetitum inferiorem per virtutes morales, & sic non posset operari perfectè, sed imperfectè, ipse enim sine virtutibus esset imperfectus, & consequenter ejus operationes essent imperfectæ.

RESPONDEO. Quod per virtutes infusas sufficienter est illi prouisum; quia vel natus est habere virtutes morales acquisitas, vel non: si sic, per illas ei prouidebitur: si non, quia non habet vsum rationis, vt paruulus, tunc in illo non est necesse ponere, virtutes morales infusas, quia sufficienter benè disponitur circa appetibilia per charitatem infusam.

*Pœnitentia  
Virtus non  
est infusa.*

DICO 2. Pœnitentia virtus, & actus ejus secundum se, & intrinsecè, non est infusus, nec supernaturalis. Ira Doctor Subtilis in 4. dist. 14. *ad ultimum*. Durandus in 2. dist. 28. q. 5. Gabriel Biel in 4. dist. 14. q. 1. & alij. Probat 1. Virtutes supernaturales, & infusæ sunt tantum tres: Ergo pœnitentia non est virtus supernaturalis, nec infusa. Confirmatur. Quia quælibet virtus infusa, & actus ejus habet immediatè pro objecto Deum. Atqui virtus pœnitentiæ & actus ejus non habet immediatè Deum pro objecto, sed peccatum punibile, vt est contra legem Dei, & bonum commune. Ergo pœnitentia ex suo genere, non est virtus infusa. Neq; valet si dicas quod pœnitentiæ actus habet quidem peccatum pro objecto, sed vt est offensiuum Dei; non inquam valet, quia consideratio ista peccati, vt est offensiuum Dei, vt vltimi finis, pertinet ad actum charitatis, non, verò pœnitentiæ vt dixi Articulo 2.

Proba



Probat 2. Omnis virtus, vel est Theologica, vel moralis: At pœnitentia non est Theologica virtus. Ergo est moralis. Atqui omnis virtus moralis est naturalis, & acquisita, non supernaturalis. Ergo pœnitentia est virtus naturalis, & acquisita, non infusa. Negant Thomistæ omnes virtutes morales esse acquisitas, sed aliquas esse infusas. Sed hoc refutatum est præcedenti conclusione. Probat 3. Ratio propter quam ponitur pœnitentia esse virtus infusa, est ut saluentur Scripturæ, & auctoritates Patrum, & Conciliorum quæ dicunt pœnitentiam esse à Deo, quas in objectionibus afferemus. Sed optimè saluantur prædictæ authoritates secundum opinionem nostram; nam licet dicamus pœnitentiam esse naturalem, & actum illius, tamen ad hoc ut actus iste pœnitentiæ sit fructuosus, & talis qualem Deus exigit ad delenda peccata, necesse est, ut procedat ex charitate, & auxilio Divino, quod Concilium Tridentinum *Sess. 6. cap. 6.* indicat, addendo istam particulam (sicut oportet): & sic non qualibet pœnitentia est apta nata delere peccatum, sed illa solum quæ est cum relatione extrinseca ad charitatem, nulla enim virtus inclinatur ad finem ultimum, nisi mediante illa virtute, cujus est respicere finem ultimum per se, & immediatè, qualis est charitas, vna quæq; tamen virtus est perfecta in sua specie. Probat 4. Si actus pœnitentiæ esset infusus ac supernaturalis, sequeretur quod qui illum haberet semper esset in gratia, quia quando quis cognosceret se detestari peccatum propter Deum, sciret se esse in gratia, cum tamen nescit homo an odio, vel amore Dei dignus sit.

OBJICIUNT I. Thomistæ Illa est virtus infusa ex suo genere, quæ ordinatur hominem ad amicitiam Dei, siue quæ habet Deum pro fine intrinseco: Sed pœnitentia est hujusmodi. Ergo. Major paret ex Notando I. Minor probatur quia proprius actus pœnitentiæ est pœnitere de peccato tanquam offensa Dei, & reconciliare hominem cum Deo, & cum in ejus amicitiam restituere.

RESPONDEO. Nego Minore. Ad probationem dico, pœnitentia si consideretur in se, & intrinsecè non habet Deum pro fine, & objecto,

*Pœnitentia  
non habet Deum  
pro fine  
& objecto in  
se, & intrinsecè.*



neq; amicitiam Dei, sed solum extrinsecè, & ex relatione ad charitatem: & licet pœnitentia Euangelica, vt est particularis virtus moralis respiciat peccatum, vt est offensiuum Dei, non tamen respicit peccatum vt est offensiuum Dei, vt dilecti, & vt ultimi finis immediatè, sed quatenus est offensiuum Dei, vt est primus, & supremus legislator. Quod autè vltimatè reducatur in Deum, hoc non vrget, quia sic omnes virtutes morales reducuntur ad Deum, non tamen sunt infusæ, vel supernaturales.

**OBIICIUNT 2.** Ille est actus supernaturalis, qui viribus naturalibus acquiri non potest. Sed actus pœnitentiæ est talis, quia necessarium est auxilium speciale Dei: Ergo pœnitentia, & actus ejus est supernaturalis. Major patet ex notando 1. Minor probatur ex SS. literis. Joann. 6. dicitur. *Nemo potest venire ad me, nisi Pater meus traxerit eum.* 2. ad Timoth. 2. *Quando Deus det illi pœnitentiam ad cognoscendam veritatem, & resipiscat à laqueis diaboli.* S. Augustinus lib. 5. contra Julianum cap. 3. ait. *Nisi ipse dederit quis agat pœnitentiam?* **CONFIRMATVR** in Tridentino Sessione 6. cap. 6. & Canone 3. dicitur. *Si quis dixerit sine praueniendi Spiritus Sancti inspiratione, atq; eius adiutorio hominem credere, sperare, diligere, aut pœnitere posse, sicue oportet, vt ei justificationis gratia conferatur, anathema sit.* Hoc loco Concilium docet eodem modo esse necessariam gratiam ad actum pœnitentiæ, sicut ad actum fidei, & charitatis. Ergo sentit eodem modo actum pœnitentiæ esse supernaturalem, sicut actum fidei & charitatis. Neq; valet responsio Scotistarum quod Concilium intelligat actum pœnitentiæ esse supernaturalem ratione relationis ad charitatem: quia hac ratione dicendi essent actus fidei, spei, & charitatis esse supernaturales, non in se, sed quatenus habent relationem ad fidem, fides verò è conuerso secundum se non esset supernaturalis, sed vt informata charitate. Atqui ista omnia sunt absurda. Ergo &c.

*Pœnitentia  
dupliciter  
consideratur.*

**RESPONDEO.** Actus pœnitentiæ duobus modis consideratur. Vno modo vt est actus pœnitentiæ virtutis moralis nudæ, absq; relatione extrinseca ad charitatem. Secundo modo vt includit relationem extrinsecam ad charitatem, & est ordinatus ad be-



ad beatitudinem. Primo modo est actus bonus moraliter, & hic viribus naturalibus haberi potest. Secundo modo à solo Deo inspiratur, & de isto loquuntur authoritates Sacræ scripturæ, & Sanctorum Patrum, non autem de primo de quo nos loquimur. Ita & Concilium Tridentinum intelligit: non enim est par ratio de actu fidei, spei, & charitatis, & de actu pœnitentiæ, quia illæ sunt virtutes Theologicæ, & supernaturales ex suo genere, at pœnitentia non est sic. Vnde Concilium addidit hanc particulam (sicut oportet) vt indicaret de quo actu pœnitentiæ intelligat, nempe de illo qui habet ordinem ad charitatem, non autem de actu pœnitentiæ nudo.

**OBIICIUNT 3.** Aliquis actus pœnitentiæ est vltima dispositio ad gratiam. Sed dispositio ad gratiam est supernaturalis. Ergo actus pœnitentiæ debet esse supernaturalis. **RESPONDEO.** Pœnitentia quæ est sufficiens dispositio ad gratiam est supernaturalis, sed cum relatione ad charitatem, quæ competit merito de congruo, vt acceptetur à Deo, pœnitentia verò vt est virtus moralis nuda, non est dispositio congrua, neq; sufficiens ad gratiam habitualement.

**DICO 3.** Sicut virtutes in nobis possunt generari ex duplici lumine, scilicet naturali, & supernaturali; ita & virtus pœnitentiæ ex lumine naturali, & alia ex lumine supernaturali. Prima pars probatur quod virtutes generentur in nobis ex lumine naturali, quia omnis virtus moralis appetitiua habet regulam in intellectu, secundum quam regulatur, virtus enim debet esse conformis rectæ rationi: & ex hac regula generantur in nobis virtutes morales naturales, aliæ virtutes morales generantur in nobis ex lumine supernaturali, V. G. Omnia dimittenda sunt propter Christum, Prælati obediendum est in omnibus licitis: & sic paupertas Euangelica, obedientia, castitas &c. sunt virtutes morales ortæ ex principijs, & veritatibus reuelatis. Dixi Sunt virtutes morales, quia secundum perfectam & rectam rationem, licet non purè naturalem, ex more, id est ex frequenti electione generantur in nobis: habita enim reuelatione quod paupertas voluntaria est medium ad vitam æternam, possum me velle

*Virtutes ex duplici lumine generantur.*

*Paupertas generatur ex lumine supernaturali.*

exer-



*Pœnitentia  
quando vir-  
tus Euan-  
gelica.*

exercere in paupertate: & sic & in aliis virtutibus. Secunda pars Probatur. Pœnitentia enim quæ dicitur esse peccatum detestandum potest oriri; vel ex regula lumine naturali nota, vt ex hac, De peccato est displicendū, & ex hac regula pœnitentia orta est virtus moralis naturalis; vel ex regula lumine supernaturali nota, quæ dicitur peccatum esse detestandum, in quantum est offensiuum Dei, auersiuum à Deo, impeditiuum beatitudinis, inductiuum poenæ inferni, & hæc regula est ex reuelatione Dei nota: ex qua pœnitentia orta est pœnitentia, virtus moralis, sed non purè naturalis, sed euangelica: est tamen moralis, quia potest naturaliter, & ex more, nempe ex frequentatis actibus generari in nobis; Ex hac regula, & veritate euangelica, nobis reuelata. *Pœnitentiam agite. &c.* Hinc

**COLLIGE 1.** Stando præcisè in actu virtutis pœnitentiæ Euangelicæ, actus ejus non elicitur propter amorem Dei, & talis actus non est meritorius, neq; fructuosus, quatenus verò includit relationem ad charitatem est fructuosus, sed hæc relatio ad charitatem est extrinseca pœnitentiæ virtuti speciali.

**COLLIGE 2.** Pœnitentia vt est virtus Euangelica, quæ detestatur peccatum, vt est offensiuum Dei, detestatur illud, non quatenus Deus est dilectus, sed quatenus est supremus legislator, cui est obediendum: ynde licet omnes virtutes Euangelicæ ordinentur ad charitatem, tamen habent etiam suos limites, & fines.

**COLLIGE 3.** Cum dicitur actus pœnitentiæ fructuosus debet elici ex charitate, non intelligas, quod debeat elici à charitate inexistente, id est gratia habituali justificante, sed quia debet elici ex motiuo charitatis, ita vt sit aptus natus generare habitum charitatis, cum elicitur ex impulsu dilectionis Dei.

## ARTICVLVS VI.

*An in statu innocentie fuisset pœnitentia?*

**NOTA.** D. Subtilis tangit hanc difficultatem in 4. dist. 14. q. 2. ad 3<sup>ium</sup>. Vbi ponit duplicem modum dicendi. Primus est.



est. Quod in statu innocentiae solum fuissent illae virtutes quae habent pro objecto bonum, non autem illae quarum objectum est malum. Sed virtus quae pro objecto respicit malum est in nobis supplementum defectus naturalis: cum ergo in statu innocentiae, nullus fuisset defectus naturalis, ideo ibi non essent praedictae virtutes, quia non fuisset ibi necessitas habendi illas, & sic non fuisset ibi patientia, quia nec materia patientiae. Tum quia virtus versatur circa difficile. Atqui in statu innocentiae non fuisset facere bonum difficile, quia non fuisset pugna inter rectam rationem, & virtutes sensitivas. SECUNDUS MODUS dicendi est: Cum virtus poenitentiae in prima sui significatione est iustitia vindicativa, cujus munus est vindictam de reo sumere, siue reus sit ipsemet vindicans, siue alius, & sic possumus concedere in statu innocentiae potuisse esse poenitentiam, non secundum actum, sed secundum habitum.

DICO itaq; Secundus modus dicendi est probabilior. *In statu innocentiae fuisset poenitentia quod ad habitum.* Probat. Quia innocens & beatus, possunt habere habitum promptè vindicandi peccatum in alium reum. Ergo potest manere habitus in illis vindicandi in seipso peccatum, si ipsi essent rei peccati: poenitentia enim ut est virtus, est habitus vindicandi peccatum in reo: illa autem conditio in se, vel in alio est conditio accidentalitatis, quae non variat rationem formalem habitus.

PETES I. An in Christo Domino fuerit poenitentia?

Respondent aliqui fuisse quoad habitum non quoad actum: quia conceditur hae virtuti manere in Beatis. Respondent alij, & fortè melius. Neq; quoad actum, neq; quoad habitum, nam stante vnione beatifica, & vnione hypostatica, de lege ordinaria, impossibile erat quod peccasset, ideo frustra poneretur in eo poenitentia.



## QVÆSTIO III.

Vtrum pœnitentia virtus sit tantum vnus pœnæ inflictivæ?

Videtur quod sic:

1. Vnius culpæ, vna est pœna ordinativæ, quia & vnus deordinatio- nis vna est ordinatio. Sed virtus pœnitentiæ est inflictivæ pœnæ, vt ordinet culpam. Ergo vni culpæ per pœnitentiam debet cor- respondere vna pœna, nulla enim pœna duplici pœna sufficien- ti punitur.
2. Pœnitentia est quædam iustitia particularis scilicet vindicativæ. Sed iustitia reddit æquale pro æquali: vna autem pœna est æqua- lis vni culpæ. Ergo vni culpæ non debent ex pœnitentia infligi plures pœnæ.
3. Vnius virtutis est vnicum objectum, & vnicus actus. Sed pœni- tentia est vnica virtus. Ergo debet habere vnicum objectum, scili- cet vnicam pœnam, & vnicum actum, & sic debet infligere vni- cam pœnam non plures.

*Qualibet  
virtus appe-  
titiva habet  
regulam in  
intellectu.*

NOTA. Cuicumq; virtuti appetitivæ correspondet di- ctamen prudentiale, seu regula à qua dirigitur in intellectu, quæ dictat voluntati, vt bene moraliter possit elicere actum virtuo- sum, talis prudentia siue regula correspondet etiam pœnitentiæ. Duplex autem regula, seu dictamen prudentiale reperitur quod regulat voluntatem nostrā: quædam naturalis, ad cuius notitiam intellectus lumine naturali devenire potest: quædam supernaturalis, ad cuius cognitionem non potest intellectus ex propriis viribus, sed tantum per revelationē. oportet ergo inuestigare istam regu- lā, siue hoc dictamen rationis, secundum quod pœnitentia virtus regulatur, & juxta hoc judicandum erit, cuius pœnæ, an vnus, vel plurium ista virtus sit inflictivæ. Duplex autem hæc regula esse potest pœnitentiæ punitivæ. Prima est naturalis, naturaliter nota, & est hæc: Displicendum est de peccato: omnis enim in- tellectus creatus ex suo lumine naturali cognoscit, peccatum esse detestandum, est enim res mala, malum autem detestantur om- nes qui sunt rationis capaces. Secunda est supernaturalis ex re-

*Duplex pœ-  
nitentia re-  
gula.*



revelatione Diuina nota, vt hæc, Peccatum est detestandum, vt est  
offensuum Dei auctoris supernaturalis, & impeditium beati-  
tudinis supernaturalis, & inductium pœnæ. Huic regulæ cor-  
respondet in voluntate virtus pœnitentiæ, sed non illa pœniten-  
tia, quæ est virtus moralis naturalis correspondens priori regulæ,  
quæ est dictamen rectum rationis naturaliter notum, sed est alia  
virtus pœnitentiæ, quæ est pœnitentia Euangelica, & est super-  
naturalis quoad cognitionem, naturalis verò habita reuelatione,  
quoad acquisitionem, per frequentatos actus, ex more, & con-  
suetudine.

Pœnitentia  
Euangelica  
super natu-  
ralis quoad  
cognitionem.

DICO 1. Pœnitentia naturalis, quæ habet regulam na-  
turalem, vnâ tantum pœnam infligit, scilicet displicentiam  
de peccato, ad quam displicentiam, sequitur tristitia in volunta-  
te, quæ est vnica, & prima pœna. Ratio est quia regula,  
& dictamen rectum rationis à quo illa regulatur, & secundum  
quod gignitur, non dictat aliâ pœnam peccato esse infligendam.

Pœnitentia  
naturalis &  
vnâ pœnâ  
infligit.

DICO 2. Pœnitentia habens regulam supernaturalem,  
scilicet Euangelica, est plurium pœnarum inflictiua, nempe il-  
larum, quas regula sua, quæ est reuelatio Diuina dictat, & præ-  
cipit, vt sunt confessio, contritio, satisfactio, ieiunium, lachry-  
mæ, Eleemosynæ, orationes. Probatur 1. ex SS. literis Joëlis  
cap. 2. dicitur: *Scindite corda vestra, & non vestimenta vestra:*  
ecce præcipitur, contritio. Jacobi 5. dicitur: *Constitemini alter-  
utrum peccata vestra:* ecce præcipitur confessio. Joëlis 2. di-  
citur: *Conuertimini ad me in toto corde vestro, in ieiunio, & fletu,  
& planctu.* : ecce indicantur aliæ pœnæ. Et Matthæi 3. dicitur:  
*Facite dignos fructus pœnitentiæ,* id est orate, ieiunate, Eleemosy-  
nas date, vt exponit S. Aug. libro de vera & falsa pœnitentia cap.  
14. & 15. Probatur 2. Pœnitentia est iustitia puniriua secun-  
dum legem Diuinam. Atqui secundum legem Dei oportet plu-  
res pœnas infligere, vt peccatum puniatur, vt constat ex autho-  
ritatibus Sacræ Scripturæ citatis. Ergo pœnitentia Euangelica  
est plurium pœnarum inflictiua.

Pœnitentia  
Euangelica  
plures pœnas  
infligit.

DICES. Si esset aliqua pœnitentia, quæ regularetur regu-  
lis supernaturalibus, non esset virtus moralis; quia ad cuius co-



gnitionem requiritur regula supernaturalis, est supernaturalis. Sed pœnitentia Evangelica est talis, quia notitia quæ est regula ejus non est naturalis. Ergo. Item Qualibet virtus moralis regulatur lumine naturali.

*Virtus moralis quid?*

RESPONDEO ad 1. Nego sequelam. Ad probationem dico Non sequitur ex hoc quod Regula istius virtutis est tantum ex revelatione, vel fide nota. Ergo non est virtus moralis: quia juxta Aristot. 2. *Ethic: cap. 1.* Virtus moralis dicitur esse ex hoc, quod est ex more, & consuetudine generabilis. Atqui appetitus ex cognitione tam naturali, quam supernaturali, potest exercere aliquos actus rectos, & generare in se habitum. Ergo. Ad aliud Dico falsum est quod quævis virtus moralis regulatur lumine naturali, multæ enim regulantur virtute supernaturali, ut paupertas voluntaria, obedientia &c. quarum finis non potest naturaliter attingi, quia ordinantur ad finem sub ratione superiori, quam cognitio hujus status se extendat. Si dicas Ergo virtutes Theologicæ erunt virtutes morales, quia per actus frequentatos possunt acquiri. RESPONDEO. Nego, non enim habent objectum aliquod Ens creatum, sed ipsummet Deum, ut probat D. Subtilis in 3. *dist. 23.*

Ad 1. in oppositum RESPONDEO. Quod pœna quæ ordinat culpam, consideratur, vel in se, vel in ordine ad offensum. Primo modo est una, quia unius peccati una est pœna. Secundo modo est multiplex secundum voluntatem illius offensis. Atqui in sacris literis habetur quod Deus offensus requirat multiplicem pœnam propter peccatum.

Ad 2. Similiter dico una pœna est æqualis uni culpæ, in se concedo: in ordine ad offensum nego. Neq; licet attribuere crudelitatem non acceptanti unam pœnam: quia ille est crudelis, qui pœna æquali culpæ non est contentus. At nulla est pœna æqualis culpæ commissæ in Deum. Ergo. Ad 3. RESPONDEO. Quod unico actu pœnitentiæ possunt imperari variae tristitiæ, per unicum enim actum vindicandi, siue imperandi punitionem potest aliquis imperare omnes punitiones correspondentes huic culpæ. RESPONDENT Aliqui quod pœnitentia est unica virtus genere, multiplex specie.



## DISPUTATIO II. De Pœnitentia v̄t est Sacra- mentum.?

PRæsentem Disputationem in duas Quæstiones diuidemus.  
In prima inquiremus: Vtrum per Sacramentum pœnitentiæ  
deleatur culpa. In 2. Vtrum ista tria contritio, confessio, &  
satisfactio sint partes pœnitentiæ Sacramenti.

### QVÆSTIO I.

Vtrum per Pœnitentiæ Sacramentum delea-  
tur culpa.?

In 4. Articulos diuiditur Q.

In 1. quæretur Vtrum Pœnitentia sit Sacramentum.?

In 2. Quid sit Pœnitentiæ Sacramentum.?

In 3. A quonam & quando fuit institutum Sacramentum  
Pœnitentiæ.?

In 4. Quomodo Sacramentum Pœnitentiæ sit necessarium.?

### ARTICVLVS I.

Vtrum Pœnitentia sit Sacramentum.?

Fuit error antiquitus excitatus à Montanistis, & Nouatia-  
nis vt ex S. Cypriano colligitur libro 2. Epist. 4. S. August: lib:  
de heresibus c. 38. nimirum nullum esse Sacramentum Pœniten-  
tiæ; qui error fuit à tot seculis damnatus, & in inferno sepultus,  
quem deinde Lutherus, & Calvinus hisce temporibus excitâ-  
runt. Lege Bellarminum lib. 1. de Pœnitentia cap. 2. & sequen-  
tibus. Probant 1. Scholastici Doctores desudant quærendo quid  
in Pœnitentia sit Sacramentum; & nihil determinant, sed to-  
tum negotium hoc in opinionibus consistit. Ergo.

H 3

2. Sa-



Opinio hæ-  
reticorum  
de pœniten-  
tia.

2. Sacramentum est signum visibile juxta S. August: *Serm: de Baptismo ad infantes*. At Pœnitentia non est visibilis: contritio enim, confessio, absolutio, immo & satisfactio non sunt visibiles. 3. Cognitio peccati facit magis abundare peccatum. Ergo non est de peccatis cogitandum aut dolendum. Consequentia patet quod optima pœnitentia est noua vita: non ergo de anteaactis peccatis est cogitandum. Confirmant vocē græca *μετάνοια* quæ sonat resipiscentiam. 4. Christus Dominus nihil impossibile injunxit. Sed confessio peccatorum, & enumeratio eorum est impossibilis juxta Psalm: *Delicta quis intelligit?* Et alibi *Iniquitates meae supergressæ sunt caput meum*. Ergo non datur Sacramentum Pœnitentiæ. 5. Non minoris efficacitatis est contritio in noua lege, atq; fuit in veteri. Sed tunc per solam contritionem remittebantur peccata. Ergo & modo: aliās iniquior esset conditio Ecclesiæ, cum tanto onere, quàm Synagoga absq; illo. 6. Christus Dominus nullius confessionem audiuit. Sed sine confessione peccata dimisit, paralytico; Latroni in cruce; Magdalenæ. Ergo nec modo talis requiritur pœnitentia qualem Catholici requirunt. 7. Non potest assignari locus in quo Christus Dominus instituerit hoc Sacramentum: non Joannis cap. 20. *Accipite Spiritum Sanctum quorum remiseritis peccata &c.* nam in his verbis inquirunt hæretici, non designatur symbolum, nec forma, sed solum ibi designatur legatio Apostolis ad prædicandum Euangelium. 8. Malè assignatur definitio Pœnitentiæ à Catholicis, quod sit secunda post naufragium tabula: nam nullus est qui tantum vnum naufragium faciat in tota vita sua. Ergo &c.

Pœnitentia  
est Sacramē-  
tum,  
Definitio Sa-  
cramenti.

DICO I. Pœnitentia est Sacramentum propriè dictum nouæ legis. Probatur Sacramentum est signum sensibile ex institutione Diuina efficaciter significans gratiam, vel effectum gratuitum, ordinatum ad salutem hominis viatoris. Sed Sacramentum pœnitentiæ est tale. Ergo. Major probatur ex definitione Sacramenti in communi. Minor patet: quia pœnitentia est signum sensibile, absolutio enim & confessio, auditu percipi potest. Deinde est signum efficaciter significans, & effici-

ens



ens gratiam ex institutione Diuina, ordinatum ad salutem hominis viatoris, quæ sunt cæteræ conditiones Sacramenti.

Confirmatur ex Conci. Trident. vbi hæc veritas *Sess. 14. Can. 1.* definita est sic. *Siquis dixerit in Catholica Ecclesia Penitentiam non esse verè, ac propriè Sacramentum pro fidelibus quoribus post Baptismum in peccata labuntur, ipsi DEO reconciliandis à Christo Domino institutum, anathema sit.*

NOTA. Hæreticos admittere aliquas conditiones, siue particulas definitionis Sacramenti, tamen alio modo eas, quàm Catholici intelligunt; Deinde aliquas addunt quæ nulla ratione pertinent ad Sacramentum. Admittunt istas nimirum quòd Sacramentum sit symbolum, siue signum externum, sed Caluiniſtæ istud signum volunt esse visibile, & palpabile, & ideo non admittunt nisi duo Sacramenta scilicet Baptismum & Coenam, quia ista signa sunt visibilia. Sed Catholici dicunt Sacramentum esse signum sensibile; nam S. Aug: qui in definitione Sa-

*visibile id est sensibile.*

cramenti vitur vocabulo (visibile) per visibile intelligit sensibile, vt colligi potest. Ex l. Confessionum cap. 33. *Vide quid sapiat, vide quid oleat, vide quid sonet &c.* Admittunt etiam istas particulas significans gratiam, vel effectum gratuitum, sed istam (efficaciter) tollunt, non enim volunt Sacramenta esse signa efficacia gratiæ ut Catholici rectè admittunt: ponunt enim hæretici solùm duos effectus in Sacramentis, nimirum obſignare promissiones DEI, & esse testimonia nostræ pietatis coram DEO; Angelis; & hominibus; & sic consequenter differunt in vltimis particulis, scilicet illis Ordinatum ad salutem hominis viatoris; nam Catholici docent Sacramenta esse instituta ad producendam gratiam iustificantem, quæ viator obtinet vitam æternam, & liberatur à peccato; hæretici verò volunt Sacramenta esse tantum sigilla quædam, quæ instar miraculorum confirmant, & obſignent promissiones, nimirum fidem ac illam excitent ac nutriant, vt faciunt miracula, ex qua fide apprehensa per prædicationem dicunt hominem iustificari per solam apprehensionem fidei, qua credant peccata sibi esse remissa. Sed contra hanc positionem hæreticorum sic arguo: Ignotius non

*Sacramenta sunt sigilla juxta hæreticos.*

adhi-



Ratio con-  
tra hereti-  
cos,

adhibetur ad probandum notius. Si ergo Sacramenta adhiberentur tanquam sigilla ad comprabandam prædicationem Verbi Dei, necessario deberent esse notiora, & efficaciora ad persuadendam fidem, quam ipsa prædicatione, & Verbum Dei: Sigillum enim Regis notius ac efficacius est, quam litteræ Regis, quæ illo obsignantur, & miraculum notius, & efficacius est ad faciendam fidem prædicatam ab aliquo, quam ipsa prædicatione. Subsumo: Sed Sacramenta non sunt notiora Verbo Dei, quia confirmantur ex eo, & in S. Scriptura colligitur numerus & substantia Sacramentorum. Tùm quia nusquam in SS. literis Sacramenta dicuntur testimonia promissionum, ut fingunt hæretici, sed describuntur ut instrumenta justificationis ad Titum 3. Baptismus vocatur lauacrum regenerationis, & renouationis; & de Eucharistia Joan. 6. dicitur: Qui manducat hunc panem viuet in æternum.

Pœnitentia  
non est Ba-  
ptismus.

Dico 2. Pœnitentia est Sacramentum distinctum à Sacramento Baptismi. Ita Trident: *Sess: 14. Can: 2.* Probatum quia Sacramenta propriè dicta distinguuntur penes duo, penes signum sensibile, & penes effectum. Atqui Baptismus est signum sensibile diuersum à Pœnitentia: quia Baptismus est ablutio facta in aqua naturali cum his verbis. Ego te baptizo &c. Pœnitentiæ autem signum sensibile est absolutio ipsa Sacerdotis, & confessio pœnitentis. Sed hæc sunt diuersa signa sensibilia. Ergo. Deinde sunt diuersa signata, & effectus, nam licet in utroq; Sacramento significetur gratia justificans, diuerso tamen modo significatur; quod Baptismus est signum gratiæ quatenus liberat à peccato originali, & actuali simul adultos, sed pœnitentia est signum gratiæ justificantis quatenus liberat hominem à peccato actuali commissio post Baptismum. Præterea In omnibus Sacramentis est propria materia, & forma: materia est fundamentum signi, forma est relatio signi ad signatum, siue signatio gratiæ. Atqui ista fundamenta sunt diuersa in Baptismo & Pœnitentia, nam in Baptismo fundamentum est totum illud ablutio & verba, & relatio, abluitionis animæ à peccato, significatio: in Pœnitentia autem fundamentum sunt absolutio & actus pœnitentis;



tentis, Relatio est signatio absolutionis animæ à peccato actuali commissio post Baptismum. Porro secundum Scholam S. Thomæ, in Sacramentis est etiam materia, & forma diuersa.

DICO 3. In lege naturæ, & in lege scripta veteri non fuit Sacramentum Pœnitentiæ. Ita communiter omnes DD. Ratio est Tum quia *Trident: Sess. 14. cap. 1.* definit, Pœnitentiam non fuisse Sacramentum ante Christi Domini aduentum. Tum quia Sacramentum est res aliqua sensibilis efficaciter, & infallibiliter producat gratiam justificantem. Sed pœnitentia in antiqua lege non fuit talis res sensibilis, sed solum Pœnitentiæ virtus, vel contritio interna, juxta illud *Scindite corda vestra, & Joel. 2. non vestimenta vestra.* Et juxta illud Psalmi *Cor contritum, Psal. 50. & humiliatum DEVS non despicies.*

DICES Iudæi confitebantur peccata sua, ut patet *Leuitici cap. 5. Numerorum cap. 5. confitebuntur peccatum suum.* Et Matthæi 3. legitur quod *Iudæi accedentes ad prædicationem Joannis Baptiste ab eo baptizabantur in Jordane, confitentes peccata sua.* Ergo fuit in ueteri lege Sacramentum Pœnitentiæ.

RESPONDEO S. Chrysost: Homil: 10. in Matth: ait quod illa confessio fuit propter humilitatem, & erat figura confessionis Euangelicæ, non autem collata ulli fuit potestas absol- uendi homines à peccatis.

Ad 1. Hæreticorum Respondeo Theologi vnanimi con- *Theologi te* sensu tenent Sacramentum Pœnitentiæ esse verè Sacramentum, *nent pœni-* & contineri in hoc aggregato ex actibus Pœnitentis & absolutio- *tentiam esse* ne, & hoc est de fide: Dissentiunt verò in hoc quodnam sit Sa- *sacramen-* cramentum formaliter ex prædictis, & quod restantùm, quæ ad *tum.* Quæstionem fidei nihil pertinent.

Ad 2. constat quod per visibile intelligatur sensibile.

Ad 3. Distinguo Antecedens In eo qui voluptatem intue- tur, concedo: in eo qui fœditatem peccati nego: Peccatum enim simile est locustis *Apocal. 9.* Apocal. 9. facie muliebri, & cauda scorpionis: si faciem cum homine carnali cernas, moueberis: si caudam scorpionis cum pœnitente, terreberis. Ad probatio- nem Consequentis Dico certum indicium veræ pœnitentiæ esse, si emendatio vitæ sequatur; nam si hodie peccata desleas &



cras ad eadem redeas, similis es cani reuertenti ad vomitum, & sui lotæ, ad volutabrum luti. Vocula Μεσσωία seu respiscencia licet videatur respicere terminum ad quem, non excludit pœnitentiam quæ sonat terminum à quo.

Ad 4. Respondeo Licet sit impossibilis enumeratio omnium delictorum venialium, non tamen peccatorum mortalium, quæ post diligentem conscientia discursionem memoriæ occurrunt, quorum autem non meminimus, ea Deus absterget gratia sua, quâ per absolutionis verba animam lavat.

Ad 5. Respondeo Negando iniquiorem conditionem Ecclesiæ, quam Synagogæ. 1. quia Iudæis per solam contritionem peccata remittebantur, quæ est difficilior, & incertior, nobis verò

*Melior est conditio Ecclesiæ ob confessionem, quam Synagogæ.* per Sacramentum cum attritione. Deinde Deus adest ad confessionis molestiam pœnitentibus sua gratia, per quam experitur peccator se pondere peccatorum exonerari, percipit animi quietem, gaudium spiritus, & conscientia pacem: nam pœnitentium lachrymæ omnes corporis delicias vincunt. Tertio, Quia verecundia pœnitentis confitentis multum ad satisfactionem iuvat, à peccatis retrahit, &c.

Ad 6. Nego consequentiam Tùm quia Christo Domino cum hominibus degente nondum erat instituta confessio. Tùm quia CHRISTO Domino qui intima cordis arcana intuebatur, confessione non erat opus. Tùm quia erat author gratia, & Sacramentorum, nullis Sacramentis alligatus, sed sine Sacramentis poterat dare gratiam.

Ad 7. Constabit Articulo tertio. Ad octauum Dico Pœnitentiam meritò dici secundam post naufragium tabulam: nam Apocalypsis 2. dicitur: *Memor esto unde excideris, & pœnitentiam age, & prima opera fac.* Quibus verbis intelligimus cum qui vestem innocentia in Baptismo acceptam amiserit per pœnitentiam recuperare posse, & ideò hac metaphora, tabulæ secundæ post naufragium jure designatur.

DIC ES Apostolos non legimus exegisse enumerationem peccatorum. Ergo. RESPONDEO. Multa sumus certi Apostolos fecisse & docuisse, quæ non sunt scripta.

ARTI-



## ARTICVLVS II.

*Quid sit Pœnitentia Sacramentum, & quæ sit ejus essentia?*

1. OPINIO asserit essentiam Sacramenti Pœnitentiæ esse solum actus poenitentis. Ita Sotus in 4. dist. 14. q. 2. articulo 1. Sequitur Ruardus & alij. Probat 1. autoritate S. Thomæ qui 3. p. Q. 84. articulo 1. ad 2. ait. Quod Sacerdos absoluendo dat complementum huic Sacramento. Ergo absolutio non est Pœnitentia nec pars ejus essentialis. Ergo soli actus Pœnitentis.

2. Compositum artificiale, non supponit pro materia, & forma, sed pro materia sola connotando formam. Sed Sacramentum Pœnitentiæ est compositum artificiale. Ergo. Tercio Denominatio Sacramentorum fit à materia, vt patet de Baptismo. Sed materia in Sacramento Pœnitentiæ sunt actus ipsius poenitentis, scilicet poenitere, de peccatis dolere, confiteri illa. Ergo.

2. Opinio asserit Essentiam Sacramenti Pœnitentiæ consistere ex actibus poenitentis vt materia, & ex absolutione vt forma. Est S. Thomæ 3. p. Q. 84. art. 1. Sequitur Durand: in 4. q. 14. q. 3. Suarez Disp. 18. Sect. 2. Richardus. Cajetanus & alij. Probat. Omne Sacramentum constat ex materia & forma; Atqui materia hujus Sacramenti sunt actus Pœnitentis, & absolutio forma. Ergo hoc Sacramentum constat ex materia & forma.

3. Opinio asserit totam essentiam Sacramenti Pœnitentiæ consistere in sola absolutione connotando actus poenitentis. Ita Doctor Subt. in 4. dist. 14. q. 4. Major Q. 2. Gabriel ibidem art. 2. Almayn. q. 4.

NOTA 1. Licet ad Sacramentum plura concurrant, non tamen omnia sunt Sacramentum, vt patet in Eucharistia ad quam concurrunt verba consecrationis, cum materia panis, tamen species consecratae sunt solum Sacramentum: ratio autem quare cum de ratione Sacramenti sint res, & verba, & vtrumq; illorum non est Sacramentum, sed alterum tantum, id prouenit ex natura ipsius Sacramenti, efficit enim quod significat, & ejus simili-

*Non semper  
res & verba  
sunt Sacra-  
mentum.*



tudinem gerit, cujus causa existit, & quia alterum illorum solum gerit similitudinem gratiæ, cujus causa existit, ideo alterum tantum, & non utrumq; est Sacramentum; ut in Baptismo sola ablutio abluens corporis sordes gerit similitudinem gratiæ abluentis animam, & non verba, & ideo solum ablutio passiva facta sub præscriptis verbis, est Sacramentum Baptismi.

*Materia Pœnitentiæ ab absolutio proprie.*

NOTA 2. Loquendo de materia integra propriè Sacramenti Pœnitentiæ, materia est actus pœnitentis, & absolutio Sacerdotis: forma verò est relatio illa rationis, scilicet significatio illa absolutionis animæ à peccato: Loquendo verò de materia improprie, & metaphoricè ista ambo sunt ex parte signi sensibilis, & illud est materia, quod est magis determinabile, & potentiale, & illud forma, quod est magis determinativum, & sic actus pœnitentis sunt materia, absolutio forma, quia est maximè signifi-  
ficatiua effectus hujus Sacramenti scilicet absolutionis à peccato, & actus pœnitentis ordinantur ad absolutionem.

NOTA 3. Etiam si materia & forma sint partes essentielles Sacramenti, quia ex illis signum sensibile quod est fundamentum Relationis integratur, tamen non semper ex æquo & intrinsecè pertinent ad Sacramentum, sed quandoq; forma est circumstantia quædam ipsius fundamenti, quandoq; est pars integralis ipsius fundamenti, & ex æquo cum refundat relationem Verbi Gratia in Sacramento Eucharistiæ verba consecrationis quæ sunt forma, non esse de essentia Sacramenti Eucharistiæ, quia verba sunt in fieri, Sacramentum verò Eucharistiæ est in facto esse, & est permanens; neq; ex æquo fundant relationem, sed res sunt fundamentum, verba sunt circumstantia fundamenti necessario requisita ad hoc, ut fundet relationem signationis.

DICO 1. Accipiendo essentiam Sacramenti Pœnitentiæ pro integra, & perfecta ratione Sacramenti Pœnitentiæ, & eorum omnium quæ ad illud necessario requiruntur, absolutio, & actus pœnitentis sunt de essentia Sacramenti Pœnitentiæ. Probatur ex Tridentino *Sess: 14. cap. 3.* ubi actus pœnitentis dicuntur partes pœnitentiæ, quatenus ad integritatem,

*Abolutio & actus pœnitentis sūt de integritate pœnitentiæ.*



tatem Sacramenti ex institutione Diuina pertinent. Quare D. Subtil. in Quarto Dist. 16. Q. 1. dicit actus pœnitentis necessario requiri ad hoc vt Sacramentum Pœnitentiæ dignè recipiatur. Et subdit Confessionem esse simpliciter necessariam, nam Sacerdos non absoluit reum arbitrariè, nisi prius præcedat in confitente confessio, attritio siue contritio. Ergo ex D. Subtili actus Pœnitentis sunt de integritate Sacramenti Pœnitentiæ. Confirmatur Quia idem D. Dist. 14. Q. 4. dicit Pœnitentia est absolutio hominis Pœnitentis. Sed ille est Pœnitens qui habet illos tres actus, scilicet Contritionem, Confessionem, & Satisfactionem. Ergo ex D. Subtili actus pœnitentis sunt de integritate Sacramenti Pœnitentiæ.

Dico 2. Sumendo Essentiam Sacramenti Pœnitentiæ pro sola absquidditate, & essentia formali, & quidditatiua signi sensibilis, <sup>luto est pars</sup> quod est fundamentum Relationis significationis absolutionis <sup>essentialis</sup> animæ à peccato, sola absolutio est Sacramentum Pœnitentiæ, <sup>pœnitentiæ</sup> non autem actus Pœnitentis. Ita D. in 4. D. 14. q. 4. Probatur Illud est de ratione formali & quidditatiua Sacramenti Pœnitentiæ, quod est propriè pars signi, & fundamenti sensibilis pœnitentiæ. Sed actus pœnitentis non sunt pars fundamenti, & signi sensibilis Sacramenti Pœnitentiæ. Ergo. Minor Probatur signum sensibile siue fundamentum, super quod fundatur Sacramentum Pœnitentiæ significat absolutionem animæ à peccato. Sed tale signum est absolutio pœnitentis, non actus ejus: quia gratia non datur tempore confessionis, neq; satisfactionis; quia hoc Sacramentum non esset signum demonstratiuum, sed prognosticum gratiæ.

CONFIRMATUR I. Sacramentum Pœnitentiæ efficit, quod significat. Sed actus pœnitentis non significant remissionem peccatorum. <sup>Sacramēta efficiūt quod significant.</sup> Ergo sola absolutio est pars essentialis Pœnitentiæ.

Minor probatur Quia Sacramentum Pœnitentiæ est causa instrumentalis gratiæ Sacramentalis: sola autem absolutio est talis;



lis; nam causa instrumentalis simul est cum suo effectu. Sed gratia Sacramentalis non datur tempore actuum Pœnitentis, sed solum absolutionis, tunc enim remittuntur peccata virtute clauum. Joan. 20. *Quorum remiseritis peccata. &c.* Ergo.

CONFIRMATUR 2. Sacramentum Pœnitentiæ sicut cætera Sacramenta non conficitur per actionem suscipientis, sed ministrantis. Ergo.

DICES I. Concilia Florentinum, & Tridentinum docent, omne Sacramentum constare ex materia, & forma. Sed si absolutio est totum Sacramentum ut vult Scotus non dabitur materia quæ sit pars hujus Sacramenti; nam actus pœnitentis qui à Conciliis dicuntur quasi materia, non sunt pars materialis absolutionis.

*Sacramentum pœnitentiæ dupliciter consideratur.*

RESPONDEO. Sacramentum Pœnitentiæ dupliciter consideratur. 1. pro aggregato ex omnibus quæ ad ipsius integritatem requiruntur, & sic actus pœnitentis sunt de essentia Pœnitentiæ, sicut & intentio Sacerdotis. 2. Secundum suam rationem formalem, & quidditativam, seu secundum rationem fundamenti, & signi præcisè, & sic sola absolutio est de essentia Sacramenti Pœnitentiæ: actus verò Pœnitentis sunt circumstantiæ necessariò requisitæ ad fundamentum ut sit signum efficax, & fundet illam relationem, quæ est formale Sacramenti. Vnde Concilia notanter appellant actus pœnitentis esse quasi materiam, non propriè materiam, nam propriè materia est ex qua aliquid fit cum insit, hoc est quæ manet, & inest toti composito. Sed actus Pœnitentis non insunt, non manent, quando inest Sacramentum, scilicet absolutio Sacerdotis, ideò non vocatur absolutè materia, sed quasi materia.

*Sunt quasi materia.*

DICES 2. Sacramentum Pœnitentiæ est constructio intransitiua, sicut ista creatura salis: & facit hunc sensum Sacramentum quod est pœnitentia. Sed absolutio non est pœnitentia. Ergo absolutio non est Sacramentum Pœnitentiæ. Assumptum patet quia absolutio non est actus pœnitentis, sed Sacerdotis; pœnitentia autem est actus Pœnitentis, quia pœnitere est poenam tenere. Quare inferunt adversarii Scotum sibi contradicere asserentem. Pœnitentiam esse absolutionem pœnitentis,



nirentis, cum tamen in prima Quæstione Dist: 14. dixerit, Poenitere, esse poenam tenere.

RESPONDEO. Si sit sermo de poenitentia virtute est constructio intransitiua, si de poenitentia vt est Sacramentum, est constructio transitiua: nam hic genitiuus Sacramentum Poenitentia significat causalitatem, & transitum in aliud, scilicet ad Sacramentum: poenitentia enim, id est actus poenitentis, sunt causa vt absolutio sit Sacramentum & habeat efficaciam: nam vt ait D. Poenitentia quæ est poenæ tenentia, non est Sacramentum in se, sed via ad Sacramentum scilicet ad absolutionem: Actus verò poenitentis sunt dispositiones & conditiones necessario prærequiritæ ad absolutionem in qua formaliter, & completiue consistit Sacramentum Poenitentia.

Sacramentum poenitentia est constructio transitiua.

Si istes Sacramentum Baptismi est constructio intransitiua. Ergo & poenitentia Sacramentum, est intransitiua. RESPONDEO. Non est par ratio, quia ablutio est fundamentum, & signum principale significans ablutionem animæ à peccato, verba verò sunt circumstantia illius ablutionis sequendo secundam opinionem explicatam à D. in 4. dist. 3. q. 1. Atqui in poenitentia hoc fundamentum est sola absolutio, actus verò poenitentis sunt circumstantia absolutionis complentes ipsam in esse perfectio fundamenti, & signi sensibilis.

DICIS 3. Illud est de essentia Sacramenti poenitentia, quod est causa instrumentalis effectiua gratia. Sed etiam actus poenitentis concurrunt ad causalitatem gratia. Ergo sunt de essentia poenitentia. Major euident. Minor probatur, quia ablata attritione, vel contritione, vel confessione, non potest haberi Sacramentum poenitentia. Ergo non sola absolutio, sed etiam actus poenitentis sunt de essentia Sacramenti poenitentia. RESPONDEO. Accipiendo Sacramentum poenitentia pro aggregato ex omnibus quæ ad ipsum ex institutione Diuina necessario requiruntur, iuxta primam Conclusionem, concedo totum argumentum: accipiendo verò Sacramentum poenitentia secundum suam rationem formalem purè quidditatiuam, negatur: quia sic illud est solum Sacramentum quod est fundamentum, vel signum



gnum principale gratiæ Diuinæ, seu relationis, seu significationis absolutionis animæ à peccato, & tale fundamentum non sunt actus pœnitentis, sed sola absolutio.

QUANTUM ad definitionem Sacramenti Pœnitentiæ: NOTANDA Variè à DD. definiri Soto in 4. dist. 14. q. 1. a. 1. sic definit Pœnitentia, *nitentia est Sacramentum remittendi peccata, quæ post Baptismum committuntur.* Sed hæc definitio est diminuta, ut mox patebit. Suarez Disp. 18. sect. 3. n. 9. assignat talem definitionem. *Sacramentum Pœnitentiæ est compositum morale, seu artificiale constans ex actibus Pœnitentis, & verbis Sacerdotis institutum ad significandam & conferendam gratiam remissionem peccati post Baptismum commissi.* Verum quia in hac definitione desunt aliquæ conditiones requisitæ ad Sacramentum Pœnitentiæ, non est sufficiens.

Doctor Subtilis.

DOCTOR itaq; Subtilis ita definit, *Sacramentum Pœnitentiæ est absolutio hominis pœnitentis facta certis verbis, cum debita intentione prolatis, à Sacerdote jurisdictionem habente, ex institutione Diuina, efficaciter significantibus absolutionem animæ à peccato.* In hac definitione pro genere ponitur absolutio; nam absolutio est fundamentum, & res sensibilis super quam fundatur relatio rationis, constituens hoc Sacramentum, quæ est significatio absolutionis animæ à peccato, ut constat ex institutione hujus Sacramenti, in qua designat Christus Dominus absolutionem pro fundamento, & signo hujus Sacramenti *Quorum remiseritis &c.* Deinde genus debet esse quid commune conueniens pluribus quod per differentias contrahitur ad definitum, & talis est absolutio. Prima differentia est (*Homini pœnitenti*) quâ distinguitur ab alijs absolutionibus factis in alijs iudiciis, in quibus non attenditur pœnitentia rei, sed innocentia. Præterea designatur materia proxima & remota hujus Sacramenti, scilicet actus pœnitentis & peccata. Explicatur etiam subiectum circa quod versatur hoc Sacramentum, & dispositiones necessariò requisitæ ex parte sua, ut sit capax hujus Sacramenti. Secunda differentia est: (*facta certis verbis*) per quam designatur forma absolutionis de qua inferius. Tertia differentia est: (*cum debita intentione prolatis*) ubi indicatur quod Sacerdos debet



debet proferendo verba habere intentionem faciendi quod Christus Dominus præcepit. Quarta differentia est. (*a Sacerdotis Jurisdictionem habente*) in qua designatur Minister Pœnitentiæ cum conditionibus requisitis de quibus infra. 5. Differentia est (*ex institutione Diuina efficaciter &c.*) per hanc differt ab omnibus aliis Sacramentis, etiam à Baptismo, quia in illo non fit absolutio à peccato, sed mundatio totalis à culpa, & pœna.

PROBAT D. Subtilis hanc definitionem. Primò quòd non contineat aliquid impossibile sed quidquid in illa ponitur esse possibile, & vnum non repugnat alteri: nam possibile est Deum absoluerè animam à peccato, & hoc profiteamur in Symbolo Apostolorum. Deinde possibile est Deum instituere aliquod sensibile quod sit signum talis absolutionis. Tandem possibile est quod hoc signum sit efficax absolutionis, ita vt non solum significet, sed etiam ex institutione Diuina sit signum certum, & verum non dubium. Deniq; possibile est instituere certa verba pro hoc signo, quæ dum à quocunq; ministro idoneo proferuntur cum debita intentione sit signum efficax talis absolutionis animæ à peccato. Secundo probat esse congruum & conueniens dari in rerum natura quod sit signum talis absolutionis. Congruum enim est esse aliquod signum sensibile signans hanc absolutionem animæ à peccato. Quia homo viator inquit cognitionem rerum ex sensibilibus, ex quibus deuenit in cognitionem effectus inuisibilis gratiæ. Tum quia congruum est, vt hoc signum sit practicum, & certum, vt viator ardentè illud quæreret & magis moueret, & duceret intellectum in certitudinem, & magis inclinaret voluntatem ad recipiendum illud. Tum etiam congruum fuit vt hoc signum absolutionis interioris institueretur in verbis significantibus absolutionem, vt signum repræsentet signatum. Tum etiam congruum est vt hæc absolutio fiat à Sacerdote jurisdictionem habente, quia sententia, à iudice non suo lata nulla est; Hinc sequitur quod doctrina de Sacramento pœnitentiæ subalternatur doctrinæ de iudicijs, & sententijs.

AD I. Primæ opinionis nego absolutionem esse complementum pœnitentiæ, sed esse essentiam Sacramenti pœnitentiæ, vt

Probat  
Definitio.

Congruum  
est.

Absolutio est  
essentia pœnitentiæ.



vidimus. AD 2. RESPONDEO. Falsum est compositum artificiale supponere pro sola materia: statua enim Cæsaris supponit pro ære, & pro figura Cæsaris, quæ est forma statuæ: in proposito verò est magis falsum, quia Sacramentum est compositum artificiale intentionale, significans gratiam. Ergo hoc Sacramentum debet supponere magis pro illa parte, quæ est magis & principalius significatiua: hæc autem est forma in hoc Sacramento. AD 3. Concedo hoc Sacramentum denominari ab actibus pœnitentis, qui sunt quasi materia huius Sacramenti: neq; est necesse, quod denominatio fiat ab essentia rei, quandoq; enim fit à notiori, quandoq; ab effectu, quandoq; à circumstantia necessaria, ut hic in proposito, cum actus pœnitentis sint circumstantiæ necessariò requisitæ ad ipsum Sacramentum.

AD Fundamentum 2. opinionis constat ex dictis, & Concilium Tridentinum fauet nobis *Sess. 18. cap. 3.* dicens Præcipuam esse vim in verbis Ministri.

### ARTICVLVS III.

*A quonam, & quando fuit Sacramentum Pœnitentiæ institutum?*

*Pœnitentiæ* DICO 1. Sacramentum Pœnitentiæ fuit institutum a Christo *instituta à* Iusto Domino. Est de fide, definitum in Tridentino *Christo Domino.* *Sessione 14. c. 1.* Probatur. Quia potestas instituendi Sacramenta est apud solum DEVM, qui nedum potest instituere signum sensibile ad signandum gratiam, sed ipse solus potest facere, ut sit signum verum, & efficax, id est ut conferat gratiam quam significat.

DICO 2. Sacramentum Pœnitentiæ institutum est Joannis *Joann. 20.* 20. quoad omnes partes scilicet contritionem, confessionem, absolutionem &c. Quando Christus Dominus post resurrectionem insufflauit in discipulos dicens, *institutio Pœnitentiæ.* Accipite Spiritum Sanctum, quorum remiseritis peccata remittuntur eis, & quorum retinueritis retenta sunt. Ita Trident: *Sess. 14. cap. 5.* Arctinus in 4. dist. 17. q. unica, Art: 6. Conc. 2. ex Doctore Subtili ibidem. Quare sic probatur Christus Dominus Joan: 20, facit ibi Apostolos Iudices



Iudices ministeriales, & arbitros judicandi, & dimittendi peccata hominibus; Sed non potest Iudex judicare de peccatis occultis peccatoris, nisi peccator illa manifestet. Ergo necessario requiritur confessio. Necessaria etiam est displicentia de peccato, alioquin peccator non esset dignus venia, juxta alia præcepta Domini, & regulas Evangelicas. Ergo requiritur contritio vel attritio ex parte pœnitentis ad hoc ut sit capax absolutionis. Quod autem ibi instituta sit forma absolutionis apertè constat ex his verbis: *Quorum remisistis &c.* Præterea quod hæc institutio Pœnitentiæ sit institutio Sacramenti, patet quia hic est signum sensibile, nempe absolutio, & confessio: est etiam infallibilitas & efficacia gratiæ DEI. Hinc colligitur hoc loco institutum esse Ordinem Sacrum quoad actum secundarium, nimirum potestatem esse concessam Apostolis & legitimis successoribus eorum absoluendi fideles à peccatis.

Ordinis Actus secundarius est absolutio.

NOTA Hæreticos dicere in his verbis institutum esse aliud quod signum sensibile cui est annexa promissio gratiæ absolutionis à peccato: tamen

Error Hæreticorum.

DICUNT 1. His verbis Christum Dominum instituisse Apostolos legatos, & præcones ad annunciandum Evangelium, quod prædicent extraneis per Christum Dominum esse remissa peccata iis, qui credunt Christo; id est iis qui credunt sibi per Christum remissa esse peccata, & sic nullum aliud requiri Sacramentum.

CONTRA 1. Nulla hic fit mentio de ministerio verbi, neque prædicatione. Et licet prius dixerit *Sicut me misit Pater, & ego mitto vos*; non intelligitur de missione ad prædicandum præcisè, sed de substitutione in potestate, & auctoritate: nam Christus Dominus missus fuit & ad prædicandum, & ad remittendum peccata, quam etiam commisit Dominus Apostolis ministerialem: non enim dixit *Quorum annunciaueritis peccata esse remissa*: Sed dixit. *Quorum remisistis*. Deinde falsum est quod his verbis injunxerit Apostolis munus, quo fungerentur erga extraneos: quia verba Saluatoris nihil tale continent. Quid enim ad me de his qui foris sunt? inquit Apostolus 1. ad Corinth. 6.

1. Ratio.

Refutatur error Hæreticorum.

2. Ratio.

DICUNT 2. Illis minister peccata dimittit, in quibus præ-



dicando fidem excitat, quâ remissio ipsa apprehenditur, vt credant sibi remissa peccata per Christum Dominum. CONTRA. Hic est sermo de remissione peccati per collationem Spiritus Sancti, nam ait *Accipite Spiritum Sanctum, quorum remiseritis &c.* dat ergo auctoritatem Spiritus Sancti Apostolis, vt remittant, vel retineant peccata. Præterea non dicit Dominus *Accipite Spiritum*, vt illorum peccata in quibus per prædicationem fidem excitaueritis redamittatis, & quorum fidem non excitaueritis, retineatis;

*Heretici de prauant Scripturas,* nullum enim est hic verbum de fide, sed solum de remissione ac retentione peccatorum. Ergo maxima est impudentia hæreticorum Sacram Scripturam ad sensum extortum trahere. Prædicator enim est instrumentum valdè remotum, excitatiuum tantum.

*Non sola fides remittit peccata.* Deniq; istud dictum quod peccata dimittantur per solam fidem, est friuolum, & contra Euangelium dicente Christo Domino Luc. 13. *Nisi pœnitentiam egeritis &c.* Ergo vltra fidem veram requiruntur opera bona & fructus pœnitentiæ. Hinc

COLLIGE 1. Sacramentum Pœnitentiæ non est institutum Matth. 16. *Tibi dabo clauis regni calorum.* Neq; cap. 18. *Quodcunq; solueris super terram &c.* Nam his locis non fuit data, sed vel promissa potestas absoluendi, vel collata facultas ferendi censuras, vt vult Medina, & Suarez, vel soli S. Petro promissio.

COLLIGE 2. Pœnitentiæ Sacramentum non est institutum à Christo Domino post resurrectionem illis verbis Match. 14. *Pœnitentiam agite &c.* nam illa verba potius sunt intelligenda, de Pœnitentia virtute, quam Sacramento.

COLLIGE 3. Ante sumptionem Eucharistiæ Apostoli non præmiserunt confessionem, quia nondum erat institutum Sacramentum Pœnitentiæ, per contritionem sufficienter se poterant disponere, etiam & Iudas si voluisset, potuisset.

COLLIGE 4. Christus Dominus ante resurrectionem non redamittebat peccata per Sacramentum Pœnitentiæ, cum nondum esset institutum, sed suâ virtute,



ARTICVLVS IV.

*Quomodo Sacramentum Pœnitentiæ sit necessarium?*

DICO 1. Pœnitentiæ Sacramentum est necessarium necessitate medii in re, vel in voto, illis qui mortaliter peccârunt post Baptismum, aliâs salutem non consequentur. Ratio est. Quia illud est necessarium necessitate medii in re, vel in voto, quò prætermisso in re, vel in voto salus non obtinetur. Sed prætermisso Sacramento Pœnitentiæ in re, vel in voto salus non obtinetur ab illis qui lapsi sunt post Baptismum. Ergo Sacramentum est necessarium necessitate medii in re, vel in voto illis, qui mortaliter peccârunt post Baptismum.

COLLIGE In actu dilectionis DEI super omnia, & in actu contritionis continetur votum Sacramenti Pœnitentiæ virtualiter.

DICO 2. Sacramentum Pœnitentiæ est necessarium necessitate præcepti. Colligitur apertè ex Trident: Sess: 14. cap. 2. præcepti est Probatur 1. Quia illud est necessarium necessitate præcepti, ex cuius culpabili omissione committitur peccatum. Sed ex omissione culpabili Sacramenti Pœnitentiæ certo tempore committitur peccatum. Ergo Sacramentum est necessarium necessitate præcepti. 2. Baptismus est necessarius non solum necessitate medii sed etiam præcepti. Ergo & Pœnitentia.

COLLIGE 1. Peccata remittuntur per Sacramentum Pœnitentiæ in voto, cum remittuntur per contritionem in ordine ad confessionem; nam qui contritionis actum elicit tenetur adhuc eadem peccata quorum remissionem per actum contritionis obtinuit subiicere suo tempore Sacramento Pœnitentiæ; contritio enim non ita iustificat, vt peccatorem liberum relinquat ab obligatione subiiciendi peccata Sacramento Pœnitentiæ, quamvis illorum peccatorum remissionem obtinuerit per contritionem.

COLLIGE 2. Peccatorem qui non habet copiam confessarii cui peccata confitetur, non saluari cum sola attritione, quia non dicitur habere Sacramentum in re, vel in voto.

COLLIGE 3. Votum Sacramenti Pœnitentiæ, quatenus dicit propositum suscipiendi Sacramentum Pœnitentiæ, bonum esset vt esset explicitum, sufficit tamen implicitum: ita communiter omnes Theologi cum S. Thoma, & D. Subtili.



Ratio est Quia remissio peccati non est attribuenda contritioni sine voto Sacramenti, quod in illa includitur. Sed votum quod includitur in contritione est implicitum. Ergo ad justificationem sufficit votum Sacramenti Pœnitentiæ implicitum. Tùm quia nullum extat præceptum eliciendi propositum explicitum, sed sufficit implicitum. Ergo.

## QVÆSTIO. II.

Vtrum ista tria Contritio, Confessio & Satisfactio sint partes Sacramenti Pœnitentiæ?

*Contritio,  
Confessio,  
Satisfactio,  
nō sunt par-  
tes essentia-  
les pœnitentia.*

Dico 1. Contritio, confessio, satisfactio, non sunt partes essentielles Sacramenti Pœnitentiæ. Probatur 1. Sacramentum Pœnitentiæ est absolutio hominis pœnitentis. Sed prædicta non sunt partes hujus absolutionis. Ergo non sunt &c. Quod verò contritio non sit pars Pœnitentiæ nempe absolutionis, patet quia contritio est spiritualis, absolutio verò est sensibilis; quia consistit in verbis sensibilibus. Quòd neq; confessio sit pars pœnitentiæ, constat, quia confessio est accusatio pœnitentis, absolutio verò est sententia judicis. Quòd deniq; neq; Satisfactio, ex eo patet, quia Satisfactio sequitur absolutionem, & est posterior illa. Probatur 2. Sola absolutio causat gratiam ex opere operato, vt constat. Ergo sola absolutio est Sacramentum. Sed contritio, confessio & satisfactio non sunt partes absolutionis. Ergo non sunt partes Sacramenti Pœnitentiæ. Hæc conclusio est in 4. dist. 17. Quæst. 1. Ocham, Majoris, & aliorum.

*Pœnitentia  
consignificat  
actus pœni-  
tentis.*

Dico 2. Sacramentum Pœnitentiæ supponit pro absolutione Sacerdotis & non pro actibus Pœnitentis, licet illos con- significet. Probatur quia Sacramentum Pœnitentiæ est nomen connotatiuum quod non supponit pro utroq; simul, sed pro altero tantum. Ergo licet consignificet actus pœnitentis præcios, vel subsequeutes, supponit tamen pro absolutione; quod  
aper.



apertè ex Tridentino colligitur, vbi Sess. 14. cap. 3. dicitur  
*Docet Sancta Synodus Sacramenti Penitentiae formam in qua pra-*  
*cipue ejus vis sita est, in illis ministri verbis positam esse. Ego te ab-*  
*soluo &c.* Ergo in absolutione magis ratio huius Sacramenti  
consistit, quàm in actibus poenitentis.

DICES 1. Actus Poenitentis non sunt actus Poenitentiae vir-  
tutis, quia hæc est qualitas simplex, quæ nullas habet partes. Ergo  
sunt partes Sacramenti Poenitentiae. RESPONDEO. Pertinere hæc tria  
ad integritatem Sacramenti Poenitentiae, non autem esse partes es-  
senciales ejus; multa enim pertinent ad integritatem, & perfe-  
ctionem rei, quæ non sunt partes rei, sicut ad integritatem visus  
pertinet visio, cum tamen non sit pars visus.

DICES 2. Actus poenitentis sunt materia hujus Sacra-  
menti. Sed materia est pars ejus cujus est materia. Ergo.

RESPONDEO. Actus poenitentis non sunt propriè mate-  
ria, sed quasi materia, & sic nihil obstat quod non sit pars. Vnde  
ex hoc.

COLLIGE 1. Doctor Subtilis non negat actus poenitentis esse materiam circa quam, sed negat cum Conciliis materiam esse ex qua constet Poenitentiae Sacramentum: atq; ita actus poenitentis non sunt propriè materia, quia non manent cum Sacramento, nihilominus pertinent ad integritatem hujus Sacramenti.

DICES 3. Ablutio quæ est materia Baptismi est pars Sacra-  
menti. Ergo materia Sacramenti est pars ejus.

RESPONDEO. Quod Sacramenta significant, & cau-  
sant gratiam, quæ etiam causatur à ministro, vt Dei vicario:  
quia ergo Minister Baptismi est minister abluitionis, sicut & for-  
mæ, ideo ablutio significat, & causat gratiam estq; pars Sacra-  
menti: minister verò Sacramenti Poenitentiae, non ministrat  
actus poenitentis, qui sunt materia, quare non significant, neq;  
causant gratiam.

DICES 4. Actus poenitentis pertinent ad integrita-  
tatem hujus Sacramenti. Ergo sunt partes illius.

RESPONDEO. Integritas est duplex substantialis; & Integritas  
accidentalis, & hæc consistit in assecutione finis, & hoc modo duplex.  
actus



actus pœnitentis requiruntur ad integritatem Sacramenti, quia requiruntur ad consecutionem plenariæ remissionis peccatorum, quantum ad culpam, & poenam quæ finis est Sacramenti Pœnitentiæ.

*Connotati-  
um natu-  
rale suppo-  
nit pro ma-  
teriali, non  
supernatu-  
rale.* DICES 5. Connotatiuum supponit pro materiali, & non pro formali, licet connotet illud. Ergo Sacramentum Pœnitentiæ supponit pro actibus pœnitentis qui sunt quasi materia.

RESPONDEO Concedo Antecedens de connotatiuis naturalibus, ut est album, non autem de supernaturalibus, quia ista supponunt pro signo gratiæ, ut Baptismus supponit pro ablutione facta sub certa verborum forma, quæ est signum gratiæ, similiter pœnitentia pro absolutione, quæ est signum gratiæ.

## DISPUTATIO III. De Materia et forma Sa- cramenti Pœnitentiæ ?

IN duas Quæstiones præsens disputatio diuiditur. In 1. de materia Sacramenti Pœnitentiæ inquiritur: in Secunda de forma tractabitur.

### QVÆSTIO I.

Quænam sit materia Sacramenti Pœnitentiæ.

*Duplex ma-  
teria Sacra-  
menti.*

Cum cujuslibet Sacramenti sit duplex materia, nempe remota & proxima proinde de utraq; agendum est in hac Quæstione & sic in 7. Articulos diuiditur.

1. Quæ sit materia remota Sacramenti Pœnitentiæ.
2. An peccata venialia possint esse Sacramenti Pœnitentiæ materia.
3. Vtrum peccata dubia sint materia sufficiens hujus Sacramenti.
4. An peccata semel dimissa possint esse materia Sacramenti Pœnitentiæ.
5. An pœnitens possit aliqua peccata dimissa cōfiteri, & aliqua reticere.
6. Vtrum possit quis absolui qui vel nulla peccata habet, vel & si habet nulla tamen confitetur.
7. Quænam sit Materia proxima hujus Sacramenti ?

ARTI-



ARTICVLVS I.

Quæ sit materia remota Sacramenti Pœnitentiæ?

DICO 1. Peccatum actuale mortale est materia remota <sup>Materia re-</sup> necessaria, & propria hujus Sacramenti, post Baptismum com- <sup>mota pœni-</sup> missum. Probatur 1. Illa est materia remota Sacramenti <sup>tentia ne-</sup> Pœnitentiæ circa quam versatur materia proxima. Sed materia <sup>cessaria mor-</sup> proxima qui sunt actus pœnitentis, versatur circa peccata mor- <sup>talia pecca-</sup> talia tanquam circa materiam destruendam. Ergo peccata sunt materia remota hujus Sacramenti. 2. Propter peccata mor- <sup>talia</sup> talia institutum est hoc Sacramentum, & ideo appellatur secun- <sup>da</sup> da post naufragium tabula. Sed nemo naufragatur nisi propter peccatum mortale, nam peccatum veniale stat cum gratia, Ergo.

DICO 2. Etiam si contingat aliqua peccata dimitti per con- <sup>Dimissa per</sup> tritionem veram, tamen si ea non sunt explicata in confessione, <sup>contritione</sup> remanent vt materia necessaria ejusdem, si pœnitens illorum re- <sup>sunt mate-</sup> cordetur. Ratio est quia Christus Dominus voluit omnia pecca- <sup>ria</sup> ta mortalia commissa post Baptismum dimitti virtute clauium. Dixi in Conclusionibus (sunt materia necessaria) non quod sine eis non possit confici Sacramentum, sed quod illa nullo alio modo possint dimitti, nisi per Sacramentum Pœnitentiæ in re, vel in voto.

DICO 3. Neq; peccatum originale; neq; peccata actualia <sup>Commisa</sup> commissa ante Baptismum; sunt materia necessaria vel sufficiens <sup>ante Bapti-</sup> hujus Sacramenti. Ratio est quia hujusmodi peccata tolluntur <sup>smum non</sup> per Baptismum. Tùm quia illa peccata sunt materia hujus Sa- <sup>sunt mate-</sup> cramenti, quæ subduntur jurisdictioni, & judicio Ecclesiæ, cùm <sup>ria pœniten-</sup> hoc Sacramentum institutum sit per modum iudicii. Sed hæc peccata non subjiuntur jurisdictioni, aut judicio Ecclesiæ, cùm homo, dum ea commisit non esset subditus Ecclesiæ, & Ecclesia non iudicat de illis qui foris sunt juxta illud 1. ad Corinth. 5. <sup>tia.</sup> Quid mihi de iis qui foris sunt. Definita est hæc conclusio in Tri- dent: Sess. 14. cap. 2.

L

ARTI-



## ARTICVLVS II.

*Vtrum peccata venialia possint esse materia Sacramenti Pœnitentiæ?*

*Venialia nō sunt materia necessaria.* DICO 1. Venialia peccata non sunt materia necessaria Sacramenti Pœnitentiæ. Ita Trident: *Sess. 14. cap. 5. & Can. 7.* Probatur Tūm quia multis alijs medijs expiari possunt absq; hoc Sacramento. Tūm quia peccata venialia omitti possunt in confessione absq; peccato. Tūm etiam quia pœnitens habens plura venialia potest aliqua confiteri & alia reticere, si voluerit.

*Sunt materia sufficiens.* DICO 2. Peccata venialia sunt materia sufficiens Sacramenti Pœnitentiæ, ita vt si quis illa sola etiam leuissima confiteatur, possit absolui Sacramentaliter.

RATIO est, quia illa est materia remota Sacramenti Pœnitentiæ, circa quam versatur materia proxima, id est actus pœnitentis. Sed actus pœnitentis versari possunt circa peccata venialia. Ergo peccata venialia possunt esse materia Sacramenti Pœnitentiæ. Confirmatur ex Tridentino *Sess. 14. cap. 5.* Vbi dicitur Rectè, & vtiliter, citraq; omnem præsumptionem in confessione dicuntur. Et ibidem Canon. 7. damnat anathematis contrarium docentes.

*Quando venialia sunt materia necessaria.* DICO 3. Possunt per accidens dari easus in quibus peccata venialia sint materia necessaria confessionis. 1. Si quis ex conscientia erronea, vel probabili dubio, aliquod peccatum veniale putet esse mortale. 2. Si quis existimet teneri se sub peccato mortali ad confitenda venialia.

QVÆRES Vtrum Ecclesia possit præcipere confessionem venialium?

RESPONDEO affirmatiuè cum Sancto Bonauentura in 4. dist. 17. Art: 15. q. 1. Sancto Thoma in 4. dist. 5. Art: 4. q. 5. Syluestro, Nauarro, Suarez & alijs.

RATIO est quia Ecclesia potest plura præcipere ad utilitatem fidelium: Ergo & confitenda venialia, licet non omnia, impossibile enim est omnia venialia reuocare in memoriam, & consequenter omnia Sacramento Pœnitentiæ subijcere.

Hinc Colli-



COLLIGE Consuetudo confitendi venialia præsertim ante celebrationem Missæ, & vsum Sacramenti Eucharistiæ est valdè laudabilis, conueniens, & utilis, quam vt loquitur Trident: *Sess. 14. cap. 5.* piorum hominum vsus demonstrat, ac proinde non debent admitti homines seculares ad sacram Synaxim non præmissa confessione venialium etiam, cum Concilium hoc indicare videtur, & consuetudo talis in Ecclesia semper fuisse ex historiis deducitur.

ARTICVLVS III.

*Vtrum peccata dubia sint materia sufficiens, vel necessaria Pœnitentia?*

NOTA Dupliciter peccatum esse posse dubium. Primo *Dubium duplex, iuris* cum est dubiū iuris, hoc est cum constat à pœnitente aliquid factū *& facti.* esse, sed dubitatur sintne illud peccatum. 2. Cum est dubium facti, hoc est cum scitur esse peccatum, sed dubitatur an sit commissum à Pœnitente.

DICO 1. Absolutè loquendo nullum peccatum dubium, est per se materia hujus Sacramenti Pœnitentiæ. Ratio est, quia hoc Sacramentum habet pro materia peccatum, quod verè est tale. Sed dubium est tantum in nostra apprehensione, cum ambigimus sit ne, an non sit?

DICO 2. Quando est dubiū an aliquod peccatum sit mortale, tunc necessariò est illud in confessione explicandum. Ratio est quia vnusquisq; tenetur confiteri peccata mortalia. *Dubium mortale necessarium confitendum.* At ista de quibus dubitat fortè sunt mortalia. Ergo ut minimum propter periculum sunt confessioni subiicienda, aliàs homo exponeret se periculo æternæ damnationis, cum illa peccata non possint aliter remitti, nisi per confessionem in re, vel in voto. Venialia tamen dubia non tenetur confiteri: quia si certa non obligatur, multominus dubia.

DICO 3. Si quis nulla alia peccata consteatur nisi dubia, *Supra sola dubia non est absolutio danda.* tunc nullo modo potest dari absolutè absolutio; aliàs Sacerdos dubia non committeret sacrilegium: putant tamen aliqui posse dari absolutio-



lutionem sub conditione : consultius tamen, & securius est Sacerdoti exquirere à tali pœnitente aliquod certum antiquum præteritum peccatum, mortale, vel veniale : Huc

*Nota pro  
pueris.*

COLLIGE 1. Pueris nondum doli capacibus, qui ne venialia habent, non est danda absolutio Sacramentalis, sed per modum deprecationis dicatur, cum signo crueis, *Misereatur & Indulgentiam &c.*

COLLIGE 2. Si pœnitens post confessionem peccata quæ ut dubia dixerat, deprehendat esse certa tenetur iterum, ut certa confiteri. Ratio est, quia non fuerunt debito modo explicata. Ergo ille defectus est supplendus.

#### ARTICVLVS IV.

*An peccata semel dimissa possint esse materia Sacramenti Pœnitentia?*

DICO 1. Peccata semel dimissa per confessionem non sunt necessariò in confessione explicanda. Ratio est, quia quæ semel sunt apud DEVM dimissa, ea non indigent noua dimissione. Ita definit Benedictus XI. in *Extravaganti* quæ incipit. *Inter cunctos, de privilegiis.*

*Semel dimissa sunt  
materia sufficiens.*

DICO 2. Peccata semel dimissa in confessione sunt materia sufficiens ad iterandam absolutionem sacramentalem, ideoque qui semel confessus iterum eadem peccata sola confitetur, potest denuò validè absolui. Est Soti in 4. dist. 18. Cajetani Tomo 1. opusculorum Tract. 5. q. 4. Nauarri cap. 21. Suarez disp. 18. Sect. 2. Ratio est quia circa huiusmodi peccata potest adhuc versari materia proxima, id est actus pœnitentis. Ergo &c. Hanc conclusionem, dicunt esse contra Scotum Cajetanum, Suarez, & alii in 4. dist. 18. sed Doctor noster in responsione ad primum principale Distinct. 18. sic dicit. *Non dico quod illicitum, vel impossibile sit iterari, sed tamen cum fructu isto, quem nunc habet,*

*Virtute clauium non est iterabile.*

DICO itaq; 3. Virtute clauium in iteratione confessionis, non



non remittitur aliqua pars temporalis pœnæ peccati commissi, remittitur quæ soluenda remanebat. Ita D. loco citato. Probat *Quia aliquapars* si per secundam absolutionem aliqua pars pœnæ debita remitte- *temporalis* retur, posset aliquis toties confiteri idem peccatum, quousq; post *sine motu in* centesimam confessionem tota pœna debita esset remissa. Sed *iteratione.* hoc dici non debet, quia aliàs esset melius sæpius confiteri, quàm reddere pœnam impositam, vel imponendam à Sacerdote pro peccatis. CONFIRMATUR. Si quoties iteratur confessio de eodem peccato, semper aliquem fructum recipit. Ergo iterata plusquam centies multiplicem fructum adferet, & confessarius deberet illum centies eadem audire, ne priuaret eum multiplici fructu; quod videtur ridiculum.

OBJICIENS Nemo absoluitur nisi qui est ligatus. Sed qui in prima confessione absolutus fuit à peccatis non est amplius ligatus illis. Ergo secunda, & tertia confessione non potest absolui ab illis, aliàs esset forma falsa.

RESPONDEO. Qui semel est confessus peccata sua, & obtinuit veniam culpæ, tamen pœna aterna debita pro peccato, non est omnino ablata, sed est commutata in temporalem tantum, potest denuò recurrere ad Sacerdotem, & velle denuò judicari de eisdem peccatis, & vt obtineat magis fructuosam absolutionem, debet habere maiorem dispositionem, sed hoc non est præcisè virtute clauium, & Sacramenti, sed simul ex dispositione penitentis. Ita Benedictus Papa loco citato; & sic propter e- *Propter maiorem detestationem* rubescientiam frequentem, & maiorem motum animi ac detestationem peccatorum, dimittitur pars pœnæ, gratia augetur &c. *peccatorum* stante autem eadem dispositione in confitente, licet millies reiteretur confessio, & absolutio nullum fructum afferret, imò risui *pœna diminuitur.* & contemptui exponeretur Sacramentum. Vnde.

COLLIGE I. Non esse passim peccata dimissa, & confessio iteranda, præsertim sola, nisi adsit rationabilis causa nouæ deuotionis, vel desiderium confusionis.

COLLIGE 2. Licet eadem forma non posset proferri supra eandem materiam proximam, absq; Sacrilegio benè tamen *Forma non potest iterari supra materiam eandem proximam.* supra eandem materiam remotam, sicut ex eadem aqua in baptisterio plures possunt baptizari.



**COLLIGE 3.** Reiterationem eorundem peccatorum esse salubrem, non præcisè vi clauium, sed ratione dispositionis pœnitentis, scilicet ratione erubescentiæ, & maioris doloris, vel displicentiæ peccatorum. Ratio est quia qui fuit absolutus à peccatis in confessione recta, & ratificata in cœlis, fuit commutata pœna æterna in temporalem, & hæc commutatio fuit iusta & confirmata in cœlis. Ergo si eodem modo se habeat pœnitens in confessione secunda sicut in prima, & non augeat motum, vel meritum, nullam illi afferret utilitatem iteratio virtute clauium.

**DICES** Deus instituit hoc Sacramentum reiterabile super eadem peccata. Ergo instituit reiterabile cum fructu virtute clauium, & non solum ex dispositione pœnitentis.

**RESPONDEO.** Sententia quæ est iusta & ratificata, si nulla superueniente causa posset iterari, & mutari, jam non fuisset iusta & recta, iustitia enim consistit in æqualitate: si ergo in prima sententia fuit æqualitas, non potest mutari, quia fieret inæqualis, & iniusta. Quod si dicas Sacramentale iudicium est virtuosum & sic virtute clauium iterata confessio est cum fructu.

**RESPONDEO.** Vel est virtuosum limitatè, vel illimitatè. Si primum, concedo, quia sententia habet vim transmutandi pœnam æternam in temporalem, non quamcunq; , sed in illam quæ respondet dispositioni pœnitentis, quantò enim magis dolet de peccatis, tantò ei in minorem pœnam temporalem commutatur æterna. Si verò dicas illimitatè. Nego. Nam sententia iusta quæcunq; debet correspondere meritis, vel demeritis confitentis, quæ habent certum statum. Ergo sententia vt vt sit iusta, non potest extendere suam virtutem nisi secundum merita confitentis.

**DICES** Per contritionem alicui dimittuntur peccata, quæ si confitetur verè absoluitur, Ergo & in proposito. **RESPONDEO** In prima remissione per contritionem non obtinuit totum beneficium, quod per Sacramentum illi obuenire poterat, quod in proposito casu tantum obtinuit.



ARTICVLVS V.

*An pœnitens possit aliqua peccata dimissa confiteri, & aliqua reticere?*

RESPONDEO affirmatiuè. Tùm quia huiusmodi peccata non sunt materia necessaria sed sufficiens. Tùm quia nullo jure constat pœnitentem teneri ad peccata semel ritè confessa iterum exponenda in confessione. Ita Sotus *dist. 18.* & alii. Addo cum Reginaldo *lib. 6. num. 98.* liberum esse pœnitenti partem peccatorum ritè confessorum manifestare hodie, & partem cras in distinctis confessionibus, siue confessiones fiant vni, & eidem Sacerdoti, siue diuersis, non enim sunt materia necessaria, sed sufficiens, vt in simili dixi de venialibus.

DICIS: Secunda absolutio peccatorum dimissorum est ejusdem rationis cum prima: Ergo si per primam sunt absoluta, non absoluentur per secundam: quia secunda absolutio est lata post sententiam latam rectam, & in cœlo ratificatam.

RESPONDEO Concedo secundam absolutionem esse ejusdem rationis cum prima, vi clavium, non tamen est ejusdem rationis respectu materiæ, scilicet respectu peccatorum, & pœnitentis, seu respectu dispositionis pœnitentis.

ARTICVLVS VI.

*Vtrum possit is absolui, qui vel nulla peccata habet, vel si habet nulla tamen confitetur?*

Præsens difficultas potissimum accedit in rudibus, qui accedunt ad confessionem nihil in particulari confitendo, sed tantùm dicendo se esse peccatores.

DICO I. Is qui nullum omnino peccatum in Confessione aperit, nullomodo Sacramentaliter potest absolui loquendo ordinariè, nam quid sit dicendum in extrema necessitate infra de integritate confessionis dicitur. Ratio conclusionis est, quia nullum potest esse Sacramentum sine propria materia. Sed pecca-

Qui nullum omnino peccatum dicit non debet absolui.



peccata in confessione explicata sunt materia Sacramenti Pœnitentiæ: Ergo.

*Remedium  
pro rudibus.*

DICO 2. Remedium in talibus qui nulla dicunt peccata in particulari, duplex est necessario tenendum. 1. Ut tales ipsemet diligenter examinet pro conditione Personarum de peccatis practicis, ut de ebrietate, mendacio, otiosis verbis, malis imprecationibus, impatientiis, murmurationibus contra superiores &c. 2. ut si nihil in particulari possit extorquere, jubeat ut se accuset saltem de negligentia in Diuino seruitio, aut de non sufficienti præparatione ad Confessionem, de ingratitude erga DEVM, de verbis otiosis totius vitæ &c. & ita si horum se reos falsi fuerint, possunt Sacramentaliter absolui, quia tunc materiam sufficientem ministrant.

DICES 1. Potest Baptismus dari illi, qui non contraxit peccatum originale, ut Beatissimæ VIRGINI. Ergo poterit etiam dari absolutio illi qui nullum habet peccatum. RESPONDEO. Disparem esse rationem Baptismi & Pœnitentiæ, nam Baptismus est institutus & ad remissionem originalis peccati, & ad recipiendum characterem, quo consignantur tanquam stemmate, qui in familiam CHRISTI Domini recipiuntur, & ideo B. Virgo est Baptizata.

*Nota.*

DICES 2. Justificatus per contritionem est capax absolutionis. Ergo & ille qui nulla habet peccata. RESPONDEO. Concedo Antidid, quia ille contritus obligatur ad confitendum. Nego verò Consequentiam quia non dat materiam absolutionis. Quod si istes Peccata dimissa, jam non sunt peccata, sicut & illa quæ nunquam fuerunt cōmissa. Ergo. RESPONDEO. Quoad actualem existentiam par est utrobique ratio, neutra enim verè existunt, tamen quoad rationem peccati est magna disparitas, quæ enim sunt dimissa verè participant rationem peccati præteriti; at quæ nunquam fuerunt illis nullo modo ratio peccati potest conuenire; vnde semel dimissa possunt materia nouæ absolutionis esse propter novos actus Pœnitentis.

ARTI.



ARTICVLVS VII.

*Quenam sit materia proxima huius Sacramenti?*

DICO. Materia proxima Sacramenti Pœnitentiæ sunt a-  
ctus Pœnitentis, nimirum Contritio, Confessio & Satisfactio. *Materia proxima actus pœnitentis.*  
Ita Trident: *Seß. 14. cap. 3.* & communis Doctorum. Probat-  
tur. Illa est materia proxima huius Sacramenti, quæ est materia  
iudicii emendatiui, & reconciliatiui, vt patet Joan. 20. *Quorum*  
*remiseritis &c.* Sed materia iudicii emendatiui est accusatio, do-  
lor, & satisfactio: necesse enim est vt se reus accuset, quod fit  
per confessionem: oportet vt habeat dolorem, aliàs elset sim-  
plex narratio, vel confabulatio, vel gloriatio in delictis: deniq;  
sicut in iudicio iungitur pœna vt delinquens retrahatur in fu-  
turum à peccatis, & ceteri deterreantur, ita etiam in Sacramen-  
to Pœnitentiæ iungenda est pœna satisfactoria, quam intelli-  
go nomine Satisfactionis.

QVÆRES I. Qua de causa tres tantum actus pœnitentis,  
& non plures fuerint instituti pro materia proxima Sacramenti  
Pœnitentiæ. *Cur tres a-  
ctus pœniten-  
tiæ.*

RESPONDEO I. Ideò quia hoc Sacramentum exercetur  
per modum iudicii reconciliatiui, ad iudicium autem recon-  
ciliatiuum, isti tres actus requiruntur.

RESPONDEO 2. Quia cum DEVS offendatur, corde, ore,  
& opere. Corde per contritionem; Ore per confessionem, Opere  
per satisfactionem aliquomodo Deo satisfacimus.

QVÆRES 2. Quinam ordo seruandus est circa actus recensitos? *Ordo circa*

RESPONDEO. Debet dolor antecedere absolutionem; si-  
militer & confessio, non est autem omninò necesse vt dolor præ-  
cedat confessionem, potest enim esse in actu confessionis, vel post  
confessionem statim ante absolutionem potest elici. Satisfactio  
verò potest, vel ante, vel post absolutionem iungi, nisi timeatur  
fore, vt pœnitens obtenta absolutione, non sit accepturus iustas  
pœnitentias.

M

QVÆ.



## QVÆSTIO II.

## Quænam sit forma Sacramēti Pœnitentiæ?

Præsentem Quæst. diuidemus in quatuor Articulos.

In 1. quæretur Quænam sit forma Sacramenti Pœnitentiæ; & quisnam sit sensus formalis ejus.

In 2. Vtrum Pœnitentiæ Sacramentum sit validum, si contingat aliqua mutatio in verbis formæ.

In 3. Vtrum sit validum Pœnitentiæ Sacramentum, quando in forma apponitur aliqua conditio.

In 4. Vtrum absolutio Sacramentalis possit absenti valide impendi, vel etiam dari in scriptis.

## ARTICVLVS I.

*Quænam sit forma Sacramenti Pœnitentiæ, & quisnam sit sensus formalis ejus?*

NOTA 1. Ad absolutionem Sacramentalem nullomodo sufficit actus Sacerdotis solum internus. Ratio est Tum quia omnium Sacramentorum debent esse actus externi & sensibiles. Tum quia Sacramentum Pœnitentiæ ministratur per modum judicii ab homine, & homini, homines autem cum consentiant anima & corpore, non possunt inuicem agere per actus internos. Quare de essentia Sacramenti Pœnitentiæ est, *vivere humana proferatur*. RATIO est Quia Christus Dominus id instituit illis verbis *Querum remisistis*. Tum quia Concilia id decreuerunt, & vsus perpetuus Ecclesiæ talis est, & fuit.

NOTA 2. Cum Sacerdotes facti sunt iudices, & arbitri inter DEVM & Creaturam, ideo ipsi soli, & non laici habent auctoritatem ministerialem absoluendi à Christo Domino sibi datam, & sic peccata non dimittuntur, vt volunt Hæretici per fidem solam, seu fiduciam, quâ credat sibi quisq; sibi peccata esse dimissa, sed dimittuntur per absolutionem Sacramentalem, à solis Sacerdotibus, non verò ab vlllo laico vt Lutherus volebat, quia talis auctoritas non est laicis concessa.

DICO



DICO 1. Licet alii plura, alii pauciora verba, requirant ad valorem formæ Sacramenti Pœnitentiæ, tamen communis est sententia, ad essentiam Sacramenti Pœnitentiæ, sufficere, & omninò necessaria esse, duo ista verba, (*Absoluo te.*) Ita Trident: Sess. 14. cap. 3. vbi dicitur, Formam hujus Sacramenti sitam esse, præcipuè in his verbis, (*Absoluo te*). Probatur Quia forma hujus Sacramenti consistit in illis verbis, quæ significant effectum, ad quem Pœnitentiæ Sacramentum fuit institutum, nam Sacramenta significant, & significando efficiunt; sed effectus, ad quem institutum fuit Sacramentum, optimè significatur per illa verba (*Absoluo te,*) quia significatur remissio, & liberatio à peccatis commissis.

Forma pœnitentiæ quæ.

CONFIRMATVR. Absolutio est ad instar actus judicialis, quo à Sacerdote, velut à Iudice sententia profertur: cum autem in actu judiciali, sententia sufficienter proferri possit, per hæc duo verba, *Te absoluo*, sequitur illa duo verba, sufficere in forma Sacramenti Pœnitentiæ.

Absolutio est instar actus judicialis.

COLLIGE Pronomen (*Ego*) non spectare ad essentiam formæ: neq; ista [*à peccatis tuis*] quia verba (*Absoluo te*) prolata super confessionem peccatorum implicite significant absolui à peccatis: non tamen sunt omittenda, etiam in articulo mortis, propter securitatem, quia aliqui tenent esse de essentia.

Nota.

DICO 2. Licet variæ formæ, quo ad accidentalialia à DD. tradantur, communis tamen est hæc, & idonea. Dominus noster *JESVS Christus*, qui est Summus Pontifex, te absoluat, & ego auctoritate ipsius, absoluo te ab omni vinculo excommunicationis, inquantum possum, & tu indiges. Deinde. *Ego te absoluo à peccatis tuis. In nomine Patris, & Filij, & Spiritus Sancti Amen.* Addenda est supplicatio nomine Ecclesiæ. *Passio Domini nostri JESV Christi, & merita B. Mariæ Virginis, & omnium Sanctorum, & quidquid boni feceris, vel mali patienter sustinueris, sint tibi in remissionem peccatorum, & in augmentum gratiæ, & premium vite æternæ.* Hinc

Forma communis.

COLLIGE 1. Addunt aliqui, post illa verba (auctoritate ipsius, mihi licet indignissimo concessa): Addunt aliqui ab omnibus peccatis tuis, alii autem vocem (omnibus) omittunt, quod



quod est arbitrarium. Addunt aliqui ad formam, à peccatis tuis, confessis, contritis, & non confessis, non contritis, oblitis &c. sed hæc additio est inepta, & imperitorum; hæc enim omnia sunt ridicula, & superflua, imò falsa, vt per se patet.

**COLLIGE 2.** In omnibus confessionibus, præmittenda est absolutio ab excommunicatione, antè absolutionem à peccatis, siquidem nemo capax est absolutionis Sacramentalis excommunicatus: porro ista vox (Suspensionis,) in solis clericorum Confessionibus addenda, vox (Interdicti) non est etiam omit-  
*ab excom-  
municatis-  
ne præmit-  
tenda.* tendenda supra laicos.

**COLLIGE 3.** Multos errores committi in formis antiquis scriptis, quas nescio vnde hauserunt, puto ex fonte ignorantie crassæ, quare illis non vtendum, quia ratio sacrilegii est timenda.

### Absolutio Hæreticorum.

*Misereatur tui &c. Indulgentiam &c. Dominus noster JESVS Christus, qui est Summus Pontifex te absoluat, & ego autoritate e-  
 \* Absolutio  
Hæreticorū. jus, & Sanctæ Sedis Apostolica, mihi ad hoc peculiariter concessa, ab-  
soluo te à vinculo excommunicationis majoris, in quam propter hæ-  
resim, vel (Schisma) incidisti, & ab omni vinculo, cujuscung, ex-  
communicationis, simulq, à Censuris, suspensionis, & interdicti, in  
quantum possum, & tu indiges, & restituo te in gremium Sanctæ  
Matris Ecclesiæ. Deinde ego Te absoluo ab omnibus peccatis tuis. In  
nomine Patris, & Filii, & Spiritus Sancti. Amen.*

### Absolutio in Jubileo.

*Misereatur &c. Indulgentiam &c. Dominus noster JESVS Christus, qui est Summus Pontifex, te absoluat, & ego autoritate ejus, & sedis Apostolicæ, cujus pro præsentis fungor, absoluo te ab omni vinculo excommunicationis, majoris, & minoris, & à quibusvis participationibus, cum excommunicatis, & ab omnibus censuris Ecclesiasticis, & restituo te Sacramentis Ecclesiæ, communioni, & uni-  
 \* Absolutio  
tati fidelium. Et eadem autoritate absoluo te ab omnibus peccatis  
tuis plenariè. In nomine Patris, & Filii, & Spiritus Sancti. Amen.  
 Passio &c.*

Notan.



NOTANDUM est præterea, formas, quas aliqui adhibent tempore Jubilei, esse sacrilegas, V. G. absoluo te, à casibus referuatis, à transgressione mandatorum Dei, votorum tuorum &c. tales non debent adhiberi, quia sufficit dicere, absoluo te ab omnibus peccatis tuis, sufficit enim quod habeat intentionem, à referuatis, & non referuatis absolvere pœnitentem. Deinde Quantum ad dispensationem irregularitatis, Rodericus Tom. 1. Nota dispo. 62. Articulo 12. dicit, quod virtute Priuilegiorum eorum, quibus concessa est, facultas Fratribus Minoribus, & Monialibus, quatuor temporibus in anno, eligendi sibi confessarios, non possunt dispensationem in irregularitatibus, ab iisdem confessariis habere: nam in prædictis priuilegiis conceditur, facultas absoluedi, ab omnibus censuris, sed irregularitas non est censura: Ergo. Porro Articulo 13. subdit, quod virtute Privilegiorum Sixti IV. & Eugenii IV. Confessores ordinis Minorum de obseruantia, possint dispensare in Articulo mortis, & quoties opus fuerit in omnibus irregularitatibus, ortis propter censuras ignorer, vel inaduertenter incuras: exceptis tribus in quibus nec Prælati possunt dispensare, nimirum bigamiæ, homicidii voluntarii, & mutilationis membrorum.

Dispensare in irregularitatibus possunt, quâ do?

Forma absolutionis pro Die Cinerum, Portiunculæ, & in Festo S. Bernardini.

Dominus noster IESVS &c. Et ego auctoritate tibi concessa, & mihi commissa, absoluo te ab omni vinculo excommunicationis majoris, & minoris, suspensionis, & interdicti in quantum possum, & tu indiges. Deinde eadem auctoritate, absoluo te ab omnibus peccatis tuis plenariè, in quantum se prædicta auctoritas extendere potest. In Nomine Patris, & Filii, & Spiritus Sancti Amen. Ita Hieron: à Sorbo in compendio Priuilegiorum verbo Absolutio S. 10. Hæc absolutio pro solis Fratribus, & Monialibus.

Forma absolutionis in festo S. Catharinæ.

Auctoritate tibi concessa, & mihi commissa, Absoluo te ab omni vinculo excommunicationis &c. Deinde Absoluo te plenariè ab omnibus peccatis tuis, in quantum huiusmodi auctoritas se extendere potest, & concedo tibi Indulgentiam plenariam, omnium peccatorum tuorum. In nomine Patris &c.



Circa hanc formam absolutionis aduerte, quod valeat in festo S. Catharinæ, & sub tali forma debet dari, si non sunt sublata Indulgentiæ Religioforum, à Paulo V. quas esse sublatas, contendit Laurentius de Portel in Dubiis Regularibus. Ita Hieronymus à Sorbo loco citato, refert talem absolutionis formam, pro festo S. Catharinæ, quæ si sunt sublata indulgentiæ, non valet.

NOTA 1. Laudabiliter antè formam absolutionis, præmittitur illa consueta supplicatio. *Miserere tui &c. Indulgentiam &c.* qui tamen eam omitteret, non peccaret, sicut & illam, quæ formæ subijcitur. *Passio Domini nostri &c.* præsertim si adesset rationabilis causa, V. G. multitudo Pœnitentium, & abesset contemptus.

NOTA 2. Pia est eorum Sacerdotum consuetudo, qui in initio Confessionis dant benedictionem Pœnitentibus talem, *Domine sit in corde tuo, & in labiis tuis, ut dignè, & corde contrito, possis confiteri peccata tua, In nomine Patris, &c.* Similiter, qui dicunt recedentibus post Confessionem. *Vade in pace, & noli amplius peccare.*

DICO 3. Sensus formæ, semper est verus, modo non adfit obex ex parte pœnitentis. Porro sensus formalis, formæ Sacramenti Pœnitentiæ, hic est; Absoluo te, id est remitto tibi peccata, quantum est ex vi Sacramenti.

DICO 4. Forma Sacramenti Pœnitentiæ, non debet proferri per modum deprecationis. Patet, quia aliàs Sacerdos, non haberet potestatem ministerialem, remittendi peccata, quod est contra dicta superius. Ergo.

DICES Si DEVS dedit Apostolis, potestatem dimittendi peccata, sic etiam dedit eis potestatem faciendi miracula. Sed faciebant miracula per supplicationem, dicendo, *Sanet te Dominus. In nomine JESU Christi surge, & ambula* Actorum 3. Ergo forma absolutionis est deprecativa. Confirmatur. Leo Papa Epistola 89. quod refertur, in capite *Multiplex de Penitentia Dist. 1.* ubi dicitur quod indulgentia DEI, nisi supplicationibus Sacerdotum obtineri nequit. Ergo &c.

RESPON-



RESPONDEO Nego paritatem, quia Apostolis non fuit data potestas faciendi miracula, sicut fuit data ministrandi Sacramenta.

RESPONDEO 2. Potestas faciendi miracula, pertinet ad gratias gratis datas, ideò illa potestas, non dabatur permanentemente, & intrinsecè, neq; semper habebat effectum, sed solum quando expediebat. At potestas absoluendi, data fuit permanentemente. Ad Confirmat: dico, Absolutio, potest dici largo modo supplicatio, quatenus Sacerdos per absolutionem, impetrat à Deo id, quod intendit, & ideò subjungit, antè, & post absolutionem supplicationes.

*Absolutio largo modo est supplicatio.*

NOTA 3. Si confessario, siue in foro conscientie, siue extra, data est potestas dispensandi, super irregularitate, tunc postquam absoluerit à peccatis, addat consequenter: Et eadem auctoritate, dispenso tecum in irregularitate, vel irregularitatibus, in quam, vel in quas, ob talem, vel tales causas (sunt enim exprimendæ) incurristi, & habilem te reddo, & restituo te executioni ordinum, & officiorum tuorum. In nomine Patris, & Filii, & Spiritus Sancti. Amen.

## ARTICVLVS II.

*Vtrum Sacramentum Pœnitentie sit validum, si contingat aliqua mutatio in forma?*

DICO 1. Non est validum Sacramentum Pœnitentie, quoties in verbis formæ, contingit mutatio substantialis. Ratio est, quia adueniente mutatione substantiali, non censetur adesse forma præscripta, cum per mutationem substantialem, non subsistat sensus, & significatio formæ, à Christo Domino intentæ: Sacramentum autem non est validum, non adhibita forma à Christo Domino præscripta. Vnde non esset valida, si dicatur, *Absoluat te DEVS*, quia non est per modum iudicii: Similiter, non esset valida, si dicatur, *Jubeo te esse absolutum*. Ratio est, quia sententia in foro externo, non solet hoc modo proferri. Ergo neq; videtur forma absolutionis hoc pacto proferenda.

*Quando in-  
valida est  
forma.*

DICO



*Mutatio ac-  
cidentalis nō  
inualidat  
formam.*

DICO 2. Quando mutatio in forma, est tantum acciden-  
talis, est valida. Ratio est, quia manet idem sensus, & eadem  
significatio, & consequenter, eadem forma.

COLLIGE Validum esse Pœnitentiæ Sacramentum, si lo-  
co verbi absoluo, dicatur remitto. Similiter quando constructio  
actiua, in passiuam mutatur, V. G. Absoluaris à peccatis tuis.  
Remittuntur tibi peccata tua. Absoluatur seruus Christi. Ra-  
tio est, quia in his non videtur adesse mutatio substantialis.

COLLIGE D. Subtilis in 4. d. 14. art. 2. dicit non esse ne-  
cessarium, ita præcisè verba in Sacramento isto, sicut in aliis, suf-  
ficere enim, quod hic exprimatur actus, sententiæ absoluentis, si-  
cut in iudicio publico, non oportet esse verba limitata, in senten-  
tia ferenda; Subjungit tamen, quod ista verba sunt apta,  
(Absoluo te,) & illis vtendum, quia est decretum Ecclesiæ.

### ARTICVLVS III.

*Vtrum sit validum Sacramentum, quando in forma  
ponitur aliqua conditio?*

*Conditio de  
præsenti nō  
inualidat,  
vel de præte-  
rito.*

DICO 1. Validum est Sacramentum Pœnitentiæ, quando  
aliqua conditio de præsentī, vel de præterito apponitur, vt si dica-  
tur. Si non es absolutus, ego te absoluo. Vel si Deus vult, vel si po-  
tes absolui. vel si ego possum te absolvere, te absoluo. Vel si habes  
peccatū ego te absoluo. Idem iudicium est, quando Confessarius  
dubitāt an formam protulerit. Si non es absolutus, ego te ab-  
soluo. Ratio conclusionis est, quia conditio de præsentī, vel  
de præterito, non est propriè conditio annihilans, neq; propriè  
suspendit actum, cum Sacerdos intendat absolvere de præsentī, si  
res ita se habeat, sicut exprimitur in conditione. Hæ tamen con-  
ditiones graui de causa, non leui suspitione apponendæ; aliàs  
peccabit Sacerdos, leui de causa apponendo.

*De futuro  
conditio nō  
est apponen-  
da.*

DICO 2. Conditio de futuro, nunquam est apponenda,  
aliàs Sacerdos peccabit mortaliter, & Sacramentum erit inuali-  
dum. Ratio est, quia vel Sacramentum est validum statim pro-  
lata forma, vel est validum adueniente conditione; Sed non potest  
esse



esse validum statim prolata forma: quia sensus hujus propositio-  
nis. [*Ego te absolvo, si feceris restitutionem*] est talis; Absoluam  
te tunc cùm restitueris? neq; potest esse validum adueniente  
conditione, quia ipse poterit mori, non impleta conditione,  
vel denuò in peccata incidisse. Tum quia actus pœnitentis, &  
absolutio, debent esse moraliter approximata, quod hîc non est.

DEBET ergo Confessarius, absolutè pœnitentem absolue-  
re, & tantùm illum obligare, ad conditionem implendam, quam  
si ille non impleuerit, peccabit quidem, sed tamen absolutio ejus  
fuit valida. unde non tenebitur repetere confessionem factam,  
sed solùm, debet confiteri, se non satisfecisse obligationi à  
Confessario impositæ. Ita communiter omnes.

## DISPUTATIO IV.

### De contritione; & Attritione:

IN hac disputatione inquirenda sunt præcipuè tria. Primò de  
Essentia Contritionis, & Attritionis, & differentia earum.  
Secundò. Quæ ad contritionem requirantur. Tertiò. De præ-  
cepto Contritionis.

#### QVÆSTIO I.

##### De Natura Contritionis & Attritionis?

Hæc Quæstio in tres Articulos diuiditur.

In 1. Inquiretur. Quid sit Contritio & Attritio.

In 2. Quæ sit differentia, & Conuenientia, inter Contritionem, &  
Attritionem.

In 3. Quomodo ex attrito fiat contritus.

#### ARTICVLVS I.

*Quid sit Contritio & Attritio?*

NOTA I. Nomen Contritionis, habere fundamentum in

N

SS. li.



*Contritio* SS. literis, quia corda peccatorum dicuntur dura, & lapidea, ea-  
*habet funda* dem verò post conversionem ad DEVM appellantur contrita.  
*mentum in* Psalmo. 50. *Cor contritum & humiliatum &c.* Et Psalmo 146.  
*SS. literis.* dicitur *Qui sanat contritos corde*; qui modus loquendi, est meta-  
 phoricus, ductâ similitudine, à saxis & aliis rebus duris, quæ cõ-  
 minuta, facîle in omnem partem aguntur, cor enim peccatoris,  
 durum ad Diuinas inspirationes, & tardum difficileq; ad omnia  
 bona, per pœnitentiam fit DEO obsequens, & ad bona opera  
 promptum, &c.

NOTA 2. Contritio variè à DD. describitur, à Soto in 4.  
*Diff. 17. q. 2.* sic. Contritio, est dolor pro peccatis, vt sunt of-  
 fensa DEI, voluntariè assumptus, cum proposito confitendi, vi-  
 tamq; emendandi. Toletus libro 3. cap. 4. ita; Contritio, est  
*Definitio* præteriti peccati, vt est offensa DEI, voluntaria, supra omnia, dete-  
*contritionis* statio eum proposito, supra omnia vitandi, & commissa confi-  
 tendi. Concil: Trident: Sess. 14. cap. 4. sic. Contritio, est  
 dolor animi, ac detestatio voluntaria, pro peccatis commissis,  
 quatenus sunt offensa DEI, cum proposito non peccandi de cæ-  
 tero:

NOTA 3. Actus humanus iuxta D. Subt: in 4. Diff. 17. q. 2.  
 A. 2. requisitus ad deletionem peccati mortalis, potest esse duplex.  
 Primus perfectè, & totaliter circumstantionatus, circumstantiis  
*Objectum* moralibus debitis, id est, vt sit, ex genere suo bonus, id est circa  
*debitum, si-* objectum debitum, & conueniens; deinde debet esse circumstã-  
*nis ex cha-* tionatus circumstantiâ finis, debet enim esse actus detestandi pec-  
*ritate.* catum ex charitate, scilicet propter amorem ipsius DEI, quia pec-  
*Modus.* catum, est offensa DEI, & contra legem DEI: præterea iste actus  
*Propositum.* debet habere modum, scilicet super omnia extensiuè, & intensi-  
 uè, ita vt magis debemus odisse peccatum, & illud nolle, quàm  
 quodcunq; malum pœnæ: deniq; debet esse, cum proposito  
 ampliùs non peccandi. Secundus actus qui non est perfectè, &  
 totaliter circumstantionatus, & hic vocatur à D. attritio; ille  
 prior contritio.

DEO 1. Contritio, est detestatio voluntaria pro peccatis  
*Quid con-* commissis, quatenus sunt offensa DEI, super omnia dilecti cum  
*tritio?* spe



spe veniæ, & proposito ampliùs non peccandi, & confitendi, ac satisfaciendi voluntate vt minimùm virtuali. Constat ex notandis, & clariùs elucescet in sequentibus.

Dico 2. Attritio est actus imperfectus, id est bonus ex genere, non tamen omnibus circumstantiis debitis, & requisitis circumstantionatus, sed aliquæ deficiunt, non ex malitiâ sed ex inaduertiâ intellectus vel omissione voluntatis, ex infirmitate. Quare à Theologis, quinq; species assignatur attritionis. 1. est, quæ ponit circumstantiam malam: V. G. cum aliquis dolet de peccato, non quia est offensa Dei, sed quia non potest ampliùs, propter illud peccatum peccare: & hæc attritio, non est digna nomine attritionis, imò est nouum peccatum iuxta D. in 4. dist. 14. q. 2. a. 2. 2. est cum quis dolet de peccato, sine proposito relinquendi peccatum, & hæc indigna homine Christiano. 3. Cum quis dolet, & tristatur de peccato, non tamen tristatur de eo, super omne malum creatum, sed magis dolet de aliquo malo temporali V. G. carcere, vel amissione bonorum neq; hæc est bona. 4. Cum quis de peccato dolet, propter pœnas inferni præcisè, ita vt si non esset infernus, peccaret, non referendo illum dolorem ultimatè, in DEVM. 5. Cum quis dolet de peccato, sed non propter DEVM immediatè, sed propter aliquam aliam causam, V. G. propter timorem inferni, vel propter amissionem regni cœlestis &c; non tamen ultimatè propter hoc, sed ultimò refert dolorem in amorem Dei, cum proposito non peccandi, confitendi &c. & hæc bona est.

*Multiplex attritio.*

## ARTICVLVS II.

*Quæ sit differentia, & conuenientia, inter Contritionem, & attritionem?*

Quantum ad differentiam. Dico 1. Contritio & Attritio differunt. 1. in Circumstantia finis: quia finis contritionis immediatus, est amor Dei, ideò illa detestatio peccati, quæ proximè, & immediatè est de peccato, vt est offensa Dei super omnia dilecti, vocatur contritio; illa verò detestatio peccati, quæ proximè, & immediatè non habet, pro fine dilectionem Dei, sed timorem

*Quomodo contritio & attritio differunt.*



timorem pœnarum, vel turpitudinem peccati, est attritio, non contritio: non tamen deficit absolutè, quoad circumstantiam finis, quia includit dilectionem Dei, saltem virtualiter. unde si non ordinaret aliquis, actum attritionis ad amorem filialem, sed illum timorem pœnarum, pro ultimo fine sibi constitueret, talis attritio, non esset vera dispositio ad Sacramentum, quod apertè indicat Tridentinum *Sess. 14. Cap. 4.* docens, ad hoc ut detestatio peccati, propter timorem pœnarum sit attritio vera, requiri propositum ampliùs non peccandi, cum spe veniæ; spes autem veniæ, ordinatur ad charitatem, quæ est perfectio omnium virtutum. Ergo attritio ordinatur ad charitatem, & ab illa, ut à fine ultimo oritur. Hinc

*Attritio nō  
est ex viribus  
natura.*

**COLLIGE 1.** Attritio perfecta, vocatur putata contritio, quia qui dolet de peccato, propter timorem pœnarum, licet proximè ab hoc fine moueatur, tamen non sistit in illo ultimato, sed terminatur in Deum, & propter hoc putatur contritio, quia ferè habet eandem circumstantiam finis, sicut & contritio, licet non ita perfectò modo, sicut contritio, quia non habet illam pro fine proximo, & formaliter, sed ultimato, & virtualiter.

**COLLIGE 2.** Illa Opinio, quæ asserit attritionem veram, differre à contritione, ex hoc, quia attritio est ex viribus naturæ, repugnat Concilio Tridentino *Sess. 14. cap. 4.* ubi docet attritionem, quæ ex timore pœnarum innascitur, esse donum Dei, & impulsus Spiritus Sancti.

*1. differen-  
tia.*

2. Differunt. Quia contritio, est actus, habens intensionem vsq; ad terminum præfixum à Deo. Attritio verò caret debita intensione. Hæc differentia, patebit *sequenti Questione Art. 3.*

*3. differentia.*

3. Differunt. Quia contritio, est detestatio peccati, habens omnes circumstantias debitas, & requisitas, nempe debitum finem, & certam intensionem, attritio verò, detestatio non perfectè circumstantionata, sed carens aliqua circumstantia, vel ex inaduertentiâ, vel ex aliquâ aliâ causa, non culpabili, dum modo non sit apposita, circumstantia mala.

Quantum ad Conuenientiam. Dico Contritio, & attritio,



tio, perfecta, & vera conveniunt. 1. Quod utraq; est actus perfectus, & efficax secundum substantiam, & in genere bonus. 2. Quod utraq; habet pro fine, dilectionem Dei super omnia, (licet non eodem modo) cum proposito, amplius non peccandi, & cum spe veniæ. 3. Quia utraq;, nullam apponit circumstantiam malam. Hinc

COLLIGE 1. Detestatio peccati, carens aliquâ circumstantiâ, vel ex inadvertentia, vel ex aliqua alia causa, non culpabili, inquit D. Subtilis non sumus certi, an talis detestatio, sit sufficiens dispositio, ex se solâ ad justificationis gratiam. Ergo ad minus, videtur esse dispositio, simul cum Sacramento pœnitentiæ: qui enim auxilio Dei, detestatur peccatum, propter amorem ipsius Dei, sed omittit aliquam actu circumstantiam, ex inconsideratione, facit quod in se est, ideo videtur esse sufficienter dispositus, ad suscipiendam gratiam, cum Sacramento Pœnitentiæ.

COLLIGE 2. Attritio christianâ & vera, includit virtualiter dilectionem Dei, & detestationem peccati super omne detestabile, & propositum destruendi peccatum. Deducitur sic. Omnis actus, qui est dispositio ad gratiam, oritur ex charitate, & propter dilectionem Dei. At attritio est dispositio ad gratiam, simul cum Sacramento pœnitentiæ. Ergo attritio, est actus ex charitate elicited non formaliter sed virtualiter. Major patet ex SS. literis, in quibus aperte dicitur, quod illi actus tantum, qui dilectioni Dei innituntur, sunt dispositiones ad gratiam. 1. Joannis eap. 3. dicitur. *Qui non diligit manet in morte.* 1. ad Corinth. 13. *Sine charitate nihil sum.* S. August: *de vera & falsa Pœnitentia cap. 17. Oportet enim quod pœnitentia fructificet, ad hoc ut mortuo vitam impetret: scriptum est enim sine charitate, neminem saluum esse.* Atqui certum est, quod attritio fructificet, quia sine ea Sacramentum, nihil prodest, cum illa verò prodest ad vitam. Ergo attritio, est ex charitate. Ex hac conditione attritionis sequuntur alie, nimirum detestatio peccati, super omne detestabile, & propositum destruendi peccatum: qui enim detestatur peccatum ex charitate, debet detestari illud, super omne detestabile; debet etiam habere propositum destruendi peccatum, & amplius non peccandi: alioquin confessio esset nulla.



## ARTICVLVS III.

*Quomodo ex attrito fiat contritus?*

*Varij modi explicandi quomodo ex attrito fiat contritus.*

NOTA. Varios modos, varij excogitârunt, quomodo attritio fiat contritio. Quidam dicunt quòd eo modo, sicut actus morales transeunt ab vna specie in aliam, manente eadem substantia actus, vt actus dandi eleemosynam, propter subleuandam necessitatem pauperis, potest mutari in actum vanæ gloriæ, ita ex attritione, fit contritio, mutata circumstantia finis. Aliqui dicunt, ex attritione fieri contritionem per additionem actus exterioris, vt si quis detestaretur peccatum, propter Deum, non tamen defereret occasionem peccati, si autem defereret occasionem peccati, jam ex attritione fieret contritio. Quidam verò dicunt, ex attritione fieri contritionem, per additionem actus charitatis, ad actum iustitiæ.

*Refutantur isti modi.*

CONTRA. Primus modus conatur probare, quòd actus morales, qui habent diuersas circumstantias, mutant species, possent fieri, vnus, & idem numero actus: quod est impossibile; quia quæ differunt specie, non possunt esse idem numero, quia finis est diuersus, qui in moralibus dat formale specificum. V. G. quia facere eleemosynam, propter subleuandam miseriam proximi, est circumstantia, quæ ponit actum illum, in genere virtutis, dare verò eleemosynam propter vanam gloriam, est circumstantia, ponens actum in specie vitii. Ergo actus isti non possunt fieri vnus numero, nam licet materiale scilicet dare eleemosynam sit idem, formale verò nimirum finis est diuersus; finis autem in moralibus dat speciem. Certum itaq; est quod actus morales per circumstantias mutantur, ac ita mutantur, vt mutant speciem. Porro, in secundo modo dicendi, non est perfectus actus virtutis, quia inuoluit velleitatem peccati. Tertius modus dicendi, non potest stare, quia actus diuersarum virtutum, non potest esse vnus actus numero, quia actus vnus numero, sicut & effectus, non potest provenire à duabus causis totalibus diuersis, effectus enim, distinguuntur numero, per causas efficientes totales, à quibus proveniunt.

*Finis in moralibus dat speciem.*

NOTA



NOTA 2. Quatuor sunt species attritionis christianæ, una est propter turpitudinem peccati. Alia est propter timorem poenarum. Tertia est detestatio peccati, cum omnibus circumstantiis requisitis ad contritionem, sed non debite intensa. Quarta est detestatio peccati imperfecta, propter carentiam alicujus circumstantiæ debitiæ, ex aliqua causa non culpabili. Priores duæ species, sunt actus omnino diuersarum specierum à contritione, quia habent diuersos fines proximos, ideo nulla istarum, potest fieri contritio. De tertia, & quarta specie, est difficultas.

Quatuor  
species attri-  
tionis chris-  
tianæ.

DICO 1. Attritio, quæ differt à Contritione, solum penes intensiorem, & remissionem, fit contritio. Ita D. Subtil: in 4. dist. 14. q. 2. num. 15. Probatur. Quia magis, & minus, non variant speciem, nam quod idem actus numero possit augeri, manens idem, certum est: unde qui dolet de peccato, propter Deum, super omnia dilectum, sed tamen non habet intensiorem debitam, si actus ille continetur, & intendatur usque ad debitum terminum, & gradum fit contritio.

Attritio per  
intensiorem  
fit contritio

DICO 2. Illa attritio, quæ differt à contritione, ex omissione alicujus circumstantiæ requisitæ ad contritionem, ex inaduertentia voluntatis, vel intellectus, potest fieri contritio, appositâ illa circumstantia, si illius recordetur, & illam aduertat.

ADDO. Accipiendo attritionem, pro contritione perfecta, antequam sit formatâ gratiâ, postquam formatur gratiâ fit contritio: sed difficultas procedit, de contritione informi nondum formatâ gratiâ.

DICO 3. Homo ex attrito, fit contritus, virtute Sacramenti, non quod attritio præcedens susceptionem Sacramenti, fiat contritio, quia licet aliqua attritio fieri possit contritio, ut paulo ante dictum est, tamen actus, qui est attritio, virtute Sacramenti, non fit contritio, nam secundum substantiam, non mutatur ex vi Sacramenti, dictum est enim, quod sunt actus diuersarum rationum, & specierum per se, ideo vnus, non potest esse alius numero, ideo debet intelligi metaphoricè, & per similitudinem, nimirum, sicut homo per contritionem, acquirit gratiam, ita homo, per attritionem, simul cum Sacramento, acquirit.

Homo ex attrito  
quomodo fiat  
contritus  
virtute Sacramenti



rit gratiam, ita ut attritio, virtute Sacramenti, habeat eundem effectum, quem habet contritio, & sic attritio virtute Sacramenti fit contritio, quia eundem effectum producit. Ex quo sequitur, quod gratia gratum faciens, non est de intrinseca, & essentiali ratione, contritionis, sed effectus dispositivè ab ea causatus. Hinc **COLLIGE** Ex attrito, fieri contritum, virtute Sacramenti Pœnitentiæ, nihil est aliud, quàm pœnitentem, cum debitâ attritione, accedentem ad Sacramentum Pœnitentiæ, beneficio ejusdem, consequi gratiam sanctificantem, quam aliàs per contritionem consecutus fuisset.

*Dolere quod non possim dolere, non sufficit.*

**PETES I.** An ille dolor, quò quis dicit se dolere, quod non possit habere dolorem de peccato, sit attritio sufficiens, ad Sacramentalem gratiam consequendam? **RESPONDEO.** Negativè. Probatur. Tùm quia sicut dolere, quod non confitear, non est confiteri, ita dolere, quod non doleam, non est dolere. Tùm quia actus contritionis, & attritionis, objectum est peccatum. At verò talis doloris, de quo inquirimus, objectum solum est carentia veri doloris de peccato. Ergo talis dolor, non est vera attritio.

*Putata attritio, non est sufficiens*

**PETES 2.** An dolor attritionis putatus, sufficiat ad causandam gratiam cum Sacramento? **RESPONDEO.** Non esse sufficientem; quia Deus exigit pœnitentiam non æstimatam, sed realem. Ergo & dolorem, seu attritionem, non putatam, sed realem. Addo Attritio putata, non est sufficiens, nedùm procedens ex ignorantia vincibili, sed etiam ex invincibili. Ratio est, quia ignorantia invincibilis, non habet hanc vim; ut vbi non est vera materia, ibi, possit esse Sacramentum V. G. vbi non est verum vinum, ibi non conficitur sanguis.

## QVÆSTIO II.

### De Requisitis ad Contritionem.

Hæc præcipuè, requiruntur ad veram contritionem. Primum propositum efficax. Deinde certa intentio, & modus. Item Quod debeat esse de omnibus peccatis, saltem in genere, ided præsens Quæstio in 4. Articulos dividitur.



- In 1. quæretur. An, & quale propositum requiratur ad contritionem?  
 In 2. Vtrum firmitas hujus propositi requirat, vt poenitens velit vitare omnia peccata, & occasiones peccandi?  
 In 3. Quantus dolor requiratur ad contritionem?  
 In 4. Quomodo contritio, respectu peccatorum, est concipienda?

ARTICVLVS I.

*An, & quale propositum requiratur in contritione?*

NOTA 1. Magna est controuersia de proposito inter Theologos, an requiratur formale, vel an sufficiat virtuale: aliqui requirunt omnino formale, aliqui verò dicunt sufficere virtuale, in 4. dist.

14. q. 1. quod veriùs in conclusionibus videbitur.

NOTA 2. Propositum virtuale includitur in dolore, cum quis ita dolet de peccato, vt ex vi illius doloris, includat omnem voluntatem non peccandi, licet tunc expressè de ea non cogitet: propositum verò formale, cum quis explicitè proponit in posterum non peccare.

*Propositum virtuale includitur in dolore.*

DICO 1. Ad veram contritionem, requiritur propositum in posterum non peccandi. Ratio est, quia nequit esse verus dolor absolutus, & efficax, qualis debet esse contritionis de peccato, vt peccatum est, nisi excludat omnem voluntatem peccandi, & præteritam, & futuram. Et hoc propositum, debet esse ita efficax, vt poenitens, nulla ratione velit peccare, & consequenter, sit paratus, quoduis potius pati, quàm mortaliter peccare, idq; velit absolutè, & sine vlla conditione. Tale propositum requirit Trid. sess. 14. cap. 4. ad attritionem, vt iustificet cum Sacramento. Ergo multò magis, tale requiritur ad contritionem, quæ iustificat sine Sacramento.

*Requiritur propositum in Contritione.*

DICO 2. Propositum non peccandi in futurum, per se loquendo, est necessarium formale, ad veram contritionem, per quam remittatur peccatum, ita, vt is qui meminit vitæ futuræ, ac talis propositi, & tamen scienter illud omittit, sit indispositus ad obtinendum remissionem peccati. Hæc conclusio, est D. S. in 4. d. 14. q. 4. quam Suarez putat esse securiorem ideoq; populo publicè proponendam, & explicandam. Probatur 1. Ex SS. literis, quæ duo requirunt ad contritionem, nimirum dolorem de peccatis, & propositum novæ vitæ. Isaia 1. Lauamini, mundi estote, & quiescite agere peruersè. Amos 5. Diligite bonum, odite malū. Ezech. 18. & 33. Ad Eph. 4.

*Per se loquendo requiritur propositum formale.*

*Ad contritionem duo requiruntur.*

*Omnia*

In 1.



*Omnia probate, quod bonum est tenere, ab omni genere maleficii abstinete.*

**Ratione Probat.** Non sufficit propositum emendandi vitam, sine dolore formali. Ergo nec dolor sine proposito formali. Antecedens constat, *ex Trid. loco citato*, ubi dicitur, non sufficere nouam vitam, & celsationem à peccato, ad pœnitentiam, sine odio & detestatione præteritorum. Consequentia patet. quia sicut in dolore, virtualiter includitur propositum, ita in proposito includitur dolor. Dixi in Conclusionem (per se loquendo,) quia potest per accidens dari casus, in quo sine formali proposito, justificatur homo. V. G. quando aliquis, est ita vehementi dolore occupatus, ut illi inculpabiliter non veniat propositum, nec vita futura, & sic virtualiter includit propositum talis dolor.

*Sufficit ali-  
quando vir-  
tuale.*

**CONFIRMATUR.** Sicut sine Sacramento in re suscepto, potest aliquis saluari, per solum votum ejus, quando impossibilitate illud suscipiendi, aut ignorantia inuincibili excusatur, ita poterit ad Deum conuerti plenè, sine formali proposito, cum hoc non magis ad justificationem sit requisitum formale, quàm Sacramentum in re susceptum.

## ARTICVLVS II.

*Utrum firmitas hujus propositi requiratur, ut pœnitens velit vitare omnia peccata, & omnes occasiones peccandi?*

*Omnia pec-  
cata debet  
velle vitare  
mortalia.*

**Dico 1.** Non sufficit ad firmitatem hujus propositi, & consequenter ad justificationem, per pœnitentiam, habere animum non committendi peccata antea commissæ, sed requiritur voluntas, vitandi omnia alia. Ratio est quia vera contritio ex charitate procedit, in quâ includitur, votum seruandi omnia mandata Dei. Ergo & non peccandi, quocunq; genere peccati, præsertim mortali: unde D. in 4. d. 17. q. 1. ad vltimū dicit, possibile esse vitare, omnia peccata mortalia, cum gratia Dei. De peccatis venialibus est difficultas, idè.

*Venialia a-  
liqua requi-  
runt propo-  
situm.*

**Dico 2.** De peccatis venialibus, licet non sit necessarium absolute, habere propositum illa vitandi, est tamen utile, loquendo de illis, quæ proueniunt ex libera voluntate, non autem de illis, quæ proueniunt ex subreptione, & ex imperfecto consensu: quia hæc vitari non possunt, sine priuilegio speciali; debemus tamen proponere, adhibere omnem diligentiam illa vitandi, & attenuandi, quantum fieri potest.

**Dico 3.** Potest pœnitens habere firmum propositum non pec-  
ca-



candi, etiamſi non habeat propositum vitandi, occasiones remotas; tenetur tamen habere propositum vitandi occasiones proximas. Pro intelligentia. Nota Occasiones peccandi remotæ, quibus homo consideratâ suâ fragilitate, & cæteris circumstantiis, potest vti sine peccato; talis est auditio confessionum mulierum &c. Proximæ sunt, quibus, consideratis circumstantiis, hic, & nunc, non potest vti sine peccato, ita vt illis positis semper peccet, V. G. vsurâ, nicromantiâ &c. Deinde eandem occasionem, posse esse alteri proximam, alteri remotam, vt habitatio cum muliere iuueni, & seni. 1. pars Probatur. Quia aliâs deberemus exire, ex hoc mundo, cum nihil sit in eo, quod non possit nobis esse occasio peccandi. 1. Corint. 5. 2. pars Probatur. Quia pœnitens, omne mortale tenetur vitare: proxima autem occasio peccandi mortaliter, si non vitetur, est peccatum mortale, ideoq; debet velle illam vitare: cum idem sit, velle dispositionem proximam ad peccatum, quod velle ipsum peccatum, quia velle proximam causam, est velle in causa effectum.

*Occasiones  
duplices.*

*Proxima  
ocasio pec-  
cati est pec-  
catum.*

**DICO 4.** Non est necessarium, ad perfectum propositum, singillatim discurrendo, de peccatis futuris, facere inductionem, animo illa vitandi, sed satis est de omnibus in genere, id facere. Ratio est quia tale propositum generale extendit suam virtutem ad omnia peccata singularia. Hinc

**COLLIGE** Hoc propositum debet esse cum spe veniæ, quia sine illâ, non contingit venia. Vnde Pœnitentia Judæ, quæ fuit sine spe veniæ, nihil illi profuit, quia vt ait D. Subt. d. 14. q. 1. ad 3. non fuit ordinata, quia non fuit ex dilectione Dei, ex quâ oritur spes veniæ.

*Propositum  
debet esse  
cum spe ve-  
niæ.*

**COLLIGE 2.** Necessarium est, etiam propositum satisfaciendi, saltem in voto. Ratio est quia cum Pœnitentia contineatur sub iustitia, & secundum legem ordinariam, culpa tollatur per pœnam, & satisfactionem, debet pœnitens, habere propositum satisfaciendi, & acceptandi pœnam, imponendam sibi à Deo, vel ab Ecclesia pro culpa lata. Tùm quia præceptum de confessione, includit in voto satisfactionem.

*propositum  
satisfaciendi.*

### ARTICVLVS III.

*Quantum dolor requiritur ad contritionem?*

**NOTA 1.** Quantitatem doloris considerari, vel juxta intensi-  
onem, vel extensionem, ac proinde de quantitate doloris, ita esse di-  
scut-



scurrendum, sicut de quantitate amoris, sicut enim Deus est super omnia diligendus, ita dolor de peccatis debet superare omnes dolores.

*Intensio in contritione qualis?*  
 Nota 2. Theologi alii, conveniunt circa intensiorem doloris, cum D. Subtili in hoc, quod requirant aliquam intensiorem, non solum appetitativam, sed etiam ex parte conatus potentiae; differunt verò in hoc, quia volunt habere intensiorem maximam, in comparatione ad alios dolores: D. vero Subtilis, non definit, quanta esse debeat ista intensio, in 4. d. 14. q. 2. a. 2. *Quae quanta sit ignoramus nos, inquit, sed DEVS ipse scit.*

*Contritio in fieri, & factio seu in termino.*  
 Nota 3. Inter istum motum, qui est contritio, & gratiam, est quaedam prioritas, & ordo naturae tantum, & sic negat D. continuationem contritionis, debere habere aliquam durationem in facto esse ante infusionem gratiae; quod pater, quia si esset necessarium, ut contritio continuaretur, per aliquod tempus, ante infusionem gratiae, sequeretur, quod aliquis posset habere contritionem, & tamen non habere gratiam, quod est falsum: loquendo autem de contritione in fieri quatenus nondum est in termino, habet contritio durationem, & continuationem aliquam temporis; quia est motus quidam, & aggregatio plurius actuum, intellectus & voluntatis, intellectus verò debet considerare peccatum, sub omnibus circumstantiis, & voluntas similiter; hæc autem omnia, certum est, non posse fieri in instanti. Ergo.

*Contritio requirit intensiorem.*  
*Nota loci.*  
 Dico 1. In contritione, necessaria est aliqua intensio. Probat-  
 tur 1. ex S. Augustino, qui de vera, & falsa pœnitentia c. 13. dicit. *Omnes fructus suae pœnitentiae, paruos habeat, nunquam credat sufficere, semper doleat, semper coram Domino erubescat, dolorem cum vita finiat.* In quibus verbis innuit, quod pœnitens debet colligere vires, & magno conatu dolere, & licet habeat dolorem intensum, nunquam tamen sistat, & nunquam credat sufficere. Confirmatur, quia Sacra Scriptura, præcipit intellere, & amare dolere pro peccatis; sed si sufficeret ad dolendum dolor minimus, frustra tam intensivè præceperet Sacra Scriptura dolere de peccatis. Hierem. 6. *Luctum vni geniti fac tibi planctum amarum.* Vbi Glosa dicit. ita dolendum pœnitenti de peccatis, sicut nihil dolentiùs morte vni geniti. Et Isai. 38. *Recogitabo tibi omnes annos meos in amaritudine anime mee.* Psal. 6. *Lauabo per singulas noctes &c.* Joelis 2. *Scindite corda vestra &c.* Tum quia Trid. Sess. 14. cap. 4. exigit odium vehemens, & ingentem derelictionem peccati. Sed hæc fieri, sine aliqua intensione non possunt. Ergo.



2. ratione, Contritio, est actus à charitate imperatus, est enim detestatio peccati, propter amorem Dei, super omnia dilecti. Sed in amore Dei includitur intensio super omnia, debemus enim diligere Deum intensivè, & extensivè. Ergo detestatio peccati, quæ est contritio, debet includere intensiorem. **RESPONDENT** Contrarium opinantes, quod intensio in dilectione Dei, super omnia, intelligenda est appetitiuè, non verò secundum intensiorem. Contra Licet appetitiuè, tamen, includit aliquam intensiorem, quia in præcepto dilectionis Dei, apponuntur illæ conditiones. *Ex toto corde, ex tota anima &c. Deut. 6. Matth. 22.* Sed istæ particulae significant, ut colligamus omnes vires nostras, & toto conatu feramur in amorem Dei, adeò, quod Deus. præcipit nobis, ut diligamus Deum super omnia intensivè, & extensivè, id est appetiemus illum, super omnem rem creatam. Et insuper præcipit, ut totis viribus, & toto conatu, feramur in Dei amorem. Sed adhibere totum conatum, & omnes vires est idem, quod elicere actum intensiorem, quem possimus. Ergo ad dilectionem Dei requiritur intensio actus præter appetitionem objecti. 3. Probatur Si ad actum contritionis, non requiritur intensio, licet ignota nobis, sed sufficit, detestari peccatum propter Deum, unus quisque certus erit, quando erit in gratia. Consequens est contra illud Ecclesi. 9. *Nemo scit an amore, vel odio dignus sit.* Consequentia Probatur, Quia iste sciet se habere contritionem de peccatis suis, quia scit se dolere de peccatis propter amorem Dei, & quia sunt offensæ ejus, & habet spem veniæ, & propositum confitendi, & satisfaciendi. Confirmatur. Matth. 26. dicitur. *Petrus exiit foras, & flevit amare.* Et Lucæ 7. *Remittuntur ei peccata multa, quia dilexit multum.* Ergo requiritur intensio.

Appetitiuè  
ut includit  
intensiorem.

Ad dilectionem  
DEI  
requiritur  
intensio actus.

**Dico 3.** Loquendo de contritione, non quatenus est in termino, quod habito gratia formatur, sed de ipsa loquendo in fieri, non potest negari eam habere durationem aliquam, & continuationem temporis. Probatur Quia est motus quidam, & aggregatio plurium actuum intellectus, & voluntatis. Patebit clariùs ex solutione objectionis.

**Dices** S. Chrysost. lib. de reparatione lapsi, ait. *Quolibet breui tempore, non despicit Deus penitentiam.* S. Leo Epist. 91. *Nec misericordie mensuras possum ponere, nec tempora definire, apud quem nullas patitur moras, vera conuersio.* Cælestinus Papa, ad Episcopos Galliarum cap. 2. inquit. *Vera conuersio mente potius quam tempore metienda est, dicente Propheta. Si conuersus fueris saluus eris.*

Objectiones.



Rejiciuntur

RESPONDEO S. Chrysostomus loco citato, intendit dicere, quod pœnitentia quæcunq; , etiam insufficiens , ad delendum peccatum, non amittat suam mercedem, vt bona temporalia, vel dispositionem ad gratiam. S. Leo dicit quod Deus potest quemcunq; peccatorem citò conuertere, quia misericordia ejus, non est alligata alicui determinatæ mensuræ, vel determinato tempori. Neq; per hæc verba, (*Apud quem nullas patitur moras, vera conuersio*) intelligit conuersionem fieri in momento, sed solum innuit, quod Deus non est alligatus, vt certo tantum tempore, & misereri, & conuertere possit peccatorem, sed quocunq; tempore. Aliæ authoritates, quæ adduci possunt, concludunt solum, nullam durationem esse de essentia contritionis, postquam est in termino, & in facto esse ante infusionem gratiæ, quod concedimus. Loquendo verò de contritione, non quatenus est in termino, quò habito gratiâ formatur, sed de ipsa in fieri, non potest negari eam habere durationem, & continuationem aliquam temporis, quoniam est motus quidam, & aggregatio plurium actuum intellectus, & voluntatis, necesse enim est quod intellectus, consideret peccatum sub omnibus circumstantiis prædictis, & voluntas sub eisdem, illud detestetur, scilicet, vt est offensa Dei, & super omnia, & cum spe veniæ, & cum proposito amplius non peccandi, confitendi & satisfaciendi. sed hæc omnia, non possunt fieri in instanti. Ergo. Hinc

Cur in contritione omnino debet duratio intensio eius esse.

COLLIGE Opinio Doctoris Subtilis est communior, apud veteres Theologos, & securior, & magis prædicanda populo, quam opposita, quia Sancti, & S. Scriptura hortatur ad pœnitentiam vehementem, vt patet in multis locis. *Scindite corda vestra &c.*

## ARTICVLVS IV.

*Quomodo contritio respectu peccatorum est concipienda?*

DICO I. Probabilior est sententia, & tuta in conscientia, non esse necessariam recogitationem, de vno quoq; peccato, sed sufficere detestationem, & recogitationem omnium peccatorum in confusò, & in generali. Ita D. Subt. in 4. d. 15. q. 1. a. 3. § *Ex hoc patet*. Vbi dicit quod contritio vna specie, potest competere pluribus peccatis, diuersarum specierum, & quod vna numero contritio, de pluribus peccatis in generali, potest competere pluribus peccatis numero. Probatur ratione Doctoris *ibidem a. 5.* Quia videtur sufficere ad placan-

De vnoquoq; singillatim non requiritur contritio, sufficiat in generali.



placandam offensam, quod satisfaciens, non intendat permanere in aliqua offensa amplius, sed omnino velit reconciliari offenso, tunc enim de quacunque offensa dolet, de qua cogitat, & memoratur, & dolet de omnibus si recordaretur, & de quibus non recordatur actu, dolet virtualiter, quia non vult amplius ullam offensam, nec petit dimidiam veniam, sed totalem, & consequenter, poenitentia generalis de omnibus sufficit. Confirmatur 1. Si de singulis peccatis, necessario esset dolor concipiendus, sequeretur eum, qui multa millia peccatorum commisit, non posse intra breue spatium temporis, conteri de omnibus, & si sit in articulo mortis, atque ita non posset saluari, quod est falsum. Confirmatur 2. Homo justificatur per unum actum contritionis, juxta illud Ezech: 18. *Si impius Locu Ezech: egerit penitentiam, ab omnibus peccatis suis, &c. Omnium iniquitatum eius non recordabor.*

**Dico 1.** Requiritur confessio singulorum peccatorum. Ergo & contritio de singulis.

**RESPONDEO.** Nego consequentiam; quia Confessio fit per modum iudicii, in quo manifestanda sunt singula crimina, ut reus absolvatur. Tum quia integritas confessionis, est de jure Divino, nullum vero jus apparet, quo fideles obligentur ad singulas de peccatis contritiones, cum quia unico actu contritionis, delentur peccata omnia.

**COLLIGE** Penitentem qui se preparat ad Confessionem, satisfacere, si ante examen, aut factio examine, aut inter examinandam conscientiam, uno actu detestetur omnia sua peccata. Ita communiter DD.

**Dico 2.** Ad justificationem obtinendam per contritionem, requiritur saltem confusa peccatorum commissorum consideratio, & confusa peccatorum detestatio. Ratio est quia Isaia 8. dicitur. *Recogitabo tibi omnes iniquitates meas in amaritudine animae meae,* qui locus explicatur, de recogitatione peccatorum, praerequisita ad actum contritionis. Tum quia contritio est actus voluntatis; voluntas autem non fertur in incognitum. Ergo ad contritionem, requiritur saltem, confusa peccatorum cognitio. Quando requiritur distincta cognitio peccatorum.

**Dico 3.** Dantur nonnulli casus, in quibus tenetur poenitens peccata sua, ante, vel post contritionem, distincte recogitare.

1. Quan-



1. Quando post contritionem faciendâ est confessio, tunc enim necessarium est Examen conscientie. 2. Quando extat obligatio restitutionis faciendæ, tunc enim debent diligenter singula sua peccata perpendere, quantum opus est, ad integram restitutionem faciendam. Ita Aretinus in 4. d. 14. q. 3. a. 7. 3. Quando remedium aliquod assumendum est, ad euitanda peccata.

*Bonum est  
gravius pro  
gravioribus  
dolere.*

Dico 4. Non est quidem necessarium, dolere gravius, pro grauioribus peccatis, tamen est salubre consilium, ut pro gravitate delicti, leuior, vel grauior, dolor concipiatur. Ratio est, quia ubi est majus motuum detestationis, ibi debet esse major detestatio. Sed ubi est majus peccatum, est majus motuum detestationis. Ergo, Hæc conclusio intelligenda, si pœnitens, non faciat comparisonem inter majus, & minus peccatum, nam si faciat, tenetur de grauioribus majorem detestationem elicere. Hinc

COLLIGE Qui actualiter multorum peccatorum mortalium recordatur, & tamen de vno tantum, aut altero dolet, is non habet veram contritionem; quia non detestatur omnia, vnum verò absq; alio, dimitti non potest.

COLLIGE 2. Qui explicitè detestatur magis leuius, quàm grauius peccatum, peccat mortaliter: Ratio est, quia de duobus malis, minus eligendum. Ergo.

COLLIGE 3. Potest aliquis justificari, per solum actum elicitum Diuini amoris, super omnia.

### QVÆSTIO III.

#### De Præcepto Contritionis.

In hac Quæst. duo examinabuntur.

1. An cadat sub præcepto contritio?

2. Quando obligat præceptum istud?

#### ARTICVLVS I.

*An Contritio sit sub præcepto, & quali?*

*De lege natura  
est. est. con  
tritio.*

Dico I. Præceptum de contritione, quatenus includit pœnitentiam virtualem, vel formalem, est de lege naturæ: quatenus verò ardeatur ad modum specialem pœnitentiæ, quæ est confessio, est de lege positiua: 1. Pars probatur Quia ante legem scriptam, nulla fuerunt præcepta Dei positiua, ideo illud tempus vocabatur

ius



jus naturæ. Sed pro illo tempore, fuit hoc præceptum de contritione. Ergo. Nam D. inquit *Dist. 17. Q. 1. a. 1. de jure naturali est, ut aliquis pœniteat de malis.* Confirmatur. Præcepta de justitia, & charitate sunt naturalia. Sed tale est de contritione: Ergo est naturale. 2. pars constat quia modus, quo acquirimus gratiam Dei *Est de lege post peccatum, non est solum contritio, & pœnitentia formalis, sed positiva.* sufficit virtualis, ut dilectio Dei super omnia, confessio Martyrum &c. Ergo modus, & formalitas, istius præcepti, videtur esse de lege positiva. Notandum tamen est quod juxta Doctorem, substantia hujus præcepti sit de lege naturæ, declaratio tamen, & explicatio sit de *Nota,* lege positiva; nimirum, ut fiat per confessionem.

Dico 2. Contritio non est necessaria homini, post peccatum mortale commissum, in lege noua, necessitate simpliciter medii ad salutem. Ratio est. Tùm quia illud est necessarium necessitate medii, quò prætermisso, etiam inculpabiliter, & inuoluntariè, salus non obtinetur. Sed prætermissa contritione, potest aliquando salus obtineri, ut patet in homine justo, qui si repenti moriatur salutem obtinet sine contritione. Ergo. Tùm quia pœnitens cum sola attritione, & Sacramento pœnitentiæ, sine contritione justificatur.

Dico 3. Contritio propriè sumpta, necessaria est necessitate Præcepti. Patet. Ezechielis 18. dicitur. *Conuertimini, & agite pœnitentiam ab omnibus iniquitatibus vestris.* Confirmatur Illud est necessarium, necessitate præcepti, quò culpabiliter prætermisso, non obtinetur salus. *Nisi pœnitentiam egeritis simul omnes peribitis Luc. 13.*

## ARTICVLVS II.

### *Quo tempore obligatur homo ad Contritionem?*

NOTA 1. Omnes in hoc conveniunt, quòd hoc præceptum de Contritione, cum sit affirmatiuum, obligare ad semper, sed non pro *Quo tempore obligat contritio.* semper, id est obligare tantum, quando adest necessitas, ponendi actum præcepti in esse, verum, quodnam sit tempus, quo occurrit talis necessitas, ita ut nisi ponatur, peccatum mortale committatur, controuersia est inter Theologos.

NOTA 2. Tempus, in quò est necessitas Ponendi in actu hoc præceptum, determinatur ex duplici radice: vel ex ratione intrin-



seca huius præcepti: vel ex ratione extrinseca, & hæc est duplex: vel enim oritur ex iure positivo determinante hoc tempus, vel ex aliquâ causâ accidentali, quæ cum aderit tenetur quis conteri.

*Sunt dies festi pro contritione.*

DICO I. Probabilis est sententia D. Subtilis asserentis, tempus determinatum contritionis à iure positivo, esse dies festos. Ita D. in 3. dist. 27. q. 1. §. *Quantum ad secundum dico.* Probatur 1. Quia illud præceptum Deuteronomii. Diliges Dominum DEVM tuum, ex toto corde tuo, est præceptum, quod obligat ad ponendum in esse, pro aliquo tempore actum positivum elicitum, dilectionis Dei super omnia. Sed istud tempus, inquit Doctor, fortè determinavit illud præceptum Divinum, *Memento, ut diem Sabbati sanctifices*: Sabbatum autem, est idem quod dies festus. Ergo dies festus est tempus determinatum ad contritionem. Confirmat D. ex Exodi cap. 20. Vbi dum Deus præcipit sabbatum sanctificari, dicit inter alia: *ut maneat unusquisque apud se*, id est recolligendo se, & ascendendo ad DEVM suum. Sed non potest quis, diligere DEVM, super omnia, nisi detestetur peccata commissa. Ergo. Confirmat 2. Quia Ecclesia dum specificavit die Dominico esse audiendam Missam, specificavit simul tunc, & tempus contritionis, quia non potest quis audire Missam, & habere actum dilectionis Dei super omnia, nisi peccata detestetur. 2. Probatur. Ex vi tertii præcepti, tenetur homo vacare Deo, & cultui ejus, quod non potest facere convenienter ille, qui est in peccatis. 3. Quia festa ad hoc ordinantur, ut homo in illis sanctificetur. Sed non potest sanctificari, nisi à peccato mündetur. Ergo.

*Tenetur homo ad actum dilectionis DEI.*

*Suarez dist. 15. sect. 6.*

*Tempus annuæ confessionis non est pro contritione.*

Denique ex Doctore loco citato, contra Suarez: supponendo, quod unusquisque tenetur sæpè sapiùs, ad eliciendum actum dilectionis DEI in vita, non solum in articulo mortis: quia nimis absurdum est dicere, quod nunquam in tota vita occurrat tempus, ponendi in actu, hoc præceptum, quod est fundamentum totius legis Divinæ, nisi semel, vel bis, cum tempus adimplendi alia præcepta affirmativa frequenter occurrat. Ergo necesse est assignare alia diuersa tempora, præter articulum mortis, in quibus unusquisque teneatur, ad hunc actum. Sed hæc non sunt alia nisi dies festi. Ergo. Non enim tempus annuæ Confessionis, ut vult Soto, quia hoc non includit contritionem necessariò, sed solum obligat, ad Sacramentum penitentiae, quod fieri potest cum attritione. Tum quia si quis suscipiat

Sacra-



Sacramentum Pœnitentiæ indignè, satisfacit præcepto Ecclesiæ, licet peccet grauiter. Ergo non tenetur tùm temporis, ad Contritionem.

DICES 1. Præceptum cultus festorum, est de negatiuis, nimirum abstinencia ab opere seruili; alterum est positium scilicet Misericordiam audire. Sed vtrumq; horum, potest fieri absq; contritione. Ergo.

*Audire Misericordiam est affirmatiuum*

RESPONDEO. Præceptum de cultu festorum, includit dilectionem DEI super omnia, quæ non potest haberi sine contritione. Tùm quia non essent isti actus boni moraliter, quia carerent circumstantia finis.

*Cultus festorum includit dilectionem Dei.*

DICES 2. Ecclesia solum semel compellit ad Pœnitentiam, Ergo non compelluntur, ita frequenter jure Diuino, vt vult Scotus.

RESPONDEO Hoc præceptum de contritione, non est determinatum, per præceptum confessionis annuæ.

DICES 3. Esset hoc nimis durum, & difficile, vt quolibet festo, eliciamus contritionem de peccatis. RESPONDEO Non esse, quia sufficit contritio formalis, vel virtualis; Neq; Thomistis id, debet esse difficile, qui non requirunt in contritione intensiorem, neq; etiam requiritur recogitatio singulorum peccatorum, sed in genere. Ergo.

DICES 4. Præcepta non obligant ad finem, sed ad media. Sed dilectio DEI, est finis. Ergo &c. RESPONDEO Quod dilectio DEI, est finis respectu aliorum præceptorum, quia omnia præcepta ex charitate, tanquam ex fine, habent suam bonitatem, respectu vero beatitudinis est medium.

*Dilectio Dei est finis respectu præceptorum, respectu beatitudinis est medium.*

DICES 5. Præceptum de cultu festorum, & præceptum de pœnitentia, sunt distincta præcepta, quia vnum pertinet ad iustitiam, alterum ad religionem, scilicet cultus festorum; nullum autem præceptum, obligat ad officia alterius. Ergo præceptum de cultu festorum, non obligat ad pœnitentiam.

RESPONDEO Præceptum Religionis, & consequenter de die festo, reducitur ad iustitiam, vt docet D. Subtilis in 3. dist. 9. q. 1. a. 1. & subordinatur præcepto dilectionis Dei, virtute cuius, etiam includit præceptum de contritione, quod etiam pertinet ad iustitiam, ideo non est inconueniens, quod præceptum Religionis includat aliud.

*Præceptum Religionis includit aliud.*



præceptum, pertinens ad iustitiam, licet formaliter habeant officia diuersa.

*In articulo  
mortis con-  
tritione faci-  
enda.*

Dico 2. Ex vi, & naturâ suâ intrinsecâ, hoc præceptum contritionis obligat in articulo mortis, & in omni casu, in quo est moraliter periculum mortis. Ratio est, quia præceptum hoc est affirmatiuum, & pro hac vita, non pro futura: oportet ergo vt aliquo tempore impleatur, in hac vita. Si ergo non sit adimpletum ante articulum mortis, saltem in articulo mortis adimpleri debet: vnde si pro isto tempore, non adimpleatur, homo damnatur ille, qui decedit cum mortalibus.

*Primus ca-  
sus quando  
tenetur con-  
tritionem  
homo face-  
re.*

Dico 3. In tribus casibus, ex accidenti obligantur homines, ad contritionem faciendam. Primus casus est. Quando aliquis ex officio tenetur ministrare, vel suscipere Sacramenta, & non habet copiam Confessarii, & habet conscientiam peccati mortalis: vel tenetur facere aliquod opus, quod propter sanctitatem suam, requirit statum gratiæ in Ministro operante, neque potest sine nouo peccato, exerceri in statu peccati mortalis. Porro hæc obligatio, non oritur ex præcepto Contritionis, sed ex præcepto, de dignè tractandi res sacras, & Sacramenta, excepto Sacramento SS. Eucharistiæ, illud enim conficere, non debet in peccato mortali existens, nisi præmittat Confessionem, & hoc ex præcepto Diuino, si potest confessionem facere, si non potest, ad actum Contritionis omnino obligatur.

*Secundus  
casus.*

Secundus casus est tempore magnæ temptationis: aliqui autem dicunt, in tali casu, non esse præceptum sed consilium, quod multò probabilius est, quia cum auxilio Dei, potest homo vincere omnem temptationem, & se conuertere ad Deum, sine gratia habituali.

*Tertius ca-  
sus.*

Tertius casus est. Quando commune malum Reipublicæ imminet, omnes tenentur ad contritionem, vt malum Deus auertat, quia, qui non habet contritionem de peccatis, ponit impedimentum, ne oratio communis exaudiatur.

PETES I. An præceptum contritionis obliget quoties peccata memoriæ occurrunt?

RESPONDENT Cajetanus in 3. p. q. 84. art. 8. Soto in 4. diff. 14. q. 1. art. 9. Suarez Dissut. 15. Sect. 4. negatiuè. Probant primò, quia hac de re nullum extat præceptum, nec Diuinum, nec naturale. Item præceptum pœnitentiæ semel obligat tantum, circa eadem pec-

cata.



cata. Ergo non obligat quotiescunq; memoria occurrit peccatum.

DICO. Homo obligatur ad detestationem peccati quotiescunq; memoria occurrit. Ita D. Subtilis in 4. dist. 49. q. ex latere. S. Præterea in bonis. Vbi ait, *Actu intelligens Deum, & nullo modo diligens, peccat quia peccat: similiter actu cogitans peccatum, & sine omni displicentia, peccat.* Et dist. 45. q. 3. ad 3. S. Thomas 3. p. q. 84. articulo 8. dicit. *occurrit.*

Quod semper debet homini displicere, quod peccauit: quia inquit si homini placeret peccasse, jam hoc ipso peccatum incurreret. Ergo si debet, toto vitæ tempore homini peccatum displicere, sequitur, quod & tunc, dum illius recordatur. Neq; valet Responsio Cajetani, Negatiuè, non autem contrariè, seu positiuè, quia purè negatiua retractatio peccati, non parit dolorem. At inquit ibi, S. Thomas. *Displicentia causat dolorem.* Ergo. D. Subtilis loco citato ad tertium sic probat. Cum quis recordatur actus peccati, aut in illo sibi complacet, aut displicet, aut nullum actum voluntatis habet, circa illud peccatum. Si primum malus est: si secundum habetur intentum: si tertium peccat: quia quilibet tenetur præcepto charitatis, & dilectionis Dei; hæc autem semper impellit ad odiendum illud, quod est contra Deum: unde qui sciens, & volens, cogitat de aliquo, quod est contra Deum, non habet amorem Dei, quia ille non patitur secum aliquid, quod est contra Deum. Ad rationem in oppositum primam, dico esse præceptum naturale. Ad 2. Dico præceptum contritionis, obligat semel ad penitentiam, pro venia obtinenda, semper verò obligat ex vi præcepti dilectionis Dei, quæ non patitur secum, vt quis habeat deliberatè, id est sciens, & animadvertens, cogitationem de peccato, quod est injuria Dei, & illud non habeat odio, nec detestetur.

COLLIGE prima opinio est cõmunior, secunda antiquior, & securior.

PETES 2. An homo teneatur statim conteri, quãdo cõmissit peccatũ?

RESPONDEO Cum alicui post peccatum occurrit memoria peccati, probabile est, teneri eum, ad contritionem illius. Probatur. Quia si tenetur homo quotiescunq; recordatur peccati ad contritionem. Ergo etiã cum primũ recordatur de peccato cõmisso statim debet cõteri, quia etiã tunc recordatur. Aduerte hic quod recogitatio peccati, alia est deliberata, quando voluntas, ex electione, cogitat de peccato commisso, aut si ex accidenti euenit recordatio peccati, voluntariè, & deliberatè sistit in cognitione illius alia

*Homo obli-  
gatur ad de-  
testationem  
peccati qua-  
ties menti  
occurrit.*

*Probabile  
est teneri  
peccatorem,  
ad contritio-  
nem quan-  
do pecca-  
torum re-  
cordatur.*



alia est indeliberata, cum quis cogitat de peccato, non deliberatè, sed vel ex primis motibus, & raptim transit, vel quando voluntas, illam cogitationem non apprehendit, tanquam de objecto malo, sed speculatiuè se habet circa illud objectum, vel de eo cogitat occasione alicujus alterius rei. Quando ergo dixi, hominem obligari, ad præceptum contritionis, intelligo de cogitatione deliberata, & practice occurrente, non autem de cogitatione indeliberata, vel speculatiuè occurrente. Et ratio est, quia omninò irrationabile videtur, quòd aliquis diligat Deum, & cogitet de peccato deliberatè, quòd est injuria Dei, nam si peccatum jam est dimissum, qui non tristatur de eodem occurrente, non seruat fideliter pactum contractum cum Deo, per dimissionem peccati, si verò peccatum non est dimissum, & occurrat modo prædicto, non seruat fidelitatem in dilectione Dei. Hæc opinio est antiquorum Doctorum.

DICES. Ex eo, quòd quis non statim pœnitet, non augetur peccatum, vt V. G. qui homicidium commisit, homicida manet, neq; sit noua injuria Deo: Ergo.

RESPONDEO Quod sit noua injuria Deo, quia non odit peccatum, quod est injuria Dei, nec se gerit fideliter, in dilectione illius, fidelis enim dilectio, & fœdus requirit, vt actu detestemur injuriam, & offensam dilecti, & multò magis Dei, vnde ista dilatio contritionis, habet annexam offensam Dei.

PETES 3. Vtrum requiratur, ad veram Contritionem, suspiria, lachrymæ, & alia similia doloris sensibilis indicia?

RESPONDEO Negatiuè. Ratio est, quia contritio consistit in detestatione peccati, quæ prouenit à voluntate odio habente, omne peccatum, contra Deum commissum. Tàm quia cum lachrymæ, & suspiria, non sunt in nostra potestate, durum id esset, à nobis exigere.

PETES 4. Vtrum requiratur attritio, respectu peccatorum venialium?

RESPONDEO. Concilium Trident: Sess. 14. cap. 4. Ad valorem Sacramenti pœnitentiæ requirit dolorem, tanquam materiam necessariam Sacramenti. Ergo & respectu peccatorum venialium, aliàs si nullam detestationem respectu venialium eliceret, sacrilegium committeret, quia materiam, formæ absolutionis non subministraret,



ret, materia enim Sacramenti pœnitentiæ proxima, sunt peccata contrita, vel attrita.

## DISPUTATIO V. De Confessione.

**P**resenti Disputatione inquiremus. Primò de Essentia, Necessitate, & Præcepto Confessionis. 2. Quinam teneantur homines confiteri. 3. Quid sit confitendum, & de integritate Confessionis. 4. Quænam conditiones requirantur ad Confessionem. 5. Quando est iteranda Confessio. 6. Quibus de Causis excusentur fideles à Confessione: ideò præsens Disputatio in 6. quæstiones dividitur.

### QVÆSTIO I.

#### De Essentia, Necessitate, & Præcepto Confessionis.

Præsentem Quæstionem diuidemus in 4. Articulos.

In 1. resolvemus, Quid sit confessio;

In 2. Vtrum Confessio Sacramentalis sit necessaria.

In 3. Quo jure præcepta sit Confessio.

In 4. Quid circa præceptum confessionis determinatum sit ab Ecclesia.

### ARTICVLVS I.

#### *Quid sit confessio Sacramentalis?*

**NOTA** Nomen Confessionis, in Sacris literis multipliciter v-  
surpatur. Primò pro fidei professione, quæ est Martyrum, Matthæ. 10. *fessionismus*  
*Qui me confessus fuerit &c.* 2. Pro laude Divinâ, & gratiarum actio-  
ne. Matth. 11. *Confiteor tibi Pater, Domine celi, & terra &c.* Et Psal.  
117. *Confitemini Domino, quoniam bonus &c.* 3. Pro Confessione  
peccatorum, quæ duplex est. Quædam interna, quæ soli Deo fit,  
ut Psalm. 31. *Confitebor aduersum me iniquitatem meam Domino.* Quæ-  
dam verò est externa: quæ fit hominibus: & hæc iterum subdiuidi-  
tur: vel enim fit hominibus humilitatis causa, de quâ illud intelligi-  
tur, Jacobi 5. *Confitemini alterutrum peccata vestra.* vel fit coram  
Sacer-



Sacerdote, absolutionis obtinendæ gratia, vt Actorum 19. dicuntur Christiani accessisse ad Apostolos, *confitentes, & annunciantes actus suos*: & de hac in præfenti disputamus. quam ex S. Thoma in 4. dist. 17. q. 3. art. 2. describit Suarez Disputatione 21. Sectione 1. sic *Confessio est legitima accusatio propriorum peccatorum, coram Sacerdote, legum Dei in iudicio Sacramentali tenente, ad veniam peccatorum, per virtutem clauium, obtinendam.*

*Definitio*  
*Confessionis* Dico itaq; Confessio est accusatio Sacramentalis legitima, de peccatis propriis, facta coram Sacerdote suo, ad eorum veniam impetrandam. Est communis Theologorum, in 4. dist. 17. (*Accusatio*) ponitur loco generis, confessio enim Sacramentalis, non est quæcunq; propositio peccati, V. G. ad iactantiam, vel aliquid simile, sed accusatio ad penam subeundam. Reliquæ particulæ, sunt differentiarum. Ponitur (*Sacramentalis*) ad differentiam contritionis quæ est confessio, coram Deo, & aliarum confessionum, non Sacramentalium. Dicitur (*legitima*) ad differentiam illarum confessionum, quæ non habent requiritas conditiones confessionis: de quibus infra. Dicitur (*de propriis peccatis*) ad differentiam Confessionis laudis, in qua, non accusamus nos, sed Deum laudamus. Dicitur (*facta coram Sacerdote*), ad differentiam confessionum, factarum coram aliis iudicibus criminalibus: Dicitur (*Ad veniam impetrandam*), ad differentiam penarum confessionum, quæ præcise ordinantur ad punitionem, non ad veniam. Suppone. Quod actus confitendi, modo prædicto, est actus virtutis, quia est conformis rectæ rationi, & est elicited, à pœnitentia, quæ est virtus particularis, vindicatiua, vel à pœnitentia, generaliter sumpta.

*Actus confitendi est actus virtutis.*

QVÆRES I. Vtrum sit de necessitate Confessionis, vt fiat ore pœnitentis?

*Potest fieri Confessio, nutu vel signis.*  
 Dico I. Non est de absoluta necessitate Sacramenti Pœnitentiæ, vt confessio fiat verbis: Potest enim ex causa rationabili, sine peccato fieri confessio, per scriptum, aut aliquos nutus, & signa, quæ sufficienter exprimant peccata Sacerdoti. Prima pars patet, Quia institutio Christi Domini, non aliud requirit, quàm vt peccata, manifestentur Sacerdoti. Sed hoc fieri potest, præter sermonem; & ista est praxis Ecclesiæ, vt positos in articulo mortis, censeat esse absoluendos, si loqui non possint, dum modo signo, vel nutu aliquo, dole-



dolere se significent. 2. pars constat, quia talia signa, possunt esse sufficientia indicia, accusationis humanæ, ex causa rationabili, V. G. ex impotentia, vtendi voce humana, aut nimia verecundiâ.

DICO 2. Etsi nullum extet præceptum, aut Diuinum, aut humanum, de confessione voce humana facienda, tamen, quia consuetudo Ecclesiæ talis est, ideò Sacerdos grauiter peccaret, si confessionem exciperet, sine iustâ causa, per alia signa, prætermissa voce humana. Ita communiter Doctores.

DICO 3. Potest pœnitens, peccata sua exprimere per interpretem, præsentem Sacerdote. Ratio est, quia & hac ratione, sufficienter manifestat conscientiam suam.

QVÆRES 2. Vtrum de necessitate sit Confessionis, vt Sacerdos, & Pœnitens, sint sibi inuicem præsentem? RESPONDEO. Clementis VIII. decretum est, Anno Domini 1602. de hac re, Confessionem inter absentes, esse illicitam, & sic non est valida forma, prolata in absentem pœnitentem. Ratio est. Tùm quia, si verba formæ in rigore accipiantur, diriguntur ad personam præsentem & eadem necessariò voce humana proferenda sunt. Tùm quia perfecta notitia, causæ pœnitentis, requirit ejus præsentiam, quia posset accidere, vt pœnitens, qui Confessario absenti peccata, per nuncium, vel per literas detexit, tunc, cùm ille daturus esset absolutionem, muret voluntatem, aut actualiter peccet. Vnde in nullo casu, etiam extremæ necessitatis, licet absenti pœnitenti, dare absolutionem Sacramentalem, etiamsi pœnitens, præsentem Confessario fuerit confessus, & velit illi dare absenti absolutionem, nihil faceret, & censuram Excommunicationis soli summo Pontifici reservatam incurreret. Aduerte Quòd hæc præsentia pœnitentis, & Sacerdotis, non requiritur physica, sed moralis, & sic potest dari absolutio homini existenti in carcere, in cubiculo, vel per portam, & tempore pestis, in campo, longiusculè distanti, dummodò possint inuicem colloqui, & vnus alium audire.

Debent esse  
præsentem  
pœnitens &  
Sacerdos.

Sufficit præ-  
sentia mor-  
nalis.

## ARTICVLVS II.

*Vtrum Confessio Sacramentalis sit necessaria?*

NOTA. Confessio Sacramentalis, potest intelligi esse necessaria, vel necessitate mediæ, vel necessitate præcepti, ad consequendam salutem.

Q

Dico



*Confessio est  
necessaria  
necessitate  
medii &  
præcepti.*

DICO Confessio homini peccatori, est necessaria, necessitate medii, & necessitate præcepti ad salutem consequendam. Probatur 1. à D. Subtili in 4. dist. 17. tali ratione, quâ Concilium Tridentinum vtitur, Sess. 14. cap. 5. Ex illo loco Joan: 20. *Accipite Spiritum Sanctum, quorum remiseritis &c.* habetur, à Christo Domino, immediate datam esse potestatem Apostolis, & in eis omnibus Sacerdotibus, dimittendi peccata, ministerialiter, & arbitratiue. Sed non poterant Apostoli, neq; illis succedentes, possunt arbitrari, & judicare in causa ignota, neq; condignam poenam illis injungere. Ergo ex institutione hujus authoritatis sequitur, necessarium esse, vt peccata, de quibus debent judicare, & arbitrari, eis manifestentur. Atqui hoc non potest fieri, nisi mediante confessione. Ergo ex illa collatione potestatis arbitrariæ Sacerdotibus, in causa peccati, obligatur peccator ad confitendum Sacerdoti. Hæc ratio probat confessionem medium esse necessarium ad salutem, facta suppositione hac, quod quicumq; primam gratiam amisit, tenetur facere, quantum in se est, vt illam recuperet, & hoc virtute illius præcepti. *Diliges Dominum Deum tuum*: & virtute illius, *Diliges teipsum &c.* Atqui, qui peccauit, amisit primam gratiam, potest verò illam recuperare, per Sacramentum poenitentiae, quia ad hunc effectum, hoc Sacramentum, est institutum. Joan 20. Ergo ex illa potestate, data Sacerdotibus per institutionem Sacramenti poenitentiae, factâ suppositione, illius præcepti. *Diliges Dominum Deum &c.* elicitur necessitas confessionis.

DICES. I. Hæc ratio, non probat iudicium illud Sacerdotis, & sententiam, esse necessariam, ad dimittendum peccatum; nam illis verbis, fecit Sacerdotes Judices, & arbitros, etiam de peccatis venialibus, & tamen ex hoc, non sunt illa necessariò confitenda, cum alia via, & medio possint dimitti.

RESPONDEO Nego hac ratione non probari, confessionem esse necessariam, ad hoc, vt Sacerdos, possit judicare in causa peccati. Instantia de venialibus, non vrget, quia non est par ratio de mortalibus, & venialibus, quia venialia, non excludunt gratiam, neq; charitatem, idè ex præcepto dilectionis Dei, & sui ipsius, non tenetur illa expellere.

DICES 2. Est alia via, & medium delendi mortalia peccata, vt  
contri-



contritio. Ergo non est necessaria confessio.

RESPONDEO

Contritio, licet sit medium optimum, non tamen ita certum, & ita facile, sicut confessio, non enim est certum, an aliquis habeat perfectam Contritionem, ideo, exponeret se periculo moriendi in peccato, qui negligeret confessionem, contritio enim perfecta includit in voto confessionem, & susceptionem Sacramenti poenitentiae: itaq; est omnino necessaria necessitate medii confessio ad salutem, in re, vel in voto.

*Confessio est necessaria necessitate medii, & praecepti in re vel in voto*

DICES 3. Confessio hæc Sacramentalis, non habet exemplum, nec Christi Domini, nec Apostolorum. Item non habet vllam promissionem in verbo Dei. Item Gratuitæ condonationi, substituit meritum enumerationis, & satisfactionis. Item exigit rem impossibilem, juxta illud, *Delicta quis intelligit?* Ad primum patet institutio confessionis à Christo Domino, *Joan. 20.* Tempore Apostolorum fuit in usu, *Actorum 19.* Ad 2. constat. Ad 3. Dico, Licet Deus gratis dimittat, vult tamen, vt & nos aliquid faciamus, juxta illud *S. Aug. Qui fecit te, sine te, non justificabit te sine te.* Ad 4. Respondeo Confessio exigitur eorum, quæ memoria tenet, præmissa diligentia humanæ infirmitati possibili.

### ARTICVLVS III.

*Quo jure seu praecepto praecepta sit Confessio Sacramentalis?*

NOTA. Lex, alia est naturæ, alia positiua. Lex naturæ est lumen, & cognitio boni, & mali, æqui, & justi, quam vnusquisq; habet, naturaliter innatam, & insertam à Deo conditore naturæ. Lex positiua, est lumen directiuum, operationum nostrarum practicarum, ab aliquo institutum: & hæc est duplex Diuina, & humana. in hoc ergo Articulo quæritur, an lege naturæ, vel lege Diuina, vel lege Ecclesiastica, praecepta sit confessio Sacramentalis?

*Lex duplex naturæ, & positiua.*

DICO 1. Ex praecepto legis naturæ, nemo tenetur ad confitendum peccata Sacerdoti. Ita *D. in 4. dist. 17.* Probat sic, Quidquid est de jure naturæ, pro quocunq; statu fuit. Sed praeceptum confessionis, non fuit in lege naturæ, neq; in lege Mosaica. Ergo confessio Sacramentalis secreta, non est de jure naturæ. Vnde auctoritates Sacræ Scripturæ, dum loquuntur de confessione, loquuntur de confessione soli Deo, non de confessione facienda homini, vel

*Lex natura non præcipit confessionem.*

Q2.

loquun-



loquuntur de confessione generali, vt Danielis 2. *Tibi Deus Patrum nostrorum confiteor, teque laudo.*

*Lex Ecclesiastica non praecepit confessionem.*

Dico 2. Confessio non est praecepta lege Ecclesiastica. Probat D. Subt: Ecclesia non attentasset, tam arduum praeceptum imponere omnibus Christianis, nisi esset praeceptum Diuinum. Ergo non est Ecclesiasticum. Tùm quia non potest ostendi locus, vbi ab Ecclesia imponatur tale praeceptum. Non in Concilio Lateranensi sub Innocentio Tertio, quia ante illud tempus, fuit in vñ confessio, vt patet per S. August. qui vixit ante illud Concilium, octingentos annos, qui praedicauit, & docuit Confessionem, esse summè necessariam, in libro de vera, & falsa penitentia. Tùm quia si lex Ecclesiastica praecepit confessionem, sequeretur, quòd Papa non teneretur confiteri; quia par in parem, non habet imperium, vt habetur, *Extra de verborum significatione, Exiit qui seminat in 6.* Sed consequens est falsum. Ergo &c.

*Confessio Sacramentalis iure Diuino in 4. dist. 17. dicitur praecepta.*

Dico 3. Confessio Sacramentalis est praecepta lege Diuina positiua, etiam ante determinationem Ecclesiae, ac proinde D. Subtilis iure Diuino in 4. dist. 17. dicit. *Rationabilius est tenere, quòd confessio, cadat sub praecepto Diuino.* Dicit *Rationabilius*, non quòd dabitur, sed quia videbat illo tempore, esse contentionem inter Doctores, & nulla adhuc erat determinatio Ecclesiae. Hæc conclusio est de fide, & definita in Concilio Tridentino *Sess. 14. cap. 5.* Probari potest. Primo ratione allata, pro conclusione præcedentis Articuli, quæ videatur ibi. Probat 2. per Euangelium Joannis 20. *Quorum remiseritis*, vbi hoc praeceptum, promulgatum à Christo Domino, Apostolis. ab Apostolis verò promulgatum est Ecclesiae, absq; vlla scriptura, ita vt certum sit, ex istis verbis haberi necessitatem confessionis Sacramentalis, accedente traditione Ecclesiae, & hac ratione, vtitur Tridentinum loco citato. Hinc

**COLLIGE 1.** Confessionem, non Pontificum, neq; Conciliorum decretum esse, sed Christi Domini praeceptum, eo enim ipso, quòd Sacerdotes, iudices, & arbitros instituerit, vt absoluerent, ligarent, &c, obligauit etiam ex altera parte peccatores, vt se accusarent, qui enim intendit finem, intendit, & media.

**COLLIGE 2.** Confessionis secretæ, & Sacramentalis, esse vsum



usum vetustissimum, quod & Caluinus fatetur, *lib. 3. institut. cap. 4. § 7.* negat tamen eam, esse de jure Diuino, vel à Christo Domino, institutam. vnde.

OBJICIT 1. Si auricularis Confessio, esset de jure Diuino, non potuisset lex illa abrogari ab Episcopo, præsertim pio, & docto. Sed in Ecclesia Constantinopolitana Nectarius Episcopus, usum confessionis auricularis ex Ecclesia abstulit, & prohibuit, & eum secutæ sunt Ecclesiæ orientales, vsq; ad tempus Sozomeni. Ergo Confessio auricularis, non est de jure Diuino.

Objectio  
Caluini.

RESPONDEO. Quòd Nectarius, non abstulit aliquid, quod pertinet ad Confessionis substantiam, sed solùm abstulit penitentiarium, publicum (vt constat ex Sozomeno *lib. 9. c. 32.* Nicephoro *lib. 19. cap. 13.*) & usum penitentiar publicæ, & reliquisse homines in suo arbitrio, vt facerent penitentiam publicam, si vellent, non verò cogendos esse ad illam. Atq; hinc patet, quòd usu fuerit confessio secreta, à qua ortum habuit, publica, quæ publica fuit abrogata per Nectarium, iustis de causis, quas citati Historici, longo sermone enarrant.

OBJICIT 2. Kemnitius. Non aliter Christus misit Apostolos, quàm ipse missus fuerat. Joan. 20. *Sicut misit me Pater, & ego mitto vos.* Sed ipse Christus Dominus, cum remittebat peccata, non exigebat ab hominibus enumerationem singulorum peccatorum, sed generalem confessionem, ore, vel aliis signis expressam, vt patet *Luc. 7. de Magdalena, & Matth. 9. de paralitico.* Ergo Sacerdos, non debet exigere enumerationem peccatorum singulorum.

RESPONSIO patet in Disputat: 2. q. 1. a. 1. ad 6.

QVÆRES Quo tempore, obligantur homines ad Confessionem?

DICO 1. Non obligatur peccator, statim post commissum peccatum ad confessionem, etiam si adsit opportunitas loci, & temporis, & Confessarii, sed solùm tenetur habere propositum confitendi. Ita D. Subtilis, in 4. dist: 14. a. 3. Ratio est, quia præcepta poenalia, non sunt amplianda. Hinc

Non obligatur peccator ad statim confitendum.



COLLIGE S. Bonaventura in 4. d. 17. dicit, Religiosos teneri confiteri, non ex vi præcepti, sed ex vi status Religionis, statim post commissum peccatum. Sed hæc opinio, est nimis rigorosa, quia Religiosus, ratione status, non obligatur, nisi ad id, quod in votis continetur, nullum autem est votum in Religionibus, ad statim confitendum.

In articulo  
mortis.

DICO 2. Quilibet fidelis, obligatur ad Confessionem, in articulo, & periculo mortis. Ratio est, quia peccatori existenti in peccatis mortalibus imminet periculum æternæ damnationis, quod ut euadat, tenetur remedium adhibere, quale remedium est confessio. Ergo. Ex quo sequitur 1. Quod homo in periculosis morbis, obligatur ad Confessionem, sub peccato mortali. Similiter, qui aggreditur actus arduos, & periculosos, ut belli, navigationis periculosa: vel qui postea, non est habiturus occasionem confitendi. Sequitur 2. Medicos obligari, juxta mandatum Pii V. ut moneant infirmos ad confessionem, non quidem per se, sed per alios, suauiter, ne infirmi turbentur rigorosa monitione.

DICO 3. Ante sumptionem Eucharistiæ, necessaria est peccatorum confessio. Patet ex 1. ad Corinth. II. *Probet autem seipsum homo, & sic de pane illo edat &c.*

#### ARTICVLVS IV.

*Quid circa præceptum Confessionis decretum sit ab Ecclesia?*

NOTA Ecclesia potuit statuere, & facere præceptum Confessionis, quia data est illi potestas suprema, à Christo Domino in Petro, *Pasce oves meas. Tibi dabo claves regni cælorum:* nam licet ipsemet Christus Dominus omnia Sacramenta instituit, & vsum ipsorum præcepit, tamen non definiuit omnes circumstantias, ut tempus, locum, modum &c. sed hæc reliquit Ecclesiæ, secundum exigentiam loci, & temporis.

Ecclesia de-  
terminauit  
tempus con-  
fessionis.

DICO 1. Præceptum Confessionis, ante articulum mortis, iure Diuino obligat, quod tempus determinauit Ecclesia, ut saltem semel in anno. Ratio est, quia præceptum confessionis, est affirmatiuum. Atqui præceptum affirmatiuum, est indeterminatum, & obligat ad aliquando, idem autem aliquando, determinauit Ecclesia. Porro Religiosi saltem semel in mense obligantur ad confessionem.

Dico



Dico 2. Ecclesia præcepit, vt adulti fideles, qui ad annos discretionis perueniunt, peccata sua confiteantur, saltem semel in anno, quod si negligent, debent priuari sepulturâ Ecclesiasticâ, non ipso facto, sed per sententiam iudicis. Ita habetur in iure de *pœnitentiis, & remissionibus, Cap. Omnis utriusq; sexus*. Patet ex Trident. *Sess. 14. cap. 5. & Can. 8.*

COLLIGE 1. Qui eodem anno prætermittit confessionem, & communionem, duo peccata mortalia committit, quia violat præcepta diuersa, de re diuersa. Porro annuæ confessionis computatio, fieri debet à tempore Paschatis, ad aliud Pascha. Ita Henr: *lib. 4. c. 4.* Sylvester *Verbo Confessio 1. num. 2.* Suarez *disp. 36. sect. 3.*

COLLIGE 2. Præceptum Ecclesiasticum annuæ confessionis, non est simpliciter, sed quoad determinationem temporis: quia Ecclesia solum determinauit tempus, non verò absolute confessionem.

COLLIGE 3. Ille, qui præterito anno confessionem prætermisit, ex præcepto annuæ confessionis, tenetur hoc anno præsentem, quam primum confiteri ex præcepto. Ratio est, quia annus, non præfigitur ad finiendam, sed ad sollicitandam adimplerionem præcepti confessionis: nam hoc præcipitur absolute, & simpliciter, non spectatâ circumstantiâ, & conditione temporis, sed ne diutius differatur; vnde elapso tempore determinato, non celsat obligatio: sicut debitor non solueas tempore determinato, non excusatur ab obligatione soluendi, elapso termino, nam terminus, non fuit suppositus ad finiendam obligationem solutionis, sed ne solutio diutius differretur. Ita Nauar. *cap. 21. num. 45.* est communis.

COLLIGE 3. Ille, qui non est confessus in periculo mortis, cum haberet conscientiam peccati mortalis, non tenetur postea post sublatum periculum, statim confiteri. Ratio est, quia præceptum Confessionis in articulo mortis obligat, vt occurratur periculo damnationis: sublato, verò periculo mortis, non est periculum damnationis.

## QVÆSTIO II.

### Quinam teneantur homines confiteri?

Dico 1. Soli peccatores, vsu rationis habentes, in mortale peccatum lapsi post Baptismum, tenentur Sacramentaliter confiteri. *Baptizati ad confessio*  
Ratio nō obligatur



Ratio est, quia peccata mortalia non possunt aliter expiari, nisi per confessionem, vel per contritionem in ordine ad confessionem. Vnde

*Adultus quis.* COLLIGE Hoc præceptum obligat hæreticos, apostatas &c. & pueros cujuscunq; ætatis, dummodo capaces sint peccati mortalis, sunt autem capaces, si vsum rationis habeant, cognoscantq; peccatum, quod commiserunt; nam vt dicit Doctor *in 4. dist. 17. q. vni- ca.* per adultum, non est intelligendus, qui talem, vel talem habet ætatem, sed ille qui habet jam ætatem, in qua cognoscit, quid sit iustum vel iniustum, contra legem Dei, in multis enim ante consummatam ætatem, malitia supplet ætatem. Vnde ponit Doctor breuem regulam ad id cognoscendum. Quando aliquis instructus, & interrogatus ordinatè, percipit distinctè, quid sit iustum in lege Diuina, idq; faciliter potest cognosci, si ad interrogationes ordinatas, ordinatè respondeat, sicut alius jam perfectæ ætatis. Ita Concil. Trid. *Sess. 14. cap. 5.* Confirmatur. Quia pueri tenentur ad reliqua præcepta obseruanda, vt ad Missam audiendam die festo, ad abstinentium à carnibus die vetito; Ergo etiam tenentur ad confessionem faciendam semel in anno.

*Regula D. Subi:* DICES. Pueri non obligantur ad sumendam Eucharistiam, ante annos discretionis, licet sint doli capaces. Ergo neq; ad confessionem faciendam?

RESPONDEO Dispar est ratio de Eucharistia, & Pœnitentia; quia non tanta est necessitas Eucharistiæ, quanta Pœnitentiæ. Tum quia maior reuerentia debetur Eucharistiæ, quàm pœnitentiæ, ac proinde requiritur, vt intelligant pueri quantæ dignitatis sit Sacramentum Eucharistiæ. Hinc

COLLIGE Pueros, qui ante annum duodecimum non continentur, non esse puniendos ea pœna, quàm puniuntur ceteri. Ita habetur *cap. 1. & 2. de delictis puerorum.* Quod si puer anni duodecimi, percutiat clericum, ipso facto incurrit excommunicationem, quia talis pœna ipso facto incurritur, illa verò comminatoria.

*Papa obli-  
gatur ad  
confessionē.*

DICO 2. Papa tenetur ad Confessionem, & hoc non solum iure Diuino, nam legibus Diuinis est subiectus: verum etiam præcepto Ecclesiastico, quod fideles obligat ad confessionem annuam. Ratio est 2. partis, quia licet ex vi coactiua, non sit subditus legibus Eccle-



Ecclesiasticis, nihilominus ex vi directiua, & ex honestate, & propter euitandum scandalum; tenetur ad obseruantiam legum propria auctoritate constitutarum. Ita Henriquez *lib. 1. de Penitentia cap. 3. num. 2.* Aretinus *Dist. 17. q. unica, articulo 1. in secundo principali articulo.*

Dices Nullus Sacerdos habet jurisdictionem supra Papam. Ergo.

RESPONDEO Sacerdos absoluens Papam, habet jurisdictionem ab ipso Papa, ita vt, licet potestas eligendi Confessarium ex parte Pontificis sit à jure Diuino, tamen jurisdictio transfertur in Confessarium medio Pontifice. Vnde S. Thomas *in 4. dist. 19. q. 1. a. 3. ait.* Pontificem vt peccatorem subijci, vt vicarium autem Christi, dare jurisdictionem supra seipsum, in illo foro. Similiter idem Pontifex concedens plenariam indulgentiam, lucratur ipsam, & ipse.

Dico 3. Infideles, aut Cathecumeni, non obligantur ad Sacramentalem confessionem. Ratio est, quia hoc Sacramentum institutum est per modum iudicii. Sed Ecclesia, non exercet iudicium, nisi in eos, qui prius per Baptismi januam, ingressi sunt Ecclesiam, vt patet ex Trident: *Sess. 14. cap. 2.* Ergo infideles, non obligantur ad confessionem. Hinc

*Infideles nō obligantur ad Confessionem.*

COLLIGE, Licet infideles, non obligentur ad Confessionem, tamen debent instrui ante Baptismum, vt eliciant actum contritionis de omnibus peccatis, & habeant firmum propositum non peccandi, & si aliquid alicui abstulerunt, vel vsuras acceperunt, restitutionem faciant. Aut saltem actum attritionis, omninò elicere debent, cum restitutione, in re, vel in proposito.

*Ante Baptismum debent instrui et eliciant contritionē.*

### QVÆSTIO III.

Quid sit confitendum, & de distinctionibus peccatorum.

Præfens Quæstio diuiditur in 9. Articulos.

In 1. inquiremus Quid sit peccatum, & quæ peccata, tenentur fideles confiteri?

In 2. Quæ sit differentia inter peccatum mortale, & veniale?

In 3. Quo pacto cognoscere possimus, quæ peccata sint mortalia, quæ venialia?

In 4. Quomodo peccatum sit in cogitatione, & aliis actibus externis?

In 5. Vtrum Circumstantiæ necessariæ sint confitendæ?

R

In 6.



In 6. Vtrum numerus peccatorum necessario sit in confessione exprimendus?

In 7. Quomodo peccata tam interna quam externa distinguuntur?

In 8. Vnde numerica peccatorum distinctio desumitur?

In 9. Vnde specifica peccatorum distinctio desumitur?

### ARTICVLVS I.

*Quid sit peccatum, & quae peccata teneantur fideles confiteri?*

SVPPONE I. Quidnam sit peccatum, subtiliter examinat Doctor,

*Quid sit in 2. d. 35. S. Ista questiones. Et quodlibetica 18. a. 3. dicens. Peccatum formaliter formaliter, est priuatio boni: & hoc dictum probat Doctor autoritate*  
*peccatum.*

S. Aug. Tractatu I. in Joannem cap. 1. Super illud, *Et sine ipso factum est nihil.* Vbi ait. *Videte, ne sic cogiteris, quia nihil aliquid est, solent enim multi male intelligentes, sine ipso factum est nihil, putare, aliquid esse nihil. Peccatum quidem, non per ipsum factum est; & manifestum est, quia peccatum, nihil est, & nihil faciunt homines, cum peccant.* Item in Enchiridio cap. 11. ait. *Quid est aliud, quod malum dicitur, nisi priuatio boni? Nam sicut corporibus animalium, nihil est aliud morbis, & vulneribus affici, quam sanitate priuari.* Et lib. 11. de Ciuit. Dei cap. 9. inquit. *Mali enim natura nulla est, sed amissio boni, mali nomen accepit.* Et lib. 2. contra Epistolam Fundamenti cap. 35. ait. *Quod dicimus malum, nihil est aliud, quam corruptio boni.* S. Basilius homil. 9. ait. *Malum boni priuatio est.* S. Ambr. lib. de paradiso cap. 8. *Quid est peccatum, nisi legis Diuina prauaricatio, & caelestium inobedientia preceptorum.* Ex his autoritatibus habetur, quod peccatum sit formaliter priuatio rectitudinis debita in esse. Ergo dicere peccatum formaliter esse quid positium, est contradicere SS. Patribus; qui peccatum asserunt esse priuationem meram, quia dicunt peccatum non esse aliquid, neq; Ens, sed nihil.

Confirmat Doctor. Illa est ratio formalis peccati, quâ positâ, actus, est peccatum, & quâ ablata, actus non est peccatum. Sed sic est, quod positâ debitâ rectitudine actus, actus non est peccatum. Ergo priuatio debitâ rectitudinis, est ratio formalis peccati. Minor probatur. Quia sicut actus, est formaliter bonus, quando est conformis rationi: ita formaliter est malus, quando est contra rectam rationem, & debitâ caret rectitudine. Atqui carentia hæc debitâ conformitatis ad agens superius, est carentia, & priuatio. Ergo essentia, & ratio formalis peccati est carentia, & priuatio. Suppositum istud ex quo pendet tota vis in hac ratione, est clarum: quia si in

potest



potestate agentis inferioris sit, se conformare agenti superiori, & non conformat se, peccat: unde istud non conformare se, est peccatum: quia peccans, potuit concordare se legi Superioris agentis, & discordare: ille ergo actus, qui est in potestate discordantis, & per hoc est voluntarius, est formaliter peccatum; quia si ille esset concors regulæ superiori, non esset peccatum. Ergo in illo actu, præcisa ratio peccati, est priuatio illius concordæ. Hæc ratio probat, peccatum esse priuationem, & priuationem concordæ debitæ ad agens superius, quæ est rectitudo debita.

SUPPONE 2. Secundum omnes Theologos duo esse in peccato: *Duo sunt in peccato.* scilicet auersionem à DEO, & conuersionem ad creaturam: nam cum quis facit peccatum, conuertit se ad creaturam, & auertit se à DEO; quia magis diligit, & vult creaturam, quam diligit, & velit DEVM, prohibentem illi conuertere se tali modo ad creaturam. Porro inquit Doctor Subtilis in 2. d. 35. quod auersio à fine ultimo, alia sit formalis, alia virtualis. Deinde auersio formalis duplex. auersio contrariè, & auersio priuatiuè. Auersio formalis contrariè, est nolitio finis, & hæc auersio, est speciale peccatum, odium DEI, qui enim odit DEVM, nollit esse eum. Auersio priuatiuè, seu negatiuè, est non volitio DEI, & ultimi finis, cum debet velle. Differunt autem isti actus nolle DEVM, & non velle DEVM, quia nolle est actus positivus, non velle negatio: auersio ergo negatiuè, scilicet, non velle DEVM, tempore debito, est etiam speciale peccatum, & est omisio illius præcepti. *Diliges Dominum DEVM tuum.* Auersio virtualis, est nolitio alicujus medii, quod est necessarium ad consequendum DEVM, & ultimum finem: quando enim aliquod medium, est necessarium, ad consequendum finem ultimum, & aliquis, non vult illud medium, neq; etiam virtualiter vult finem, & DEVM, ad quem ordinatur, hoc autem medium, sunt præcepta DEI, quæ qui seruauerint, consequentur finem suum ultimum, juxta illud *Matth. 19. Si vis ad vitam ingredi serua mandata.* Et hæc auersio virtualis, est magis de ratione peccati, quia in quolibet peccato includitur: illæ verò, auersio formalis, & negatiua, non includuntur in quolibet peccato, sed sunt duo specialia peccata, ut dictum est.

Ex his colligit Doctor, Quod essentialis ratio peccati, est in auersione, vel formali aut virtuali ab ultimo fine; nam sicut virtus essentialiter consistit in rectitudine actus, ad regulam superiorem, ita peccatum,

*Auersio formalis positiua.*

*Auersio negatiua.*

*Auersio virtualis.*

*Ratio peccati est in auersione.*



tum, in carentia istius rectitudinis. Non ergo conuersio ad creaturam, est quid formale pertinens ad peccatum: nam si talis conuersio, non sit prohibita à regula superiori, nempe Deo, non est peccatum, sed pro tanto est peccatum, quia est prohibita, potius ergo conuersio pertinet ad materiale peccati, non ad formale.

*Peccatum  
quod est gra-  
uius.*

**SUPPONE 3.** Vnum peccatum, aliò grauius inquit Doctor Subt: est illud, quod ex genere suo opponitur rectitudini meliori, illa autem est melior rectitudo, quæ est immediatior, & proximior fini ultimo, cæteris paribus.

*Ratio for-  
malis pecca-  
ti.*

**DICO** itaq; 1. Peccatum formaliter, est priuatio rectitudinis debite in esse. Patet ex notandis.

**DICES.** Ratio formalis peccati, consistit in offensa, & injuria DEI. Et juxta S. Aug. lib. 22. contra Faustum, cap. 27. *Peccatum est dictum, factum, concupitum, contra legem Dei æternam.* Ergo peccatum formaliter, non consistit in priuatione rectitudinis debite.

**RESPONDEO** Si formale in peccato, est non conformitas ad legem, & non conformare se Deo, est inobedientia, & offensa Dei, sequitur, clarum esse, peccatum vt peccatum, esse offensiuum Dei, & hæc injuria, vel offensa est veluti passio, & proprietas peccati, quatenus peccator Deum offendit; illiq; injuriam facit. Ad autoritatem S. Augustini Respondet Doctor in 2. dist. 35. ad 1. Cum dicit S. Augustinus. *Peccatum est dictum, factum, &c.* explicat materiale peccati, cum dicit, *contra legem*, explicat formale. Vbi illud contra, intellige priuatiuè, non contrariè; Ergo ex hac autoritate habetur, quod ratio formalis peccati, est carentia conformitatis in actu ad legem Dei.

*Omnia mor-  
talia debet  
homo con-  
fiteri.*

**DICO 2.** Omnia peccata mortalia, post Baptismum commissa, de quibus memoriam habuerit (diligenti examine facto,) tenetur peccator simul in eadem confessione confiteri. Probatur Quia omnia mortalia post Baptismum commissa, sunt materia necessaria confessionis, ita quod sunt necessariò confitenda, quia hoc remedium, institutum est à Christo Domino ad remittenda mortalia.

**DIXI** (peccata mortalia) quia peccata venialia, non sunt materia necessaria confessionis, adeò, quod præceptum confessionis, est solum de peccato mortali; quia peccatum veniale stat cum charitate, quæ est nauis hominem saluans, sunt tamen materia sufficiens confessionis, *peccata venialia, vt dixi, Disputat. 3. q. 1. art. 2.*

**DIXI**



DIXI (Post Baptiſmum, commiſſa,) quia nec originale, nec actualia commiſſa ante Baptiſmum, ſubſunt clauibus Eccleſiæ, & virtute Baptiſmi remittuntur. DIXI (Simul in eadem confeſſione explicari): non enim vnum mortale absq; alio, remitti poteſt, confeſſio enim, debet eſſe adæquata abſolutioni, exceptis caſibus enumerandis, *Quæſtione ſequenti, Articulo 2. Concl: 2. & 3.*

ARTICVLVS II.

*De differentia, inter peccatum mortale, & peccatum veniale?*

NOTA 1. Theologi inter varias diuiſiones peccatorum, ponunt & hanc in 2. diſt. 42. peccatum actuale, aut eſt mortale, aut veniale. Peccatū mortale, eſt illud, quod priuat animam gratia Dei, facitq; eā inimicā Dei, & dignā penā æternā; vt conſtat ex multis locis ſacræ ſcripturæ. Ad Rom. 1. *Qui talia agunt, digni ſunt morte.* Ad Gal. 5. *Qui talia agunt, regnum Dei non conſequentur.* Peccatum veniale eſt illud, quod non eſt ita graue, vt auferat gratiam, & faciat hominem inimicum Dei, neq; eſt cauſa damnationis æternæ, ſed ſtat cum gratia, & amicitia Dei, licet ſit aliqualis offenſa Dei. Et de hoc peccato dicitur Eccleſiaſtici 10. *Non eſt, qui non peccet.* Prouerb. 24. *Septies in die cadit iuſtus.* S. Joann. Epi. 1. cap. 1. *Si dixerimus, quia peccatum non habemus, ipſi nos ſeducimus &c.* Sed hæc, non poſſunt verificari de mortalibus. Ergo de venialibus. Tūm quia certum eſt, peccata non omnia eſſe æqualia. Ergo alia ſunt maiora, alia minora.

*Quid peccatum mortale, Peccatum veniale*

NOTA 2. Licet certum ſit, quod peccatum mortale, & veniale differant, ex propria natura, tamen vnde hæc differentia oriatur, quod mortale inferat mortem animæ ſpiritualem, veniale verò non: varios modos aſſignant Theologi. Quidam dicunt, Peccatum mortale differre à veniali, quia mortale eſt contra præceptum, & legem, veniale verò, non contra, ſed præter legem. Sed hæc opinio ſtare non poteſt: quia omne peccatum veniale, eſt actus moraliter malus. Atqui omnis actus moraliter malus, repugnat rectæ rationi, conſequenter eſt contra legem Dei ſaltem æternam. Tūm quia ſurripiens V. G. vnum obolum, peccat, quia facit contra præceptum. *Non furtum facies,*

*Differentia inter mortale & veniale juxta aliquos*



Tum quia veniale, si esset præter, & non contra legem Dei, sequeretur, quod veniale esset actus indifferens. Quidam dicunt mortale, & veniale in hoc differre, quia mortale est contra finem, veniale contra media. Hanc opinionem refutat D. Subtilis in 2. dist. 21. q. 1. S. Dico ergo. Vtrumq; tam peccatum mortale, quam veniale, potest esse circa finem, & circa media ad finem. Ergo hæc differentia est nulla. Antecedens patet, quia actus odii, non plene deliberatus, & odium Dei, sunt circa Deum, qui est ultimus finis. Ergo peccatum veniale, & mortale sunt circa finem. Similiter furtum magnum, & furtum paruum, sunt circa creaturas, quæ ordinantur ad ultimum finem. Ergo.

*Veniale triplex.*

NOTA 3. Veniale peccatum, triplex communiter statuitur. Primo ex genere, id est, quod ex natura sua, & ex objecto, circa quod versatur, ex fine, & ex paruitate materiæ, semper est veniale, & tale ut tale, nunquam fit mortale, etiam si sint infinita, ut verba ociosa &c. 2. genus peccati venialis, est ex imperfectione actus, seu ex imperfectione deliberationis, & advertentiæ. 3. genus, ex leuitate materiæ, V. G. qui furatur tres grossos, non peccat, nisi venialiter, quia leuitas materiæ, excusat à mortali.

*Non in omnibus paruitas excusatur.*

NOTA hic diligenter, quod non in omnibus paruitas materiæ excusat à mortali, ut in contemptu Dei, in materia Simonie, in materia luxurie, in materia perjurii, in materia infidelitatis, seu incredulitatis, in actu odii Dei; in his enim prædictis, leuitas materiæ, non excusat à mortali, quia in talibus materiis, reperitur integra ratio iniuriæ, & offensæ.

*Differentia inter mortale & veniale.*

DICO 1. Peccatum veniale, per hoc differt à mortali, quia mortale fit contra præceptum, & veniale contra consilium. Hanc conclusionem acriter Thomistæ impugnant, sed absq; vlla ratione, Doctor enim Subtilis in 2. d. 21. q. 1. quando hanc conclusionem protulit, hoc etiam prænotauit: nempe, Legem Diuinam, in sacris literis, & à Sanctis Patribus, dupliciter capi. Vno modo pro regula Di-

*Lex dupliciter capitur.*

uina, obligante ad aliquid absolute, siue illud sit vtile, siue necessarium ad finem legis. Alio modo, pro regula Diuina, obligante ad aliquid necessarium ad finem legis, sine quo finis legis, haberi non potest. Similiter con-

*Consilium dupliciter.*

silium. Vno modo sumitur pro monitione, libera ab obligatione legis primo modo sumptæ. Alio modo capitur consilium pro monitione, libera ab obligatione legis, secundò modo sumptæ, non tamen ab obligatione legis, primò modo sumptæ. Quare, quod est contra consilium, primò modo acceptum, peccatum esse nequit, cum ab omni obli-

gatio-



gatione liberum esse possit, & sic contra illud agere, nullum est peccatum, ut 1. ad Corinth: 7. dicitur, *Qui Matrimonio jungit virginem suam, bene facit.* Agere verò contra consilium secundo modo sumptum, peccatum esse potest, nam licet qui sic agit, non agat contra legem secundo modo sumptam, obligantem ad aliquid necessarium ad finem obtinendum, agit tamen contra legem primo modo acceptam obligantem ad aliquid absolute, à qua deviare, peccatum est. Quando itaq; D. Subtilis docet, peccatum veniale, esse contra consilium, accipit consilium secundo modo, pro monitione, libera ab obligatione ad aliquid necessarium ad finem legis, sine quo finis legis, haberi non potest, non tamen accipit consilium, pro monitione, libera ab obligatione legis primo modo acceptæ: quia peccatum veniale, semper est contra id, quod lex præcipit absolute, & consequenter, est contra id, quod homo tenetur facere. Breuiter ergo concludo. Peccatum veniale, est contra consilium, id est, contra præceptum, propositum sub ratione consilii tantum, non autem sub pœna mortis æternæ; neq; est contra præceptum necessario obligans.

Dico 2. Peccatum mortale, est contra legem, quatenus statuit, ac præcipit aliquid, tanquam necessarium ad consequendam vitam æternam: peccatum verò veniale, est contra legem, quatenus statuit, ac præcipit aliquid, non ut necessarium, sed utile, & conducens ad vitam æternam, minimè tamen liberum à legis obligatione. Ita Doctor in 2. d. 37. q. unica. Cum ergo peccatum mortale, sit contra aliquid necessarium ad vitam æternam, sequitur, quod cum nullo peccato mortali, potest stare charitas. Peccatum verò veniale, cum non sit contra aliquid necessarium ad vitam æternam, sed contra utile tantum, à legis tamen obligatione non liberum, e charitatem Dei non excludit.

Dico 3. Peccatum, dicitur vniuocè de mortali, & veniali. Patet quia formalitas peccati, est euentia rectitudinis debitæ actui. Sed hæc ratio competit tam mortali, quàm veniali, licet per prius mortali, quàm veniali. Ergo.

### ARTICVLVS III.

*Quo pacto cognoscere possimus, quænam peccata sint mortalia, quænam venialia?*

Dico. Tres vias assignant Doctores. Prima est ex Sacris literis: *Quomodo illa enim opera, quæ in sacris literis, abominabilia, execranda, Deo cognoscenda,*  
exosa,



ex mortali-  
bus habenda  
sunt.

1. ex Scri-  
ptura Ezech.

18.

ad Ephes. 5.

ad Gal. 5.

Matth. 12.

Ex consue-  
tudine Ec-  
clesia

Sotus

Cavet.

Ex lumine  
naturalis

et

et

et

et

et

et

et

et

et

et

et

et

et

et

et

et

et

et

et

et

et

et

exosa, mortem inferre, à regno Dei excludere dicuntur, hæc pro mortali-  
bus habenda sunt: vt sunt homicidia, adulteria, opera carnis &c. quæ  
verò talibus censuris grauib; non notantur, pro venialibus reputan-  
tur, vt illud Proverb. 10. *In multiloquio non deerit peccatum.* Et illud  
Matth. 5. *Qui irascitur fratri suo, reus erit iudicio;* talia enim sunt venia-  
lia, non mortalia. Secunda Regula est, Quando ex sacris literis  
colligi non potest, quæ peccata sint venialia, quæ mortalia, quia mul-  
ta sunt peccata, contra leges humanas, Pontificum, & Principum, tunc  
temporis recurrendum est, ad Ecclesiæ traditionem, & consuetudinem  
Doctorum ejus. Et ea quæ homines pij, & docti, pro talibus habent;  
Quod si inter authores est dissensio, an sit mortale vel veniale? sicut ali-  
qui dicunt, non adimplere promissum, de re leui juratum, esse pecca-  
tum veniale, aliqui dicunt mortale. In talibus casibus, iudicandum,  
qui firmiorem rationem, & magis solidum fundamentum attulerit:  
quod si vtrq; opinio probabilis, quam voluerit, tutò sequi poterit.  
Tertia Regula est, Ex lumine naturali, quando aliundè constare non  
potest, secundum quam viam, sit regula generalis ista. Illa peccata,  
quæ leuiter lædunt Deum, vel proximum, arbitrio prudentis viri, pro  
venialibus habenda sunt: quæ verò grauiter, pro mortalibus; Sicut e-  
nim ratione naturali, aliquando constat euidenter, aliquos morbos ef-  
se graues, aliquos leues, ita ratione naturali, aliquando constat euiden-  
ter, aliquas offensas esse graues, aliquas verò leues.

NOTA. Si ex sacris literis, ex traditione Ecclesiæ, autoritate  
Doctorum, vel ex ratione naturali constat, præceptum aliquod obliga-  
re sub mortali, tunc semper attendenda est materiæ quantitas; licet e-  
nim præceptum graue sit, & in re magni momenti, tamen leuiter ab eo  
deficere, perinde est, ac leue præceptum transgredi: quæ autem sit ma-  
teria grauis, vel leuis, pro qualitate rei, prudenter pensandum est.  
Deinde licet & præceptum obliget sub mortali, & etiam materia sit gra-  
uis, tamen si consensus non fuit deliberatus, non erit peccatum morta-  
le, sed veniale. Quid sit autem consensus deliberatus, & indelibe-  
ratus, hæc corollaria considera.

Ad Consen-  
sum quere-  
quiritur.

COLLIGE. I. Ad perfectum, & directum consensum, duo re-  
quiruntur. 1. Perfecta intellectus aduertentia, absq; vlla perturbatio-  
ne, vel passione, vel ignorantia inuincibili: vnde si aduertentia intelle-  
ctus nulla sit, nullus est consensus; si verò aduertentia sit aliqua, sed im-  
perfecta



perfecta, poterit esse aliqualis consensus, non tamen sufficiens ad peccatum mortale. 2. Motus, consensus, & approbatio voluntatis: Si enim voluntas, volitione efficaci, complacet sibi in aliquo objecto inordinato, est peccatum mortale, si autem non sibi complacet in eo, nec delectatur, signum est clarum, quod ei non consentit. Hinc sequitur, quod ex duplici capite, consensus oriatur, perfectus, & deliberatus. 1. ex aduertentia intellectus, cum aduertit objectum esse malum, turpe, & prohibitum. 2. ex pleno consensu voluntatis: plenius autem consensus voluntatis est, quando voluntas, habita plenâ cognitione objecti mali, prohibiti, duobus modis potest se gerere circa volitionem illius, nimirum, vel volendo illud efficaciter, volendo objectum, & imperando media ad illud obtinendum, vel volendo illud inefficaciter, nempe volendo illud, si esset sibi possibile, & hæc volitio, est quoque plena, & sufficit ad actum peccati. E contra, consensus imperfectus est, ex defectu aduertentia intellectus, & ex defectu consensus voluntatis.

Ex duplici capite consensus oriatur.

COLLIGE 2. Quando voluntati, offertur ab intellectu, objectum aliquod inordinatum, ut actus luxuriæ inordinatus, & voluntas circa illud objectum suspendit actum, & negatiue se habet, finit tamen intellectum versari in illius consideratione, nec illam auertit, cum tamen posset, voluntas peccat. Ita Doctor Subtilis in 2. dist. 42. q. 1. § Ad istas quaestiones.

#### ARTICVLVS IV.

Quomodo peccatum sit in cogitatione, & in aliis actibus externis?

NOTA 1. Ex D. Subtili in 2. dist. 42. Quod malitia primò, & formaliter sit in voluntate, teste S. Augustino, 3. de libero arbitrio. Vbi inquit. *Causa primò peccandi est voluntas; nihil enim est peccatum, nisi quod est in potestate facientis, & nihil est in potestate facientis, nisi quod est in potestate voluntatis ejus, quia nihil, præter hoc, est imputabile.* Et 12. de Ciuitate Dei cap. 8. ex professo probat, defectus omnes, & malitias, oriri à voluntate. Ergo peccatum, solum est in voluntate, in aliis verò rebus in quibus est peccatum, est solum mediante actu voluntatis. Confirmatur. Quia omnis alia causa in vniuerso, præter voluntatem naturaliter agit. Ergo nulla propter suam actionem, est vituperabilis, sicut nec laudabilis. Ergo in nulla sua actione sic per se considerata, est peccatum. Ex his duabus rationibus concludit

Peccatum formaliter est in voluntate.

§

D. Sub.



D. Subtilis loco citato, quod malitia, & peccatum non potest esse primò, & formaliter in cogitatione, sermone, & opere exteriori, sed est primò, & formaliter in actu voluntatis.

*In actu exteriori est materialiter.*

NOTA 2. Etsi peccatum non possit esse formaliter, nisi in voluntate, tamen materialiter, potest esse in cogitatione, sermone, & opere exteriori; Vnde S. Anselmus lib. de conceptu & peccato originali cap. 4. dicit; *Quod voluntas est motor in toto regno anime, & omnia ei obediunt*: Sicut ergo voluntas, tenetur habere rectitudinem in actu suo, ita tenetur habere illam in actibus exterioribus, ad quos cooperatur, ut motor. Quare, sicut mouendo potentias inferiores ad actus bonos, actus illarum sunt boni, bonitate participatâ, ita mouendo malè illas, earum actus non sunt recti, sed mali, voluntas enim, tenetur illis dare rectitudinem. Ex quo fundamento D. Subtilis colligit, quod nullus actus, potest esse malus, etiam materialiter, nisi sit imperatus ab actu voluntatis formaliter malo.

*Cogitatio aliqua est in potestate voluntatis.*

DICO 1. Cogitatio aliqua, est in potestate voluntatis. Probat. Quia si cogitatio non esset in potestate voluntatis, intellectus semper staret in cogitatione objecti perfectissimi, neq; voluntas posset auertere illum à cogitatione talis objecti, quod videmus experientia esse falsum. Sequela patet, quia perfectius agens, circa idem objectum agit fortius, & impedit minus perfectum agens. V. G. si ignis, & aqua, agant circa idem objectum, ignis impedit actionem aquæ, data proportionem. Sed causæ producentes intellectionem, sunt naturales, nimirum objectum, & intellectus agens, & possibilis. Ergo posito objecto nobiliori præsentem intellectu fortius mouebit intellectum, quam moueat objectum ignobilius, atq; ita, semper detinebit intellectum, in contemplatione sui, & sic non poterit auerti ab eo.

DICES. Intellectio, & cogitatio, præcedit actum voluntatis, voluntas enim non fertur, nisi in præcognitum. Ergo videtur quod cogitatio, non sit in potestate voluntatis.

*Duplex cogitatio.*

RESPONDEO Duplex est cogitatio. Vna prior, & antecedens actum voluntatis, alia posterior, & consequens. Prior, non est in potestate voluntatis: quod patet, partim ex autoritate S. Augustini, qui libro de libero arbitrio cap. 15. dicit. *Non est in potestate nostra, quin visis tangamur*, partim ratione, quia talis cogitatio præcedit actum voluntatis saltem naturâ, quod autem sic præcedit actum voluntatis non est.



est in nostra potestate: ista autem cogitatio præcedens, appellatur primus motus. Porro motus primò primi sunt, juxta multos Theologos, qui inopinanter, & subitò, ante omnem considerationis actum, in nobis insurgunt: vel secundùm aliquos, qui ex aliqua corporis perturbatione oriuntur. Motus secundò primi sunt, qui primis motibus succedunt. Doctor Subtilis ibidem ita hanc doctrinam exponit. Quòd motus, seu intellectus, seu sensus, vel præcedunt actum deliberativum voluntatis, vel subsequuntur: priores dicuntur primi motus, posteriores dicuntur motus secundi. Atq; hinc sequitur, quòd delectationes, quæ sunt in voluntate, tanquam primi motus, tunc sunt peccatum, quando ipsa voluntas condelectatur appetitui sensitivo; quia illi non sunt sine actu rationis, & voluntatis præcedente; cum enim voluntas se delectat in objecto illicito, sibi præsentato, à potentiis inferioribus, si- gnum est, quòd consentit, quia si non consentiret in illud, eniteretur cogitationem illius expellere, quod non faciendo, signum est eam as- sentire, & sic actus illi non præcedunt, sed subsequuntur actum volun- tatis, & sic sunt peccata. Posterior verò cogitatio illa, quæ subse- quitur actum voluntatis, est in potestate voluntatis, & potest imperari à voluntate.

*Motus pri-  
mò primi.*

*Motus se-  
cundò primi*

DICO 2. Quando voluntas imperat cogitationem, alicujus illi- citi, quâ vult, quòd objectum sit sibi præsens, ad continuandam dele- ctationem, & complacentiam in illo, si illud cogitatum sit illicitum, in complacentia plena, est peccatum mortale. Hanc conclusionem probat D. Subtilis ex S. Aug: 12. de SS. Trinit. cap. 1. Vnde

*Quando co-  
gitatio est  
peccatum  
mortale.*

COLLIGE Quando cogitatio delectabilis, est de objecto pro- hibito, tanquam si objectum sit præsens sibi, vt delectetur in illo, tan- quam objecto, est talis peccaminosa cogitatio; si verò sit delectatio, & complacentia de cogitatione, non de objecto prohibito cogitato, pro- pter aliquem honestum finem, propter scientiam, vel propter detesta- tionem peccatorum, talis cogitatio, non est peccatum.

DICO 2. Peccatum in actibus aliarum potentiarum inferiorum, vt in sermone, & in operationibus non est formaliter, sed materialiter. Probatur Recta ratio dicat, actus humanos, debere esse circumstan- tionatos rectè, rectitudine sibi debitâ, rectitudo autem debita poten- tiis inferioribus, est rectitudo participata à voluntate, sunt enim re- cti, vel mali, secundùm quod voluntas, quæ eas mouet, est recta, vel

*Quomodo  
peccatū est  
in sermone  
ex operatio-  
ne.*



vel mala. Atqui actus potentia motiua, subest voluntati. Ergo.

## ARTICVLVS V.

*Utrum Circumstantia, necessario sint in Confessione exprimenda?*

NOTA 1. Circumstantia dicitur id, quod circumstat actum; quod si conditio quaedam extrinseca, non pertinet ad substantiam actus peccati, sed aliquomodo attingens illum. Porro circumstantia sunt in quadruplici differentia. Alia sunt impertinentes, quae nec augent, nec minuunt peccatum, quales sunt furari ante prandium, vel post prandium, dextrâ, vel sinistrâ manu, occidere gladio, vel frameâ, fuste, vel lapide; & hæ vocantur adiaphoræ, seu indifferentes. Alia minuentes notabiliter, ut quod aliquis metu, furto rem aliquam abstulit, vel ebrius fuit, vel iurauerit &c. Alia sunt, quae intra eandem speciem augent grauitatem peccati notabiliter, ut si quis alterum occidat, exquiritis tormentis. Alia sunt mutantes speciem peccati, ut de veniali mortale, vel e contra, de mortali, veniale, V. G. si quis ex inadvertentia, ex primo motu, impingat alicui alapam; vel quæ novam peccati speciem addunt, ut est circumstantia voti castitatis, in peccato luxuriæ, aut circumstantia loci sacri in furto, aut homicidio.

NOTA 2. Circumstantia, ex quibus potest augeri, vel minui peccatum, vel illi noua species addi, ad has septem reuocantur, quæ hoc versu exprimuntur.

*Quor circumstantia?* *Quis, Quid, ubi, quibus auxiliis, cur, Quomodo, Quando.*  
*Quis.* Particula *Quis* pertinet ad conditionem, & Qualitatem Personæ, patrantis delictum, V. G. an sit adstrictus voto castitatis, conjugatus, solutus, consanguineus &c. Particula *Quid* pertinet ad Quantitatem, vel conditionem objecti, vel materiam, circa quam peccator exercuit suam actionem; V. G. qualis conditionis sit Persona, cum qua peccatur, vel an aliquis multum, vel modicum furatus sit, rem sacram, vel profanam, &c. Particula *Ubi*, denotat circumstantiam pertinentem ad locum, an in loco sacro? Particula *Quibus auxiliis*, denotat circumstantiam Personæ, cum quis utitur consortio, in patrando delicto; V. G. si quis ad sollicitandam fornicatorem, utatur aliquo mediatore, hunc enim constat, nouum committere peccatum, cum sit causa suæ proximæ. Particula *Cur*? reducitur ad finem, propter quem actus



actui noua species malitiæ tribui potest, V. G. si quis furetur pecuni-  
am, ad adulterandum, hic enim duo peccata committit, cum finis di-  
uersam specie malitiam habeat ab ea, quam habet actus furti ex sua na-  
tura.

Particula *Quomodo*, spectat ad modum, quo delictum com-  
mittitur, nam circumstantia modi, potest aliquando speciem malitiæ  
variare, V. G. auferre rem alienam domino nesciente, est furtum:

sciente verò, & renuente, est rapina. Particula *Quando*, denotat  
tempus, quæ mutat speciem peccati aliquando; V. G. celebrare post  
prandium, aut bis in die jejunii comedere, aut seruilia opera, in die  
festo præstare.

Dico 1. Circumstantiæ, necessariò sunt in confessione expli-  
candæ, quæ mutant speciem. Ratio est, quia in confessione aperi-  
enda sunt, omnia peccata mortalia, quantum moraliter fieri potest. Sed  
non aperiuntur omnia peccata, tacitis circumstantiis mutantibus speci-  
em, cum hujusmodi circumstantiæ, peculiarem habeant malitiam, &  
deformitatem. Vnde

COLLIGE Hæc, circumstantiarum mutantium speciem pecca-  
ti, explicatio, etiam in actibus purè internis locum habet.

Dico 2. Circumstantiæ minuentes malitiam, ita tamen, vt non  
desinat esse peccatum mortale. V. G. si quis sit debilis capitis, & fa-  
cilè inebriatur, non sunt necessariò exprimendæ: quia tales potiùs ex-  
cusant, quàm accusant, cum tamen sit hic locus, & tempus accusandi.  
Porro circumstantiæ extrahentes à mortali, ad veniale, necessariò ex-  
primendæ. Ratio est, quia grauitè deciperetur Confessarius in suo  
iudicio, V. G. si quis dicat se occidisse hominem, & non addat in de-  
fensione inculpabili.

Dico 3. Circumstantiæ aggravantes, ita, vt tamen non extra-  
hant ab ordinario modo peccandi, non sunt necessariò in Confessio-  
ne explicandæ: quia in ipso peccato simpliciter narrato sufficienter in-  
cluduntur: Porro grauitè aggravantes, quæ nimium augent defor-  
mitatem peccati, ut si quis occidat aliquem exquisitis tormentis, pro-  
babiliùs est, & tutiùs, illas esse explicandas in confessione. Ita Alen-  
fis. Richardus. Major. Suarez. Ratio est quia extraordinariis  
peccatis, extraordinaria satisfactio est imponenda.

*Quomodo.*

*Quando.*

*Circumstan-  
tiæ mutan-  
tes speciem  
necessariò  
confitenda.*

*Minuentes  
non necessa-  
riò confiten-  
da.*

*Aggravan-  
tes quando  
confitenda.*



DICO 4. Circumstantiæ adiaphoræ, nunquam sunt in Confessione explicandæ. Ratio est, quia sunt impertinentes ad augendam, vel minuendam, malitiam peccati.

*Circumstan-  
tia Quis  
mutans spe-  
ciem est con-  
fiteanda.*

Quantum ad Circumstantiam QVIS. DICO 1. Quando est circumstantia Personæ talis quæ mutat speciem peccati, necessariò est in confessione exprimenda. V. G. si peccat carnaliter Sacerdos, vel Religiosus, is committit sacrilegium in specie luxuriæ. Pari ratione si quis in magistratu positus, aliena peccata non corrigat, peccabit contra iustitiam, cum aliàs peccasset contra charitatem tantum.

QVÆRES An religiosus Sacerdos, peccans carnaliter, teneatur dicere, se esse religiosum, & Sacerdotem? Aliqui affirmant, aliqui negant. Vtrumq; probabile.

*Virginita-  
tis circum-  
stantia an  
confiteanda?*

DICO 2. Vir, non tenetur in Confessione dicere, se Virginem fuisse; in fœmina autem, aliqui omninò affirmant, quòd sit exprimendum ab illa, an fuerit Virgo, nec ne? alii verò negant; præsertim si ipsa fœmina consentiat in peccatum, & sic non differt stuprum, à simplici fornicatione. Ita Sotus in 4. dist. 18. q. 2. a. 4. Suarez Diss. 22. Sect. 4. Sanchez lib. 19. cap. 17. Ratio est, quia stuprum, non differt specie à fornicatione, sed solum ratione grauioris incommodi, quia corrupta, difficilius potest elocari.

*Nota de in-  
cestu.*

NOTA De incestu dico illos gradus necessariò esse explicandos in Confessione, qui ab Ecclesia prohibentur ad quartum gradum.

COLLIGE Confessarium, qui carnaliter cognouit pœnitentem, non teneri in confessione exprimere, se copulam cum pœnitente habuisse; nam tale peccatum non est incestus, modo confessarius non sollicitauerit pœnitentem in confessione, aut non sit talis, cui ex officio, incumbat onus procurandæ salutis, tunc enim peccaret ratione specialis circumstantiæ. Similiter si Persona peccans, sit persona publica, quandoq; habebit ejus peccatum, annexum scandalum, quòd actus alterius peccati non habebit. Porro circumstantia Quis, non mutans speciem, non est confiteanda; dummodò non sit notabiliter aggravans.

*Quantum  
explicando  
q.*

Quantum ad QUID. DICO 1. Quantitas peccati, necessariò est in confessione explicanda. Ratio est, quia confessarius debet informari, quid, & quomodo ablatum, sit restituendum, tunc enim confessarius, debet judicare, an possit absoluerè, & quomodo restitutio facien-



facienda: vel si data sit excommunicatio, contra aliquod furtum.

Dico 2. Qualitas peccati mutans speciem, est necessario in confessione explicanda, ut si quis, rem sacram furetur, vel clericum percutiat, Duplex autem res Sacra dicitur: Primo propter consecrationem, ut Calix, Casula. Secundo propter custodiam, quia scilicet, res aliqua concredita est custodiæ Ecclesiæ. Hæc conclusio, extenditur ad omnia alia, quæ jure Ecclesiastico possidentur: ista enim sunt sacra, per annexionem ad jus Ecclesiasticum. Vnde

*Qualitas explicanda.*

*Duplex res sacra.*

NOTA Non esse exprimendam circumstantiam loci, si quis in templo furetur rem, non pertinentem ad possessionem, vel custodiam Ecclesiæ. V. G. si aliquis alicui surripiat crumenam, aut aliquid simile: quia tunc non committitur sacrilegium cum non auferatur res commissæ custodiæ Ecclesiæ.

Quantum ad VBI. Dico 1. Circumstantia loci, est tunc necessario in confessione explicanda, quando actio fit directè contra sanctitatem loci, id est, quando aliquod peccatum, pugnat primò contra puritatem ejus, quatenus est deputatus ad continendas, & custodiendas res sacras. 2. Si peccatum sit, contra loci sacri immunitatem. Quare nota. Certi sunt casus in jure expressi, quibus loci sanctitas violatur. 1. Quando intra Ecclesiam, vel cæmeterium sanguis humanus effunditur, vel aliquis sine effusione sanguinis occiditur. Aduerte violata Ecclesia; violatur cæmeterium, non e contra. 2. Si infidelis, vel excommunicatus, denunciatus, in Ecclesia sepelitur, vel cæmeterio. 3. Quando Ecclesia, per Episcopum publicè excommunicatum, consecratur. 4. Si quis extrahat per vim, aliquem ex loco sacro, præterquam in casibus à lege permissis. 5. Committere peccatum carnis in Ecclesia, siue pollutionem publicam facere vel notoriam.

*Circumstantia loci explicanda quando?*

*Casus quibus Ecclesia violatur.*

Dico 2. Ad hanc circumstantiam spectat, si quis celebret in loco profano, sine facultate vel privilegio.

COLLIGE Si quis cogitet furari rem aliquam profanam, existens in templo, non est sacrilegus, si verò rem sacram cogitet, etiam extra templum, auferre, est sacrilegus mentaliter.

Quantum ad Circumstantiam, *Quibus auxiliis.* Dico 1. Quando aliquis ad peccandum utitur, auxilio hominum, quos ad id non induxit, non tenebitur hanc circumstantiam confiteri. Quando verò sunt inducti ab eo, tenebitur confiteri. Hæc enim inductio ad peccandum,

*Quibus auxiliis.*



dum, est scandalum actuum. Ratio est, quia tunc noua malitia scandalum accedit.

Dico 2. Nunquam est necessariò explicanda, circumstantia concausæ, quæ non sit homo, ordinariè loquendo, V. G. instrumenta, quibus quis utitur ad peccandum, siue sint animata, siue non sint animata, nisi sint specialiter prohibita. Ratio est, quia ejusmodi non afferunt specialem peccato deformitatem.

*Cnr?*

Quantum ad Cur. Dico 1. Esse confitendam, hanc circumstantiam, V. G. si quis propter inanem gloriam prædicet, aut oret; quia finis est malus, licet medium nullam malitiam habeat.

Dico 2. Quando tam finis, quam media, sunt mala, utrumq; est confitendum, V. G. si quis furatur propter adulterari &c. Ratio est, quia distinctæ sunt malitiæ.

Dico 3. Quando verò finis ex se, non est malus, medium autem ad illum est malum, tunc satis est confiteri ipsum medium per se loquendo; per accidens est necesse.

*Quomodo*

Quantum ad Circumstantiam, Quomodo. Dico 1. Modi illi explicandi, ex ignorantia, malitia, infirmitate, si adesset notabilis contemptus, alijs non; quia sic transferret veniale in mortale; multum enim refert, an aliquis peccauerit, ex ignorantia inuincibili, vel crassa, & ex vehemente tentatione, an ex malitia; Similiter an ex contemptu, vel non? contemptus enim, mutat speciem peccati, & quandoq; ex veniali, facit mortale.

Dico 2. Intensio actuum interna, cum sit difficilis explicatu, non debet necessariò in confessione explicari, & ut plurimum ex actibus exterioribus dignoscitur.

Dico 3. Consuetudo peccandi juxta aliquos non est necessariò confitenda, juxta aliquos non; ratione tamen remedii dandi, est explicanda omninò.

*Quando*

Quantum ad Quando. Dico 1. Quando præceptum speciale præscribit certum tempus, quò mandatur, vel prohibetur aliquid, est necessariò in confessione explicanda circumstantia temporis. V. G. jejunium tali die omisum, vel Missa die festo, &c.

Dico 2. Circumstantiam diei festi, putant addere aliqui specialem malitiam cuius peccato, tali die commisso, (V. G. inebriari, fornicationem committere, &c.) ideoq; necessariò in confessione expli-

can.



candam. Ita S. Thom. 2. 2. q. 122. a. 4. ad 3. Sanctus Bonaventura. D. Subtilis vt dixi disp. 4. q. 3. a. 2. Recentiores negant.

ARTICVLVS VI.

*Vtrum numerus peccatorum sit necessariò in Confessione exprimendus?*

DICO 1. Tenetur homo iure Diuino, omnia, & singula peccata mortalia confiteri, quorum habet memoriam, siue illa per solum actum internum fuerint commissa, siue in externum prodierint. Ratio est, quia iudex, non minùs debet scire multitudinem, quàm diuersitatem peccatorum. Ergo. Hinc.

COLLIGE 1. Pœnitens, antequam accedat ad confessionem, tenetur adhibere diligentiam ad reuocandum peccata in memoriam, aliàs confessio esset nulla. Ita Tridentinum Sess. 14. cap. 5. Can. 7. & 8. Ratio est, quia nemo potest integrè confiteri, nisi se examinet.

COLLIGE 2. Non requiritur ad hoc examen, summa, quæ possit fieri ab homine diligentiâ, neq; extraordinaria, ac proinde, non obligatur ad peccata scribenda tunc, cum illa committit, vel ei in mentem veniunt, & si enim hoc memoriæ subsidium bonum sit, tamen nemo ad illud tenetur. Ratio est, quia nemo tenetur periculo se exponere manifestandi peccata. Sed scriptura, est instrumentum ex se manifestatiuum. Ergo.

COLLIGE 3. Tanta diligentia debet adhiberi in examine conscientiae, quanta à viris prudentibus in re magni momenti adhibetur, spectari tamen debet in hoc casu conditio hominum, maiorem enim debet adhibere doctus, quàm rudis, & ille, qui habet casus intricatos, & difficiles, vel qui rarò confitetur, vel est obnoxius restitutionibus, quàm ceteri his carentes, vnde hæc diligentia debet esse moralis, pro cuiusq; possibilitate.

DICO 2. Non sufficit ad integritatem confessionis, aperire peccata in consusò, dicendo sapiùs se tali, vel tali genere peccati peccasse. Ratio est, quia Tridentinum addit vocem [singillatim] significando, singula mortalia esse aperienda. Tum quia integritas confessionis hoc requirit, vt omnia dicantur, quæ sunt, & prout sunt, in conscientia.

DICO 3. Non est necesse, vt singula peccata per se, & quasi historice narrentur, V. G. furatus sum in tali loco, cum tali modo, sed satis est dicere furatus sum bis, vel ter, hoc, vel hoc, si furtum sit ejusdem.



dem speciei. Ratio est, quia hoc sufficit ad iudicium morale rectè expediendum.

*Certum pro incerto dicitur.* Dico 4. Si pœnitens facta morali diligentia, nihilominus certum numerum scire non potest, tunc si illi occurrat numerus, qui plus minùsue à certo putatur distare, tunc tenebitur illum in confessione explicare dicendo, decies, plus minùs: Ratio est, quia hoc sufficit, ad ferendum morale iudicium de peccato, & quia talis pœnitens facit, quod moraliter est possibile. Vnde qui sic est confessus, non tenebitur postea confessionem repetere, etiamsi illi occurrat certior numerus: ita communiter Doctores.

*Si nō potest numerus explicari, statum, & consuetudo peccandi explicanda.* Dico 5. Quando pœnitens, non potest numerum peccatorum explicare, etiam verisimilem, tunc tenebitur explicare saltem statum, vel consuetudinem peccandi, idq; sufficit. Ratio est, quia tunc faciet, quod moraliter possibile est, & quia ex tali confessione, potest Confessarius, de statu pœnitentis iudicare. Ad hunc autem statum hæc potissimè spectant. 1. Explicatio speciei distinctorum peccatorum. 2. Tempus quo pœnitens in peccato perseveravit. 3. Frequentia peccandi, discurrendo per dies, hebdomadas, menses, annos, plus minusuè, in die, bis, vel ter, aliquando ne semel &c. Deniq; cum quibus Personis frequentius peccavit &c.

Dices *Delicta quis intelligit?* dicitur Psal. 18. Ergo impossibilis est enumeratio peccatorum. RESPONDEO Sensus horum verborum est. *Delicta quis intelligit?* id est, qui malè agit, quomodo potest cognoscere, quot suo exemplo corrumpuntur, idèò subdit. *Ab occultis meis munda me, & ab alienis parce seruo tuo.* RESPONDEO 2. Licet sit impossibilis enumeratio peccatorum venialium sine quibus non vivitur, possibile tamen est mortalium, quæ solum sunt materia necessaria confessionis.

*Quando Confessarius tenetur examinare.* QVÆRES I. Vtrum Confessarius, teneatur pœnitentem examinare? RESPONDEO Non teneri, si probabiliter iudicet pœnitentem integrè confessum fuisse sua peccata, tunc enim existimare debet suam interrogationem inutilem, & onerosam fore. Si verò Confessarius credat, pœnitentem defectu examinis, non integrè confessum fuisse, debet illum dimittere ad discutiendam perfectius conscientiam [si non adsit periculum mortis, nam in tali periculo debet Confessarius eam diligentiam



gentiam adhibere, quam ipse pro circumstantia temporis, & qualitate Personæ judicauerit expedire, eaq; adhibita beneficium absolutionis impendere, ne Pœnitens in statu damnationis moriatur]. Vel certè, debet ipse per interrogationes, defectum supplere examinis, habita ratione qualitatis, & status Personæ, quod tamen cautè est faciendum, ne suis interrogationibus, scandalum præbeat Pœnitenti, & peccare doceat, quare prius quærat in generali, donec aliquod vestigium, vel signum, à Pœnitente, descendendi ad particularia accipiat. *Cautela pro Confessario*

**QVÆRES 2.** Vtrum in Generali Confessione debeant omnia peccata exprimi?

**RESPONDEO.** Si ob aliquem defectum confessio fiat Generalis, vel quia ante, non integrè confessus fuit, vel non purè, debent omnia peccata exprimi; si verò ex deuotione, quia cum maiori contritione accedit, vel propter maiorem securitatem, conscientia, vel propter majus meritum, quod vult faciat, exprimat, vel omnia, vel aliqua saltem. Hinc

**COLLIGE.** Non debent Confessarii permittere frequenter iterare confessiones Generales, sufficit enim bis, vel ter in vita, quare, si aliqua Deuotula, velit frequenter id facere, à Confessario est redarguenda, & diligenter inquirendum cui confessa, quòd si aliquot vicibus viro prudenti, & docto silentium ei imponat, ne repetat, potius orationi sit intenta, vel meditationi. Atq; hinc apparet, quali vituperio digni sunt confessarii illi, qui cogunt pœnitentes, vt faciant confessiones Generales, sine vlla necessitate [quas aliquot vicibus, & benè fecerunt,] dicentes si non fueris mihi generaliter confessa, ego non ero tuus Pater, neq; tu filia mea. *Olepidum caput sine cerebro.* *Nota.*

## ARTICVLVS VII.

*Quomodo peccata tam interna, quàm externa distinguantur?*

**NOTA** ex Doctore in *Quodlibetica* 18. a. 2. In actu morali esse duo. Primum est bonitas, vel malitia moralis. Secundum est imputabilitas, propter quam aliquis de actu bono laudatur, & de malo vituperatur. Hæc autem duo in sunt actui, sed nō ab eodem formaliter, nam bonitas inest ex ratione, ille enim est actus bonus, qui est conformis rectæ rationi, ille malus, qui est difformis. Imputabilitas verò, inest actui, ex libera potestate agentis; actus enim malus, non imputatur alicui ad demeritum, nisi actus ille, sit in potestate libera suæ voluntatis, *In actu morali duo sunt. Unde inest bonitas. Imputabilitas unde.*



tatis, ad faciendum illum, vel non faciendum, similiter & actus bonus ad meritum: necessariis enim non meremur, nec demeremur.

*Vnde bonitas vel malitia actus.*

DIſco 1. Accipiendo bonitatem, & malitiam propriè, quæ est conformitas actus ad rectam rationem, vel difformitas ad eandem, dicendum est quòd actus interior, & exterior, habet eam formaliter, non autem denominatione exteriori tantum. Probatur, quia uterq; actus, est natus elici conformiter, vel difformiter rationi rectæ, ideò cum actus exterior, qui est circa debitam materiam, & cum debitis circumstantiis, est actus bonus formaliter: cum verò caret debitâ materiâ, siue objecto, & debitis circumstantiis, est malus, quia caret conformitate debitâ ad rectam rationem. Idem dicendum est, de actu interiori, qui etiam habet præscriptam regulam à recta ratione, circa quòd objectum debeat elici & quomodo, vnde sine actu exteriori potest esse bonus, vel malus. Notandum verò hîc est, quòd ista bonitas, & malitia inest actibus sine relatione ad voluntatem, vel voluntarium, quia ut dixi bonitas, & malitia inest actibus istis, ex relatione ad rationem, non tamen habent imputabilitatem, vnde si amens occidat aliquem, actus ille est malus formaliter, non tamen imputatur furioso, quia in illo non est voluntarius. Breuiter igitur dicendum est, utrumq; actum, tam interiorem, quàm exteriorem, habere propriam malitiam formaliter, quia uterq; est propriè voluntarius: sciendum tamen est in rigore loquendo, quòd malitia primariò inest actui exteriori, quia maxime recta ratione prohibetur actus exterior; & quodâ modo ratione illius prohibetur actus interior, imputabilitas verò primò inest actui interiori, quia ille immediatè est in potestate libera voluntatis: & hoc est, quod dicit D. in 2. dist. 42. quòd malitia inest primò actui voluntatis, & mediante illo in aliis.

*Nota diligenter.*

DIſco 2. Malitia ex fine, est in actu interiori formaliter, in exteriori verò denominatione extrinsecâ. Patet, quia actus exterior, potest esse secundum se bonus, & conformis rationi rectæ, tamen ex actu interiori, fit contrarius rectæ rationi, V. G. cum quis facit Eleemosynam, propter vanam gloriam. Hinc

*Malitia & peccatum differunt.*

COLLIGE Malitiam, & peccatum differre, quia malitia dicitur actus ille, qui caret conformitate ad rectam rationem; siue sit voluntarius, siue non, peccatum verò ultra malitiam moralem, addit imputabilitatem ad poenam, quia actus malus, non est peccatum propriè, nisi sit voluntarius.



**Dico 3.** Actus interior, & exterior, conſiderati ſecundum ſubordinationem, & annexionem naturalem, quam habent ad inuicem, prout habentur. Patet quia actus exterior, naturaliter ſubordinatur actui interiori, à quo pendet in eſſe, & actus interior pendet ab exteriori, tanquam ab ultimo complemento, & objecto ſuo.

*Actus interior & exterior conſiderationem habent.*

**Dico 4.** Quoties actus voluntatis reperuntur, circa idem objectum prohibitum, totidem peccata committuntur actu, etiamſi aliquis ceſſet ab actu interiore peccati, conuertendo ſe ad alia, ſine retractatione illorum actuum, tamen deinde ad eodem reuertatur, inchoando actum, per nouam voluntatem. Ratio eſt, quoties voluntas repetit eandem volitionem occidendi, ſemper eſt nouus actus, & eſt interruptio moralis. & ſic ille actus, eſt nouum peccatum, etiamſi minimum ſpatium temporis intercedat in tali interruptione.

**Dico 5.** Quando actiones plures externæ, ſibi ſunt ſubordinate, ex natura ſua malæ, V. G. in peccato carnis, tactus oscula, & alia precedentia vsq; ad conſummationem actus, tunc vnum duntaxat peccatum committitur, qui actus conſummatus, ſufficiet ſolus in confeſſione exprimendus. ita Nauar. c. 6. n. 7. Ratio eſt quia omnes actiones huiusmodi externæ, etiamſi ex objectis ſuis ſint malæ, tamen deriuantur ex vna voluntate, & ordinantur ad idem opus conſummandum, quaſi præambula.

**COLLIGE** Tactus impudicos, oscula, quæ conſequentur peccatum carnis, neceſſariò in confeſſione exprimenda: Ratio eſt, quia non pertinent jam ad illum turpem actum, neq; ſubordinantur illi, ſed adduntur ex malitia, operantis, ſunt enim tales actus principia noui peccati. Eſt Bonacinae *de penitentia Sacramento diſp. 5. q. 5. ſect. 2. punct. 3.* S. J. Suarez, Vasquez, contra Nauar: *cap. 6. num: 7.* Henriquez *lib. 5.*

**ARTICVLVS VIII.**

*Vnde numerica peccatorum diſtinctio, deſumatur?*

**Dico 1.** Tot ſunt numero peccata, quot ſunt actus voluntatis moraliter interrupti. Probatum Quia ſicut ad vnitatem motus, requiritur vnitas temporis, ita ad vnitatem peccati vnitas temporis requiritur. Sed quando actus moraliter ſunt interrupti, non eſt vnum tempus, ſed diuerſa. Ergo quando actus voluntatis ſunt moraliter interrupti, non eſt vnum numero peccatum, ſed plura. Vnde

*Ex actibus interruptis multiplicatur peccata.*



*Actus voluntatis quando interruptus?*

**COLLIGE 1.** Actus voluntatis tunc moraliter interruptitur, quoties nec formaliter, nec virtualiter manet. Vnde habens animum furandi, & interiecta aliqua mora, furatur, duplex peccatum committit, quia prior intentio furandi virtualiter, non durat in aliquo opere externo ad furtum ordinato, ut suppono, aut in opere externo furti ob moralem interruptionem. Qui verò ex eodem impetu iræ, vel odii eadem conuitia repetit vnum numero peccatum committit, quia prior voluntas perseverat, & prius peccatum videtur moraliter continuari, cum subsequenter.

*Conuitia multa an vnum peccatum.*

**COLLIGE 2.** An verò multa peccata committat, qui eodem tempore, iniurias diuersæ rationis in aliquem profert, V. G. appellando eum furem, adulterum, perjurum &c? Duplex est opinio Doctorum. Quidam dicunt, vnum peccatum committi à tali. Quidam, ut Azor lib. 4. q. 5. & 6. & alij, dicunt plura peccata committi?

**COLLIGE 3.** Tunc actus voluntatis, dicitur moraliter non perseverare: quando circa vnum, vel plura objecta actus successiuè versantur: vel quando post primum actum, elicitus est dolor de tali actus, & habita est contraria voluntas: vel per somnum vnus, & alius actus interruptitur, vel deniq; quando inter vnum, & alium actum, tantum temporis interponitur, ut prudentis arbitrio, ceaseantur actus moraliter interrupti.

*Ex objectis peccata multiplicantur.*

**DICO 2.** Peccata numero distinguuntur, per multiplicationem objectorum, circa quæ actus successiuè versantur: Ratio est, quia non solum physicè, sed etiam moraliter, reputantur duo actus completè distincti. Hinc

**COLLIGE** Quòd Nauar: in Summa cap. 6. num. 8. dicit, non tot esse numero peccata, quot sunt objecta, circa quæ vnus, & idem actus eodem tempore versatur, si sint plura objecta ejusdem rationis. Porro percutiens vno actu plures, aut pluribus detrahens, plura peccata committit, si sunt objecta diuersæ rationis.

**DICO 3.** Qui alium inducit ad peccatum, intendens ipsius ruinam spirituales, vel etiam non intendens ruinam, sed tamen cooperans peccato alterius, peccat duplici peccato, & hoc partim ratione scandali, partim peccato eo peccato, quod ab altero committitur: nam qui est causa peccati, reus est illius peccati.

ARTI.



## ARTICVLVS IX.

*Vnde specifica, peccatorum distinctio, desumitur?*

DICO 1. Peccata non distinguuntur specie, vel numero, per ordinem ad diuersa præcepta, quibus aliquid præcipitur, vel prohibetur ex eodem motivo. Probat, quia sequeretur desiderium rei alienæ, & furtum rei alienæ, esse peccata specie diuersa cum prohibeantur distinctis præceptis; furtum enim prohibetur septimo, desiderium verò rei alienæ, præcepto decimo. Sed desiderium rei alienæ, & furtum rei alienæ, non sunt peccata specie distincta. Ergo distinctio peccatorum, non desumitur à distinctione præceptorum. Vnde peccatum V. G. vsuræ, est vnum specie, & aliquando vnum numero, si vno actu committatur, quamuis tribus præceptis aduersetur, naturali, Diuino, & humano, quia quando præcepta ex eodem fine, seu motivo, seu intuitu, ejusdem virtutis feruntur, non distinguuntur peccata specie. Hinc

COLLIGE 1. Ille qui non jejunit feria quarta, quatuor temporum in quadragesima, vel feria sexta, in qua incidit vigilia, vnum tantum peccatum committit, non duo, quia hæc præcepta plura, non præcipiunt jejunium, ex diuerso motivo, & ex diuersa virtute, sed ex motivo temperantiæ. Porro Frater Minor, non jejunans feria sexta, in quam incidit vigilia ex præcepto seruanda, committit duo peccata. Vnum contra præceptum Ecclesiæ, latum ex motivo virtutis temperantiæ, aliud contra votum, quod ex motivo religionis emittitur. Vide Rodericum Tom. 2. q. 101. art. 8. in fine.

COLLIGE 2. Sacerdos committens peccatum carnis, ex parte sui duo peccata committit, quia actus Venereus prohibitus est Sacerdoti, ex variis præceptis, ex diuerso motivo conditis, ex motivo scilicet, & virtute castitatis, & ex motivo Religionis, nempe, voto.

DICO 2. Loquendo de peccatis, quoad formale eorum, distinguuntur penes carentiam rectitudinis debitæ, seu per ordinem, ad diuersas specie perfectiones quibus priuant. Ita D. Subtilis in 2. dist. 42. & 45. Ratio est, quia priuatio specificatur à forma, cuius est priuatio. Ergo peccatum, specificatur à rectitudine, quâ priuat. Si ergo rectitudo, & perfectio, quâ peccatum priuat, sit diuersæ speciei, sequitur etiam, peccata distingui specie, per ordinem ad huiusmodi perfectionem, & rectitudinem, quâ priuant.

DICO 3. Loquendo de peccatis, quoad materiale, distinguuntur specie,

*Peccata distinguuntur specie per ordinem ad diuersa præcepta.*

*Plura præcepta quando causant*

*Peccata distinguuntur penes carentiam rectitudinis.*



specie, penes objecta, circa quæ versantur. Ita D. Subtil. loco citato. Ratio est, quia actus distinguuntur penes objecta, actus autem peccati quoad substantiam, est materiale peccati. Ergo

*Peccata oris  
cordis, & o-  
peris quomo-  
do distin-  
guuntur?*

Dico 4. Peccata quæ complentur in corde, ac voluntate, differunt specie, à peccatis, quæ perficiuntur, & consummantur in ore, vel opere. Patet, quia talia peccata, sunt priuationes perfectionum specie diuersarum, alia enim est perfectio quâ priuat odium, alia quâ concutium, alia quâ homicidium.

Dico 5. Peccata cordis, & oris si considerentur vt sunt origo, & principium, seu dispositio ad peccatum operis, non distinguuntur specie. Patet quia opponuntur eidem virtuti, & priuationem perfectionis, & bonitatis ejusdem speciei includunt. Vnde propositum furandi, est ejusdem speciei cum furto; similiter desiderium fornicationis, cum fornicatione.

COLLIGE Vnus actus physicus, includit plures species morales malitiarum, V. G. occiso clerici, includit duas malitias: vnâ injuriâ, quatenus occiditur homo, alteram sacrilegii, quatenus occiditur, homo Deo dicatus.

## QVÆSTIO IV.

### Quenam condiciones requirantur ad Confessionem?

1. Hic quæram. Quenam condiciones sint requisitæ ad Confessionem?
2. Vtrum confessio debeat esse integra?
3. Vtrum non confiteri ea quæ homo facit contra conscientiam, erroneam, dubiam, & scrupulosam, pugnet contra integritatem confessionis?
4. Vtrum confessio debeat esse fidelis?
5. Vtrum debeat esse, confessio secreta?
6. Vtrum confessio debeat esse obediens, seu parere parata?

## ARTICVLVS I.

### Quenam sint condiciones ad Confessionem requisitæ?

NOTA I. Sexdecim condiciones confessionis enumerantur, quæ his versiculis describuntur.

*Sit simplex, humilis confessio, pura, fidelis,  
Atq; frequens, nuda, & discreta, libens, verecunda.  
Integra, secreta, & lachrymabilis, accelerata,  
Fortis, & accusans, & sit parere parata.*

NOTA



NOTA 2. Prædictas conditiones, non omnes esse necessarias simpliciter ad confessionem, sed solum ad melius esse, quæ autem sint omnino necessariæ, dicunt Theologi, quod hæc. 1. Vt sit integra. 2. Vt sit fidelis. 3. Vt sit lachrymabilis. 4. Vt sit obediens. D. Subtilis præter prædictas, assignat aliam in 4. dist. 17. nimirum vt sit secreta: de non necessario requisitis in 1. Articulo, de necessario requisitis, in sequentibus dicitur.

Necessariæ  
conditiones  
confessionis.

DICO 1. Confessio debet esse simplex, ita vt superflua præmittantur, & amputentur inutilia, non enim diutius immorandum est in confessione, neq; debent circumstantiæ impertinentes confiteri, neq; à Confessario requiri; Hinc confundantur illi Confessarii, qui vnam Personam per tot horas in confessione detinent, cum interim triginta possent expedire, neq; debent allegare, quod doctrinas spirituales dent; nam & hæc breuiter est danda, quia scandalum magnum oritur, ex tali diuturna detentione in confessionibus, & vix illi per quem venit; habet libros spirituales legat, conciones audiat &c. Ita Aretinus cum multis, quos citat in 4. dist. 17. q. vnica. N. 10.

Confessio  
debet esse  
simplex.

DICO 2. Confessio debet esse humilis, ita vt Poenitens peccata sua, cum humilitate fateatur, & cum debita corporis compositione. V. G. genibus flexis, & aperto capite, nisi aliud suadeat necessitas, vel infirmitas. Ex quo colligitur, illius confessionem inuvalidam, qui peccata sua gloriando de illis, fatetur: Et hoc ex eo, Tum quia, talis non haberet debitum dolorem pro peccatis, quibus per iactantiam actualiter adhereret. Tum quia non integrè confiteretur, nam in actu confessionis, nouum committeret peccatum.

Humilis.

DICO 3. Confessio debet esse pura, id est, vt non fiat ob finem prauum, maximè mortalem, sed potius spe remissionis obtinendæ, & placandi DEVM; si verò confessio fiat ob finem venialiter malum, non caret suo fructu. Ratio est, quia causa impulsiva, & motiuum secundarium, non excludit finem principalem, propter quem fit confessio. Tum quia, per hoc, non fit grauis injuria Sacramento, propter affectum ad leuem culpam. V. G. ob vanam gloriam.

Pura.

DICO 4. Confessio debet esse frequens; non quidem ex præcepto, sed ex consilio, ob magnas utilitates, & vberes fructus, qui ex frequenti confessione fluunt.

Frequens.

DICO 5. Confessio debet esse nuda, id est non palliata, neq;

Nuda.

V

ver.

NOTA



verborum obscuritate, aut nimia elegantia, velata. Ratio est, quia peccata ita sunt manifestanda, ut confessarius naturam, & qualitates ipsorum peccatorum valeat cognoscere, & dijudicare, an sint mortalia, vel venialia &c.

*Discreta.*

Dico 6. Confessio debet esse discreta, id est cum discretionem, sicut omnis actus virtutis, scilicet debito tempore, loco, modo, & confessor cum delectu debet eligi, qui sciat discernere inter lepram, & debita remedia conferre; nam si rudi confiteatur, qui non scit dare consilium, neque obligat ad restitutionem, confessio nulla: unde ex hoc passu aliqui dicunt istam conditionem esse necessario requisitam. Denique discretio etiam in hoc consilium, ut caute confiteatur, adhibendo verba honesta pudica, non descendendo ad singula non necessaria.

*Libens.*

Dico 7. Confessio debet esse libens, id est voluntaria, excludendo involuntarium, V. G. si quis trahatur ad confessionem timore excommunicationis, infamiae, aut poenae, is valide confitetur, modo habeat intentionem confitendi, & alia requisita.

*Verecunda.*

Dico 8. Confessio debet esse verecunda: fructuosum enim est, de peccatorum suorum feditate erubescere interius, & exterius apud Confessarium, cum erubescencia, profitur ad remissionem poenae. Hinc collige pessime illos Confessarios facere, qui statim poenitentem increpant asperè, & vel qui trahunt capillos poenitentis, nam tales retrahunt poenitentes à fidei, & integra confessione, seruet ad finem reprehensionem, quam tamen debet distare recta ratio, & prudentia.

*Accelerata.*

Dico 9. Confessio debet esse accelerata, id est, ut quamprimum peccata sua peccator confiteatur. Tum ne maneat in statu damnationis, seu periculo. Tum ut bona ipsius sint meritoria, nam quicquid in peccatis facit, praeium vitae aeternae pro hoc non accipiet, ut dicitur infra.

*Lachrymabilis.*

Dico 10. Confessio debet esse lachrymabilis, non quod necessario ad ipsam requirantur lachrymae exteriores, licet bonae sint, sed quia necessarius est internus animi dolor, ut patet ex precedenti Disputatione.

*Fortis.*

Dico 11. Confessio debet esse fortis, ita ut poenitens, non permittat se tentationibus superari ad omittendam confessionem, vel ad aliquid praepudore, vel timore in confessione praetermittendum.

*Accusans.*

Dico 12. Confessio debet esse accusans, ita ut Poenitens se accuset,



fer, sibiq; imputet peccata, non excuset, neq; laudet, si voluntariè consensit in illa.

ARTICVLVS II.

*Utrum Confessio, debeat esse integra?*

DICO Ad integritatem confessionis spectat, ut pœnitens omnia peccata mortalia post Baptismum commissa singillatim confiteatur, quantum moraliter scire potest, etiamsi sint occultissima, & solum in æterno actu commissa, aliàs si aliquod peccatum mortale omitteretur seienter, vel circumstantia mutans speciem, confessio esset nulla. Ita Trid. Sess. 14. cap. 5. & Can. 7. Ratio est, quia cùm Sacerdotes, sint à Christo Domino veri iudices constituti, non possunt aliter ferre sententiam, nisi singula peccata intelligant, de ignotis enim non potest iudicium ferri.

Notandum porrò hic est, peccata explicanda esse in confessione, quoad species morales, nam sciendum est, diuersam esse speciem physicam peccati, à specie morali, potest enim accidere, ut vnus sit actus physicus, & tamen includat plures species morales malitiarum, V. G. occisio clericus est vnus actus physicus, quia perinde occiditur clericus, ac laicus, loquendo physicè, & tamen sunt duo actus morales, vnus iniustitiæ, quatenus occiditur homo, alter sacrilegi, quatenus occiditur homo Deo dicatus: Eodem modo dicendum est, de re sacra, furto sublata, ibi enim non est variatio physica, & tamen est malitia moralis diuersa à simplici furto, quæ dicitur sacrilegium.

QVÆRES I. An sufficiat Confessio integra formaliter, & non integra materialiter.

DICO I. affirmatiuè. Pro intelligentia. NOTA Integritas confessionis materialis, est tunc, quando omnia peccata dicuntur, quæ cunq; sunt in conscientia pœnitentis: formalis verò, cùm aliqua dicuntur, aliqua verò ob certam, & iustam causam retineantur. Et maximè propter has. 1. ob periculum vitæ, cum jam aliquis est in articulo mortis, & non potest omnia peccata enumerare. 2. ob periculum vitæ confessarii, ut cùm timet ne peste inficiatur, aut à Tyranno occidatur, si diutius prolonget confessionem. 3. Quando est simile periculum sociorum, ut si instet naufragium, insperatus belli conflictus, aut incendium domus, quâ non pateat egressus, &c. Ratio igitur Conclusionis. Quia possibile est hoc Sacramentum à Christo



Domino institutum eo modo, quo expediret illis. Atqui non semper est possibile omnia peccata explicare. Ergo

*Periculum morale excusat ab integritate materiali.*

DICO 2. Excusat ab integritate Confessionis materiali, periculum morale, si ipsi pœnitenti immineat. Ratio est quia præceptum de integritate confessionis materiali, est Diuinum positium. Sed hæc præcepta Diuina positiua, non obligant cum graui periculo morali, vt patet, quod die festo, possint se homines ab hostibus defendere, & Missam omittere, &c. Vnde si aliqua Persona timeret ob integritatem confessionis, ne sollicitaretur à Confessario ad peccatum, aut si præuideret grauem propriam infamiam, eo quod certò, vel valdè probabiliter crederet, non verò suspicaretur, Confessarium non seruaturum sigillum confessionis tunc non teneretur integrè materialiter confiteri. Notat tamen Doctor in 4. dist. 17. ad 2. potiùs talis differat confessionem, si commodè possit, donec habeat copiam idonei confessarii. Hinc

*Pœnitens in quibus casibus potest reticere peccatum.*

COLLIGE Pœnitentem, posse reticere peccatum in confessione, quando ex illius manifestatione, probabiliter timet extra confessionem graue periculum, grauis infamia, aut morbi corporalis, vel spiritualis, aut alterius incommodi etiam temporalis.

DIXI (probabiliter) quia si tantummodò dubitat, aut leuiter suspicatur, non potest peccatum in confessione reticere, præceptum enim obligat, quoties seruari potest, absq; graui incommodo.

*In graui morbo sufficit materialis confessio.*

DICO 3. Quando aliquis est in proximo periculo mortis, ita, vt non possit omnia peccata enumerare, propter morbum grauem, & mortem imminentem, in tali enim casu sufficeret vnum, vel aliqua peccata confiteri, & Confessarius, tenetur eum absoluerè, dummodò omnium displicentiam habeat. Vnde Confessarius potest absoluerè, existentes in naufragio, audito saltem vno peccato, etiamsi non omnia ipsorum peccata mortalia audierit, imò potest, audito à singulis vno peccato, omnes simul absoluerè dicendo. *Ego vos absoluo à peccatis.* Ratio eadem quæ pro prima conclusione.

*Excusat periculum vitæ confessionem vi.*

DICO 4. Ab integritate materialis confessionis excusat periculum vitæ Confessarii, vt cum timet sibi mortis periculum, ne à Tyranno occidatur, diutius immorando in peccatis audiendis, vel ne morbo contagioso inficiatur, in talibus enim periculis, potest

Confess.



Confessarius, auditis aliquibus peccatis, absolutionem statim impendere.

Ratio est, quia præcepta positiua etiam Diuina, cuiusmodi est de integritate Confessionis, non obligant cum periculo, alicujus grauis nocuenti proprii, vel proximi, nimirum, cum periculo animæ, vel vitæ corporalis, vel famæ, tam propriæ, quàm proximi: nam vt inquit D. Subtilis in 4. dist. 9. *Quando duo præcepta, vel leges, sunt contraria in aliquo casu, & ideo alterius observatio est omittenda, debet omitti observatio minoris, & seruari major.* Atqui præceptum naturale, majus est, quàm hoc præceptum de integritate confessionis. Ergo. Vnde rectè S. Bernardus libro de præcepto, & obedientia, ait. *Quod propter charitatem introductum est, contra eandem charitatem, exerceri non debet.* Vnde

**COLLIGE 1.** Si quis omittat aliquod peccatum, ex ignorantia inculpabili (V.G. aliquis in pueritia commisit peccatum, & retieuit illud, ignorans se teneri ad confessionem) velex obliuione inculpabili, dicitur integrè confiteri formaliter, licet non materialiter, dum modo tam ignorans, quàm obliuiscens, exprimat postea peccata omissa in alia confessione, nec tenetur iterum repetere priora peccata, semel ritè confessa.

Nota

**COLLIGE 2.** Confessarius, qui aliquem defectum commisit in confessione, quem non potest explicare, nisi suo confessario manifestet peccatum complicitis in confessione auditum, excusatur à tali defectu confitendo, si necessitatem habeat confitendi, nec copiam habeat alterius Confessarii, cui sit ignotus complex. Ratio assignabitur Quæsito sequenti ad secundum secundæ opinionis.

**COLLIGE 3.** Vt in praxi, licitè possit ejusmodi dimidiatio vsurpari, debent concurrere hæc. 1. Vt sit periculum grauis nocuenti. 2. Vt illud periculum sit probabile, & rationabile, non leuis solum suspicio. 3. Vt non possit alius Confessarius haberi, cui, sine periculo omnia aperire posset. 4. Vt sit necessitas confessionis faciendæ, vel propter periculum mortis, vel propter implendum præceptum annuæ Confessionis, vel propter necessitatem communicandi, vel sacrum faciendi.

Conditiones dimidiationis.

**QVÆRES II.** Vtrum ob confessionis integritatem, liceat complicem in eadem manifestare?

Nota



NOTA Quod in hac difficultate, duplex sit opinio. Prima negans id esse licitum. Ita Nauar: *cap. 7. num. 3.* Cajetan. *in Summa Verbo Confessio.* Viguerius *in Summa cap. 16.* Valentia *in 3. p.* Armilla *Verbo Confessio num. 1.* Probat 1. Quia lex de non infamando proximo, est Diuina naturalis, lex de integritate confessionis est Diuina positiua. Ergo illa præferenda huic, cum vtraq; seruari non potest. 2. Quia communis opinio tenet, quod cum reuelatio alicujus peccati in confessione, est allatura probabiliter, damnum spirituale, vel corporale, vel famæ, ipsi pœnitenti, vt paulò ante dixi, non debet reuelari: cum ergo eadem sit hic ratio, sicut ibi, videtur esse irrationabile, vnā amplecti, & non aliam.

2. Opinio affirmatiua

2. Opinio affirmat, non solum licere, sed etiam obligari pœnitentem, in casu proposito, facere confessionem integram, cum reuelatione complicitis. Tenet S. Thom. *in 4. dist. 16.* Sequuntur Thomistæ, Soto *dist. 18. q. 2. art. 5.* Durandus *ibid: q. 4.* Richardus *dist. 21. art. 5. q. 2.* Tribuitur D. Subtili *in 4. dist. 21. q. 2. num. 16. §. De quid.* Vbi dicit. *Non tantum peccata consentis, sed etiam circumstantias. Et personam complicitis cadere sub sigillum.* Supponit ergo posse in confessione reuelari personam complicitis. Sequitur Suarez *tom: 4. disp. 34. Sectione 2.* citans multos authores. Probat 1. vnumquēq; debere præponere salutem animæ propriæ, famæ proximi. Sed tacendo peccatum proximi, amittit propriam salutem. 2. Incommodum, quod patitur proximus, est leue, quia Confessarius tenetur sub sigillo celare, non solum personam pœnitentis, sed etiam complicitis. 3. Probat Suarez licere pœnitenti complicitem reuelare, Quia in reuelatione peccati proximi in confessione, non adest finis infamandi proximum, sed adest rationabilis causa, nimirum præceptum de confessione integra facienda, nam licet præceptum positiuum, non possit derogare præcepto naturali, manentibus eadem materia, & circumstantiis, tamen mutata materia, & circumstantiis, potest: quod patet per exemplum, de homine damnato ad mortem, per priuationem alimenti necessarii, qui posset non comedere licite, etiamsi illi ab amico offeratur cibis: ita in proposito, lex naturalis, de non reuelando peccatum occultum proximi, mutat materiam, & circumstantias, ratione institutionis confessionis, & sic fit licitum, lege positiua, de confessione integra, derogare legi naturali, de tuenda fama proximi. 4. Probat Suarez



Suarez non solum licere, sed etiam teneri poenitentem manifestare complicem. Quia praeceptum de integritate, confessionis per se obligat, quoties nulla legitima excusatio interuenit. Sed hic nulla est excusatio. Ergo.

Dico itaque; utraque opinio probabilis à grauissimis authoribus iudicatur, cum utraque graues auctores & rationes efficaces pro se habeat. Prima tamen opinio à multis probabilior iudicatur, maximè extra articulum mortis quia in articulo mortis, non erit occasio alia integrè confitendi. Atque ita, potest quiuis tenere opinionem primam, quod nec licet, neque tenere poenitentem complicem reuelare, sed posse confessionem dimidiare, vel alteri Confessario, qui non nouit poenitentem confiteri, vel mutare vestitum, vel aliquam artem adhibere. Quod si hæc non placeat, tenere poterit qui voluerit secundam opinionem.

*Utraque opinio est probabilis.*

Qui tenebit opinionem secundam. Ad 1. primæ opinionis respondeat. Quod in tali casu, lex positua derogat naturali, non enim omnis infamia est prohibita jure naturali, sed tantum formalis, hoc est, quæ fit sine iusta causa, & animo infamandi proximum: quando verò fit cum rationabili causa, & intentione ea, ut salus propria iuuetur, tunc tantum infamatio est materialis, quæ non est intrinsecè mala, ideoque, nec contra legem naturæ; non igitur concurrunt hic duo præcepta, vnum naturale, & aliud posituum, sed illud quod fuit naturale, definit esse tale, propter circumstantiam nouam, nempe ob rationem iustam, & intentionem bonam.

*An lex positua possit derogare legi naturali.*

Ad 2. Respondeo si certò sciatur obfutura, non profutura reuelatio complici, tunc non modo licet, sed etiam obligatur poenitens, circumstantiam hanc reticere.

Qui tenebit primam opinionem. Ad 1. secundæ opinionis Respondeat, negando Minorem, quia erit confessio in tali casu integrè formaliter, licet non materialiter.

Ad 2. Respondeo, reuelare crimen alterius sine iusta causa est peccatum mortale, quia cum præceptum sigilli confessionis strictius obliget, quam præceptum obliget integrè confitendi materialiter, potius hæc, quam illud omittendum, ita & in proposito casu.

Ad 3. Suarez. Respondeo Quod juxta ipsum sequeretur, quod lata quacunq; lege positua impossibili, pro aliquo casu legi naturali, institutio legis posituæ mutaret materiam, &

*circum-*



circumstantias legis naturalis, quod est absurdum, quia semper concurrentibus duobus præceptis, majus præferendum. Ad exemplum allatum Dico. quod damnatus ad mortem, per priuationem cibi, etiam oblato cibo ab amico, posset licite non comedere; non quia lex positiua, de damnatione ad mortem deroget, & mutet legem charitatis, de dilectione sui corporis, sed propter legem naturalem, quæ est ut reus puniatur, quia bonum publicum, præferendum est bono priuato. Si tamen seruaret se in vita, ex oblatione cibi portecti ab amico, excusaretur ab obseruatione legis naturalis, ex eo, quia parum bonum publicum læderetur in eo casu, & paruam vtilitatem afferret Reipublicæ, ex hoc casu priuato. Ad 4. dico quod in hoc casu est legitima causa tacendi. Vnde cum rationes, pro secunda opinione facile solui possint, prima opinio videtur mihi probabilior. Neq; D. Subtilem, puto esse pro secunda opinione, nam loco citato sub secunda opinione, reddens rationem, propter quam Confessarius tenetur ad sigillum peccati, non solum pœnitentis, sed etiam complicitis, Subdit. *Quia etiam confitens vult famam persone, cum qua peccauit saluare, id est deberet velle sicut sui, imò eò magis &c.* Quando ergo dicit (deberet) videtur loqui de eo, qui reuelauit complicem in confessione, etiam si non debebat, de eo enim tenetur confessarius ad sigillum, sicut de principali, etiam si non debebat reuelari, sicut de pœnitente principali. Hinc

**COLLIGE** Si filius sciat, matrem suam esse grauidam ex adulterio, eiq; porrigat venenum ad extinguendum fœtum, non tenetur in confessione nominare matrem, sed sufficiet si pœnitens peccatum suum confitendo dicat, se quandam personam sibi valde conjunctam, tali vel tali detrimento affecisse, non nominando matrem, & hoc juxta primam opinionem.

**QVÆRES III.** An confiteri partialiter diuersis confessariis, pugnet contra integritatem confessionis?

*Diuerfa diuersis confiteri dupliciter contingit*

**NOTA.** Dupliciter potest aliquis diuersis confessariis, diuersa peccata confiteri. Primo. Si quis vni confessario, aperiat mortalia aliqua, & aliqua mortalia grauiora reticeat, & reseruet alteri confitenda. Secundo. Quando aliquis mortalia omnia confitetur alteri, ad ordinarium verò accedit cum solis venialibus.

*Mortalia non*

**DICO I.** Si quis priore modo occultet mortale peccatum, (cum ei non immineat vllum damnum, nec spirituale, nec corporale) coram



ram ordinario, etiam si habeat animum aperiendi illud alteri, peccat mortaliter contra integritatem confessionis. Ratio est quia vnum peccatum, non potest dimitti, absq; alio, vt docet D. Subt. in 4. dist. 17. q. 1. Ergo si quis confiteatur aliqua peccata vni confessori, & alia committat, absolutio Sacerdotis non valet, & poenitens non consequitur remissionem peccatorum: nam Sacerdotes sunt veri iudices, qui non possunt aliter ferre sententiam, nisi singula peccata intelligant, de ignotis enim iudicium ferri non potest. Adducit D. Subt. auctoritatem S. Augustini contra tales, qui libro de vera, & falsa poenitentia, inquit. *Quidam enim vni celant, quod alij manifestandum curant, quod est se laudare, & ad hypocrisim tendere, & semper veniam carere, ad quam credunt per frustra totam peruenire.*

DICO 2. Si quis confiteatur vni prius omnia mortalia, postea accedat ad ordinarium cum venialibus, non facit contra integritatem Sacramenti per se. Probat. Quia sic agere, non est diuidere confessionem, sed est pluribus, plures confessiones facere: nemo autem tenetur, coram eodem confessario repetere peccata, quae coram alio rite est confessus. Confirmatur Quia in tali facto, nulla grauis injuria irrogatur Sacramento, peccatum tamen veniale in hoc facto interuenit, quia procedit ex amore proprio, & studio conseruandi bonam aestimationem: neq; hic committitur hypocrisis, vt volunt Soto, & Syluester, quia id fieri potest bona intentione. Hinc

COLLIGE. Per accidens hoc modo diuidere confessionem, potest esse peccatum mortale. Primò Si quis determinatè esset paratus, peccatum mortale potius tacere, quam ordinario suo confessario aperire, si alium non haberet. Secundò Si ejusmodi poenitens permaneret in aliqua occasione peccandi mortaliter, eamq; occultaret ordinario, tunc enim esset defectus integritatis debitae, non ex eo capite, quòd is sit confessus alteri, sed ex eo quòd ordinario suo, non dicat omnia, quae ad ipsum iuuandum sunt necessaria.

### ARTICVLVS III.

*Vtrum non confiteri ea, quae homo facit contra conscientiam erroneam, dubiam, & scrupulosam pugnet contra integritatem Confessionis?*

NOTA 1. Conscientia propriè, juxta D. Subt. in 2. dist. 39. est notitia iudicatiua, vel adhæsiua actualis, vel habitualis acquisita, conclusio

*licet dimittat.*

*Venialia & mortalia, licet dimittantur.*

*Per accidens diuidere est mortale.*

*Conscientia quid?*



sionis deductæ ex principiis practicis vniuersalibus dictans in particulari, aliquid bonè, vel malè, moralitèr agendum, vel actum esse. Dicitur (notitia) quia pertinet ad intellectum, non ad voluntatem. Dicitur (Adhæsua) quia non sufficit, quòd sit apprehensua.

**DICES.** Si conscientia pertineret ad intellectum, sequeretur, quòd qui plus sciret, esset plus conscientiosus, quod tamen est falsum. Respondet D. Subt. loco citato, Quòd reuera, qui est plus sciens scientia practica, est etiam magis conscientiosus, & idè si aliquis sciens, non habet conscientiam, reuera non est sciens, sed apparet sciens, nam ratio excæcatur à malitia, ac proindè, non habens conscientiam, non est sciens, sed excæcatus, & quò minus habet conscientiam, eò magis est excæcatus. Confirmat id ex 7. Ethic. cap. 3. vbi inquit Aristoteles, *Quod in passionibus existentes, quidam dicunt verba enigmatica, sciunt autem nequaquam.* Hinc

**COLLIGE 1.** Conscientiam propriè significare dictamen rationis, quo recta ratio, dictat aliquid faciendum, vel fugiendum esse.

*Synderesis  
quid?*

**COLLIGE 2.** Synderesis est habitus principiorum practicorum: conscientia verò est habitus conclusionis practicæ, cujus actui, actio recta, debet conformari in agibilibus, ita D. Subt. in 2. dist. 39. q. 2. num. 4.

*conscientia  
recta*

**NOTA 2.** Conscientiam esse multiplicem. Rectam, erroneam, dubiam, probabilem, & scrupulosam. Conscientia recta, est illa, quæ

*Erronea*

dictat, & iudicat, quod est verum. Erronea, quando iudicat, & credit id, quod est bonum esse malum, & malum bonum, vt si quis iudicaret

*Dubia*

feria 6. vesperi parùm panis sumere, esse peccatum mortale. vnde idè dicitur erronea, quia contingit eum errore intellectus. Dubia est illa,

*Probabilis*

quæ neq; assentit, neq; dissentit sed anceps manet, & in æquilibrio.

*Scrupulosa*

Probabilis est illa, quæ assentitur, & adhæret vni parti, sed cum timore & formidine partis oppositæ, quâ timet partem oppositam esse veram.

*Conscientia  
erronea obli-  
gat.*

Scrupulosa est illa, quæ vni parti adhæret cum formidine partis contrariæ, orta ex leui motiuo, & miu's sufficienti fundamento.

**DICO 1.** Cum conscientia erronea, obliget ad faciendum id, quod ipsa conscientia faciendum dictat, per modum præcepti, & non solum per modum consilii: consequenter, faciens aliquid contra conscientiam erro-

neam & si hoc non confitetur, facit contra integritatem confessionis. Prima pars à D. Subt. in 2. dist. 39. q. 21. Probatur 1. autoritate S. Pauli ad Rom. 14. vbi inquit *Omne quod non est ex fide, peccatum est.* id est,

secun-



secundum Glossam. Omne quod est contra conscientiam, peccatum est. Ratione probatur 1. Quia quotiescunq; voluntas facit actum malum, seu contra rectam rationem, & prohibitum aliquâ lege, peccat. sed cum voluntas facit actum illum quem conscientia dicit esse malum, licet per se non sit malus errat, & facit malum, quia est malum per accidens. Probatnr 2. Quia bonum, vel malum, non imputatur nostræ voluntati, quia in se sit bonum vel malum, sed quia proponitur voluntati, ut bonum, vel ut malum. Vnde voluntas redditur culpabilis, & imputatur illi ad peccatum quia apprehendit malum esse malum, & tamen vult facere illud, (si verò adsit ignorantia, non peccat,) & apprehendit bonum esse bonum, & faciendum, & tamen non vult illud facere. Quare cum ratio, & conscientia iudicat, aliquem actum, qui est bonus, esse malum, & esse fugiendum, voluntas tenetur illud fugere, quia sibi proponitur, ut malum. Similiter, si iudicat aliquem actum malum, esse bonum, & esse prosequendum, tenetur illi obedire, quia proponitur, ut bonum, & est bonum per accidens, licet in se, non sit bonum. Vnde, pro tanto actus præceptus à lege Divina, obligat nos, & transgressio illius imputatur ad peccatum, pro quanto ratio iudicat actum illum esse præceptum à lege Divina, & nos obligare: & ex hac ratione, tenetur voluntas obedire, & si non obediat, peccat.

DICES Nullus tenetur ad malum. Ergo conscientia erronea, non obligat ad faciendum, quod dicit, alioquin ad malum obligare videretur.

RESPONDEO Nullum teneri ad malum formaliter, ad malum verò materialiter, aliquando teneri, præsertim, quando conscientia erronea est invincibilis, & dicit aliquid esse faciendum, quod reipsa malum est, cum non cognoscat illud esse malum, & ignorantia invincibilis excusat à peccato: conscientia verò vincibilis, non excusat à peccato, sed obligat, ne fiat contra id, quod ipsa conscientia dicit, hoc autem eveniet ipsam deponendo; cum in nostra potestate sit conscientiam vincibilem deponere.

Hinc

COLLIGE 1. Eum qui facit aliquid, quod non est peccatum, putans ex conscientia erronea esse peccatum, peccare, nisi deponat conscientiam erroneam, & credat illud hic, & nunc, dum illud facit, non esse peccatum, nam non solum ille, qui facit, sed qui putat se aliquid facere, contra voluntatem DEI, peccat.

X

COL

*Ad malum  
materialiter  
per aliquam  
de obligationem*



Magis obli-  
gat consci-  
entia erronea  
quàm præ-  
ceptum su-  
perioris.

**COLLIGE 2.** Conscientia inuincibiliter errans, magis obligat, quàm præceptum superioris, secus, si conscientia vincibiliter erret.

**COLLIGE 3.** Qui facit aliquid, contra conscientiam erroneam, falsò credens esse peccatum, committit peccatum, illius speciei, quam conscientia apprehendit, quia censetur habere affectum, ad peccatum talis speciei. V. G. qui expuit in pavementum templi, credens committi peccatum irreuerentiæ, & sacrilegij, committit peccatum sacrilegij, si reipsa expuat in terram. Secunda pars constat ex præcedenti Articulo.

Conscientia  
dubia obli-  
gat.

**DICO 2.** Qui cum conscientia practicè dubia, aliquid operatur, peccat, peccato ejusdem speciei, cujus est peccatum, de quo dubitat. Probatur. Tùm quia qui facit aliquid dubitans esse turpe, & malum, censetur quantum in se est, velle malum, vult enim illud ea ratione, quâ ipsum apprehendit. Tùm quia operans cum dubio peccandi, exponit se periculo peccati, de quo dubitat, qui autem exponit se periculo peccati, peccat, juxta illud Eccl. 7. *Qui amat periculum, peribit in illo.* Vnde D. Subt. q. 2. *Prologi in responsione ad ultimum*, Regulam hanc tradit, quâ homo se gerere debeat in re dubia, an sit peccatum mortale, *Debet abstinere ab ea, & expectare, quousq; veritas pateat, aliundè.* Hinc

Regula pro-  
dubis

**COLLIGE.** Eum qui dubitat, num votum Deo fecerit, vel quidpiam jurauerit, aut alteri promiserit, posse tutò judicare, se non vouisse, neq; jurasse, neq; promisisse, in his, enim vel similibus casibus, melior est conditio possidentis, ita Sotus lib. 2. *de justitia* q. 3. Sanchez lib. 2. *disp.* 41. n. 32. Multi alii tenent, in his, & aliis dubiis, tutiorè partè esse eligendâ.

Contra scrupulum  
licitum est age-  
re imò obli-  
gatorium.

**DICO 3.** Licitum esse agere, contra scrupulum, & conscientiam scrupulosam, & consequenter agens, & hoc non confitens, non facit contra integritatem confessionis. Probatur. Quia in scrupulo homo solet judicare actum esse honestum, vel probabile esse, quòd sit honestus omnibus pensatis, hoc autem sufficit, vt non peccet. Adjunt aliqui Doctores, non solum esse licitum, & laudabile, agere contra scrupulum, sed etiam obligatorium, cum nimirum, aliquis graue damnum, ex hujusmodi anxietatibus, & scrupulis, quod plerumq; contingit, incurreret.

**QVÆRES I.** Quando scrupulosus animus cognoscatur, & quæ sint causæ scrupulorum?

Scrupulus  
quid?

**NOTA 1.** Scrupulus, est lenis quædam suspicio, aut existimatio, orta ex leuibus fundamentis, quâ quis credit aliquid esse peccatum, quod reuera non est; Dicitur scrupulus metaphoricè, eò quod conscientiam pungat, & cruciet instar lapilli exigui, in calceo latentis, qui pedem laedit, & vexat.

**NOTA**



NOTA 2. Scrupulos aliquando esse, circa peccata præterita, vt cum quis angitur, an integrè, vel cum dolore, vel proposito debito, peccata confessus fuerit, ad conuocando dubia, & anxietates, num quis tentationi consenserit, de luxuria, inuidia &c. Item anxietates in oratione, in sacro, an attentus fuerit, an integrè dixerit, an intentionem habuerit. Aliquando circa peccata in futurum cauenda, vt cum dubitatur passim, an hoc vel illud liceat facere. Aliquando aliqui scrupulis vexantur dubitantes, an non sint excommunicati, irregulares, an sint verè baptizati, confirmati, ordinati, an fecerint votum &c. in his & similibus, cum est assensus, & iudicium saltem probabile pro vna parte, pro alia verò levis solum suspicio cum timore, & anxietate, scrupuli sunt, & conscientia scrupulosa.

*Circa quid  
oriuntur scrupuli.*

DICO 1. Scrupulosum ex eo cognosci, quòd in vna aliqua materia, vel in pluribus, sæpè dubitat, absq; ratione, vel ex leui aliqua conjectura, seu indicio, & motiuo.

*Scrupulosus  
quis*

DICO 2. Ex multis causis scrupuli oriuntur. Primò ex ignorantia, per quam homo, nequit discernere, verum à falso. 2. Ex scientia, vel ingenij acumine, quibus excitat difficultatem, sed non habet principia sufficientia ad eam resoluendam. 3. Ex melancholia, per quam homo timidus efficitur, timetq; vbi timendum non est. Quare scrupulosus in aliena causa optimè, & sine formidine iudicat, in sua verò causa, minimè. 4. Ex suggestionem dæmonis, cuius proprium est laqueos, & angustias in animam inducere. 5. Ex nimia maceratione corporis, vt ex jejuniis, vigiliis, quæ ita cerebrum exsiccant, vt mentem conturbent, scrupulosq; pariant. 6. Ex consuetudine, exemplo, & conuersatione cum scrupulosis. 7. Ex superbia, quæ sicut omnis peccati fons meritò nuncupatur, ita etiam aliquando, & scrupulorum. Deniq; ob peccatum alicuius peccati, vel ob salutem, & majus bonum hominis, Deus interdum vexari animum ejus permittit.

*Causa scrupulorum.*

QVÆRES II. Quæ sunt remedia contra scrupulos?

RESPONDEO Multa à Doctoribus assignantur. Primū est, vt si ex causa naturali scrupuli oriantur, talis causa auferenda, sublata enim causa tollitur effectus. Quare si oriantur ex melancholia, & nimia maceratione, occurrendū melancholiz, & macerationi. 2. remediū est, oratio propria humilis, vel aliorū, nam omne donum optimū desursum est, à patre luminū. 3. Est vt confessarius pœnitenti, qui scrupulis vexatur, præcipiat, ne credat aliquid esse mortale, seu mortaliter se peccasse, seu se

*Remedia  
contra scrupulos.*

con-



consensum præbuisse, nisi hoc ipsi omnino constet; nam scrupulosus, qui se nouit scrupulosum, rationabilem habet causam, opinandi illos esse scrupulos. Addo; aliquem posse aliquando ita scrupulis agitari, ut ei consulendum sit, ne credat aliquid esse mortale, aut se mortaliter peccasse, nisi hoc ipsi ita constet, ut hoc valeat asserere cum iuramento. 4. est, ut scrupulosus, stet dictis Confessariis, vel superioris, vel alterius probi, & docti viri, illiq; obediat, talium enim virorum, consilium & maximè pij, & docti confessarii, sufficientem præbet rationem deponendi scrupulos. Refert Azor lib. 2. c. 20. q. 6. scrupuloso cuidam amicum post obitum apparuisse, à quo cum de ijs, quibus agebatur scrupulis sententiam rogaret. responsum accepit. *Vade, & consule viros bonos & doctos, & eorum monitionibus, & consiliis acquiesce.* 5. Remedium, ut scrupulosus calcet eam viam, quæ scrupulis in animam aditus patet: vnde si quis tali scrupulo vexetur, quod expuere in terram, vel loqui in necessitate cum hominibus sit peccatum, sapius expuat, & loquatur. 6. Ut scrupulosus paruipendat argumenta, quæ nascuntur ex scrupulis, nec ad scrupulosos, vel eorum rationes attendat. 7. Ut scrupulosus teneat Regulas generales. V. G. peccatum mortale non esse, nisi ubi est aduertentia plena rationis, & consensus perfectus, ut dixi præcedenti *Quest. art. 3.* Deinde quod possit tuto teneri opinio probabilis, relicta probabiliore.

## ARTICVLVS IV.

*Vtrum Confessio, debeat esse fidelis?*

*Confessio debet esse fidelis.*

Dico 1. Confessio debet esse fidelis, id est, vera, & sine mendaciis. Ratio est, quia Confessio non est integra, cum mendacium in Confessione siletur.

Dico 2. Non inuvalidatur confessio per hoc, quod aliqua non necessaria, sed vera admisceantur. Ratio est, quia hoc non obstante sunt omnia requisita ad substantiam, & effectum hujus Sacramenti, potest tamen in hoc casu committi peccatum veniale ob irreuerentiam.

*Detractio admissa in Confessione inuvalidat illam.*

Dico 3. Si in confessione admisceantur, vera quidem, sed non necessaria, & conjuncta cum peccato mortali, ut si aliquis detrahatur alicui in confessione mortaliter, confessio illa erit inuvalida. Ratio est quia hoc Sacramentum est inuvalidum, quoties in illo actuale mortale peccatum committitur. Sed hic, & in tali casu committitur. Ergo &c.

Dico 4. Peccat mortaliter, qui confitetur peccatum veniale, quod non



non commisit, si illud solum sit materia absolutionis. Ratio est quia tunc ex defectu materiae, sit sacramentum nullum, culpa poenitentis.

Dico 5. Qui peccatum mortale, quod reuera non commisit, falso sibi affingit, illudq; confitetur, peccat mortaliter, & inualidum reddit Sacramentum. Ratio est, quia in tali casu perniciosum committitur mendacium, cum Confessarius in re graui decipiatur. Hinc

COLLIGE 1. Posset esse vel solum veniale peccatum, affingere aliquod mortale in confessione, idq; per accidens. V. G. ratione ignorantiae, vel bonae fidei, ut accidit in simplicibus, & deuotis, qui putant se rem bene facere, si plura dicant, quam commiserint. Ratio est, quia sicut in aliis materiis ignorantia inuincibilis, & bona fides a peccato excusat, ita & in hac materia Confessionis. Ita Suarez *disp. 22. Sect. 10.*

COLLIGE 2. Si in confessione admisceatur aliquod falsum, sed nullo modo pertinens ad materiam illius, non inualidatur confessio.

Dico 6. Qui vel omitteret vltro peccatum mortale, nunquam antea in confessione absolutum, vel de eo rogatus a Confessario negaret, is peccaret peccato sacrilegij, & faceret Sacramentum inualidum. Ratio est, quia non faceret integram confessionem: secus de venialibus.

Dico 7. Qui interrogatus a Confessario de peccato veniali, an illud commiserit, respondet, se non commisisse, etiam si verè commiserit, non peccat. Probat. Quia iudex non juridicè interrogat, interrogando de rebus, quae non necessario dicenda sunt in hoc foro. Hinc

COLLIGE Quando peccator non recordatur peccati mortalis, quod commisit ejusnam speciei fuerit, tenetur illud in comuni confiteri, dicendo quaecunq; & quotiescunq; certum si scit, incommuni certum; dubium, si dubium, si autem ei species illa certa, venerit in mentem, tenebitur iterum illam confiteri.

# ARTICVLVS V.

*Vtrum sit de necessitate Sacramenti secreta confessio?*

Dico Confessio per se loquendo, facienda est secreto. Ratio est, quia hoc rationi est consuetaneum, & non alienum a praecepto Diuino, & naturali, ut ait Trident. *Sess. 14. cap. 5.* nam publicare peccata sine iusta causa, videtur juri naturae aduersari. Tum quia usu receptum est, ut Confessio secreto fiat, & soli Sacerdoti. Ergo.

Dico 2. Confessio secreta, non modo est laudabilis, sed etiam ista conditio Secreta, est de essentia confessionis, ita ut si omittatur, confessio

Qui mortale  
le confitetur  
quod non  
commisit  
peccat.

Affingere sibi  
mortale  
quando non  
est peccatum.

Nota

Confessio secreta  
facta  
enda



*Et sic secreta  
est essentialis  
Confessione.*

Confessio non sit Sacramentalis, sed confessio, quam quis facit in vindictâ, & pœnam, propriorum peccatorum, & ad sui humiliationem; nam licet Christus Dominus confessionem publicam, non prohibuerit, non tamen dixit esse Sacramentalem. Est D. in 4. dist. 17. q. unica ad 3. Probatur 1. Præceptum confessionis, intrinsecè includitur in institutione Sacramenti Pœnitentiæ. Sed non quæcunq; confessio, sed sola secreta, potest cadere sub huiusmodi præcepto. Ergo sola confessio secreta, est de institutione huius Sacramenti. Ergo sola confessio secreta est sacramentalis. Major constat ex institutione Sacramenti. Minor probatur. Præcepta legis Diuinæ positiuæ, non destruunt, nec tollunt, præcepta legis naturæ, sed illa confirmant, & declarant. Sed confiteri peccata publicè, est contra legem naturæ, quia vnusquisq; tenetur tueri famam suam, & contra charitatem erga seipsum. Ergo confessio, quæ est Sacramentum institutum à Christo Domino, est confessio secreta, non publica: Minor patet, quia licet aliquando propter majus bonum, possit negligi fama, non tamen licet, reuelare ordinariè peccata sua, & sic non est dicendum, pœnitentiam publicam, includi in institutione confessionis sacramentalis, alioquin in casu, quo quis non posset confiteri secretè, posset tamen publicè, teneretur ad Confessionem publicam; quod est falsum.

*Nota hanc  
rationem.*

COLLIGE Neminem teneri ad Confessionem per interpretem, vt ait D. loco citato, quia talis confessio, ex natura sua posset venire in publicum, & sic non est Sacramentalis; & hoc maxime verum est, quando timetur interpretem, non esse idoneum secretarium: & in tali casu, si non possit alio modo, confiteri, confiteatur soli Deo, cum proposito confitendi confessori idoneo, oportunitate oblata. Aut certe dicendū est, quod confessio per interpretem est secreta, quia interpret tenetur ad sigillum sicut Sacerdos.

2. Probatur peccata publicè confessa, non pertinent ad forū internū, sed ad externum; Atqui omnia peccata tam publica, quàm priuata, solum quatenus occultè confessa, pertinent ad hoc forum. Ergo absolutio publica, non est Sacramentalis, sed est Ecclesiastica, seu fori publici, vt Episcopalis, & similitum, & tamen valida coram Deo. Confirmatur 1. ex Tridentino Sess. 14. cap. 5. vbi dicitur. *Non esse Diuino præcepto mandatum, nec satis consultè humana aliqua lege præciperetur, vt delicta præsertim secreta, publica essent Confessione aperienda.* Ergo sola Confessio secreta

cadit



cadit sub præceptum. Confirmatur 2. Sicut Sacerdos obligatur ad secretum confessionis seruandum, sub peccato mortali, ita etiam ad audienda peccata secretò; ita habetur *in iure in cap. utriusq; sexus*: ubi soli Sacerdoti præcipitur, peccata esse aperienda. Hinc Nauarrus in *caput Sacerdos de penitentia Dist. 6. numero 109.* damnat Sacerdotes, qui plures simul pueros audiunt, vel alios confitentes, si sint sacramentaliter absoluedi.

DICES. Ad Confessionē Sacramentalem, sufficit confiteri peccata sua, cum cordis dolore, ita ut Sacerdos illa percipiat: Sed hoc fieri potest, ita per confessionem publicam, sicut, & secretam. Ergo publica est Sacramentalis.

RESPONDEO Præter istas condiciones, ut manifestet peccata, & cum dolore cordis, requiritur ad Confessionem Sacramentalem, ut sit secreta, quia hoc requiritur, ex interna institutione ipsius, ut est Sacramentalis, unde & Concil. Tridentinum, vocat confessionem secretam Sacramentalem, non verò publicam.

DICES 2. Confessio publica est valida, quia in illa peccata remittuntur. Ergo. RESPONDEO. Data est potestas absoluedi, in utroq; foro, & sic illa absolutio valet etiam in coelis, sicut & Sacramentalis, non tamen est Sacramentalis, quia in tali casu Sacerdos, non absoluit poenitentem, ut minister Sacramenti, sed ut iudex, & minister publicus in foro exteriori.

NOTA hic. Aliqui Scotistæ exponunt mentem Doctoris Subt. dicentis Confessionem publicam, non esse Sacramentalem, id est obligatoriam, & hæc expositio acceptanda, quia quòd publica sit Sacramentalis, id est habens omnia necessaria ad Sacramentum poenitentiae, euidenter constat.

## ARTICVLVS VI.

*Virum Confessio debeat esse obediens, seu parere parata?*

DICO Confessio talis esse debet, ut poenitens paratus sit morē gerere, & obedire Confessario, in his, in quibus tenetur obedientiam præstare, ut in vitandis occasionibus, in restitutione faciendâ &c. Ratio est, quia in iudicio emendatiuo, necesse est, ut reus paratus sit læso satisfactionem exhibere. Sed poenitentiae Sacramentum exercetur per modum iudicii emendatiui. Ergo poenitens debet esse animo paratus ad satisfaciendum DEO, quem suis læsit criminibus.

*Confessio debet esse obediens*

Y

NOTA



**NOTA.** Hæc conditio, inquit Doctor, sic intelligitur, non quòd accedens ad Confessionem, teneatur habere voluntatem suscipiendi pœnitentiam à Sacerdote pro peccatis suis, quia inquit, si pœnitens habeat istas condiciones, nimirum displicentiam de peccato, & propositum abstinendi, & propositum recipiendi, œna n infligendam pro peccatis suis à Deo, hic, vel in Purgatorio, licet non vellet recipere ullam pœnitentiam sibi oblatam à Sacerdote, esset citius absolvendus, quàm repellendus; sed debet intelligi sic, quòd habeat propositum obediendi Confessori in seruando, vel soluendo illam satisfactionem, quàm voluntariè suscipiet ab ipso impositam, ita vt peccet mortaliter, si nolit illam acceptatam seruare, & si confiteretur sine hoc proposito, confessio esset nulla.

## QVÆSTIO V.

### Quando est iteranda Confessio?

*Quando ite-  
randa est  
Confessio*

**DICO I.** Ex defectu Pœnitentis, iteranda est Confessio. 1. quando Pœnitens culpabiliter mortaliter, non confiteretur integrè, vel reticendo voluntariè peccatum mortale, aut non præmittendo debitum examen conscientie, aut cum confiteretur Sacerdoti dormienti, vel surdo. 2. Quando aliquis non habuit debitum dolorem. 3. Quando Pœnitens non habet animum delerendi statum, & occasionem proximam peccandi mortaliter. 4. Qui voluntariè prius absolvitur à peccatis, quàm ab excommunicatione, excommunicatus enim priuatur susceptione Sacramentorum, secùs dicendum, si absq; culpà suà, prius absolua-tur à peccatis quàm ab excommunicatione. 5. Quoties mortaliter peccat in actuali susceptione Sacramenti. 6. Qui maiorem numerum peccatorum mortalium, mala fide expressit, tenetur repetere confessionem. Ratio conclusionis est. Tùm quia Christus Dominus instituit, & præcepit confessionem fieri integrè, saltem formaliter. Sed in prædictis casibus, deficit integritas formalis. Ergo. Tùm quia illa nō est vera, & valida confessio, in qua committitur mortale sacrilegium, & in qua desideratur dolor debitus. Sed in prædictis casibus hoc committitur. Ergo. Hinc

**COLLIGE** Qui aliquod peccatum mortale in Confessione prætermisit, putans non esse mortale, etiamsi fortè ob ignorantiam vincibilem, non fuerit excusatus à mortali, quando peccatum commisit, ex-cula-

*Nota diligē-  
ter.*



cusatur ab iteranda Confessione, satisfaciq; repetendo peccata pratermissa. Ratio est, quia ignorantia, quæ respectu actus peccati fuit vincibilis, possit esse inuincibilis, respectu omissionis in confessione, vt patet de numero omisso peccatorum, & circumstantiis.

**COLLIGE 2.** Pœnitens qui cogitur Confessiones repetere, non semper tenetur omnes, & singulas, maximè illas quas bona fide fecit, præmisso examine.

**COLLIGE 3.** Qui dubia pro certis, & certa pro dubijs confitetur bona fide, tenetur comperto errore, certa vt certa, & dubia vt dubia, iterum fateri. Ratio est, quia hic interuenit error, circa substantiam materiæ confessionis necessariam, aliud enim debet esse iudicium de peccato dubio, aliud de certo.

**DICO 2.** Ob defectum Confessarij, iteranda est Confessio, quoties Confessarius deficit in essentialibus. 1. Si careat Jurisdictione, sine qua sententia lata, & iudicium usurpatum, non subsistit. 2. Si non habeat debitam intentionem. 3. Si non vtatur forma à Christo Domino determinata. *Inde*

*Ob defectum Confessarii quando iteranda confessio.*

**COLLIGE** Sacerdotem ordinatum, verè tamen non baptizatum, non valide absolvere, quodlibet enim Sacramentum, præsupponit Baptismum tanquam januam omnium Sacramentorum.

**COLLIGE 2.** Confessio facta Sacerdoti excommunicato vitando, valida est, qui tamen communi errore, & titulo colorato, præsumebatur legitimus Confessarius, in illo loco, vbi facta est confessio; quia Ecclesia supplet jurisdictionem, quam supplere potest, vt ex lege *Barbarius* constat, ff. de officio pratoris.

**COLLIGE 3.** Qui confitetur distinctè omnia peccata Sacerdoti rudi, bona fide, etiamsi post confessionem, cognoscat eum nesciuisse distinguere inter peccata mortalia, & venialia, non tenetur confessionem repetere, dummodo Sacerdos habuerit facultatem absoluedi. Ratio est, quia talis obtinuit absolutionem Sacramentalem, ab habente facultatem absoluedi, & plenè sua peccata, vt suppono, manifestauit, nec obicem posuit valori Sacramenti. Ita Sylu: *Verbo confessio*. Corduba, & alii.

**DICES** Qui confitetur rudi, perinde ac si dormienti, & furdo; Sed his non valet. Ergo nec rudi valebit. **RESPONDEO.** vera est maior, si sit rudis adco, vt nulla omninò ratione agnoscat grauitatem



tem peccati, secus dici debet, si Sacerdos aliqua ratione cognoscat peccati gravitatem, licet in particulari, nesciat discernere, & distinguere species in particulari.

*Qui iterat inualidam, tenetur omnia peccata recitare.* COLLIGE 4. Qui confessionem invalidam iterat, tenetur omnia peccata repetere, quoties confessio iteratur apud distinctum Confessarium: secus dicendum, si apud eundem, modo iste Confessarius, aliquo modo saltem inconfusus, & in generali recorderetur status pœnitentis, & peccatorum ejus, vel Pœnitentiæ injuncta. Ratio est, quia ut Confessarius judicet, & Sacramentalem absolutionem impendat, debet causam, & omnia delicta cognoscere, cum sententia, non sit ferenda, causa non cognita. Ita communiter omnes.

## QVÆSTIO VI.

Quibus de causis excusentur fideles à Confessione?

*Quando excusatur homo a Confessione.* DICO 1. Excusantur fideles ab obligatione confessionis, quoties absolute, aut sine gravi detrimento, nequeunt sua peccata confiteri, V. G. qui non habet, neq; habere potest copiam Confessarii, aut qui timet revelationem peccatorum, aut aliud grave detrimentum, etiam famæ. Ratio est, quia nemo tenetur ad impossibile, neq; Christus Dominus aut Ecclesia, obligat eum gravi incommodo: *Jugum enim Christi Domini suave est, & onus leve*: ut constat ex supra dictis de integritate confessionis.

*An per scripturam possit fieri confessio.* DICO 2. Si Pœnitens non potest aliter confiteri, quam per scripturam (ut si Pœnitens careat lingua, vel confessarius sit surdus, aut Pœnitens non possit nutibus, aut alia ratione, quam per scripturam, explicare peccata sua) si commodè id facere potest, & sine ullo detrimento famæ, vel alicujus rei, tenetur per scripturam confiteri, quoties instat præceptum Dei, vel Ecclesiæ confitendi. Ratio est, quia qui tenetur ad finem, tenetur & ad media ordinaria, & commoda conducunt ad talem finem. Ergo &c. Norandum tamen hic est, hanc conclusionem esse veram quando confitens per scripturam est præsens, non quando est absens, quia absenti non potest dari absolutio, ut est Decretum Clementis VIII. Posset enim pœnitens mutari à bono proposito in malum, vel interim aliud peccatum committere mortale, & sic non esset in statu, quo absolutio valeat. Tum quia Confessio Sacramentalis est secreta, ex sua institutione, ideo debet esse auricularis.

DICO



DICO 3. Eum qui non nisi per interpretem confiteri potest, excusari à præcepto confessionis, etiam in articulo mortis, nisi forte pœnitens in tali euentu nequeat actum contritionis elicere. Probat. Quia fideles non obligantur ad confessionem publicam, vt constat ex Trident. Sess. 14. cap. 5. sed solum ad confessionem secretam, & auricularem. Sed Confessio, quæ fit per interpretem, non est secreta. Ergo. Si tamen non posset elicere actum contritionis in articulo mortis, teneretur confiteri per interpretem, quia tenetur, quantum potest, adhibere media ad salutem propriam. vel certè per nutus, & signa deberet confiteri.

*Per inter-  
pretem quæ  
do confessio  
obligat.*

QVÆRES I. Vtrum signa contritionis, vel desideratæ Confessionis sufficiant ad absolutionem Sacramentalem?

DICO 1. Certum est apud omnes Theologos, absolutionem illi ægro dandam esse, qui in præsentia Sacerdotis, dedit aliquod signum in specie peccati: immo, etiam si nullum in specie peccatum explicet per signum, sed solum in genere danda est illi absolutio sub conditione. *Ab-  
soluo te, si possum, vel si hæc signa, sunt sufficiens materia Sacramenti Pœni-  
tentia.* Ratio 1. partis est, quia vt voce humana fiat Confessio, non est de essentia Pœnitentiæ. Ergo potest fieri per nutus. Notandum tamen est, vt æger existens in articulo mortis explicet, vel voce, vel nutu aliquod peccatum in specie, saltem veniale, curare debet Sacerdos; quod faciliè Confessarius consequetur, si roget pœnitentem de verbis ociosis, mendacio, negligentia in oratione, & suggerat illi, vt annuat capite, vel manum Sacerdotis comprimat, aut pectus percutiat &c 2. partis ratio. Quia signa contritionis, manifestant contritionem de peccato. Sed signa in genere, sunt signa contritionis. Ergo.

*Signa data  
à pœnitente  
quæ sunt ma-  
teria suffici-  
ens absolu-  
tionis.*

DICO 2. Potest dari illi ægro absolutio, qui in absentia Sacerdotis, vel voce, vel nutu petiit confessionem, etiam si tunc eum venit Sacerdos, jam sensuum, aut vsu rationis, sit priuatus, dum modo eum, id voluisse testentur aliqui fide digni, & non constet ab eo hanc voluntatem fuisse retractatam. Ita Suarez Diss. 23. sect. 1. Zambranus Tolerus & alii. Ratio est, quia in tali casu, verè datur materia absolutionis, præsertim si aliquod peccatum specificauit coram testibus: vel etiam si nullum in specie, sed solum in genere specificauerit, danda est illi absolutio sub conditione; vel sub intellecta, vel expressa.

Y3

QVÆ



*In mutorū  
Confessionibus  
quid faciendum?*

QVÆRES II. Quid in mutorum confessionibus faciendum?

DICO 1. In articulo mortis de mutis idem iudicium sit, quod de aliis dictum est, superiori Quæsito, nimirum satis esse demonstrare signo peccatum aliquod, vel in specie, vel in genere.

DICO 2. Extra Articulum mortis, non sufficit muto declarare se esse peccatorem in genere, sed requiritur, ut in specie, saltem aliqua peccata explicet. Ratio est, quia multa peccata per nutus exprimi possunt, cum multa subtilia tales exprimere valeant. Quod si nutus confessarius, non intelligat, adhibeat interpretem, in articulo mortis, quem ad servandum sigillum obliget. Quod si non sit interpret, nec confessarius nutus intelligat, omnes, absolvens est mutus saltem tempore præcepti, quia impotentia loquendi, excusat ab integritate materiali confessionis. Idem dicendum de eo, qui loquitur eo idiomate, quod à Confessario, non bene percipitur, modo non sit alius Sacerdos, qui sciat illud idioma.

## DISPUTATIO VI. De Satisfactione Sacramentali?

Præsens Disputatio in quatuor Quæstiones diuiditur. In 1. tractabitur de satisfactione in communi, & in particulari. In 2. de obligatione Confessarij, circa pœnitentiam injungendam. In 3. de obligatione Pœnitentis respectu Pœnitentiæ recipiendæ, & adimplendæ. In 4. de potestate Confessarij, circa commutationem Pœnitentiæ.

### QVÆSTIO I. Quid sit Satisfactio?

Quæstio hæc diuiditur in Articulos 5.

- In 1. quæretur, vtrum remissa culpa per absolutionem Sacramentalem, remaneat pœna exoluenda per satisfactionem?
- In 2. Quid sit satisfactio Sacramentalis, & an reconciliet DEO?
- In 3. Vtrū cuilibet peccato actuali mortali, correspondeat satisfactio propria?
- In 4. Vtrum opus, per quod fit satisfactio debeat esse pœnale?
- In 5. Vtrum habens plura peccata, possit satisfacere pro omnibus, vel tantum pro vno, & non alio?

ARTI-



ARTICVLVS I.

*Vtrum remissa culpa per absolutionem Sacramentalem, remaneat pœna exoluenda per satisfactionem?*

Negat Lutherus, nam inquit Christus Dominus abundè satisfecit pro omnibus, in sua passione, & sic facit illi injuriam, qui aliam satisfactionem dicit esse necessariam, aliàs ejus satisfactio, esset insufficiens: ex qua hæresi, nata est alia, tollens purgatorium. Pro intelligentia.

Error Lutheri.

NOTA. Culpam à pœna, necessario distingui, quod apertè colligitur ex SS. literis, Threnorum 1. *Patres nostri peccauerunt, & non sunt, & nos iniquitates eorum portauimus.* vbi iniquitas sumitur pro pœna; quod ex capite 18. Ezech. elucet; *Filius non portabit iniquitatem Patris.* His accedit illud, Exod. 28. *Portabitq; Aaron iniquitates eorum, quæ obtrulerunt, & sacrificauerunt filii &c.* Clarum est hujus rei exemplum 2 Reg. 12. vbi legitur, David peccasse, quia fecerat inimicos blasphemare nomen Domini, idèd filius paruulus mortuus est, vt restatur S. Scriptura in fine ejusdem libri. Confirmatur Exodi 20. dicitur. *Ego Dominus fortis, & zelotes visitans iniquitatem patrum, in filios, in tertiam & quartam generationem.*

Culpa à pœna distinguitur.

Dico itaq; Per absolutionem Sacramentalem, non semper remittitur tota pœna, sed plerumq; manet tota soluenda temporalis, per satisfactionem. Probat 1. ex Tridentino Sess 6. cap 14. vbi statuitur differentia inter Baptismum, & Pœnitentiæ Sacramentum, quod in Baptismo semper cum culpa, remittatur tota pœna, at per Sacramentum Pœnitentiæ, non semper, idèdq; imponitur satisfactio. Probat 2. Exemplis sacræ scripturæ, David post dimissam culpam, petit Ps. 50. vt ampliùs munderetur à peccato, & deleatur ejus iniquitas: idq; hoc petijt, post dictum sibi per Prophetam, *Dominus transtulit peccatum tuum.* Moyses Num 20 propter incredulitatem est punitus, vt non introduceret filios Israel, in terram promissionis. Zacharias, Pater S. Joannis Baptistæ Luc. 1. propter incredulitatem, mutus effectus, vsq; ad circumcisionem pueri. Magdalene quoq; dictum est, Luc. 7. *Remittuntur ei peccata multa, quoniam dilexit multum:* quo in loco juxta aliquos, non loquitur de remissione culpæ; quia gratis justificatur homo, ad Rom. 3. Ad fundamentum Lutheri Dico, Negando nos injuriam inferre, nostris satisfactionibus, satisfactioni Christi Domini, sufficientissima enim fuit illius satisfactio, à qua habent nostræ satisfactiones virtutem;

Manet sepe soluenda pœna.



Nota contra  
hereticos  
Merita Christi  
Domini  
ad quid?

tem; non enim ut heretici arbitrantur, Christus Dominus liberauit nos suâ passione, ab omni obligatione satisfaciendi nostris propriis operibus, sed effecit hoc suis meritis, ut opera nostra, ejus meritis innituntur, non solum, quia per illum habemus virtutem satisfaciendi, sed etiam, quia nostra satisfactio, propter ipsum acceptatur, & ut rationem justitiæ participet, in ejus satisfactione fundatur.

DICES 1. Debito soluto, non opus est solutione. Sed Christus Dominus pro nobis sufficienter soluit. Ergo non est necessaria nostra solutio.

RESPONDEO Ad Majorem. Debito soluto, non est opus solutione, sed solutionis factæ, applicatione, & acceptatione: Licet ergo Christus Dominus, hoc pretium pro omnibus persoluit, tamen Pater æternus, pro his tantum illud acceptat, qui se Filio suo per Sacramenta, & bona opera conjungunt; sicut igitur pharmacum à medico paratum, non prodest infirmis, nisi sumatur, ita & passio Domini in Sacramentis inclusa, nisi per Sacramenta adhibeatur.

a. Mat. 9.  
b. Luc. 7.  
c. Ioan. 8.  
d. Mat. 26.

DICES 2. Christus Dominus sine satisfactione, absoluit paralyticum a Magdalenam, b Adulteram, c Latronem, d Ergo Sacerdotes, non debent assignare satisfactiones, nam Christus Dominus est exemplar propositum ad imitandum Sacerdotibus. RESPONDEO. Nego antecedens, quia Publicanus sanatus, grabatum humeris gestauit, non veritus minas Phariseorum. Magdalena quoque, verecundo ingressu in cenaculum Phariseorum, lachrymis, quibus Domini pedes rigauit, capillis quibus terxit, & unguento, quo unxit, vehementique dolore, quo sacros Domini pedes osculabatur, satisfecit. Adulteram quoque, non legitur expresse Dominus absoluisse, sed mortis poena non condemnasse. Sed dato, quod ex illis verbis. *Vade, & jam amplius noli peccare*, colligatur eam absolutam à Domino fuisse, non tamen sine omni satisfactione, quia magno rubore, & metu fuit affecta. Latro poenâ crucis, actu intensissimo fidei, & amoris Diuini satisfecit. Vnde negatur & consequentia; quia ad potestatem Christi Domini pertinebat, Sacramenta instituire, virtutem Sacramentorum sine Sacramentis conferre, peccata sine absolutione dimittere, & simul poenam cum culpa auferre, Sacerdotum verò potestas, est alligata Sacramentis, ideo debent Pœnitentiam assignare.

Christus Dominus sine  
Sacramentis,  
potuit virtutem  
Sacramentorum  
conferre.

DICES 3. S. Ambrosius lib. 10. in Lucam. cap. 96. ait de poenitentia S. Petri



Petri: *Lachrymas ejus legimus, satisfactionem non legimus.* Ergo non est necessaria satisfactio.

RESPONDEO S. Ambrosius loco citato, nomine satisfactionis, non pro operibus Pœnitentiæ, sed pro defensione, seu excusatione sui, utitur; ut ex verbis ejus colligitur, dicentis: *Non inuenio quid dixeris, inuenio quod fleueris*; Deinde, An illæ lachrymæ triduanæ, imò usq; ad mortem, non fuerunt satisfactio?

DICIS 4. Peccata gratis dimittuntur merito Passionis Christi Domini. Ergo non opus est satisfactionibus nostris, quæ obscurant virtutem crucis.

RESPONDEO. Nego Consequentiam, nam & gratis remittuntur peccata, & per satisfactiones nostras: gratis quidem, quia per Sacramenta redimus cum Deo in gratiam, quæ ex meritis Christi Domini, efficaciam habent; tùm quia opera justorum, non ex se, sed ex passione Domini vim habent merendi, & satisfaciendi. Per satisfactiones nostras, ex eo, quia nostra sunt opera, quibus cum auxilio Dei satisfacimus pro peccatis: non ergo, obscuratur Crux Christi, satisfactionibus nostris, sed illustratur, ut potè tantam vim habens, & tam ampla merita, ut etiã operibus justorum, virtutem satisfaciendi conferat. Sicut sol, eò est illustrior, quò luce suâ lunam, & stellas, ad lucendum terris illustrat.

*Non obscuratur crux Christi nostris satisfactionibus.*

DICIS 5. Satisfactiones nullibi leguntur in sacris literis, sed sunt inuentiones Episcoporum, & Monachorum, ut pecuniam ijs congregent. Ergo.

RESPONDEO Nego Antecedens, Danielis 4. dicitur. *Peccata tua Eleemosynis redime.* Ad Rom. 6. *Sicut enim exhibuistis membra vestra, seruire immunditie, & iniquitati ad iniquitatē, ita nunc, exhibere mēbra vestra, seruire iustitie.* Iai. 1. *Quiescite agere perversè, discite bene facere, quarite iudiciū, subuenite oppresso, &c.* Et 2 Corinth. 7. dicitur. *Qua secundum DEVM trinitis est, pœnitentiā stabile in salutē operatur.* ubi inferiùs dicit, quòd talis trinitas, id est, cōtritio, operatur vindictā in nobis, id est, opera pœnitentiæ.

## ARTICVLVS II.

*Quid sit Satisfactio Sacramentalis, & an reconciliet Deo?*

NOTA 1. Satisfactio est redditio, voluntaria, æquivalentis aliis indebiti. Ita Doctor in 4. dist. 25. q. prima. a. 1. Dicitur (redditio), non enim satisfactio, est datio absoluta, nam ista particula satis, dicit commutationem (ad aliquod præcedens) correspondentem, & sic satisfactio,

*Satisfactio nis definitio incommuni.*



importat relationem ad aliquod præcedens commissum, vel acceptum. Dicitur (*voluntaria*) quia si esset inuoluntaria, esset satisfactio, qualis est in inferno, quia inuoluntariè poenas solunt. Dicitur (*æquivalentis*) quia satisfactio pertinet ad iustitiam commutatiuam, quæ exigit æqualitatem rei ad rem, istud enim aduerbium (*sat*) importat æquam correspondentiæ ejus, quod redditur, ad illud pro quo redditur siue in beneficijs, siue in poenis. Ex quo sequitur, quod minus reddens pro peccato, quam iustitia Diuina exigit, licet in iunctum à Confessario impleat, non satisfacit, quamuis aliquam poenam peccato suo debitam soluat, soluturus plus in futuro. Porro æquivalentia ista, sumitur, vel juxta valorem rerum naturalium, consequentem earum molis quantitatem, vel virtutis, & sic nulla inter eas potest esse æquivalentia; implicat enim contradictionem, quod aliqua differentia, specie, sint æqualis valoris, quia implicat contradictionem, quod sint ejusdem speciei. vel ista æquivalentia attenditur, penes valorem rerum, relatum ad vsum, & commodum humanum, & ad subleuandam humanam indigentiam, quorondo attenditur æquivalentia pretij, ad appretiatum, in commutationibus, V. G. Petrus caret frumento, & abundat vino, dat vinum pro frumento. vel ista æquivalentia spectatur, penes valorem aliquorum, secundum dictamen iustitiæ distributiue, ita videlicet, quod sit æqualitas pæne ad culpam, & præmij ad meritum; id est, vt patiatur tantam poenam quantam meruit per culpam; & tanto præmio afficiatur, quanto afficere meruit; & hoc dupliciter, vel secundum rigorem iustitiæ, vel secundum acceptionem creditoris, qui vult acceptare decem, pro viginti &c. Dicitur (*aliis indebiti*) id est, non aliunde obligati, nam si id, quod redditur, sit aliis obligatum, ipsum æquivalens quod redditur, non esset satisfactio ex naturâ rei, nam secundum iustitiam, non esset correspondens illi, sed alii, pro quo aliis deberetur.

Satisfactio  
Penitentia.

Nota 2. Satisfactio strictè sumpta, ita à Doctore definitur. *Satisfactio est operatio exterior laboriosa, vel penalis, voluntariè sumpta, vel voluntariè tolerata, ad puniendum peccatum, commissum à se, & hoc ad placandam Diuinam offensam.* Dicitur operatio exterior, per quod excluditur operatio laboriosa interior, & passio eam concomitans, vt est contritio, & tristitia eam sequens. Per actum exteriorem, intelliguntur actus, qui sunt corporalibus membris positiue, vt peregrinatio, disciplinatio elemosynarum distributio, vel priuatiue, vt ieiunium, abstinentia



penitentia, silentium, ubi nihil agitur, sed ab actione cessatur. Dicitur (penalis) quia operationes exteriores delectabiles, non habent rationem satisfactionis. Dicitur (voluntarie assumpta,) quia si non esset voluntaria, non esset Deo accepta. Dicitur (ad puniendum peccatum, & ad placandum Deum) quia hæc punitio, proprie præsupponit remissionem culpæ, & commutationem pœnæ æternæ, satisfactio enim ad remissionem pœnæ temporalis ordinatur, in remissione enim peccatorum, pœnæ æternæ, in temporalem commutatur. Ex quo colligitur, quod satisfactio, non ponuntur ad delendam culpam, & reconciliandum hominem Deo, sed supponunt hominem, jam gratis reconciliatum esse Deo, per mortem Christi Domini, ponuntur autem ad recompensandam pœnam temporalem, relictam à Deo, soluendam pro culpis dimissis, & hoc in virtute passionis Christi Domini; hæc autem punitio vocatur castigatio, purgatio, poenitentia, &c.

*Satisfactio non est ad delendam culpam.*

Nota 3. Satisfactio incommuni, differt à satisfactione strictè sumpta. 1. Quia satisfactio incommuni consistit in oratione, jejunio, & elemosyna, & in contritione, & confessione, in quibus non consistit satisfactio strictè. 2. Quia satisfactione generali satisfacimus pro peccato, & ratione culpæ, & ratione pœnæ, etiam temporalis; at verò satisfactione stricta solum satisfacimus pro pœnâ temporali. 3. Quia satisfactio generalis, non est pars poenitentiae, sed omnes ejus partes complectitur, satisfactio verò strictè sumpta à contritione, & confessione distinguitur, & est pars poenitentiae.

*Differunt satisfactiones incommuni, & strictæ.*

Nota 4. Ad Satisfactionem perfectam quatuor requiruntur. 1. ut illud opus, per quod aliquis satisfacit, æquivalet injuriæ, offenso illi. 2. ut iste valor sit ab eo, qui satisfacit, & non sit ab illo cui satisfacit, nam si talis valor sit ex eo solum, quod sic acceptatur ab eo, qui injuriam passus est, non est satisfactio rigorosa. 3. requiritur, ut satisfaciens, satisfaciat ex propriis. 4. ex aliis indebitis. unde si aliquis deberet alicui equum, & inferret illi injuriam, non satisfaceret illi per equum aliàs debitum. Porro satisfactio imperfecta est, cui aliqua ex his conditionibus deest.

*Requisita ad satisfactionem perfectam.*

Dico 1. Satisfactio pro peccatis ad æquivalentiam, juxta primum & secundum modum, in notando expressum, fieri hæud potest. Ratio est, Quia non sunt ejusdem speciei in genere moris; neq; peccatum, potest referri ad commodum humanum, nam inter culpam, & inter quam

*Satisfactio rigorosa pro peccatis fieri non potest.*



cunq; satisfactionem, non est æqualitas ex naturâ rei, neq; æquivalentia, quantum ad vñum humanum.

*Quomodo  
in satisfacti  
one est æqua  
litas.*

**Dic 2.** Satisfactio pro peccatis, non est æqualitas pœnæ ad culpâ condignâ, æstimando valorem, juxta dictamen strictæ justitiæ: æstimâdo verò valorem, secundum voluntariam acceptationem Dei, est æqualitas in satisfactione. 1. pars patet, quia secundum strictum justitiæ rigorem, nulla temporalis actio, vel passio, condigna est peccato, & offensa Divinâ; posset enim Deus pro quolibet peccato, quod offenditur summu, ac infinitum bonum, justè exigere pœnam æternam, duratione infinitam; nulla enim est pœna ita mala, quantum malum est offensam. Vnde potius toleranda foret, omnis mors pœnalis, & annihilatio, quàm committenda esset, quantalibet parva offensa in Deum. 2. pars constat, quia si Deus ex suâ misericordiâ determinavit, tantam pœnam acceptare, pro satisfactione talis peccati, talis satisfactio, habet æqualitatem secundum acceptationem. Vnde Concil. Trid. Sess. 14. cap. 9. ait. *Magnu esse Divini amoris argumentum, quod nostræ satisfactiones acceptet.* Confirmatur. Peccator, virtute passionis Christi Domini adjutus, potest satisfacere, & reddere Deo æquivalens, pro peccato suo. Ergo ex acceptatione Divinâ.

*Satisfactio  
reconciliat  
Deum.*

*Irati in quo  
quæritur*

**Dic 3.** Satisfactio reconciliat peccatorem Deo. Probat ex SS. literis: Jonæ ultimo, Niniuitæ jejuniis, & precibus, placauerunt Deum, & ne subuerteret eorum civitatem, Daniel cap. 4. dat consiliu Regi, vt peccata sua Eleemosynis redimat, 1. Petri cap. 4. S. Petrus ibi dicit, quod justè judicabuntur, at in quo judicabuntur, si culpam non habent, & sint justè, relinquitur ergo, vt judicentur circa pœnas temporales, an illis satisfecerint. S. Paulus 1. ad Corinth. 5. tradidit fornicarium Sathana, id est, excommunicavit, videns pœnitentiam, dimisit illi pœnam illam temporalem, quæ erat pœna excommunicationis, vide Epist. 2. ad Cor. cap. 2. Ratio est, quia Deus est placabilis, & misericors. Ergo reconciliari potest.

### ARTICVLVS III.

*Vtrum cuilibet peccato actuali mortali, correspondeat satisfactio propria?*

**Dic 1.** Non est necessarium, vt unicuiq; peccato numero, respondeat propria vna satisfactio, secundum numerum: Neq; est necessarium, vt unicuiq; peccato, secundum speciem, respondeat vna satisfactio secundum speciem.



secundum speciem, sed pluribus peccatis, secundum numerum, sufficit vna satisfactio numero, & pluribus peccatis secundum speciem, potest satisfacere vna satisfactio specie. pro pluribus peccatis

Probat, quia sicut vna contritio, sufficit ad deletionem multorum peccatorum specie, & numero. Ergo & satisfactio, præsertim interior, quæ potest ita intendi, vt sit totalis satisfactio, & quo ad culpam, & quo ad poenam, per intensam enim contritionem, aufertur totaliter reatus omnis poenæ: plus enim Deus acceptat cordis affectum, quam exteriorum actum, iuxta illud Gen. 4. *Respectu DEVS ad Abel*, (id est, ad cor ejus) & ad munera ejus.

DICES Actus detestationis, peccati cujuslibet, est actus specialis virtutis, contrariæ peccato, vt actus detestationis superbiæ, est actus humilitatis, actus detestandi peccatum luxuriæ, est actus castitatis, & sic de aliis. Ergo eum quodlibet peccatum, sit alicujus determinatæ speciei. Ergo cuilibet peccato, correspondet actus determinatæ virtutis, saltem in specie.

RESPONDEO. Licet diuersorum peccatorum specie, sint contritiones diuersæ specie, non tamen actus contritionis habitæ, de peccato vnus speciei, vt Dei offensiuo, est alterius speciei, ab actu contritionis habitæ de peccato alterius, cujuscunq; speciei, similiter vt Dei offensiuo, hoc enim modo, ejusdem virtutis, secundum speciem sunt contritiones, omnium peccatorum, quantumcunq; distinctorum specie, nimirum charitatis, eadem enim virtus, quæ inclinatur ad diligendum, inclinatur etiam, ad abstinendum omne sibi ingratum. Sed charitas est inclinans ad diligendum DEUM. Ergo & ad respuendum omne peccatum, quod est sibi ingratum. Ex quo

COLLIGE. Quod peccatum, potest dupliciter respu. Vno modo, vt Dei offensiuum. Alio modo, vt tale speciale peccatum: si respuatur sub primo titulo, scilicet vt est offensiuum Dei, omnes respuitiones, siue contritiones, sunt ejusdem speciei: quia omnes contritiones feruntur super peccata, etiam differentia specie, secundum eandem rationem formalem, quatenus sunt Dei offensiuæ: si autem respuatur peccatum secundum modo, non omnes contritiones sunt ejusdem speciei, quia actus contritionis habitæ, de peccato, vt tale peccatum est, est determinatæ virtutis, nimirum illius, quæ opponitur peccato. Peccatum dupliciter respuatur, &c. scilicet vt est Dei offensiuum, & vt est tale speciale peccatum.

DICO



**Dico 2.** Ut satisfactio sit plena, atq; sufficiens, ad remittendam culpam, & poenam debitam, debet habere tot gradus, quor gradus sufficerent ad satisfaciendum pro illis peccatis, alias, si esset diminuta, & partialis, non sufficeret. Patet ex se.

**Dico 3.** Vni peccato, possunt correspondere, plures satisfactiones, siue totales, siue partiales. Quod totales patet, quia non est peccatum, quod non possit remitti, per solam contritionem, maxime intentam ita ut remittatur culpa, & solvatur omne debitum poenae, illius culpae. Quod partiales consistat, quia potest esse aliqua contritio remissa, non ad remittendum omnem poenam, sed solum culpam, tunc residuum, id est, remissio poenae, supplebitur per opera poenalia, quae suppleant imperfectionem contritionis, ut quando quis habet displicentiam remissam de peccatis, & flagellatur pro illis, jejuna, &c. Ex quo sic arguitur: contritio plena, & semiplena, ac opera poenalia, differunt specie. Ergo ejusdem peccati, sunt diuersae satisfactiones, differentes specie; quod differant specie patet, quia habent diuersa objecta specie. Hinc

*Ejusdem peccati possunt esse diuersae satisfactiones.*

**COLLIGE,** Cuilibet peccato correspondet propria satisfactio, non tamen ita propria, ut huic peccato, non possit alia satisfactio correspondere, sed ita propria, ut de facto pro tunc, hoc peccatum, non habeat aliam satisfactionem.

#### ARTICVLVS IV.

*Utrum opus, per quod fit satisfactio, debeat esse opus poenale?*

*Satisfactio fit per opus poenale.*

**Dico 1.** De ratione satisfactionis est, quod fiat per aliquem actum poenalem. Probat ratione Doctoris in 4. dist. 15. q. 1. a. 3. Quia satisfactio fit, ad corrigendam culpam, quae non corrigitur, nisi per poenam. Confirmatur Quia satisfactio, est actus iustitiae, quo poenitens vindicat, & punit in se Diuinam injuriam. Sed vindicta fit proprie per poenam. Confirmatur 2. Illi sunt digni fructus Poenitentiae, quibus vera satisfactio expletur. Sed talia sunt poenalia. Ergo.

*Opera poenalia sunt tria.*

**Dico 2.** opera bona poenalia, seu passionem voluntariam, in quibus potissimum consistit satisfactio, reducuntur, vel ad actum interiorem displicentiae, qui est contritio, vel ad passionem, tristitiam consequentem. Deinde reducuntur ad actum exteriorem confitendi peccatum, quod est valde poenale, vel passionem concomitantem sc. verecundiam: 3. ad actionem, vel passionem simpliciter exteriorem, nempe macerationem carnis, quae fit jejunio, disciplina, eleemosyna, &c.

**Dico**



DICO 3. Licet ordinariè satisfactio debeat fieri per opus poenale, tamen aliquando, potest fieri per actum feruentissimum dilectionis Dei super omnia. Patet, quia talis actus est pœnitentiæ virtualis vel quia ex eo pullulat, actualis pœnitentiæ actuali; nam potest Deus, actum magnum charitatis acceptare, pro punitione debita vni culpæ, quia licet non sit propria punitiō, id est actualis, vel formalis pœnitentiæ, est tamen majus bonum, & magis Deo reddens honorem, quàm esset propria ejus punitiō, vel poena peccato correspondens.

DICES 1. Multa opera delectabilia, sunt meritoria gratiæ, & gloriæ si referantur in Deum, juxta illud 1. ad Corinth. 10. *sive comedatis, sive bibatis, omnia in gloriam Dei facite.* Ergo hujusmodi opera, sunt satisfactoria.

*Opera delectabilia non sunt satisfactoria.*

RESPONDEO Nego Consequentiam, quia satisfactio, est actus recompensationis injuriæ, quæ debet fieri per contrarium, & idè satisfaciens, debet se priuare, aliquo delectabili, quæ priuatio est malum poenæ: meritum autem, non est actus recompensationis, sed obsequij, idè non requiritur, quòd sit poenalis.

DICES 2. Quàto opus procedit ex majori charitate, tantò magis est satisfactorium: charitas enim non extenuat, sed auget satisfactionem & tamen est minus poenale, quia libentiùs fit.

RESPONDEO Juxta tertiam conclusionem. Addo, quia est punitiō boni temporalis, vtilis aut delectabilis, idè etiam est poenale, quia quantò quis diligit Deum, tantò magis priuat se bono vtili, vel delectabili separante eum ab hoc amore: vnde ad satisfactionem requiritur, quòd satisfactio fiat per opus ex suo genere, vel ex natura sua poenale, non autem requiritur, quòd sit actus ingerens nobis poenam, & tristitiam; quare liberalis, & ditissimus, satisfacit per Eleemolynam, & temperatissimus, per jejuniū, & tamen neuter his actibus contristatur. Et sic opus poenale intelligitur, aut ratione operis, aut ratione operantis, non oportet verò, quòd satisfactio fiat, per opus poenale, ratione operantis, nam frequenter opera, ex suo genere poenalia, ratione feruentis charitatis in operante, sunt ei delectabilia. Inde

*Actus charitatis est poenalis.*

*Nota.*

*Opus poenale debet esse a ratione operantis.*

COLLIGE. Opera poenalia sunt, vel ex natura rei, vel ex vitio, vel depravatione operantis, sicut magis est poenale auaro, Eleemolyna, quàm liberali.

ARTI-

Dico



## ARTICVLVS V.

*Vtrum habens plura peccata, possit satisfacere pro vno, & non pro alio?*

Dico 1. Homo perseverans in proposito alicujus peccati mortalis, non potest pro peccato satisfacere. Patet, quia si perseverat in proposito peccati mortalis, est Dei inimicus, si autem Deo satisfacit, est Dei amicus, quia illi reconciliatur, aliàs esset simul Dei amicus, & inimicus, quòd repugnat. Confirmatur. Quia non potest vnum peccatum remitti, sine alio in habente plura, nam peccatum mortale, non remittitur sine gratia. Sed gratia, & peccatum, stante lege, sunt opposita. Ergo non potest poenitens satisfacere de vno, & non de alio, quia non remittitur vnum absq; alio.

*Potest satis  
feri pro vno  
peccato, &  
non pro alio  
actualiter.*

Dico 2. Si homo non perseverat in proposito peccati mortalis, potest satisfacere pro vno peccato, absq; eo, quòd satisfaciatur actu, vel expressè pro alio. Patet, quia sicut potest considerare vnum peccatum, non considerando aliud, ita potest conteri de vno, absq; eo, quòd expressè conteratur de alio.

Dico 3. Quando homo expressè satisfacit pro vno peccato, habitualiter, vel virtualiter, satisfacit pro alio. Patet, quia si illud peccatum memoriæ occurreret, de illo quoq; expressè contereretur. Tùm quia, qui conteritur de vno peccato, quatenus est offensa Dei, consequenter, virtualiter dolet de omni offensa, quæ est contra Deum à se commissæ; atq; ita dicit Doctor, quòd vna satisfactio pro vno peccato, potest separari à satisfactione pro alio, quoad effectum, non tamen quoad effectum, saltem in habitu, vel virtute. Inde.

*Minima gra-  
tia sufficit  
ad remissio-  
nem omnium  
peccatorum*

COLLIGE 1. Gratia minima sufficit, ad remissionem omnium peccatorum mortalium, quia omnis gratia gratificat, id est facit hominẽ Deo gratum, & dignum vitæ æternæ, idcirco enim appellatur gratia gratumfaciens.

COLLIGE 2. Detestatio actualis peccati, primò occurrentis, continet virtualiter detestationem, cujuscunq; alterius peccati.

*Pœna est di-  
uisibilis.*

Dico 4. Si fiat sermo, de satisfactione reconciliante Deo, non potest fieri de vno peccato, & non de alio, vt constat ex præcedentibus conclusionibus; si autem sit sermo quoad pœnæ solutionem, potest fieri satisfactio de vno peccato, & non de alio: quia pœna est diuisibilis, tam intensuè, quàm extensuè. Tùm quia diuersæ pœnæ diuersis peccatis de-

terminantur.



terminantur, etiam abinuicem separabiles, ut maiores, maioribus peccatis, minores, minoribus: V. G. auaro inungitur satisfactio, Eleemosyna pro auaritia, eidem oratio pro superbia, potest prius implere Eleemosynam, quam orationem. Ergo potest poena vni peccato debita, solui absq; solutione poenae alteri peccato debita. Hinc

**COLLIGE.** Quod satisfactio quaedam dicitur reconciliatiua ad amicitiam; quaedam acquietatiua poenae soluendae: prima non potest fieri, sine gratia, quia nullus reconciliatur Deo, sine gratia: secunda vero bene, ut infra patebit.

*Sine gratia non fit reconciliatio perfecta*

## QVÆSTIO II.

### De Obligatione confessarij, circa Poenitentiam in- jungendam.

*Præfati. Quæstione examinabitur.*

1. Vtrum Confessarius teneatur imponere condignam poenitentiam?
2. Quam metam seruare, in assignanda poenitentia teneatur?
3. Vtrum conuenienter opera satisfactoria assignantur illa tria, ieiunium, oratio, & Eleemosyna?
4. An pro poenitentia, possit imponi Poenitentibus, opus aliàs præceptum?
5. An poenitentia publica sit imponenda?

#### ARTICVLVS I.

*Vtrum Confessarius, teneatur imponere condignam satisfactionem?*

**DICO 1.** Per se loquendo, tenetur Confessarius condignam, vel saltem aliquam imponere poenitentiam. Ita Tridentinum Sess. 14. cap. 8. dicens. *Debent ergo Sacerdotes Domini, quantum Spiritus, & prudentia sentiant. suggererit, pro qualitate criminum, & poenitentium facultate, salutes, & conuenientes poenitentias inungere.* Ratio est, quia ut iudex inter Deum, & hominem, tenetur æquitatem seruare. Tum quia ut medicus, debet curare morbum ægri, quod fit per poenitentiam satisfactoriam.

*Tenetur Confessarius imponere poenitentiam*

**DICO 2.** Non est obligatus Confessarius, ad imponendam semper poenitentiam sub præcepto, sed potest interdum ex rationabili causa, per modum consilij dicere Poenitenti, si hoc, vel illud feceris, cedit tibi virtutis Sacramenti, ad remissionem poenae; quæ poenitentia potest fieri per applicationem infirmo, aut extremè pauperi, vel afficiendo supplicio, potest Confessarius dicere, ut illa ipsa, loco poenitentiae sustineat.

**DICO 3.** Potest per accidens absolvere Confessarius poenitentem, nulla satisfactione imposita. Ratio est, quia cum satisfactio, non sit

*Per accidens potest omitti poenitentia*



pars essentialis, non est omittendum Sacramentum, ob ejus defectum rationabilem: Possunt autem esse duæ causæ justæ, non imponendi pœnitentiam. 1. Impotentia pœnitentis, vt si morti vicinus sit, & nihil omnino facit, tam internè, quàm externè. 2. Si confessarius ex certis signis, in ipsa Confessione intelligat pœnitentem satisfecisse, in tali casu, leuem saltem pœnitentiam injungat.

PETES Quando est imponenda Pœnitentia Sacramentalis?

DICO 1. Et si nulla sit obligatio, quæ sub peccato teneatur confessarius, priusquàm absoluat pœnitentem, injungere, tamen laudabilius est, & securius, Pœnitentiam imponere antè absolutionem. Ratio est. Tùm quia sic melius, ratio justitiæ seruatur; Tùm quia conueniens est, vt pœnitens, saltem proposito, satisfaciatur priusquàm absoluator, Ita Angelus verbo Confessio 5. num. 2.

DICO 2. Potest ex iusta causa, immo aliquando debet confessarius, non absolvere pœnitentem, nisi prius impleuerit pœnitentiam in præcedenti Confessione impositam, præsertim si eam sapius, & sine legitima causa ex mera negligentia omiserit. Ratio est, quia talis pœnitens propter ejusmodi pœnitentiæ neglectum, posset esse malè dispositus, ad sequentem absolutionem. Ita Suarez Diff. 18. sect. 7.

## ARTICVLVS II.

*Quammetam teneatur confessarius seruare, in assignanda Pœnitentia. Seu Quanta debeat imponi Sacramentalis satisfactio?*

NOTA 1. Fabulosum est illud, vt notat Faber Fauentius. Suarez & alii, quod aliqui tradunt, olim in Ecclesia, pro singulis peccatis mortalibus, pœnitentiam septennem imponi solitam: Et licet extent aliqui Canones pœnitentiales, in quibus, aliquibus peccatis grauissimis, septem annis, pœnitentia injungitur, non tamen hæc regula pro quolibet peccato mortali est seruanda: præterea istas pœnitentias, non constat pertinuisse ad forum interius, sed ad forum potius externum, quia fiebant ad ædificationem Ecclesiæ, sæpè enim imponebatur depositio, vel priuatio alicujus Ecclesiasticæ dignitatis, vel quid simile.

*Septennes  
pœnitentia  
quid?*

NOTA 2. Quantitas, & qualitas pœnitentiæ injungendæ, pro peccato, relicta est arbitrio confessarij, vt deducitur per Caput Mensuram de pœnitentia diff. 1. vnde dato, quod illæ septennes Pœnitentiæ, pertinerent ad forum conscientie, pater assignatas fuisse per modum regulæ magis



gis directiuz, quàm coactiuz ad eas pœnas seruandas; & concesso, quòd essent præceptiuz, quando ardor fidei, & zelus Christianus vigeat, modò jam non sunt in vsu, & tota pœnitentia, in arbitrio Confessarij est posita, vt constat ex loco citato Tridentini, in primo Articulo. Difficultas ergo tota est, quomodo Sacerdos se gerere debeat, vt æquam, & iustam satisfactionem imponat, ne clauis erret, in dimittendo pœnam temporalem.

Prima. Opinio asserit, satisfactionem respondentem pœnæ temporali, consistere in indiuisibili. Ita Suarez *Disp. 38. sect. 5.* citatur Alensis *4. parte. q. 80.* sed nihil tale inuenitur apud eum. Fundamentum hujus opinionis est. Quia in Diuino iudicio, omnia sunt definita in pondere, & mensurâ, neq; in illo est latitudo rigorosi, vel medijs pretij. Sed hoc iudicium, quod facit Sacerdos in imponendo pœnitentiam Pœnitenti, est iudicium Diuinum, quamuis per homines exerceatur. Ergo Sacerdos, tenetur imponere pœnitentiam, correspondentem pœnæ temporali, iuxta strictum rigorem iustitiæ. Confirmatur 1. Quia contritio consistit in indiuisibili, quia tanta requiritur, vt sufficiat, & non minor, & etiâsi prudens Confessarius existimet esse sufficientem, si non sit, nihil efficiet. Ergo & hic ita. Confirmatur 2. Quia qui maiorem habet dispositionem, in receptione Sacramentorum, maiorem fructum percipit. Ergo & qui maiorem satisfactionem suscipit.

Secunda. Opinio negat in indiuisibili consistere pœnam, vt est commissæ Sacerdoti. Ita Doctor *in 4. dist. 15. q. 1. Et Dist. 19. q. unica.*

Dico 1. Et si apud Deum, & in re ipsa, pœna temporalis secundum strictum rigorem, respondeat culpæ, quæ in indiuisibili consistit, tamen vt committitur iudicio Sacerdotis, non arctatur ad hanc indiuisibilitatem, sed datur latitudo, intra quam pœnitentia imposita, satisfacit secundum iustitiam toti pœnæ, licet illi non sit adæquata, sed vel excedat, vel excedatur, & ratificatur in cœlis. Probatur 1. Si ad hoc, vt tota pœna temporalis dimittatur, necesse est, quòd adæquata pœna, vsq; ad indiuisibile, imponatur à Sacerdote pœnitenti, sequitur, quòd Sacerdos non sit arbiter iudex inter Deum, & pœnitentem. Sed hoc dici non potest. Ergo. Consequentia Probatur. Nulli committitur potestas arbitrandi in aliqua causa, cuius arbitrium nunquam erit ratum, propter quamcunq; diligentiam possibilem adhiberi ab ipso, sed tantum à casu, vel per miraculum speciale. Sed per quamcunq; diligentiam possibilem adhiberi à Sacerdote, non potest perungere ad illud indiuisibile pœnæ, quòd Deus

Pœnitentia  
assignanda  
non arctatur  
ad indiuisibilitatem.



judicat peccatorem esse dignum. Ergo si attingat, hoc erit ex miraculo, vel casu. Neque valet Responsio Suarez, quod res ipsa habebit effectum, prout in re fuerit conformis legi Diuinæ, & mensuræ, à Deo positæ. Non inquam valet, quia quilibet homo, poterit sibi imponere penitentiam iudicio humano sibi conuenientem, hæc enim si secundum iudiciū Diuinum fuerit adæquata, tollet omnem poenam, sin minus, tollet poenam sibi respondentem, & res ipsa habebit effectum, prout in re fuerit conformis legi, & mensuræ Dei; sed hoc videtur derogare auctoritati Sacerdotis, cui Dominus dedit potestatem ligandi, soluendi, & verè cognoscendi, & sententiandi in causa peccati, inter Deum, & peccatorem. Probatur 2. Frustra facti fuissent Sacerdotes Iudices peccatorum, nam eorum sententia solutionis, & obligationis, ut est ab illis nihil valeret, sed solum, quatenus legi Diuinæ, & poenæ taxatæ à Deo, esset conformis: indiuisibiliter, & quamuis à Sacerdote esset lata, tamen in re effectum haberet, non ut ipse sententiauit, sed secundum mensuram iudicij Diuini, & poenæ ab eo taxatæ, quæ iudici humano est incognita. Probatur 3. Nullus constituitur arbiter inter partes, sub hac conditione, quod præcisè arbitretur ad voluntatem vnius partis, & hoc maximè, quando non potest iudex arbiter deputatus, noscere determinatè voluntatem illius partis, sed in iudicio poenitentiae, partes sunt, Deus, & peccator, inter quos est Sacerdos arbiter. Ergo Sacerdos non obligatur, ad arbitranda illam poenam præcisè, quam Deus infligeret, maximè, cum non possit sibi constare de voluntate Dei, quoad hoc præcisè. Probatur 4. Si Sacerdos imponat poenitentiam aliquantulum maiorem, quam respondeat peccatis, non est probabile, quin poenitens teneatur illam implere. Ergo si aliquantulum minorem condignâ poenâ imponat, illa videtur sufficere: nam si non sufficeret aliqua, citra illam punctualem, quâ dictat Diuina iustitia. Ergo non oportet explere aliam, vltra illud punctuale Diuinæ iustitiæ. Inde.

*Sacerdos est  
arbiter*

*In omni cō-  
mutatione  
est aliqua la-  
titudine*

**COLLIGE.** Sicut in aliis commutationibus, commutatio habet aliquam latitudinem, ita ut non respiciat indiuisibile, sed medium rectæ rationis, ita iustitia punitiua, quæ est commutatiua poenæ temporalis, debitæ culpæ, non respicit necessariò gradum indiuisibilem poenæ, correspondentem huic culpæ, sed ibi est aliqua latitudo, infra quâ poena, minor non sufficit, & vltra quam poena major, non est imponenda.



da, & clavis ligans extra totam hanc latitudinem, vel citra, vel extra, errat, & tunc merito poena, quæ soluitur in terris, non soluitur in cœlis, id est, in cœlis non ratificatur. Sed clavis ligans intra hanc latitudinem, non errat, & ideo arbitrium Sacerdotis ratificatur in cœlis.

Dico 2. Licet poenitentia assignanda, sit in arbitrio Confessarij, *Non probito imponitur da est poenitentia.* non ita tamen, vt pro libito, possit imponere quaecumq; vult, sed tenetur considerare gravitatem peccatorum, dispositionem poenitentis, & servatâ ratione iustitiæ, debet imponere poenitentiam proportionatam culpæ, & vt sit in remedium, ad abstinendum in futurum. Ratio est, quia vicarius est iudex DEI. Ergo debet aliquam æquitatem inter partem læsam, & lædentem, constituere. Vnde rectè Tridentinum *Sess. 14. cap. 8.* præcipit, vt Confessarij salutare, & convenientes poenitentias, injungant, ne si fortè peccatis conniveant, & indulgentiùs cum poenitentibus agant, leuissima quædam opera, pro gravissimis delictis injungendo, alienorum peccatorum participes efficiantur. &c.

Dico 3. Potest Confessarius, pro eodem peccato, pro diuersis circumstantiis, & Personis, diuersas poenitentias imponere. *Pro bno peccato, diuersa possunt imponi poenitentia.* Dixi (pro diuersis circumstantiis, & Personis:) quia V. G. est poenitens infirmus, vel jam moriturus, vel quia Confessarius aduertit poenitentis fragilitatem, & defectum feruoris, putatque per maiorem poenitentiam, deterrendum à confessione in posterum faciendâ. Ratio est, quia in hoc Sacramento magis attenditur salus, & emendatio poenitentis, quàm satisfactio pro poena temporali peccatis detracta. Quare rectè Nauarrus *cap. 26. num. 19. & 20.* docet, quando imponitur minor poenitentia, quàm deberet imponi, monendum esse ea de re poenitentem, tùm vt ille vltro, postea assumat aliquas poenitentias: tùm ne de leuitate satisfactionis, æstimet culpæ leuitatem, faciliusq; in peccata relabatur.

Dico 4. Ex exemplis in Sacris literis, (vt Nabuchodonosor, Dab, & ex antiquis Canonibus) potest deduci probabiliter, alicui peccato mortali competere poenam septem annorum. *Poenitentia septennis* Patet, quia Nabuchodonosor pro peccato superbix, septem annis grauissimam poenam luit: similiter David *2. Regum 24.*

Ad 3

Addo,



Addo, iustis de causis, & propter peccata grauiora, posse assignari poen-  
nas, non solum septem, sed etiam decem, vel plus annorum. Hinc

Notent Con-  
fessarij.

**COLLIGE.** Istas esse poenitentias falsas, quæ sine rationabili cau-  
sa minores iustis imponuntur à Confessarijs, vel ob ignorantiam, vel ob  
amicitiam, vel ob aliquem minus iustum respectum.

Ad fundamentum contrariæ opinionis Respondeo. Quod licet  
apud DEum, poenitentia adæquatæ poenæ temporali, consistat in indi-  
uisibili; tamen in quantum commisit hoc iudicium Sacerdoti, qui huma-  
no more iudicat, noluit adæquatam poenitentiam consistere in indiui-  
sibili, sed habere latitudinem quandam, secundum prudentis iudicium  
Confessarij, quem fecit arbitrum inter se, & peccatorem, ideo licet Sa-  
cerdos exerceat Diuinum iudicium, non tamen exercet, nisi ut arbiter.  
Ad Confirmat. 1. Dico, disparem esse rationem de contritione, & de sa-  
tisfactione, nam DEUS, non posuit in potestate Confessarij quantitatem  
contritionis, sed ipse præscripsit, quanta debeat esse, & qualis: quan-  
titatem verò satisfactionis, posuit in potestate Sacerdotis.

Ad 2. Confirmationem **RESPONDEO** Aliud est loqui de satisfacti-  
one, & aliud de merito.

**PETES** Suntne aliqua causa, ob quas leuior poenitentia est assi-  
gnanda? **RESPONDEO** Esse multas. 1. Infirma poenitentis dispositio  
tam animi, quam corporis. 2. Magnitudo contritionis, quæ poenam di-  
minuit. 3. Indulgentia plenaria, tunc enim leuior est poenitentia as-  
signanda, Ita Nauar. cap. 25 num. 21. & alii. Porro morituris, saltem al-  
quis bonus motus imperetur: valde infirmo magna poenitentia non fit  
imponenda, sed inculcanda, ut si conualuerit illam impleat. Ita Thea-  
gi in 4. dist. 20.

### ARTICVLVS III.

*Vtrum conuenienter assignantur opera satisfactoria illa tria, ani-  
um, jejunium, oratio, & Eleemosyna?*

**DICO** 1. affirmatiuè. Patet quia satisfactio, prout est opus cri-  
us, vel passio, distinguitur contra actum interiorem mentis, scilicet de-  
testationem, vel passionem, nempe tristitiam sequentem, & contra ac-  
tum oris scilicet confessionem, & passionem concomitantem; consistit in his  
tribus operibus, scilicet oratione, jejunio, & Eleemosyna, & in illio-  
nibus voluntarijs, concomitantibus ista tria opera. Quod sic ostenditur,  
quia ad orationem reducitur, quidquid pertinet ad partem contempla-  
tiuam



tiā, ut sunt Meditationes, scripturarum lectiones; studium Theologicum, verbi DEI auditiones, Disputationes, errorum impugnationes, &c. Ad jejunium reducuntur, omnia corporis maceratiua, ordinata ad reprimendam carnis rebellionem, ut sunt vigiliæ, disciplinæ, mortificationes, & quæcūq; corporis afflictiones. Ad Eleemosynam, reducuntur opera misericordiæ corporalis, propter DEum impensa, & quæcūq; erogationes bonorum temporalium, in pias causas. Porro sufficientia istorum trium desumitur. *Sufficientia istorum trium desumitur.* Primò in ordine ad radices peccati, juxta *Primò ex ra dice peccati.* illud 1. *Joan. 2. Omne quod est in mundo, aut est concupiscentia carnis, aut concupiscentia oculorum, aut superbia vitæ:* idè concupiscentiæ carnis, correspondet jejunium, concupiscentiæ oculorum, Eleemosyna, & superbiæ vitæ, oratio; & hoc generaliter loquendo. Secundò desumitur 2. *in ordine* sufficientia in ordine ad effectum, & hæc secundum proprietatem, quia *ad effectum* omne opus poenale satisfactorium, vel ordinat nos ad DEum, & sic est oratio; vel ad nos ipsos, & sic est jejunium, per quod corpus nostrum maceramus, vel ad proximum, & sic est Eleemosyna: juxta illud, ad Titum 2. *Sobriè, & justè, & piè vivamus.* sobriè ad nos ipsos, justè ad proximos, & piè ad DEum. Deniq; potest sumi sufficientia istorum trium, 3. *ex parte* ex parte bonorum nostrorum, tria enim bona habemus, juxta Aristote- *bonorum no* lem 1. *Ethic. cap. 10.* bona fortunæ, bona corporis, & animæ. De bonis *strorum.* fortunæ satisfacimus per Eleemosynam, de bonis corporis per jejunium de bonis animæ per orationem. Ergo conuenienter assignantur ista tria opera satisfactoria.

Dico 2. In casibus particularibus, debet Sacerdos imponere poenitentiam, quæ peccato, quò poenitens peccauit, de congruo correspon- *Poenitentia* deat in particulari, V. G. luxurioso imponatur jejunium, superbo humi- *debet respon* liationis actus, &c. &c. *dere peccato*

Notandum tamen est hic, quòd in his casibus, requiritur discretio Sacerdotis, ut non imponat alicui poenam disconuenientem, V. G. infirmo, qui peccatum carnis commisit, non imponatur jejunium; sed imponatur ei aliqua, quæ sit ei possibilis: similiter pauperi non imponatur Eleemosyna, nec longa oratio, quia his vacare, non potest.

Dico 3. Opus, quòd à Confessario imponitur, debet esse moraliter bonum, & liberum, non coactum. Ratio est, quia homo non satisfacit pro poena, nisi opus poenale exhibeat bonum, & liberum. Ergo *Opus asila gnatum de* tale est injungendum poenitenti, à confessario in satisfactionem. Vnde *bet esse bonu* & liberum.

D. Subt.



D. Subtilis in definitione satisfactionis, quam retulimus *q. 1. art. 2.* dicit, satisfactionem, esse operationem exteriorem laboriosam voluntariè assumptam. Ita Concilium Trident. *Sess. 14. cap. 14. & 18.*

PETRES. An per opera poenalia, quæ quis necessariò patitur, possit satisfieri Deo pro peccatis? Respondet D. Subt. affirmatiuè in *4. dist. 15. q. 1. § De secundo dicto*, dicens, *vel est passio, seu poena voluntariè tolerata.* Ergo flagella quæcunq; , sunt satisfactoria, si voluntariè tolerentur. Sequitur Nauar. *cap. 3. num. 4.* Suarez *disp. 37. sect. 7.*

## ARTICVLVS IV.

*An pro penitentia, possit imponi penitentibus, opus aliàs præceptum vel supererogationis?*

1. *Opinio*

Prima opinio affirmat, omnia opera etiam præcepta, ad satisfaciendum valere. Ita Soto in *4. dist. 19. q. 2. a. 1.* Ledesma *q. 14. a. 1. dubio 5.* Suarez *disp. 37. Sectione 4.* qui alios multos citat. 1. Quia Ecclesia in Quadragesima canit. *Qui corporali jejunio, vitia comprimis, &c.* Ergo per ista jejunia Deo satisfacimus. 2. Aliquando est salutare consilium, imponere poenitenti, opera debita ex præcepto. Ergo tale jejunium erit illi satisfactorium, & tamen erit etiam præceptum. 3. Opus quod habet virtutem augendi gratiam, habet etiam virtutem satisfaciendi, pro poena temporali. Sed opus præcepti auget gratiam, & est magis meritorium, quàm opus supererogationis; quia opera facta ex præcepto, sunt magis meritoria, quàm opera facta ex consilio, & extra præceptum obedientiæ. Confirmatur Eleemosyna, & jejunium factum ex præcepto, sunt magis meritoria, quàm extra præceptum.

2. *Opinio*

Secunda opinio est D. Subtilis in *4. dist. 15. Q. 1. § Quantum ad istum Articulum* ubi apertè supponit opera satisfactoria, non debere esse debita alio titulo, sed necessariò esse debere ex indebitis. Eandem sententiam, vt certam, supponit S. Thomas in *4. dist. 15. q. 1. art. 2. ad 3.* dicens. *Quadam mensura est homini adhibita, qua ab eo requiritur, & super ea potest homo erogare aliquid, vt satisfaciatur.* S. Anselmus *lib. 1. cur DEVS*

*Opera debita Deo quæ juxta S. Bonaventuram.*

*homo cap. 11. dicit.* Satisfactionem, non posse fieri de eo, ipse id quod jam debet. Sanctus Bonaventura in *4. dist. 15. p. 2. art. 1. q. 3.* apertè supponit, satisfactionem fieri, solum per opera aliàs indebita, nam ibi distinguit de operibus debitis Deo, & ait. Alia esse debita Deo ratione boni collati ab eo nobis, & hic est honor, quem Deo reddimus, cum illi gratias agimus. Aliud est debitum ratione mandati, & hoc debemus per obedi-



obedientiam; & subjectionem. Aliud ex maiestatis imperio, & hoc reddimus per adorationem latrice. Aliud debitum ratione peccati commissi, & hoc reddimus Deo per punitionem. Sequitur Richardus ibidem, & Thomistæ antiqui Paludanus. Capreolus *Dist. 15.*

Dico itaq; opera satisfactoria, non debent imponi illa, quæ sunt aliàs præcepta; vel alio titulo debita. Probatur 1. Quia nemo potest eodem pretio satisfacere, duplici debito. Sed opus præcepti, est nobis debitum ratione præcepti, opus verò satisfactionis, est nobis debitum ratione peccati commissi, siue ratione iustitiæ vindicatiue. Ergo per opus præcepti, non possumus satisfacere debito, ad quod tenemur ratione iustitiæ vindicatiue. Major patet ex definitione satisfactionis: *Satisfacere enim est, reddere æquale debito;* non fieret autem æquale, si id quod redditur, esset aliàs debitum. V. G. si aliquis debeat alicui ratione mutui 10. florenos, & ratione emptionis 20. florenos, non potest satisfacere utriq; debito, reddendo decem, sed debet reddere viginti, ita & in proposito. Probatur 2. Ista conditio in satisfactione, (vt fiat ex aliàs indebito) habet locum, non tantum in debito iustitiæ, V. G. quando diuersa præcepta, habent diuersas rationes, ob quas actum aliquem præcipiunt, sed etiam in debito aliarum virtutum; nam si quis est debitor ratione iustitiæ centum, vt ratione emptionis, & eidem est debitor ratione gratitudinis, vel obedientiæ decem; si quis soluens Principi centum, ratione emptionis, non solueret debitum ratione gratitudinis, vel obedientiæ, ad quod etiam obligauit Princeps, quia hic non esset æqualitas, sed lucrum ex parte satisfaciens, & damnum ex parte creditoris, ita in proposito. 3. Satisfactio, est pars penitentiae, quæ est debita, ratione virtutis iustitiæ. Ergo illa non soluitur, per exhibitionem penitentie alio titulo debite, eidem iustitiæ, quale est opus præcepti. Consequentia Probatur. Quia vbi subest noua ratio præcipiendi, ibi etiã nouum præceptum, inducit nouam obligationem. Sed in opere satisfactorio, subest noua ratio præcipiendi, (quia imponitur ad reddendam æqualitatem, inter offendentem, & offensum) ab opere præcepti, quia transgressio præcepti, est contra iusticiam, quia est iniuria facta Deo, Ergo &c.

Ad Argumenta in oppositum per hanc distinctionem Respondeo. Aliud est querere, An omne opus meritorium sit satisfactorium? aliud,

Opera aliàs debita non debent imponi.



an pœnæ debitæ pro culpa, satisfieri possit per opus pœnale præcepti. Primum rationes oppositæ concludunt; Secundum non probant; quia per opera præcepta aliâs, non fit satisfactio, pro pœna debita, ratione iustitiæ vindicatiuæ, seu satisfactionis pœnitentialis, quia illa opera, sunt alio titulo debita Deo, nimirum ratione obsequij.

## ARTICVLVS V.

*An pœnitentia publica, possit imponi pœnitentibus?*

*Pro occultis,  
non imponē  
da pœniten-  
tia publica.*

DICO 1. Pro peccatis occultis, non licet imponere pœnitentiam publicam, hoc est talem, vt per eam possint alij venire in cognitionem peccati, aut conicere illam pœnitentiam à Confessario, propter graue aliquod peccatum esse impositam. Porro in tribus casibus, licet assignare pœnitentiam publicam. 1. Quando pœnitentia est nota, sed pœnitens ignotus, vt disciplinam facere, velaro vultu in facco. 2. Si pœnitentia imponatur, quæ solet sæpè spontè suscipi, vt est oratio, jejuni-um, &c. 3. Quando est talis pœnitentia, quæ communiter, pro leuibus peccatis solet imponi, vt est unctio pectoris, osculum terræ. Ratio est conclusionis, quia sic reuelaretur sigillum Sacramenti. Alia ratio est, quia sine sufficienti causa, fama proximi periculo exponitur.

*Publica pro  
publicis pec-  
catis.*

DICO 2. Pro peccatis publicis, licet imponere pœnitentiam publicam aut solennem. juxta multos Doctores. Ratio est, quia ita expedit ad ædificationem Ecclesiæ, & satisfactionem, neq; tunc frangitur sigillum, quia procedit ex consensu pœnitentis; vnde homicidæ, in die Coenæ Domini, publicè agunt pœnitentiam. Tum quia id expressè insinuat Tridentinum *Sess. 14. cap. 8.* etiam de interiori foro. Dixi in conclusione (publicam, vel solennem) quia istæ differunt: Nam solennis, in qua certæ solennitates adhibentur. 1. quia non nisi ab Episcopo imponi debet. 2. Non poterant hujusmodi reconciliari pœnitentes, nisi ab Episcopo, vel ejus vicario. 3. Tales pœnitentes sistuntur ante fores Ecclesiæ, nudis pedibus, vultibus in terram demissis, ac crine tonso. 4. Episcopus cum Clero, prostrati in terra, debent cantare Psalmos Pœnitentiales pro eorum absolutione. 5. Surgere debet Episcopus ab oratione, & manus Pœnitentibus imponere, aquâ benedictâ aspergere, cinerem capiti imponere, caput cilicio cooperire, deinde cum suspiriis denunciare eis, quod sicut Adam ejectus est de paradiso; ita ipsi pro peccatis ab Ecclesiâ rejiciuntur, tandem jubeat eos, per ministros ab Eccle-

*Pœnitentia  
solennis non  
est in usu mo-  
do.*

lia



sia rejici, & Clerus eos prosequatur, cantans responsum. *In sudore vultus tui, vesceris pane tuo, &c.* In die Cœnæ Domini, repræsentantur ante fores Ecclesiæ Cathedralis, & in Ecclesiam introducuntur. Hoc genus Pœnitentiæ, modo non est in usu.

*Publica Pœnitentia.*

Porro Pœnitentia publica est illa, quæ imponitur in facie Ecclesiæ, seu coram multis, sed sine solennitate prædicta, & tali modo fit, quod ex illa potest colligi, quod imposita sit pœnitenti, propter grave crimen, sicut erat antiquitus, peregrinatio per mundum, cum baculo bicubitali, & scapulari, vel veste aliquâ, ad hoc consuetâ.

DICES Scotus supra dixit, conditionem confessionis essentialem esse, ut sit secreta. Sed si pœnitentia publica, imposeretur pro peccatis publicis, jam confessio, non esset secreta. Ergo non est imponenda. Respondet Durand. in 4. dist. 14. q. 4. Quod per impositionem talis pœnitentiæ, non publicatur pœnitentis peccatum, quia jam illud est publicum, & notorium. Sed quod est publicum de se, non potest amplius publicari. Quod si aliquis insitet, licet peccatum sit publicum, tamen confessio talis peccati, debet esse occulta, & secreta, ita ut non possit reuelari, per impositionem talis pœnitentiæ publicæ. RESPONDEO. Stando in Doctrina Doctoris nostri, in tali casu, exhortandus est pœnitens, ad faciendam confessionem publicam illius delicti, coram prælato, ad quem spectat & ut patienter tolleretur, pœnitentiam illam, ab illo prælato assignatam, pro tollendo scandalo, & pro satisfactione Ecclesiæ: quod si omnino non sit recurrere, absolvendus est, & pœnitentia secreta illi imponenda.

### QVÆSTIO III.

*De obligatione Pœnitentis, circa pœnitentiam recipiendam, vel receptam.*

In hac Quæstione examinabitur.

1. An pœnitens, teneatur pœnitentiam acceptare?
2. An pœnitens teneatur pœnitentiam acceptatam implere, & Quando?
3. An in statu gratiæ?
4. An per se, vel per alium, possit illam implere?

#### ARTICVLVS I.

*Utrum Pœnitentes teneantur, pœnitentiam acceptare?*

Dux sunt hac in re sententiæ. 1. Negat, quàm sequitur Medicus, Gabriel, Sylu: Nauar: Armilla (tribuitur Doctori) qui omnes dicunt,



non teneri poenitentem ad satisfactionem acceptandam, vel impleendam, eo, quod nemo teneatur, in hac vita, pro poena temporali satisfacere, sed possit hoc differre ad alteram vitam. Alia est opinio contraria multorum Theologorum.

*Poenitens debet acceptare poenitentiam.*

DICO 1. Poenitens tenetur poenitentiam tolerabilem, & humanam fragilitati accommodatam acceptare. Est communis. Constat ex Tridentino *Sess. 14. cap. 8.* Probatum 1. Quia Sacerdos tenetur poenitentiam imponere. Ergo Poenitens tenetur illam acceptare. 2. Quia poenitens tenetur parere Judici recte judicanti, juxta illam conditionem Confessionis, *ut sit parere parata.* Sed iudex est, & arbiter Confessorius, qui Poenitentiam imponit. Ergo. 3. Sacerdos absoluit, tanquam Dei minister. Sed Deus saepe illo modo absoluit à culpa, retinendo aliquam poenam soluendam. Ergo & Sacerdos absolvens à culpa, potest obligare ad poenam.

*Nota*

DICO 2. Opinio asserens, non teneri poenitentem, ad acceptandam poenitentiam, non est improbabilis, neque contra fidem. Fauet Deus in 4. dist. 15. q. 1. Art. 2. num. 14. Et dist. 19. num. 27. dicens, quod poenitens, duobus modis potest se habere respectu Sacerdotis: nam, vel se submittere vult illi, quantum ad omnia, scilicet quoad absolutionem à culpa, & à poena totali; vel solum, quoad absolutionem à culpa, non autem quoad absolutionem à poena totali; si hoc posteriori modo, inquit Doctor, non expedire talem repellere, sine absolutione à culpa. Probatum 1. Quia talis nolens acceptare poenitentiam, supponitur esse sufficienter dispositus, & habere verum dolorem, & firmum propositum, non peccandi. Deinde habet voluntatem implendi poenitentiam, sed non inflectam sibi ab hoc indice. Ergo habet omnia requisita ad contritionem. Confirmatur Isaia 42. dicitur *Arundinem quasi scissam, non confringeret, & linum fumigans, non extinguet.* ubi per arundinem scissam, & linum fumigans, peccator intelligitur. Probatum 2. Vnusquisque potest renunciare juri suo. Sed quod homo possit in hac vita, per poenalia opera, satisfacere pro peccatis suis, est privilegium Divinum, & opus magnae misericordiae in fauorem hominum concessum, ut non affligantur, tam diris poenis purgatorii. Ergo homo potest renunciare huic suo juri, & velle satisfacere in purgatorio.

*Hinc*

*Concl.*



**COLLIGE.** Eicet hæc opinio in secunda conclusione allata, non sit improbabilis, non est tamen de facili ponenda in usu, quia difficile est inuenire aliquem, verè poenitentem, qui, vel tantillum poenitentia nolit acceptare. Vnde si quis nolit, Pater noster, recitare vel ter nomen Iesus, non esset absolueudus, quia talis, non videtur esse benè dispositus.

**COLLIGE 2.** Posse poenitentem, absq, mortali peccato, ante acceptam absolutionem à Confessario, ad alium recedere, si Confessarius nolit poenitentiam mitigare; non enim in hac parte Confessario obedire tenetur, nisi quatenus ab ipso intendit absolutionem acceptare.

**COLLIGE 3.** Falsò Doctore Subtili imponitur, quòd ipse asseruerit, Sacerdotem non posse imponere poenitentiam poenitenti, cum nullo libi hoc dicat, sed solum ait, poenitentem non necessariò teneri, ad acceptandam poenitentiam à Sacerdote sibi injectam. & loquitur de poenitentia totali, & adæquata, vt colligitur ex locis paulò ante citatis.

Confirmatur conclusio nostra. Nò videtur inconueniens, quòd reus reculare possit taxationem, & poenam impositam, à Iudice inferiori, & velit solum stare taxationi poenæ impositæ à supremo Iudice, ita & hic.

Confirmatur 2. Si talis non esset absolueudus, maximè, quia esset inobediens Ecclesiæ, quam repræsentat Sacerdos, habens clauis ejus. Atqui hoc non impedit, quia iste poenitens, submittit se Ecclesiæ arbitrio, quantum ad id, in quo tenetur, scilicet quantum ad iudicium de culpis, ad quod necessariò tenetur, ad hoc autem aliud iudicium pertinens ad impositionem poenæ, non tenetur se submittere. Ergo non est inobediens. Ratio est, quia impositio poenitentia, non includitur necessariò in primo iudicio, quò culpa dimittitur; nam in morte, cum quis non potest aliquid poenale exercere, potest secundum omnes absolui absque impositione poenitentia. Ergo poenitentia impositio non necessariò includitur in absolutione à peccatis, & poenis, ita vt sit impossibile absolue-  
re à culpa, & non absolue-  
re à poena.

Tum quia omnes Sacerdotes, yniformiter se habent circa absolutionem, à culpa, quia omnes requirunt eandem dispositionem, quâ deficiente,

Nota

Vindicatur  
D. à calum-  
nijs

Submitte se  
ad iudicium  
de culpis



non conferunt absolutionem. At circa impositionem poenae, non omnes vniformes sunt, immo maximè variant; nam aliqui pro eisdem peccatis, exiguam imponunt poenitentiam, propter voluntatem poenitentis, nolentis grauiorem acceptare; vel si acceptaret, non eam persolueret, vnde eū admonent, quòd residuū soluet in purgatorio. Ergo &c.

Deniq; timendum est, ne inde accipiat occasionem, reciduiandi in peccatum mortale, quia projiciendo illam poenitentiam, peccabis mortaliter, postquam voluit se submittere Sacerdoti in ejus susceptione.

DICES 1. Sacerdotibus, integrum est commissum iudicium de peccatis. Sed ad integrum, iudicium pertinet, impositio poenitentiae. Ergo &c.

RESPONDEO. Si hæc ratio esset vera, teneretur Sacerdos, semper imponere poenitentiam adæquatam, cum tamen ex rationabilibus causis, possit imponere non adæquatam, sed modicam, vt dictum est Q. præcedenti. Dicimus ergo, teneri Sacerdotem, imponere poenitentiam, & obligare ad illam poenitentem, si poenitens velit illam acceptare, sed si nolit, posset absolui: ex eo enim quòd Sacerdos, est iudex peccatoris, non aufertur peccatori optio, confugiendi ad ipsum DEVM, iudicem supremum, pro poenitentia, qui est superior Sacerdote; aliud esset si nolit Deus per se imponere poenitentiam, sed veller omninò, vt per Sacerdotem imponeretur, sicut voluit, vt absolutio fiat à Sacerdotibus; alia igitur est obligatio ad absolutionem à peccatis, alia obligatio ad recipiendam satisfactionem à Sacerdote.

*Alia est obli-  
gatio ad ab-  
solutionem  
alia ad satis-  
factionem.*

DICES 2. Ita est præceptum de satisfactione, sicut & de Confessione. Sed ad confessionem peccator obligatur. Ergo & ad satisfactionem. Confirmatur 1. Quia Sacerdos, & poenitens, tenentur integritatem Sacramenti facere. Sed satisfactio pertinet ad integritatem. Ergo. Minor patet, quia sicut Sacerdos tenetur ad poenitentiam imponendam, propter integritatem Sacramenti, ita poenitens ad acceptandam, propter eandem rationem: vnde in Jure *Capite statuimus de Maledictis* habetur, quòd blasphemus, qui noluerit poenitentiam acceptare, interdicatur ingressus Ecclesiæ. Ergo non acceptare poenitentiam, est peccatum mortale. Confirmatur 2. Concilia dicunt Florentinum, & Tridentinum, *Sess. 14. cap. 8.* In Sacerdotibus non solum esse potestatem absoluendi, sed etiam ligandi. Ergo potest poenitens obligari ad satisfactionem. Confirmatur 3. Iudex potest obligare reum ad poenitentiam sibi



am sibi impositam, & Pœnitens tenetur ei obedire, quia Confessio debet esse obediens. Confirmatur 4. Pœnitentia non solum est castigatio, sed etiam medicina pro cauendis peccatis in futurum. Ergo poenitens, potest obligari ad hanc medicinam, pro cauendis peccatis futuris.

RESPONDEO. Negando paritatem, quia ista sunt diuersa, Confessio, & Satisfactio. Ad 1. Confirmationem. Nego Minorem loquendo de satisfactione in re, & ut inungitur à Sacerdote; alioquin moribundo, non posset dari absolutio à culpa, cum poenitentiam, non possit acceptare. Ad probationem Minoris Dico, teneri Sacerdotem imponere, si poenitens velit acceptare; Canon Juris citatus, loquitur de poenitentia publica, & in foro exteriori. Ad 2. Confirmationem Dico, Concilia loquuntur, Sacerdotes habere potestatem poenitentiam imponendi, non verò dicunt teneri poenitentes ad acceptandam poenitentiam, ista enim sunt diuersa. Ad 3. Confirmat: Dico Posse Judicem obligare reum ad poenitentiam, si reus velit eam acceptare, sed si velit ad supremum appellare Judicem, cum sua poenitentia, non potest eum inferior Judex impedire. Porro conditio illa Confessionis (*Obediens*.) intelligitur, postquam poenitens poenitentiam acceptauit, tenetur illam implere. Ad 4. Confirmationem Dico, quòd medicinale tenetur acceptare, non medicinale verò non obligatur, si velit ad supremum iudicem appellare.

*Concilia vbi dicunt teneri poenitentes acceptare.*

## ARTICVLVS II.

*An poenitens teneatur poenitentiam acceptatam implere, & Quando?*

DICO 1. Pœnitens peccat mortaliter, non adimplendo poenitentiam acceptatam grauem; siue grauis illa fuerit in iuncta pro mortalibus, aliàs non confessis, siue pro mortalibus aliàs confessis: siue etiam pro venialibus. Est forè communis, excepto Cajetano, sed in hoc grauiter notatur ab aliquibus, quia putant hoc esse de fide. Ratio est conclusionis, quia faciens in re graui, contra obligationem, peccat mortaliter. Tùm quia hoc spectat ad iustitiam, & religionem. Ergo omit- tens peccat mortaliter. Dixi (pro peccatis mortalibus aliàs confessis, & venialibus) quia, si & pro talibus peccatis, rationabili de causa, assignatur poenitentia, & poenitens illam acceptat, tenetur illam implere, non tamen Sacerdos debet, pro præfatis peccatis grauem poenitentiam assignare.

*Peccat mortaliter poenitentes acceptando, & non implendo.*

DICO 2. Qui non adimplet poenitentiam leuem, non peccat *leui assignata mortali-*



*tanon obli-  
gat submor-  
tali.*

mortaliter, etiam si pœnitentia injuncta fuerit pro mortalibus. Ratio est, quia sicut in aliis leuitas materiæ, ita & hic excusat, V. G. tria, vel vnum Pater noster, &c. Hinc

**COLLIGE.** Probabilis est sententia Medinæ, asserentis, pœnitentem non peccare mortaliter, omittendo grauem pœnitentiam, quam Sacerdos injunxit solum sub veniali implendam: longè tamen probabilius est, non posse pœnitentiam grauem injungere, sub veniali implendam: non enim in potestate Confessarij est, actionem suam coarctare prout voluerit, sed juxta institutionem Sacramenti: cum autem natura Sacramenti postulet, vt pœnitentia præcipiatur, & si præcepta acceptatur à Pœnitente, non potest illa obligatio pœnitentis, arctari ad veniale.

*Determina-  
re tempore  
si implenda.*

Quantum ad tempus pœnitentiæ implendæ? **Dico 1.** Quando Confessarius determinat tempus implendæ pœnitentiæ, intra illud debet impleri; non tamen peccabit pœnitens mortaliter, si differat in aliud tempus; imò nec venialiter, modo adsit rationabilis causa dilationis. Ratio est, quia præceptum cadit directè, & per se in substantiam operis, in tempus verò, tanquam in circumstantiam accidentalem. Ergo mutare illud tempus præscriptum, impletionem pœnitentiæ non nihil differendo, modo non adsit nimia dilatio, non est peccatum mortale, quia est leuitas materiæ.

*Non imple-  
ta determi-  
nato tempo-  
re debet ta-  
men statim  
post impleri.*

**Dico 2.** Si pœnitens intra tempus præfixum, pœnitentiam non adimpleuit, tenetur adhuc elapso eo tempore pœnitentiam adimplere. Ratio est, quia tempus non fuit præfixum ad finiendam obligationem, sed ad sollicitandam, & non ad differendam absq; iusta causa. Ergo transacto præscripto tempore, adhuc in pœnitente perseverat eadem obligatio ad satisfactionem Deo, pro pœnis debitæ. Inde

**COLLIGE.** Potest fieri aliquando, vt pœnitentia alligetur tempori, & terminus iusta de causa apponatur, ad finiendam obligationem. V. G. Confessio qualibet hebdomada, vel jejunium tali, vel tali die.

**Dico 3.** Quando Sacerdos nullum certum tempus præfixit pœnitentiæ, censendus est præcepisse vt pœnitentia prima commoditate fiat. Ratio est, quia hæc censetur rationabilis voluntas confessarij, vt pœnitens quamprimum satisfaciatur Deo. Hinc

*Non differre  
non licet.*

**COLLIGE.** Si pœnitens pœnitentiam grauem, & valde diu differat, mortaliter peccat, si differat ultra modum, non licet differre.



ferat, mortaliter peccabit: quia facit contra intentionem Confessarij, & finem Sacramenti: quanta autem dilatio requiratur ad peccatum mortale, iudicio prudentis ex circumstantiis, iudicandum est. Ita communiter DD.

DICO 4. Non tenetur pœnitens implere pœnitentiam, ante obtentam absolutionem, quando pœnitentia est vindicativa, nulla enim cogit necessitas ex parte pœnitentis, quia debet credere pœnitenti, quod illam implebit: secus est iudicandum de pœnitentia medicinali, quia hæc in re tenetur Confessario obedire, quando ita ipse iudicavit ad ipsius bonum expedire.

QVÆRES I. Quid sit faciendum pœnitenti, oblito pœnitentiæ Oblitus pœnitentiæ quid facit? sibi in iunctæ in Confessione? Respondent aliqui vt Richardus, in 4. D. 17. a. 2. q. 8. Syluester Verbo Confessio 6. q. 3. teneri secundo eadem peccata confiteri, vt aliam pœnitentiam pro illis accipiat: sed opposita sententia est communior & verior, quæ est Nauarri cap. 9. num. 17. Soto dist. 20. Roderici tom. 1. cap. 56. num. 8.

DICO 1. Oblitus suæ pœnitentiæ, non tenetur secundo eadem peccata confiteri ob nouæ pœnitentiæ impositionem. Ratio est. Tum quia prior confessio, & absolutio fuit valida, remisitq; culpam, & pœnam æternam, sine vlla dependentia, à futura satisfactione. Ergo etsi satisfactio postea non impleatur, tamen nulla erit obligatio, iterum confitendi. Tum quia illa repetitio Confessionis, non est necessaria ad remissionem pœnæ temporalis, quia hæc alia ratione etiam in hac vita obtineri potest, per alias spontaneas satisfactiones; & pœnitens absolute, non tenetur, pro ea in hac vita satisfacere, vt dictum est; optimè tamen faceret, si præcipua peccata confiteretur.

DICO 2. Si per negligentiam crassam, & dilationem nimiam, oblitus est aliquis pœnitentiæ sibi impositiæ, ne tunc quidem tenetur iterare Confessionem, sed satis erit, vt peccatum illud negligentia, & dilationis confiteatur, vnâ cum aliis postea commissis. Ratio eadem est, quæ & prioris Conclusionis. Securius aliqui iudicant, vt grauiora repetantur, vt Sacramentum sit perfectum, & integrum. Inde

COLLIGE. Si obliuio statim accadat, post datam pœnitentiam, & crederet Sacerdotem esse ejus memorem, teneretur, si posset, ab eo petere, quid injunxisset, præsertim quando pœnitentia est grauis.



QVÆRES 2. An poenitens, possit in iuncta sibi poenitentia, satisfacere per susceptionem indulgentia plenaria?

RESPONDEO. Possè, modo re ipsa suscipiat indulgentiam, respondentem satisfactioni pro poenis debita. Ratio est, quia poenitens per susceptionem Indulgentia plenaria, satisfacit pro peccatis, ut constabit ex definitione Indulgentia plenaria *Disp. 9.* Ergo poenitens non tenetur amplius satisfactionem sibi in iunctam adimplere: sicut enim debitor, non tenetur creditori solvere debitum, quod sibi condonatum, & remissum est, à Creditore, ita neq; poenitens, tenetur Deo satisfacere, pro poena aliàs debita, cujus remissione obtinuit per indulgentias. Hinc

COLLIGE. Hoc dictum, est verum in poenitentia vindicativa, non verò quæ datur in remedium, & præservationem à peccatis, quia indulgentia, non ita præservat à peccatis, sicut opera poenalia. Addo. raro omittendas poenitentias etiam vindicativas, ob susceptionem Indulgentiarum, quia id integritas Sacramenti videtur exigere, & majus meritum exposcere, ut poenitentia assignata adimpleatur.

### ARTICVLVS III.

*An poenitens teneatur implere poenitentiam, in statu gratia?*

In hac difficultate, sunt duæ graues opinioniones. 1. asserit quod existens in peccato mortali, impleat quidem præceptum de integritate Sacramenti, & satisfacit præcepto Sacerdotis, non tamen satisfacit pro poena temporali, coram Deo: ita S. Thomas in 4. dist. 15. q. 1. a. 5. Sanctus Bonaventura. Richardus eadem Distinctione: communis fere Thomistarum. sequitur Suarez *disp. 37. sectione 2. & multi alij.* 2. opinio est D. Subtilis in 4. dist. 15. q. 1. a. 4. & De Quarro dicitur asserens, non solum satisfacere integritati Sacramenti, & præcepto Sacerdotis, sed etiam obligationi pro poena temporali, coram Deo. Sequuntur omnes sui discipuli. & Major *ibidem* q. 1. Gabriel *Dist. 16. q. 2. a. 3. dub. 3.* Medina *Tract. 3. q. 5. Dubio ultimo.* Nauarrus, maximè in *Manuali capite 3.* ubi multas rationes adducit post Tridentinum Concilium. Angelus *verbo Penitentia num. 14.*

Soluitur poena temporalis & integritati Sacramenti, & præcepto Sacerdotis, & soluitur poena lris extra statum gratia. Probatur 1. Quando aliquis soluit, quantum debet, satisfacit, siue sit amicus, siue inimicus. Sed peccator existendo in peccato mor-



mortali satisfacit, & soluit, quantum debet. Ergo satisfacit. 2. Pro-  
batur opposita opinio, præbet occasionem peccatoribus, majoris ob-  
stinationis; quod repugnat Diuinæ bonitati, & misericordiæ, cuius viæ,  
ducunt ad bonum, non ad malum. Sequela Majoris exemplificatur;  
V.G. Petrus hodie suscipiat, pro pœnitentia jejunium trium dierum,  
cras recidiuet in peccatum mortale, & de illo non pœnitens, secundo  
die jejunat, quia sibi fuit impositum, quæro, an jejunium secundæ diei  
sit aliqua satisfactio, an non? si sic? habeo intentum; si non. Ergo est  
ocasio inducendi Petrum ad non jejunandum tercio die, & sic ad nouū  
peccatum, non adimplendi pœnitentiam injunctam, & acceptatam.  
Quod autem asserendo jejunium illud secundæ diei, non esse satisfacto-  
rium, sit occasio inducendi Petrum, ad non jejunandum tertia die.  
Probat, quia non alio fine jejunat, nisi vt eo satisfaciat, pro pœna  
temporali suorum peccatorum, cognito autem hoc fine frustraneo,  
(quia juxta oppositam sententiam, opus illud pœnale jejuniij, nihil va-  
let,) cessat occasio jejunandi, & accedit occasio transgrediendi præce-  
ptum dictum, & consequenter faciendi peccatum nouum, vt dictum est.  
Probat, 3. vel opus satisfactorium, factum in peccato mortali, est opus  
bonum, & dignum acceptione Diuinâ, vel non: Si neges: Ergo quis,  
faciendo opus pœnale, ex suo genere bonum, & dignum acceptione  
Diuinâ, V.G. jejunando, faciet peccatum, quod est impium: vel faciet  
opus indifferens, & nullius valoris; & hoc non, quia actus ille satisfacti-  
onis, est actus obedientiæ virtutis, facit enim opus illud jejuniij, in quan-  
tū illud est sibi impositum, tanquam pars satisfactionis: actus verò  
virtutis obedientiæ, est laudabilis, & ex suo genere bonus, & dignus ac-  
ceptione. Ergo est satisfactorius. 4. Quod Deus semel condonauit,  
non retractat. Ergo pœna illa temporalis, pro peccato imposita, potest  
secundū iustitiam tolli, & solui per opus pœnale factum in peccato.  
5. Cum quis exigit ab aliquo, pœnam aliquam debitam, si ille soluat  
poenam illam debitam, siue sit amicus, siue inimicus, satisfacit. Sed in  
proposito, Deus exigit poenam inflictam peccatori, propter peccatum,  
dum per ministrum suum Sacerdotem imponit, & præcipit poenitenti,  
talē satisfactionē. Ergo dum exhibet opus pœnale sibi impositum, siue sit  
amicus, siue inimicus, satisfacit Deo.

DICES. I. Nulla remissio, nec culpæ, nec poenæ, fieri potest, nisi  
in virtute passionis Christi Domini, quia ipse nos à culpa, & à poenâ li-



berauit. Sed peccatori existenti in mortali, non applicatur passio Saluatoris: Ergo non potest satisfacere.

*Peccator soluit virtute gratia prae-terita.*

RESPONDEO. Nego Minorem, soluit enim virtute passionis Christi Domini, & virtute gratiae ejus satisfacit, quae aderat, quando ei culpa dimissa fuit; virtute enim gratiae, tunc justificantis peccatorem, acceptata fuit poena temporalis soluenda, ideo in quocunq; statu illa solvatur, sufficit.

DICES 2. Tridentinum *Seß. 14. cap. 8 & Can. 13.* definit satisfactionem hanc, non esse opus nostrarum virium, sed esse opus gratiae datae per Christum Jesum, à quo omnis nostra est sufficientia. Cum igitur satisfactio, sit fructus gratiae Christi Domini. Ergo opera satisfactoria debent esse opera facta in gratia.

*Mons Concilij*

RESPONDEO. Concilium ibi loquitur de auxilio gratiae, necessario nobis ad eliciendum opera bona, quod negabant Pelagiani, non de gratia gratum faciente, de qua nunc loquimur, & hoc verum esse patet: ex textu, refutat enim remeritatem haereticorum modernorum, qui dicunt has satisfactiones, tollere meritum Christi Domini, cum tamen Catholici, hoc nunquam dicant, imò apertè esse ex meritis Christi Domini fatentur. Quod si aliquis contendat, loqui Concilium de gratia justificante in operibus satisfactoriis, id verum est, de gratia praesenti, vel praeterita.

*Satisfactio in peccato mortali non est reconcilians.*

*Nota dicta Doct. Subt.*

DICO 2. Hæc satisfactio, est tantum secundum quid. Pater, quia non est placans, neq; reconcilians, & per illam soluit quidem poenam, sed non meretur? Has conclusiones, ut clariùs elucidet, D. Subtilis loco citato, ponit tria dicta. 1. Si quis impleat satisfactionem, sibi ab Ecclesia impositam, clauē non errante in charitate, melius facit, quia nō tantum soluit poenam, sed etiam meretur. 2. Si eam adimpleat extra charitatem, soluit quidem poenam, sed non meretur gratiam, neq; gloriam. 3. Si poena, & satisfactio, exigitur ab eo extra charitatem, solvitur poena, licet ipse non soluat, & ultra hanc, non exigitur poena ulterior, & hanc appellat satisfactionem: & declarat exemplo humano, si enim alicui offensæ in Regem, correspondeat præcisè juxta legem, abscissio manus, si isti etiam inuito, abscinditur manus satisfacitur, & im tantum sufficit Regi, quod secundum legem, & justitiam, non debet ab eo poenam ulteriorem exigere, & tamen, non recipit eum in gratiam, vel amicitiam; ita & in proposito. Hinc

COLLE-



COLLIGE ex 2. Dicto Doctoris Subt. Si quis magnam partem satisfactionis sibi impositæ, implevit in peccato mortali, & post iterum poenitet de peccato nouo, non est sibi iteratò poenitentia imponenda pro peccato de quo satisfecit, licet extra charitatem, sed tantùm de nouis peccatis.

DICES. Opera nostra, nullius sunt valoris extra gratiam Dei, apud DEVM, juxta illud Prouerb. 15. *Victima impiorum abominabiles Domino, vota iustorum placabilia.* Ergo vt habeant valorem, necesse est quòd illum, accipiant à gratia DEI.

RESPONDEO. Nego opera facta extra gratiam, esse vlliùs valoris, licet non sint meritoria, benè tamen satisfactoria. Ad authoritatem Prouerbiorum dico, *victimas impiorum esse abominabiles DEO*, id est, non acceptas, nec meritorias vitæ æternæ.

*Opera facta extra gratiam sunt satisfactoria.*

DICES 2. Si peccator, posset facere extra gratiam pro poenis debitis, vel illa satisfactio esset de condigno, vel de congruo. Non 1. Quia sicut nullus potest de condigno, sine gratia mereri, ita nec satisfacere. Non 2. Quia lex generalis est, vt quòd sine charitate fit, nihil sit. Respondeo Esse satisfactionem de condigno, quia innititur gratiæ gratum facienti, non præsentì, dum satisfacit, sed præteritæ, quæ ei fuit remissa culpa, cui talis poena debebatur. Quare satisfactio, non requirit charitatem principaliter, dum fit, licet requirat præfuisse, quando Deus culpam dimisit, & poenam faciendam accepit, illius enim virtute gratiæ solutionem postea factam acceptat. Hinc

COLLIGE. Juxta doctrinam D. S. An bona opera, facta in peccato mortali, adueniente gratiâ, reuiuiscant quoad effectum satisfaciendi ex opere operantis, nullum est dubium, quia supponit non fuisse mortificata.

QVERES An satisfactio, habeat aliquem effectum ex opere operato?

DICO 1. Habet. Ratio est, Tùm quia si satisfactio Sacramentalis, nullum effectum haberet virtute clauis, & ex speciali applicatione passionis Christi Domini, non esset majoris virtutis, & efficacis, quàm satisfactio nõ Sacramentalis, quod est absurdum, frustra enim esset instituta à Christo Domino. Tùm quia hæc actio, aliquomodo præcedit à potestate soluendi, & remittendi peccata, subjecta Sacerdoti per confessionem, collata ipsi Sacerdoti, ex meritis Christi Domini. Ergo virtute meritorum

*Satisfactio habet effectum in opere operato.*



Christi Domini, habet aliquem effectum proprium ex opere operato, siue ex se, vt sic est instituta à Christo Domino. Sed satisfactio non ordinatur in culpam, sed in poenam. Ergo.

*Satisfactio  
habet effe-  
ctum in ab-  
solutione.*

Dico 2. Satisfactio habet hunc effectum, cum Sacerdos absoluit poenitentem. Ratio est, quia cum poenitens est rectè dispositus, sacerdos remittit illi virtute clauium, non solum culpam, & poenam æternam, sed etiam aliquid poenæ temporalis, & hoc semper verum est, siue Sacerdos assignat poenam adæquatam, siue inadæquatam, aliàs impotens absolueret adæquatam, careret hoc beneficio.

*Satisfactio  
non confert  
gratiam ha-  
bitualem ex  
opere opera-  
to.*

Dico 3. Satisfactio, non confert gratiam habitualement ex opere operato. Hoc probabilius videtur, quàm oppositum, non enim est pars essentialis, in qua consistat essentia Sacramenti: satisfactio enim requiritur, vt actus poenitentis, in re, vel in voto, vt Sacramentum habeat efficaciam. Tum quia sola satisfactio, posset iustificare hominem, sicut contritio, quod est contra naturam eius, quæ tota respicit poenam temporalem.

QVÆRES II. Vtrum opera satisfactoria, quæ procedunt ex meliori, & feruentiori actu, sint magis satisfactoria?

*Opus qua-  
druplex ex-  
terius*

Nota. In operibus satisfactoriis, quadruplex est opus exterius, nempe liberale, poenitentiale, Indulgentiale, & Suffragale. Liberale, quod quis facit, ex propria voluntate. Poenitentiale opus, quod iungitur à Sacerdote. Indulgentiale cui ex concessione Prælati, annexa est aliqua indulgentia, V. G. visitare aliquam Ecclesiam, &c. Suffragale opus est, quod facit vnus, pro alio. Porro opus exterius, procedit ex interiori, opus autem interius, potest esse æquale, vel inæquale, in diuersis, procedens ex maiori, minori, vel æquali feruore charitatis.

Dico 1. Si opus interius, sit in diuersis æquale, & opus exterius in singulis est liberale, opus exterius, est æqualiter meritorium; & idem iudicium esto, si opus exterius æquale in singulis, est poenitentiale, vel indulgentiale. Si verò opus interius in diuersis sit æquale, sed opus exterius, in vno poenitentiale, in alio verò indulgentiale, vel liberale, magis meretur opus poenitentiale, quàm liberale, vel suffragale, ratione clauium.

Dico 2. Si opus interius sit inæquale in pluribus, & opus exterius, in vno sit poenitentiale, in alio indulgentiale, in tertio suffragale, in quarto liberale, semper plus meretur operans intensiori conatu, & charitatis feruore, non tamen magis satisfacit, nam non attenditur valor satisfactio-  
tionis



tionis, nisi ex opere operato, id est, ex opere exteriori. Ergo ubi est opus exterius æquale, huiusmodi opera, æqualiter sunt satisfactoria, supposito quòd fiant propter bonum finem.

*Opus ex ma-  
jori charita-  
te magis sa-  
tisfactorium.*

ARTICVLVS IV.

*An poenitens teneatur per se poenitentiam adimplere, vel an possit id per alium prestare?*

NOTA. Præsens difficultas duobus modis intelligi potest. 1. An poenitens sine consensu Confessarij, possit per alium poenitentiam implere. 2. an saltem ex consensu Confessarij, id sit licitum, & validum?

DICO 1. Sine Confessarij voluntate, non potest poenitens, per aliū implere poenitentiam. Ratio est, Tūm quia hæc satisfactio, imponitur virtute clauium à Sacerdote poenitenti. Ergo obligatur ad illam personaliter, cum sit obligatio personalis, quæ ad implenda est per seipsum. Tūm quia poenitens adimplere debet, quod sibi præceptum est à Confessario. Sed poenitenti, præceptum est à Confessario, vt poenitentiam per seipsum impleat. Ergo.

Aduerte. Si Confessarius injungat poenitenti aliquod opus sub disjunctione, vt vel per se, vel per alium absoluat, poenitens satisfacit, faciendo vt alter præstet opus præscriptum; ita enim adimplet præceptum Confessarij. Ita Boncina. *de poenit. d. 5. q. 5. Sect. 3. puncto 4. num. 12.*

DICO 2. Non potest per alium impleri poenitentia medicinalis; potest verò satisfactoria, seu vindicatiua ex rationabili causa, cum consensu Confessarij. Ita Suarez *disp. 38. sect. 9.* Henriquez *lib. 5. cap. 20. nū. 7.* Bonacina *loco citato num. 14.* Dixi (Non potest medicinalis) quia, vt inquit Sanctus Bonauentura *in 4. dist. 20 p. 2. a. 1. q. 1. Morbus, non recipit purgationem, & curam, ex purgatione aliena,* non enim exstinguitur in te concupiscentia, si alius pro te jejundet, vel disciplinam faciat. Dixi (potest verò satisfactoria, seu vindicatiua) quia potest vnus soluere pro alio poenam, nam omnes fideles glutino charitatis fiunt vnum, & sic vnus pro alio potest satisfacere. vnde ad Galath. 6. dicitur. *Alter alterius onera portate, & sic adimplebitis legem Christi.* Sed satisfactio est onus. Ergo & de illo quoq; potest intelligi dictum Apostoli. Confirmatur. Vnus potest mereri alteri de congruo primam gratiam. Ergo multò magis poterit vnus pro alio satisfacere. Antecedens patet Matth. 9. vbi dicitur, quòd videns Iesus fidem illorum dixit. *Confide fili remittuntur tibi peccata tua.*

Dix



Dixi (ex rationabili causa) nam istæ causæ in hoc passu sunt obseruandæ.

*Quæ causa  
cum vnus  
pro alio sa-  
tisfacere po-  
test.*

1. Quod poenitens non possit per se satisfacere, quia infirmus est. 2. vt ille qui pro alio satisfacere vult sit dignior, id est, sanctior. 3. vt hæc commutatio fiat iustè, debet commutari in maiorem, quàm sit poenitentia imposita poenitenti, quia plus facit poenitentia in Persona propria, quàm in aliena, quia est magis voluntaria, ideo, qui pro alio satisfacere vult, maiorem poenitentiam subire debet, & Sacerdos tenetur illi maiorem imponere. Porro non debet Confessarius sine iusta, & necessaria causa, talem modum satisfaciendi imponere: quia non est in vtu in Ecclesia, neq; est conueniens Sacramento poenitentia, quod mortificationem ipsius poenitentis requirit.

*Cautio.*

*Personalis  
non potest  
per alium.*

Addunt Aliqui, quod illa poenitentia, quæ est personalis, non potest per alium impleri, V. G. jejuna, orare, carnem macerare, quia hæc opera sunt personalia. Quare addunt poenitentem, qui non potest satisfactionem per seipsum adimplere, non teneri eum per alium adimplere. Ita Nugnus in additionibus ad 3. partem. q. 13. a. 2. dubio 9. numero 82. Coninchus Dubio 7. Bonacina de Pœnitent. disp. 5. q. 5. sect. punct. 4. n. 13.

*Potest imple-  
ri poeniten-  
tia per mo-  
dum instru-  
menti per a-  
lium.*

Dico 3. Certum est per modum instrumenti, posse impleri poenitentiam operâ alterius, V. G. Eleemosyna potest dari per famulum, vel potest aliquis permittere se castigari ab alio. Ratio est, quia tunc Eleemosyna, vel flagellatio, fit virtute, vel voluntate Causæ principalis, nisi forte Confessarius imponeret Eleemosynam propriâ manu distribuendam, propter ædificationem aliorum.

## QVÆSTIO IV.

### De Potestate Confessarij circa commutationem Pœnitentiæ?

*Mutatio pœ-  
nitentiæ fit  
duplitcher.*

Nota Mutatio, vel ablatio pœnitentiæ impositæ duobus modis fieri potest.

1. Per interpretationem, quod prior pœnitentia non teneat, & clavis errauerit, in ipsa imponenda; vel quod poenitens factus est impotens ad illam pœnitentiam faciendam: vel quod actus non est conueniens, nec possibilis moraliter.
2. Per solutionem illius obligationis, licet illa obligatio teneat, & duret.

Claritatis gratia præfens Quæstio in quatuor articulos diuiditur.

In 1. Resoluetur, An Confessarius Pœnitentiâ à se impositâ possit commutare?

In 2. Vtrum Sacerdos par, possit ab altero pari impositâ pœnitentiâ commutare?

In 3. Vtrum superior possit immutare pœnitentiam, ab inferiore impositam?

In 4. Vtrum inferior possit commutare pœnitentiam, per superiore impositâ?

ARTI.



ARTICVLVS I.

*Vtrum Confessarius pœnitentiam a se impositam, possit commutare?*

Dico 1. Potest Confessarius, ex vi ejusdem Confessionis mutare, vel tollere pœnitentiam, à se impositam, modo pœnitens ad eum recurrat, intra adeò breue tempus, vt & ille peccatorum meminerit, & moraliter possit idem iudicium existimari. Ratio est, quia sæpè ita expedire potest ad bonum animarum, & quia hæc res pensanda est moraliter, juxta prudens iudicium. Tùm quia Sacramentum pœnitentiæ, est institutum ad bonum animarum, cùm autem bono animarum, aliquando expediat, pœnitentiam à se, vel ab alio injectam commutare. Ergo rationabili de causa, id expedit fieri, cùm alienam non vsurpet jurisdictionem, neq; vllam faciat injuriam vlli.

Dico 2. Licet potest Confessarius mutare, vel tollere pœnitentiam, in vna Confessione à se impositam, si pœnitens eadem peccata confiteatur. Ratio est, quia iudicium licet circa idem peccatum iterare. Ergo & pœnitentiam nouam imponere.

Dico 3. Nullo modo potest licetè, aut validè, idem Confessarius, pœnitentiam à se datam, Sacramentaliter tollere, vel commutare, extra Sacramentum: in Confessione verò potest, dummodò pœnitens ad Confessarium recurrat, intra tempus adeò breue, vt moraliter existimari possit, Sacerdotem omnia peccata memoria rectè retinere. 1. pars probatur, quia potestas Sacerdotis, est potestas clauium ad ferendam sententiã de peccatis pœnitentis. Ergo sicut, non potest absoluerè à peccatis, nisi auditis illis Sacramentaliter, ita neq; poterit pœnitentiam commutare, vel tollere, nisi in Sacramento. 2. pars patet, quia si pœnitens statim recurrat, intra breue tempus, moraliter potest dici eadem Causa, & iudicium diligentius, de eadem causa.

*Extra Sacramentum Confessarius non potest tollere vel mutare pœnitentiam*

ARTICVLVS II.

*Vtrum Sacerdos par, possit ab altero pari, impositam pœnitentiam commutare?*

Dico 1. Non potest vllò modo extra Confessionem, vnus Sacerdos tollere, vel commutare pœnitentiam Sacramentalem, sacramentaliter ab alio Sacerdote æquali sibi impositam. Ratio est,

Id

est,



est, quia potestas clauium Sacerdotalium, est tantum Sacramentalis. Ita Syluest. *Verbo Confessio*, q. 27. Bonacina *de pœnitentia* disp. 5. q. 5. Sect. 3. punct. 4.

Dico 2. Potest Sacerdos, audire eorundem peccatorum Confessione, mutare pœnitentiam, quam alius par imposuerat. Est Syluestri *Verbo Confessio* 1. q. 27. Angeli *verbo Confessio* 6. num. 4. Nauar. in *Manuali* cap. 26. num. 22. sequitur Suarez. *Disp.* 38. *Sect.* 5. num. 3. citans multos alios. Probat, quia potestas clauium, data est in fauorem pœnitentium, ideo potest sapius de eadem causa iudicari, & à diuersis; & abjecto priori iudicio, potest stare secundo, neq; sit vlla injuria priori Sacerdoti: quia ex illa antecessione iudicii, nullam acquirit ius ille Sacerdos prior, sed pœnitens manet in sua libertate, sicut prius, vt alium adire possit, & nouum iudicium expetere in sua causa.

OBJECIT Soto in 4. *dist.* 20. q. 2. a 3. Par in parem, non habet potestatem. Ergo cum prior rectam imposuit pœnitentiam, & clauis non errauit, non potest alter illam sententiam mutare.

RESPONDEO. In tali calu Sacerdos, mutans priorem pœnitentiam, non mutat eam, quia habeat potestatem supra priorem Sacerdotem, sed quia pœnitens, habet libertatem committendi causam suam, iterum iudicio nouo, & alterius iudicis, & hac ratione dicimus fieri mutationem pœnitentiæ, quam pœnitens simul potest acceptare.

Dico 3. Non solum, licita est commutatio in pœnitentiam æqualem, sed etiam in multo leuiorem, immo posset Confessarius pensata iustitiæ æquitate, nullam simpliciter imponere. Ratio est, quia potest Confessarius iudicare prudenter, non egere pœnitentem, siue quia consecutus est plenariam indulgentiam, siue quia videtur jam sufficienter satisfacisse.

### ARTICVLVS III.

*Virum superior possit commutare pœnitentiam, ab inferiore impositam.*

Dico 1. Non potest superior, pœnitentiam Sacramentalem ab inferiore impositam mutare in aliam Sacramentalem, aut tollere Sacramentaliter, extra Sacramentum. Ratio est, quia iudicium hoc, est Sacramentale. Ergo requiritur Confessio Sacramentalis.

Dico 2. Audita Confessione, potest Superior mutare, vel tollere pœnitentiam, ab inferiore impositam. Ratio est, quia si Sacerdos æqualis potest pœnitentiam commutare, ab æquali impositam, multo magis



gis de Superiore, id est dicendum : & licet quoad potestatem ordinis sint æquales, tamen superior excedit inferiorem potestate jurisdictionis, quæ maximè valet ad dimittendam satisfactionem debitam, & pœnitentiam debitam ; ideo etsi inferior potuerit pœnitentem absoluerè, & justè ei imponere pœnitentiam debitam, tamen hoc non impedit, quin Superior, possit de eodem pœnitente facere judicium, & providere animabus suorum subditorum, prout sibi videbitur opportunum.

Dico 3. Superior habens potestatem, concedendi indulgentias, potest totam, vel partem pœnitentiæ relaxare. Dixi (totam) si potest indulgentiam plenariam concedere. Est communis Theologorum, in 4. dist. 20. Rationem assignat Sanctus Bonaventura ibidem p. 2. a. 1. q. 2. quia, etsi omne bonum nostrum sit per Christum Dominum, à quo omnis nostra salus, & bonum est, tamen distinguitur in triplicem partem: obtinemus enim bonum ex triplici merito, scilicet, ex merito Christi Domini per administrationem Sacramentorum. Deinde ex merito, seu unitate Ecclesiæ, quia omnes sumus in eadem Ecclesia, vinculo charitatis conjuncti, & sic per Concessionem indulgentiarum, & per orationes Sanctorum, obtinere solemus remissionem pœnitentiæ residuæ. Deniq; ex merito proprio, contritionem intensam, vel aliquod opus pœnale, faciendo.

*Triplex meritum.*

#### ARTICVLVS IV.

*Utrum inferior, possit commutare pœnitentiam, à Superiore impositam?*

Dico 1. Si pœnitentia à Superiore, fuit imposita pro peccatis tantum communibus, à quibus etiam inferior habuit jus absoluendi, tunc poterit illam inferior commutare, auditis iterum iisdem peccatis. Ratio est, quia in hoc casu sunt æquales; omnes enim Sacerdotes sunt æquales, in potestate absoluendi à peccatis, & ita vnus absoluit, sicut alius; ideo sicut alius æqualis, potest pœnitentiam impositam mutare, ita hic, licet inferior.

Dico 2. Quando pœnitentia est à superiore imposita, propter casus reservatos, probabilius est, non habere potestatem inferiorem Confessarium commutandi illam, & multo minùs tollendi; per se loquendo. Ratio est, quia inferior, non potest absoluerè à peccatis reservatis. Ergo neq; potest commutare pœnitentiam pro illis impositam à Superiore: quia potestas commutandi pœnitentiam prouenit à potestate absoluendi.

*Nota*

Dd 2

à pecca-



*Inferior pœnitentia commutari Superiorem pœnitentiam,*  
 à peccatis: impositio enim pœnitentiæ, est pars iudicii Sacramentalis: ideo, qui non potest in primum, neq; in secundum. Dicitur (Per se loquendo,) quia cum adest necessitas, vel utilitas, secundum iudicium viri prouidentis, & aditus est difficilis ad prælatum, tunc inferior potest commutari pœnitentiam à Superiore impositam, aliàs non. Ita Syluest. *verbo Confessio* l. q. 27. & citat multos alios. Angelus *verbo Confessio* num. 4. & alij. Ratio est. Tùm quia Confessarius, sicut potest pœnitentiam peccatorum non reseruatum commutare, ita potest, & reseruatum, cum adempta sit reseruatio, per absolutionem Superioris, & ipse Confessarius inferior, jurisdictionem non exerit in Superiorem, sed in pœnitentem sibi expositum, & subiectum, non habentem amplius casus reseruatos Superiori. Tùm quia Superior præsumitur rationabiliter velle, quod expedit saluti pœnitentis, juxta fragilem ipsius naturam. Si ergo salus, vel fragilis natura, pœnitentis postulet, pœnitentiam commutari, consentaneum est, vt commutetur, non solum à Superiore, sed etiam ab inferiore, cum semel casuum reseruatio, per superiorem fuerit ablata.

DICES In Cap. Placuit de pœnitentia d. 6. prohibetur, ne pœnitens, qui se prius vni Sacerdoti commisit, se postea alteri committat.

RESPONDEO. Id verum esse de foro externo, & de peccatis publicis, non verò de interno. Hinc

COLLIGE I. Pœnitentiam commutari non posse, extra Sacramentum. Tùm quia commutatio Pœnitentiæ, est actus jurisdictionis clauium. Tùm quia omnis actus judicialis, fieri debet cognitâ causâ, circa quam versatur.

*Per indulgentias remitti tur pœnitentia.*  
 COLLIGE 2. Per indulgentias remittitur pœnitentia in iuncta, in quantum est satisfactoria, non in quantum est medicina. Ratio est, quia indulgentiæ non dantur in destructionem, sed in ædificationem animarum; tollere autem remedium, seu medicinam curatiuam animæ, esset magnum detrimentum animarum. Vnde intentio concedentis indulgentias, non est eas tollere, in quantum sunt medicina, neq; ad hoc habet potestatem, sed solum in quantum sunt vindicatiua. Hinc sequitur, quod cum pœnitentiæ, quæ modo iunguntur, sint valde tenues, & vix sufficiant pro medicina, per susceptionem indulgentiarum, non licet illas omittere.

QVÆRES Vtrum pœnitens possit propria auctoritate, pœnitentiam in æquale opus, aut in melius commutare?

RESPON-



RESPONDEO. Negatiuè. Ratio est. Tùm quia sicut præcepto jejunii, non satisfacit, qui aliquod aliud opus exhibet, ita non satisfacit præcepto pœnitentiæ, qui propriâ auctoritate, aliquid aliud præstat. Tùm quia, commutatio pœnitentiæ, est actio Sacramentalis, & est actus jurisdictionis, qui fit à Confessario, tanquam à Superiore: Pœnitens autem, non potest in se actionem jurisdictionis Sacramentalis exercere, cùm nullus sit sibi superior.

*Pœnitens nō potest auctoritate propria commutare pœnitentiā.*

DICES. Votum, potest auctoritate propriâ, in opus æquale, aut melius, commutari. Ergo etiam pœnitens, potest commutare pœnitentiā, in opus æquale, vel in melius. RESPONDEO. Nego Consequentiam. Ratio Disparitatis est. Tùm quia commutatio voti in melius, non semper est actus veræ jurisdictionis, sicut est commutatio pœnitentiæ. Tùm quia sicut vouens suâ voluntate se obstrinxit, & obligauit, ita etiam potest obligationem in opus æquale, vel in melius commutare. Tùm quia in voto id attenditur, quod magis vergit in honorem Dei, in pœnitentia verò, non solum id spectatur, verumetiam quod magis conducit pœnitenti, juxta prudentis Confessarij judicium. Hinc

COLLIGE. Facta commutatione pœnitentiæ, liberum est pœnitenti eligere, quam pœnitentiā voluerit, siue primam, siue secundam: commutatio enim pœnitentiæ, fit in fauorem pœnitentis, pœnitens autem cedere potest juri, & fauori suo.

Aduerte. Alterum Confessarium, ex justa causa, pœnitentiā mutare posse, etiam non auditâ confessione peccatorum, ob quæ imposita fuerat, tenet Nauar. lib. 5. consil. 26. de pœnitentia edit. 2. Sa. verbo satisfactio num. 5. Viçtor num. 211. Tolet. lib. 3. cap. 11. num. 12. Probabilior tamen est, opposita opinio, vt vidimus.

## DISPVATIO VII.

### De Effectibus Sacramenti Pœnitentiæ.



Sacramentum Pœnitentiæ hos effectus parit. Primò remittit peccata. Secundò remittit poenam debitam peccatis. Tertiò confert irreuocabilitatem peccatorum. Quartò recuperat gratiam, virtutes amissas, & merita.

## QVÆSTIO I.

## De effectu Sacramenti Pœnitentiæ circa remissionem peccatorum.

In hac Quæstione, circa remissionem peccatorum, Vndecim inquirenda sunt.

1. Vtrum per Sacramentum Pœnitentiæ remittatur culpa mortalis?
2. Vtrum per Sacramentum Pœnitentiæ remittantur peccata venialia?
3. Vtrum per Sacramentalia remittantur venialia?
4. Vtrum pœnitentiæ actus, sit prior infusione gratiæ?
5. An infusio gratiæ, & remissio culpæ, sit vna mutatio, vel duæ?
6. Vtrum prior sit expulsio culpæ, vel infusio gratiæ?
7. An peccatum de potentia Dei absoluta, possit remitti absq; infusione gratiæ?
8. Vtrum Justificatio peccatoris fiat in instanti?
9. Quid sit Justificatio, & quænam sint causæ Justificationis nostræ?
10. Vtrum Pœnitentia facta in extremis, valeat?
11. Vtrum post hanc vitam, possit peccatum dimitti quoad culpam?

## ARTICVLVS I.

## Vtrum per Sacramentum pœnitentiæ remittantur peccata mortalia &amp; infundatur gratia?

Pœnitentia  
delet mortalia.

Dico 1. Sacramentum delet, & remittit peccata mortalia. Probat 1. ex Sacris literis. Joannis 20. dicitur *Quorum remisistis peccata, remittuntur eis &c.* quæ verba intelliguntur in propriâ significatione, cum nullum inde sequatur inconueniens. Matth. 18. dicitur *Quacumq; solueritis super terram, erunt soluta & in calis.* Probat 2. Ex Concilijs. In Florentino dicitur, *absolutionem à peccatis, esse effectum hujus Sacramenti.* Et in Tridentino *Sessione 14. cap. 3.* habetur, effectum hujus Sacramenti, esse reconciliationem cum Deo. Sed reconciliatio cum Deo, fit per absolutionem peccatorum, cum homo quamdiu in statu peccati mortalis existit, sit inimicus Dei. Ergo effectus hujus Sacramenti, est absolutio peccatorum. Præterea idem Concilium dicit, poenam æternam, vnâ cum culpa remitti, per Sacramentum Pœnitentiæ, vel Sacramenti votum. Probat 3. De si se est, omnia Sacramenta nouæ legis, conferre gratiam habitualement, gratia autem habitualis, impossibilis est, cum omni peccato



cato mortali, & delet omnia peccata mortalia, (de potentia Dei ordinaria) nisi ponatur obex; nam homo per gratiam, constituitur amicus Dei, & hæres gloriæ cœlestis; peccatum verò mortale, efficit hominem Deo inimicum, & reum pœnæ æternæ. Ergo cum gratia confertur, peccatum mortale remittitur.

DICES Solus Deus remittit peccata, juxta illud Lucæ 5. *Quis potest dimittere peccata, nisi solus Deus?*

RESPONDEO: Solum Deum remittere peccata principaliter, Sacerdotem verò per Sacramenta ministerialiter, & instrumentaliter.

DICO 2. Pœnitentia, est sufficiens ad delenda peccata, toties, quoties homo peccauerit, si peccatori applicetur pœnitentia, post peccatū. Patet ex rationibus allatis pro prima Conclusionē. Tūm quia Matt 18. dicitur, *Non dico tibi septies, sed usq; septuagies septies.* Tūm quia quotiescunq; pœnitentia applicatur, non est minoris virtutis, & efficaciz ultima vice, quàm antea. Cum ergo sufficiens esset ad delenda peccata, sequitur pœnitentiam, quotiescunq; applicetur, sufficientem esse ad delenda peccata, toties, quoties homo peccauerit.

*Pœnitentia non est remedium*

DICO 3. Sacramentum Pœnitentiæ, non potest vnum peccatum mortale remittere, sine alio. Patet ex Tridentino Concilio Sess 6. c. 7. & Sess 5. can. 5. Ratio est, quia peccator, non justificatur sine receptione gratiæ habitualis, gratia autem habitualis, de potentiâ Dei ordinariâ, non est composibilis cum peccato mortali; primarius verò effectus gratiæ est, facere amicum Dei, filium, Dei, & hæredem regni cœlestis. Ergo non potest remitti vnum peccatum mortale, absq; alio, alioquin, posset aliquis esse amicus Dei, & ejus inimicus, filius Dei, & filius diaboli; quæ sunt absurda.

*Vnum mortale non potest dimittere sine alio.*

DICO 4. Sacramentum Pœnitentiæ, confert gratiam habitualement. Patet, quia omnia Sacramenta conferunt gratiam. Sed Sacramentum pœnitentiæ est verum Sacramentum, ut probatum est disputatione tertia. Ergo Sacramentum pœnitentiæ, confert gratiam. Hinc

COLLIGE. Sicut Lazarus, qui est typus pœnitentis, prius à Christo Domino fuit viuificatus, deinde traditus Apostolis soluendus, ita pœnitens prius à Deo per gratiam excitantem viuificatur, deinde formaliter, & perfectè à Sacerdote, in Persona Christi Domini per Sacramentum Pœnitentiæ viuificatur. Porro Decem leprosi prius sanati, quàm ad Sacerdotes remissi, non sunt figura Sacramenti Pœnitentiæ, sed potius eorum.

*Lazarus typus pœnitentiæ*



eorum qui extra Sacramentum iustificantur, per contritionem, quos constat adhuc teneri Sacerdotibus confiteri peccata illa, quorum remissionem per contritionem obtinuerunt.

*Omnia peccata remittuntur per pœnitentiâ.* DICO 5. Pœnitentia, sufficiens est ad delenda peccata mortalia, licet grauiâ, & hoc loquendo de pœnitentiâ, ut est virtus, & ut est Sacramentum. De Pœnitentiâ virtute constat. Psal. 50. *Cor contritum, & humiliatum DEVS non despicies.* Ezechielis 18. & 33. *Si impius egerit pœnitentiâ &c.* De Pœnitentiâ ut est Sacramentum, constat, quia certum est, Sacramenta conferre gratiam habitualem. Sed gratia habitualis non datur, si peccata non omnia mortalia dimitterentur. Ergo &c.

*Blasphemia in Spiritum Sanctum est irremissibilis.* DICES. Blasphemia in Spiritum Sanctum est irremissibilis Marci 3. & I. Ioan. cap. 5. dicitur, *peccatum quoddam esse ad mortem.* Ergo irremissibile.

RESPONDEO. Hæc loca intelliguntur, de finali perseuerantia in malo vsq; ad mortem, & sic certum est, quod non remittuntur, quia in inferno nulla est redemptio, vel intelligi debent, præsertim Marci 3. quod difficile sit remissibile, sæpè enim sacræ literæ, vtuntur verbo impossibili, pro difficili.

## ARTICVLVS II.

*Vtrum per Sacramentum Pœnitentiæ remittantur venialia?*

*Venialia remittuntur per Sacramenta*

DICO 1. Peccata venialia, remittuntur per Sacramentum Pœnitentiæ. Probatum Tùm quia peccata venialia, possunt esse materia Sacramenti Pœnitentiæ, ut constat ex supra dictis. Peccata autem, quæ sunt materia Sacramenti pœnitentiæ, posita attritione supernaturali, delentur per Sacramentum pœnitentiæ. Ioan. 20. *Quorum remisistis peccata, remittuntur eis, &c.* Tùm quia peccata venialia remittuntur per alia Sacramenta. Ergo etiam per Sacramentum pœnitentiæ, quod directè institutum est ad remissionem peccatorum. Quod venialia remittantur per reliqua Sacramenta; Patet per inductionem; nam Baptismus tollit omnem poenam, & culpam, ita ut baptizatus, si moriatur statim post Baptismum, nullâ interpositâ morâ, euolet in cælum, ut definitum est in Tridentino. *Sess. 6. cap. ultimo.* Si autem Baptismus non remitteret peccata venialia, adultus baptizatus, non statim euolaret in cælum, si suscepto Baptismo statim moreretur, cum poena peccatis venialibus debita, luenda sit in purgatorio, si debita satisfactio præstita non fuerit in hac vita. Deinde in Eucharistia, ut constat ex Trident. *Sess. 13. cap. 2.* Præterea in

extre-



extrema vnctione, vt colligitur ex Trident. *Seß. 14. c. 2.* Deniq; in omnibus aliis Sacramentis : nam homo attritus, & benè dispositus, si bona fide recipiat Sacramenta, obtinet remissionem peccatorum mortalium. Ergo multò magis càm attritione supernaturali, recipiet remissionem peccatorum venialium, quæ magis remissibilia sunt. Ita communiter Doctores. S. Thomas 3. p. q. 87. art. 3. D. Subt. in 4. dist. 14. & dist. 17. q. unica.

**Dico 2.** Per Sacramenta remittuntur omnia venialia. Ita Henriquez lib. 4. de poenitentia cap. 24. Suarez dist. 12. sect. 1. num. Patet. Tùm quia, per Sacramenta remittuntur omnia mortalia, nisi ponatur obex, Ergo etiam remittuntur omnia venialia, quæ sunt magis remissibilia, modo adsit debita, & sufficiens dispositio. Tùm quia, non est major ratio, cur potius aliqua venialia remittantur, & non omnia, modo non ponatur obex; tunc autem censetur poni obex ad remissionem venialium, quando poenitens actu peccat venialiter, in susceptione Sacramenti, aut habet complacentiam aliquorum peccatorum venialium.

*Omnia venialia remittuntur per Sacramenta.*

**PETES I.** Vtrum peccata venialia, deleantur per Sacramenta, ex opere operato?

**Dico 1.** Per Sacramentum Baptismi, & Poenitentia, delentur peccata, tam mortalia, quàm venialia, ex opere operato. Patet ex Concilio Florentino, in decreto Eugenii IV. vbi dicitur. *Effectum Baptismi, esse remissionem omnis culpæ originalis, & actualis.* De poenitentia, constat ex Concilio Trident. *Seß. 14. c. 5.* Ergo hæc Sacramenta, habent virtutem remittendi peccata etiam venialia, ex opere operato, hoc est ex vi, & virtute, à Christo Domino illis communicata, in ordine ad prædictum effectum. Ex quo sequitur, quod venialia peccata, non remittantur solum per dolorem, qui est dispositio, & de substantia Sacramenti poenitentia, sed etiam per voluntatem recipiendi ipsum Sacramentum, institutum ad remissionem venialium, tanquam medicinam in ordine ad deletionem culpæ.

*Poenitentia ex opere operato delet venialia.*

**Dico 2.** Non omnia Sacramenta nouæ legis causant remissionem venialium, immediatè, & ex opere operato. Patet, quia Eucharistia, vt docet S. Thom. 3. p. q. 79. art. 4. non remittit venialia, nisi quatenus per illam, excitatur feruor charitatis, per quem tolluntur huiusmodi peccata. Ergo non ex opere operato. Porro extrema vnctio, remittit venialia, ex opere operato: Jacob 5. Trident. *Seß. 14. c. 2.*

*Eucharistia non remittit venialia ex opere operato.*

Ec

PETES



PETES 2. An peccata venialia, deleantur per actum contritionis, & dilectionis?

DICO 1. Per contritionem perfectam, & vniuersalem de omnibus peccatis venialibus, delentur omnia venialia. Est communis Doctorum. Pater, quia contritio sufficit ad delenda mortalia. Ergo & ad venialia; quia talis actus, habet sufficientem oppositionem cum venialibus.

DICO 2. Peccata venialia, delentur per dilectionem Dei perfectam. Pater quia talis actus, habet cum peccatis venialibus sufficientem oppositionem. Ergo.

*Attritio de-  
let Venialia.*

DICO 3. Peccata venialia, non solum delentur per actum contritionis, sed etiam attritionis, etiam sine Sacramento Penitentiae, in hominibus in gratia Dei existentibus. Probatur. Quia talis actus, ita est proportionatus ad merendam veniam peccati venialis, sicut ad merendum augmentum gloriae. Sed ad meritum gloriae sufficit, si habeat conditiones requisitas. Ergo & ad illud. Addo probabilius esse, non omnia venialia remitti per attritionem, remissam.

### ARTICVLVS III.

*Vtrum per Sacramentalia remittantur venialia?*

NOTA. Nomine Sacramentalium, intelligitur res, vel actio sacra, quae obtinetur remissio peccatorum, quae Sacramentalia, hoc versiculo describuntur.

*Sacramen-  
talia quae  
quot?*

*Orans, tinctus, edens, confessio, dans, benedicens.*

Per verbum *Orans*, intelligitur oratio Dominica, aut oratio publicani, cum tunctione pectoris. Per verbum *tinctus*, intelligitur aqua benedicta. Per verbum *edens*, Panis benedictus. Per verbum *Confessio*, intelligitur illa confessio, quae fit ante Missam. Per verbum, *dans*, Eleemosyna, vel opera misericordiae. Per (*Benedicens*) intelligitur benedictio Episcopi, vel Abbatis.

*Venialia non  
remittuntur  
per Sacra-  
mentalibus ex  
opere opera-  
to.*

DICO 1. Probabilius est, peccata venialia, non remitti per Sacramentalia ex opere operato; sed ex opere operantis. Est S. Thom. 3. p. q. 87. a. 3. ubi ait, *Per Sacramentalia non remitti venialia absolute, sed in quantum sunt cum aliquo bono motu detestationis peccatorum.* Est etiam D. Subt. in 4. dist. 21. q. 1. § *Si iste modus non placet.* ubi dicit, *Peccatum veniale in ista vita remitti potest, non tantum per poenam interiorem, vel exterioriorem, quia illa non est necessaria ad hoc, sed per aliquem actum magis Deo acceptum, quam peccatum veniale, displiceat &c.* Requirit ergo D. Subt. ad delendam culpam veni



venialem, actum boni liberi arbitrij, qui actus est ex opere operantis. Ergo venialia, non delentur per Sacramentalia, ex opere operato. Item in Argumento principali quarto dicit: *Quod veniale potest deleri per minimam poenam, ut per asperionem aqua benedicta*; quam asperionem supponit esse poenam voluntariam. Ergo ex opere operantis, non ex opere operato.

Probatur 1. Sola Sacramenta instituta à Christo Domino, habent efficaciam suam ex opere operato. Sed Sacramentalia non sunt instituta à Christo Domino, sed ab Ecclesia. Ergo non habent efficaciam ex opere operato, Ecclesia enim non habet potestatem instituendi aliqua instrumenta, quæ ex opere operato tollant peccata venialia, quia hæc auctoritas, non potest colligi, nec ex scriptura, nec ex traditione Ecclesiæ, neq; ex principijs reuelatis. Ergo. Probatur 2. In peccato veniali, est quædam auersio. Ergo non remittitur sine actuali conuersione, & consequenter ad ejus conuersionem, non sufficit usus Sacramentalium, sed requiritur motus.

DICO 2. Sacramentalia, dum remittunt venialia ex opere operantis, habent hoc ex institutione, vel promissione Christi Domini, ut constat ex illis verbis orationis Dominicæ. *Et dimitte nobis debita nostra*. qualem vim habet etiam Eleemosyna, juxta illud Luc. 11. *Date Eleemosynam, & omnia munda sunt vobis*. vel ex oratione Ecclesiæ, quæ meretur exaudiri à Deo, ut hæc Sacramentalia consecrata, vel benedicta ab Ecclesia, vim habeant impetrandi Diuinum auxilium, quò homo excitetur ad tales actus, per quos peccata venialia deleantur. V. G. Confessio generalis ante Missam, est bonum opus, cui si correspondeat bonus actus interior, est fructuosus, & meritorius ex opere operantis, in quantum aliquis eum Sacerdote Confessionem illam facit, in quantum verò absolutio fit à Sacerdote, est oratio, quæ virtute Ecclesiæ, habet efficaciam per modum impetrationis. Hinc.

COLLIGE 1. Ille qui accipit errore, aquam non benedictam, putans esse benedictam, non obtinet remissionem venialium; quia remissio venialium obtinetur per Sacramentalia: talis verò aqua non est Sacramentale, consequenter non excitat ad actum, per quem peccata venialia delentur. Ita Graffius lib. 1. *decisionum cap. 6. num. 11*, Bonacina *disp. 5. q. 6. Sectione 2. num. 6*.

COLLIGE 2. Postquam quis peccauit venialiter, manet in illo virtualis deordinatio, quousq; retractet præcedentem actum, retractatio



autem ista nequit fieri, nisi per pœnitentiam formalem, vel virtualem. Ergo non possunt peccata venialia remitti, sine pœnitentia, & consequenter non remittuntur per Sacramentalia, ex opere operato. Atq; ita ille, qui aquam benedictam sumit, cum actuali consideratione peccatorum suorum, vel etiam sine actuali consideratione illorum, sed non cooperatur auxilio excitanti ad delenda venialia, non obtinet remissionem venialium, quia Sacramentale excitat, ad actum perfectum charitatis, impossibile cum venialibus.

## ARTICVLVS IV.

*Vtrum actus pœnitentia, sit prior infusione gratia?*

*Quomodo prior infusio gratia actu pœnitentia.* Dico 1. In genere Cause formalis, prius naturâ est infusio gratia, quàm perfectus actus pœnitentia, qui dicitur contritio. Probatur quia causa formalis, est prior suo effectu, sicut albedo est prior, quàm subjectum album, quia dat illi tale esse. Sed gratia, est causa formalis contritionis, dans illi esse formale. Ergo est prior illa in genere Cause formalis, & hoc intelligendo de contritione formata. Confirmatur Luc. 7. dicitur. *Remittuntur ei peccata multa, quia dilexit multum.* Vnde D. in 4. dist. 14. art. 2. in hoc instanti, in quo continuat peccator dolorem, de peccatis, ponit tria signa naturæ. 1. est actus informis pœnitentia. 2. Remittitur peccatum, & infunditur gratia. 3. Actus efficitur pœnitentia formatus, virtute cuius remittuntur peccata, quia dolor sine gratia, est informis, & vocatur attritio.

*Signa continuationis doloris.*

*Quomodo prior contritio gratia.*

Dico 2. Contritio quatenus est causa dispositiua gratia, prius naturâ est actus contritionis, quàm gratia infusio. Probatur. Causa materialis præsupponitur ad causam formalem. Sed actus contritionis disponit subjectum, vt sit aptum ad gratia receptionem. Ergo sub hac ratione, est prius naturâ, actus contritionis, quàm gratia infusio. Hinc

COLLIGE. Ista propositio. Quia homo habet actum pœnitentia, ideò est gratus Deo, est vera in genere causæ materialis: & sensus est; quia homo disponit se per actum pœnitentia, ideò consequitur gratiam Dei. Similiter ista propositio; quia Deus infundit gratiam, ideò homo habet contritionem, vel actum pœnitentia, est vera in genere causæ formalis: & sensus est, si non esset infusa gratia, non haberet contritionem perfectam, & formatam.

Dices 1. Dispositio præsupponitur ad formæ introductionem.

Sed



Sed actus pœnitentiæ, est dispositio ad gratiam iustificantem. Ergo semper prior est, infusione gratiæ.

RESPONDEO. Quodd dispositio in genere causæ materialis, præcedit suam formam, ipsa tamen forma, præcedit causam materialem, in genere Causæ formalis, vnde prius naturâ est infusio gratiæ, quàm actus pœnitentiæ perfectæ.

DICES 2. Si gratia esset prior, quàm actus pœnitentiæ, sequeretur actum pœnitentiæ esse meritorium gratiæ. Sed hoc dici non debet, quia prima gratia non cadit sub meritum. Respondeo. Nego Sequelam, quia in ista iustificatione, infunditur prima gratia, quæ nõ cadit sub merito, benè verò sequitur, quodd sit meritorius gloriæ, talis actus cõtritionis.

ARTICVLVS V.

*Vtrum infusio gratiæ, & expulsio, seu remissio culpæ, sint una mutatio, vel duæ?*

Videtur quodd sint duæ. 1. Quia peccare, & gratiam corrumpi, sunt duæ mutationes. Ergo à simili infusio gratiæ, & expulsio culpæ sunt duæ mutationes. Antecedens est S. Augustini, qui de vera, & falsa pœnitentia ait. *Dolendum est peccatori, non solum quia peccauit, sed etiam quia virtute se priuauit.* Ex quo habetur, quodd non est idem peccare, & virtute se priuare. Ergo similiter non est idem peccatum remittere, & virtutem, vel gratiam restituere. 2. In moralibus expulsio vitij, & inductio virtutis, sunt duæ mutationes. Ergo & hic. 3. Alia est mutatio ad dispositionem, & alia ad formam. Sed expulsio culpæ, est dispositio ad infusionem gratiæ, quia per expulsionem culpæ, fit peccator non inimicus, & per infusionem gratiæ, est amicus. Ergo.

DICO 1. Infusio gratiæ, non est eadem mutatio, cum remissione culpæ. Ita D. Subt. in 4. dist. 16. q. 2. Concl. 1. Probatur 1. Quia illa, quæ sic se habent, quodd vnum multiplicatur, & non aliud, illa non sunt vnum. Sed remissio culpæ, frequenter multiplicatur circa peccatorem, secundum pluralitatem culparum, & infusio gratiæ non plurificatur, sed est vnica, sicut & gratia, quæ infunditur. Ergo remissio culpæ, & infusio gratiæ, non sunt vna, & eadem mutatio. 2. Idem non separatur à seipso. Sed ista duo possunt separari adinuicem. Ergo non sunt idem. Minor patet, quia potest absolutè remitti culpa mortalis, absq; infusione gratiæ. 3. Non repugnant formaliter culpa, & gratia; quia quando aliqua sunt sibi opposita formaliter, quiddid potest super vnum,

*Infusio gratiæ, & remissio culpæ, nõ est vna mutatio.*



potest super aliud, siue effectiue, siue defectiue. Sed voluntas humana potest in peccatum, & non potest in gratiam. Ergo ista duo, non sunt formaliter opposita. 4. Vna mutatio, non est ad formam positiuam, nisi à propria priuatione ejus. Sed culpa non est priuatio gratiæ, quia vnica gratia, non habet, nisi vnicam priuationem, multæ autē possunt esse simul culpæ in homine, vt dictum est *Disp. 1. q. 1. art. 2.*

DICES. Generatio, & corruptio in naturalibus, sunt vna mutatio, & eadem simpliciter, quia idem est motus simpliciter abieciuius contrarij vnus, & inductiuus alterius; nam eadem mutatione abjicitur frigus, & inducitur calor in aquam, & eadem mutatione expellitur priuatio formæ, & inducitur forma in materiam. Ergo eadem mutatione expellitur culpa, & infunditur gratia: quia eadem mutatio est expulsiua vnus formæ, & inductiua alterius sibi impossibilis.

In quolibet  
motu de con-  
trario in cō-  
trarium, sūt  
duæ mutati-  
ones.

RESPONDEO. Negando, quòd generatio, & corruptio non sint duæ mutationes, quia sunt duo termini positiui, & duo priuatiui. Et quando dicitur de motu, quod vnicā mutatione per motum abjicitur forma contraria, & inducitur altera contraria. Respondeo Quòd in quolibet motu de contrario in contrarium, concurrunt duæ mutationes, quarum vna est deperditiva vnus contrarij, & alia est acquisitiua alterius contrarij: & prima habet pro suis terminis contrarium, quod abjicitur, & negationem ejus, secunda verò habet pro terminis contrarium, quòd inducitur, & negationem, vel priuationem ejus: & quælibet istarum mutationum est successiua, & distinguitur realiter vna, ab alia, ita vt vna, virtute Diuinā, posset fieri sine alia.

Infusio gra-  
tiæ, & remis-  
sio non sunt  
duæ mutati-  
ones.

DICO 2. Infusio gratiæ, & remissio culpæ, non sunt duæ mutationes reales. Probatur. quia licet infusio gratiæ sit mutatio realis, quia procedit à priuatione realis formæ, ad ipsam formam, nempe à priuatione gratiæ, ad ipsam gratiam, remissio tamen culpæ, non est mutatio realis, quia actu peccati transeunte, nihil remanet in anima positium, & reale, per quod homo dicatur peccator, sed solum remanet obligatio ad pœnā æternam, quæ obligatio, est Ens rationis, & illa deletur, in remissione culpæ. Ergo remissio culpæ, non est mutatio realis, quia non est mutatio realis, nisi sit in terminum realem positium à priuatione reali. Atqui remissio culpæ, per se, nullum terminum habet realem, vt constat ex *Disp. 1. q. 1. art. 2.*

DICO 3. Etsi remissio culpæ, non sit mutatio realis secundum se, tamen



tamen ipsam concomitatur aliqua mutatio realis, nimirum infusio gratiæ, secundum ordinationem Diuinam, nunquam enim Deus remittit culpam mortalem, sine infusione gratiæ.

Dico 4. Remissio actiua peccati, quæ est ex parte Dei, non est mutatio realis. Ita D. in 4. dist. 16. q. 2. Probatur Tum quia in Deum non cadit mutatio realis. Tum quia in Deo, non est successio negationis actus, volendi punire ad actum ipsum, vel è conuerso. Sed est actus vnicus, simplex, & æternus, quo in æternitate, vult istum esse puniendum, id est dignum pœnâ æternâ, pro instanti, vel tempore, quo est, vel erit in peccato mortali, & puniendum in re, & in effectu, si tunc iudicetur, & in peccato moriatur, & est hoc velle de puniendo, non absolutum, sed conditionatum nimirum, si tunc iudicetur, & moriatur: & eodem actu simplici, vult non punire, vel non esse dignum pœnâ, pro alio instanti, vel tempore, pro quo peccatum sibi remittitur, vel quamdiu est remissum: atq; ita, ipsa remissio ex parte Dei, nulla est mutatio. Sed ista remissio actiua, est velle Diuinum æternum, non succedens alicui negationi, vel priuationi, nec secundum rem, nec secundum rationem, sed in æternitate idem manens, contingenter, & difformiter transiens super objecta secundaria, & extrinseca, pro diuersis nunc, seu instantibus, vel temporibus, ex parte illius, cuius fit remissio, pro quorum vno, vult peccatorem esse dignum pœnâ æternâ, nimirum pro tempore, vel instanti peccati, & secundum hoc talis actus dicitur imputatio, & pro alio tempore, vel instanti, vult ipsum non esse dignum pœnâ æternâ, nimirum quando deletum est peccatum, & pro tali instanti deletionis dicitur talis actus remissio actiua ex parte Dei.

Remissio actiua non est mutatio realis.

Dico 5. Remissio passiua, seu objectiua ex parte peccatoris, non est mutatio realis; imò nec rationis. Ita D. Subt. loco citato. Quod non sit mutatio realis, constat ex 2. conclusione. Quod autem non sit mutatio rationis, sic probat D. Subt. Vbi actus, in quo objectum habet esse rationis, nimirum cognitum, vel volitum, potest esse terminus mutationis realis, ibi objectum mutatur, vel mutari potest, secundum rationem ab esse, in non esse, sicut in nobis, lapis enim interdum, non est intellectus à me, nec habeo intellectionem ejus, sed quando fit in me, mutatio realis ad intellectionem, hoc est quando fio, de non intelligente lapidem, intelligens lapidem, tunc objectum, quod est lapis mutatur, secundum rationem, à non esse intellecto, ad esse intellectum, quia in me

Remissio passiuæ, non est mutatio realis, imò nec rationis.



in me est noua intellectio lapidis; Sed vbi actus nullo modo est terminus mutationis realis, vt in Deo, ibi obiectum vt in actu, & in esse obiectiuo, non potest mutari, nec mutatur mutatione etiam rationis. Ergo nulla est mutatio remissio culpæ.

DICES 1. Cujus inceptio, vel inductio, est mutatio, ejus deficitio, vel expulsio, est mutatio: Patet, quia sicut forma per generationem inducitur, quæ est vera mutatio, ita etiam expellitur de materia per corruptionem, quæ est vera mutatio, vt patet in peccato commissionis. Ergo ejus deficitio, vel expulsio est mutatio.

RESPONDEO. Quod benè concludat, cessationem actus culpabilis, vel suam defitionem essendi in esse reali extra, esse mutationem, sed non concludit de remissione, quia non est talis deficitio essendi, vt patet. Ergo.

DICES 2. Transitus à contradictorio in contradictorium, est mutatio. Sed per remissionem peccati, transit homo peccator à contradictorio in contradictorium. Ergo remissio peccati, est aliqua mutatio. Major patet, quia ab affirmatione in negationem, non est transitus sine mutatione. Sed transitus à contradictorio in contradictorium, est transitus ab affirmatione in negationem. Ergo. Minor Probat, quia peccator transit à dignitate, & obligatione inimicitie Dei, in non dignum, & non obligatum, & ab inimico Dei, in non inimicum, nam ante remissionem erat peccator, & dignus poena æterna, & post remissionem, non est peccator, nec dignus poena æterna. Pro solutione. Nota Quod Doctor Subt. loco citato assignat differentiam inter voluntatem creatam & increatam, per aliquot propositiones, quæ in textu Doctoris videntur.

RESPONDEO itaq; ad objectionem, quod transitus alicujus subiecti à contradictorio, in contradictorium reale, est mutatio vera realis: in proposito autem, non est talis transitus, nec realis, nec rationis, juxta vnā partem problematis: neq; in voluntate Diuina, quia voluntas Diuina pro instanti, pro quo peccator peccat, & pro tempore habito, vsq; ad instans B. vult istum esse puniendum, non prout puniendum est participium futuri temporis passiui, sed prout est nomen, quod nihil aliud est, nisi velle punire istum conditionaliter, videlicet si fiat in termino peccator; si verò poeniteat in instanti B. vult istum non esse puniendum, etiam volitione conditionata. Neq; est transitus ex parte obiecti, vel illius cui



cui remittitur peccatum, nam in tota æternitate obiectum vniformiter se habet, pro isto nunc ad istam voluntatem, & pro alio etiam vniformiter, non enim est necesse variari illud, cui voluntas etiam creata, vult affirmationem, & negationem pro diuersis nunc.

DICES 3. contra totum processum de diuersis nunc. Posset DEVS Angelo peccanti in æuo existenti, absq; tempore vlllo remittere offensam, & tunc non esset dare, talia diuersa nunc, pro quibus esset culpa, & remissio, maximè si pōnatur æuum indiuisibile esse, & tunc in illo æuo eodem, & pro illo instanti essent duo opposita. Ad hanc objectionem, non respondet Doctor hic, quærenda solutio in 2. dist. 2. RESPONDEO. cum Bassolio, quòd licet æuum sit simplex, & indiuisibile formaliter, non habens partes, tamen virtualiter potest coexistere tempori, & partibus ejus diuersis, vel diuersis instantibus, & ita possunt ista fieri in æuo, vt tale est, sicut & in tempore suo modo. Vel dicas quòd æuum Angeli, est esse Angeli: atq; adeò æuum est terminus connotatiuus, supponens pro ipso Angelo, vel pro esse Angeli, connotando ipsum Angelum coassistere alteri, & alteri tempori positiuo, & per consequens potest Angelus obligari ad pœnam æternam in eodem æuo, sed pro alia, & alia parte temporis, id est pro quanto æuum assitit alteri, & alteri parti temporis.

DICO 4. An remissio culpæ sit mutatio rationis, vel nulla, quod libuerit, vel placuerit, tenere licebit, juxta problematis naturam. Problema

Qui tenebit quòd sit mutatio rationis, pro fundamento id accipiat, quòd in remissione culpæ, cum non possit negari transitus ab affirmatione ad negationem, puta à dignitate pœnæ ad non dignitatem, non poterit igitur negari mutatio saltem negationis. Confirmatur D. Subt. in 1. aist. 30. num. 11. dicit *Potest in DEO poni aliqua relatio rationis, noua quidem, sicut illa que causatur in eo per actum intellectus nostri, considerans ipsum, sed non noua aliqua per actum intellectus sui, quia nunquam est transitus à contradictorio in contradictorium sine mutatione: si enim nulla esset mutatio in aliquo, non esset ratio, quare magis vnum contradictorium posset esse modo verum, quàm reliquum, nec quare vnum magis falsum, quàm aliud, & ita vel ambo simul falsa, vel ambo simul vera.* In hoc loco admittit mutationem rationis in remissione culpæ. Confirmatur 2. Illa est mutatio rationis, quæ pro termino ad quem, habet Ens rationis. Sed remissio culpæ, est talis, quia est mutatio ab obligatione ad pœnā, ad non



ad non obligationem ad poenam. Ergo. Vnde Tataretus in 4. dist. 16. contendit D. Subtilem non esse problematicum in hac difficultate, sed determinasse, quod sit mutatio rationis, remissio culpæ. Quando itaq; D. appellat istam mutationem esse nullam, hoc ideo dicit, quia de respectibus rationis non potest verificari secundum adjacentem, nam illa verè sunt, quæ habent Entitatem realem. Quando deinde dicit D. Subtilis Quod non est aliqua mutatio, de esse obligationis, ad non esse obligationis, non vult simpliciter negare ullam esse mutationem, sed solum negat, quod ista obligatio sit eadem mutatio cum infusione gratiæ, quia mutatio, quæ est infusio gratiæ, est mutatio realis. Et hoc est quod intendebat D. Subr. in 4. dist. 16. q. 2. in prima Conclusionem, quod remissio, seu expulsio culpæ, & infusio gratiæ, non est una mutatio; seu non sunt eadem mutatio. Dum autem dicit loco citato, non esse mutationem rationis, ideo hoc dicit, quia ad mutationem rationis, requirit hic mutationem realem in altero extremo, quando actus, in quo objectum habet esse rationis, potest esse terminus mutationis realis: sed in aliis locis, nõ requirit hoc. Ergo.

*Nota mentem  
D. Subtilis*

*Remissio culpæ  
quid?*

Qui verò tenere voluerit quod remissio culpæ, nulla sit mutatio, fundamentum teneat, pro quinta Conclusionem allatum, & sic ad rationes oppositæ sententiæ respondebit. Ad 1. in oppositum Respondeo, Quod peccatum formaliter, non est priuatio gratiæ, sed concomitanter; atq; adeo inductio gratiæ, & cuiuslibet virtutis, non est formaliter expulsio culpæ. Ad authoritatem S. August. dico, quod infusio gratiæ, est expulsio priuationis gratiæ: remissio culpæ, est expulsio priuationis culpæ illa enim culpa, ad quæ est motus peccati, nõ manet, vsq; ad infusionem gratiæ, nec tunc posset esse terminus à quo propriè mutationis, sed illa culpâ transeunte, manet sola obligatio in isto, quæ est relatio rationis, & objectum secundarium voluntatis Diuinæ. Ad 2. Negatur Consequentia, quia non est simile: in corruptione enim habitus vitiosi, & generatione virtutis, sunt quatuor termini reales, duo positiui, & duo priuatiui, in infusione autem gratiæ, & remissione culpæ, non sunt quatuor termini reales, quia in remissione culpæ, terminus à quo, & ad quæ, est Ens rationis. Ad 3. Dico, verum esse, vbi dispositio præcedens, est aliquid reale, & positiuum, quod non est in præsentem. Vel vbi est dispositio ad formam, ex naturâ rei, remissio autem culpæ, non est ex natura rei, sed ex institutione Diuina, secundum leges ordinarias. Inde

COLLI-



COLLIGE. Qui sustinebit, quod remissio culpæ nulla sit mutatio, nec rationis. Si aliquis objiciat, Non sunt vna mutatio infusio gratiæ, & remissio culpæ. Ergo sunt duæ mutationes. Ergo vna realis, alia rationis. RESPONDEO. Quando diximus in prima Conclusionē, non sunt vna mutatio, sensus est, illa non sunt vna mutatio, quorum vnum non est mutatio. Sed remissio culpæ, non est mutatio. Ergo.

ARTICVLVS VI.

*Vtrum prior sit expulsio culpæ, vel infusio gratiæ?*

NOTA I. D. Subtilis in 4. dist. 16. q. 2. ad 3. principale, refert ex Aristotele 5. Metaphysica textu 16. quadruplicem prioritatem; generationis, perfectionis, consequentiæ, & causalitatis, ipse ibidem, addit quintam intentionis, & sextam executionis. Prius generatione est illud, quod prius generatur, & est imperfectius suo posteriori, vt embrio respectu animalis. Prius perfectione est illud, quod est perfectius, vt animal respectu embryonis. Prius Consequentia est illud, quod infertur ab alio, & non infert illud, vt est animal respectu hominis. Sequitur enim. Est homo. Ergo est animal: non è conuerso: & in hac prioritate communiter, prius, est imperfectius. Prius causalitate, est ordo duorum effectuum, respectu ejusdem agentis, sicut productio specierum, præsupponitur ad productionem notitiæ, & vterq; effectus causatur ab objecto, & vt calefacere, & ignire, nam ignire præsupponit calefacere, et ambo sunt ab eodem agente, nimirum ab igne. Prius intentione est, quod prius intenditur ab agente, vt generatio substantiæ, est sic prior, quàm corruptio formæ præexistentis. Prius executione, quod prius ponitur ab agente in esse, licet non prius intendatur.

Prioritas  
quadruplex  
ex Aristotele  
Generatio-  
nis.

Perfectionis  
Consequentia

Causalitatis

Intentionis

Executionis

NOTA 2. Difficultas hæc procedit, non de prioritate temporis, quia certum est, quod in eodem instanti temporis, est remissio culpæ, & infusio gratiæ, procedit ergo difficultas de prioritatibus enumeratis, & explicatis in primo Notando.

NOTA 3. Thomistæ 1. 2. q. 113. 4. 6. & 8. tenent infusionem gratiæ, esse priorem expulsionē culpæ, ponunt enim tres motus in justificatione. Primò infusionem gratiæ: 2. Duplicem motum liberi arbitrij, in Deum scilicet, qui est dilectio, & in peccatum, qui est detestatio. 3. Remissionem culpæ. Si ergo infusio gratiæ præcedit contritionem. Ergo & remissionem culpæ.

DICO I. Remissio culpæ, licet viâ generationis sit prior infusione gratiæ



*prior via generationis* gratiæ, infusio tamen est prior ordine perfectionis remissione culpæ. Probatur Quia *quæ sunt priora generatione, sunt posteriora perfectione.* 9. Metaph. C. 15. & è conuerso. Sed expulsio culpæ, est imperfectior infusione gratiæ, quia est corruptio Entis rationis, puta obligationis ad pœnas æternas; infusio autè gratiæ est perfectior, expulsionè culpæ, quia est datio qualitatis realis. Ergo via generationis prior est expulsio culpæ, quàm infusio gratiæ.

*Non est prioritas consequentiæ inter gratiam & culpam.*

Dico 2. Inter remissionem peccati, & gratiæ infusionem, non est prioritas consequentiæ propriè. Pater, quia hæc consequentiæ non est formalis. Gratia infunditur. Ergo remittitur culpa; nam B. Virgini, & Angelis, gratia est infusa, non tamen culpa remissa. Similiter ad expulsionem culpæ, non necessariò de potentia Dei absolutà sequitur infusio gratiæ, posset enim Deus remittere culpā, & nō infundere gratiā, vt dicā articulo sequenti. Tūm quia gratia, & culpa, nō sunt formaliter opposita.

*Non est prioritas causalitatis*

Dico 3. Inter remissionem culpæ, & infusionem gratiæ, non est prioritas causalitatis. Probatur. Quia nec infusio gratiæ, est causa efficiens expulsionis culpæ; nec infusionis gratiæ, est causa expulsio culpæ, quia non expellit effectiuè peccatum, sed causa efficiens vtriusq; est sola voluntas Diuina, quæ ex sua iustitia determinat, & obligat peccatorem, ad pœnam æternam, ex misericordia autem aufert obligationem. Porro infusio gratiæ, est à DEo principaliter, à Sacerdote ministerialiter, à Sacramento instrumentaliter, non physicè, sed moraliter.

*Est prior gratia ordine intentionis*

Dico 4. Infusio gratiæ secundum DEi intentionem, prior est remissione culpæ; ordine tamen executionis, Deus prius remittit culpam, quàm infundat gratiam. Probatur prima pars. Quia ordinatè volens, prius vult ea, quæ sunt proximiora fini, quàm ea quæ sunt remotiora. Sed gratiæ infusio est propinquior fini, nempe beatitudini, quàm expulsio culpæ. 2. pars patet, quia peccatori vult prius in esse remissionem culpæ, deinde infusionem gratiæ: sicut etiam ordine executionis, prius DEus vult merita, quàm gloriam. Hinc Aduerte Si ista objecta, gratia, & culpæ considerentur, vt sunt objecta Diuinæ voluntatis secundaria, non autem vt ponunt aliquid ad extra, secundum generationem, & causalitatem, nullum habent ordinē, quia vt sic non causantur, nec generantur, sed habent esse idem, quod essentia Diuina, sed tamen habent inter se quendam ordinem perfectionis, quatenus Diuina voluntas tendit in ea, & sic, id est prius, in quod dicitur prius intendere Diuina voluntas, & sic infusio gratiæ, erit prior expulsionè culpæ.

ARTL



## ARTICVLVS VII.

*Utrum peccatum de potentiâ Dei absolutâ, possit remitti, absq; infusione gratiæ?*

Prima opinio negat. Est S. Thomæ 1. 2. q. 113. art. 2. communis Tho. 1. *Opinio*  
*mistarum.* probatur 1. Vulnus, & infirmitas, non potest tolli, nisi per salu-  
 tem inhaerentem. Sed peccatum est infirmitas, & vulnus animæ. Ergo  
 2. Ab vno contrario, ad aliud contrarium, non fit transitus, nisi per  
 transmutationem realem. Sed in remissione peccatorum, fit anima de  
 immunda, munda, & pulchra. Ergo non potest fieri, sine transmutatio-  
 ne reali, ipsius animæ. 3. Cum DEus remittit culpam, & facit animam  
 justam, & rectam: vel aliquid in ea operatur, vel nihil. Si nihil. Ergo ma-  
 net immunda, sicut ante. Si aliquid operatur. Ergo remissio peccati,  
 fit per transmutationem animæ nostræ realem. 4. Culpam dimittere,  
 est culpam delere. Sed sine infusione gratiæ, non potest DEus culpam  
 delere. Ergo. Minor Probatur Remissio culpæ, est reconciliatio pecca-  
 toris. Sed sine infusione gratiæ, non fit reconciliatio peccatoris. Ergo  
 Major est Scoti in 4. dist. 1. q. 6. ad quartum vbi dicit. *Iste cui dimittitur pec-*  
*catum, reconciliatur.* Minor Probatur Reconciliatio idem est quod ju-  
 stificatio. Sed justificatio non potest fieri sine infusione gratiæ. Ergo nec  
 reconciliatio. Minor Probatur Si reconciliatio etiam imperfecta, non  
 est quod justificatio perfecta, sequeretur quod reconciliatus DEo, esset  
 inimicus DEi. Sed nullus reconciliatus est inimicus DEi. Ergo. Sequela  
 probatur Ille est inimicus in quo est offensa DEi. Sed in reconciliato im-  
 perfecte est offensa DEi. Ergo. Minor Probatur. Vbi non est offensa, ibi  
 est amicitia. Sed in reconciliato imperfecte non esset amicitia. Ergo est  
 offensa. Major Probatur. Si in eo, in quo non esset offensa, non esset ami-  
 citia, sequeretur quod aliquis esset gratus, & non gratus DEo. Sed hoc di-  
 ci non debet. Ergo. Sequela, quod esset gratus, probatur. Quia iste si mo-  
 reretur, vel damneretur, vel saluaretur. Neutrum dici potest. Ergo. 5. Pri-  
 uatio non potest tolli ab aliquo, nisi per positionem ejus formæ, cujus  
 est priuatio. Sed peccatum est priuatio. Ergo debet tolli per gratiam, cu-  
 jus est priuatio. 6. Implicat contradictionem tolli auersionem, nisi per  
 conuersionem. Ergo implicat peccatum deleri, nisi per rectitudinem.  
 7. Si peccatum tolleretur sine infusione gratiæ, sequeretur evidens con-  
 tradictio, quia anima esset sine peccato, & tamen esset praua, & obliqua  
 Ergo esset in peccato, & non esset.

2. opinio affirmat. Ita D. Subt. in 4. d. 1. q. 6. & d. 14. q. 2. & d. 16. q. 2. 2. *Opinio*



*inter amicū  
& inimicū  
datur mediū*

NOTA 1. Inter amicū, & inimicū contrariē, dari mediū, nimirum, neq; amicū positiuē, neq; inimicū contrariē, sed inimicū negatiuē, seu non amicū. Per inimicū contrariē intelligo illum, in quo est offensa, per inimicū negatiuē, seu non amicū, in quo non est offensa, nec amicitia. Vnde non valet, Hic non est amicus Petri. Ergo est inimicus ejus, quia potest esse, neq; amicus, neq; inimicus, sed non amicus.

*Gratia &  
peccatum nō  
operantur  
formaliter.*

NOTA 2. Gratia, & peccatum, non opponuntur priuatiuē ex natura rei, quia quæ sic opponuntur circa aliquod subiectum, necesse alterum illorum inesse ei, post tempus à natura determinatum, sicut cæcitas, & visus in catulo. Atqui non sic se habent gratia, & peccatum, quia potest dari homo in puris naturalibus, absq; gratia, & peccato. Præterea peccatum solum destruit gratiam demeritoriē. Ergo non opponitur ei contrariē, ita vt voluntas prius auertat se naturaliter, quàm Deus cesset naturaliter conseruare gratiam.

*Duplex remissio, perfecta, & imperfecta*

NOTA 3. Remissio culpæ: alia est perfecta, & integra, per quam homo recuperat omnia, quæ per peccatum amiserat. Alia est per quam remittitur culpa quoad pœnam, & inimicitiam, ac deordinationem tantum, quam dicit, & per hanc non recuperat peccator omnia illa, quæ amiserat per peccatum, neq; cum Deo contrahit amicitiam. Hæc duplex remissio, colligitur ex duplici mutatione, quæ in justificatione peccatoris reperitur: Vna est priuatiua, quæ de inimico, fit non inimicus, alia positiua quæ de indigno vitâ æternâ, fit dignus vitâ æternâ, & de non potente meritoriē operari, fit potens meritoriē operari. in prima mutatione est remissio, reconciliatio, justificatio imperfecta: in secunda verò hæc omnia sunt, perfecta, & completa. Quando ergo Sancti Patres, & Concilia dicunt, per peccati remissionem hominem Deo conciliari, & ad ejus amicitiam assumi, loquuntur de remissione, & reconciliatione perfecta.

*Gratiæ tria munia  
Quid gratia Dei*

NOTA 4. Gratiæ tria sunt munia. Primum est hominem in quodam supernaturali, ac Diuino esse constituere, & talis constitutio hominis in esse Diuino, est primarius, & formalis effectus gratiæ: est enim gratia, Diuinæ naturæ, esseq; ejus participatio, quatenus natura Diuina est, quod aliis habitibus supernaturalibus, non competit, nisi secundum aliquam rationem ejus attributalem. Secundum est, hominem interiùs renouare, & rectificare ipsum, Diuinis legibus conformando. Tertium est.



est, hominem Dei amicum, ipsiq; gratum, & acceptum ad vitam æternâ efficere. Hæc tria ita se habent, quod primum supponitur secundo, & secundum tertio. Primus effectus, ita est gratiæ intrinsecus, vt à gratia separari nequeat, sicut neq; effectus formalis, & primarius cujuslibet formæ. Secundus verò, & tertius effectus, sunt separabiles per Diuinam potentiam; sicut à quantitate positio partium in ordine ad locum, quia sunt effectus secundarij, & quasi extrinseci ipsius gratiæ, imò ex sola lege Diuina, competit gratiæ, hominem Dei amicum constituere, sicut enim peccatum, ex sola lege facit hominem inimicum Deo, vt docet D. Subtilis in 4. dist. 1. q. 2. ad 5. ita gratia ex sola lege, facit amicum Dei hominem. Quare si homini concederentur duo priores effectus, sine tertio, esset renouatus, & rectificatus in ordine ad legem naturalem, & supernaturalem, & sic Deo vt legislatori esset conformis, neq; haberet peccatum, non tamen esset Dei amicus, & sic tertius gratiæ effectus potest auferri, cum non ex natura rei intrinseca, faciat Dei amicum, sed ex lege, & Diuina institutione. Ita Rada tom. 2. Controu. 19.

Dico 1. Non potest fieri perfecta, & integra remissio peccati, absq; infusione gratiæ. Ratio est, quia in perfecta remissione, debet recuperare omnia, quæ amisit per peccatum. Ergo & gratiam. Patet ex Notabili tertio.

Dico 2. Possibile est, per Diuinam potentiam absolutam, tolli culpam originalem, & actuaalem, quoad pœnam, & deordinationem, quam dicit, absq; infusione gratiæ. Probatur 1. Quando alicui vni re-  
pugnant plura, circa idem subiectum, per positionem cujuslibet illorum, potest ab illo subiecto excludi. Sed peccato repugnat rectitudo naturalis, sine gratia, & ipsa gratia. Ergo per positionem solius rectitudinis naturalis, potest expelli peccatum sine gratia. Similiter potest tolli originale peccatum, per solam iustitiam originalem absq; gratia, cum sint ab inuicem separabilia. Dices iustitia originalis, potest alicui concedi sine gratia, ante, sed non post peccatum. Respondeo. Ista iustitia originalis potuit separari à gratia ante peccatum. Ergo & post peccatum, quia non est alterius rationis nunc, quàm prius, nam forma non habet esse alterius rationis, per hoc, quòd ejus oppositum præcessit in subiecto, V. G. frigus, non est alterius rationis, ex eo, quòd calor præcesserit ipsum in aqua, & si poterat separari antequam calor inesset, similiter & postea. Ergo si iustitia originalis poterat esse in homine, ante peccatum,

Potest remitti culpa, & gratia non aari



tum, sine gratia, posset esse, & post peccatum. Dices Non potest homo restitui ad innocentiam. Ergo neq; ad iustitiam originalem, quæ dicit innocentiam. **RESPONDEO.** Licet Deus non possit restituere hominem, ad Statum innocentie, quatenus negationem cujuscunq; actus peccati importat, potest tamen restituere hominem ad illum statum quoad omnia alia, quæ secum importat. Sicut licet semel corrupta, non possit à Deo reparari, prout virginitas amissa dicit negationem actus præteriti, potest tamen eam restituere quoad omne absolutum, quod importat, ita in proposito. Probatur 2. Talem hominem potest Deus reparare post culpam, secundum formam absolutam, qualem potest creare secundum formam absolutam. Sed in pura rectitudine naturali, potest hominem creare: Ergo ad eam rectitudinem naturalem potest hominem reparare. Sed collata homini rectitudine naturali, erit sine peccato, & sine gratia. Ergo potest remitti peccatum, absq; infusione gratiæ, Dices Si hæc ratio esset vera. Ergo Deus mulieri corruptæ restituendo omne absolutum in virginitate, posset & aureolam restituere, quod dici nequit. **RESPONDEO.** Aureola est præmium accidentale de nunquam cecidisse in peccatum, cum autem semel ceciderit, aureola sibi non est debita. Respondet Cajetanus ad hanc secundam rationem. In dæmonibus mansisse integra naturalia. Ergo & rectitudo naturalis potest esse cum peccato. Contra. Ista sunt diuersa, integra naturalia mansisse, & rectitudinem naturalem: Ad primum namq; sufficit, vires naturales non esse diminutas in se, quod ita est, nam peccatum non est boni naturalis diminutio. Ad secundum verò requiritur, potentia rectè composita cum lege, præsertim naturali, qualis non remansit in dæmonibus. Probatur 3. Ponamus hominem, in puris naturalibus, qui non habet gratiam, neq; charitatem, nec sit destinatus ad finem supernaturalem, si iste peccat, non priuatur gratiâ, nec charitate supernaturali. Ergo sufficienter reducitur, per iustitiam originalem, in pristinum statum, etiam si ei gratia nunquam conferatur. Probatur 4. Potest Deus annihilare peccatorem, in quo manet auersio, & prauitas peccati, & potest illum reproducere, sine tali auersione. Ergo potest tollere peccatum sine gratiæ infusione. Respondent Thomistæ quod ille homo reproductus, reproduceretur auersus à Deo, & inimicus Dei. Contra Culpæ, nullo modo, nec ex consequenti, potest reproduci à Deo, aliàs esset author culpæ, quod dici non debet. 5. Potest peccator interiùs renouari, & re-

2. ratio.

Aureola virginitatis cui debetur.

3. ratio.

4. ratio.

5. ratio.

&amp; re-



ificari, conformisq; Diuinis legibus effici, quin in Dei amicitiam recipiatur. Ergo potest deordinatio, seu peccatum ab homine excludi, sine infusione gratiæ.

Ad 1. Primæ opinionis **RESPONDEO**. Quod illa infirmitas, potest ab anima auferri, absq; gratiæ infusione, vt constat ex norandis, tertio, & quarto, & ex secunda conclusione. Ad 2. Dico quod ibi esset transitus, & mutatio, sed non ad gratiam, sed vel ad rectitudinem naturalem, vel iustitiam originalem, quæ sunt quid positium. Imò D. Subtilis loco citato. Iustitiam originalem vocat illam qualitatem supernaturalem, <sup>officium su-</sup> <sup>stitie origi-</sup> <sup>nalis.</sup> quæ plenè omnes potentias in suis officijs continebat, subdeendo eas voluntati, & voluntatem rationi, rationem verò DEO, cum quâ peccatum mortale, erat impossibile. Ad 3. Dico, quod poneret in anima, vel rectitudinem naturalem, vel iustitiam originalem, per quam anima, & ejus potentia, manent conuersæ ad ipsum, vt ad legislatorem, non tamen vt finem supernaturalem, cui vniatur per gratiam. Ad 4. **RESPONDEO**. Nego Minorem. Ad probationem Dico, quod remissio culpæ, est reconciliatio, vel perfecta, vel imperfecta, perfecta requirit gratiam, non autem imperfecta, vt constat ex 3. Notando, ex quo poterunt solui, omnes probationes positæ sub hoc argumento. Ad 5. **RESPONDEO**. Quod in tali casu, tolleretur priuatio conformitatis ad legem, (in qua formaliter consistit peccatum) per rectitudinem sibi debitam, sine infusione gratiæ. Ad 6. Dico, Auersio à lege, & à DEO, vt legislatore, non potest auferri sine conuersione ad legem, auersio verò à DEO vt sine, non potest tolli, nisi per gratiam. Ad 7. Nego sequi contradictionem, nam si dimitteretur culpa, sine infusione gratiæ, non tamen anima maneret praua, sed recta, & conuersa ad legem, licet non maneret DEi amica.

**QVÆRES** Vtrum de potentiâ DEi absolutâ, possit poni gratia justificans in anima peccatoris, & non remitti peccatum?

Respondet D. Subt. posse. Probatur. Tum quia si non posset stare gratia, posito peccato in homine, maximè propter aliquam oppositionem. <sup>Gratia &</sup> <sup>peccatū non</sup> <sup>sunt opposita</sup> Sed inter gratiam, & peccatum nulla est immediata, & formalis oppositio, vt patet ex prima *disp. questione 1. a. 2.* Tum quia habitus non contrariatur actui, quia contraria debent esse sub eodem genere. Sed gratia est habitus, peccatum autem actus. Ergo.

Gg

Tum



Tum quia posito, quod homo prius in gratia constitutus, peccet mortaliter, nihil est quod cogat DEUM subtrahere influxum gratiæ conseruatiuum in tali peccatore. Ergo potest stare, vel de nouo poni gratia in peccatore, non remisso ejus peccato. Tum quia opera nostra, non producunt gratiam DEI efficienter, sed DEUS creat illam. Ergo quomodo peccata, quæ sunt opera nostra, possunt corrumpere gratiã illã, efficienter?

Dices. Peccatum est offensa DEI, quã homo est injurius DEO: gratia verò est, quã homo est gratus DEO. Ergo gratia, & peccatum naturã suã opponuntur.

*Peccatum  
ex lege, est of-  
fensa.*

RESPONDEO. Quòd sicut peccatum de lege, est offensa DEI, quã homo est iniustus DEO, ita gratia de lege est, quã homo est gratus DEO, & sic non opponuntur ex natura rei, sed ex decreto Diuino, potuisset enim, & hominem habentem gratiam DEI, non acceptare, si id non decreuisset.

### ARTICVLVS VIII.

*Utrum justificatio peccatoris fiat in instanti?*

*Justificatio  
fit in instanti*

*Vnde succes-  
sio, ex subje-  
cto successi-  
uo, & forma*

DICO affirmatiue. Ita Doctor in 4. dist. 14. q. 2. a. 2. Sanct. Bonauentura dist. 16. a. 3. q. 1. S. Thom. Est ferè communis. Probatur 1. Quia sacra Scriptura docet hominem, in quocunq; momento justificari Ezech. 18. & 33. 2. quia si requireretur aliqua duratio temporis, vt V. G. dimidia hora, sequeretur dari in via aliquod tempus, in quo peccator esset extra statum salutis, & in quo non esset capax gratiæ. Sed hoc dici non debet. Ergo. 3. Quòd aliqua actio sit successiua, & non fiat in instanti, prouenit id ex duplici Causa: vel quia est subiectum successiuum, & continuum. Vel quia est forma continua, & diuisibilis, vt constat ex 6. Physicor. Et confirmatur, quia motus omnis includit motum localem, ex 8. Phys. textu 53. motus autem localis, est successiuus ratione subiecti super quod fit: vel ratione formæ, quæ est diuisibilis; si verò sit indiuisibilis inducitur prius in vna parte subiecti, deinde in alia. Sed in justificatione peccatoris, forma quæ inducitur est indiuisibilis, & anima est indiuisibilis. Ergo gratia potest induci in instanti: Similiter actus voluntatis fit in instanti, siue consensus ejus, quod non intelligitur de dispositionibus præuijs, nam ad habendum actum contritionis, multa est necessaria præparatio, quæ non potest esse in instanti, vt dictum est. Ergo in eodem instanti voluntas habet detestationem peccati, & DEUS infundit gratiam, licet ordine naturæ sint plura instantia.

DICES



DICES. Actus peccati durat per tempus, & non per instans. Ergo non potest remitti in instanti. Antecedens patet quia in eodem instanti, quo peccatum fit, non potest destrui, nec in instanti proximè immediato, quia non dantur instantia immediata. Ergo durat per tempus medium inter illa instantia.

RESPONDEO. Nego peccatum non posse fieri in instanti. Ad probationem dico, quòd instantanea incipiunt per primum sui esse, & desinunt per vltimum sui esse, quia ante illud instans in quo fiunt, immediate, non erant, & in tempore immediate sequenti ad illud instans, nō sunt. Ex quo sequitur quod remissio culpæ, & infusio gratiæ, non fiunt in duobus instantibus, sed in vnico instanti est primum non esse culpæ, & primum esse gratiæ: sicut generatio, & corruptio fiunt in eodem instanti, quia forma substantialis corrumpitur præcedens, & noua forma substantialis inducitur, desinunt enim quia vltimum sui, est in non esse, & quod generatur habet primum sui in esse, ita in justificatione, in vno instanti est vltimum non esse culpæ, quæ in tempore immediate præcedenti fuit; & in eodem instanti est primum esse gratiæ, quod tempore antecedenti non erat.

Nota in-  
ceptiones & de-  
finitiones rerū

# ARTICVLVS IX.

*Quid sit justificatio, & qua causa sunt justificationis nostræ?*

NOTA 1. Circa formalem justificationem, varij sunt errores hæreticorum. Primus error Lutheranorum, asserentium, fidem solam esse causam formalem nostræ justificationis, hunc errorem multis in locis docet Lutherus, quamuis non vbiq; sibi constans, nam aliquando dicit, fidem non esse propriè, quæ nos justificet, sed conditionem vel instrumentum nostræ justificationis. Vnde Lutherani tria astruunt. Primò solam fidem justificare. 2. Hanc fidem justificantem in eo consistere, vt homo certò credat, peccata omnia sibi remitti, propter merita Christi. 3. dicunt, hanc fidem distinguì à fide historica. Addunt Calvinistæ alia tria dista etiam erronea. 1. fidem justificantem donari solis prædestinatis. 2. Semel habitam amitti non posse. 3. Facere hominem certū, & securum de sua iustitia, perseuerantia, est vita æterna.

Error hæ-  
reticorum cir-  
ca justifica-  
tionem.

Contra primum dictum Lutheranorum. Dico fidem non iustificare formaliter. Probatur 1. Jacobi 2. dicitur. *Quid proderit inquit fratres mei, si fidem quis dicat se habere, opera autem non habeat, nunquid poterit fides saluare eum?* Et infra dicit. *Fidem sine bonis operibus esse mortuam.*



*Justitia im-  
putatiua re-  
felleitur.*

Probat 2. In Tridentino Concilio Sess. 6. Can. 9. dicitur *Si quis dixerit solâ fide impium justificari, anathema sit.* 3. Probat 3. Forma à quâ homo formaliter est iustus, non est fides, sed justitia; secundum Catholicos justitia inhærens, secundum hæreticos justitia imputatiua, quod tamen falsum est. Primum quia sic omnes iusti essent æqualiter iusti, ut admittit Lutherus in sermone de B. Virgine dicens. *Omnes fideles esse æquè sanctos ut B. Virgo.* & consequenter debuisset dicere delirando, æquè ut ipsemet Christus Dominus. 2. Quia ita nos constituimur iusti per obedientiam, & ceteras Christi Domini virtutes ac merita, sicut constituimur per inobedientiam, & per peccatum Adæ peccatores, teste Apostolo ad Rom. 5. Sed per peccatum Adæ non constituimur extrinsecâ tantum imputatione illius peccati, sed per intrinsecam maculam nobis inhærentem. Ergo neq; constituimur iusti solâ imputatione justitiæ Christi Domini. 3. Si Christi Domini sanctitas, & justitia, extrinsecâ solùm imputatione nos constitueret iustos, sanctos, & filios Dei, sequeretur, quod etiam extrinsecâ peccata nostra Christo Domino, juxta illud Isaïæ 53. *Posuit DEVS in eo iniquitates omnium nostrum*, imputarentur. Atq; ita poterunt Christi Dominum denominare peccatorem, injustum, & quod horret animus, diaboli filium. Et hoc non horruit Lutherus impius, in caput 3. ad Galathas scribens, consequenter ad sua principia. *Quia Christus in se omnium peccata suscepit, posse dici fuisse homicidam, furem, latronem, & maxime omnium peccatorum.* Ecce talis est lux noui Euangelij, illata Lutherana face, huic materiæ de justificatione: ô horrendam, & non tolerandam, blasphemiam.

*Blasphemia  
Lutheri.*

OBJECITUR 1. ad Rom. 3. dicitur *Arbitramur hominem justificari per fidem, sine operibus legis.* Et ad Eph. 2. *Saluati estis per fidem non ex operibus.* Hinc aduersarij deducunt solâ fide hominem justificari, quia Apostolus opponit fidem operibus. Cum ergo dicit hominem justificari fide, sine operibus, excludit omnia opera, præter fidem. Ergo etiam excludit actum timoris, spei, dilectionis, & poenitentiae.

*Qua opera  
excludit A-  
postolus*

RESPONDEO. Duplicia sunt opera. Alia præcedunt fidem, alia sequuntur. Priora excludit Apostolus, non posteriora. Cum ergo adus timoris, spei, dilectionis, & poenitentiae fidem sequantur, & in fide sint fundati, certum est non excludi. Quod autem sit hæc mens Apostoli, inde patet, quia vult ostendere, nec Judæos ex nudâ obseruatione legis Molicae, nec gentiles propter bona opera, ante fidem suscep-

*piam.*



ptam patrata, iustitiam à DEO consequi potuisse, aut consecutos esse, sed ex fide in Christum, fides enim est initium salutis, & justificationis, nec dari ex præcedentibus operibus, sed esse donum DEI. Lege S. August. lib. de prædestinat. Sanctorum. c. 7.

OBJICITUR 2. ad Rom. 3. dicitur. *Iustificati grati per gratiam ipsius.* Ergo. &c.

RESPONDEO. Iustificatio dicitur gratuita, non quia sit solâ fide, sed quia non meremur illam per vlla opera, siue fidei, siue fidem præcedentia. ita Trident. Sess. 6.

OBJICITUR 3. Sacræ literæ quando loquuntur de justificatione, & remissione peccatorum, solius fidei mentionem faciunt. Luc. 7. *Fides tua te saluam fecit.* Et Joan. 1. *Dedit eis potestatem filios DEI fieri, his qui credunt in nomine ejus.* Et Joan. 3. *Qui credit in filium habet vitam æternam.*

RESPONDEO. Sicut sacræ literæ, aliquando meminerunt solius fidei ita aliquando meminerunt solius charitatis. Luc. 7. *Remittuntur ei peccata multa, quoniam dilexit multum.*

Contra 2. dictum Lutheranorum Dico, fidem iustificantem, non in eo consistere, ut quis certò credat, peccata omnia sibi remissa, propter merita Christi Domini. Primò quia ipsi docent, nihil fide credendum esse, nisi quod habetur in scriptura. At ibi non habetur, Luthero, aut Caluino remissa esse peccata. Ergo id fide credendum non est. 2. Quia si certò credunt remissa sibi esse peccata, frustra orant, *Dimitte nobis peccata nostra.* 3. Testimonia scripturæ, quæ ipsi adferunt pro fide iustificante, sunt hæc. *Videns IESVS fidem illorum, dixit paralytico. Confide fili remittuntur tibi peccata tua.* Matth. 9. Ibidem infra. *Confide filia, fides tua te saluam fecit.* Et Luc. 17. *Vade quia fides te saluum fecit.* Hæc, & similia, importunè obijciunt nobis aduersarii, pro sola fide iustificante, & tamen nullo modo intelligi debent de fide, quâ quis credit peccata sibi remissa esse, sed de fide, quâ paralyticus, & alij infirmi credebant se à Christo Domino sanari posse, ut ex contextu sacræ scripturæ constat.

Obijciunt illud ex Symbolo. *Credo remissionem peccatorum.* Ergo.

RESPONDEO. Sensus hujus Articuli est, credo, & confiteor in Ecclesia Catholica, esse donum remissionis peccatorum, quod per Baptismum, & alia Sacramenta percipitur, unde, quod in Symbolo Apostolico dicitur. *Credo remissionem peccatorum*, in Constantinopolitano explicatur. *Confiteor unum Baptisma in remissionem peccatorum.*

*Credo remissionem peccatorum quid significat.*



Non autem sensus huius Articuli est, ut hæretici volunt, Credo mihi esse remissa peccata.

Contra 3. dictum Lutheratorum Dico cum Maldonato in caput 9. Matth. Ista triplex fides, quam Lutherani inuenerunt, figmentum est, somnium est, si vnam haberent, omnem haberent, quia triplicem habent, nullam habent. Probat D. Subtilis in 3. dist. 23. q. 1. num. 6. sic. *Fidestriplex figmentum. des omnium credibilium vna est, quia non respicit credibilia sub propriis rationibus illorum, sed ut reuelata sunt à DEO, & credit omnia reuelata ab ipso, tanquam vera esse, eodem habitu, quo credit reuelantem esse veracem.* Ergo fides vna est. Addo. Sicut fides iustificans iustificat, non quidem formaliter, sed dispositiuè, ita etiam fides miraculorum iustificat, Matt. 16. *Qui crediderit, & baptizatus fuerit saluus erit, talis verò fides, est fides miraculorum, ut patet ex sequentibus verbis. Signa autem eos qui crediderint, hæc sequentur, in nomine meo demonia ejicient.* Præterea quod fides historica iustificet, constat ex cap. 10. ad Rom. *Si in corde tuo credideris, quod DEVS illum suscitauit à mortuis, saluus eris.* Et ex 1. ad Corinth. 15. *Notum vobis facio Evangelium, per quod saluamini, quoniam Christus mortuus est pro peccatis nostris, & quia sepultus est, & quia resurrexit, tertia die &c.*

Contra 1. dictum Calvinistarum, dicentium fidem solam dari solis prædestinatis. Dico hoc dictum eorum esse erroneum. Probatur Judas proditor, & Simon Magus, aliquando crediderunt, & tamen non erant prædestinati. De Juda patet. Joan. 6. *Nonne ego vos duodecim elegi, & vnus ex vobis diabolus est.* De Simone Act. 5. constat. *Cum verò credidissent Philippo Evangelizanti de regno Dei, & in nomine IESV CHRISTI baptizarentur viri, ac mulieres, tunc Simon & ipse credidit, & cum baptizatus esset adhaerebat Philippo.*

Contra 2. dictum Calvinistarum, nimirum fidem amitti non posse. Dico aperte esse contra Apostolum, 1. ad Tim. 1. dicentem *Quidam circa fidem naufragauerunt, ex quibus est Hymeneus, & Alexander.* Et Ratio est, quia si fides amitti non posset, vnde tot hæreses sunt exortæ?

Contra 3. dictum Calvinistarum. Dico falsum esse Tùm quia nemo potest certo credere sibi remissa esse peccata, nisi à DEO id specialiter sit reuelatum. Tùm quia Ecce is qui fidem habet, certus esset de sua fide, non tamen certus esset de sua iustitiâ, si sola fides non iustificat; nec certus de perseuerantia, si fides amitti potest; nec certus de prædestinatione, si fides communis est reprobis, & prædestinatis,

NOTA



NOTA 2. Alii hæretici, vt Illyricus, tenet formalem nostram justificationem, consistere in Christi Domini obedientia, & iustitia nobis imputata. Alii dicunt, vt Hossander, formalem causam nostræ justificationis, esse ipsam essentialem Dei iustitiam nos inhabitantem. Alii asserunt, vt Calvinus libro 4. institut. cap. 11. & in Antidoto Trident. circa Sess. 6. formalem causam nostræ justificationis, consistere tantum in remissione peccatorum, per eorum non imputationem, ob iustitiam Christi Domini. Alii verò ponunt, vt Martinus Bucerus, formam nos iustificantem, partim esse intrinsecam, partim extrinsecam: intrinseca consistit in virtutibus inhærentibus: extrinseca verò, esse iustitiam Christi Domini, nobis imputatam. Isti omnes errores refutabuntur per conclusiones.

Errores de justificatione.

NOTA 3. Similitudine declaratur justificatio. Sit pauper aliquis plenus vlceribus, & vitiosis humoribus: is si medicum adeat, vt sanari possit: Medicus si Catholicè agat, tria faciet. Primò præscribet quasdam dispositiones, ad faciliorem morbi curationem, 2. Præbebit illi potionem, non modo medicam, quâ corpus purgetur, & humores expellantur, sed salubrem, & viuificam, quâ vires pristinae, & sanitas acquiratur. 3. Addet medicamentum præseruatium, ne iterum in morbum incidat, & sanitatis acquisita iacturam faciat. Ita secundum Catholicos res se habet, in curatione peccatoris. Primò DEUS illi præstat motionem fidei, spei, contritionis, dilectionis, & propositi nouæ vitæ, tanquam dispositiones ad animi curationem præuias: ista enim omnia sunt requisita, tanquam dispositiones, ad primam justificationem. Sine fide impossibile est placere DEO. ad Hebr. 11. Qui sine timore est, non poterit justificari. Eccl. 1. Qui sperat in Domino, sanabitur. Prouerb. 28. Penitentiam agite. Matth. 4. Remittuntur ei peccata multa, quoniam dilexit multum. Luc. 7. Facite vobis cor nouum, & spiritum nouum, Ezech. 18. Secundò infundit gratiam iustificantem, quâ & peccata tolluntur, & sanitas amissa recuperatur. 3. præscribit peccatori cautionem, vt deinceps insistat pijs operibus, & obseruationi mandatorum, ac seriò prospiciat, ne quam consecutus est sanitatem, suo vitio, & negligentia deperdat. Porro si Caluisticè medicus procedat, aliter procedet, nempe ægroto offeret suam chlamydem nitidam, elegantem, hortabitur, vt eam manu apprehendat, imponat, vlcera tegat; ac deinde magna securitate in conspectum sui Principis compareat, quippe qui seditatem corporis, tam eleganti pallio obdu-

Declaratur similitudine justificatio.



Caluinistica  
justificatio

obductam videre non possit. Ita se habet Caluinistica justificatio. Homo peccator, qui propter scelerum suorum horrorem, ac turpitudinem, in conspectum DEi venire non audet, à Christo medico subsidium petit, Christus offert illi suam justitiam, & satisfactionem tanquam pretiosam chlamydem: Hortatur ut fide eam apprehendat, eaq; sua flagitia, quasi velo quodam tegat, ac deinde confidenter, & audacter, in conspectum DEi se sistat, à quo sine dubio, innocens, ac mundus declarabitur: En quam pulchra Caluinistica justificatio?

NOTA 4. Justificatio sumitur, vel pro acquisitione justitiæ, is enim quem DEus justificat, id est, justum facit, dicitur acquirere justitiam, & de hac loquitur Apostolus ad Eph. 2. *Gratia saluati estis per fidem, non ex operibus.* vel sumitur pro augmento justitiæ, & hæc non est gratuita, sicut prior, sed ex meritis bonorum operum: & de hac loquitur S. Jacobus cap. 2. *Videtur, quoniam ex operibus justificatur homo, & non ex fide tantum.*

Justificatio  
sumitur qua  
drupluciter.

NOTA 5. Justificatio quadrupluciter sumitur. Primò pro actione justificantis effectiue, & hæc justificatio est ipsa Diuina volitio. 2. Pro justificatione formali, quæ est ipse actus formalis, formæ justificatiuæ. 3. Sumitur justificatio passiue, & hoc modo tripliciter juxta Sanctum Bonauenturam in 4. dist. 17. q. 1. Quandoq; enim dicitur justificatio ad justitiam præparatio, quandoq; justitiæ susceptio, quandoq; verò in justitia exercitatio. 4. Sumitur pro executione ejus, quod justum est, sic præceptorum observatio dicitur justificatio, quia per eam justa exequuntur, & fiunt.

Gratia quid

NOTA 6. In hominis peccatoris justificatione, immittit DEus pro sua misericordia in animam, Diuinum, admirabile, ac supernaturale donum Spiritus Sancti, videlicet, gratiam, quæ est qualitas quædam, diuinitus infusa animæ, quâ fugantur peccata, & per quam accipit animam nitorem, Diuinamq; pulchritudinem, quâ homo fit gratus DEo, amicus, & filius DEi. Porro hoc donum propter suam excellentiam, illustriaq; officia, sortitur in scripturis varia nomina. Primò vocatur gratia. *Justificati gratis per gratiam ipsius*; idq; duabus de causis; tum quia gratis datur tum quia, gratos nos efficit DEo. 2. dicitur Spiritus Sanctus; *Repleti sunt omnes Spiritu Sancto. Act. 2.* 3. Vocatur Arrha, seu pignus hereditatis, Ad Rom. 8. *Si enim filii sumus, vidq; & heredes, heredes quidem DEi, coheredes autem Christi.* Quicunq; enim hoc donum, à morte sua secum ferret ad

Varia nomina  
gratiæ



ret ad tribunal DEi, non minùs iuris habebit ad æternam gloriam ad eundem, quàm ad mercedem plenam, & solutionem habet is, qui post officium præstitum, arrham exhibet. 4. Vocatur lux, sicut enim aduentu lucis pelluntur tenebræ, & picturæ rectæ tenebris, fiunt conspicuæ, ita simul atq; hoc donum in animam immittitur, profligantur peccata omnia illustraturq; animus hominis, adeò, vt mens, quæ priùs excœcata erat, iam videat, & quæ in ipso peccati statu, obscura fuerant, nulliusq; apud DEum meriti, illa jam pristinum recipiant splendorem, ita vt à DEo videantur, & probentur. 5. Vocatur gloria DEi, juxta illud. *Omnes peccauerunt, & egent gloriâ DEi.* ad Rom. 3. id est gratiâ DEi, quæ reddit hominem cœlestem, diuinum, consortem Diuinæ naturæ, & nouam creaturâ. 6. Dicitur vita, b spiritus viuut propter justificationem, vel juxta Græcos propter iustitiam, sine hoc enim dono spiritus Sancti, mortuus est, etiam is, qui corpore viuut, cum hoc sit gratia DEi animæ, quod anima ipsa est corpori. 7. Vocatur sanctitas, quia per gratiam DEi sanctificamur. ad Eph. 2. Deniq; vocatur semen gloriæ. 2. Jean. 3. Fons aquæ salientis in vitam æternam. Joan. 4. Vestis nuptialis. Matth. 22. stola prima Luc. 15. Iustitia, cum quia per eam, reddit homo cuiq; quod suum est: tum quia per eam restituitur animæ similitudo DEi, efficiturq; vt anima suo creatori respondeat.

DICO 1. Fides non est causa formalis, nostræ justificationis. Hæc Conclusio constat ex Notando 1. vbi hunc errorem Lutheranorum, & Calvinistarum refutauimus fusè.

DICO 2. Affirmare homines justificari formaliter, per essentialem DEi iustitiam, est crassus error. Ita Concil. Trident. *Sess. 6. cap. 7.* vbi dicitur, *Vnica formalis causa nostræ justificationis, est iustitia DEi, non quâ iustificatio. ipse iustus est, sed quâ nos iustos facit.* S. August. Ep. 120. cap. 3. inquit, *Iustificat impium DEus, non illa iustitiâ, quâ ipse iustus est, eternâ suâ incommutabili iustitiâ.* Vnde inde sic argumentum conficitur. Illa iustitia, quâ DEus in se essentialiter iustus est, æterna est, & incommutabilis, nostra verò iustitia est temporanea, mutabilis, & sæpè mutatur, ac perditur. Ergo longè alia debet esse. Probatur D. Subtilis in 1. dist. 17. q. 3. num. 18. contra hanc sententiam, negantem charitatem animæ inhaerentem, seu esse quid creatum, ex duplici via, prima est ex justificatione peccatoris, secunda via est ex ratione actus meritorij.

Probatur 3. Quia hac ratione, omnes iusti æquè essent iusti, ac

Hh

Sancti

Gratia arrha  
Gratia lux

Gratia dicitur gloria.

b. ad Rom 8.

Gratia vita

Gratia sanctitas.

Semē gloriæ stola prima

Per essentialem Dei iustitiam non fit



sancti, sicut DEus, vel sicut Christus Dominus, quatenus sanctificabatur per substantialem Dei sanctitatem, cui hypostaticè erat vnitus. Confirmatur Christus Dominus, fuit iustus per iustitiam creatam, non verò increatam. Ergo & iusti. Antecedens patet ex Psal. 44. vbi dicitur. *Dilexisti iustitiam, & odisti iniquitatem, propterea vnxit te DEVS, DEVS tuus oleo latitiæ, præ consortibus tuis.* Quod omnes Patres exponunt, de sanctitate, iustitia, & virtutibus creatis, redundantibus in Christi Domini humanitatem, quæ erat, quasi vestimentum Diuinitatis, à sanctitate, & iustitia increata Verbi.

*Iustificatio non est remissio peccatorum, sed etiam in infusione gratiæ.* Ita definitum est in Concil. Trid. *Sess. 6. cap. 7.* vbi dicitur, *Iustificatio, non est sola peccatorum remissio, sed & sanctificatio, & renouatio interioris hominis, per voluntariam susceptionem gratiæ, & donorum &c.* Confirmatur Quia de potentia DEI ordinaria, DEus non remittit peccatum mortale, absq; infusione gratiæ. Ergo iustificatio, non consistit in sola remissione.

*Iustificatio non est imputatio* DEO 4. Iustificatio, non est imputatio iustitiæ Christi Domini. Est contra Caluinum libro 3. *Inst. c. 11. §. 23.* vbi tria dicit. 1. Iustitiam, Christi vocari imputatiuam, quia nobis imputatur; imputari autem eam nobis, quando eam fide apprehendimus. 2. Hac ipsa iustitiâ, & non aliâ, coram DEO nos iustificari. 3. Hanc Christi iustitiam, quâ iusti effici-mur, non esse increatam, sed creatam, nec habitualement, sed actualem, nimirum ipsam Christi Domini obedientiam, quâ se morti obtulit, & legem DEI impleuit.

Contra Errat Caluinus; Quia vt mox offendetur, infundi nobis gratiam inhærentem, quâ intrinsecus iusti constituimur. Ergo falsum est, solâ Christi iustitiâ, nos iustos censeri. Antecedens etiam ipse his verbis concedit libro de vera ratione reformandæ Ecclesiæ à principio. *Nunquam reconciliamur DEO, quin simul donemur inhærente iustitia.* Ergo Caluinus repugnat sibi ipsi, cum alibi ait, solâ Christi iustitia nos iustos effici. Aduerte hic, nos agnoscere iustitiam imputatiuam Christi Domini, quæ nobis imputatur, sed non eo modo, quô agnoscunt aduersarii, nam illi putant, hominem solâ iustitiâ Christi Domini iustum esse, nec admittunt iustitiam inhærentem. Nos Catholici contra. Homine iustum esse, iustitiâ inhærente, & hanc iustitiam inhærentem illi dari propter



propter iustitiam Christi, id est, propter ipsius passionem, & mortem, quam pro nobis sustinuit.

OBJICIUNT 1. Ad Rom. 4. dicitur. *Credenti in eum, qui iustificat impium, reputatur ei fides ad iustitiam.* RESPONDEO. Aliud est fidem, quæ in nobis est, imputari nobis ad iustitiam: aliud iustitiam Christi Domini, quæ extra nos est, imputari nobis ad iustitiam: illud prius, dicit Apostolus, non hoc secundum.

OBJICIUNT 2. *Christus factus est nobis à DEO sapientia, & iustitia, & redemptio.* 1. Corinth. 1. Ergo. RESPONDEO. Non quæritur, an Christus sit nostra iustitia, sed an iustitia Christi sit nostra iustitia: Illud prius, fatemur cum Apostolo effectivè, quia ipse nos justos fecit, sicut, & *Christus quo modo iustitia nostra.* redemit, hoc verò posterius, negamus: nam quomodo DEUS est fortitudo nostra, patientia nostra *Psalmo 70.* Illuminatio nostra *Psal. 26.* eodem modo est iustitia nostra. Sed non est fortitudo, patientia nostra imputativè, sed effectivè. Ergo simili modo, & iustitia.

OBJICIUNT 3. Ad Rom. 5. dicitur *Per unius obeditionem iusti constituuntur multis.* Ergo obedientia Christi Domini, est nostra iustitia, quia per illam iusti constituimur.

RESPONDEO. Nos meritoriè justos constitui, per obedientiam Christi Domini, non tamen formaliter; & hoc intelligit Apostolus: opponit enim obedientiam Christi Domini, obedientiæ Adami. Sed per inobedientiam Adami constituimur iniusti, non formaliter, sed demeritoriè. Ergo similiter per obedientiam Christi Domini, non formaliter, sed meritoriè constituimur iusti: Sicut enim Adam, per suam inobedientiam meritis est posteris, ut in seipsis contraherent peccatum originale, quo in se iniusti fiant, ita è contrariò, Christus Dominus per suam obedientiam meritis est, ut in seipsis homines haberent gratiam, seu iustitiam inhaerentem, quâ in se iusti sint.

Dico 5. In iustificatione hominis peccatoris, verè tolluntur peccata, & non tantùm teguntur. Probatur 1. ex sacris literis. Joan. 1. dicitur. *Ecce Agnus DEI, ecce qui tollit peccata mundi.* Act. 3. *Pœnite mini, & convertimini, ut deleantur peccata vestra.* Ad Hebr. 9. *Christus semel oblatus est ad multorum exhauriendâ peccata.* Mich. 7. *Projiciet in profundum maris omnia peccata nostra.* Ex quibus sic arguo; Id quod tollitur, deletur, & exhauritur, & longè projicitur ab homine, non manet in homine. Sed in iustificatione peccatum tollitur, deletur, exhauritur, & longè projicitur.



jicitur. Ergo non manet in homine. Probatur 2. Ratione ex metaphoris deducta. Peccata vocantur maculae: Hierem. 2. Vincula Prov. 5. vulnera, liuores Isai. 30. Sed in justificatione peccatoris maculae abluuntur, Abluti estis, sanctificati estis. 1. ad Corinth. 6. vincula disrumpuntur Psalmo 115. Dirupisti Domine vincula mea. vulnera sanantur. &c.

OBJICIUNT. Psalmo 31. dicitur, peccata tegi, non tolli, Beati quorum remissa sunt iniquitates, & quorum tecta sunt peccata. Ergo.

Quid sit tegi peccata.

Respondet S. August. super hunc Psalmum, Quod DEus tegat peccata, sanando, & auferendo illa, sicut medicus vulnus tegit emplastro, & curat.

DICO 6. DEus in justificatione, infundit homini gratiam habitua-lem, seu iustitiam inhaerentem, qua homo interiori renouatur, & sanctus efficitur. Probatur 1. ex Sacris literis. Ad Eph. 4. dicitur. Renouamini Spiritu mentis vestra. Et 1. ad Corinth. 3. Nescitis quia templum DEI estis, & Spiritus DEI habitat in vobis nimirum, per sanctitatem, iustitiam, & charitatem, juxta illud ad Rom. 3. Charitas DEI, diffusa est in cordibus nostris, per Spiritum Sanctum, qui datus est nobis. Ad Colos. 3. Induentes nouum hominem, &c. ubi Apostolus hortatur nos, ad interiorem hominis renouationem, quae renouatio, fit per infusionem gratiae habitualis. Probatur 2. ex Concilio Tridentino, quod Sess. 6. Can. 11. dicit. Si quis dixerit homines justificari vel sola imputatione iustitiae Christi Domini, vel sola peccatorum remissione, exclusa gratia, & charitate; aut etiam gratiam, qua iustificamur, esse tantum fauorem DEI, anathema sit. Praeterea ipse Calvinus dicit, nos reconciliari DEO, inhaerente iustitia, vt citauimus eum, sub 4. Conclusionem. Denique probatur ratione. Quandoeumque subjectum transit, a contradictorio in contradictorium, vel a contrario in contrarium reale, ibi in eo est vera mutatio realis. Sed peccator dum ex injusto fit iustus, transit de contrario in contrarium, & de contradictorio, in contradictorium. Ergo est in eo vera mutatio realis, quia post priuationem gratiae, acquirit gratiam. Vnde Concil. Trident. Sess. 6. cap. 7. Justificationem dicit esse sanctificationem, & renouationem interioris hominis, per voluntariam susceptionem gratiae, & donorum, unde homo ex injusto fit iustus, & ex inimico, amicus. &c.

Iustificatio definitur

DICO 7. Iustificatio (sic potest describi) est mutatio, seu translatio peccatoris, a statu peccati, in statum gratiae. Patet Ad Colos. 1. dicitur. Qui eripuit nos de potestate tenebrarum, & transfudit, in regnum filii sui.

Et



Et 1. Petri 2. *Vt peccatis mortui, iustitia vivatis.* Confirmatur sicut calefactio, quâ quis ex frigido fit calidus, continet depulsionem frigoris & inductionem caloris, ita iustificatio, de potentia DEi ordinaria, continet remissionem culpæ, & infusionem gratiæ.

Aduerte hic ex D. Subtili in 3. dist. 3. q. 1. num. 12. quod iustificatio passiva, id est, ista infusio gratiæ, non est propriè motus, nec mutatio, sed habet aliquid de utroq; Quod non sit strictè motus, patet, quia non est fluxus, secundum partes formæ, vel mobilis, vel medii inter extrema. Quod non mutatio, constat, quia non producit in mensura indiuisibili: potest tamen dici, motus quoad istam conditionem, quia licet ista gratia sit indiuisibilis, causatur tamen in mensura diuisibili: potest etiam dici mutatio, ex eo, quia licet non producat in instanti, totaliter tamen, & impartibiliter producit, quia vt forma simplex, & indiuisibilis inest subiecto.

QVÆRES. Quænam sint Causæ justificationis?

NOTA. Quod in rebus naturalibus fit, vt omnes habeant causas suas, nimirum efficientem, formalem, materialem, & finalem, id quoq; in justificatione peccatoris videre licet, & Concil. Trident. definiuit. Sess. 6. cap. 7.

DICO 1. DEUS solus, est causa principalis justificationis. Probaturs Isaac 43. dicitur. *Ego sum qui deleo iniquitates.* Ad Rom. 3. *Vnus est DEUS, qui iustificat.* S. August. in illud Psalmi 118. *Feci iudicium, & iustitiam, ait DEUS iustitiam in nobis operari, sine nobis.* Et Psal. 83. dicitur. *Gratiam, & gloriam dabit Dominus.* Ratio est, quia si aliqua creatura posset iustificare, & peccata remittere, posset, & creare, cum gratia habitualis, quæ in justificatione datur, creatur. Sed non potest creare. Ergo nec iustificare.

DICO 2. Christus Dominus quâ homo, est causa meritoria, seu moralis effectiua nostræ justificationis. Ita Trident. loco citato. Probat D. Subt. in 4. dist. 2. q. 1. Quia omnia remedia nobis ad salutem, sunt præmia operum ejus.

DICO 3. Causæ instrumentales justificationis, quâ quis ex impio fit iustus, ordinariè sunt duo Sacramenta, Baptismus, & Pœnitentia, quæ ideo vocantur Sacramenta mortuorum, quia ab ijs suscipi debent, (quia secundum animam mortui sunt,) vt iustificentur, & ad vitam iustitiæ redeant. Reliqua verò Sacramenta sunt instrumenta augmenti gratiæ, quâ quis ex iusto, fit iustior.

Causa efficiens justificationis principalis DEUS

Christus Dominus qualis causa nostra justificationis?

Instrumentalis causa.

An autem

Hh3

tem



tem Sacramenta, concurrant instrumentaliter ad causandam gratiam, physice, vel moraliter? D. Subt. in 4. dist. 1. q. 5. solum concedit moralem efficientiam Sacramentorum respectu gratiæ: & certè hæc sententia est probabilior, quia omninò in aliquibus casibus, hæc efficientia concedi debet, curigitur in omnibus concedi non possit?

Formalis  
causa iustifi-  
cationis.

Dico 4. Formalis causa justificationis, est iustitia habitualis, quæ hominì a DEo infunditur, cum justificatur. Ita Trident. loco citato. Probatur. Quia sicut forma dat esse rei, ita gratia sanctificans dat esse iustitiæ, & sanctificationis: sicut enim per sapientiam internam, homo est sapiens, per calorem calidus, per albedinem albus, ita per gratiam fit justificatus.

Causa mate-  
rialis.

Dico 5. Causa materialis justificationis, est anima hominis, seu voluntas hominis. Pater, quia cum constet gratiam sanctificantem (quæ est forma justificationis) existere in anima hominis iusti, tanquam in subiecto. Ergo anima justificationis est subiectum. Porro sicut in mutationibus naturalibus, antecedunt quædam dispositiones, quæ præparant subiectum, ad formam inducendam, V. G. aqua calefacienda, ex flumine hauritur, olæ infunditur, igni admouetur, ita ane hominis justificationem, quædam præcedunt, partim interna vocatio, ut illuminatio mentis, bonaq; affectio voluntatis, quam DEus sæpè cum externis illis occasionibus vocando, excitando adjungit, atq; etiam subinde, sine illis immittit: ut Pauli cor prosternendo tetigit, Petrum autem in domo Pontificis, solo interno aspectu, ad pœnitentiam commouit; & hæc vocatur gratia præueniens. partim internæ mentis operationes, partim externa opera, quæ licet justificationem non efficiant, neq; de condigno mereantur, aptant tamen hominis animum ad iustitiæ infusionem. Et de his operibus loquitur Isaias cap. 40. *Parate viam Domino, rectas facite semitas ejus.* Et 1. Reg. 7. *Parate corda vestra Domino.*

Causa fina-  
lis.

Dico 6. Causa finalis justificationis impii, est triplex. 1. DEi gloria, quia *uniuersa propter semetipsum operatus est Dominus.* Prouerb. 16. ex justificatione enim peccatoris, manifestatur gloria DEi, cum juxta S. Aug. Tract. in Joan. *Majus opus DEi sit impium justificare, quàm cælum, & terram creare.* 2. Honor Christi hominis, cum justificatio tendat, ad merita Christi Domini illustranda. 3. Salus, & felicitas ejus, qui justificatur, nam gratia, quæ confertur in justificatione, proximè tendit, ad salutem, juxta illud ad Rom. 6. *Nunc verò liberati à peccato &c. habetis finē vitæ æternæ.*

Petes



PETES An homo possit habere certitudinem fidei, de sua justificatione?

RESPONDEO. Quod certitudo fidei non habetur, nisi de re diuinitus reuelata; vnde si DEus alicui reuelaret, se ipsi remittere peccata, is haberet certitudinem fidei, de sua justificatione, quod contigit Zachæo, latroni, Magdalenzæ, & multis aliis; sine reuelatione, *Nescit homo, an amore, vel odio dignus sit.* Eccl. 9.

ARTICVLVS X.

*Vtrum pœnitentia in extremis facta valeat?*

Videtur quod non, 1. S. August. in quodam sermone, de illo qui pœnitet in extremis, inquit, *Non presumimus, quod bene hinc exit.* 2. Nulli dimittitur peccatum mortale, nisi per aliquam pœnam temporalem, correspondentem. Sed pœnitens in extremis, nullam pœnam soluit, vel saltem non sufficientem. Quod si dixeris quia hanc pœnam in purgatorio soluet. Contra moriens in peccato mortali damnatur statim. Ergo moriens in gratia statim saluabitur, & consequenter nullam pœnam, post mortem soluet. 3. Nulla pœnitentia sufficit ad salutem, nisi voluntaria. Sed pœnitens in extremis, non dimittit peccata, sed potius peccata illum dimittunt. Ergo. 4. Afferere pœnitentiam serotinam valere, est contradicere legi DEI. Ergo. Antecedens patet, quia nihil est ordinatum à legislatore, quod est occasio transgrediendi legem, & præcipuè multis. Sed sic est quod pœnitentiam serotinam valere, est occasio multis continuandi peccata, vsq; ad extremum vitæ. Ergo. &c. Major patet, quia talis legislator faceret aliquid per se, quod esset in destructionem legis suæ, quod non est iudicandum legislatorem velle, cum faciat legem, vt illa obseruetur. Minor est clara, Quis enim non continuet peccare per totam vitam, si brevis pœnitentia in fine vitæ saluaret?

DICO 1. Pœnitentia vera, siue interior sola, siue exterior cum susceptione Sacramenti, sufficit ad salutem alicujus in extremis positi. Probat. Tum quia Ezechiel 33. dicitur. *Quacumq; die conuersus fuerit impius, &c.* Ergo & in extremis. Tum quia S. Aug. lib. de vera, & falsa pœnitentia, dicit, *Pœnitentia si in extremo hiatu aduenerit, sanat & liberat.* Et subdit infra. *Multum sera fuit pœnitentia latronis, sed non fuit sera indulgentia.* Tum quia quiuis in extremis potest demereri. Ergo & mereri.

Dico



DICO 2. Illa opinio, quæ asserit interdum aliquos in hac vita, prouenire ad eum statum, & cumulum peccatorum, ut jam non valeant sufficientem pœnitentiam facere, quâ exeant à statu peccati, falsa est. Ita Doctor Subtilis in 4. dist. 20. Probatur 1. ex sacris literis. Matth. 9. dicitur. *Non veni vocare justos, sed peccatores ad pœnitentiam.* Ad Rom. 9. *Ignoras quoniam benignitas DEi, ad pœnitentiam te adducit, secundum autem duritiam tuam, & impenitens cor, thesaurizas tibi iram &c.* Ergo falsum est, quod DEus aliquos aliquando ita deserat, ut non possint facere fructuosam pœnitentiam. Ezechiel 18. dicitur. *Nolo mortem peccatoris, sed ut conuertatur, & viuât.* Et rursus. *Nunquid voluntatis mee est, mors impij?* Probatur ratione. Quia statui vitæ repugnat, ut viator in aliqua parte illius non possit mereri, de ratione enim viæ est, ut in ea semper possit ad terminum accedere. Ergo repugnat huic statui, quod homo priuetur potestate accedendi ad terminum. Vnde in Concilio Tridentino Sess. 6. cap. 4. dicitur. *in hac vita neminem deseri à DEo, nisi prius ipse DEum deserat.* Ratio à priori assignatur, ex Diuina promissione, orta ex misericordia, & fundatâ in iustitia Christi Domini. Ergo necessario dicendum est, DEum nemini, quantumcunq; graui peccatori, negare pro hac vita usq; ad extremum, auxilia necessaria ad faciendam veram, & fructuosam pœnitentiam.

DICES 1. Ad Rom. 9. dicitur. *Cujus vult miseretur, & quem vult indurat.* Et Eccl. 7. *Considera opera DEi, quia nullus potest corrigere, quem ipse despexerit.* Et Psal. 80. *Dimisi eos secundum desideria cordis eorum, ibunt in adinventionibus suis.* Et Hierem. 16. *Curauimus Babylonem, & non est curata, derelinquamus eam.* Et 2. Machab. 9. de Antiocho dicitur. *Orabat scelestus Dominum, à quo non erat misericordiam consecuturus.* & ad Hebr. 12. de Esau dicitur. *Non inuenit pœnitentia locum, licet cum lachrymis quasi iussit illam.* Ergo DEus denegat aliquibus sua auxilia propter peccata.

RESPONDEO. Ex his autoritatibus hoc haberi, quod postquam DEus, dedit illis sufficientia auxilia, quibus quidem verè, & actu saluari possent, & videt illos eis abuti, permittit vult, ut labantur in finalem impenitentiam, neq; vult illis vberiora illa, & plusquam sufficientia auxilia tribuere, quæ aliquibus peccatoribus quandoq; dedit, quia hoc non expedit vniuersali Ecclesiæ, & iustitiæ Diuinæ, sic enim homines se vitiis traderent, fiderent enim tandem, DEum auxiliis efficacissimis, & pluri-

Explicatur  
loca sacra  
scriptura.



mis ſufficientibus illos adjuuaturum, atq; quodammodo impulſurum ad pœnitentiam fructuoſam: ac proinde cùm timore, & tremore operari debemus ſalutem noſtram: quia ſi auxilia ſufficientia deſpicimus, quis ſcit, ſi daturus ſit nobis DEus, plusquam ſufficientia, licet illa aliquando conceſſerit aliquibus, vt latroni, Magdalenz, & aliis. Sic ergo indurat negatiuè, non poſitiuè, non conferendo ſcilicet auxilium plusquam ſufficienteas, non autem denegando ſufficientia, & neceſſaria. Et ſic prima, ſe- cunda, tertia, & quarta authoritas, ex ſacra ſcriptura allata, ſoluitur. Ad illam authoritatem de Antiocho, Dico, Antiochum non orâſſe, petendo veram pœnitentiam, vel gratiam adjuuantem ad illam, ſed petendo ſalu- tem corporis, vt conſtat ex illis verbis. *Non deſperans memetiſſum, ſed ſpem multam habens fugiendi infirmitatem*: & ideo mirum non eſt, quòd miſe- ricordiam non fuerit conſecutus. Tùm quia oratio de bonis tempo- ralibus, non ſemper eſt infallibilis. Ad teſtimonium de Eſau, Dico, quòd in illo loco, non eſt ſermo de pœnitentia peccati, ſed de retracta- tione prioris facti, nimirum benedictionis, quam dederat Jacob.

DICES 2. Videmus DEum aliquando punire peccatorem, actua- liter peccantem, & aliquando viuos demergere in infernum, vt Core, Dathan, & Abiron. Videmus etiam aliquos confirmare in bono, ne am- pliùs poſſint peccare, Ergo expedit etiâ aliquos aliquândo deſerere, in im- pœnitentia finali, vt iuſtitia, non minùs reluceat, quàm miſericordia.

RESPONDEO. Concedo DEum aliquando interficere corpora- liter, vt alii peccare timeant, DEus tamen tunc cum illis ita ſe gerit, vt ſi in illo puni- to mortis vellent pœnitentiam agere, illis non deerit auxi- lium neceſſarium. Non eſt autem paritas de confirmatione in bono, & de negatione auxilii neceſſarij ad bonum, in hac vita: nam de ratione viz, eſſentialiter eſt, poſſe tendere ad terminum hoc enim ablato, via, non eſt ampliùs via; Hæc autem poteſtas tendendi ad terminum viz, qui eſt patria, & beatitudo, non tollitur per confirmationem in gratia, imò magis, ac magis viator adjuuatur, ad tendendum ad terminum. Sed de- ſtitutus auxilijs Diuinis, neceſſarijs ad veram pœnitentiam, ſimpliciter priuatur poteſtate tendendi, ad terminum vltimum, qui eſt patria, & bea- titudo, & ponitur extra viam, & ideo non eſt par ratio.

DICO 3. Pœnitentia quæ habetur in extremis, vix eſt ſufficiens ad ſalutem, ex eo, quia tunc eſt difficilè habere, veram pœnitentiam. *Pœnitentia in extremis vix eſt ſufficiens ad ſalutem.* Probat D. Subtilis in 4. diſt. 20. Primò Quia tunc impeditur



Ratio

vsus liberi arbitrii, ex dolore, vel timore, inhaerentibus animæ sensitivæ: passiones autem causatæ ab objectis tristantibus, vel tristibus, plus movent, quàm passiones causatæ ab objectis delectabilibus, juxta S. August. 83. qq. q. 36. passio autem causata à vehemēti delectabili, quandoq; impedit totaliter, vel ferè vsus rationis. Ergo multò magis, passio causata ab objecto tristabili; in extremis autem, est vehemens dolor, & tristitia, ac timor; ad pœnitentiam autem fructuosam, requiritur liber vsus rationis, & voluntatis. Ergo in extremis est difficilis vera pœnitentia, quia licet liberum arbitrium, non penitus tollatur, tamen impeditur. 2. Ad hoc vt displicentia de peccato sit ordinata, & valeat, oportet quòd sit debitè circumstantionata, maximè circumstantiam finis, id est, vt fiat propter DEum; debet etiam habere circumstantiam, principii actiui principalis, quæ est voluntas, vt eliciatur liberè. Sed in extremis, difficile est habere displicentiam, sic debitè circumstantionatam, quia vsq; ad extremum vitæ fuit impœnitens, videtur extorquere à seipso illam displicentiam peccati, non propter DEum, sed propter timorem imminētis periculi, V. G. inferni. Causa etiam productiua istius displicentia, non videtur esse aliquid voluntarium, sed inuoluntarium simpliciter, scilicet expectatio mortis, quæ est inuoluntaria: quòd autem non sit, nisi ex suppositione alicujus inuoluntarii, non est simpliciter voluntarium, vt patet in projiciente merces in mare, præcisè propter timorem periculationis.

Conciliatur  
loci D. Subt

DICES, Scorus in 2. dist. 6. & in 3. dist. 15. appellat projectionem mercium in mare, simpliciter voluntarium, & nolitionem projiciendi secundum quid inuoluntarium: hic verò è contra: Ergo sibi contradicit. RESPONDEO. Quòd hic per simpliciter voluntarium, intelligit omninò voluntarium, quod nihil habet admixtum de inuoluntario, in locis verò citatis facit comparisonem inter nolitionem projectionis mercium, & volitionem projectionis mercium, & rectè dixit volitionem projectionis mercium, esse volitionem simpliciter, nolitionem verò projectionis mercium, esse nolitionem secundum quid projiciendi merces. Displicentia itaq; de peccato voluto, præcisè propter periculum mortis, quæ est omninò inuoluntaria, videtur simpliciter inuoluntaria, & sic caret debità circumstantiâ principii actiui, quæ est, quòd sit voluntariè elicitæ. Et dato inquit D. Subt. quòd sit voluntaria, non tamen est ita voluntaria, sicut si esset volita propter DEum, quod probat autoritate S. Augustini, quam citat Magister sententiarum in 4. dist. 20. oportet nò



*solum timere judicem, sed diligere: arbitrii libertatem quarit ut delere possit commissa, non necessitatem, charitatem, non timorem, non igitur timeat pœnam, qui poenitet, sed anxietur pro gloria.* Tertio probat. Quia habitus malus, vsq; tunc continuatus, multum retrahit ab actu pœnitentiæ. Ergo talis habitus, si perseveret vsq; ad extremum vitæ, difficilem reddit actum verum pœnitentiæ. Quarto probat. Quanto aliquis est minus dominus sui actus, tantò requiritur intensior displicentia, ad hoc, quod sit dispositio sufficiens ad deletionem culpæ. Sed qui est in extremis, est minus dominus sui actus, quàm sanus. Ergo requireretur secundum strictam iustitiam, intensior motus displicentiæ ad justificationem illius, quàm sani. Sed vix potest habere actum, æquè intensum ac sanus. Ergo pœnitentia in extremis, est valde difficilis. Minor patet, quia qui est in extremis, non est dominus actus sui exterioris ad peccandum. Ergo est minus dominus, quàm sanus, qui est dominus interioris, & exterioris actus. Vnde S. August. homilia 41. inquit *Age pœnitentiam dum sanus es. si sic agis, securus es, quia pœnitentiam egisti, quando peccare potuisti: Si autem vis agere pœnitentiam, quando jam peccare non potes, peccata te dimittunt, non tu illa.* Quare idein S. August. ibidem ait. *Magnum est, cui DEus in extremis, inspirat veram pœnitentiam: quia vix, vel nunquam est aliquis, qui sic distulerit pœnitentiam, & toties gratia praueniens resisterit, qui in eo tempore consentiat, & sic se disponat de congruo ad gratiam.* Confirmatur 1. Quia sani hominis, sana pœnitentia, infirmi infirma, mortui, mortua, & exanguis. Confirmatur 2. Primitias terræ, ac primogenita animantium, offerri sibi lege priscâ, DEus voluit. *Præcoquas ficus desideravit anima mea.* Mich. 7. Vnde si ætatem vegetam offert DEo aliquis, vitia deferet, & virtutes amplectetur, si verò ætatē vietam, ille potius à vitiis derelinquetur, non ipse vitia. Hinc ex dictis D. Subtilis.

COLLIGE 1. Quòd sano persuadendum est, ut sanus pœniteat, incutiendo sibi timorem, quàm periculosum sit expectare serotinam pœnitentiam, teste S. August. homil. 41. *Si quis inquit positus in ultima necessitate agritudinis sue, voluerit accipere pœnitentiam. Si securus hinc exierit, nescio, pœnitentiam dare possumus, non securitatem: nunquid dico damnabitur, sed nec dico liberabitur. Vis ergo à dubio liberari, age pœnitentiam dum sanus es. Quia pœnitentia sera, rarò fit vera.*

COLLIGE 2. Quod infirmo in extremis suadendum est, ut secundum suam possibilitatem laboret, pœnitentiam habere ordinatam, ut scilicet



*Consilium  
practicum*

licet non obstante dolore, vel timore, utatur ratione, quantum potest, & nitatur habere displicentiam voluntariam, propter finem debitum, scilicet propter DEum, & renitatur malæ inclinationi habitus, & delectationum præsentium, & curet habere displicentiam peccatorum, licet breuem, ne verò in desperationem mittatur, extollenda sibi est misericordia DEI, proponenda exempla, latronis, Zachæi, Matthæi, & aliorum, quorum licet pœnitentia fuerit fera, sed non fera indulgentia. Ad primū in oppositum RESPONDEO. Quod probat hanc ultimam conclusionem, quia præsumptio est, secundum ea, quæ eueniunt, ut in pluribus, & quia ut in pluribus, difficile est, ut qui differt pœnitentiam ad extremum, dignè pœniteat: & hoc dicit S. Augustinus. Ad 2. dico Quod pœnitens in extremis, pœnam temporalem soluet in purgatorio, quam tamen Sacerdos, non debet illi imponere, proponere tamen debet Pœnitenti, quam pœnam mereatur, & dicere illi, si consalueris, studebis illam adimplere, nunc autem, quia es in manu Domini, confide de misericordia DEI: qui etiam si te puniet tamen cum misericordia. Posito casu quod non possit protrahi sermo, non specificet pœnam, sed instruat pœnitentem de misericordia, & iustitia DEI, ita tamen, ne illum in desperationem inducat. Ad instantiam Dico. Quod moriens in peccato, ideo damnatur, quia non pœnituit, moriens autem in gratia DEI, statim saluatur, si non est debitor alicujus pœnitententiæ. Ad 3. Respondeo. Quamdiu homo habet usum liberi arbitrii, licet non semper possit peccare peccato exteriori, tamen semper potest actu interiori, & tali actu interiori, potest homo peccare, quia hoc peccatum, non dimisit hominem, sed in eo manet, usq; ad mortem, nisi homo dimittat illud, potest ergo homo in extremis dimittere illud. Similiter posset peccare actu exteriori, non actu illud perpetrando, sed voluntate conditionata, si posset. Ad 4. Respondeo Istud statutum, quod quis in extremis pœnitere possit, non dat occasionem peccandi, sed est occasio accepta ab imperfectis, sed secundum se, est occasio seruandi legem propter amorem legislatoris, qui tantæ misericordiæ est, erga miseros, ut nunquam eis claudat, sinum misericordiæ. Confirmatur Quia quando prouenit ex aliqua re, majus bonum, quam sit malum, quod ex ea indirectè, tanquam ex occasione accepta venit, tunc illa res, nullo modo est prætermittenda. Sed majus bonum est, quosdam usq; in finem malos, per pœnitentiam saluari, quam malum sit peccatum, ex istius occasione factum, quia per istam pœnitentiam multi saluantur in extremis,

*In extremis  
potest peccare  
actu interiori.*

*nota distinctionem.*



per illâ autem occasionem Diuinam, nulli cadunt ab isto, & si aliquando peccant, tamen non peccato, quo finaliter damnentur.

ARTICVLVS XI.

*Virum post hanc vitam, possit peccatum dimitti quoad culpam?*

Difficultas præsens procedit, tam de peccato mortali, quàm de veniali.

Dico 1. Peccatum mortale, in altera vita non dimittitur. Patet quia in altera vita, non erit tempus poenitentiam faciendi, neq; merendi, neq; gratiam consequendi, juxta illud Apocal. 10. *Jurauit per viuentem in secula seculorum, quia non erit tempus amplius.* Confirmatur ex Tridentino Sess. 6. cap. 7. vbi dicitur. *Peccatum mortale nunquam remitti, sine infusione gratiæ; nam causa formalis nostræ justificationis, est gratia habitualis. Sed sine causa formali, effectus formalis haberi non potest. Ergo neq; peccati remissio, sine infusione gratiæ, de potentiâ DEi ordinariâ. Subsumo. Sed in altera vita, jam non est tempus gratiam consequendi. Ergo nec tempus, peccatum mortale dimittendi. Confirmatur 2. Omne tempus merendi, vna cum vita finitur, juxta illud Eccles. 14. *Ante obitum tuum operare iustitiam: quia non est apud inferos inuenire cibum.* Et juxta illud Joan. 9. *Venit nox,* (id est mors) quâdo nemo potest operari.*

*Peccatum mortale non dimittitur in alia vita.*

Dico 2. Peccatum veniale post hanc vitam, etiam quoad culpam, remittitur homini existenti in gratia. Istam conclusionem omnes admittunt. Probat D. Subt. in 4. dist. 21. *Quæst. 1. num. 8.* vbi dicit, veniale remitti non per solutionem poenæ, sed per actum pium ante, vel in ipso instanti mortis, nam cum moriens in charitate, facit opus magis acceptum DEo, quàm fuerit displicens culpa venialis, hoc enim est meritorium deletionis illius culpæ venialis. Vel propter aliqua bona opera prius facta, & hæc vel relata ab ipso operante, ad hæc peccata venialia remittenda, vel relata ab ipso DEo acceptante in ordine ad illa. Subdit D. Subt. *Quod omne peccatum veniale morientis in charitate, remittitur in hac vita, nisi fortè dicat aliquis DEum hoc ordinasse, quod bona merita istius referuentur vsq; ad instans mortis, in Diuina acceptione, quando scilicet desinit viator esse.* Hinc D. Subt.

COLLIGIT. Ponere in anima post mortem, motum aliquem bonum, per quem tanquam per dispositionem, vel meritum de congruo, vel de condigno, deleatur veniale, non videtur consonum doctrinæ Theologiæ, quæ ponit statum illum, non esse statum merendi.

Dico 3. Peccatū veniale remanēs in damnato in inferno, potest dimitti.



*Peccatum  
veniale in a-  
lia vita potest  
dimitti.*

Est hæc conclusio contra Thomistas. Probatur 1. Nihil aliud est culpa venialis remissio, quam solutio pœnæ temporalis, debita ipsi culpæ veniali. Ergo soluta pœna debita pro peccato ipso veniali, siue in hac vita, siue in purgatorio, siue in inferno, dimittitur culpa venialis. Antecedens patet. quia post actum transeuntem, culpa, quæ manet, nihil aliud est, quam ordinatio, seu reatus, vel obligatio ad pœnam, ut dixi *disp. 1. q. 1. art. 2.* Probatur 2. Peccatum veniale, stat cum gratia, & intra latitudinem gratiæ, ideo cum peccatum veniale abstrahat ab existentia gratiæ in subjecto, & à non existentia gratiæ in subjecto; sicut cum committitur, gratiam non expellit, ita in remissione, gratiâ non eget, quia ab illa omnino abstrahit: cum igitur in peccato veniali, non attendatur status bonus, vel malus, viæ, vel termini, quia potest stare cum statu bono, & cum statu malo viæ, vel termini, & sic potest dimitti etiam quoad culpam in inferno damnatis.

*Quid sit re-  
missio veniale*

Confirmatur. Solutâ pœnâ temporali, in altera vita, pro veniali, ex hoc ipso, ipsa culpa venialis est remissa, non sic autem de mortali, quia pœna debita, non potest esse soluta totaliter, nisi primò æterna pœna commutetur in temporalem, & ista commutatio, vocatur remissio culpæ mortalis, hæc autem remissio non fit, nisi per voluntariam displicentiam ordinatam, cum auxilio DEi speciali, quod haberi in altera vita non potest. Hinc

**COLLIGE.** Peccatum veniale remitti, quantum ad culpam, est totalem pœnam nobis condonari, aut reatum ad totalem pœnam sibi correspondentem, commutari in minorem pœnam.

**DICES I** cum Suarez. Scotus retractavit suum dictum, cum secundum modum attulit dimittendi venialia. Et Aretinus in 4. *dist. 21. q. 1. art. 3.* dicit. *Vnde existimo, falsò tribui Scoto istam opinionem, quòd in inferno possint venialia remitti, quoad culpam.*

**RESPONDEO.** Quòd non retractavit, sed assignavit hunc secundum modum dicendi, propter illos, qui nolint sequi primum modum, vel qui nolunt intelligere, quomodo solutio pœnæ, & dimissio culpæ distinguantur.

**DICES 2.** Sancti Patres distinguunt, inter dimissionem culpæ, & solutionem pœnæ. Ergo solutio pœnæ, non est dimissio culpæ.

**RESPONDEO.** Hoc verum est, de peccato mortali, nam remissio culpæ mortalis, est commutatio pœnæ æternæ, in temporalem, & collatio gratiæ gratum facientis, solutio autem, aut dimissio pœnæ, est condonatio,



natio, vel exactio pœnæ temporalis, in quam æterna fuit commutata. Ex quo sequitur quod culpa, quæ manet post actum peccati, sit reatus, siue obligatio ad pœnam, quia dimissio culpæ, est ablatio hujus reatus ad pœnam æternam, & commutationis in pœnam temporalem. Quare dimissio culpæ venialis, est propriè reuocatio, & obligationis ad pœnam temporalem, ablatio, solutio autem pœnæ venialis peccati, est exactio ejusdem pœnæ; & sic differunt dimissio culpæ, & solutio pœnæ, & tamè simul stant, quod solutio pœnæ temporalis, debita culpæ veniali, sit dimissio ipsius culpæ venialis, quoniam ad solutionem pœnæ debita, tollitur reatus, & obligatio ad illam. Ex his

COLLIGE I. Quod culpa venialis non tollatur per gratiam, quia illi non opponitur, cum steterit cum illa, sed per aliquid aliud, scilicet, in habentibus gratiam per aliquid opus bonum, in non habentibus verò gratiam per solutionem pœnæ debitæ temporalis, ut dictum est.

COLLIGE 2. Ista propositio, quod culpa venialis, non dimittatur sine aliquo bono actu pœnitentis, falsa est; quia ut diximus Conclusionem secundam, culpas veniales dimitti, in primo instanti separationis animæ à corpore, quod est post hanc vitam, sine aliquo bono motu animæ.

COLLIGE 3. Bonum motum requiri ad merendum, non autem absolute ad satisfaciendum, licet in hac vita sit necessarius, saltem patienter ferre pœnam inflictam, quia hic est status merendi, & demerendi, post alteram verò vitam, culpa venialis dimittitur, per solutionem pœnæ debitæ absolute, etiam in purgatorio, non per bonum actum voluntatis, quia ille nihil iuvat, etiam respectu pœnæ, quia ibi non est voluntaria solutio, sed coacta.

DICES I. Nullus moriens post hanc vitam, potest peccare: Ergo nec moriens in peccato, potest postea resurgere. RESPONDO. Nego Consequentiam. Ratio discriminis est, quia peccare est liberè agere, ut patet pro statu viæ; at resurgere à peccato, siue liberari à peccato etiam in statu viæ, non requirit agere liberè, juxta conclusionem tertiam, quia non est aliud, nisi soluere pœnam, vel per merita prius habita in viæ, & pro tunc acceptata, culpam dimitti. Ex quo sequitur, quod resurgere à peccato, si sumatur pro pati debitam pœnam, non est difficilius, quam peccare, si verò sumatur resurgere à peccato, pro actu pœnitentiæ ordinato, sic difficilius est resurgere, quam peccare, quia sic requiritur gratia Dei, & actus bonus moraliter, qui est difficilior, quam actus peccandi.

Dices

Quid est resurgere à peccato?



DICES 2. Nullum peccatum mortale potest dimitti, post hanc vitam. Ergo nec veniale. Consequentia patet, quia sunt ejusdem rationis, & solum differunt, secundum, magis, & minus.

RESPONDEO. Negando Consequentiam: nam licet peccatum mortale, & veniale, sint ejusdem generis, in ratione culpæ, & malitiæ moris genericæ, tamen habent postea multas differentias essentielles, propter quas, non est eadem ratio de vno, ac de altero; Differentiæ istæ sunt, quia peccatum mortale, est deordinatio, auertens à fine ultimo simpliciter, veniale verò secundum quid tantum. Deinde quia mortali debetur pœna æterna, veniali temporalis, & sic veniale potest dimitti, non verò mortale.

## QVÆSTIO II.

### De Effectu Pœnitentiæ, circa remissionem pœnæ debitæ peccatis?

In Præsenti Quæstione duo tantum examinabuntur.

1. Vtrum Pœnitentia remittat culpam, & pœnam?
2. Vtrum post hanc vitam, possit dimitti peccatum aliquod quoad pœnam?

#### ARTICVLVS I.

*Vtrum Pœnitentia remittat culpam, & pœnam?*

*Remissa culpa mortali remittitur pœna æterna*

DICO 1. Remisso peccato mortali quoad culpam, necesse est, de potentia DEi ordinaria, remitti etiam reatum pœnæ æternæ. Definitum est in Concil. Trident. Sess. 6. cap. 14. vbi dicitur. *Pœnam æternam unâ cum culpa, remitti per Sacramentum Pœnitentiæ, vel ejus votum.* Hanc conclusionem probat D. Subt. in 4. dist. 18. vbi tractat de clauibus, quam difficultatem, nos examinabimus *Disp. 8. q. 3. art. 5.* Interim probatur. Impossibile est esse aliquem hæredem vitæ æternæ, & esse dignum pœnâ æternâ. Sed cui remittitur culpa mortalis, fit hæres vitæ æternæ, juxta illud ad Rom. 8. *Filij, & hæredes &c.* Ergo impossibile est remitti peccatum mortale, & non remitti pœnam æternam. Dixi (de potentia DEi ordinaria,) quia de potentia DEi absoluta, remitti posset culpa, remanente reatu pœnæ æternæ, vt dictum est *precedenti q. art. 7.*

*Non semper remittitur tota pœna temporalis.*

DICO 2. Remisso peccato quoad culpam, non semper remittitur totus reatus pœnæ temporalis. Hæc Concl. patet ex *disp. 6. q. 1. art. 1.* Probatur ex Trident. Sess. 6. cap. 14. vbi habetur in Sacramento pœnitentiæ injungi satisfaciendum, non pro pœna æterna, quæ simul cum culpa re-



pa remittitur, per Sacramentū, vel votum Sacramēti, sed pro pœna tēporali. Ergo pœna tēporalis, non semper remittitur, remisso peccato quoad culpam. DICES 1. Reatus pœnæ fundatur in culpa, culpa enim est ratio & fundamētum, propter quod, aliquis reus pœnæ constituitur: cū autem culpa remittatur per Sacramentū pœnitentiæ, vel per contritionem, sequitur etiam quod per eadem remittatur pœna.

RESPONDEO. Fundamētum reatus pœnæ æternæ, esse culpam, nondum deletam, sed adhuc habitualiter perseverantem, per quam homo remanet inimicus Dei, & dignus pœnā æternā. Fundamētum verò reatus pœnæ temporalis esse culpam, quæ præcessit, & pro qua nondum est satisfactum: cū ergo recipiens Sacramentum pœnitentiæ, aut eliciens contritionem, post peccatum commissum, non plenè satisfaciatur pro peccato commissum, dicendum est, dimissā culpā, non semper remitti totum pœnæ temporalis reatum.

DICES 2. Sacramentū pœnitentiæ tollit pœnā æternā, Ergo & tēporalē.

RESPONDEO. Nego Consequentiā; nam licet per Sacramentū pœnitentiæ, tollatur reatus pœnæ æternæ, quia ampliùs homo nō est inimicus Dei, nec permanet in statu peccati mortalis, non tamē tollitur reatus pœnæ temporalis, nisi homo plenè satisfecerit, pro pœna peccatis debita.

## ARTICVLVS II.

*Vtrū post hanc vitam, possit dimitti peccatū aliquod, quoad pœnam?*

Difficultas procedit tam de peccato mortali, quā de veniali.

Quantū ad mortale. DICO 1. Si pœna debita peccato mortali, in hac vita non dimittitur, vel in temporalem non commutatur, in altera vita dimitti, nullo modo potest. Est de fide. Ratio est, quia pœna, peccato mortali non dimisso, in hac vita, non dimittitur in alia vita, quia est pœna æternæ damnationis juxta illud Matth. 25. *Ite maledicti in ignem æternum. In inferno nulla est redemptio.*

DICO 2. Dimisso peccato mortali quoad culpam, dimittitur pœna tēporalis in alia vita. Ita S. August. lib. de vera, & falsa pœnitentia. Et habetur in jure de pœnitentia, dist. 7. *Viuet, & non morietur, (intellige vitam gratiæ,) non promittimus, quod euadat omnē pœnam, nam prius purgandus igne purgationis, qui in aliud seculū distulit fructū conuersionis.* Patebit infra.

Quantū ad peccatum veniale. DICO 1. Potest dimitti pœna, debita peccato veniali in alia vita, etiā si nō dimittatur culpa venialis in hac vita. Ita D. Subt. in 4. dist. 21. q. 1. Patet, quia repugnat, quod aliquis existat in gratia Dei, & debeatur ei pœna æterna. Sed existens in veniali, est in gratia Dei. Ergo.

Kk

DICO

*Pœna venialis in alia vita an dimittitur.*

*Pœna venialis in alia vita dimittitur.*



*Penali cul  
pa non debe  
tur pœna æ  
terna.*

Dico 2. Peccato veniali, nec debetur ~~per se~~ per se, nec per accidens; pœna æterna. Probat D. Subt. loco citato. *Quia secundum se est talis offensa, qua secundum se punitur, per pœnam temporalem.* Probat 2. Si Deus puniret veniale pœnâ æternâ, in supposito habente peccatum mortale, puniret ultra condignum; Sed hoc dici non debet. Confirmatur 1. Quia pœna infligitur homini propter peccatum, non enim suppositum secundum se, est dignum pœnâ hac, vel illâ nisi propter peccatum. Ex quo sequitur, quod in infligenda pœna alicui subiecto, pro aliqua culpa, non debet attendi status subiecti, ut sit amicus, vel inimicus Dei, sed gravitas culpæ, & mensura delicti. Cum igitur veniali culpæ, non debeat pœna æterna per se, non potest puniri pœnâ æternâ, quia sic puniretur ultra condignum, quod repugnat iustitiæ Divinæ, quâ statuit, punire citra condignum. Confirmatur 2. Peccatum veniale per se, & positivè stat cum gratia, cum gratia autem non stat debitum pœnæ æternæ. Ergo pœna temporalis, peccato veniali competit positivè, non negativè, ut vult Cajetanus 1. 2. q. 87. a. 5. nam si peccatum veniale, non ponit ex se pœnam æternam, necessariò ponit ex se pœnam temporalem, vel certè esset dicendum, quod pœna peccati venialis, ex se sit indifferens ad pœnam æternam, & temporalem, cum tamen omnes fateantur, pœnam temporalem deberi culpæ veniali. Probat 3. Tantâ pœnâ debet puniri peccatum, quantam iustitia ordinavit. Sed veniali etiam conjuncto mortali, debetur juxta iustitiam temporalis pœnæ. Ergo Deus non posset iustè punire veniale pœnâ æternâ. Minor probatur. Quia peccatum mortale, non extrahit veniale extra suum genus, ut fiat mortale, & dignum pœnâ æternâ, quia ista connexio, non mutat essentiam illius culpæ, sed manet semper eadem secundum essentiam. Ergo.

*Responsio  
Thomistarum.*

*Rejicitur.*

Respondent Thomistæ; Scotus causam propter quam veniali, commutat pœnam æternam, putat esse istam, quod culpa mutetur in infinitam, cum tamen hæc non sit, sed quia subiectum est extra statum satisfactionis. Tum quia illa culpa venialis, non potest dimitti sine gratia. CONTRA. Causa aliqua per se, alicujus effectus, manente in suo esse, effectus quoque proveniens ab illa manet in esse suo, licet causa per accidens varietur. Sed sic est, quod peccatum, quod est per se causa, pœnæ temporalis, per conjunctionem ad subiectum existens in peccato mortali, non mutatur secundum esse suum, quia culpa venialis, non fit mortalis. Ergo licet subiectum in quo est, mutetur, non mutatur pœna, culpæ veniali debita,

quæ



quæ est temporalis, quia subiectum respectu illius pœnæ, est causa per accidens. Attenditur ergo ratio culpæ, non status subiecti in infligenda pœna. Et sic prima causa quæ assignatur à Thomistis, non habet robur. Secunda causa non valet; quia ad dimissionem venialis, & ad satisfactionem pro peccatis, non requiritur gratia, vt diximus *disp. 7. q. 3. a. 3.* Neq; valet si dicant, existentes in peccato mortali, sunt actualiter offendentes, CONTRA Falsū est, quòd qui semel offendit, semper actu offendat, quoad vsq; pœniteat, vt diximus *disp. 1. de macula peccati.* Probatur 4. Verè *4. ratio* pœnitens in hac vita de peccatis mortalibus, & absolutus, absoluensq; mediam partem pœnitentiæ, cum media non absoluta moriatur in peccato mortali, pro illa dimidia, non punietur in æternum, sed ad tempus, aliàs DEus iudicaret bis in ipsum. Ergo nec veniale, conjunctū mortali, punietur in æternum. Probatur 5. Potuit, & potest adhuc contingere, quòd aliquis decedat, ex hac vita, cum solo originali, & veniali, in tali casu quæro, vel homo punietur pœna æterna sensus, vel temporali? si primum, sequeretur, quòd puniendus esset pœna damnatorum, & pœna inferni, quod est falsum: si secundum, vera est positio D. Subtilis. RESPON- *Responsio* DENT Aliqui, impossibile est solum veniale cum originali, quia inquit, non potest homo prius peccare venialiter, quin prius peccet mortaliter. Contra hanc opinionem D. Subt. in 2. dist. 21. q. 1. adducit validissimas rationes, nam si Adam peccauit mortaliter, cur non venialiter? Respondent Aliqui, confugientes ad prouidentiam DEi. Sed neq; hæc soluit. *Rejicitur.*

### QVÆSTIO III.

De effectu Pœnitentiæ, quoad irreuocabilitatem peccatorum semel dimissorum.

*Praefens* Quæstio in tres Articulos diuiditur.

1. Vtrum de potentia DEi absoluta, possibile sit idem numero peccatum redire, quoad culpam, & quoad pœnam?
2. Vtrum de potentia DEi ordinaria dimissum, possit redire?
3. Vtrum remissa redeant peccata, tanquam circumstantia aggravans, ratione ingratitudeis?

#### ARTICVLVS I.

*Vtrum de potentia DEi absoluta, possibile sit, idem numero peccatum redire, & quoad culpam, & quoad pœnam?*

DICO 1. Substratum peccati, id est, idem numero actus positivus *Materialis* qui est materiale peccati, potest idem numero redire, quantum ad Enti-peccati idem *tatem*



numero potest redire. tatem actus. Probatur. Nam sicut Deus eundem colorem potest re-  
producere, ita eundem actum, qui erat malus, potest in numero re-  
producere. Patet clarius *dist. 43. in 4to.*

Formale pec-  
catum idem  
numero re-  
dire non po-  
test.

Dico 2. Peccatum pro formali, idem numero dimissum, de pe-  
ccatiā Dei absoluta, juxta nonnullos Scotistas, redire non potest. Pro-  
bant. Quia non potest idem actus numero redire, etiam in else qualita-  
tis, nisi per omnipotentiam Dei. Sed implicat contradictionem, quod  
Deus specialiter concurrat ad istum actum deformem. Ergo nullum  
peccatum formaliter tumptum, potest redire idem numero in recidi-  
uante. Minor est S. Augustini. *lib. 83. Q. 9. 3.* ubi ait, quod Deo auctore,  
nemo sit deterior. Confirmat Suarez ratione, *disp. 13. Sect. 1. 5.* Ma-  
lum culpæ non potest à Deo solo produci, sed ab homine. Ergo neq;  
potest à solo Deo reproduci. Subsumit. Sed sic est quod quando ho-  
mo peccat de nouo, non facit iterum peccata dimissa, sed aliud pecca-  
tum nouum, à prioribus distinctum. Ergo si priora redire possent, de-  
berent redire per actionem solius Dei. Pro pleniori intelligentia.

Physicè non  
manet, ma-  
net morali-  
ter.

NOTA 1. Post actum peccati, non manet illa inordinatio, & cul-  
pa formalis, quæ inest in actu peccati, quod probat Doctor *in 4. dist. 22.*  
duabus rationibus. Primò. Quia destructo actu, & subjecto, illa in-  
ordinatio, & priuatio destruitur, nec remanet post actum peccati.  
2. Quia si illa inordinatio actu maneret, sequeretur, quod in eodem sub-  
jecto simul, & semel, possent esse duæ formæ oppositæ, & contrariæ,  
posset enim aliquis inordinate odio prosequi proximum, & postea mu-  
tari & inordinate frui eodem proximo. Ergo duæ inordinationes,  
manerent in eodem subjecto, quod dici non potest.

NOTA 2. Supponendo quod ista inordinatio, seu culpa formali-  
ter, non maneat transacto actu peccati, sed tantum infuerit, an deinde  
possit eadem numero redire, quæ prius; Faber Fauentinus omnino  
contendit, posse Diuinâ virtute, quia inquit Doctor *in 4. dist. 22.* dicit,  
else dubium. An rationes adductæ pro conclusione secunda conclu-  
dant; & probat rationibus ex distinctione *43. q. 1. a. 1.* ubi disputat de  
Resurrectione mortuorum Doctor. Conatur soluere Fauentinus *in*  
*4. dist. 22. Disputat. 41.* rationes pro secunda conclusione; videatur,  
an soluat nec ne?

Peccatum  
si est obliga-  
tio ad po-

Dico 3. Sumendo peccatum pro reatu, siue pro obligatione  
ad poenam æternam, potest idem peccatum dimissum, virtute Diuinâ  
absolutâ redire. Probatur 1. Quia etsi Deus, non potest esse author



mali culpæ, tamen certum est, quod possit esse author mali poenæ, immo solus, quia nulla est poena rectè ordinata, nisi illa, quæ est à Deo. Probatur 2. Voluntas creata, potest aliquem ordinare ad aliquam poenam, pro aliquo tempore, deinde velle non ordinare illum ad eandem poenam, pro alio tempore sequenti sub conditione, scilicet si iterum non offendat, si verò iterum offendat, velle ipsum ordinare ad prædictam poenam. Ergo hoc multò magis potest facere Deus: quia quidquid potest Causa secunda, potest multò magis causa prima. Hinc

COLLIGE 1. Interruptio continuationis obligationis, non variat essentiam realem numeralem ejusdem obligationis, quia illa est quid extrinsecum, nec pertinet ad essentiam internam obligationis, idè potest manere eadem, per potentiã absolutã, facta ista interruptione; nam quidquid potest Deus circa creaturam, manente aliquã continuatione, quæ non est de intrinseca essentia illius rei, potest sine illa.

COLLIGE 2. Et si Deus possit punire peccata eodè supplicio, ac si non essent dimissa, hoc tamen non est redire peccata quoad culpam, & maculam: Accipiendo tamen culpam pro reatu, & obligatione ad poenam, sic verum est, reditum hujus obligationis, esse reditum ejusdem culpæ, quæ manet post actum transactum peccati in peccatore.

## ARTICVLVS II.

*Utrum de potentia Dei ordinaria, possit aliquomodo, idem peccatum dimissum, numero redire?*

Dico Peccata semel dimissa de potentia Dei ordinaria, nunquã redeunt, neq; quoad culpã, neq; quoad poenã. Est D. in 4. dist. 22. q. unica. S.

Thomæ 3. p. 2. q. 88. a. 1. Probatur 1. ex jure de poenitentia. d. 4. cap: ultimo. ubi dicitur. *Diuina clementia peccata semel dimissa, in ultionem iterum redire, non permittit.* 2. Probatur Nahum 1. dicitur. *Dominus non judicabit bis in idipsum:* quem locum S. Hieron: exponit de punitione peccatorum. 3. Deus disposuit, peccata poenitentis post poenitentiam esse tecta, id est, non ampliùs visa ad vindictã. Ergo non redeunt ampliùs. 4. Deus non potest retractare suam voluntatem, neq; agere contra absolutum suũ decretum. Sed per priorẽ remissionẽ, abstulit simpliciter, & absolute, debitũ poenæ. Ergo non potest eadẽ poena propter peccata redire.

DICES 1. Matthæi 18. dicitur. *Serue nequam omne debitum dimisi tibi, quoniam rogasti me, nonne oportuit te misereri conserui tui sicut & ego tui misertus sum? & iratus Dominus tradidit eum tortoribus, quoad usq; redderet, & uniuersũ debitum.* Ergo Deus reperit à nobis peccata omnia jã dimissa.

*nam potest redire.*

*Opus DEI non potest rescindi per opus hominis.*



*Uniuersum  
debitum re-  
fertur ad  
peccatum  
seuitia, non  
ad dimissa  
peccata.*

RESPONDEO. Istum seruum in Euangelio esse punitum propter seuitiam, quam exercuit in fratrem, quæ erat nouum debitum, vel propter ingratitudinem in DEUM.

DICES 2. Jacobi 2. dicitur. *Qui offendit in vno, factus est omnium reus.* Ergo qui facit vnum peccatum mortale, obligatur ad pœnam omnium dimissorum. RESPONDEO. Quod sit omnium reus, qui in vno offendit, quantum ad durationem pœnæ. Vel quantum ad auersionem à fine vltimo, quæ est communis omni peccato mortali: & sic sensus est, qui vno peccato mortali DEUM offendit, æquè in æternum punitur quoad durationem, sicut pro multis, & à fine vltimo auertetur per vnum, sicut per multa mortalia peccata.

DICES 3. Tenebra potest redire eadem numero; quia priuatio eadem numeratur, vel ex priuatione habitus cui opponitur; vel subiecti, atq; adeò, vbi est idem subiectum eodem habitu carens, ibi est eadem priuatio. Ergo eodem modo peccatum, quod est tenebra spiritualis in mente, potest eadem numero redire.

RESPONDEO. Quod non possit eadem tenebra redire, saltem per naturam, quia ita non potest esse eadem negatio, sicut nec eadem affirmatio, posita interruptione, hinc, & inde. Ad probationem Dico, quod ad vnitatem priuationis, non sufficit vnitas subiecti, & habitus, sed requiritur vnitas continuitatis ejusdem, in subiecto, eo modo, quo potest habere esse in subiecto; nam ad vnitatem negationis non sufficit vnitas affirmationis.

DICES. Ita se habent mala ad punitionem, sicut bona ad remunerationem. Sed bona reuiuiscunt in resurgente peccatore quantum ad præmiationem mortificata. Ergo & mala quantum ad punitionem.

RESPONDEO. Quod non est simile, quia ex superabundanti misericordia, DEUS punit citra condignum, & præmiat ultra condignum, & ideo bona semper viuunt in ejus acceptione, mala autem totaliter extinguuntur.

### ARTICVLVS III.

*Vtrum peccata remissa redeant, tanquam circumstantia aggrauans, ratione ingratitudinis?*

NOTA I. Quod in omni peccato mortali inueniatur auersio à DEO & conuersio ad creaturas: auersio est ejusdem speciei in omnibus peccatis, non tamen conuersio; quia priuationes distinguuntur specie, ad di-

*In omni pec-  
cato est auer-  
sio à DEO,*

*stin-*



inctionem, & identitatem habituum, quibus opponuntur, V. G. surditas, & cæcitas, specie distinguuntur, quia habitus quibus opponuntur, scilicet visus, & auditus, differunt specie. Sed cæcitas Petri, & cæcitas Pauli, licet distinguantur numero, sunt ejusdem speciei, quia habitus sunt idem specie, nimirum visus. Similiter in proposito auersio est priuatio gratiæ. Sed gratia quâ priuatur peccator, per quodcunq; peccatum, est semper ejusdem speciei. Ergo auersio est ejusdem rationis, per quodcunq; peccatum causetur: juxta illud Jacobi 2. *Qui offendit in vno &c.* Porro priuationes ejusdem speciei, differunt numero, ad differentiam numericam actuum, ejusdem habitus, & causarum, vnde proueniunt. V. G. alia est cæcitas in eodem, quæ oritur ex abundantia sanguinis, alia quæ oritur ex puluere &c.

*Et conuersio ad creaturas.*

NOTA 2. Summa priuatio, non solum dicitur deterior aliâ, quia fit à deteriore causa, sed etiam quia causat deteriozem effectum, V. G. priuatio amicitie Regis, magis eruciat vnum, quàm alium. Similiter exitium ægrius fertur ab vno, quàm ab altero. Insuper augetur, vel minuitur à culpa, quia quanto infligitur ob majus peccatum, tantò magis torquet, & si ob nullum infligatur, non torquet, imò delectat, vt constat in SS. Martyribus.

*Priuatio vnde est maior*

DICO 1. Peccata remissa, non redeunt simpliciter, licet peccator relabatur post pœnitentiam. Probatur. Quia quando causa non redit eadem, neq; effectus. Sed causa quare homo plectendus erat pœnâ sensus erat. V. G. homicidium commissum, istud autem homicidium, cum jam sit dimissum, licet homo relabatur in furtum, vel aliud committat homicidium, non redit. Ergo neq; redibit idem effectus, nempe pœnâ damni, & sensus, pro homicidio infligenda.

*Peccata dimissa non redeunt.*

DICO 2. Peccata dimissa redeunt secundum quid, nimirum ratione ingratitudinis, quantum ad pœnam, per modum circumstantiæ aggravantis de nouo commissæ, ex persona reciduiantis. Ita D. Subt. dist. 22. q. unica. Probatur & declaratur. Ingratitudo est circumstantia aggravans peccatum, est enim ingratitudo per se vitium, quanto autem plura vitia ad actum peccati concurrunt, tantò peccata sunt grauiora, & arctius punienda: peccans autem post gratiam remissionis acceptam, ingratus est gratiæ remissionis nam vt ait Seneca 3. de beneficiis, *Ingratus est qui beneficium se recepisse negat; ingratus qui dissimulat se accepisse; ingratus qui chrum disti non reddit; ingratus qui obliuiscitur.* At qui reciduians, non solum red-

*Ingratitudo aggravat*

*dit bo-*

*ding*



dit bonum, pro beneficio remissionis, sed etiam malum, iterum offendendo; & consequenter majori poenâ dignus redditur, propter ingratitudinem remissionis acceptæ; & sic redeunt priora peccata dimissa, quia peccatum recidiuæ grauatur. Probatur 2. Quânto aliquis tenetur pluribus obligationibus ad aliquid, tantò magis peccat, si transgreditur. Sed poenitens quotiescunq; dignè poenitet, obligat se saltem voto, vel proposito ad non peccandum in posterum, quia sine tali proposito, non est vera poenitentia, & præter hoc est adstrictus ad non peccandum, eadem lege, quâ innocens. Ergo si postea peccat, transgreditur duplicem legem, obligantem ad non peccandum.

QVÆRES *Utrum ingratitude, ratione cuius peccata redeunt, sit speciale peccatum, necessario confitendum?*

Dico 1. Ingratitudo est speciale peccatum, quando quis peccat, post acceptum beneficium, in contemptum beneficii & benefactoris. Patet, quia habet specialem malitiam, quoties peccator, eo animo peccat, ut vilipendatur beneficium acceptum.

*Ingratitudo sine contemptu non est speciale peccatum.*

Dico 2. Ingratitudo materialis, quæ est circumstantia generalis peccatorum commissorum, post remissionem aliorum, non est quidem peccatum speciale, est tamen conditio aggrauans, peccantis contra DEVM benefactorem. Patet quia non prohibetur speciali præcepto, sed generali, quod includitur in omnibus præceptis, & ideò non est peculiaris actus, nisi quando fit ex contemptu. Ergo ut sic non est speciale peccatum.

*Ingratitudo materialis non est necessario confitenda.*

Dico 3. Ingratitudo hæc materialis, non est necessario confitenda. Ita D. Subt: in 4. dist. 22. q. vnica. §. In isto articulo restat dubium dicens. *Quamquam hoc licitum sit, & fortè utile, non tamen videtur necessarium illa confiteri in speciali.* Atq; hic aduerte, falsò D. Subtilli imponi, oppositam sententiam: nam licet ibidem dicat. *De multis, & magnis peccatis poenitui, & credo quod mihi Deus illa remisit, & ideò nunc fui magis ingratus in peccando:* hæc enim verba posuit per modum consilii, non verò obligationis. Ratio est conclusionis, quia huiusmodi reincidentia, notabiliter solum aggrauat peccata subsequencia, & non mutat speciem. Sed circumstantiæ aggrauantes, & non mutantes speciem, non sunt necessario in confessione exprimendæ, Ergo.

QVÆ-



QVÆSTIO IV.

De effectu Pœnitentiæ quoad recuperationem gratiæ, virtutum, & bonorum operum.

In hac Q. duo examinabuntur.

1. Vtrum virtute pœnitentiæ, eadem gratia, & omnia merita amissa per peccatum reparentur?
2. Vtrum virtute pœnitentiæ, bona opera mortua, vel mortificata reuiuifcant?

ARTICVLVS I.

Vtrum virtute Pœnitentiæ eadem gratia, & omnia amissa per peccatum merita, reparentur?

NOTA 1. Doctores conuenire omnes, quòd virtute Pœnitentiæ gratia amissa recuperatur, sed quidam dicunt, quòd peccator ad maiorem gratiam resurgat, vt Henricus *Quodlibeto* 5. q. 22. quidam sustinent, quòd gratia virtute pœnitentiæ non restituatur peccatori, æqualis amissæ, sed resurgit ad gratiam secundum conatum actus, ita Sanctus Bonauentura *in 4. dist. 14. a. 2. q. 1.* Quidam dicunt, quòd gratia, & merita redeant, non tamen in eodem gradu, sed secundum proportionem ad contritionem, ita S. Thomas 3. p. q. 89. a. 2. 3. & 5.

Varie opinionones de re ditu gratiæ.

NOTA 2. Virtutes alias esse morales, & acquisitas, alias super-naturales, & infusas; virtutes morales non amittuntur per peccatum mortale; neq; omnes supernaturales infusæ, fides enim, & spes, non amittuntur per singula peccata mortalia, licet fides amittatur per infidelitatem, & spes per desperationem.

Virtutes supernaturales.

DICO 1. Virtute Pœnitentiæ, recuperat homo gratiam, & virtutes amissas. Probat 1. Lucæ 15. habetur filio prodigo datam fuisse *stolam primam*, per quam gratia amissa intelligitur, & alia multa, vt *annulum, calceamenta, &c.*: quibus ex Sanctorum sententia virtutes amissæ significantur. 2. Quia ipsa bona opera præcedentia reuiuifcunt, vt dicetur sequenti Articulo; Ergo per pœnitentiam homo recuperat gratiam & virtutes infusas.

Homo recuperat gratiam, & virtutes morales.

DICO 2. Et si virtute pœnitentiæ, restituatur homo ad statum gratiæ, & cæterarum virtutum amissarum, non tamen semper reparatur ad tantam gratiam, quantam peccando amiserat. Est D. *in 4. d. 22. a. 2.* Probat 1. contra Henricum, & Gabrielem. 1. quia gratia datur juxta mensuram contritionis Item non omnis cadens semper grauius

Aliquando homo ad maiorem gratiam resurgit.

Nota ratio.



cadit, quàm priùs ceciderit, nec igitur resurgens gravior resurgit, quàm præfuit. Item gratia prima potest esse maior, vel minor, & per consequens minima. Sed per pœnitentiam acquiritur prima gratia. Ergo possibile, quòd resurgens per pœnitentiam, resurgat ad minorem gratiam, quàm illa erat, à qua lapsus est, per peccatum. hæc Conclusio intelligitur de gratia in genere qualitatis, non verò de gratia in genere gratiæ.

Dices Resurgens per pœnitentiam, resurgit ad omnia merita priùs habita, & etiam ad præmium debitum actui pœnitentiæ, per quem resurgit. Ergo qui resurgit à peccato mortali resurgit in majori gratia, quàm fuit illa, à quâ cecidit per peccatum.

RESPONDEO. Quòd resurgens per pœnitentiam, plura merita habet in acceptatione Diuina, quàm habuit quando cecidit, & per consequens ad maiorem gloriam ex ea parte resurgit; neq; tamen est necesse, illum in majori gratia resurgere; quia secundum dispositionem illius, quàm habuit in detestatione peccati, magis, vel minùs intensa confertur illi major gratia, vel minor, quando resurgit.

*Resurgens  
semper re-  
surgit ad  
maiorē glo-  
riam, non  
verò ad gra-  
tiam maio-  
rem.*

Dico 3. Resurgens per pœnitentiam, semper resurgit ad maiorem gloriam, licet non resurgat semper ad maiorem gratiam, sed aliquando ad æqualem, quandoq; ad minorem, & interdum ad maiorem, secundum dispositionem, quâ se disponit ad illam. Est Doctoris loco citato. 2. pars constat ex 2. conclusione. 1. pars Probatur, Resurgenti per pœnitentiam, virtute contritionis, restituntur omnia merita, quæ fuerunt per peccatum mortificata, & præter illa, aliquid meretur de nouo per actum pœnitentiæ. Ergo resurgit semper ad maiorem gloriam. Antecedens constat. Ezech. 33. *Si peccator egerit pœnitentiam,*

*Nota locum  
Ezechielis.*

*impietas impii non nocebit ei.* Sed si merita non redeunt post pœnitentiam nocet peccasse, siquidem peccatum commissum obstat, quominùs opera omnia reuiuiscant in eodem gradu, in quo fuerunt antea, quod dici non debet. Confirmatur S. Ambrosius super 2. caput Iohelis dicit. *Pœnitentia est res optima qua omnes defectus reuocat ad perfectum.* Probatur 2. à D. sic. Meritis ante peccatum debebatur secundum iustitiam præmium æternum. Ergo eadem merita redeunt post pœnitentiam in eodem gradu. Consequentia patet, quia nullum malum impunitum, neq; vllum bonum irremuneratum. Sed si merita mortificata non redirent ad eundem gradum, aliquod bonum iustorum esset irremu-

irremu-



irremuneratum, quod aduersatur Diuinæ iustitiæ, quæ reddet unicuiq;  
secundum opera sua. Hinc.

**COLLIGE.** In gloria duplex est præmiu. Alterum correspon- *Præmiu*  
dens meritis, alterum correspondens gratiæ: Vnde dignitas ad gloriam *aliud est cor*  
correspondens meritis, non tollitur per quodcunq; peccatum mortale, *respondens*  
licet impediatur, sed dignitas ad gloriam, correspondens gratiæ tollitur *meritis, alio*  
per peccatum mortale; verum tamen est, quod præmiu correspon- *ud gratia.*  
dens meritis, nulli tribuitur sine præmio correspondente gratiæ, quia *Nota.*  
sine gratia nemo saluatur.

**DICES 1.** Peccata non redeunt in recidiuante. Ergo nec merita  
in Pœnitentiâ. **RESPONDEO.** Nego Consequentiam, quia merita nunquã  
erant remunerata, at verò peccata erant per pœnitentiam destructa.

**DICES 2.** Si Pœnitens resurgit semper ad maiorem gloriam, se-  
queretur quod peccans reportaret commodum de lapsu suo, siquidem  
resurgit dignior præmio in acceptatione Diuina. **RESPONDEO.** Ne-  
go sequelam. Tùm quia peccator fuit inimicus Dei. Tùm quia quã-  
diu exitit in peccato mortali, non exercuit opera meritoria vitæ  
æternæ. Tùm quia per peccata acquisiuit prauas inclinationes.

**DICES 3.** Si peccator quando resurgit, esset dignus maiori gloria,  
Ergo non potest resurgere in minori gratia, maximè quia illud meritum  
quod resurgendo superaddit, potest esse non dignum tantâ gloriâ, quia  
gloriam minuit, minor gratia, de nouo acquisita per pœnitentiam re-  
spectu primæ gratiæ, à quâ cecidit per peccatum, ista enim videntur  
repugnantiam inuoluere. **RESPONDEO.** Quod quando homo re-  
surgit per pœnitentiâ, (quia omnia merita quæ habuit ante lapsu, viuunt  
in Dei acceptatione) redit illi jus, & dignitas, ad gloriâ, quæ correspondet  
gratiæ, à qua cecidit, si gratia secunda sit minor: & hoc est consonu iusti-  
tiæ, quia gratia prior fuit tantum donu Dei, merita autem erant aliquo  
modo opera hominis. Atq; adeò quando homo resurgit, resurgit ad o-  
mnem gloriam, quæ sibi debetur ratione meritoru, non autem semper re-  
surgit in maiori gratia. Neq; est inconueniens aliquẽ resurgere in pluri-  
bus meritis, & maiori gloriâ, & tamen in minori gratia; quia distincti sũt  
gradus gloriæ respondentes meritis, vt præmiu essenziale, & gradus gloriæ,  
respondentes soli gratiæ: quare etsi aliquando gratia, sit minus intensa  
in resurgente, & ex hac parte debeat resurgere in minori gloria, tamen ex  
parte meritoru, potest resurgere in maiori gloria, quia potest ultra meri-  
ta pri-

*Gratia do-  
num Dei.  
merita etiã  
hominis.*



ta priora, addere nouū meritū, cui proprius gradus gloriæ correspōdeat. Confirmatur 3. conclusio. Gradum essentialē correspondere merito deducitur ex SS. literis, Psalm 61. *Quia tu reddes unicuiq; juxta opera sua.* Idem habetur ad Rom. 2. Nusquam autem habetur, quōd Deus reddet unicuiq; juxta gratiam habitualem. Hinc

COLLIGE 1. Largitio gratiæ, est merum donum Dei, non est ergo necessariū, ut illam priorē gratiam restituat, & si non restituit, non facit vllam injuriā homini, sed sufficit quōd secundū cooperationem hominis, suæ vocationi, & auxilio præuenienti, illā de nouo conferat.

COLLIGE 2. Merita magna mortificata, non possunt minimam gratiam mereri, alioquin per talia merita posset resurgere à peccato, quod est falsum.

## ARTICVLVS II.

*Vtrum virtute Penitentia opera mortua, vel mortificata reuiuiscant. §*

*Triplicia  
sunt opera.*

NOTA 1. Opera Alia sunt viua, quæ in gratia Dei sunt; Alia sunt mortua quæ in peccato mortali nascuntur, quæ nullius meriti sunt apud Deum quoad præmium vitæ æternæ, propter defectum gratiæ, quæ est principium meriti. Alia dicuntur mortificata, quæ facta sunt ab homine existente in gratia, sed propter peccata mortalia mortificantur.

*Opera mortua  
quid  
profunt?*

NOTA 2. Quōd opera mortua, licet nihil prosint, quoad gratiam, & gloriam, profunt tamen ad bona temporalia, consequenda, juxta illud Psalmistæ Psalmo 71. *Ecce ipsi peccatores, abundantes in seculo, obtinuerunt diuitias.* Profunt, & ad alia bona, juxta illos versiculos Canonistarum.

*Quæ cum mortali bona sunt, dant bona terre.*

*Cor faciunt humile, & minuunt tormenta gehenna.*

*Mortua non  
reuiuiscunt.*

DICO 1. Opera mortua, non facta in gratia, non reuiuiscunt, nec fiunt meritoria vitæ æternæ, per subsequentem pœnitentiam. Ratio est, quia ut aliquod opus meritorium sit vitæ æternæ, necesse est, ut fiat ab homine existente in gratia, ut constat ex Trid. Sess. 6. cap. 6. Sed opera mortua non sunt facta in gratia. Ergo.

*Mortificata  
reuiuiscunt.*

DICO 2. Opera mortificata per peccatum mortale, resurgunt per pœnitentiam. Est communis omnium. Probat 1. Joelis 2. Dominus alloquens pœnitentes, ait. *Reddam vobis annos, quos comedistis locum*



*locusta, bruchus, & rubigo.* Probatur 2. ratione. Tùm quia ad infinitam Dei misericordiam spectat, vt dum peccatorem in gratiam recipit, & in priora merita restituat. Tùm quia sublatâ causâ, cessat effectus. Sed causa propter quam bona opera remanebant mortificata, fuit peccatum illis superueniens. Ergo sublato impedimento incipiunt valere. *Inde.*

**COLLIGE.** Opera bona facta in gratia, non omninò moriuntur, neq; destruuntur, per subsequens peccatum.

**DICES.** Peccata remissa non reuiuiscunt. Ergo neq; opera bona mortificata reuiuiscunt per gratiam.

**RESPONDEO.** Nego Consequentiam, quia peccata absolutè extinguuntur, bona verò opera non item, sed retinentur in acceptione Dei, ex cuius misericordiâ reuiuiscunt, & præmiantur ex iusticia. Hinc

**COLLIGE.** Non solum aliqua, verùm omnia merita per peccatum mortificata reuiuiscunt. Vt autem hanc doctrinam faciliùs percipias, hos versus Canonistarum discas.

*Illa reuiuiscunt, quæ mortificata fuerunt :*

*Viuerè non possunt, quæ mortua nata fuerunt.*

**DICO 3.** Opera meritoria, licet reuiuiscant quoad gloriam, non tamen reuiuiscunt, quoad satisfactionem. Ratio est, quia opera illa non valebant ad satisfactionem pro peccato futuro, quia satisfactio est tertia pars pœnitentiæ, & pœnitentia nunquam admittitur pro peccatis futuris, sicut contritio, & confessio, non habetur de committendis, sed de commissis.

*Opera non  
reuiuiscunt  
ad satisfac-  
tionem.*

## DISPUTATIO VIII. De Ministro Pœnitentiæ, & requisitis ejus.

**P**Ræsens Disputatio diuiditur in octo Quæstiones, in prima quæretur de vero, & proprio Ministro Sacramenti Pœnitentiæ. In 2. De Conditionibus Ministri Sacramenti Pœnitentiæ. In 3. De Clauibus seu auctoritate Sacerdotali. In 4. De Approbatione. In 5. De Auctoritate delegata, & facultate eligendi Confessarium. 6. De Casuum reservatione, & eorum absolutione. In 7. De Obligationibus Ministri Sacramenti Pœnitentiæ. In 8. De Sigillo Confessionis.



## QVÆSTIO I.

## Quis sit Minister verus, &amp; proprius Sacramenti Pœnitentiæ?

In tres Articulos diuiditur præfens Quæstio.

In primo inquiretur Quis sit verus Minister Sacramenti Pœnitentiæ, & necessarius?

In 2. Quisnam sit proprius secularium?

In 3. Quis Regularium sit Minister?

## ARTICVLVS I.

## Quis sit Minister verus, necessarius, sufficiens, Sacramenti Pœnitentiæ?

*Solus Sacerdos est Minister huius Sacramenti.*

DICO 1. Solus Sacerdos est Minister huius Sacramenti. Defin-  
tum est in Conciliis, Florentino in literis Eugenii, Constantiensi, &  
Tridentino *Seß. 14. cap. 6.* Ratio est, quia ille solum habet potestatem  
dimittendi peccata cui hæc potestas datur. Sed solis Sacerdotibus.  
Ergo. Minor patet ex cap. 20. Joannis ubi dicitur. *Accipite Spiritum San-*  
*ctum quorum remiseritis &c.* Ratio clara est institutio CHRISTI Domini.

*Diaconus nō est Minister.*

DICO 2. Diaconi, Subdiaconi, laici, etiam in casu extremæ ne-  
cessitatis, non possunt absolvere pœnitentem, quod si id attentent lai-  
cus, Diaconus, vel Subdiaconus, irregularitatem, præter peccatum mor-  
tale contrahunt. Ratio est, quia nemo dat, quod non habet. Sed  
prædicti istam potestatem non habent. Ergo dare non possunt absolu-  
tionem: & hoc neq; per dispensationem Summi Pontificis. Similiter,  
& laicus absolvens, peccat, & incurrit irregularitatem.

DICES 1. S. Iacobus capite 5. dicit. *Confitemini alterutrum peccata vestra.* Ergo laicus potest esse Confessarius. Venerabilis Beda supra  
caput 18. Matthæi dicit. *Coequalibus quotidiana, & leuia, grauiora ve-*  
*ro Sacerdoti pandamus.* Et in iure in capite Fures extra de furtis, dicitur.  
*Si autem Presbytero, vel Diacono confessus fuerit, communionem non priuetur.*  
Et S. Aug. libro de vera, & falsa pœnitentia, inquit. *Tanta est vis Confes-*  
*sionis, ut si deest Sacerdos, confiteatur proximo.*

RESPONDEO. S. Iacobus ibi non loquitur de Confessione Sacra-  
mentali, sed tantum de accusatione quadam generali peccatorum priorum,  
ad humilitatem exercendam, & charitatē fraternam fouendā, ut constat ex  
sequentibus verbis. *Et orate pro invicem, ut saluemini.* Et sic exponit Ve-  
nerabilis Beda supra cap. 18. *Matth.* Ad textum juris dico, quod loqua-  
tur de peccatis publicis, seu censuris. Et potest dare licentiam Episcopus,  
ut ab alio quam a Sacerdote, V. G. a Diacono, vel etiam clerico, excom-



municatus ab excommunicatione absoluitur. Sed ista confessio, non est Sacramentalis, sed reconciliatio Ecclesiæ. Ad S. August. dico, quod in casu necessitatis, possit aliquis laico, vel interpreti, non ratione præcepti, sed ratione consilii, ad humilitatem exercendâ, & ad subeundam pœnam verecundiæ, confiteri juxta Magistrum, & alios Theologos, quod tamen D. noster improbat, in 4. dist. 17. q. 1. a. 3. quia inquit, nulli licet prodere suum peccatû occultum, & se infamare, in tali autē confessione seipsum infamaret, & maximè reuelando peccata enormia. Neq; valet responsio, vnusquisq; potest renunciare juri suo, quia inquit D. in 4. d. 21. q. 2. ad 1. esse hoc verum de jure particulari, non verò cōmuni. Sed reuelatio proprii criminis, est juris cōmunis: Ergo. Vnde S. Augustinus, potius videtur loqui de censuris, vel de confessione generali, & publica.

Ad humilitatem potest fieri confessio laico.

Nota.

DICES 2. Tantæ necessitatis est Sacramentum Pœnitentiæ, sicut & Baptismus. Sed in casu necessitatis, quilibet laicus potest baptizare. Ergo & confessiones audire. RESPONDEO. Negando paritatem, Baptismus enim est Sacramentum simpliciter necessarium, potissimum infantibus, quibus nulla alia via patet ad salutem, sed pœnitentiâ vt Sacramentum, non est simpliciter necessaria, cùm in casu necessitatis sufficiat, vt est virtus. Hinc

Majoris necessitatis Baptismus quàm pœnitentiâ Sacramentum.

COLLIGE Traditione, & authoritate Apostolicâ, & Ecclesiasticâ, firmâ & immutabili, præter loca S. Scripturæ, firmiter tenendum est, in nulla necessitate laicum posse absolvere Sacramentaliter, sed solos Presbyteros, sicut nec Eucharistiam conficere, quod Doctor deducit ex 1. ad Coriuth. 10. *Panis quem frangimus nonne communicatio corporis Christi Domini est, &c.* vbi per (frangimus) intelligit Apostolus, seipsum, & alios Apostolos, si enim fidelis quilibet posset conficere, non oporteret aliquem alium, aliis frangere, sed quilibet posset de suo communicare.

DICO 3. Non quicunq; Sacerdos, sed ille solû, qui habet jurisdictionem, est verus Minister Sacramenti Pœnitentiæ. Ita Trid. Sess. 14. c. 7. vbi dicitur. *Absolutionem nullius esse momenti, datam à Sacerdote, qui neq; ordinariâ, neq; delegatâ jurisdictionem habet.* Ergo simplex auctoritas ordinis, non sufficit. Confirmatur Quia sententia, à non suo iudice lata, est nulla. Hæc conclusio, clariùs parebit ex sequentibus.

Minister Pœnitentiæ debet habere jurisdictionem.

## ARTICVLVS II.

*Quinam sit proprius Minister Pœnitentiæ?*

NOTA I. Ex Doctore in 4. dist. 17. q. 1. a. 3. In primitiua Ecclesiâ, non fuisse distinctos proprios Sacerdotes, quando enim Apostoli ibât



per vniuersum mundum, prædicando verbum Dei, non fuit vnus Sacerdos istius gentis, & alius alterius. Similiter Apostoli Sacerdotibus, quos ordinabant, & mittebant ad prædicandum, dabant illis auctoritatem ministrandi Sacramenta, omnibus, qui fidem recipiebant, absq; vlla distinctione subditorum, vel Episcopatum, vel parochiarum, sed hæc distinctio, facta est postea, crescentibus fidelibus ad vitandam confusionem; quod factum est, à Dyonisio Primo Papa, & Calixto II.

*Quis sit proprius Sacerdos.*

NOTA 2. Quid intelligatur per proprium Sacerdotem. Sciendum est, quòd tribus modis accipitur Sacerdos proprius. Primò pro omni eo, qui habet jurisdictionem, vel ordinariam, vel delegatam incommuni, quocunq; modo, vel titulo illam habeat, & sic proprius contradistinguitur contra eum, qui nullam habet jurisdictionem: atq; ita Summus Pontifex, Episcopus, Parochus, & Regulares admissi, & approbati ab ordinariis, dicuntur proprii Sacerdotes, & hoc modo accipiebatur Parochus, in primitiua Ecclesia. Secundo, modo accipitur proprius Sacerdos, pro illo, qui habet jurisdictionem ordinariam, vt contra distinguitur ab habentibus auctoritatem, vel jurisdictionem delegatam: & hoc modo Summus Pontifex, Episcopus, & Parochus, dicuntur proprii Sacerdotes; Summus tamen Pontifex, est ita proprius, vt etiam sit Vniuersalissimus, ita vt nullus possit eximi, ab ejus jurisdictione. Episcopus verò solum in sua Diœcesi, ita tamen, vt aliqui possint eximi per Papam, ab ejus jurisdictione, vt sunt Prælati Regularium, exempti ab Episcopis, qui habent ordinariam jurisdictionem in suis Prouinciis, & Religionibus, circa subditos suos. Tertio modo Sacerdos proprius accipitur, pro habente ordinariam jurisdictionem proximam, & immediatam super subditum, qualis est parochus, vel pro habente jurisdictionem proximam, & immediatam delegatam, qualis est Religiosus approbatus: & de his intelligitur ille textus juris in *Capite Omnis Vtriusq; sexus, &c.* vbi paulò infra sic dicitur: *Si quis autem alieno Sacerdoti, voluerit iusta de causa confiteri peccata sua, licentiam prius postulet, & obtineat, à proprio Sacerdote.* Nomine Proprii, intelligitur Sacerdos habens jurisdictionem, proximam & immediatam, qualem habent Religiosi approbati, & sic sunt proprii Sacerdotes, licet non ordinarii, sed delegati.

*Regulares à Papa habentes*

NOTA 3. Regulares Sacerdotes à Papa jurisdictionem in foro pœnitentiæ accipiunt, quam primùm à suis Superioribus ad hoc munus deputa-



deputati, & ab Ordinario approbati fuerint: Ita Llamas *1. parte Metho-* *jurisdictionem.*  
*di. 7. § 3. & 4. Rodericus tom. 1. q. 69. art. 1. Layman lib. 5. tract. 5. c. 11.*

Dices. Delegatus non potest dare licentiam vlli homini, vt possit alteri confiteri. Ergo qui habet delegatam potestatem, seu jurisdictionem, non est proprius Sacerdos.

RESPONDEO Ius citatum, loquitur de proprio Sacerdote, qui habet jurisdictionem ordinariam, & ab eo est petenda licentia, qui vult confessiones audire, V. G. in aliqua parochia, qui illam potest dare alteri, approbato tamen ab Episcopo, in illa diœcesi, qui verò habet jurisdictionem delegatam, est verè proprius Sacerdos, etiam si alteri licentiam dare haud possit; quia delegatus delegare non potest.

Dico 1. Et si ex iure communi, teneatur confiteri parochianus semel in anno proprio Sacerdoti, per hoc tamen non excluduntur mendicantes Regulares, quin possint etiam tempore Paschatis audire omnium confessiones. Patet ex notandis. Quia Regulares sunt proprii Sacerdotes, hanc enim licentiam habent à Papa, vt constat ex *Extrauaganti Sixti IV. & ex Concilio Lateranensi, Capite omnis vtriusq. sexus.*

Dico 2. Confessarii Regulares, suspendi non possunt ab Episcopo, vel Parocho, sub tempus Paschæ, nisi aliqua causa superueniat ad ipsas confessiones pertinente, V. G. interdictum ab ipsis ordinariis positum, & hoc quoad singulares Personas: quoad communitatem verò nullo modo suspendi possunt. Ratio est, quia Episcopi super Confessarios Regulares jam examinatos, & idoneos repertos, limitatam habent potestatem, ita vt non possint arctare eos, tali modo. *Quos Parochi approbauerint audiant, quos reprobauerint non audiant:* Summus enim Pontifex, ita delegauit ordinibus jurisdictionem, vt arctari non possit, dummodo Regularis ab Episcopo semel expositus, & approbatus sit, ad excipiendas confessiones, neq; potest reprobari. Inde

COLLIGE. Peccata, quæ Regularibus confessi sunt pœnitentes, nullo modo tenentur iterum eadem Parocho confiteri: vnde & pro Paschate, qui Religiosis Mendicantibus confitentur, satisfaciunt præcepto Ecclesiæ.

Dico 3. Parochus est proprius eorum omnium, qui ita habitant in eius parochia, ut in ea fixum habentes domicilium, alibi aliud non habeant. Ratio est, quia tales in omni rigore, sunt verè ejus parochiani, & ipse illorum pastor.

Mm

Dico 4.



DICO 4. Parochus est etiam proprius Sacerdos eorum, qui in ipsius parochia diuturnè commorantur, tametsi alibi habeant firmum domicilium, ut sunt Causidici, mercatores, scholastici studentes, &c. Similiter peregrini, aut alii breui tempore in aliquo loco commorantes: isti enim possunt confiteri parochio loci illius, aut aliis Sacerdotibus jurisdictionem delegatam habentibus. Præterea vagi, qui nullum habent firmum domicilium: isti enim illum habent proprium Parochum, vel Sacerdotem, ad quem tunc peruenerint, cum volunt confiteri. Ratio est, quia moraliter fuit necessarium, ut tales Personæ haberent ordinarios pastores, Tum quia consuetudo Ecclesiæ, semper id tenuit.

QVÆRES Virum omnes Sacerdotes in articulo, vel periculo mortis sint proprii Ministri? Nota Aliud est periculum, aliud articulus mortis: Articulus est, quando mors proximè instat certò, & inuitabiliter: periculum verò mortis vocatur, probabiliter dubium, eò quòd frequenter in tali, mors contingat, ut est bellum, periculosa nauigatio, partus præsertim primi faminarum.

In articulo  
mortis qui-  
libet Sacer-  
dos potest ab-  
soluere.

Etiam Apo-  
stata.

DICO 1. Tam in articulo, quàm in periculo mortis, quilibet Sacerdos ab omnibus Censuris, & peccatis, pœnitentes absoluerè potest, si non sit ordinarius Sacerdos. Ratio est, quia talis facultas ab Ecclesiâ, & jurisdictione, omnibus Sacerdotibus, in talibus casibus est concessa.

DICO 2. Licet aliqui putauerint, hanc facultatem absoluendi, non debere extendi ad Apostatas, qui sunt legitime in Ecclesia Catholica ordinati, postea facti sunt hæretici, neq; ad degradatos, vel nominatim excommunicatos; tamen post Concilium Tridentinum, contrarium est tenendum, siquidem Concilium Sess. 14. cap. 7. dicit, *Omnes Sacerdotes possunt absoluerè, à quibusuis peccatis, in articulo mortis.*

DICO 3. Qui talibus Sacerdotibus in dicto periculo confessus fuerit, non tenebitur eadem peccata repetere, coram proprio Sacerdote, si dictum periculum euaserit. Ratio est, quia in tali casu absolutio data est, ex tacito consensu Pontificum, & Ecclesiæ, habentq; jurisdictionem delegatam. Quid verò in Casibus referuatis dicendum sit dicitur q. 6. art. 2. Porro post periculum illud, si peccatis censuræ annexæ sint, debet se præsentare superiori, ut à Censuris absoluator.

### ARTICVLVS III.

Quis nam sit proprius Minister Sacramenti pœnitentiæ Regularium?

NOTA 1. Quamuis secularium Confessiones, nemo possit audire, ni-



re, nisi approbatus ab Episcopo, juxta Tridentinum, ut infra patebit clarius, quoad Regulares tamen, nihil tale statutum est, nec de jure arbitror prohibitum, imò de consuetudine observant Regulares, quòd Confessores pro Regularibus, non approbantur ab Episcopis, sed à Prouincialibus, non autem à superioribus localibus, possunt deputari Confessarii, ad Confessiones fratrum, tam pro reservatis, quàm non reservatis; dico deputari, id est approbari, ad Confessiones audiendas, hoc enim solis Prouincialibus in suis Prouinciis conuenit: possunt itaq; Superiores locales deputare, id est, designare Confessores, jam à Prouincialibus, vel capitulo, factos, vel approbatos pro fratribus, si verò Superiores locales à Prouincialibus accipiant licentiam, ut possint simplices Sacerdotes approbare, pro confessionibus Fratrum, debent approbare, non nomine proprio, sed nomine, & autoritate, Patris Prouincialis.

*Pro Regularibus non est necessaria approbatio Episcopi.*

NOTA 2. Bonifacius VIII. cap. Si Episcopus de pœnitentia, & remissione in 6. decreuit, Quòd nulla possit consuetudine introduci, quòd aliquis præter superioris sui licentiam, Confessorem eligere valeat, qui eum possit absoluerè, vel ligare. Ex quo decreto aperte constat, quòd non licet fratribus, transire ab vno ad alium, pro libitu suo confessarium, ut mox dicam in hoc Articulo.

NOTA 3. Quando subditus frater vult confiteri siue extra, siue intra Conuentum, debet semper de licentia superioris confiteri, approbato pro fratribus, siue sui, siue alterius ordinis, si verò velit confiteri alicui simplici Sacerdoti, debet à Superiore, potente licentiam talem dare, prius obtinere. Porro omnes prælati vel Superiores, siue sint exempti à jurisdictione Episcoporum, siue non, siue jurisdictionem habeant in foro contentioso, siue tantum in foro conscientie, ut curati Episcopi, Cardinales, & alii Prælati seculares; inter Regulares, Generales, Prouinciales, Guardiani, Priores, Abbates, tales enim per Gregorium IX. ut refertur de pœnitentia & remissione cap. ultimo, possunt præter sui Superioris licentiam, Confessarium sibi eligere. Quibus annumerari possunt vicarii eorum in actu, in absentia eorum. An autem hæc eligendi facultas, extendat se extra Confessarios deputatos? Aliqui negant: dicentes, quòd prædicti Prælati, debent semper eligere approbatum Confessarium ab Episcopo, seculares Prælati, Regulares verò à Prouinciali. Ita Cyprianus parte 1. Sect. 1. art. 21. Quia inquit

*Regularis debet approbato confiteri.*

*Prælati possunt sibi eligere Confessarium.*

*Duplex opinio refertur*



*Post Triden-* concessa est licentia talibus praelatis, ut eligant Confessarium. Ergo ap-  
*tinum facul-* probatum, & deputatum, eligere debent: quia qui approbatus, & de-  
*tas concedi-* putatus non est, Confessarius non est. Alii affirmant Syluest: *verbo*  
*tur seculari-* *confessor*: Paludanus in 4. dist. 17. q. 3. & hoc verum est secundum jus  
*bus eligendi* antiquum, quia ille qui concessit ejusmodi privilegium, dictis praelatis,  
*confessarii,* etiam contulit jurisdictionem ab eisdem electis Confessariis; modò ve-  
*sed non nisi* rò post Concilium Tridentinum, tale privilegium non conceditur prae-  
*approbatu,* latis secularibus, ut dicam q. 4. art. 1. sed semper debent confiteri appro-  
 batis: praelati verò nominati Regularium, possunt non approbati. Un-  
 de Prouinciales incidentes in aliquem casum, etiam reseruatum, possunt  
 absolui per Confessarium à se electum: & ratio est, quia quidquid Pro-  
 uinciales autoritate ordinariâ possunt in subditos, possunt etiam in se-  
 ipsos, ita docet Sanchez lib. 6. de Matrimonio disput. 3. & alii, quos ibi  
*citat.* Guardiani verò pro casibus non reseruatis, licet eligunt confes-  
 sarios de non approbatis per Prouincialem, quamuis illum fratres  
 subditis, non possint assignare Confessarium, nisi sit approbatus à Pro-  
 uinciali, non quòd sit contra jus, sed contra consuetudinem: pro reser-  
 uatis casibus quoq; possunt eligere, juxta probabiliorē sententiam,  
 non approbati, siue non deputati, dummodo praedictus Guardia-  
 nus, vel localis superior, habeat delegatam facultatem, ad absoluendum  
 à reseruatis, quoslibet sui conuentus fratres: aliqui verò dicunt, quòd  
 non possit eligere, nisi approbati, vel deputati, quia inquirunt,  
 istud privilegium extenditur solum ad Praelatos, auctoritatem quasi Epi-  
 scopalem habentes, ut sunt Generales, Commissarii, & Prouinciales.  
 Adde post Tridentinum, Praelati Seculares eligant approbati.

*Regularium* Dico 1. Confessarii ordinarii fratrum Regularium sunt Genera-  
*ordinarii cō-* les, Prouinciales, & Superiores locales: & ii qui approbantur & depu-  
*fessarii.* tantur à Generalibus, & Prouincialibus. Patet ex dictis.

*Deputati.* Dico 2. Fratres in Conuentu existentes, deputati, & approbati  
 à Prouinciali debent omninò confiteri cum licentia Superioris localis.  
 Patet ex notando 2. nisi sit approbatus pro omnibus etiam forensibus.

PETES I. Vtrum absente Confessario ex deputatis electo, posset  
 quis dum abest ad tempus, & ipse Confessione indiget, ut celebrare  
 possit Missam, ad alium deputatum accedere, sine licentia Superioris?

RESPONDEO. Arbitrari aliquos, licentiam in hoc casu necessa-  
 riam, quia hoc est mutare Confessarium. Aliqui dicunt hoc non esse mu-  
 rare.



tare Confessariū propriè cū sit omninò per accidens, quòd quis accedat ad talē, rediturus, & mansurus apud alium, quāprimū redierit, neq; in hoc casu existimo licentiā Superioris esse necessariā, quia in tali casu, cū absit ejus confessorius, se habet, ac si nullum adhuc in familia haberet Confessarium, qui proinde aliquem ex deputatis potest ad libitum eligere.

**COLLIGE.** Mutare Confessarium, puto non esse mortale, dummodo accedatur ad deputatum, & subsit rationabilis causa, eligendi alium, nimirum, sit non si à me electus, & debeo ire ad sacrum; neq; puto, quòd Superiores, cum tali rigore, exegerint à subditis petitionem licentiæ ejusmodi, ad mutationem.

**PETES 2.** Cuiam debeant Fratres extra conuentum, vel itinerantes, seu forenses cōfiteri? **Dico 1.** Minoritis, & ferè omnibus aliis, prohibitum est, cōfiteri seculari clerico, vel Religioso alterius ordinis, si sit intra Conuentum. Vnde nec Prælati Regulares, possunt extra ordinem suum, eligere Confessariū. Id prohibitum est per Clementem IV.

**Dico 2.** Extra conuentum itinerantes, seu peregrinantes Fratres, in Conuentu sui ordinis, debent cōfiteri alicui deputato pro fratribus, in eodem conuentu, idq; tutius, vt de licentia Superioris loci. Si verò sint extra Conuentum, neq; habere possunt Confessarium sui ordinis, de licentia Superiorum, licitè possunt cōfiteri Confessario alterius ordinis, approbato pro Fratribus, imò & presbytero seculari approbato, oblatà graui necessitate, si V. G. debeat celebrare, & sit in peccato mortali, & non habeat nisi Confessariū secularē, tenetur illi cōfiteri, & non poterit celebrare, cum sola contritione, quia hic militat præceptū Diuinū, & Ecclesiasticū generale confitendi, quòd præualet præcepto positiuo Religionis non confitendi extraneo: reseruata tamen non potest cōfiteri.

**Dico 3.** Si aliquis oblitus est obliuione naturali, petere licentiam à Superiore, potest cōfiteri confessorio, vel sui ordinis, vel alterius, vel etiam in graui necessitate seculari, dummodo prædicti sint approbati, non ex præsumpta licentia, vt aliqui dicunt, sed ex virtuali licentia: nam quando alicui licentia datur ad itinerandum, in illa virtualiter includitur licentia confitendi, Sacerdoti extraneo. Si tamen subditus ante egressū præuideat, tenetur petere licentiam talem: Non potest tamen absolui à reseruatis per extraneum, si pœnitens frater non habet licentiam à Pro-uinciali passiuam à reseruatis, imò nec à Confessario sui ordinis.

**PETES 3.** An Fratres cōstituti in itinere, possint cōfiteri socio Sacerdoti, etiam si non sit ex deputatis pro fratribus, sed simplex Sacerdos?



In itinere so-  
cio Sacerdo-  
si licet con-  
fiteri.

RESPONDEO. Aliqui negant; puto hac in re praxim esse atten-  
dendam, & consuetudinem approbatam, & toleratam per Superiores,  
Vnde quamdiu prohibitum non est, licitum esse puto fratribus in iti-  
nere, confiteri Sociis Sacerdotibus simplicibus, licet Laurentius de  
Portel. *verbo Confessor num. 15.* dicat, in ordine Minorum nunquam  
practicatum esse, & faciendum non consulit propter inauditam consue-  
tudinem: oppositum docent Rodericus *Tom. 1. Regularium quest. q. 62.*  
Nauar. *cap. 4.* Suarez *disp. 28. Sect. 4.* & licet Superior localis, non  
possit approbare Simplicem Sacerdotem, tamen in tali casu vteretur pœ-  
nitens Epicheia, & jure communi, consulo tamen licentiam semper  
accipiendam. Quid verò possint confessarii, circa suos confubditos  
Regulares per priuilegia circa absolutiones, dixi aliqua *Disputatione 3.*  
*q. 2.* plura dicam *Disput. 10. q. 2. art. 7.*

## QVÆSTIO II.

### De Conditionibus Ministri Sacramenti Pœnitentiæ.

NOTA Absolutè, & simpliciter loquendo, aliqui sex conditio-  
nes requirunt in Ministro Pœnitentiæ, nempe potestatem, Scientiam,  
Prudentiam, Bonitatem, Sigillum, & fortitudinem, sed non omnes  
sunt de essentia in Ministro, nisi potestas ordinis, & jurisdictionis, re-  
liquæ sunt in Ministro necessariæ, vt rectè fiat, de sigillo infra, & de  
potestate ordinis, & jurisdictionis sequenti quæstione dicetur: nunc de  
potestate naturali, scientia, bonitate, & Prudentia confessarii, tracta-  
bitur per duos Articulos.

### ARTICVLVS I.

#### Qualis potestas requiritur, & scientia, in Ministro Sacramenti Pœnitentiæ?

Potestas na-  
turalis.

Quantum ad potestatem DICO 1. Debet habere potentiam natu-  
ralem, quæ requiritur in ministrandis Sacramentis scilicet vt possit au-  
dire, & intelligere Confessionem, deinde vt possit loqui, & proferre  
absolutionem, tandem vt possit ferre iudicium.

Potestas su-  
pernaturalis.

DICO 2. Debet etiam habere potestatem supernaturalem, scilicet  
ordinis Sacerdotalis, tunc enim est capax auctoritatis jurisdictionis,  
quæ est potestas, quæ formaliter constituitur in hoc munere, quæ est  
simpliciter necessaria, ad hoc Sacramentum.

Quantum ad scientiam. DICO 1. Scientia habitualis, vel actualis  
requi-



requiritur in Sacerdote, ad rectè ministrandum Sacramentum, & sine peccato. Probatur 1. ex S. Augustino de vera, & falsa pœnitentia cap. 10. ubi inquit. *Quærat Sacerdotem scientem ligare, & soluere, ne cum negligens circa se extiterit, negligatur ab eo, qui eum misericorditer monet, ne ambo in foueam cadant.* Probatur 2. Quia si ad alia iudicia, nemo potest assumi, aut deligi, nisi habeat scientiam proportionatam, ad ferendam iustam sententiam, multò cerrè magis, id erit necessarium in hoc iudicio, quod pertinet ad salutem animæ.

*Scientia requiritur in Confessario.*

Dico 2. Non requiritur hæc scientia in Sacerdote, ut possit de omnibus discernere; sed talis per quam fiat sufficiens ad rectè, & sine peccato, ministrandum hoc Sacramentum. 1. pars Patet, quia aliàs deberet scire omnem Theologiam moralem, & speculatiuam, & habere peritiam vtriusq; juris, &c. 2. pars constabit ex quæsito 1.

*Qualis scientia requiritur.*

QUÆRES. An ad aliqua capita, possit reuocari scientia, Confessario necessaria?

RESPONDEO. Ex communi Theologorum doctrina, 9. potissimum esse quæ scire tenetur. 1. Discrimen inter peccatum, & non peccatum, inter mortale & veniale, & saltem incommuni, etiamsi nesciat semper in particulari determinatè, rationem peccati mortalis discernere, si quidem hoc doctis viris, sæpè facessit negotium. 2. Debet scire peccatorum circumstantias saltem eas, quæ per se spectant ad integritatem Confessionis, ut sunt mutantæ speciem, vel grauiter aggravantes. 3. Debet nosse, quæ requirantur, ut pœnitens sit sufficienter dispositus, ad accipiendam absolutionem: hoc est habeatne dolorem, & propositum non peccandi: Item in quo statu sit respectu peccati, siue an habeat occasionem proximam, iterum peccandi. 4. Ex quibus peccatis oriatur obligatio restitutionis, ut moneat pœnitentem. 5. Debet scire casus reservatos, Papaies, Episcopales. 6. Debet scire quando ipso facto incurritur excommunicatio, siquidem nemo potest absolui à peccatis, nisi priùs fuerit absolutus ab excommunicatione. Quod si audiat Confessiones Clericorum, debet nosse, quando Irregularitas, aut Suspendio, incurritur. 7. Debet nosse impedimenta matrimonio, dirimentia contractum, vel impediencia contrahendum. 8. Requiritur, ut sciat prudenter remedia peccatis adhibere, tanquam medicus, & pœnitentiam conuenientem imponere tanquam iudex. 9. Necessè est ut sciat formam absolutionis.

*Novem scire tenentur.*

Quæ.



QVÆRES II. *Vtrum hac scientia, sine ulla limitatione requiratur?*

*Quadruplex limitatio requiritur,*

RESPONDEO. Ex communi Doctrina, quadruplicem limitationem, circa eam posse admitti. 1. Quod non semper requiratur, ut Confessor, per seipsum possit, hæc omnia discernere, sed sufficit si aliqua communia, quæ sæpius accidunt, sciat dijudicare, de aliis verò noverit dubitare, ut vel alios, vel libros consulat. 2. Limitatio est pro ratione locorum, & Personarum, major, vel minor scientia requiritur. 3. Ille, qui expositus ex officio, ad omnium confessiones excipiendas, majorem scientiam habere debet, quàm ille, qui certas tantum personas audit, quas probabiliter putat, non habere intricatos casus. 4. Qui audit viros Doctos, non tantam scientiam requirit, quàm qui minùs doctos, siquidem potest dirigi Confessarius à Pœnitente docto. Hinc

COLLIGE 1. Grauter Sacerdos peccat, qui ignarus necessariorum, offert se, & ingerit, ad confessiones audiendas, excepto articulo mortis.

COLLIGE 2. Episcopus, vel ejus vicarius, aut aliquis alius Superior, grauter peccat, si alicui Sacerdoti concedat jurisdictionem, sine sufficienti scientia, illi muneri proportionata, respectu locorum, & Personarum, quarum Confessiones sunt excipiendæ.

*Nota.*

COLLIGE 3. Peccat ille pœnitens, qui habens facultatem eligendi Confessarium, eligit imperitum, & rudem respectu suæ conscientia; si tamen bona fide id faceret, existimando Confessarium illum esse sufficienter instructum, non peccaret.

QVÆRES III. *Vtrum hac scientia requiratur in Sacerdote, non solum ut licitè, sed etiam ut validè, Confessiones excipiat?*

RESPONDEO. Scientia rerum, de quibus dictum est, juxta omnes, requiritur ad hoc Sacramentum licitè ministrandum. An autem validè absoluat, qui hac scientia caret? Aliqui simpliciter affirmant. Aliqui & probabilius dicunt, non effici inualidum Sacramentum, nisi sit ignorantia formæ, aut ignorantia omninò crassa, distinctionis peccati mortalis à veniali saltem incommuni. Hinc

COLLIGE 1. Pœnitens si aduertat, quòd Confessarius gravitatem suæ culpæ non intelligat, tenetur ad explicandam illam ipsi Confessario, ut notat Navar: cap. 9. n. 9.

COLLIGE 2. Pœnitens tenetur repetere Confessionem, quando scit Confessarium, ita fuisse imperitum, ut omninò peccata, nullo modo



modo distinguere sciuerit, vel suam conscientiam dijudicare.

ARTICVLVS II.

*Qualis bonitas, & prudentia, requiratur in Ministro Pœnitentiæ.*

Quantum ad bonitatem. NOTA Bonitas alia est supernaturalis, quæ est, esse in gratia. alia bonitas per extensionem nominis, quæ est, non esse innodatum aliquâ censurâ Ecclesiasticâ: alia est bonitas moralis, quæ pertinet ad morum compositionem.

DICO 1. Loquendo de bonitate supernaturali, certum est, non esse simpliciter necessariam, neq; ad suscipiendam jurisdictionis auctoritatem, neq; ad ipsam habitam, validè exercendam. Ratio est, quia Minister in administratione Sacramentorum, operatur virtute, & auctoritate Diuinâ. Sed propter peccatum, Deus non aufert eis hanc potestatem ministerialem. Ergo minister extra gratiam Dei existens, validè potest ministrare hoc Sacramentum. Major constat ex SS. literis, 1 Joan. 1. *Hic est qui baptizat in Spiritu Sancto.* Et 1. Corinth. 3. *Neq; qui plantat est aliquid, neq; qui irrigat, sed qui incrementum dat Deus.* Minor probatur. Quia quando Christus Dominus dixit *Accipite Spiritum Sanctum &c.* non intellexit de gratia inhirente, & justificante formaliter, sed intellexit virtutem, & potestatem, siue assistentiam Spiritus Sancti, ita ut sit sensus, *Accipite virtutem, & potestatem Spiritus Sancti.* Confirmatur ex SS. Patribus, S. Aug. Tract. 5. in Joan. inquit. *Quid tibi facit malus minister, ubi est bonus Deus.* Subdit. *Sicut parum refert, an aqua ad irrigandum transeat, per canalem argenteum, aut lapideum, modo foris, non sit pestilens: ita hic.* S. Gregor: Nazianz. ait: *Tam benè in sigillo ferreo, quàm aureo imprimitur imago, modo sit bene ibi expressa, & qui imprimit faciat id peritè.* Inde.

COLLIGE 1. Valor, & veritas Sacramentorum omnium, sicut non pendet ex bonitate supernaturali Ministri, ita neq; ex fide, vnde Sacramentum pœnitentiæ confectum à Ministro, seu Sacerdote apostata, est validum, si cætera adsint, hoc est materia, forma, & intentio faciendi, quod facit Ecclesia.

COLLIGE 2. Non solum veritatem Sacramentorum, sed neq; effectum eorum impedit malitia Ministri: quia ubicunq; est verum Sacramentum, ibi & effectus Sacramenti, si non ponatur à suscipiente obex.

DICO 2. Loquendo de bonitate, per extensionem nominis, quæ

Na

est,



est, non esse innodatum aliquâ censurâ Ecclesiastica denunciata hæc est simpliciter necessaria, in administratione Sacramenti Pœnitentiæ. Ratio est, quia innodatus censuris, non potest recipere auctoritatem jurisdictionis, hoc enim est proprium hujus Sacramenti, in quo requiritur potestas, in corpus mysticum Christi Domini, cujus usus per censuras tollitur. Unde excommunicatus, potest baptizare, & consecrare validè, non potest autem absolvere, quia ibi non requiritur potestas hæc, quæ hic requiritur. In articulo tamen mortis, possunt absolvere, & Censuris, innodari, ut dixi præcedenti *Q. Art. 1. quesito 1.*

*Bonitas moralis requiritur ad licitè.*

Dico 3. Loquendo de bonitate morali, non impedit, quin validè Sacerdos conficiat Sacramentum Pœnitentiæ. Ratio est, quia hæc non aufert potestatem ministerialem à Sacerdote. V. G. si Sacerdos sit iracundus, non castus, injustus, avarus, &c.

*Ad licitam administrationem omnes bonitates requiruntur.*

Dico 4. Si verò loquamur de administratione Sacramentorum licita, id est, ut sine peccato fiat, omnes tres bonitates requiruntur ad licitè Sacramenta administranda. De prima patet, quia non licet ministrare Sacramentum in peccato mortali, ut habetur in capite Sacrosancta Religio. t. q. 1. *Omnia Sacramenta, cum ob sine indignè tractantibus, profunt tamen per eos, dignè sumentibus.* De secunda bonitate patet, si enim hæc requiritur simpliciter, multò magis ad benè esse. De bonitate morali constat, quia talis scandala generat in populo. Ergo illicitè administrat Sacramenta sine ea.

*Quæres An minister existens in mortali, teneatur præmittere Confessionem, ante administrationem Sacramentorum?*

*In administratione Sacramentorum non requiritur confessio sufficiens contritio.*

Dico 1. In administratione Sacramentorum, non tenetur Sacerdos præmittere Confessionem, sed sufficere veram contritionem, & sic Sacerdos existens in peccato mortali, potest contritus excipere Confessiones. Ratio est, quia Sancta sanctè sunt tractanda. Sed per veram contritionem peccator fit sanctus, & justus. Ergo.

Dico 2. In conficiendo Sacramento SS. Eucharistiæ, tenetur Sacerdos peccator præmittere ex præcepto Divino Confessionem, aliàs qui conficit Eucharistiam in peccato mortali, duplici peccato mortali peccat. Primo contra præceptum tractandi reuerenter Sacramentum. 2. Contra præceptum de Confessione, quod specialiter obligat respectu Eucharistiæ, quia est præceptum latum jure Divino; *Probet autem seipsum homo. 1. Corint. 11.*

Quan-



Quantum spectat ad prudentiam; Dico, Quod hæc non requiritur in Sacerdote ad simpliciter esse, sed ad bene esse. Porro requiritur prudentia in rebus agendis, ut finem suum agens consequatur. Sed finis confessorii est, facere sententiam rectam, & justam, quâ poenitens de odio Dei, ad gratiam Dei transeat, & à culpis suis liberetur: ideo debet scire remedia adhibenda; tum occasiones, quomodo præcidendæ: tum ut ipsum inducat ad contritionem, & ad propositum firmum non peccandi. Præterea ad prudentiam spectat, cautè agendo in iis interrogandis, quæ possint in tentationem inducere incautos, verbis honestis utatur, breuiter quantum fieri potest expediat poenitentes. &c.

Prudentia  
Confessorii.

### QVÆSTIO III.

#### De Clauibus, seu auctoritate Sacerdotali.

Præsens Quæstio diuiditur in quinque Articulos.

- In 1. examinabitur, Vtrum cuiuslibet Sacerdoti, in susceptione ordinis Sacerdotii, conferantur clauis regni cælorum, & quæ?
- In 2. An clauis istæ sint distinctæ.
- In 3. De potestate jurisdictionis, & an sit distincta à potestate ordinis.
- In 4. Vtrum potestas clauium extendat se ad remittendam culpam.
- In 5. An etiam extendat se ad remittendam poenam peccato debitam.

#### ARTICVLVS I.

Vtrum cuiuslibet Sacerdoti, in susceptione ordinis Sacerdotii, conferantur clauis regni cælorum, & quæ?

NOTA 1. Nomen clauis est nomen translaturum ab instrumento materiali, quod dicitur clauis, ad spiritualia, sicut ergo clauis, est instrumentum, siue dispositio quædam, quâ persona potest aperire, vel claudere ipsum ostium alicui, ita in spiritualibus oportet inuenire instrumentum, seu præuiam dispositionem per quam persona aperiens possit aperire ostium regni cælestis. Vnde clauis regni cælorum, non est ipsa sententia, quâ sententiatur cælum huic aperiendum, & huic claudendum, quia hæc est apertio: neq; clauis est persona sententiens, seu aperiens: neq; est causa, propter quam quis aperit, vel claudit per sententiam, quia hæc est meritum, cui debet aperiri cælum, sed clauis spiritualis regni cælorum, est ipsa potestas sententiandi, ut huic cælum aperiatur, vel claudatur.

Clauis quid?

NOTA 2. Hæc potestas sententiandi, est triplex. Prima est principalis soli Deo competens, partim propter primam iustitiam, quæ soli

Potestas sententiandi  
triplex.

N n 2

DEO



DEO competit, qui est primò iustus; partim propter primam præsiden-  
tiam: Atqui primus præsidens, non potest esse, nisi solus DEVS. Ergo  
DEUS habet potestatem principalem sententiandi. Secunda potestas,  
est non principalis, sed præcellens, quæ soli Christo Domino competit,  
partim ex eo, quia habet notitiam omnium meritorum, ac demeritorum  
judicandorum, partim ex eo, quia in eo est voluntas simpliciter iuncta  
DEO, quoad affectionem iustitiæ, vnde est simpliciter immutabilis à ju-  
stitia. Tertia clavis est particularis, siue ministerialis, & hæc est in Ec-  
clesia militante penes Sacerdotes. Dicitur *particularis*, quia de causis  
particularibus cognitionem habet. Dicitur ab aliis infirma, quantum  
ad sententiam ferendam iustè, & irrevocabiliter, si verò iudicabit secun-  
dum legem DEI, erit firma, & iusta.

*Clavis sci-  
entia.*

NOTA 3. Præter clauem potestatis, siue auctoritatem sententian-  
di particulariter, datur Sacerdotibus in Ecclesia militante, alias clavis  
scientiæ, quæ clavis, non est cognitio aliqua actualis, vel habitualis dis-  
cernendi peccatum à peccato, sed est potestas cognoscendi, & auctori-  
tas examinandi causam confitentis, cui sententiatur calum esse aperi-  
endum, vel claudendum, sine qua, non posset Sacerdos habere, rectum  
usum clavis potestatis, nisi enim quis cognoscat meritum, vel demeri-  
tum, siue actus illos, propter quos, calum huic est aperiendum, vel  
claudendum, non poterit sententiare sententiâ rectâ, huic esse calum  
aperiendum, vel claudendum; quod constat ex communi modo iudi-  
candi hominum, ignorata enim causa rei, nulla potest esse absolutio,  
vel damnatio iusta, & recta; & sic necessariò concluditur, potestatem  
cognoscendi in causa peccatoris esse, & posse dici clauem. Porro  
hæc clavis scientiæ, sicut & potestatis, est triplex, nempe prima, &  
principalis, soli DEO competens; alia eminentiæ Christo Domino  
conueniens; tertia particularis, & ministerialis, quæ Sacerdotibus con-  
fertur.

*Clavis pote-  
statis.*

DICO I. Clavis potestatis, siue auctoritas sententiandi, datur  
actu Sacerdotibus in susceptione ordinis sacri. Probatür Joan. 20. di-  
citur, *Accipite Spiritum Sanctum quorum remiseritis &c.* & Matth. 16.  
*Tibi dabo claves regni calorum.* & de facto dedit, Joan. ultimo *Pasce  
oves meas.* nam ut dicit S. August. in Psalm. 108. Petrus gerebat Per-  
sonam Ecclesiæ, ideo quòd Petro datur, toti Ecclesiæ datur, cum  
ergo



ergo promisit Petro claves, & actu ei illas dedit, dedit quoq; eas Ecclesiæ, id est, Petro principaliter, & cum summa potestate, & aliis Episcopis, & Sacerdotibus cum subordinatione ad Petrum, ut ad caput; Concludendo itaq; D. Subtilis ait, in 4. dist. 19. q. 1. a. 1. *hanc potestatem sententiandi, bene dici clauem potestatis, quia sententiarum non potest, nisi qui præsideret.*

Dico 2. Præter clauem potestatis, datur Sacerdotibus clavis scientiæ. Probat. Qui habet auctoritatem sententiandi in aliqua causa, congruum est, ut habeat etiam potestatem cognoscendi in illa causa, alioquin posset aliquis committere alicui potestatem sententiandi, in aliqua causa pro hibito, absq; cognitione causæ, quod est irrationabile, quando sententiens potest sententiando errare, cujusmodi, est omnis viator. DEus ergo dum commisit Ecclesiæ auctoritatem primam, quæ est sententiandi, quæ dicitur clavis potestatis, commisit etiam potestatem cognoscendi in causa, quæ dicitur clavis scientiæ. Ergo in collatione actuali primæ clavis potestatis, contulit quoq; hanc secundam clauem scientiæ, tanquam præuiam vltimæ, primæ, & quasi quodammodo vna clavis, & potestas, dici possunt, ut paulò post dicam. Hinc

COLLIGE. Potestas iudicandi, non dicitur à iustitia habituali, vel actuali, similiter potestas cognoscendi non dicitur à scientia, habituali, vel actuali, quia nec iustitia, nec scientia habitualis, vel actualis absolutè, & simpliciter requiritur, sed ad bene, & rectè sententiandum, vel cognoscendum in causa pœnitentis.

*Vnde dicitur clavis potestatis, & scientiæ.*

## ARTICVLVS II.

*An claves istæ sint distinctæ, vel vna?*

NOTA. Refert D. Subtilis in 4. dist. 19. quest. 1. art. 3. opinionem, asserentium clauem esse characterem quam refutat. Tùm quia character sacerdotalis, videtur esse potestas consuecendi corpus Domini in Eucharistia. Atqui potestas in corpus Domini verum, & potestas clauium in corpus Domini mysticum, sunt diuersæ potestates. Ergo claves non sunt character.

*Clavis non est character.*

Tùm



Tum quia prius tempore: datus est character Apostolis, quàm clauis, nam in cœna acceperunt characterem Sacerdotalem, illis verbis, *Hoc facite in meam commemorationem*; potestatem verò clauium post resurrectionem, illis verbis, *Accipite Spiritum Sanctum &c.* Ergo character non est potestas clauium. Confirmatur. Quia & nunc Sacerdotes, in ordinatione, prius ab Episcopo accipiunt potestatem conficiendi corpus Domini verum, postea potestatem absoluendi à peccatis, Dicit tamen Doctor infra, quod sicut in Sacerdote est duplex potestas, ita & duo characteres, vt mox dicetur.

*Clavis potestatis, & scientiæ, sunt duæ clauis.*

DICO 1. Clavis scientiæ, & clavis potestatis, sunt duæ clauis distinctæ realiter. Probatur Christus Dominus vocat eas plures. *Tibi dabo Clauis.* Ergo sunt plures. Probatur 2. Illæ sunt clauis, & potestates distinctæ, quæ possunt separari abinuicem. Sed istæ clauis, ita se habent. Ergo: Minor probatur, quia sicut aliquis iudex, potest committere alteri facultatem cognoscendi in causa, non dando illi facultatem sentiendi, sed sibi eam reseruando. Similiter, potest aliquis dare alicui potestatem sentiendi, sine autoritate cognoscendi: ita in proposito, Deus posset committere autoritatem cognoscendi in causa, sine autoritate sentiendi, & è conuerso. Addit tamen D. Subtilis, quòd de potentia Dei ordinaria, vtrâq; potestas, committitur Sacerdoti completè ordinato.

*Sunt vna & unitate ordinis.*

DICO 2. Istas duas clauis, aliquoliter posse dici vnâ clauem unitate ordinis: quia vtrâq; ordinatur ad vnum, eundemq; actum, scilicet ad apertionem regni cœlorum, sed cum subordinatione, quia potestas sentiendi, ordinatur ad eum actum quasi excellenter, & explicitè, potestas, seu clavis cognoscendi, implicitè, & minùs excellenter.

*Potestas celebrandi, & potestas absoluendi, sūt distinctæ.*

PETES. An potestas celebrandi, & potestas absoluendi, sint duæ potestates?

RESPONDEO. Esse duas: quia potestas celebrandi, est potestas in corpus CHRISTI Domini verum, potestas verò absoluendi, est in corpus Christi Domini mysticum. Supposito verò quòd sint duæ potestates, an etiam duo sint characteres? Respondet D. quod potest dici esse duos characteres, & vterq; imprimitur distinctè, in suo proprio signo sensibili, significante illud, quod est invisibile. nimirum primus character, imprimitur in porrectione calicis, cum illis verbis, *Acci-*  
*pite*



pe potestatem celebrandi &c. Alius character datur, in impositione manuum, cum illis verbis, *Accipe Spiritum Sanctum &c.* Potest etiam dici, quod per vnum characterem sacerdotalem, habet quis potestatem conficiendi corpus Domini, & per eundem characterem, tanquam per dispositionem præutam, recipit potestatem, seu clauem absoluendi, & hoc dicit, negans clauem esse characterem, D. Subtilis, vt retulimus in Notando.

## ARTICVLVS III.

*Quid sit potestas jurisdictionis, & an sit distincta à potestate ordinis?*

NOTA. Magna est difficultas, quid sit ista jurisdictio, an sit auctoritas, & potestas ipsius ordinis, & in ordine collata? an aliqua alia potestas, distincta ab ordine, & extra ordinem collata? Et ratio dubitationis est quia si ad potestatem ordinis, requiritur alia potestas jurisdictionis. Ergo potestas sententiandi in causa peccatorum, recepta in ordine sacro, non est vera potestas: si autem in ordine, confertur perfecta potestas sententiandi, videtur quod potestas jurisdictionis, nulla sit, & non necessaria. propter hanc dubitationem sunt opiniones.

*Quid sit jurisdictio magna difficultas.*

1. Opinio asserit, primò potestatem jurisdictionis, esse eandem, quæ est ordinis, atq; in ipsa ordinis sacri collatione, conferri Sacerdoti. Secundò dicit, quod per ordinationem Ecclesiæ, auctoritas ista est suspensa, & impedita, ne quilibet Sacerdos: possit absolvere quemlibet, quæ limitatio, siue suspensio, facta est ab Ecclesia. Primum dictum hujus opinionis Probatur, 1. Si præter potestatem Ordinis, requireretur jurisdictionis sequeretur, quod in articulo mortis, non posset quilibet Sacerdos, quemlibet pœnitentem absolvere. Consequens est falsum. Ergo. Sequela probatur, Quia nulla necessitas, mutat ministrum à DEO institutum. Ergo si Minister pœnitentiæ, institutus à DEO requireret ultra potestatem ordinis, potestatem jurisdictionis, Sacerdos carens eâ in articulo mortis, non esset verus, & proprius Minister. 2. Christus Dominus illis verbis, *Accipite Spiritum Sanctum &c.* contulit Apostolis potestatem ordinis, & jurisdictionis, ita vt nullâ aliâ potestate externâ eguerint. Sed hæc verba dicuntur in Persona Christi Domini ab Episcopo, dum ordinat Sacerdotes. Ergo. 3. Sacerdos est institutus iudex, de voluntate partium assumptus. Ergo qui vult, potest, illi se subdere, & Sacerdos in eum sententiam dicere. Secundum dictum, nimirum, quod hæc auctoritas sit suspensa, & impedita.

1. Opinio.

dicto



dita ab Ecclesia, nam Ecclesia potest præcipere, quòd non quilibet, suscipiat quòdlibet Sacramentum à quolibet, sed à determinato Ministro, vt patet de Sacramento Ordinis.

2. opinio.

Secunda opinio asserit potestatem jurisdictionis, posse duobus modis considerari: Vno modo inchoatiue, alio modo completiue: Seu vt alii dicunt, in habitu, secundo in actu, seu vsu. Primo modo confertur potestas jurisdictionis, in ordinatione, nec distinguitur à potestate ordinis, neq; ab ipsa est separabilis, nec mutabilis per Ecclesiam; secundo modo est separabilis, & diuersa ab ordine sacro, quia ab extrinseca potestate completur, & perficitur, ideò potest variari & transferri. Ita Cajetan. in opusculis tome 1. tract. 7. Nauar. in Summa cap. 4. n. 4. Syluester verbo Confessor: 1. q. 2. diuerso tamen modo explicant. Cajetanus dicit, quòd potestas jurisdictionis. Vno modo capitur pro principio iudicii, sicut in naturalibus, est calor principium calefaciendi. Alio modo pro potestate, subijciendi se sacerdoti, vt ab illo iudicetur, sicut contingit in iudicio arbitrorum iudicum, qui accipiunt jurisdictionis potestatem à partibus, illis se subijcientibus: Ad propositum applicando dicit, quòd Sacerdos in ordinatione, accipit omnem potestatem jurisdictionis primo modo, sed non secundo. Ergo potestas jurisdictionis inchoatiue, confertur in ordine sacro, completiue verò ab extrinseco, nempe per concessionem hominum. Porro Nauar in cap. Placuit d. 6. num. 4. dicit duplicem esse potestatem jurisdictionis, aliam habitualement & inseparabilem ab ordine, aliam actualement, distinctam ab ordine, quæ Sacerdoti confertur, cum eligitur, seu deputatur ad munus absoluendi. Addit Nauar, num. 27. Quòd ante Ecclesiæ ordinationem, quilibet Sacerdos, habebat jurisdictionem in actu, hoc est nulla lege, & nullo Superioris imperio ab exercitio impeditam, nunc verò accipiunt eam impeditam, per Caput Placuit. Addit deinde num. 48. Romanum Pontificem, non posse jurisdictionem, seu potestatem absoluendi à Sacerdotibus tollere, sed posse illis subtrahere materiam, & quando dat illis jurisdictionem, non dat aliquam auctoritatem, sed solum subdit eis materiam, in quam possint exercere suam potestatem.

Tertia Sententia asserit duplicem esse potestatem, ordinis, & jurisdictionis, quarum vna ab alia, realiter distinguitur. Est D. Subtilis in 4. d. 19. q. 1. n. 4. S. Thomæ 2. 2. q. 39. a. 3. Sequuntur recetiores fere omnes.

NOTA



NOTA I. D. Subtilis pulchrè explicat [ quomodo stent simul, *Modus ex-  
plicandi pot*  
quòd Sacerdos in ordine, accipiat potestatem absoluendi, & tamen si-  
ne jurisdictione, non possit absolvere ] dicens: Aliud est considerare *cher.*  
claves in se, & aliud in ordine ad actum, in quem possint exire, potest  
enim contingere, quòd aliquis habeat clavem, & tamen non possit  
exire in actum, V. G. claudere, vel referare: quod exemplificat de po-  
tentiis naturalibus actiuis: clavis enim nihil aliud significat, nisi pote-  
statem aliquam actiuam, ideò potestas clauium declaratur, per compa-  
rationem ad potentias naturales actiuas. Cum autem juxta Aristotelem *Duplex po-  
tentia.*  
9. *Metaph. c. 10.* duplex sit potentia actiua: vna propinqua, alia remota:  
potentia actiua propinqua est illa, cui statim respondet potentia passiu-  
a, seu passum, in quod agere debet, & non est impedibilis: potentia verò  
remota est illa, cui non statim correspondet passuum, in quod agere  
debet, vel si respondet ab aliqua alia potentia impeditur ab actu, ne pos-  
sit agere in illud passum. Ad propositum, in Sacerdote duplex est  
potentia actiua. Vna super corpus Christi Domini verum, & hæc est  
propinqua, quia statim in natura, habet ipsam materiam, & passuum  
sibi correspondens, in quod potest exire in actum, nimirum panem tri-  
ticeum, & hæc non est impedibilis: Alia est potestas sentiendi in  
Causa peccatorum, & hæc est remota, propter duas rationes. Primò  
quia ex hoc, quòd est clavis, siue potestas, in aliquo non correspondet  
sibi passuum aliquod, nisi aliundè fiat sibi passuum, scilicet ab alia po-  
testate, quæ est jurisdictionis. Tum quia si in aliquo habet passuum,  
in quod agere possit, per aliam potentiam actiuam potest impediri ab  
actu, ne agat omnino. Hinc.

COLLIGE Potentia remota ex hoc, quòd est remota, non desinit esse  
potentia, habet enim totum illud, quod pertinet ad seipsū in suo genere, &  
nihil ei in suo genere deficit, nō potest autē exire in actū, quia prærequirit  
materiā dispositā suæ actioni, quæ dispositio fit per aliā potētiā actiuā, quæ  
est potestas jurisdictionis. Exēplo res declaratur, Potentia actiua in ani-  
mali, quæ non potest cōuertere alimentū in carnem, & corpus, nisi alimē-  
tum debitè disponatur, & præparetur per concoctionē, quæ præparatio,  
& cōcoctio, fit ab alia potētiā actiua, scilicet à calore animalis: Sicut ergo  
potentia actiua augendi animal, etsi non statim habeat passum sibi re-  
spondens, sed egeat alia virtute, & potentia actiua, quā passum sibi  
præparetur, & proportionetur, non amittit rationem actiuæ virtutis,  
neq;

*Potentia re-  
mota est se-  
ra potentia.*



Nota.

neq; est diminuta, vel inchoata, sed est completa, & perfecta in suo genere; ita potentia sententiandi, indiget potentiâ jurisdictionis, siue potestas jurisdictionis, sit potestas actiua inseruiens potestati ordinis, vt potentia caloris potentiæ augmentatiuæ, siue potestas jurisdictionis sit alterius generis, à potestate ordinis, partialiter concurrens, cum potestate Sacramentali, ad actum absolutionis: atq; ita vna sine altera, non potest exire in actum absolutionis: non enim Sacerdos potest validè absolvere, sine potestate jurisdictionis, neq; habens solam auctoritatem jurisdictionis, potest validè absolvere in foro Sacramentali. Ex quo sequitur jurisdictionem requiri, in omni Confessione, tam de præcepto facta, quàm voluntaria, quia sine jurisdictione nihil sit.

DICES. Omnipotentia actiua, correspondet passiuæ. Ergo potestas clauis, si est actiua, debet ei correspondere passiuum.

RESPONDEO. Quod potestas clauis, est potestas vera, sed remota, non quòd quatenus remota, dicat aliquam imperfectionem, & defectum in potestate clauis, quia est perfecta, & completa in suo genere, sed est potentia remota in ordine ad actum, quatenus requirit secum, aliam potestatem actiuam, ad ponendum illum in esse.

Nota.

Auctoritas  
jurisdictio-  
nis quando  
est instituta,  
& à quo.

NOTA 2. Auctoritas ordinis, fuit instituta Joan. 20. *Accipite &c.* auctoritas verò jurisdictionis, data est Ecclesiæ, à Christo Domino, & instituta Matth. 18. *Amen dico vobis, quacumq; alligaueritis super terram, erunt ligata & in calis, & quacumq; solueritis super terram, erunt soluta & in calis.* Ex quo loco habetur, quòd in Ecclesia, est duplex forum, secretum, in quo idem est accusator, & reus, aliud publicum; ad vtrumq; forum requiruntur potestas ordinis, & potestas jurisdictionis, quæ jurisdictionis data est Petro & Ecclesiæ in Persona Petri; & vt alii volunt, omnibus Apostolis data fuit immediatè à Christo Domino, modo verò, omnis potestas jurisdictionis Episcoporum, & aliorum Prælatorum, promanat immediatè à Papa, quia S. Petro dedit supremam potestatem jurisdictionis, & eidem commisit præfecturam totius orbis, illis verbis, *Pasce oves meas.* Joan. 21. & Matth. 16. *Tibi dabo clauis &c.* & consequenter in Persona Petri, omnibus successoribus canonicè intrantibus.

S. Petrus ca-  
pit Aposto-  
licum.

NOTA 3. Quidquid dedit DEUS Apostolis, dedit cum subordinatione ad Petrum, quem constituit caput eorum, ad tollenda schismata, teste S. Cypriano. Porro duplex fuit auctoritas in Apostolis. Alia extraordinaria, quæ propriè pertinebat ad munus Apostolatus; alia ordinaria.



dinaria, quæ propriè pertinet ad munus Episcopatus: hæc transiit ad Episcopos, successores Apostolorum: extraordinaria potestas, quæ erat prædicare fidem, plantare Ecclesiam, gubernare, & administrare eam, & hæc extincta fuit in Apostolis, quia illi soli fuerunt immediatè missi à CHRISTO Domino, & illi soli habuerunt potestatem plantandi Ecclesiam, & seminandi fidem, & formam gubernationis Ecclesiæ præscribere, quòd non licuit successoribus, non enim debent novas leges condere, sed fidem ab Apostolis traditam docere, errores expurgare, & condemnare.

Extraordi-  
naria potes-  
tas.

NOTA 4. Rationem assignat D. Subtilis in 4. dist. 19. q. 1. a. 4. cur potestas consecrandi in Sacerdote sit proxima, nec dependet ab aliqua alia, potestas verò clauium sit remota, & dependet ab alia: quia inquit à principio nulli, neq; ordinationi Ecclesiæ nocuit, quòd quicumq; Sacerdos consecraret, quamcunq; materiam, nocuisset autem si per collationem clauium, in ordine sacro, quilibet Sacerdos fuisset iudex, cuiuscunq; poenitentis, & potuisset, quantumcunq; prohibitus, exequi actum clauis, & sic in hoc posset facere præiudiciu alteri, cuius est poenitens subditus.

DICO 1. Sacerdos ex vi ordinis, non habet potestatem omnem ad absoluendum; neq; si haberet, posset Ecclesia ipsam impedire. Est D. Subtilis loco citato. arti. 4. contra primæ opinionis dictum vtrumq; Probatur 1. ex Conciliis, Florentin; in Decreto Eugenii, dicit. *Minister huius Sacramenti & Sacerdos, habens auctoritatem absoluendi, vel ordinariæ, vel ex commissione Superioris.* Tridentin; Sess. 14. cap. 7. ait. *Persuasum semper in Ecclesia Dei fuit, & verissimum esse Synodus hac confirmat, nullius momenti absolutionem eam esse debere, quam Sacerdos in eum profert, in quem ordinariam, vel subdelegatam jurisdictionem non habet.* Ergo secundum Concilia Sacerdos ex vi ordinis, non habet totam, & completam auctoritatem absoluendi. Probatur 2. Si de jure Diuino esset, quòd Sacerdos, ex vi ordinis, haberet omnem potestatem, necessariam ad absoluendum à peccatis, Ecclesia non posset hanc auctoritatem impedire, & sacerdos absolutè absolueret, si stante aliqua prohibitione Ecclesiæ attentaret, licet peccaret absoluendo, propter transgressionem præcepti Ecclesiæ. Sed Ecclesia absolutè docet, absolutionem illam esse nullam, quæ sit sine jurisdictione. Ergo ex jure Diuino potestas ordinis, non est potestas jurisdictionis.

Ex vi ordina-  
nis Sacerdos  
non habet  
omnem po-  
testatem.



possent casus, & peccata aliqua reservari, quia auctoritas Sacerdotis, non penderet ab extrinseco, nempe Superiore, neq; illam Superior posset auferre. Sed hoc est falsum. Ergo.

Ad primum primæ opinionis Respondeo, Quod in articulo mortis, quilibet Sacerdos, habet jurisdictionem ab Ecclesia, ex jure positivo, ut constat ex Tridentino Sess. 14. cap. 7. ubi dicitur, *Omnes Sacerdotes quoslibet pœnitentes à quibusvis peccatis, & Censuris possunt absolvere.*

Ad 2. Respondeo, Apostolos per illa verba, *Accipite Spiritum Sanctum &c.* accepisse potestatem judiciariam remotam: per illa verò Joan. 20. *Sicut misit me Pater, & ego mitto vos, &c.* proximam; vel si dedit illis verbis, *Accipite Spiritum Sanctum &c.* utramq; potestatem Apostolis, fuit hoc ex speciali ratione dignitatis Apostolatus.

Ad 3. Nego Antecedens: quia nullus Sacerdos, potest absolvere pœnitentem, nisi ille, cui commissum est, à Summo Pontifice immediate, vel mediatè, dicitur itaq; Sacerdos iudex, arbiter, quia à DEO est constitutus iudex, ut pro arbitrio suo, regulato rectâ ratione judicet causas inter DEum, & homines, & quod ipse judicabit, clauæ non errante, erit ratificatum in cælis.

*Jurisdictio  
non confer-  
tur inchoa-  
tione in ordi-  
ne.*

Dico 2. Potestas jurisdictionis, non confertur ex vi ordinationis inchoatiue, vel in habitu, ut volunt Cajetanus, & Nauar. Est contra 2. opinionem. Quia auctoritas jurisdictionis, quæ requiritur ex Decretis Conciliorum, est auctoritas à superioribus communicata, dicunt enim requiri auctoritatē ordinariā, vel delegatam. Ergo licet subditus posset se subdicere Sacerdoti, hæc tamen subjectio non est sufficiens ad hoc, ut Sacerdos possit in illū ferre sententiam, sed requiritur auctoritas Superioris.

Ad fundamentum Cajetani & Nauarri Dico. Si de jure Diuino, in primitiua Ecclesia jurisdictio, nedum habitualis, sed etiam actualis, collata fuisset, siue intrinsecè, siue per concomitantiam necessariam, Sacerdoti in sua ordinatione, non potuisset Ecclesia à Sacerdotibus, auferre hæc actualem jurisdictionem, quod tamen fecit, quia Ecclesia, non potest super jus Diuinum, neq; potest impedire effectus prouenientes à Sacramentis, ut patet in degradato conficiente Eucharistiam; potest quidem prohibere, & suspendere ab actu, ita ut, si Sacerdos contra illam ordinationē attentet, peccet, non tamen potest prohibere, ut nihil faciat. Atqui in Sacramento Pœnitentiæ, sine jurisdictione, nihil facit. Ergo. Et quando Nauarrus dicit, quod Pontifex non potest tollere jurisdictionem à Sacerdoti-



dotibus, sed solum subtrahere materiam potest, quod videtur implicare contradictionem, quia si Ecclesia potest subtrahere materiam, hoc non alio modo, quam condendo legem, ne fideles confiteantur Sacerdotibus quibuscumque, sed solum à praelatis admissis. Atqui Ecclesia, non potest condere legem contra jus Divinum, neque illud abrogare. Præterea subtrahere materiam Sacerdoti, est auferre illi jurisdictionem. Ergo dum aufert subditum, aufert jurisdictionem. Hæc Conclusio 2. & Responsiones ad fundamenta, clarius parent *ex Notando 1. & Corolario sub ipso posito.*

DICO 3. Potestas jurisdictionis, est distincta realiter à potestate ordinis. Probat 1. ex Conciliis citatis pro prima conclusione. Probat 2. Illa, quorum unum potest esse sine alio, absque illius corruptione, sunt diversa omnino realiter. Sed potestas ordinis, potest esse, absque potestate jurisdictionis. Ergo. Minor patet, quia Sacerdos non admissus à Superiore, ad ministrandum Sacramentum pœnitentiæ, est verus Sacerdos, tamen non potest absolvere aliquem à peccatis, quia caret jurisdictione. Confirmatur Potestas clauium, siue absoluendi, habet hoc peculiare, quod sine potestate jurisdictionis, nihil faciat, alie autem potestates Sacraméntales, si sine jurisdictione attentent, faciunt, licet male faciant; quia potestas clauium, subordinatur proximè, materiæ de iudiciis, quæ requirit proximè jurisdictionem, ideo cum illa, non est in habente claves ordinis, nihil absolute fit. Confirmari potest, *Notando quarto.*

Potestas jurisdictionis distincta est à potestate ordinis.

DICO 4. Potestas jurisdictionis est, per quam aliquis in foro pœnitentiæ subditur, tanquam reus, suo proprio iudici; & hæc datur extrinsecus à Superiore, cum quis admittitur ad audiendas confessiones Sacraméntales, pertinetque tam ad forum internum, quam externum. Porro alia est ordinaria, ut est in Summo Pontifice, Episcopo, & Parocho, ut dixi *art. 2. q. 1.* Et hanc habent illi, qui ex vi muneris, & officii sui sunt pastores. Alia est delegata, quam quis habet, non ex vi proprii muneris, sed commissione, vel delegatione alterius: quis autem eam possit delegare, dicetur *Questione quinta.* Hinc

Potestas jurisdictionis describitur.

COLLIGE. Potestas ordinis, & stabilitas quedam, & deputatio facta in ordinatione alicujus ad Sacerdotium, hoc sine, ut possit esse iudex animarum, in foro pœnitentiæ. Vnde licet potestas clauium, sit potentia actiua, non tamen proxima, sed remota, non enim ei statim correspondet passivum proportionatum, seu materia, in quam possit agere, id est, peccator pœnitens, sed requiritur etiam, ut sit subditus habenti talem potestatem, omnis enim reus, debet esse subditus iudici sententianti.

Quid potestas ordinis



*Jurisdictio  
requiritur  
etiam respec-  
tu veniali-  
um.*

Dico 5. Hæc potestas jurisdictionis, non solum respectu mortali-  
um, sed etiam venialium requiritur, & respectu mortalium jam dimis-  
sorum. Ita Navar. c. *Placuit de penitent: d. 6.* ubi dicit, *Nullum textum  
se vidisse, quo probetur eum, qui sola venialia habet posse cui voluerit, con-  
fiteri.* Neq; valet responsio Soti: Nemo potest cogere poenitentem ad  
confitenda venialia. Ergo ad illa non requiritur jurisdictio: quia juris-  
dictio requiritur non solum propter coactionem, sed propter valorem  
actionis, ut absolutio valide fiat. Quare licet homo non teneatur, ad  
confitenda venialia, tamen si illa velit confiteri, absolutio illorum à Sa-  
cerdote, non potest esse valida, si desit jurisdictio. Vnde puto eum, qui  
absoluit venialia, sine jurisdictione, nihil facere, & venialiter peccare,  
si absit contemptus, nam mittit falcem, in alienam messem. Hoc  
idem dicendum de peccatis mortalibus jam dimissis.

#### ARTICVLVS IV.

*Utrum potestas clauium, extendat se ad remissionem culpa?*

Videtur quod non 1. Potestas data Ecclesie per claves, non est  
dimittendi peccata, sed ostendendi, peccata esse dimissa. Ergo per claves  
non dimittitur culpa. Antecedens patet, quia dimittere culpam, est  
solum DEI munium, quia propria ratio culpæ, consistit in injuria DEI.  
Ergo ad solum DEum pertinet, culpam dimittere. 2. Actio clauium,  
nimirum absolutio facta à Sacerdote, semper præsupponit culpam, esse  
deletam, & remissam; Ergo non est data à Christo Domino ad delenda  
culpam. Antecedens constat Lucæ 5. ubi Christus Dominus  
prius sanauit leprosos, deinde misit ad Sacerdotes. Et Joann: 11. ubi  
prius suscitauit Lazarum, deinde dixit Apostolis, ut illum soluerent.  
Confirmatur S. Hieronym. super illud Matth: 16. *Tibi dabo claves*, inquit,  
*In Leuitico jubentur leprosi se ostendere Sacerdotibus, quos ipsi non faciunt  
leprosos, vel mundos, sed discernunt, qui mundi, vel immundi sint.* 3. Apo-  
calip. 3. dicitur de Christo Domino, *Claudit, & nemo aperit, aperit, &  
nemo claudit.*

*Per claves  
dimittitur  
culpa.*

Dico. Per claves Ecclesie dimittitur culpa. Est D. Subtilis  
in 4. dist. 18. & dist. 14. q. 4. Probat, nam si non, sequeretur, quod  
Sacramentum Poenitentiae, non esset Sacramentum nouæ legis, nec ha-  
beret aliquam causalitatem, siue dispositionem causalem respectu gra-  
tiæ primæ. Consequens est absurdum. Ergo. Consequentia Proba-  
tur, quia nunquam dignè susceperetur, nisi ab habente jam primam gra-  
tiam



tiam, quia nullus dignè ostenditur absolutus esse, nisi prius sit illi culpa dimissa, & sit solutus à DEo, ab illa. Ergo Sacramentum pœnitentiæ, nullam causalitatem habet respectu gratiæ, quod est falsum, nam Sacramentum pœnitentiæ, confert gratiam ex opere operato, in non ponentibus obiecem. Falsitas Consequentis satis luculentè probata est, *disputatione 2. q. 1. & reliquis.* Probatur 2. ex SS. literis. Joan. 20. Dedit hanc potestatem clauium Apostolis, & per ipsos Ecclesiæ, & successoribus Apostolorum in Sacerdotio. *Accipite Spiritum Sanctum, quorum remiseritis peccata.* Lucæ 26. *Oportet predicare in nomine ejus pœnitentiam, in remissionem peccatorum.* 3. Ex conciliis, & traditione Ecclesiæ. In Tridentino Sess. 14. cap. 1. dicitur. *Christus Dominus instituit Sacramentum pœnitentiæ, in remedium vite, illis, qui se post Baptismum in peccati seruitutem, & dæmonis potestatem tradidissent.* 4. Absolutio Sacerdotis, est dispositio, & instrumentum efficax ex statuto DEI; necessarium ad susceptionem gratiæ. Sed dispositio præuia, seu instrumentum, non est signum rememorative, siue ostensiuum alicujus rei præteritæ, sed futuræ. Ergo absolutio Sacramentalis, non est signum absolutionis Diuinæ præteritæ, sed est signum absolutionis futuræ, ad quam ipsa ex pacto Diuino instrumentaliter concurrit. Confirmatur Absolutio Sacramentalis, cum sola attritione absoluit à culpa: Ergo clauis Ecclesiæ habent potestatem dimittendi culpam.

Ad primum in oppositum, Nego Antecedens. Ad probationem Dico, Quod DEus dimittat principaliter, Sacerdos ministerialiter. Ad 2. Nego, Quod semper absolutio facta à Sacerdote, præsupponat culpam esse deletam, & remissam: non enim semper inest contritio actui pœnitentis, sed frequentius attritio, quæ sufficit. Ad probationem Antecedentis ex S. Luca. & S. Joanne, Dico, quod significatur principaliter dimitti peccatum à DEo, ministerialiter verò à Sacerdote. Quod autem leprosus fuit mundatus prius, & Lazarus resuscitatus, quàm Sacerdotes, & Apostoli, ministerium adhiberent, hoc factum fuit, quia mundatio, & præsentatio corporalis ad Sacerdotes, & Apostolos, non poterat fieri, nisi diuersis temporibus. At mundatio spiritualis, potest simul ab utroq; agente principali, & ministeriali fieri. Ad confirmationem dico, eo loco S. Hieronymus intendit solum, non esse positum in arbitrio Sacerdotis tollere, aut retinere peccata, quando, vel quomodo voluerit, quasi possit damnare innocentem, & præ-

uum ab-



num absoluerè, quem ab usum ibi vituperat. Ad 3. Respondeo. Quòd debet intelligi, de clauis præminenti, & vniuersali, non autem ministeriali. Hinc

*Differentia  
inter Sacer-  
dotes nouæ  
& veteris le-  
giæ.*

COLLIGE. Differentiam ponit D. Subtilis, inter Sacerdotes nouæ legis, respectu culpæ, & veteris legis, circa lepram mundandam: nam hi non exercebant signum prognosticum, & efficax, respectu mundationis lepræ sequentis, sed exercebant signum rememoratiuum, mundationis lepræ præteritæ. Sed Sacerdotes Euangelici, per clauis exercent signum prognosticum efficax, mundationis à peccato, sequentis in ultimo instanti prolationis verborum.

#### ARTICVLVS V.

*An potestas clauium, extendat se ad remittendam pœnam debita-  
tam peccato?*

NOTA. Discordant Doctores. Quidam dicunt, potestatem clauium extendi tantum, ad dimissionem pœnæ temporalis, non æternæ. ita Magister in 4. dist. 18. Quidam verò dicunt extendi ad vtramq; pœnam, sed non extendi ad dimissionem culpæ. Sed & hi discordant, nam alii dicunt extendi ad pœnam æternam, tam damni, quàm sensus. Alii verò dicunt quòd se extendat solum ad pœnam damni, non sensus: putant enim, pœnam sensus remitti simul cum culpa, non tamen aperiri januam paradisi, nisi per clauis, per quam apertionem tollitur pœna damni:

*Si clauium  
remittitur  
pœna æter-  
na.*

DICO 1. Potestas clauium præcisè, non extendit se ad dimittendam pœnam temporalem, vt volebat Magister Sententiarum, sed etiam ad dimittendam pœnam æternam. Probatur 1. Ablatâ causâ, aufertur effectus, qui ex illa dependet. At pœna æterna, infligitur à DEO, propter culpam. Ergo qui aufert culpam, aufert quoq; pœnam. Quod enim dat formam, dat consequentia formam: potestas clauium, est potestas dimittendi culpam. Ergo & pœnam, quæ ad illam consequitur propter ipsam culpam. 2. Christus Dominus illis verbis, *Accipite Spiritum Sanctum, quorum remiseritis &c.* magnam dedit auctoritatem Apostolis. Ergo non est verisimile, quòd præcisè, dederit eis potestatem remittendi pœnam temporalem, & non æternam. Confirmatur. Quia pœna temporalis, per alia remedia potest dimitti. Ergo propter pœnam temporalem, non dedit Apostolis, hanc auctoritatem.

3. Sicut



3. Sicut Baptismus institutus est, ut remedium necessarium ad vitam æternam: ita poenitentia Sacramentum, ut remedium ad vitam æternam, ut docet Trident. *Sess. 14. cap. 1.* Sed sicut Baptismus, nihil conferret ad vitam æternam consequendam, nisi deleteret, cum culpa, poenam æternam, ita Sacramentum poenitentia, nihil conferret ad vitam æternam, nisi remitteret poenam æternam. Hinc

**COLLIGE.** Cum poena æterna, sequatur culpam mortalem, & propter ipsam solam infligatur, sequitur necessario, quod si DEUS dimittat per claves poenam æternam, simul dimittit culpam, quia ista de facto, & secundum legem ordinariam dimittuntur, quod docetur in Tridentino *Sess. 6. cap. 4.* Unde illa opinio relata in Notando, est falsa, & in hoc, quod poenam damni distinguit à poena sensus, quod nimirum vi clauium non remittatur poena damni, nam poena damni, & sensus æterna, simul semper manent, nec separantur secundum legem DEI ordinariam.

**DICO 2.** Vi clauium remittitur etiam poena temporalis. Probat. *Vi clauium remittitur etiam poena temporalis.*  
 1. Quia licet per absolutionem sacramentalem dimittatur culpa, & poena æterna, tamen non dimittitur tota poena, sed æterna commutatur in temporalem: 2. Propter erubesceniam in Confessione dimittitur aliqua pars temporalis poenae poenitenti. 3. Sacramentum poenitentia, non est tantæ efficacitæ, sicut Baptismus, in quo remittitur culpa, & omnis poena: at Sacramentum poenitentia, cum sit institutum per modum iudicii, in quo datur facultas arbitrari, & iudicandi in causa poenitentis, & eum liberandi à poena æterna, non tamen absoluendi omnino gratis, sed per impositionem poenitentia. Ergo Sacerdos habet facultatem in poenam temporalem.

**DICES.** Quod ordinatur ad infligendam poenam, non ordinatur ad remittendam illam. Sed potestas clauium, extendit se ad infligendam poenam temporalem. Ergo non ad remittendam illam.

**RESPONDEO.** Extendi ad utrumque, quia in absolutione à peccatis, remittitur aliqua portio poenae, non tamen hinc sequitur, quod per plures absolutiones iteratas de eodem, posset dimittere totam poenam, quia secunda absolutio virtute clauium nullam partem poenae remittit, utile tamen est confessionem iterare de eodem, quia ex merito humiliationis poenitentis, remittitur pars poenae.



## QVÆSTIO IV.

## Vtrum requiratur approbatio in Ministro pœnitentiæ.

*Præfens Quæstio in duos Articulos diuiditur.*

1. Vtrum approbatio requiratur in Ministro pœnitentiæ, & per quem fieri debeat?
2. Quamdiu censenda sit durare facta semel approbatio?

## ARTICVLVS I.

## Vtrum approbatio requiratur in Ministro pœnitentiæ, &amp; per quem fieri debeat?

*NOTA 1.* Post Concilium Tridentinum, requiritur, vt Minister Sacramenti Pœnitentiæ, admittendus ad audiendas confessiones, sit approbatus ab ordinario Episcopo. Ita Concilium Sess. 23. cap. 16. inquit. *Quamuis Presbyteri in sua ordinatione, à peccatis absoluendi accipiunt potestatem, decreuit tamen Sancta Synodus, nullum etiam Regularem, posse Confessiones secularium, etiam Sacerdotum audire, nec ad id idoneum reputari, nisi aut parochiale beneficium, aut ab Episcopis per examen, se illis videbitur esse necessarium, aut alias idoneus iudicetur, & approbationem qua gratis detur obtineat, priuilegiis, & consuetudine quacumq; etiam immemorabili, non obstantibus.* In quo Decreto Concilium vult, ad hoc, vt Sacerdos sit capax jurisdictionis, ad administrandum Sacramentum Pœnitentiæ, vt sit approbatus ab Episcopo, quæ approbatio fit, vel medio examine, vel aliquibus aliis actionibus, quibus constet Episcopo, quod sit idoneus, vel requiritur, quod Sacerdos habeat beneficium, qui enim ad beneficium curatum semel est admissus, videtur iudicatus idoneus.

*Quid sit approbatio.*

*Religiosi à quo accipiunt jurisdictionem.*

*NOTA 2.* Approbatio, non est idem quod jurisdictio, ideoq; ab inuicem possunt separari, nam approbatio, est præuium quid ad jurisdictionem: est enim publica quædam sententia, seu authentica contestatio de sufficientia Sacerdotis ad audiendas Confessiones. Hinc sequitur 1. Religiosos habentes delegatam jurisdictionem per priuilegiū, non accipere illam ab Episcopo, sed à Summo Pontifice, tamen si accipere debeant, & teneantur ab Episcopo approbationem, vt decreuit Concilium Tridentin: Sequitur 2. Posse aliquem approbari ab vno, ab altero verò accipere jurisdictionem. Sequitur 3. Posse aliquem habere approba-



probationem, & non jurisdictionem, quia approbatio, est quasi opus  
justitiæ, quod debetur dignis Personis. At jurisdictio est opus gratiæ,  
quod Episcopus si vult, potest negare secularibus.

Dico 1. Nullus Sacerdos cujuscunq; dignitatis, status, siue regu- Omnis Sa-  
laris, siue secularis, potest audire confessiones secularium, nisi prius ab cerdos debet  
Episcopo approbetur. Ita *Trident: loco citato*. hinc sequitur 1. Nullum approbati  
etiam doctissimum, siue Doctorem in Theologia, siue Lectorem ex-  
cipi ab hoc Decreto: quia Concilium generaliter loquens, approba-  
tionem solis Episcopis committit. Sequitur 2. Non posse Superiores  
religionum, etiam Mendicantium, exponere Sacerdotes sui ordinis ad  
audiendas Confessiones secularium, nisi ab Episcopo approbentur, pos-  
sunt tamen exponere non approbatos ab Episcopo pro confessionibus  
suorum Religiosorum, quia Concilium solum requirit approbationem  
respectu secularium. Porro Gregorius XV. fecit Decretum *Anno Do-*  
*mini 1. 6. 2. 4.* ne Regulares exponant Confessarios tam ordinarios,  
quam extraordinarios pro excipiendis Confessionibus Monialium, nisi  
ad id specialiter sint approbati ab Episcopis ordinariis. Sequitur 2.  
Non posse parochum delegare jurisdictionem ad audiendas Confessio-  
nes, nisi Sacerdoti prius approbato per Episcopum.

Dico 2. Hoc decretum Concilii, extenditur ad quosvis pœni-  
tentes, cujuscunq; sint conditionis, modo non sint Religiosi. Hinc se-  
quitur 1. Cardinales, Episcopos, & alios inferiores Prælatos, non posse  
confiteri, nisi approbato, etiamsi habeant facultatem eligendi Confes-  
sarium. Porro Episcopus si velit confiteri suo subdito, posset eundem  
tunc approbare, si autem alieno, non poterit confiteri, nisi is fuerit à  
proprio Episcopo approbatus. Sequitur 2. Nullum Sacerdotem, at  
multò minùs inferiorum ordinum Clericum, posse confiteri alteri, nisi  
fuerit, à proprio Episcopo approbatus. Sequitur 3. licet Reges, & Prin-  
cipes habeant privilegium ad eligendos Confessarios, non posse confi-  
teri, nisi approbati, post Concilium Tridentinum. Sequitur 4. Re-  
ligiosi, non possunt sine licentia suorum Superiorum, confiteri, nisi il-  
lis, qui sunt expositi pro Confessionibus Religiosorum excipiendis, quiq;  
jurisdictionem à suis superioribus habent, & approbationem, quam ap-  
probationem, Prouinciales debent dare, non locales superiores.

Dico 3. Hanc approbationem soli Episcopi facere possunt, vel ex Qui possunt  
eorum commissione vicarii, seu administratores generales. Deinde approbare.



sede vacante, Capitulum, siue per se ipsum, siue per vicarium, à sede clesum. Ratio est de Episcopo, quia hoc requirit Concilium. De vicario patet, quia censetur esse idem cum illo, in actibus jurisdictionis.

*Quis Episcopus  
potest approbare?*

PETES Quis Episcopus potest approbare? DICO 1. Approbatio loci Episcopi, in quo Sacramentum est ministrandum, non requiritur. Ratio est, quia locus, est quid accidentarium, & sic Parochus potest suum Parochianum audire, extra parochiam, imò & extra Episcopatum.

DICO 2. Ex vi decreti Concilii, sufficit approbatio, ab Episcopo Confessarii per se loquendo, non autem requiritur approbatio, Episcopi poenitentis, si is sit diuersus. Ratio est, quia id esset onus graue, à duobus Episcopis, petere approbationem. Dixi (Per se loquendo,) quia posset Episcopus propriam approbationem restringere, ad poenitentes propriæ diocesis, & sic non valeret pro alienis.

PETES 2. An debeat Sacerdos actu obtinere, vel in scripto hanc approbationem?

DICO. Necessaria est de iure ordinario, vt approbatio actu obtrineatur, nec sufficit, quod petatur, si non obtineatur, etiam si iniuste denegetur. Ratio est, quia Concilium dicit, Nullum posse audire confessiones, nisi approbetur ab Episcopo, & hoc verbo, vel scripto, vel aliquo signo exteriori. Addo potest absenti dari approbatio.

PETES 3. An Regulares petita, & non obtenta licentia, possent audire Confessiones?

RESPONDEO. Concil. Trident. Sess. 23. cap. 15. his verbis. *Priuilegiis, & consuetudine quacumq;, etiam immemorabili, non obstantibus; tollit omnia priuilegia Regularium, quoad hoc, & consequenter Religiosi petita, & non obtenta licentia, seu approbatione ab Episcopo, non possunt audire Confessiones.* Et hoc verum est, de omnibus Religiosis, exceptis Religiosis, de Ordine Minorum, & Ordine Prædicatorum, qui petita, & non obtenta licentia ab Episcopo, possunt audire Confessiones, non ex priuilegiis, quia hæc sunt sublata, sed ex iure, vt expressè illis hoc conceditur in Clementina Dudum, de Sepulturis. Vbi sic habetur. *Si verò iidem Prelati, præfatis Fratribus, (nempe Ordinis Minorum, & Prædicatorum,) ad Confessiones (vt præmittitur) audiendas electi huiusmodi exhibere licentiam recusarint, nos ex nunc ipsis, vt confessiones sibi confiteri volentibus liberè, liciteq; audire valeant, gratiosè concedimus, de plenitudine Apostolica potestatis.* Idem conceditur, eisdem Ordinibus in Extrauaganti, *Inter cunctas de priuilegiis.*



ARTICVLVS II.

*Quamdiu censenda sit durare facta semel approbatio?*

Dico 1. Ille qui habet beneficium parochiale, & per illud est approbatus, non potest sine iusta causa, priuari facultate audiendi confessiones, & consequenter approbatione, licet possit ad tempus ab exercitio muneris suspendi. Ratio est, quia ex hoc, quod beneficium habeat, iure communi habet approbationem ipso facto. Quod si deprehendatur non idoneus, tunc est priuandus officio parochiano, & cogendus ad accipiendum coadjutorem, vel prohibendus ab usu hujus ministerii.

*Approbatio  
quam diu  
durat?*

Dico 2. Approbatio semel facta indeterminatè & sine limitatione certi temporis, semper durat, donec reuocetur, ita vt nec per mortem approbantis censeatur reuocari: facta autem ad certum tempus, ultra illud, non habet vim. Ratio est, quia hæc approbatio, non tam ex gratia, quam ex iuridica sententia fit. A nouo Episcopo, potest iusta de causa reuocari.

Dico 3. Potest ex rationabili causa, omnis approbatio reuocari. Ratio est, Tum quia approbationis usus fundamentum est mutabile, qui enim fuit aptus pro vno loco, pro alio non est aptus. Tum quia potest accidere, vt aliquis approbetur reuera indignus, vel ob negligentiam examinatorum, vel ob fauorè. Dixi (ex rationabili causa), quia multi graues Doctores docent, approbationem reuocatam, sine vlla rationabili causa esse nullam. Ratio est, quia approbatio non est fauor pendens ex voluntate Episcopi, sed est iudicium, & attestatio idoneitatis, ac sufficientiæ.

Dico 4. Episcopi, non possunt Regularium Confessorum approbationem, semel factam reuocare, si sit sine limitatione vlla facta. Hac de re, edidit duo Decreta, Sacra Congregatio Cardinalium ne Regulares ab Episcopis vexentur. Vnum, Anno Domini 1587. die 2. Julii. Aliud, super Concilium Trident: Sess. 22. c. 15. quæ decreta refert Confectius, in Summario Priuilegiorum Mendicantium. Cæterum admissus Regularis cum limitatione, potest examinari pluries ab eodem Episcopo, qui non censetur simpliciter idoneus; quod si ex malitia, Episcopus nolit idoneum simpliciter approbare, sed semper ad certum tempus, vt cogatur sæpius eum adire, peccat grauiter contra iustitiam.

*Episcopi nō  
possunt re-  
probare re-  
ligiosos se-  
mel appro-  
batos.*

Dico



DICES. Potest Episcopus auferre jurisdictionem, vel suspendere in Confessore. Ergo potest & approbationem etiam in Regularibus.

RESPONDEO. Jurisdictionem, & approbationem, esse distinctas facultates, quia ab alio accipitur jurisdictio frequenter, V. G. à Parocho, & approbatio ab Episcopo, licet vtrumq; possunt Sacerdotes seculares ab Episcopo accipere. Porro Regulares solam approbationem accipiunt ab Episcopo, jurisdictionem verò à Papa per privilegia in Clementina *Dudum*: atq; ita Regulares possunt audire Confessiones, quorumcunq; & vbiq; dum modo sint approbati ab ordinariis, in quorum Diœcesi resident. Hinc

*Parochus  
pro tota diœ-  
cesi appro-  
batur.*

COLLIGE 1. Parochus ratione beneficii approbatus, certò debet censi approbatus, pro tota illa diœcesi; an autem sit approbatus extra diœcesim, non videtur esse probabile.

*Regulares i-  
tinerantes  
non appro-  
bati possunt  
audire con-  
fessiones.*

COLLIGE 2. Non sufficit Regulares admissos pro vna diœcesi, esse admissos vbiq; sed debent in vnaquaq; diœcesi approbari. Porro ex privilegiis, debet in vna diœcesi, secundum jus admissi, iter facientes per terras, & mare, possunt in omnibus locis, in quibus non existunt proprii Episcopi, prædicare, & confessiones audire, non repugnantibus tamen curatis, & dummodo sint verè itinerantes, non autem diu commorantes, per vnam, aut alteram hebdomadam. Ita Rodericus tom. 1. q. 59. a. 5.

## QVÆSTIO V.

### De Auctoritate delegata, & facultate eligendi Confessarium.

Hic tria quæram.

1. Quis, & cui potest delegare facultatem jurisdictionis?
2. Vtrum ad jurisdictionem actualis consensus requiratur, vel an sufficiat rati habitio?
3. Quinam habent facultatem eligendi Confessarium à jure?

#### ARTICVLVS I.

*Quis, & cui potest delegare facultatem jurisdictionis?*

NOTA 1. Auctoritas delegandi jurisdictionem, tribus modis contingit. Primò à jure, & sic communicata est regularibus per privilegia. 2. Ex consuetudine, vt in articulo mortis. 3. Per ipsam Personam prælati, qui verbis, vel factis, auctoritatem vult communicare alteri.

Nota



NOTA 2. Hæc delegatio potestatis, non fit per aliquam consecrationem, sed per moralem quandam deputationem, ideoq; qui illam habet, post eandem, cui voluerit committere.

DICO 1. Quicumq; habent jurisdictionem ordinariam, (vt sunt, *Qui possunt delegare.* Summus Pontifex, Episcopus, Parochus) possunt eandem delegare alteri. Ratio est, quia delegatio est vnus actus ex propriis ordinariæ jurisdictionis. Ergo qui habet hanc jurisdictionem potest exercere hunc actum delegationis. Hinc sequitur 1. Papam posse cuilibet Personæ hanc potestatem delegare, modo illa sit Sacerdos, pro quocunq; loco in toto mundo, & pro quibuscunq; peccatis: quia ipsius potestas ordinaria est illimitata. Sequitur 2. Idem posse facere Episcopum in sua diœcesi, nisi contradicat, vel reseruet sibi Pontifex. Sequitur 3. Parochum in parochia sua, idem posse facere, modo non repugnet Episcopus, est tamen limitata hac in parte Parochi potestas: Episcopus enim potest hanc facultatem concedere ad mortem delegati; Parochus autem non potest in perpetuum, curam animarum alteri delegare, quia non potest ipse absens Ecclesiæ seruire per vicarium, nisi per spatium trium hebdomadarum, vt notat Sanchez lib. 3. de Matrim: d. 23. n. 23.

DICO 2. Possunt etiam jurisdictionem fori Sacramentalis delegare Vicarii, & administratores Papæ, & Episcoporum, ac Pœnitentiarius Summus Papæ: quia tales Personæ participant jurisdictionem ordinariam eorum, pro quibus substituuntur. Item ad Parochorum ordinem reducuntur vicarii eorum, maximè qui positi sunt ab Episcopo: quia ejusmodi vicarii sunt delegati ad vniuersitatem causarum: omnis autem talis delegatus, delegare potest. Item Perpetui commendarii. Archipresbyteri, Præpositi, curata beneficia habentes, delegare possunt. Item Prælati Religionum, Abbates, Generales, Prouinciales, Priores, Guardiani. Rectores respectu suorum subditorum Religiosorum. Et in absentia eorum præsidentes, vel vicarii, qui destinati sunt ex Capitulo, vel à Ministro Prouinciali ad regendum in absentia Guardiani, aut Prioris, tempore quo præsident, gaudent auctoritate, & Priuilegiis Guardiani, habentq; jurisdictionem ordinariam. Ita Rodericus tom. 1. q. 19. articulo 2. Hinc

COLLIGE 1. Religiosi, habentes delegatam potestatem à Pontifice: ad audiendas Confessiones vbiuis locorum, non possunt illam cuiquam delegare: & sic Vicarius Parochi, qui solum adiutor est Parochi,

*Delegatus ad communionem potest delegare.*



rochi, non potest delegare, quia Parochus, non plenè committit illi suas vices, sed solum in parte.

**COLLIGE 2.** Delegati ad vniuersitatem Causarum, possunt dare licentiam audiendi confessiones, non tamen possunt dare facultatem delegandi subdelegato: quia subdelegatus talis, delegare non potest.

**COLLIGE 3.** Habens jurisdictionem specialem Papalem, vt Regularis, sine licentia speciali Episcopi, vel Parochi potest audire Confessiones, neq; potest impediri ab Episcopo, vel Parocho. Similiter qui habet jurisdictionem ab Episcopo, potest audire sine licentia Parochi confessiones, optimum tamen esset petere licentiam ab Ordinariis, ob vitanda scandala, quæ inde oriri possunt, Ordinarii verò talem jurisdictionem à Papa, vel Episcopo habentibus, non debent contradicere.

*Jurisdic-  
tio  
duobus com-  
mittitur.*

**DICO 3.** Hæc jurisdictio, potest committi alicui duobus modis. Vno modo, vt ille cui committitur eâ vtatur, & sic soli Sacerdoti delegatur. Alio modo vt alteri eam committat: & sic potest delegari clerico: & sic vicarii Episcoporum, possent esse non Sacerdotes:

**PRES 1.** Quamdiu censenda est durare semel facta delegatio?

**DICO 1.** Quando datur ad præfixum tempus, durat vsq; ad illud, nisi interim reuocetur. Paret ex se.

*Duratio de-  
legationis.*

**DICO 2.** Quando delegatio facta est indefinitè, & illimitatè à Papa, vel Episcopo, non cessat etiam & post mortem illorum. Porro delegatio à Parocho facta, sine approbatione Episcopi, non videtur durare post mortem ejus: In Polonia tamen videtur esse praxis recepta, vt vicarii temporarii Parochorum, retineant jurisdictionem delegatam, etiam post mortem illorum, idq; est expediens ob morale periculum, ne multi decedant sine Sacramentis, dum nouus Parochus expectatur.

## ARTICVLVS II,

*Vtrum ad jurisdictionem actualis consensus delegantis, requiratur, vel an sufficiat ratihabitio?*

**DICO 1.** Requiritur actualis consensus delegantis, isq; signo aliquo manifestatus. Ita ex communi sententia Suarez *disp. 26. Sect. 1.*

*Consensus  
actualis re-  
quiritur.*

Prior pars Probatur. Quia delegare jurisdictionem, est actus voluntatis ejus hominis, qui potestatem habet. Ergo sine actuali voluntate ipsius, non confertur alteri jurisdictio: sine jurisdictione autem, irrita est absolutio in pœnitentiæ foro. Altera pars probatur. Quia delegatio

*juris-*



jurisdictionis (sicut, & aliæ concessionēs) fieri debet modo humano, & sensibili, ut ab altero cognosci, & acceptari possit, ideoq; non sufficit mera voluntas interna, sed eam, verbo, scriptura, aut facto sufficienter manifestatam esse oportet.

DICO 2. Absolutio data, spe futuræ ratihabitionis, non est valida. Ita Nauar. *cap. 9. in manuali, n. 6. Et in cap: Placuit de pœnitentia d. 6. n. 103.* Syluester *Verbo confessor 1. q. 6. dicto 8.* Suarez *diff. 26.* & alii. Probat 1. Quia Sacramentum Pœnitentiæ inualidè confertur ab eo, qui jurisdictionem non habet actuale. Sed Sacerdos absolvens spe futuræ ratihabitionis, caret jurisdictione, quia jurisdictio delegata, non acquiritur sine consensu delegantis, quem tempore absolutionis, iste qui futuræ ratihabitionis spe absoluit, non habet. Ergo absolutio talis inualida est. Quare si aliquis sciat aliquem Sacerdotem, non esse admissum, neq; approbatum ab Episcopo, nihilominus velit confiteri illi, quia sperat, quòd Episcopus ratam habebit hanc confessionem, talis confessio est inualida. Probat 2. Sacramentum non potest pendere à futuro euentu contingenti, ponamus enim pastorem ordinarium, re postea cognita non consentire. Ergo ratihabito subsequens efficere non potest, ut absolutio antea data conualescat. 3. De jure diuino requiritur, ad essentiam Sacramenti Pœnitentiæ in ministro jurisdictione. Ergo inualida est illa absolutio data ab eo, qui non habet jurisdictionem. Vnde recte concludit Nauar *citato loco num. 103. Sacramentum quod ab initio nullum est, nulla ratihabitione etiam Papa validum fieri potest.*

*Absolutio spe ratihabitionis non est valida.*

DICO 3. Præsumptio de præsentī, (quæ est, quando aliquis dum confitetur alieno, putat proprium Parochum tunc ratum habere) licet rationabilis sit, tamen nihil confert ad valorem Sacramenti, si re ipsa consensus signo quocunq; declaratus, & consequenter jurisdictionis commissio defuit, sicut benè explicat Medina *q. 31. corol. 2. cod. de Confess.*

DICES. Potest aliquis uti re alienâ ex voluntate Domini, rationabiliter præsumptâ. Ergo similiter confessiones audire, ex voluntate Superioris rationabiliter præsumptâ. RESPONDEO. Distinguendum esse inter id, quod licitè fit, & quod validè. Qui enim re alienâ bona fide utitur, eamvè alienat putans esse voluntatem Domini, cum non sit, à culpa quidem liber, sed alienatio plerumq; irrita, & restitutio fieri



debet domino, quatenus res adhuc extat: Sic etiam qui confessiones audit rationabiliter existimans Pastorem, non tantum scire, sed & consentire, culpa quidem immunis est, si habeat quasi moralem certitudinem, qualis omnino hic requiritur, ob honorem Sacramenti, attamen si re ipsa consensus abfuit, inualida est absolutio, quia defuit jurisdictio, quæ sine actuali Pastoris consensu, non acquiritur. **RESPONDEO.** 2. Esse disparem rationem de usu, vel alienatione rei alienæ ex præsumptione, & de confessione ex præsumptione: nam qui re alienâ utitur, eam ut alienat rationabiliter existimans dominum postea rem ratam habiturum, non solum non peccat, sed etiam ratihabitio subsequens confirmat actum priorem, juxta regulam 10. in 6. *Ratihabitionem retrahit, & mandato, non est dubium equiparari.* At de Sacramento pœnitentiæ alia est ratio, in quo Sacerdotis jurisdictio, sicuti & ejusdem intentio, tunc adesse necessario debent, cum Sacramentum perficitur. Hinc

*Etiam in co-  
tractu ma-  
trimonii nõ  
valet præsu-  
ptio.*

*Jurisdictio  
pertinet ad  
substantiam  
pœnitentiæ.*

**COLLIGE.** Quod sola spes ratihabitionis postea futuræ, vel falsa existimatio, seu præsumptio consensus præsentis, non sufficiat ad præstandum Matrimonii valorem: cum enim licentia requisita ad valorem actus, necessario antecedere debeat. *l. Si quis mihi, § Jussum ff. de acquir. hered.* consequens est, quod sola spes ratihabitionis etiam ad matrimonium, non sufficiat. Alia est ratio de aliis Sacramentis, cum ad eorum administrationem, non requiratur consensus pastoris (sicut requiritur ad substantiam Matrimonii, post Concilium Tridentinum, vel sicut requiritur ad ministrandum Sacramentum pœnitentiæ jurisdictio, quæ pertinet ad substantiam illius non autem V. G. ad ministrandum Sacramentum Eucharistiæ, vel Baptismi,) sed solum ut debitus ordo servetur in Ecclesia. Hinc

**COLLIGE.** Si superior signo aliquo externo, ratam habeat absolutionem de præsentis, absolutio valida est. Ratio est, quia in tali casu per signum illud exterius consensus præstatur, & jurisdictio confertur. Si verò superior ratam habeat absolutionem, absq; signo externo, non est valida, quia nullo modo consensus exprimitur, quod ad jurisdictionem requiritur. Ita Bonacina *de Pœnitentia Sacramento, Disp. 5. q. 7. puncto 4. S. 1. numero. 13. & alii multi, quos ibidem citat.*



ARTICVLVS III.

Quinam habent facultatem eligendi confessorium à jure?

DICO 1. Solus Pontifex ex jure Diuino, habet facultatem eligendi Confessorium. Ratio est, quia nullum in terra Superiorem habet. Ergo sicut à Christo Domino habet potestatem, supra vniuersam Ecclesiam, ita & super seipsum, quatenus est homo: quia verò de Sacramenti hujus essentia est, vt sint diuersi pœnitens, & Confessarius, ita hanc jurisdictionem, Pontifex, vt vicarius CHRISTI Domini, dat confessorio super se.

Papa ex jure Diuino habet licentiam.

DICO 2. Episcopiconsecrati (non autem electi, aut nominati,) etiamsi careant Episcopatus possessione: & præterea confirmati, etsi non consecrati, ita vt Episcopatum jam habeant. Item Archiepiscopi, Patriarchæ, Primates, Cardinales, etiamsi non sint Episcopi, nec jurisdictionem, nec consecrationem habeant, habent facultatem eligendi Confessorium, datam à jure cap. Ne pro dilatione, de pœnitentiis, & remissionibus. Item hanc licentiam habent, omnes Prælati inferiores, exempti à jurisdictione Episcopali, etiamsi habeant alios Prælatos Superiores infra Papam, vt sunt Priores, Guardiani, Abbates, Provinciales, Generales Ordinum: isti omnes possunt eligere sibi Confessorem, sine sui Superioris licentia, ne propter dilationem pœnitentiæ, periculum imminet animarum. De Parochis est dubium, aliqui tenent eos gaudere iisdem priuilegiis, vt Angelus, & Syluester verbo Confessio. num. 8. Aliqui negant, vt Suarez disp. 27. Sect. 1. quia Parochi, non sunt exempti à jurisdictione Episcopali, neq; sunt subiecti immediatè sedi Apostolicæ, Probabile tamen mihi videtur, quòd Parochus vnius diœcesis, possit confiteri alteri parochio, vel Sacerdoti approbato alterius diœcesis, vt constat ex Petito, primo, posito sub Articulo 1. quæstion. precedentis, conclusionem 2.

Archiepiscopi. Episcopi. Cardinales.

Nota de Parochis.

DICO 3. Probabilius est, nullum esse casum, ob quem concessa sit facultas, jure Ecclesiastico, cuilibet eligendi Confessorium, sed quando iusta causa id exigeret, tunc, vel est recurrendum ad Superiorem, vel petenda facultas, vel certè confitendum coram aliquo habente delegationem priuilegiatam. Hinc

Nota distinger.



**COLLIGE.** Hæc facultas, eligendi Confessarium à jure Ecclesiastico, non finitur vna vice, vt aliqui volebant, sed qui eam habet, potest pro arbitrio plures eligere confessarios.

**PETES.** A quo concedatur, & quomodo facultas eligendi Confessarium?

**DICO 1.** Quicumq; habent facultatem ordinariam, possunt concedere facultatem eligendi Confessarium. Ratio est, quia qui habent facultatem ordinariam, delegare eam possunt.

**DICO 2.** Si facultas eligendi Confessarium fuit determinata, ultra non extenditur.

## QVÆSTIO VI.

**De Casibus reservatis, & quis possit ab illis absoluerè**

1. Hic quaeremus. Vtrum in Ecclesia sit potestas reservandi peccata, & quænam?
2. Quinam habeant potestatem reservandi sibi casus, & quam ob causam?
3. Vtrum in Religionibus possint superiores reservare casus ad libitum suum?
4. Quinam habeant potestatem à casibus reservatis?
5. An Religiosi mendicantes per privilegia sibi concessa, possint absolvere à Casibus Papæ, & Episcopo reservatis?
6. Vtrum propter casus reservatos dimidiari possit confessio?
7. Vtrum peccata reservata, quorum pœnitens in Confessione superiori fuit oblitus, maneat sub eadem reservatione?
8. Vtrum Sacerdos, qui tempore jubilei, absoluit pœnitentem à reservatis, si intra tempus jubilei ille pœnitens iterum committat peccata reservata, possit vigore jubilei ab iisdem absolui ab eodem?

### ARTICVLVS I.

*Vtrum in Ecclesia sit potestas reservandi peccata, & quænam?*

**DICO 1.** affirmatiuè. Est contra hæreticos, definita in Concilio *Trid. Sess. 14. c. 7.* maximè contra Vuiclephum, qui dixit reservationem caluum, esse contra regulas charitatis, vt refert *Valdensis Tomo 2.* *Casus iuste de Sacramentis capite 149.* Verba Concilii Tridentini sunt hæc. *Magis oportet ad populi Christiani disciplinam pertinere Sanctissimis Patribus nostris visum est, vt atrociora quedam, & grauiora crimina, non à quibusuis, sed à summis duntaxat Sacerdotibus absoluerentur.* Probatum ratione 1. Reservare casus, non est aliud, quàm non communicare jurisdictionem inferiori quoad illos. Sed hoc superiores in Ecclesia possunt. Ergo. Minor probatur, quia si omnimodam suam jurisdictionem, inferioribus



ribus quibuscunq; Ecclesiæ Ministris, indifferenter concederent, periret ex ea parte Ecclesiastica Hierarchia, & ordo, quem tantoperè in nobis commendat S. Paulus. Non esset etiam Ecclesia, tanquam acies castrorum ordinata: Neq; sicut corpus, in quo aliud caput, aliud manus, aliud oculi, sed omnia essent caput, manus, oculi, & cætera, quod est contra S. Paulum. Ergo

Probatur 2. ex ratione boni regiminis, quæ postulat, ut causæ grauiores, grauiori iudicio subdantur. Sed Christus Dominus in Ecclesia, optimum regimen constituit. Ergo. DICES. Omnes Sacerdotes in sua Ordinatione, accipiunt potestatem remittendi peccata in foro conscientiae. Ergo hæc illis auferri non potest. Confirmatur Sacerdotes contra prohibitionem superiorum, possunt baptizare, & consecrare validè. Ergo absoluerunt:

RESPONDEO. Præter clauem potestatis, necessariò requiritur in Ministris Pœnitentiæ Jurisdictio ut dixi, *precedentibus Questionibus*. Ad Confirmationem etiam dico, negando Consequentiam, quia ad absoluerendum in Sacramento pœnitentiæ, de essentia requiritur vsus jurisdictionis, non item ad baptizandum, consecrandum. 3. Probatur, Quia quò majores, & difficiliore sunt animorum morbi, eò majori studio peritiores, & prudentiores, debent medici adhiberi. Sed prælati, & docti Confessarii sunt prudentiores medici. Ergo. Deniq; Quia non solum nostro seculo, sed etiam primis Ecclesiæ temporibus, frequens fuit reseruatio grauiorum criminum, ut constat ex antiquissimis Canonibus pœnitentialibus in Extrauaganti *Inter cunctas de privilegiis*. patet ex scriptis antiquorum Doctorum, Scholasticorum, S. Thomæ: Sancti Bonaventuræ. Richardi. qui in 4. *Sententiarum dist. 17. de Casuum reseruatione disputarunt*: constat ex Epistolis S. Cypriani præsertim ex Epistola 16. libri tertii. constat ex facto Episcoporum, ut de S. Ambrosio refert Sozomenus lib. 7. c. 23. qui excommunicauit Theodosium Imperatorem, ob iniustas cædes per eum in vrbe Thesalonica patratas, ejusq; peccati pœnitentiam, & vinculi solutionem ita sibi reseruauit, ut nullus, inferiorum Sacerdotum, Imperatorem Ecclesiæ reconciliare auderet. Demum hoc euidenter constat ex Concilio Carthaginensi 3. cap. 32. ubi dicitur *Quod Presbyter inconsulto Episcopo, non reconciliet pœnitentem, nisi ultima necessitas cogat*.

DICO 2. Peccata quæ reseruari consueuerunt, non sunt peccata *Peccata interna,*



*terna non  
reſeruantur*

interna, ſed ſolùm externa, mortalia. Ratio eſt, quia Eccleſia, non iudicat de occultis. Ergo non conſuevit reſeruare interna, ſed ſolùm externa. Tùm quia reſeruatio introducta eſt, propter atrociora, & grauiora crimina, quæ diſciplinam chriſtianam turbant. Sed peccata interna, non pertinent ad diſciplinam populi Chriſtiani, quæ externa eſt, Ergo. Tùm quia ſolùm mortalia externa cadunt ſub iudicium Eccleſiæ. Inde.

COLLIGE. Superior poſſet quidem, & interna peccata ſibi reſeruare, ſicut & externa, tamen regulariter, & ordinariè loquendo, non debet: tùm quia inde ſequeretur, magna perturbatio conſcientiarum: tùm quia conſuetudo prohibet.

*Venialia nõ  
reſeruantur.*

DICO 3. Peccata venialia non reſeruantur; nec reſeruari poſſunt. Ratio eſt, quia cùm non ſint materia neceſſaria confeſſionis, non poteſt Superior ordinare, vt nemo ipſa abſoluat, niſi ille, quia habens venialia, poſſet negligere huiusmodi ordinationem, cùm non teneatur ad Confeſſionem talium peccatorum. Tùm quia non debent reſeruari, niſi grauiora. Ergo non venialia. Hinc

COLLIGE. Poſſe, præſertim Summum Pontificem, aliqua venialia ſibi reſeruare, ita vt non poſſit inferior ab illis abſolvere; ſed hoc nunquam fecit, nec faciet, quia nulla neceſſitas cogit.

*Mortalia  
poſſunt reſeruari.*

DICO 4. Peccata mortalia, poſſunt, & de facto reſeruantur, non ſolùm illa, quæ habent annexam aliquam Cenſuram; ſed etiam, quæ nullam Cenſuram habent annexam. Probat. Quia cùm poteſtas iuriſdictionis, quæ requiritur cum poteſtate ordinis, emanet à Pontifice in Episcopos, & alios inferiores paſtores, poteſt eam illis limitatam concedere, & illi eandem limitare ſuis inferioribus, in iis, in quibus hoc ſibi à Summo Pontifice, non eſt prohibitum. Ergo à Superioribus, poſſunt reſeruari caſus, non ſolùm ratione cenſuræ, ſed etiam ratione culpæ. Hæc conſeſſio, conſtat ex Tridentino *Seſſ. 14. Capite 7.* quæ authoritas eſt citata ſub prima Concluſione.

## ARTICVLVS II.

*Quinam habeant poteſtatem reſeruandi caſus, & quam ob cauſam?*

Quantum



Quantum attinet ad Quis referuare possit? Dico Primo. Summus Pontifex, qui habet potestatem jurisdictionis, immediatè à DEO collatam, & ab illo in omnes alios descendit, potest peccata aliqua sibi pro absolutione referuare. Ratio est, quia Superior potest id, quod salutem animarum expedit. Sed referuatio casuum, salutem animarum expedit, ut à peccatis pœnitentes retrahantur. Ergo.

QVÆRES I. An referuatio Pontificia, cadat immediatè in culpam, an solum in censuram, vel simul in vtrumq;?

Referuatio Pontificia.

Dico, Duplex est opinio. 1. asserit omnia, & sola illa peccata Summo Pontifici esse referuata, quibus annexa est excommunicatio, ipsi referuata, ita ut sublatà excommunicatione per Summum Pontificem, aut alium de ejus facultate, nullum sit peccatum Summo Pontifici referuatum; Atq; ita juxta hanc opinionem, referuatio Summo Pontifici, non cadit immediatè supra culpam, sed super Censuram, & mediante censurà, super culpam: nemo enim potest absolui à culpa, nisi prius absoluitur à Censura. Ita Nauar. in Manuali cap. 27. numero 261. Cajetanus verbo casus. S. Antoninus 3. p. titulo 17. cap. 11. Soto in 4. dist. 18. Ratio eorum est, quia ablata Censurà, culpa non est ampliùs referuata.

2. Opinio asserit, quod referuatio Pontificia, cadat super censuram, & super culpam, ita quod vtrumq; sit referuatum. Hæc Sententia, est communior Doctorum in 4. dist. 17. quos refert, & sequitur Suarez, diss. 29. Sectione 2. num. 4. Probatur 1. Referuatio prius cadit super culpam, deinde super censuram. Ergo super vtrumq;. Antecedens patet ex Concilio Tridentino Sess. 14. cap. 7. ubi ait. Visum esse referuare absolutionem culpam, à Summis Sacerdotibus. Ergo non censurarum tantum. Et infra subdit. Et præsertim quoad illa, quibus Excommunicationis Censura annexa est. Ergo referuatio cadit super culpam prius, postea super censuram, cum culpa sit principale, quod Pontifices vitare cupiunt, & propter quod imponunt, perpetrantibus talia crimina, censuras, quas sibi referuant.

Referuatio Pontificia cadit super culpam, & censuram.

Confirmatur 1. Quia decreta Summorum Pontificum extant, quæ referuant sibi peccata, & non solum Censuram, tale decretum eruitur antiquum ex capite Si quis suadente. 17. q. 4. ubi absolutio, quæ referuatur, non refertur solum ad Censuram, sed etiam ad peccatum. Ergo simpliciter



pliciter reſeruatur, tam cœſura, quàm peccatum. Aliud decretum eſt Sixti V. datum Anno 1589. Vbi Simoniacè promotos ſuſpēdit, & non excommunicat, ipſum tamen peccatum ſedi Apoſtolicæ reſeruatur. Confirmatur 2. contraria opinio, videtur repugnare praxi Eccleſiæ, quia prudentes omnes ſolent talibus præcipere, vt iterum confiteantur iis, qui eos abſoluere poſſunt, vt dicam diſp. 10. q. 2. art. 7. Ad rationem prioris opinionis dico, verum eſſe dimiſſa Cœſura, dimitti quoq; reſeruationem culpæ, ſed hoc non prouenit, quia ſint vnum, & idem, ſed quia eſt praxis Eccleſiæ, vt quando concedit facultatem abſoluendi à Cœſuris, concedat quoq; facultatem abſoluendi à culpa: quod apertè colligitur ex Tridentino Seſſ. 24. cap. 6. vbi dicitur. *In quibuscunq; caſibus, etiam ſedi Apoſtolice reſeruatis, delinquentes quoscunq; abſoluere.* Quibus verbis dat facultatem Episcopis, & eorum vicariis abſoluendi crimina, & Cœſuras, quod ex hoc vocabulo (Caſus) colligitur.

QVÆRES 2. *Quoi ſunt caſus, Summo Pontifici reſeruati?*

DICO 1. Non poſſe certum numerum aſſignari: crescente enim quotidie malitiâ hominum, creſcunt quoq; Summorum Pontificum reſeruationes, quia tamen neceſſarium eſt Confellario, illas cognoscere, eas diſput. 10. vbi de cœſuris tractabimus, enumerabimus, quæſt. 2. a. 2.

DICO 2. Non ſolum Summi Pontifices reſpectu Episcoporum, ſed etiam Episcopi reſpectu parochorum, & aliorum Sacerdotum in ſua diœceſi, poſſunt ſibi reſeruare caſus, & Parochi reſpectu vicariorum, aut aliorum Sacerdotum ſibi ſubditorum. Ratio eſt eadem, quæ & primæ conſiſionis.

QVÆRES 3. *Qui, & quotuplices ſunt caſus Episcopis reſeruati?*

NOTA. Caſus Episcopis reſeruati, ſunt in triplici differentia. Quidam reſeruantur illis ipſo iure: quidam generali conſuetudine Eccleſiæ: quidam ſpeciali conſuetudine, aut conſtitutione ſingulorum Episcopatum.

*Caſus Episcopis reſeruati iure.*

Circa Caſus iure reſeruatos Episcopis, eſt magna controuerſia inter Doctores, nam aliqui numerant ſex, juxta Gloſſam Capite 2. de pœnitentia & remiſſione lib. 6. Incendium ex propoſito factum, & conſilium ſeu auxilium ad id præſtitum. 2. Peccatum ob quod ſolennis pœnitentia injungēda eſt. 3. blaſphemia publica, ſed in iure ſolùm pœnitentia aſſignatur in foro exteriori tali peccato vt obſeruant Nauar: c. 27. & Angelus, Verbo Caſus reſeruati. 4. Peccatum Clerici habens anne-



am irregularitatem. Sed hic absolui potest remanente irregularitate, ut ibidem docet Nauar. *num. 5.* 5. Dispensatio votorum, & iuramentorum. Atqui dispensatio, non est casus reservatus. Ergo. 6. Absolutio Excommunicationis majoris. Atqui Excommunicatio, non est peccatum, sed pœna peccati. Ergo juxta probabilem sententiam casus ex jure Episcopo reservatus est tantum vnus scilicet incendium voluntarium. Ita Nauar. *loco citato num. 262.*

*Casus Episcopis reservati de consuetudine generali Ecclesie, juxta* *Casus Episcopis de consuetudine.*  
Glossam in Extrauaganti. *Inter cunctas de priuilegiis.* Et Nauar: *lo-*  
*co citato,* sunt hi. 1. Homicidium voluntarium, aut realis membro-  
rum abscissio. 2. Falsitas in scripturis, testimoniis, & reticentia veri,  
in iudicio. 3. Ostensio scripturarum per notarios, & aduocatos parti  
adversæ. 4. Violatio immunitatis Ecclesiasticæ. Sed hic casus modo  
est Bullæ cænæ domini. 5. Retentio incertorum alienorum. Nauar:  
*cap. 17. num. 92.* 6. Sortilegium, Diuinationes, Incantationes, Præ-  
stigia, veneficia, tam exercentium, quam recurrentium. 7. Incestus  
cum cōsanguineis in primo, & secundo gradu, & cum affinibus. 8. Cor-  
ruptio Monialium. 9. Voluntaria percussio parentum. 10. Concu-  
bitus contra naturam, seu Sodomia. 11. Bestialitas. 12. Adulterium  
notorium. 13. Apostasia à fide, & Religione. 14. Raptus, & viola-  
tio virginis. Deniq; dicunt graues authores, quod omne peccatum, ha-  
bens annexam excommunicationem.

*Casus specialiter reservati Episcopis* sunt illi, quos quilibet Episco-  
pus, in sua Diœcesi, pro suo arbitrio, & exigentia reservat, quos Con-  
fessarii inquirent.

Quantum attinet ad *Causam reservationis.* Dico 1. Ut casus re-  
servatus sit validus, & licitus, debet habere tres condiciones. 1. Debet  
esse peccatum mortale, quia tanta pœna, non imponitur pro veniali.  
2. Debet esse peccatum graue, cuius reservatio conducat ad bonum com-  
mune, pro vtilitate subditorum, non pro voluntate Superiorum. 3. De-  
bet esse actus externus completus.

Dico 2. Casus qui reservatur sine iusta Causa, est quidem va-  
lidus, sed non licitus, peccant tamen Superiores, sine iusta causa re-  
seruantes.

### ARTICVLVS III.

*Vtrum in Religionibus, possint reservare casus superiores ad libitū suū?*

R r

NOTA



*Casus refer-  
nati Regu-  
larium.*

NOTA I. Clemens VIII. decreuit, vt nemo ex Superioribus Regularium casus sibi referuet, exceptis iis qui sequuntur: Extat hac de re Bulla Clementis VIII. Anno Domini edita 1594.

*Veneficia.*

Primo. *Veneficia. Incantationes. Sortilegia.*

Per *Veneficia*, significantur opera magica, quæ nos maleficia vocamus, quæ nimirum ex pacto cum dæmonibus inito, nocumentum inferunt hominibus, aut eorum possessionibus. Deinde per *veneficia*, significatur veneni propinatio, etiam si non habeat magicum quid conjunctum, licet ex tali veneno procurato, & propinato, non sit secuta mors. Ita Croulers in caput 7. *Regula lectione 13.*

*Incantatio-  
nes.*

Per *incantationes* intelliguntur hic verba, dæmonis arte adinuenta, vel ad ejus placitum instituta, ad quodlibet faciendum, siue illud sit sanitas, siue morbus, siue ludicrum, siue ad dæmonem inuocandum, tacite, vel expresse. In hunc quoque casum incidunt qui incantatoris operâ vtuntur. Ita Cyprianus Croulers loco citato.

*Sortilegia.*

Per *Sortilegia* intelligitur ille vsus sortium, quarum directioni, præest diabolus pacto expresso, vel tacito, inter diabolum, & mittentes sortes, siue illæ sint diuinatoriæ, quæ scilicet mittuntur ad cognoscendum, quid cuique tribuendum; siue consultoriæ, vt sciatur, quid in aliquo negotio faciendum, cauendumque sit; siue diuinatoriæ, quibus aliqui vtuntur ad aliquid occultum cognoscendum, vt si sic, vel aliter lapilli, chartæ &c. decident, conjecturatur aliquid prosperum, vel aduersum. In hunc casum incidunt qui Sortilegos consulunt. Hinc

*Pactum ex-  
pressum.  
Tacitum.*

COLLIGE. Pactum expressum est, quando expressis verbis invocatur dæmon, & cum illo pactum initur. Tacitum pactum est, quando quis cognitionem soli DEO reservatam, mediis vanis, & indebitis procurat, nam quamuis præter intentionem ejus sit, dæmonem inuocare, nihilominus eò ipso, quod quis hæc media vana intentat, quibus libentissimè se dæmon permiscet, vult à dæmone vanorum inuentore edoceri, vel adiuuari. Vel tacitum etiam est quando aliquis vtitur signis, quibus veneficæ vtuntur. &c.

Secundus casus, *Apostasia à Religione, siue habitu dimisso, siue re-  
tento, quando eò peruenit, vt extra septa monasterii sui, seu Conuentus fiat  
egressio.*

*Apostasia.*

Per *Apostasiam à religione*, intelligitur discessio facta ab illa, animo non redeundi ad institutum religiosum.

COL



**COLLIGE.** Per septa monasterii, intelligitur egressus extra murum, aut septum, intra quod noctu, non solet patere accessus secularibus. vnde si quis apostatandi animo jam esset egressus, ipsam domum Monasterii, hortum tamen non esset egressus, etiamsi veram Apostasiam commisisset, non tamen reservatam, neq; habentem annexam excommunicationem.

*Septa monasterii.*

**Tertius casus, Nocturna, & furtiva è Conuentu egressio, etiam non animo apostatandi facta.** *Furtiva*, id est inscio, & invito Superiore. Imo & ipse Superior si noctu egrediatur, nemine ex fratribus conscio, incidit in hunc casum. Huic tamen casui non putant aliqui annexam esse excommunicationem, nisi dimittatur habitus: contrarium est probabilius, & in praxi.

*Tertius casus.*

**Quartus Casus, Proprietas, contra votum paupertatis, qua sit peccatum mortale.** Explicatur, Hæc proprietas in eo consistit, quod quis accipiat, retineat, & utatur aliqua re contra expressam voluntatem, vel probabiliter præsumptam, Superioris, & etiam Domini ipsius rei, in nostra religione, siue id fiat inscio, siue conscio Superiore. Porro proprietas mortifera est, quando res appropriata, est notabilis momenti, juxta Expositores Regulæ nostræ, est illa res notabilis, quæ valorem trium Juliorum, & grossorum Polonicorum 30. adæquat. Inde

*Proprietas 4. casus.*

*Res notabilis qua*

**COLLIGE 1.** Dispensator rerum monasterii, si distribuat aliis plura, & meliora, est proprietarius, si sit res notabilis.

**COLLIGE 2.** Qui aliquid notabile abscondit, ut illud liberæ dispositioni Superioris subducatur, incidit in casum reservatum.

**COLLIGE 3.** Non solum, qui aliquid notabile accipit, incidit in casum reservatum, sed etiam qui accipit siue ab externis siue à domesticis, contra voluntatem expressam, vel præsumptam probabiliter Superioris.

**Quintus casus, Juramentum falsum, in judicio regulari, vel legitimo.** Explicatur, Quando quis juridicè, & legitime interrogatur à Superiore, siue ut reus, siue ut testis, & ipse pejeret, incidit in casum reservatum; Aduerte tamen hic, non teneri testem veritatem dicere, si ex relatu ipsius rei, vel aliorum sciat.

*5. casus.*

**Sextus casus. Procuratio, auxilium seu consilium ad abortum faciendum, post animatum fatum, etiam effectu non secuto.**

Circa hunc casum, Sixtus V. Anno Domini 1588. seuerum decretum



*Nota contra abortum facientes.*

cretum edidit contra seculares, & Regulares, abortum procurantes, consulentes, auxiliantes, siue abortus, esset foetus animatus, siue inanimatus, nam præter excommunicationem, seculares subjecerat pœnis homicidarum; clericos priuatione omnium officiorum, & beneficiorum. Hunc rigorem mitigauit Gregorius XIV. nimirum qui procurant abortum foetus inanimati, non incurrunt excommunicationem, nec irregularitatem, licet mortaliter peccent: qui verò foetus animati procurant abortum, incurrunt excommunicationem, non tamen Pœnæ reservatam, sed casum reservatum incurrunt, irregularitatemq; contrahunt. Clericus verò secuto effectu, manet priuatus officio; has pœnas subeunt, qui consulunt abortum, imò pater foetus animati, si taceat, audiens quod mater velit procurare abortum, nihil aliud faciendo, omnes prædictas pœnas incurrit. Porro non incurritur irregularitas, si non sequatur mors ex procuratione abortus, incurritur tamen casus reservatus, & excommunicatio à Regularibus, quia sub tali modo iussit Clemens VIII. reservare casum; à secularibus verò, si effectus non sequatur, neq; irregularitas, neq; aliæ pœnæ incurruntur: quia conatus solus ad culpam non meretur pœnam ordinariam legis, effectu non secuto. Quis autem possit dispensare ab irregularitate tali, dicitur *Disp. 10. q. 5. art. 4.*

*7. casus.*

Septimus casus, *Falsificatio manus, aut sigilli.* Id est quando ad imitationem Sigilli conuentus, vel officii Superiorum, aliud, vel etiam manum effingunt.

*8. casus.*

Octauus *Furtum de rebus Monasterii, in ea quantitate, qua sit peccatum mortale.* Explicatur, per res monasterii, intelliguntur res ad usum fratrum, vel Conuentus assignatæ, siue sint ad victum, siue ad amictum, siue ad ornatum Ecclesiæ, vel monasterii pertinentes, talia enim surripientes, incurrunt casum reservatum, in specie sacrilegit, imò si sit furtum rei notabilis, ministerio Ecclesiæ deseruientis, V. G. librorum, calicis, ornamentorum, cum effractione seræ, fenestæ, januæ, incurritur excommunicatio.

*9. casus.*

Nonus casus, *Lapsus carnis voluntarius, opere consummatus.* Dicitur (opere consummatus) id est, omnis lapsus carnis voluntarius, qui sit per effusionem seminis, siue in secundam personam, siue in seipsum, per actus exteriores procuratam, vt per tactum, & motum libidinolum: imò, & qui est causa alteri seminationis, per tactum, incidit in hunc casum. Addo si per aspectum inducatur pollutio, ex rebus inhonestis, puto esse reservatam.



Decimus casus eſt, *occifio, aut vulneratio, ſeu grauis percuſſio, cuiuscuq; Perſona.* 10. casus.

Dicitur (*Cuiuscuq; perſona*) Id eſt, ſiue ſit ſecularis, ſiue Regularis, & Eccleſiaſtica, dummodo ſit percuſſio injurioſa, quæ ſit peccatum mortale, quæ ſi in clericum cadit, habet annexam excommunicationem.

Vndecimus casus, *Malitioſum impedimentum, aut retardatio, aut apertio literarũ à Superioribus ad inferiores, & ab inferioribus ad Superiores.* 11. casus. Patet ex ſe.

NOTA 2. Clementem VIII. iſtos vndecim casus non reſeruãſſe de facto, pro omnibus Regularibus, vt aliqui malè putant, ſed ſolùm designauit materiam, vt ſcilicet Prælati Regulares illos tantùm, vel aliquem ex illis, poſſent reſeruare, & extra illos, nullus omninò Prælatus, poſſit aliquem reſeruare, niſi in Capitulo Generali, vel Prouinciali.

NOTA 3. Non annulat Papa in hac Bulla, nec reuocat casus antiquos reſeruatos in Religionibus, per ſtatuta Generalia facta in Capitulis Generalibus, ſi qui ſunt reſeruati extra hos casus vndecim. Et ſic casus antiqui in Ordine noſtro, Minorum de obſeruantia, in ſtatutis Generalibus, non ſunt reuocati neq; excluſi. Ita declaratum eſſe dicit à Prælatis noſtri Ordinis, Laurètius de Portel. *verbo casus reſeruati in additione.*

PETES 1. Quis ab iſtis casibus reſeruatis in Religionibus poteſt *Qui poſſunt* *absoluere à* *Casibus reſeruatis* *absoluere?*

DICO 1. Miniſtri, vel Priores, Generales, vel Prouinciales: qui etiã poſſunt delegare aliquibus idoneis, duobus in maioribus Conuentibus. In Ordine Minorum Guardiani, non poſſunt ſubdelegare authoritatem abſoluendi à reſeruatis ad ſemper, pro ſuo officio, poſſunt tamen ipſi abſoluere, ſi ſubditi velint eis confiteri, non tamen poſſunt cogere ſubditos, vt ſibi confiteantur, quia hæc iuriſdictio data eſt illis, in ædificationem, non in deſtructionem: Deinde poteſt, imò debet concedere authoritatem pro reſeruatis Guardianus, vel Cuſtos, Confefſori, vel ſubdito petenti, pro casu præſenti, non autem poteſt delegare pro reſeruatis ad ſemper. vnde S. Thom: in 4. diſt. 17. q. 3. art. 3. ait peccare ſuperiorem, qui difficilem ſe præbet in danda hac facultate. Aduerte Ex Roderico Tom. 1. Q. 62. art. 5. Superiores non poſſe dare licentiam ſubditis, vt abſoluantur, à Casibus reſeruatis, à Sacerdotibus ſecularibus.

PETES



*A casibus Pa-  
pe qui absol-  
vunt.*

PETES 2. Quinam Regulares, possint absolvere à casibus Pontifici reservatis, etiam Bullæ Cœnæ Domini? RESPONDEO. Generales, Prouinciales, Custodes, Guardiani, Prædictorumq; Vicarii omnes in absentia eorum, ex concessione Clementis IV. & Sixti IV. possunt absolvere suos subditos à casibus Pontifici reservatis etiam in Bulla Cœnæ Domini, etiam hæreseos: aliqui negant posse ab hæresi, quia per Bullam Cœnæ reuocantur omnia priuilegia Regularium, hoc tamen non admittit Cyprianus Crousers *Lect. 12. ad caput. 7. Regula;* quanquam relapsos, non esse ab hæresi absolueudos, nisi per Prouinciales docet.

## ARTICVLVS IV.

*Quinam potestatem habeant absoluendi à casibus reservatis?*

DICO 1. Omnis ille, qui reservauit, & superior reservantis, habet facultatem ordinariam absoluendi à reservatis: Et sic casus Episcopo reservati, possunt absolui ab Episcopo, & à Summo Pontifice. Ratio est quia qui potest ligare, potest etiam solvere.

DICO 2. Quicumq; habens auctoritatem delegatam à Superiore, directè potest absolvere. Ratio est, quia qui habet facultatem ordinariam, potest eam per se loquendo alteri committere.

PETES 1. Possuntne Episcopi, & alii majores prælati absolvere directè à peccatis Summo Pontifici reservatis?

RESPONDEO. Possunt in duobus casibus. 1. Si sint peccata occulta, ita Trident. *Sess. 24. cap. 6.* 2. Quando pœnitens legitime est impeditus, vt nec Papam, nec ejus nuncium possit adire: ita habetur in jure *Capite de cetero, & capite Quamuis.* Et capite *Hos qui de sententia.* vbi etiam numerantur legitima impedimenta propter quæ, non teneatur quispiam adire Pontificem. 1. est infirmitas. 2. inopia. 3. Puerilis, aut senilis ætas. 4. fragilitas sexus, aut alia corporis impotentia. 5. Capitales inimicitiz. 6. Liberorum cura, & similia, quæ judicio Episcopi, videbuntur rationabiliter à tali itinere excusantia. Porro hanc absolutionem possunt impendere, vel per se, vel per vicarium ad hoc deputandum, præterquam ab hæresi, à qua solum per se possunt absolvere, licet & hoc aliqui authores adimant Episcopis, quod in *Disputatione 10. de Censuris* videbimus.

PETES 2. Vtrum Confessarius Posnaniensis, qui non habet hic absoluendi licentiam à reservatis Episcopo, possit absolvere peregrinos,



nos, aut iter agentes à reſeruatis? **RESPONDEO.** Licet non habeat facultatem abſoluendi à reſeruatis, poſſe abſolutionem impendere iter agentibus, aut peregrinis, habentibus caſus reſeruatos proprio ipſorum peregrinorum Epifcopo; non poſſe autem abſolvere à caſibus Epifcopo Polnaniendi reſeruatis. Ita Cajet: *verbo abſolutio* 2. Nauar. *cap. 27. num: 275.* Ratio eſt, Tùm quia reus iudicari ſolet juxta leges, & conſuetudines loci, in quo reperitur. Tùm quia Confeſſarius, non tenetur ſcire caſus aliis Epifcopis reſeruatos, alioquin multis premeretur ſcrupulis, ferè ſemper dubitans, aliquem caſum eſſe aliis Epifcopis reſeruatum. Hinc

*Nota caſum*

**COLLIGE.** Peregrinus, habens caſus reſeruatos Epifcopo loci illius in quo reperitur, & caſus Epifcopi proprii domicilii non poteſt abſolui niſi ab habente facultatem à reſeruatis. Ita Nauar: *loco citato, num. 261.* Quòd ſi habeat caſus, qui Epifcopo proprii domicilii, non ſunt reſeruati, ſed ſolùm illius loci Epifcopo, in quo conſtitetur, non poteſt abſolui, niſi ab habente poteſtatem à reſeruatis. Si verò habeat caſus Summo Pontifici reſeruatos peregrinus, non poteſt abſolui, niſi ab habente facultatem à caſibus Papæ reſeruatis, quia Summus Pontifex habet totum orbem pro territorio, & ipſius leges ubiq; obligant, modo ſint acceptatæ, vel non ſint per contrariam conſuetudinem abrogatæ. Hinc

**COLLIGE 2.** Qui commiſit peccatum in alieno territorio, non poteſt abſolui per ſe loquendo à miniſtris pœnitentiæ illius loci, niſi ibi moretur cauſa negotiorum, aut ratione itineris, habitâ ratione conſuetudinis, juxta quam uſu receptum eſt, vt aliquis in alieno territorio poſſit abſolui. Ratio eſt, quia in *cap. omnis viriusq; ſexus*, dicitur peccata conſitenda eſſe proprio Sacerdoti, vel alteri de ejus licentia. ita Nauar. *cap. Placuit de Pœnitentia diſt. 6. num. 83. & alij.*

**PETES 3.** An Summus Pontifex, in Jubileis, concedens facultatem abſoluendi à quibuſcunq; caſibus, etiam Sedi Apoſtolicæ reſeruatis, cenſeri debeat, dare poteſtatem abſoluendi à reſeruatis in Bulla Cœnæ Domini?

*In Jubileo à Caſibus bullæ Cœnæ Domini an poſſint abſolvere.*

**RESPONDEO.** Non. Ratio eſt, quia in generali conceſſione, non cenſentur conceſſa, quæ ſpecialiter non eſſent concedenda, *cap. Si Epifcopus de pœnitentia, & remiſſ. in 6.* Quòd verò Pontifex Maximus, ſibi reſeruet caſus, Bullæ Cœnæ Domini, niſi ſpecialiter illos exprimat, docet

cet



cet Stylus Romanæ curiæ. Et probat Couaruias in *c. Alma mater* § 2. num. 7. Hinc

COLLIGE I. Nunquam censetur Papa concedere in Jubileis absolutionem a hæresi nisi, id specialiter, & clarè in Bulla exprimat. Ita Couaruias loco citato, & Nauarrus cap. 275. dicit Pium Quintum declarasse, talem esse mentem suam.

### ARTICVLVS V.

*An Religiosi mendicantes per priuilegia sibi concessa possint absolvere à casibus Episcopis, & Papæ reſeruatis?*

1. *Opinio.*

Prima opinio est negatiua, Probatur 1. quia id per *Clementinam Dudum de Sepulturis* prohibetur. Tantam enim potestatem concedit Religiosis, quantam Parochis. Sed parochi non possunt. Ergo neq; Religiosi. Confirmatur 1. *Ex Clementina Religiosi de Priuilegijs*, vbi excommunicantur Religiosi, si tentauerint absolvere à casibus reſeruatis Apostolicæ Sedi, aut locorum ordinariis.

Confirmatur 2. Quia per Concilium Trident: omnia priuilegia Religiosorum, esse sublata quoad hoc affirmat Miranda, *Tomo. 1. q. 64. art. 2.* vbi affert duas declarationes Cardinalium. Primò de consilio Clementis VIII. & Gregorii XIII, pro interpretatione Concilii Tridentini deputatorum super cap. 7. *Sess. 14.* In quibus sub grauib; pœnis prohibetur secularibus, & Regularibus Confessariis, ne virtute aliquorum priuilegiorum absoluant aliquem secularem ab aliquo casu reſeruato Papæ, vel Episcopis à jure, vel ab homine, idq; sub pœnis grauib; ibi expressis, & decernitur ibi, absolutiones datas forè nullas. Et videtur supponere Miranda prædictam reuocationem valere pro tota Ecclesia.

Probatur 2. Quia Innocentius IX. & Clemens VIII. in suis Jubilæis concedunt casus Episcopis reſeruatos. Ergo absq; Jubilæo etiam Confessarii Regulares non absoluunt.

2. *Opinio affirmat.*

2. Opinio est affirmatiua, quæ asserit confessarios Regulares posse absolvere à casibus Episcopo reſeruatis, imò & Sedi Apostolicæ, & ab omnibus Censuris exceptis Bullæ cænæ Domini. Similiter posse omnia vota commutare (non tamen absolute dispensare) exceptis votis simplicibus Religionis, & castitatis, ad limina Apostolorum, Hierusalem, & Compollam. Ita Sanchez de præceptis Decalogi, tom. 2. lib.



lib. 6. cap. 17. num. 41. dicens. Poterunt etiam Confessarii Societatis *Sanchez de*  
**JESV**, per sua privilegia, & communiter Mendicantes, per eorum parti- *theoriam.*  
 cipationem, absolvere ab omnibus casibus, & Censuris, & pœnis consurgen-  
 tibus ex eis, toties quoties, præterquam à contentis in Bulla Cœne Domini,  
 ut concessit Paulus III. & habetur in nostris Privilegiis. *absolutio.*  
 Et Numero 43. subdit. Sed dicendum est posse excommunicatum, suspen-  
 sum, absolui in foro conscientie virtute Bullæ Cruciatæ, & virtute privile-  
 giorum, quibus communiter fruuntur Religiosi, per quæ eis conceditur facul-  
 tas ad absolvendum ab omnibus Censuris, quavis Censuræ illæ deductæ jam  
 sint, ad forum contentiosum, & licet publicæ sint: Quod ibi probat sic.  
 Quia inquit in Bulla Cruciatæ, & in dictis Privilegiis Religionum, concedi-  
 tur absolute facultas à Censuris, sine ulla restrictione aut limitatione. Pri-  
 vilegium autem sine restrictione concessum à nobis limitandum non  
 est. Confirmat ibidem Sanchez. Quia absolutio concessa vir-  
 tute Cruciatæ, & Privilegiorum Religionis, non prædest pro foro exteriori,  
 sed tantum pro foro interiori, & ita non infert damnum Ordinariis, quia  
 illi non obstante eâ absolute, poterunt procedere contra excommunicatum,  
 vel suspensum in foro exteriori eadem ratione, ac possent, si ille in interiori  
 non esset absolutus. Citat pro hac sententia Ledesmam 2. parte q. 26.  
 art. 1. folio 353. Polancum in Directorio. cap. 4. Henriquez lib. 8. de  
 Eucharistia cap. 60. n. 4. Couaruiam in cap. Alma mater 1. p. §. 11. n. 16. *Delrii "au-*  
 Eandem sententiam tuetur Martinus Delrius Societatis *theoriam.*  
**JESV** Theologus, lib. 6. Disquisitionum Magicarum. cap. 1. Sect. 3. Vbi funda-  
 menta pro prima opinione resolvit. Probat 1. sic. Quia casus Episco-  
 pales sunt Minores Casibus Pontificiis, cum ergo suos Pontifex conce-  
 dat, multò majores, concedere censendus est illos Minores, juxta c. cui  
 licet, de Regulis juris in 6. Atqui Pontifex potest absolvere à reservatis  
 Episcopalibus. Sed per hujusmodi Privilegia concedit Religiosis, &  
 quasi delegat suam absolvendi potestatem. 2. Probat. Quia nec Con-  
 cil: Trident. nec Gregorius XIII. privilegia hæc, quoad omnes ubiq;  
 Religiosos aperte revocârunt, quod erat necessarium, quod Vivaldus  
 fatetur n. 40. Quoad Gregorium XIII. optimè idem Vivaldus n. 44.  
 ostendit, nusquam ullâ Bullâ, vel motu proprio dicta privilegia con-  
 cessa per Pium V. Religiosis videtur restringere, imò in suo robore re-  
 linquit, cum ait. Eam deinceps dispositionem, atq; decisionem pro subjecta  
 materia futuram esse, quæ siue ex jure veteri, siue ex dictis sacri Concilii  
 decretis, siue aliâs ante dictarum literarum, & Consuetudinum editionem



erat, & si ipsa non emanassent, futura fuisset, ad quam dispositionem, & decisionem, suumq; pristinum statum illa omnia reducimus. Cùm ergo (inquit Delrius) antiquo jure, Religiosi habeant facultatem ab omnibus his casibus absoluendi, dummodo ipsi sint à suis Superioribus præsentati, & ab Episcopo approbati, juxta Clementinam Dudum de sepulturis; neq; hoc illis Concilium Trident: ademit, neq; Gregorius XIII. ut constat ex verbis ipsius. Ergo Episcopos huic priuilegio, sine noua Pontificis Maximi permissione derogare non posse.

RESPONDET ad 1. opinionis negatiuæ Delrius, Quando Papa negat se maiorem religionis potestatem concedere, quàm Parochis, tunc tantum loquitur de aliis rebus, non de pertinentibus ad Sacramentum Pœnitentiæ.

Ad Confirmationem Respondet Delrius, Religiosi sine priuilegio attentantes absolvere, excommunicantur, citat Syluestrum, Tabiennam verbo excommunicatio. Ad 2. Confirmationem jam respondit, per Concilium non esse abrogata priuilegia quoad hoc. Ad 2. dicit, quod prædicti Pontifices inserunt, propter cæteros Sacerdotes, non verò propter mendicantes. Huc vsq; Delrius.

Huic opinioni adhærent authores nostræ Religionis. Rodericus Tom. 1. qq. Regularium. q. 61. art. 13. & in Additionibus ad Summam Moralem tom. 3. c. 12. Conclus: 1. & 2. Anglez. in floribus 2. parte q. unica de Excommunicatione, art: 4. diff. 2. Vega Minimus verbo casus reservati casu 1. & 15. Laurentius de Portel in dubijs Regularibus verbo Confessor num. 22. et verbo Casus reservati. n. 6. ubi Probat 1. Dato, non concesso, quod quoad hoc sint priuilegia Religiosorum sublata per Concil. Trident. tamen post Concilium Sacra Congregatio Cardinalium citata pro opinione prima, declarat prædictas prohibitiones, factas esse pro sola Italia, ubi sic habetur. Sacerdotibus tam secularibus, quàm Regularibus, per uniuersam Italiam degentibus extra urbem. Ergo non per uniuersum orbem. Probat 2. Gregorius XIII. Anno Domini 1583. declarat non esse suæ intentionis; derogare Confessariis Societatis Jesu facultati, eamq; confirmavit. Sed hac facultate Confessarii Mendicantes, per communicationem uti possunt. Ergo. Minor patet, quia Gregorius XIV. priuilegia concessa Societati Jesu, extendit ad alios Religiosos.

Deniq; adduco authoritatem Pauli Layman, Societatis Jesu Theo-



Theologi, qui in sua Theologia morali *lib. 5. tract. 6. cap. 10. num. 18.* Quærens, Quomodo intelligendum sit privilegium concessum Confessariis, Ordinum mendicantium absolventi quoscunq; fideles, auditis eorum confessionibus, à quibuscunq; peccatis, & à quibuscunq; sententiis, Censuris, ac pœnis Ecclesiasticis, exceptis iis, quæ in Bulla Cœnæ Domini continentur?

Authoritas  
Layman.

RESPONDET I. dicens Potestas hæc, extendit se ad absolutionem à peccatis omnibus, & à quibuscunq; inde secundum juris constitutiones resultantibus Censuris, sententiis, aut pœnis Ecclesiasticis, exceptis casibus Bullaribus. Vbi inprimis notat. Hoc privilegio nullam concedi facultatem super irregularitatibus, quia illæ non per absolutionem, sed per dispensationem tolluntur, cum non tam pœnæ sint, quàm impedimenta canonica. 2. notat, Vi hujus privilegii non tantum censuras propriè dictas, quæ ob contumaciam inferuntur, per absolutionem tolli posse, sed etiam suspensiones, & interdicta juris, quæ ob delictum merè præteritum imposita, seu ad tempus, puta biennium, triennium, vel in perpetuum, & sine spe remissionis, qualis perpetua suspensio, vel potius depositio à Pio V. lata est in exercentes sodomiam, qui si occulti sint, ab Episcopis absolui possunt ab excommunicatione, per Concilium Trident. *sess. 24. cap. 6. de reform.* & à Confessariis Ordinum mendicantium, virtute dicti privilegii.

Nota.

RESPONDET 2. ibidem Concl: 2. Hujusmodi amplam absolventi potestatem, Summus Pontifex concedit, & delegat Ordini, ut proinde Prælati ordinum, committere eam possint iis Sacerdotibus Regularibus, quos ad hoc munus idoneos judicant: sicut colligitur ex Clementina dudum § *statuimus de sepulchris*, & docet Palud. in 4. dist. 17. q. 4. art. 3. conclus. 5. Rodericus tom. 1. Regul: quest. q. 60. art. 3. Henriquez lib. 6. cap. 6. n. 6. Miranda in Manuali Prælat. tom. 1. q. 45. art. 12. Llamas p. 1. Methodi c. 7. § 4. ubi benè admonet. Sacerdotes Religionum Mendicantium, ad dictam facultatem consequendam, præter approbationem Episcopi, opus habere consensu Prælati, vel Capituli, juxta cujusq; ordinis consuetudinem: siquidem Episcopus tam amplam jurisdictionem audiendi Confessiones omnium fidelium, undecunq; accedentium, eosq; à Censuris reservatis absolventi, dare non potest, sed eam confessarii Mendicantium ordinum, à Summo Pontifice, cum dependentia à consensu, & voluntate Prælatorum suorum accipiunt,

§ 2

RESPON-



RESPONDET 3. Concl. 3. Priuilegio illo absoluendi omnes fideles, non comprehenduntur Religiosi, quibus secundum propria statuta, extra suum ordinem, aut alteri, quam illi, quem Prælatus ad hoc munus destinauit, confiteri permissum non est. Ita Rodericus t. 1. q. 62. art. 4. & Compendium Priuileg. Societatis IESV. verbo absolutio §. 1. Ratio est, Quia per priuilegium generale, non censetur derogari consuetudini, vel statuto particulari, nisi id exprimatur. Hæc omnia Paulus Layman.

PETES I. Vtrum Confessarii Mendicantium, potestate illâ absoluendi à Censuris, etiam extra Sacramentum Pœnitentiæ, siue erga eos quoq; qui ipsis Sacramentaliter non confitentur, uti possint?

RESPONDEO. Negat Suarez tom. 5. disp. 7. Sect. 5. Navar: in Manuali cap. 26. num. 31. Affirmat Navar. lib. 5. consil. 11. num. 2. Roderic. tom. 1. q. 62. art. 7. Henriquez lib. 7. c. 13. num. 2. & c. 30. n. 6. imò & ipse Suarez de legibus lib. 3. c. 6. num. 15. & 16. Vbi ait Et si priuilegium loquatur tantummodo de foro pœnitentiali, non tamen necessario restringendum esse ad forum Sacramentale, cum vinculum alicujus censuræ, in foro conscientie, tolli possit, injuncta pœnitentiæ salutari, sine pœnitentiâ Sacramentali. Ratio est, quia priuilegium, siue gratia à Principe data, interpretanda est secundum naturam rei, quæ conceditur. Atqui absolutio ab excommunicatione, aliæ censuræ, non dependat à peccatis, potest enim aliquis absolui à Censura in conscientie foro, ut interim non absoluator à peccatis; quomodo certum esse dicit Auila p. 2. de censuris c. 7. Parochos, ab excommunicatione non reservata absolueri posse. Ergo idem præstare poterunt delegati, nisi ipsis potestas limitetur, qualis tamen limitatio in dicto priuilegio, nulla apparet.

Extra Sa-  
cramentum  
possunt ab-  
soluere à Cē-  
suris.

Addo Hæc multò magis locum habere, in dispensationibus super irregularitate, voto, juramento, petitione debiti, quarum facultates si Confessariis alicujus Ordinis delegatæ sint, non rectè inde inferitur, quòd eas extra Sacramentum Pœnitentiæ exercere non possint, quandoquidem à Sacramentali absoluteione, nullo modo pendent. Hinc.

COLLIGE I. Confessarii Regulares, possunt absolueri percussio- res Clericorum, in casu ad Episcopum pertinente, si sit percussio leuis, facta satisfactione, si sit possibilis, vel saltem cautione reali, aut curatoria. Ita Roderic. tom. 1. q. 62. art. 8.

COLLE



**COLLIGE 2.** Si casus sit reservatus, cum Censura reservata, vñ sunt omnes Papales, si quis absoluat bona fide à peccatis, putans posse, & postea absoluat à Censura, non tenet absolutio, ex defectu jurisdictionis, quia reservatio est super calum, & censuram.

**PETES 2.** Vtrum in Articulo mortis, cesset omnis reservatio?

**RESPONDET** Concil: Tridentin. *Sess. 14. cap. 7. Pœ admo-* *In articulo*  
*dum in Ecclesia Dei custoditum semper fuit, vt nulla sit reservatio in arti-* *mortis,*  
*culo mortis, atq; adeo omnes Sacerdotes, quoslibet pœnitentes, à quibusvis* *quavis Cen-*  
*peccatis, & censuris absolvere queant.* Ratio est, quia necessitas spiri- *sura sit ab-*  
*tualis, est multò major, quàm corporalis.* Sed in necessitate corpora- *solutio*  
*li, licitum est vri re alienà. Igitur & in spiritali: & sic etiam & Aposto-*  
*ta, absolvere possunt in articulo mortis, qui sunt Sacerdotes.*

**ARTICVLVS VI.**

*Vtrum propter casus reservatos, possit dimidiari confessio?*

**DICO 1.** Licet aliqui Theologi sentiant, posse Superiorem à solis reservatis in confessione auditis, absolvere pœnitentem, & cum non reservatis mortalibus, remittere ad inferiorem, tamen securior, & probabilior est opinio, quæ docet per se loquendo, absq; graui necessitate, & ~~cum~~ rationabili causa, id non licere. ita D. Subt: *in 4. dist. 17. q. 1. art. 2.* Adrianus ibidem. Syluest. *verbo confessio 1. q. 19.* Rodericus. *in Summa tom. 1. cap. 55. n. 13.* Suarez. *disp. 13. Sect. 1.*

Probatur. Tùm quia de essentia Confessionis, est integritas iure Diuino: Sed ius Diuinum est seruandum, nisi aliter permittat iusta, & rationabilis Causa. Ergo non licet absq; rationabili causa, dimidiare confessionem. Tùm quia absolutio, datur ad conferendam gratiam. Sed gratia non confertur, nisi ablatis omnibus peccatis, peccata autem, quæ non abfoluuntur, non dimittuntur. Ergo talis absolutio est nulla: nec video quomodo talis absolutio à Sacrilegio excusari possit?

**DICES.** Romæ Superiores abfoluunt à reservatis, & mittunt ad inferiores pro absoluteione à non reservatis. Ergo hoc est licitum.

**RESPONDEO.** Cum Syluestro loco citato, qui fuit Magister Saceri palatii, & versatus in Curia Romana, quòd Romæ non abfoluant Superiores à peccatis solùm reservatis, sed ab obligatione confitendi sibi.

**RESPONDENT** Alii, quòd abfoluant à Censuris, non à peccatis.



*Propter negotia non est dimidianda confessio.*

DICO 2. Sola communis multitudo negotiorum, quam Superiores solent habere, non sufficit ad hoc, ut Confessio reservatorum dimidiatur. Est contra Valentiam, & Sotum. Ratio est, Tùm quia negotia, non sunt tanti momenti, ut in jure Diuino possint dispensare. Tùm quia ex negotiis prælatorum vnum, & quidem præcipuum est, cura animarum. Tùm quia prælati occupati, possunt dare facultatem absolvendi inferioribus à reservatis. vel certè auditis solis reservatis, imponere pœnitentiam, non absolvendo Sacramentaliter, sed remittendo ad inferiorem, ut is auditis omnibus peccatis, absoluat etiam reservata. Ita Sylvest: *verbo Confessio* 1. q. 9. Rodericus *cap. 55. num. 13.*

*Inferior nō potest absolvere à non reservatis.*

DICO 3. Inferior Sacerdos, non habens facultatem absolvendi à reservatis, non potest præcisâ necessitate, vel rationabili causâ, absolvere pœnitentem à non reservatis, ipsumq; mittere ad Superiorem pro reservatis. Ita iidem authores citati sub prima Conclusionem. Ratio est. Tùm quia si inferior posset pœnitentem à non reservatis absolvere, ipsumq; pro reservatis ad Superiorem transmittere, etiam simplex Sacerdos, posset à peccatis venialibus absolvere pœnitentem, habentem peccata venialia, & mortalia, illumq; ad Confessarium approbatum, ad Confessiones pro peccatis mortalibus excipiendas, remittere. Sed hanc sequelam nullus admittet. Ergo nec id, ex quo sequitur. Tùm quia Confessio, debet esse accusatio, coram legitimo iudice. Confessio autem reservatorum, facta inferiori, non est accusatio coram legitimo iudice, quoties pœnitens præcisâ necessitate, confitetur peccata sua Sacerdoti, non habenti facultatem reservatorum.

DIXI (præcisâ necessitate) nam si occurrat gravis, licet non extrema necessitas, potest inferior Sacerdos, absolvere habentem casus reservatos, priusquàm coram Superiore compareat, dum modo dictus inferior, possit absolvere directè à non reservatis. Ratio est, quia, ut dixi *Disputatione 5. de integritate Confessionis*, urgente necessitate, licita est, & valida, Confessio integra formaliter, etsi non materialiter.

*Necessitas gravis que in hoc casu?*

PETES. Quæ est ista necessitas gravis, in qua potest absolui à non reservatis habens reservata, ab illo, qui non habet licentiam absolvendi à reservatis? RESPONDEO. Quando aliquis est obstrictus, necessitate celebrandi, vel communicandi, ob vitandum graue damnum, seu scandalum, vel gravis infamiæ periculum, potest ante celebrationem, vel communionem confiteri peccata tam non reservata, quàm reservata, seu



ta, ſeu habentia annexam excommunicationem, ſi non habeat copiam Confessariorum, habentis facultatem abſoluendi à Caſibus reſeruatis, vel Cenſuris, cum onere tamen præſentandi ſe ſuperiori, pro abſolutione reſeruatorum, vel cenſurarum. Ita Angelus, quem citat Suarez & ſequitur *diſp. 31. Sect. 3. num. 8.* Ratio eſt, quia interueniente graui neceſſitate, poteſt aliquis communicare, vel celebrare, non præmiſſâ confeſſione. Ergo etiam interueniente graui neceſſitate, poteſt aliquis confiteri, coram non habente poteſtatem abſoluendi à reſeruatis, & abſolui à non reſeruatis: Juſenim naturale, de ſeruanda fama, aut vitando ſcandalo, præualet juri poſitiuo.

PETES 2. An Sacerdos inferior, abſoluens directè à non reſeruatis, abſoluant etiam indirectè à reſeruatis? RESPONDEO. Duplex eſt opinio: vna dicit, quòd à reſeruatis non abſoluat etiam indirectè, quia Concilium Tridentinum *Sess. 14. cap. 7.* dicit, talem abſolutionem eſſe nullius momenti; nam abſolutio, non poteſt cadere ſuper aliqua directè, & ſuper aliqua indirectè, niſi illa, quæ indirectè abſoluuntur, cadant ſub authoritatem abſoluentis, quia auctoritas jurisdictionis, eſt de jure Diuino neceſſaria, quæ autem obliuiſcuntur, ideò indirectè abſoluuntur, quia ſuper illa cadit facultas abſoluendi: gratia *Quæ indire* autem, quæ per abſolutionem datur, non manet cum aliquo peccato *ſit abſolutus* mortali, ideò cum quis confeſſus eſt, plura mortalia, ab omnibus, vel *cur?* à nullo debet abſolui. Vnde Doct̃or noſter in talibus caſibus ſuadet, vt vel confeſſio differatur, vel ſi non poteſt, propter ſcandalum, ad Contritionem eſt recurrendum; & omnia tam reſeruata, quàm non reſeruata, inferiori conſitenda, quia licet inferior quoad reſeruata, non ſit legitimus iudex, tamen cognoscere debet, an pœnitens verè paratus ſit, & diſpoſitus ad recipiendam omnium abſolutionem. Alia opinio dicit. Licet nihil poſſit inferior in peccata reſeruata directè, poteſt tamen indirectè. Ita Coninch. *diſput. 8. num. 105.* Bonacina *Diſput. 5. q. 7. puncto 5. S. 3. Num. 6.* Hinc

COLLIGE I. Ille qui in caſu neceſſitatis, obtinuit reſeruatorum abſolutionem à Superiore, non tenetur neceſſariò explicare reſeruata, *Abſolutus à reſeruatis* coram inferiore, quia ab illis Sacramentaliter fuit abſolutus, coram *non eſt neceſſe ſi coram inferiore* DEo, & Eccleſia, ab habente jurisdictionem, & facultatem reſeruatorum. Ergo non poteſt ratio afferri, cur pœnitenti onus imponatur, *re illa aperiat.* ſperendi eadem peccata inferiori. Ita Zerola in *praxi depœnitentia*.

tia



*sia cap. 15. q. 15. Suarez. disp. 31. Sect. 1. & alii quos ibi citat.*

COLLIGE 2. Ille, qui iusta de causa fuit absolutus ab inferiore, non tenetur omnia peccata aperire Superiori, sed tantummodò reseruata, cum non sit obligatio bis subijciendi peccata Confessioni; vt docet Nauarus *cap. 9. num. 7. & alij communiter*: Suarez. Vasquez. *q. 91. art. 3. dubio. 10.*

COLLIGE 3. Ille qui obtinuit absolutionem à non reseruatis, in casu necessitatis ab inferiore, & deinde nouam obtinet à reseruatis à Superiore recipit duplex Sacramentum, & duplicem effectum. Ita Suarez *disp. 31. Sect. 1.*

COLLIGE 4. Inferior absoluens à non reseruatis poenitentem, habentem etiam reseruata, debet imponere onus poenitenti, vt se quamprimum præsentet pro absolutione reseruatorum Superioribus: in articulo verò mortis, non debet tale onus imponere, vt se præsentet, quia quiuis tunc habet iurisdictionem: pro Censuris verò absoluendis, si æger euadat periculum mortis, debet se præsentare Superiori.

COLLIGE 5. Superior per se loquendo tenetur concedere facultatem poenitenti, petenti à reseruatis absolutionem, per se, vel per alium; neq; debet in hoc difficilem se præbere, aut illam denegare: Casuum enim reseruatio inducta videtur in vtilitatem poenitentium, vt resipiscant, & meliùs in vita spiritali dirigantur, faciliùs autem resipiſcunt, concessa facultate, quàm eà denegatâ. Dixi (Per se loquendo;) quia si bonum proximi, vel ipsius poenitentis, contrarium postulet, denegare potest superior facultatem.

QVÆRES. *An qui dubitat aliquod peccatum esse reseruatum, vel se circa peccata reseruata facultatem habere, possit absolutionem impendere?* Ista difficultas procedit, non de dubio juris, sed de dubio facti. V. G. quando poenitens dubitat se homicidium voluntarium commisisse, vel aliquod aliud peccatum simile reseruatum.

*In dubio facti potest ab soluere.*

DICO 1. Quilibet Sacerdos approbatus, potest in dubio facti, cadentis sub reseruationem, absoluere, nisi aliter in iure decernatur, in aliquo casu, aut nisi adsit sufficiens præsumptio in contrarium, de reseruatione facti. Ratio est, Tum quia in dubiis, melior est conditio possidentis: Confessarius autem approbatus est in possessione suæ iurisdictionis. Tum quia in foro externo, non fit iudicium contra delinquentem, nisi adsit sufficiens præsumptio in contrarium. Ergo neq; in foro



foro interiori iudicandum est, nisi sit sufficiens præsumptio in contrarium, & sufficientes conjecturæ. Neq; valet instantia, *In dubijs est tutior pars eligenda*, quia non semper est ex obligatione pars tutior eligenda, sed aliquando potest eligi tuta, relictâ tutiore.

DICES Peccata mortalia dubia sunt approbato necessario confirmanda. Ergo & reservata dubia approbato pro reservatis.

RESPONDEO. Nego Consequentiam, ratio disparitatis est, quia cùm reservatio sit odiosa, & pœnalis, non extenditur ad casus dubios, lex verò confessionis est favorabilis, ut potè lata, tanquam medicina ad delenda omnia peccata, commissa post Baptismum, & ad præcauenda futura, nec solum lata est pro mortalibus certis, verum etiam pro dubiis, ut patet ex *Disputatione tertia*.

DICO 2. Sacerdos, qui propriè dubitat se jurisdictionem habere, circa peccata reservata, non potest absolvere; nam Sacerdos, sciens peccatum aliquod esse reservatum, sed dubitat an possit absolvere, exponit se periculo dandi invalidam absolutionem; quare Sacerdos qui ita propriè dubitat, non potest absq; lethali culpa, extra mortis articulum, directè absolvere, interueniente verò casu necessitatis, indirectè potest, ut supra dictum est. Colligitur ex l. *Barbarius ff. de officio prætoris*. Hinc

COLLIGE Ille qui sequitur opinionem probabilem Doctorum, ita sentientium, habet jurisdictionem absoluedi à reservatis: si priuilegium absoluedi, non est reuocatum, ynde validè agit, quæ agit, ac si re ipsâ jurisdictionem haberet.

#### ARTICVLVS VII.

*Vtrum peccata reservata, quorum pœnitens in Confessione Superiori, vel licentiam habenti, factâ, oblitus est, maneat sub eadem reservatione?*

DICO 1. Absolutus tempore Jubilei, vel ab habente licentiam à reservatis, remanent absolutus à peccatis reservatis, quæ per obliuionem inculpabilem prætermisit in Confessione, modò confessarius intentionem habuerit absoluedi à reservatis. Ratio est, quia Confessarius jurisdictionem habet absoluedi, & vult absolvere, ut suppono, & pœnitens facit quod in se est. Ergo est valida absolutio in tali casu. Ita Emmanuel Sa. verbo *Conf. num. 5. Nauar. cap. 26. num. 13. Angelus*



*verbo Conf: 1. num. 22. Rodericus cap. 184. num. 15.* Dixi in Conclusionem (Modo Confessarius intentionem habuerit absoluendi à reservatis.) nam aliqui graues Theologi dicunt, si habens licentiam à reservatis absoluendi, sed peccatum reservatum, ante absolutionem non agnoscat, neq; intentionem absoluendi habeat, licet pœnitentem absoluat à peccatis oblitis, quoad culpam, non tamen liber est ille pœnitens, ab obligatione confitendi peccata reservata, legitimo Superiori; nam perinde est inquirunt, ac si fuisset absolutus ab Inferiore.

*Cautela.*

Doctrinam itaq; tradunt Doctores ad tollendos scrupulos, pœnitens dum confitetur Confessario, habenti potestatem à reservatis, petat absolutionem à reservatis, & à censuris, si fortasse aliquo peccato, vel censurâ irretitus censeatur, hic enim consequitur absolutionem à reservatis, & Censuris, quia Confessarius, præsumitur habere intentionem absoluendi pœnitentem, juxta ipsius intentionem.

*Probabilis opinio.*

DICO 2. Non improbabiler sustineri potest, pœnitentem remanere absolutum à reservatis, etiam si non petat explicitè absolutionem à reservatis, dum confitetur Sacerdoti privilegium habenti circa reservata. Ratio est. Tum quia multi ex Doctoribus citatis, absolute putant reservationem tolli, quoties pœnitentes bona fide confitentur Superiori facultatem reservatorum habenti. Tum quia, etsi pœnitens non petat explicitè, nihilominus censetur implicitè, & interpretatiue petere absolutionem reservatorum, quatenus accedit ad Confessarium, ut quantum fieri potest absoluat, & à peccatis liberetur; cum autem Confessarius censeatur velle pœnitenti prospicere, ipsumq; à peccatis liberare, quantum licet potest, censetur etiam velle reservationem peccatorum tollere: sed tutius est, uti remedio in prima Conclusionem assignato. Hinc

**COLLIGE 1.** Illum remanere à casibus reservatis absolutum, quem Confessarius intendit absolvere, virtute Jubilei, aut similis privilegii: quia virtute Jubilei censetur habere intentionem absoluendi, juxta facultatem in Jubileo contentam.

*Virtute jubilei absolutus à reservatis oblitis est absolutus*

**COLLIGE 2.** Qui virtute Jubilei absolutionem obtinuit à Confessario approbato, sed oblitus est peccati reservati inculpabiliter, potest deinceps euilibet Confessario peccatum oblitum confiteri quia virtute Jubilei reservatio est sublata. Dixi (inculpabiliter) nam defectu doloris, & integritatis Confessionis, talis non est verè pœnitens, ut do-



cet Rodericus in *Summa* c. 184. num. 13. ad lucrandum verò Jubileum, requiruntur præfatæ conditiones, necessariò requisitæ ad veram penitentiam. hoc tamen dictum, non extenditur ad absolutionem Censurarum. nam hæc potest extra Confessionem per se loquendo obtineri, ut idem docet Rodericus, *loco citato*.

**COLLIGE** 3. Pœnitens, qui confessus est Superiori, facultatem circa Casus reservatos habenti extra Jubileum, remanet absolutus, quoad reservationem peccatorum in confessione manifestatorum, licet Confessio fuerit inualida, & sic potest absolui ab inferiore, modo illi aperiat omnia peccata, & explicet pœnam, quam Superior imposuerat, ut Confessarius inferior eam iterum imponat virtute clauium. Ita Rodericus *loco citato*. Suarez *disp. 31. Sect. 4. num. 9*. Ratio est, quia facit fini satis, reservationis, quia Casum reservatum aperit Superiori, & ab illo recipit debitam satisfactionem.

**ARTICVLVS VIII.**

*Utrum absolutus tempore Jubilei, intra Jubileum committens peccata reservata, possit iterum vigore Jubilei absolui?*

1. Opinio affirmat. Ita Rodericus in *Summa* cap. 184. Henríquez. *lib. 9. cap. 16. num. 3*. Nauarr. de *Indulgentiis* Notabili 32. num. 64. & alii. Probant. 1. Quia in Jubileo non exprimitur, ut quis vna solùm vice, in Jubileo à casibus reservatis absoluator. 2. Quia fauores sunt ampliandi, non restringendi. Sed casus propositus est materia fauorabilis. Ergo. 3. Quia absolutio reservatorum, potest sæpius obtineri extra Jubileum. Ergo & intra Jubileum. 4. Tum quia, qui non curavit vota commutari tempore Jubilei, potest illorum commutationem obtinere transacto Jubileo. Ergo etiam potest absolutionem obtinere, qui casum reservatum contraxit, nõdum transacto Jubileo.

2. Opinio negat. Est Sanchez *lib. 4. de voto cap. 54. num. 30*. An b'is de eo Suarez. *Tom 2. de Religione lib. 6. de voto cap. 16. num. 17*. Bonacina *disp. 5. q. 6. §. 2. num. 17*. quæ multò probabilior videtur. Primò, Quia qui Jubileum obtinuit primâ hebdomadâ, non potest illum iterum lucrari in secunda, cum in Jubileis, qui hoc tempore conceduntur, concedatur facultas lucrandi Jubileum, sub forma disiunctiua, nimirum in prima, vel in secunda hebdomada, non verò copulatiuè, aut indefinituè, ut patet in forma Jubilei.

T t 2

Ergo



Ergo etiam qui Jubileum obtinuit, non potest iterum virtute Jubilei, casibus referuatis, commissis post primam absolutionem in Jubileo absolui, licet nondum elapsum fuerit tempus Jubilei. 2. Quia facultas absolueudi à referuatis, conceditur per ordinem ad Jubileum. Sed Jubileus jam semel est obtentus, & sortitus est suum effectum, referuatio autem contracta est, obtento Jubileo. Ergo referuatio non potest amplius auferri, virtute Jubilei.

Ad primum. opinionis. Ex forma Jubilei id colligitur, quod una vice tantum talis facultas conceditur. Ad 2. Dico. Favores sunt ampliandi quantum patitur intentio concedentis. Sed ex verbis Jubilei, non colligitur, Jubileum posse bis obtineri, consequenter neq; colligitur, absolutionem referuatorum, posse virtute Jubilei recipi, obtento jam semel Jubileo. Ad 3. Negatur Consequentia, quia ex forma Jubilei, id non colligitur. Ad 4. Negatur Consequentia: & ratio disparitatis est, quia qui obtinuit Jubileum, acquisiuit jus ad commutationem votorum, ante Jubileum emissorum, non verò obtinuit jus ad absolutionem Casuum referuatorum, in quos pœnitens incidit post consecutionem Jubilei, sicut neq; acquisiuit jus, pro commutatione votorum, quæ adepto Jubileo commisit.

## QVÆSTIO VII.

### De obligationibus Ministri Sacramenti Pœnitentiæ.

Nota obligatio circa administrationem Sacramenti Pœnitentiæ oritur, vel ex parte pœnitentis, vel ex parte Confessarii, idè præsens Quæstio diuiditur in 5. Articulos.

In primo quæretur. Vtrum Confessarius obligatur ad audiendam Confessionem, quoties pœnitens voluerit?

In 2. Qualem dispositionem Confessarius debet requirere in Pœnitente, ut eum validè absoluat?

In 3. Vtrum teneatur Confessarius instruere pœnitentem ignorantem?

In 4. Quid faciet Confessor si malè absoluat pœnitentem, & an aliquam Censuram, vel poenam incurrat?

In 5. An aliqua dispositio requiratur in Confessario, & Ceremoniæ in administratione Sacramenti Pœnitentiæ?

## ARTICVLVS I.

*Vtrum Confessarius obligatur ad audiendam confessionem, quoties Pœnitens voluerit?*

NOTA



NOTA. Difficultas procedit de Ministris, qui curam animarum habent, & qui non habent.

DICO 1. Sacerdotes non habentes beneficia curata, nec obeuntes vices Curatorum, non habent obligationem audiendi Confessiones, nisi vrgeret extrema necessitas: in tali enim casu esset contra charitatem deesse proximo.

*Non habentes curam animarum non obligantur.*

DICO 2. Licet nonnulli putent Parochum, tunc tantum obligari ad dandas aures confitentibus, quando ipsi subditi ad confitendum obligantur, tamen verior est aliorum sententia, asserentium teneri Parochum audire, quoties subditi petunt, modo id faciant opportuno tempore, & iusta de causa. Vnde peccaret mortaliter Parochus, & ejus vicarii, vel alii quibus cura animarum incumbit, necessitate urgente, vel præcepti, vel morbi, vel periculosi itineris vel partus, &c. vel similium casuum. Ratio est, Quia Parochus tenetur ex debito officii sui, non solum providere ouibus, in extrema necessitate, sed etiam temporibus opportunis, procurare eis utilitatem, commodum, & profectum Spiritualem, vel saltem non impedire, ad hoc enim Parochus ab ouibus alitur, vel illis seruiat: valde autem incommodum, & damnosum esset subditis, si non possent quoties vellent conscientias suas exonerare, & Sacramentis se reficere. Confirmari potest autoritate Ezechielis cap. 34. versu 2. 3. 4.

*Parochi obligantur.*

DICO 3. Episcopi, & alii Prælati Majores, tenentur itidem providere, ne idonei desint Confessarii subditis, regulariter tamen loquendo, non tenentur ipsi per se audire, nisi id grauis exigeret necessitas. Ratio est, quia ipsi habent vniuersalius regimen, & grauiiores, pluresque occupationes, neque sunt ita immediati pastores, sicut Parochi.

*Prælati Majores quando tenentur.*

DICO 4. Potest per accidens Parochus, ab hac obligatione esse liber. Primo si adsint alii, qui id præstare possint, & velint. 2. Si subditus importunus sit, & nimis crebro petat. 3. Si præsumeret Parochus, solum habere Pœnitentem venialia. 4. Si aliqua grauior occupatio infisteret, præsertim pro communi bono, vt concio, sacrum die festo, nec pœnitens esset in vilo periculo. 5. Si adverteret Parochus, per frequentem confessionem dari occasionem pœnitenti, scrupulos habendi.

*Quando Parochus est liber.*

## ARTICVLVS II.

*Qualem dispositionem confessarius debet requirere, & advertere in pœnitente, vt eum validè absoluat.*

Nota



Dispositio  
pœnitentis  
qualis?

NOTA 1. Dispositio pœnitentis consistit, in habendo Contritionem, vel attritionem, de quibus fufè dictum est *Disputatione 4.* Deinde requiritur in pœnitente *Propositum* ampliùs non peccandi, id est, debet habere intentionem faciendi quod in se est, ne peccet; non tamen debet Confessarius astringere eum, ad aliquam promissionem de nouo faciendam, vel votum, sed solùm excitare illum, ad habendum propositum verum, vt viter peccatum. Præterea debet peccator, occasionem proximam peccandi deferere. Deniq; debet pœnitens integrè, & verè peccata sua confiteri Sacerdoti.

NOTA 2. Quando Confessor reperit aliquem, vel aliquos in statu malo, & damnato, qui tamen ignorant inuincibiliter, se esse in statu malo, & peccati, quid in tali casu Confessarius agere debeat? est magna dissensio inter Doctores, resoluetur id conclusione quarta.

DICO 1. Ne Confessarius exponat se periculo, non conficiendi Sacramentum, debet illa omnia spectare in pœnitente, quæ enumerata sunt in primo Norando. Ratio est, quia ista omnia requiruntur ad veram pœnitentiam essentialiter.

Obnoxius re  
stitutioni nō  
debet absol-  
ui.

DICO 2. Non debet Confessarius eum pœnitentem absolvere, qui est obnoxius restitutioni, siue famæ, siue bonorum fortunæ, aut corporis, à talibus enim exigendum est, vt vel restituant, si possunt, vel saltem si non possunt, vt habeant animum, quàm primùm poterunt, id faciendi: non enim semper pœnitens cogendus est, ad restitutionem actu faciendam, si vel impossibilitas eum excuset, vel si aliquod damnum graue ex restitutione timeretur.

In proximis  
occasionibus

DICO 3. Quando pœnitens est in proximis occasionibus peccandi, tunc absolui non debet, donec promittat efficaciter se amoturum; immò aliqui addunt, quòd aliquando expediat iuramento pœnitentem ad id adigere, si Confessarius putaret aliter id eum non facturum, quod promissit. Ratio est, quia talis non est sufficienter dispositus ad absolutionem, nisi occasiones peccandi efficaciter à se remoueat. Nauar: in *Summa cap. 3. dicit*, quòd non debet peccator occasionem proximam statim relinquere, si inde graue scandalum, vel infamia, vel incommodum sequeretur: Sed hoc totum pendet ex prudentia Confessarii, an ista occasio proxima, possit sine scandalo, vel infamia, vel damno dimitti.

Existens in  
malo statu.

DICO 4. Quando aliquis est in malo statu, per ignorantiam in-

uincie



vincibilem vel dubium, ſi ignorantia ſit juris Diuini, vel humani, ſue facti: ſi confeſſarius aperiendo veritatem, cognosceret non ſecuturam inde vtilitatem, vel commodum, ſed potiùs incommodum, non tenetur aperire veritatem: ſi verò ſecus ſit, tenetur. Ita Nauarr: *in capite Si quis de pœnitentia diſt. 7. num. 77. Et diſt. 5.* adducit caput *Quia circa De conſanguinitate, & affinitate ex Innocentio III.* in quo mandat Pontifex, propter ſcandalum, eſſe diſſimulandum cum aliquibus, qui bona fide Matrimonium contraxiſſe ſe putabant, & tamen erat impedimentum occultum dirimens. Ratio eſt, quia Confeſſarius, nulla alia de cauſa obligatur ad detegendam veritatem, niſi ratione officii ſui, juxta præcepta Diuina, & humana, ſpectantia ad actus charitatis, vel correctionis fraternæ. Atqui ſi Sacerdos non ſperat fructum emendationis, ceſſant præcepta prædicta obligare. Ergo. Inde

**COLLIGE** Dicere falſum, nunquam debet Confeſſarius, interrogatus verò debet aperire veritatem.

**QVÆRES** *Quid faciendum eſt Confeſſario, qui aduertit pœnitentem, aliquod peccatum, quod commiſit, non confiteri?*

**DICO 1.** Quando aduertit Confeſſarius, peccatum ſibi aliàs notum, non confiteri pœnitentem, tenetur illum interrogare; multoq; magis ad id obligatur, ſi illud peccatum vergat in damnum tertix Perſonæ. Ratio eſt, quia Confeſſarii eſt munus, non ſolùm cauere peccatum pœnitentis, quod incurreret, non conſitendo integrè, ſed etiam prouidere, vt iudicium ſuum ſit rectum, & fidele; quod non eſſet tale, ſi abſolueret aliquem, quem ſcit non integrè confiteri.

**DICO 2.** Si Confeſſarius ſciens certò, quia vidit peccantem pœnitentem, & non conſitentem vlli, nec ſibi, non debet eum abſoluere, ſed ſuâ ſcientiâ debet pœnitentem conuincere, & inducere ad conſitendum peccatum ipſum, quod ſi nolit confiteri, debet eum dimittere; quia ſic indiſpoſitum, non poteſt abſolvere.

**DICO 3.** Si Confeſſarius non eſt omninò ceſtus, quòd pœnitens tale peccatum commiſerit, ſed ab aliis audiuit, tenetur ipſum abſolvere, ſi negat. Ratio eſt, Tùm quia potuit pœnitens, illud peccatum confiteri alteri, & ideo negat, quia non tenetur bis confiteri. Tùm quia alii poterant ipſum, ex odio accuſaſſe.

Hinc

**COLLIGE**



**COLLIGE.** Si sit opinionum diuersitas in aliqua re, confessarius tenetur opinionem sequi tutiorem, quare si opinio Confessarii est tutior, debet illam sequi, si pœnitentis est tutior, debet illam sequi: in dubiis enim tutior est pars eligenda. Ita D. Subtilis q. 2. Prologi ad ultimum argumentum principale.

## ARTICVLVS III.

*Vtrum teneatur confessarius instruere pœnitentem ignorantem?*

*Ignorantia  
triplex.*

*Ignorantia  
Antecedens.*

*Concomitans*

*Subsequens.*

*Affectata.*

*Crassa.*

*Ignorantia  
juris.*

*Ignorantia  
facti.*

**NOTA 1.** Ignorantia, quæ est priuatio scientiæ, quam quis habere aptus natus est, triplex communiter à Theologis assignatur, præcedens, concomitans, & subsequens. Ignorantia antecedens est, quæ præcedit omnem actum voluntatis, ita vt nullo modo sit volita, nec explicitè, nec implicitè, nec virtualiter. Ignorantia concomitans est, quæ habetur de aliqua re, quæ agitur, tamen etiam si res illa sciretur, adhuc illa res ageretur, vt cum quis occidit inimicum, ignorans esse inimicum, quem tamen si sciisset inimicum, nihilominus occidisset. Hæc ignorantia concomitatur accidentaliter opus, sed non est causa operis. Ignorantia subsequens, alia est, quæ tanquam pœna, subsequitur peccatum, qualem ignorantiam incurrit Adam peccando, & hæc non est peccatum, quia vt docet Sanctus Bonaventura in 2. dist. 21. a. 2. q. 2. est in nobis, sed non à nobis. Alia ignorantia subsequitur actum voluntatis, quæ est voluntaria, id est, causata ab actu voluntatis: & hæc est duplex, affectata, & crassa: affectata est, quam voluntas vult, & affectat, vt per illam habeatur excusatio peccati, iuxta illud Iob. 21. & affectat, vt per illam habeatur excusatio peccati, juxta illud Iob. 21. *Scientiam viarum tuarum nolumus.* Crassa ignorantia siue supina, quæ quis posset scire aliquid, & tamen negligit scire, hæc enim ignorantia, est voluntaria indirectè, & non excusat à peccato, quia cum quis possit, & debeat scire aliquid, & tamen non scit, imputatur sibi.

**NOTA 2.** Ignorantia antecedens, idem est, quod inuincibilis. Subsequens quæ est affectata, & crassa, est vincibilis, & hæc est, vel juris, vel facti. Ignorantia juris, est ignorantia legis, vel præcepti, quod aliquid prohibetur, ne fiat, vel præcipitur ut fiat. Ignorantia facti, quæ ignoratur res ipsa prohibita, V. G. prohibetur ne occidatur homo: aliquis occidit hominem, putans esse feram, est ignorantia facti.

**DICO 1.** Quando ignorantia est inuincibilis, & si pœnitenti veritas aperiretur, sequeretur damnum graue, vel scandalum, vel aliqua

nota



nota in populo, tunc non tenetur Sacerdos illum admonere: sicut nec  
tunc quando monitionem putaret non profuturam, quod maximè lo- *Notent Co-*  
cum habet in Matrimoniiis, quæ bona fide putantur esse legitima ab *fessary.*  
ipsis conjugibus, etiam si occasione confessionis, Confessarius aduertat  
esse nulla: vnde silere debet, & viros doctos consulere. Ratio est, quia  
admonitio fieri debet tunc, quando spirituale commodum speratur,  
& sine graui damno fieri potest.

**Dico 2.** Quando ignorantia est vincibilis, & crassa, tenetur in *In ignorantia vincibilis debet admonere.*  
omni eventu Confessarius admonere, & instruere pœnitentem, aut cer-  
tè non absolvere. Ita communiter omnes. Ratio est, quia talis igno-  
rantia, est peccatum mortale, & illa posita pœnitens non integrè sua  
culpa confitetur, nec potest validam absolutionem accipere. Tunc  
autem ignorantia est culpabilis, cum quispiam nescit res, quas tene-  
tur, & potest scire, vt est Mysterium SS. Trinitatis, saltem simplici  
modo; Incarnationis, remunerationis bonorum, & malorum in alia  
vita; obligatio audiendi Missam die festo, obligatio restituendi alie-  
num, & cetera.

**PETES 1.** An debeat Confessarius interrogare pœnitentem de *An debet in-  
terrogare  
pœnitentem.*  
peccatis?

**RESPONDEO.** Debet, & tenetur, non tamen semper, sed tunc  
quando aduertit, & credit, esse necessarium ad integram, & fructuo-  
sam Confessionem, nimirum, quando putat pœnitentem ob ignoran-  
tiam, inconsiderationem, negligentiam, obliuionem, metum, vere-  
cundiam, aut malitiam, omittere velle. Deinde non quoad omnia,  
sed ea tantum, quæ communiter ejus status homines committere solent.

**PETES 2.** Quomodo? Respondeo Prudenter, discretè, & cau- *Quomodo?*  
tè, *Capite omnis viriusq;*, præsertim in Carnalibus. Præterea remotè,  
non de propinquo, à minoribus, & communioribus, ad majora, &  
magis particularia, à cogitationibus, ad verba, ab his, ad opera, &c.

**PETES 3.** Quot sunt diligentius in interrogationibus seruanda?

**RESPONDEO** Primò, Vt species, seu natura peccati distinctè  
explicetur. 2. Numerus peccatorum certus, vel verisimilis. 3. Cir-  
cumstantiæ, inter quas frequentior conditio pœnitentis, & complices,  
non tamen in indiuiduo. 4. Radix restitutionis. 5. Peccata diuerso-  
rum statuum, 6. De votis interrogandi sunt,



## ARTICVLVS IV.

*Quid faciet Confessarius, si malè absoluat pœnitentem, & an aliquam censuram, vel pœnam incurrat?*

*Defectus duplex vel circa substantiam, vel circa mores.* NOTA Multis modis potest Confessarius malè absolvere pœnitentem, vel ex malitia, vel ex naturali inaduertentia. Deinde hic defectus Confessoris, potest esse, vel circa substantiam Sacramenti, vel contra bonos mores pœnitentis. Exemplum primi, vt si absoluat sine auctoritate iurisdictionis, vel sine debita intentione absolueri, vel quia pœnitentem indispositum scienter, vel culpabiliter absoluit, & hoc quia Confessarius, vel propter timorem, vel propter verecundiam, non est ausus illi negare absolutionem. Exemplum secundi: si absoluat aliquem, non obligando eum ad faciendum debitam restitutionem, aut ad tollendum occasionem proximam peccati. &c.

DICO 1. Quando defectus accidit contra substantiam Sacramenti, non potest Confessarius pœnitentem absolvere abentem à peccatis, tam reueruatis, quàm non reueruatis. Ratio est, quia absolutio Sacramentalis, non potest dari absenti pœnitenti, vt probatum est supra.

*Malè absolvens quid facturus est.*

DICO 2. Quando Sacerdos aduertit aliquem, à se malè, vel invalidè fuisse absolutum, procurabit prudenter pœnitentem sibi iterum confiteri, & in ea Confessione generaliter eum interroget, an de omnibus præcedentibus doleat, & vt ipsa, (si necesse sit) quantum potest confiteatur, ita enim noua absolutio cadet in totam illam superiorem materiam, quæ vno verbo sufficienter nunc explicatur. Quod si pœnitens non potuerit induci, vt eidem Sacerdoti, iterum confiteatur, tunc clariùs admonendus est, de errore commisso in Confessione, non tamen exprimendo ipsum. Et hoc totum verum est, quando sine scandalo, & infamia Confessoris, vel pœnitentis, aut alio graui incommodo, id fieri potest, alioquin sufficiet Confessori, sui peccati pœnitentiam agere, & pœnitentem relinquere, Deoq; commendare, vt per contritionem, aliasq; Confessiones faciendas iustificetur, saltem indirectè, quod satis erit ad salutem pœnitentis, bonâ fide, & ignorantia iustâ, eum à supplemento excusante. Ita Angelus *Verbo Confessio* 5. num. 13. Nauar. cap. 26. num. 14. Suarez disp. 32. Sect. 2.

Ratio



Ratio est, quia qui fuit alteri causa damni, tenetur curare, ut illum ab illo damno liberet. Sicut iudex malè causam iudicans, tenetur sententiam reuocare, vel declarare, & efficere, ne reus injustè damnum patiatur.

DIXI (Quando sine scandalo, vel gravi damno, id potest fieri.) quia sicut pœnitens, similibus de causis excusatur ab integritate Confessionis, ut dictum est supra, ita & Confessarius excusari potest, ab obligatione admonendi pœnitentem. Secus dicendum est, si pœnitens sit in articulo mortis, vel credatur non facturum aliam Confessionem, tunc enim postponenda esset omnis difficultas, etiam si timeat sibi detrimentum, quia tunc pœnitens censetur esse in extremâ necessitate, in qua, salutem proximi tenemus nostris commodis temporalibus præferre.

DICO 3. Quando Cōfessarius absoluit aliquem validè, sed illicitè, tunc si nullum damnum tertiæ Personæ inde sequitur, ad nihil tenetur, nisi ad pœnitentiam: si autem damnum tertiæ Personæ inde secutum fuerit, & Confessor ad id concurrerit positivè, dicendo non teneri ad restitutionem, tunc tenebitur ipse Confessarius, vel pœnitentem mone-  
re, ut damnum sarciat, vel ipse resarcire tenebitur. Idem dicendum est, si id faciat ex gravi negligentia, quia Confessarius tenetur ex iustitia, non ita temerè uti jure suo absoluendo, ut id fiat cum damno alterius.

Quantum attinet ad absolutionem à Censuris, DICO Confessarius, qui à Censuris malè absoluit pœnitentem, quem absolvere non poterat defectu Jurisdictionis, debet absentem absolvere, obtentâ facultate absoluendi. Ratio. Tum quia absolutio Censurarum, fieri potest in absentem, & ignorantem, & existentem in peccato mortali. Tum quia Confessarius, nisi hoc pacto pœnitentem absolueret, in causa esset, cur pœnitens priuaretur suffragiis, cum excommunicatus etiam contritus, in sententia multorum, priuatur suffragiis Ecclesiæ. Hinc

COLLIGE I. Si Confessarius absoluat à casibus Bullæ Cœnæ Domini ipso facto manet excommunicatus, quæ pœna imposita est propter indebitum ministerium Sacramenti absolutionis.

*A Censuris  
absens potest  
absolui.*

*Absolvens à  
casibus Bullæ  
cœnæ Domini  
excommu-  
nicatur non  
habēs licentiā*



**COLLIGE 2.** Si Sacerdos in absolutione danda erraret, siue ex malitiâ siue ex alio capite, vt quia caret iurisdictione, vel approbatione, vel sufficienti scientiâ, tametsi peccet iuxta dicta, & Sacramentum non faciat, tamen non incurrit vllam pœnam à jure communi impositam. An verò sit aliqua pœna in Extrauagantibus, vel Constitutionibus Synodalibus, vel à locorum ordinariis, diligenter Confessario est inquirendum, quia potest statui pœna.

### ARTICVLVS V.

*An aliqua dispositio requiratur in Confessario, & Cæremonia in administratione Sacramenti Pœnitentiæ?*

*Debet esse in gratia.*

**DICO 1.** Debet curare vt sit in gratia, quando administraturus est hoc Sacramentum, aliâs administrando illud in peccato mortali, sacrilegium committit.

**DICO 2.** Antequam accedit ad Confessiones audiendâs, debet lumen petere à DEO, ne dum aliis cælum vult aperire, sibi non claudat, & infernum non aperiat. Deinde factâ oratione, pœnitentem grato animo recipiat, sicut recepit Pater filium prodigum: postea moneat, vt se signet signo sanctæ crucis: tandem interroget, quampridem sit confessus; quis status ejus; an pœnitentiam impleuerit?

*Cæremonia nulla requiritur de necessitate.*

**DICO 3.** Ex parte confessarii, non videtur vlla cæremonia accidentalis necessaria, necessitate Sacramenti, aut præcepti; nam vel loquimur de Cæremonia Crucis sanctæ, vel de manuum impositione, vel orationibus. Si loquamur de Cæremonia sanctæ crucis, quæ consistit in signo Crucis, & adhiberi solet in fine absolutionis, certum est, hanc Cæremoniâ, non esse necessariam, cum nullum extet hac de re præceptum; & liberum videtur Sacerdoti, hoc signum adhibere, vel omittere, licet consultum sit adhibere. Si verò loquamur de Cæremonia, quæ consistit in manuum impositione, tangeado caput pœnitentis, dico hanc Cæremoniâ non esse necessariam, immò non esse adhibendam omnino, circa faminas, nè aliquod periculum tentationis inde suboriatur. Si verò loquamur de ea, quæ fit cum sola manuum extensione, puto in hac re, seruandam esse locorum consuetudinem. Porro de orationibus præmittendis, vel ad finem recitandis, nullum quidem extat præceptum, tamen hoc est laudabile, expediens, & vtile, quia talibus deprecationibus, impetrari potest, major dispositio; aut perseuerantia, & maior fructus, vt dictum est, *Disputatione 3. de forma Sacramenti pœnitentiæ.*

QVA



## QVÆSTIO VIII.

## De Sigillo confessionis.

1. hic quæram. Quò jure teneatur Confessarius, ad sigillum Confessionis?
2. Quænam cadant sub sigillum Confessionis?
3. Quinam teneantur ad sigillum Confessionis?
4. Vtrum Confessarius possit vti scientiâ Confessionis?
5. Cui, & quando, tacendum est peccatum in Confessione acceptum?
6. An sigillum Confessionis, extendat se ad sigillum extra confessionem habitum?
7. An denunciare Confessarium sollicitantem ad inhonestâ, sit contra sigillum?

## ARTICVLVS I.

*Quo jure, teneatur Confessarius, ad sigillum Confessionis?*

NOTA. Sigillum Confessionis, est obligatio, quâ Confessarius *Sigillū quidē* teneretur, ea reticere, quæ per Confessionem sibi manifestata fuerunt. Dicitur Sigillum, quia sicut ea, quæ in literis sigillo munitis continentur, non possunt legi, aliisq; manifestari; ita neq; possunt verbis, aut signis, aut factis directè, vel indirectè, manifestari ea, quæ audita sunt in Confessione, vel aliquomodo pertinent ad illam.

DICO I. Confessarius teneretur ad sigillum Confessionis, jure natura- *jure natura-* turæ. Probat Doct. S. in 4. dist. 21. q. 2. quatuor rationibus. 1. ex *re obligatur* ratione charitatis: lex naturæ continet charitatem fraternam, quæ est, *ad sigillum.* ut omnia quæcunq; volumus nobis fieri, ea faciamus & proximo, & *Ratione charitatis.* quæ nobis nolumus, ea non faciamus proximo: hanc propositionem Saluator mundi, Matthæi 7. explicauit. *Omnia quæcunq; vultis ut faciant vobis homines, & vos facite illis, hæc est enim lex & Propheta;* Porro ista particula, (*Quæcunq; vultis vobis*) intelligitur, quæ debetis velle vobis secundum rectam rationem, quare explicatur per illam propositionem. Matth. 22. *Diliges proximum sicut teipsum.* Subsumo. Sed ita est, quòd vnusquisq; secundum rectam rationem, debet diligere propriam famam, & consequenter secundum legem naturæ, debet diligere, & velle peccatum proprium confessum celatum manere. Ergo hoc idem debet velle proximo. Istud assumptum patet ex capite 41. Ecclesiastici. *Curam habe de bono nomine, hoc enim magis remanebit tibi, quam mille thesauri magni, & pretiosi.* 2. probat ex debito fidelitatis. Quilibet enim teneretur seruare fidelitatem proximo suo, quam



*Ratione veracitatis.*

deberet velle seruare sibi. Sed committens secretum alicui, vult seruari sibi tanquam secretum: Ergo ille cui committitur, debet, & tenetur illud seruare ei. 3. probat ex ratione veracitatis, quilibet enim tenetur seruare promissum licitum. Sed recipiens hoc secretum in Confessione, promittit implicitè saltem seruare secretum. 4. probat ex ratione vtilitatis mutue, seu ex ratione vnitatis, & ordinis. Vide in textu loco citato.

*Jure Diuino obligatur.*

**Dico 2.** Confessarius, tenetur jure Diuino ad sigillum Confessionis. Probatur 1. Nullus Christianus tenetur dare occasionem alteri, vt recedat à lege Christi Domini. Sed lex Christi Domini est, de facienda Confessione, *Joan. 20.* Ergo quilibet Christianus tenetur ad non retrahendum aliquem à Confessione facienda. Sed reuelans, dat occasionem, retrahendi à Confessione, difficile enim ab hominibus usurparetur, si Confessarius ad sigillum non teneretur, imò Confessio efficeretur odiosa, & onerosa, & ab ea multum fideles retraherentur. 2. probat Doctor *loco citato.* Quæcunq; ligantur, & soluantur judicio Sacerdotis, soluantur, & ligantur judicio DEi, & consequenter finaliter, quia vltra judicium DEi, nullum est aliud judicium. Sed si sigillum posset reuelari, vltra sententiam Sacerdotis ratificatam finaliter à DEo, adesse posset aliud judicium exterius legitimum, quod dici nequit. Ergo. 3. Dans occasionem exequendi præceptum Diuinum indebitè, & cum peccato mortali, peccat mortaliter. Sed reuelans Confessionem, dat talem occasionem. Ergo. Minor patet quia poenitens sciens peccata, posse reuelari, sumeret occasionem mentiendi in Confessione, & laudandi se, & alium quem odiret accusandi, vt sic indignè à Confessore ipse promoueatur, alius verò puniatur.

Confirmatur, Confessarius vices DEi gerit. Sed DEus remittendo peccata illa tegit, & eorum obliuiscitur, vt patet *Psalmo 31. Beati quorum remissa sunt iniquitates, & quorum tecta sunt peccata.* Et *Ezechiel. 18. Omnium iniquitatum ejus non recordabor.* Ergo & confessarius tenetur peccata celare.

*Jure Ecclesiastico.*

**Dico 3.** Confessarius tenetur ad sigillum Confessionis, etiam jure Ecclesiastico. Patet ex jure de penitentia *dist. 6. cap. Sacerdos.* vbi dicitur, *Sacerdos ante omnia caueat, ne de his quæ ei consentiuntur peccata re- citet.* Et subdit poenam, *Nam si hoc fecerit deponatur, & omnibus diebus vita sua ignominiosus pergat peregrinando.* Et capite omnis viriusq; sexusq;



*sexus, dicitur. Caueat autem omnino, ne verbo aut signo, aut alio quouis modo, peccatorem aliquatenus prodat; Et pœnam assignat, reuelanti, ut à Sacerdotali officio deponatur, & ad agendam perpetuam pœnitentiâ, in monasterium arctum detrudatur: Et hanc pœnam secundam, Doctor Subtilis commendat, non enim expedit, ut aliquis, propter aliquod crimen, fiat vagabundus, quia sic tam in se, quàm in aliis plus peccaret, & noceret. Hinc*

**COLLIGE** Peccata duo committit mortalia, qui frangit Sigillum Confessionis: vnum contra iustitiam, quia infert proximo damnum, Aliud contra religionem, & hoc est Sacrilegium: facit enim injuriam Sacramento Pœnitentiæ, quod cum obligatione sigilli à DEO institutum fuit. Addo quod in hoc non excusat paruitas materiæ, vnde nec minimum veniale ex confessione detegere licet, ut dicam sequenti articulo.

*Frangens sigillum dupli-  
citer peccat.*

## ARTICVLVS II.

*Quenam cadant sub Sigillum Confessionis?*

**DICO** 1. Illa omnia, quæ manifestata sunt Sacerdoti, per ordinem ad Confessionem Sacramentalem, facta animo se accusandi, cadunt sub Sigillum Confessionis. Ratio est, quia ex talium manifestatione, Confessarius censetur sacrilegus, sigilli violator, & confessio redditur onerosa. Secus dicendum est de iis, quæ non sunt manifestata per ordinem ad Confessionem Sacramentalem. Hinc

*Quæ cadit  
sub sigillum*

**COLLIGE** 1. Quando quis defectu Sacerdotis, scienter manifestat peccata sua laico, vel clerico, quantumcunq; ea dicat se, quæ dicit cadere, vel dicere sub sigillo, & alius promittat se ea ita accipere, per talem tamen obligationem, non inducitur obligatio sigilli confessionis, quia talis confessio, nullo modo est Sacramentalis, quam Christus Dominus instituit: licet laicus reuelans, sic manifestata peccata peccet contra iustitiam, non tamen subiacet pœnis Confessariorum reuelantium. Secus dicendum, si quis se fingat Sacerdotem, & ei pœnitens, ut Sacerdoti potestatem habenti absoluendi, manifestauit peccata, animo se accusandi, & per ordinem ad Confessionem Sacramentalem; quia hæc Confessio est Sacramentalis, saltem ex opinione pœnitentis, falsâ quidem, attamen fundatâ in præcepto CHRISTI Domini.

*Nota.*

**COLLI-**



**COLLIGE 2.** Ille qui peccata audita in Confessione, alia via no-  
uit, posset quidem ex ea via illa reuelare: cauendum tamen ei omnimo-  
dò est, ne vlla ratione aliquid ampliùs, aut certius affirmet, quàm extra  
Confessionem cognouerit.

*Reuelans ve-  
nialia fran-  
git sigillum.*

**COLLIGE 3.** Frangit sigillum, qui V. G. reuelat Petri Confes-  
sionem, dicendo absolui eum à mortalibus: quia in hoc grauis fit inju-  
ria pœnitenti. Deinde reuelans venialia in specie, V. G. verbum otio-  
sum frangit sigillum, quia aperit aliquid, ex confessione verè cognitum,  
quod aliis per se non patebat. Porro dicens Petrum sibi esse confessum,  
tantùm venialia, non frangit: quia non tam reuelat ipsius peccata,  
quàm potius areet suspicionem, quàm aliqui possent concipere, eum  
mortalia confessum fuisse. Aduerte etiam hîc periculosum esse, vnum  
pœnitentem, præ aliis laudare, præsertim si duorum, vel trium recen-  
ter confessionem audiuit.

**COLLIGE 4.** Si aliquis dicat, Petrum sibi obtundere caput mi-  
nutissimis peccatis, talem Nauarr: excusat à fractione sigilli *cap. 8. n. 12.*  
tamen alii Doctores dicunt, etsi directè non frangat sigillum, tamen  
frangit indirectè, nam videtur innuere, talem esse scrupulosum, aut  
saltem posset facillè audientibus, talem ingerere opinionem.

**COLLIGE 4.** Cadunt sub sigillum peccata etiam publica, si Sa-  
cerdos ea ex Confessione sola norit; quia etiam hoc cederet in grauem  
injuriam Sacramenti.

*Circumstan-  
tiæ cadunt  
sub sigillum.*

**DICO 2.** Omnes circumstantiæ peccatorum, & peccata sociorum,  
ac naturales defectus pœnitentis, aliq; id genus, quatenus à pœniten-  
te narratur, vt circumstantiæ peccati, ad ejus explicationem aliquomo-  
do pertinentia, etiamsi verè à parte rei, nullo modo sint materia Sa-  
cramenti, quia cùm horum explicatio, vel sit, vel saltem credatur à pœ-  
nitentibus necessaria, ad perfectam Confessionem faciendam, si Sacer-  
dos non teneretur ea seruare sub sigillo, valde onerosa redderetur Con-  
fessio, cùm pœnitentes vellent potius diuulgari sua peccata, quàm illa,  
& non possunt confidenter confiteri, nisi ea explicent, & consequenter  
nisi sciant ea contineri sub sigillo. Secus est de iis, quæ narrantur, tan-  
quam nullo modo spectantia ad Confessionem, sed solùm ex occasione  
aliqua incidente. Hinc sequitur 1. Si pœnitens ad manifestandum ali-  
quod peccatum, dixit se esse spurium, pauperem, aut aliquem defectum  
naturalem manifestauit, id Confessarius, sub sigillo Confessionis, ser-  
uare



uare tenetur. Sequitur secundo quòd complex non est reuelandus. Unde.

**COLLIGE 1.** Sacerdos tenetur ad ea celanda, quæ in Confessione audiuit, etiam si pœnitentem ob aliquem defectum non absoluerit, nam illa audiuit per ordinem ad Confessionem. Similiter qui ex Confessione cognouit aliquod impedimentum ad Matrimonium, neq; potest impedire Matrimonium volentem contrahere cum tali impedimento: aliàs redderetur exosa confessio, monendus tamen esset serio, ne contrahat.

**COLLIGE 2.** Frangit sigillum, qui dicit pœnitentem se non absoluisse; immo, & ille, qui in præsentia multorum repellit pœnitentem, non dando illi absolutionem, propter aliquod impedimentum, exponit enim eum apertè suspitioni aliorum: quare in tali casu, debet supra illum orationem aliquam dicere, & signo crucis eum signare; admonendo eum non esse absolutum, vt circumstantes putent eum esse absolutum.

**COLLIGE 3.** Non facile de auditis in Confessione Confessarii debent colloqui, nisi subsit aliqua grauis causa, præsertim coram multis, & cum expressione aliquarum circumstantiarum: facile enim præsertim rudes scandalizantur, putantes hoc modo lædi sigillum. Tùm quia quandoq; est periculum ne lædatur, quia potest facile contingere, vt ex quibusdam circumstantiis aliqui conijciant, facti authorem.

**DICO 3.** Confessarius non tenetur ex vi sigilli confessionis, ad occultanda bona, seu virtutes pœnitentis, sed solum tenetur ex vi secreti naturalis, juxta intentionem pœnitentis. Ratio est, quia talia dona, non solent in Confessione manifestari, animo se accusandi, & ex ipsorum manifestatione, confessio non efficitur odiosa. Ita Richard. in 4. dist. 21. art. 4. q. 4.

### ARTICVLVS III.

*Quinam teneantur ad sigillum Confessionis?*

**DICO** Certum est apud omnes, Confessarium obligari, ad tenendum secretum sub grauissimo peccato sacrilegii. Patet ex primo Articulo. Pro intelligentia.

**NOTA** Conditiones Confessionis Sacramentalis sunt hæc. **Pri-** *Conditiones*  
mò vt fiat Sacerdoti animo recipiendi absolutionem. **2.** quòd Sacer- *Confessionis*  
dos habeat intentionem ministrandi hoc Sacramentum, quod sit dum *Sacramen-*  
*talis.*



more solito audit pœnitentem, nec protestatur se illum nolle audire in confessione, sed extra, nec valet si conetur pœnitens obligare eum ad sigillum, quia obligatio, non oritur, nisi ex actu voluntario. Ex quo sequitur, si pœnitens fictè accederet, neq; haberet internam voluntatem recipiendi Sacramentum pœnitentiæ, sed sumeret illam occasionem fortassè ad decipiendum confessarium, dummodò ex signis exterioribus apertè hæc intentio non pateat, sed ipse pœnitens dicat, se accessisse pro facienda confessione: Hæc confessio est Sacramentalis, licet inualida: quia extrinsecè, & coram Ecclesia, habet conditiones confessionis Sacramentalis, & obligat ad sigillum. Ita Caiet: 2. 2. q. 70. a. 1. Soto. in 4. dist. 18. q. 4. a. 5. Nauar. cap. 18. num. 55. Hinc

**COLLIGE 1.** Hoc sigillum adeò stricte obligare, vt ob nullum omnino, quantumcunq; magnum incommodum euitandum, tam spirituale, quàm corporale, villo vnquam casu inuito pœnitente liceat aliqua, quæ sub sigillum cadunt reuelare, etiam si aliàs integrum regnum debeat perire &c. Ita communiter omnes. Patet. Ex cap. Sacerdos de pœnitentia. Ratio est, quia sic suspecta, onerosa, & odiosa, redderetur confessio.

*Ob nullum  
damnum de  
bet reuelari.* **COLLIGE 2.** Non licet reuelare peccatum in confessione auditum, etiam si ipsemet confessarius, non possit aliter integre confiteri, V. G. si Confessor confessarii possit venire in cognitionem pœnitentis, dicit enim D. Subt. in 4. dist. 21. q. 2. ad 3. num. 21. quòd in tali casu non tenetur in speciali culpam exprimere, sed vel precisè in vniuersali dicendo, mea culpa indiscretè, & indebitè ministravi Sacramentum pœnitentiæ, vel si vrget eum conscientia, de confessione facienda hoc in speciali, tenetur quærere, vel expectare oportunitatem confitendi alicui, qui ex tali confessione peccati, & circumstantiarum, non possit deuenire in notitiam Personæ confessæ. Quòd si nunquam copiam huiusmodi Confessarii habere poterit, inquit D. Subtilis, non debet, nec tenetur confiteri. Ratio est, quia magis obligatur ad præceptum sigilli, quàm ad confitendum proprium peccatum, quia ad sigillum tenetur triplici lege, vt visum est articulo 1. ad confitendum verò integre tantum lege Diuina positua. Vnde potius dimidianda est confessio, quàm dicendum aliquid, quòd reueletur confessio.

**COLLIGE 3.** Non licet propter correctionem pœnitentis, aut aliam ipsius vtilitatem, peccatum reuelare, siue directè, siue indirectè.

Ratio



Ratio est, quia major est obligatio seruandi sigillum, quàm correctio-  
nis alterius, quandoquidem hæc aliâ viâ adhiberi potest. Vnde multi  
Doctores tenent peccatum Episcopum, si remoueat Parochum ab  
officio propter ejus ineptitudinem, cognitam in confessione. Idem  
dicendum putant de quouis alio Superiori, qui nunquam debet ali-  
quid facere circa subditum, vnde posset conjici, id fieri ex notitia confes-  
sionis, sed tunc suadere debet pœnitenti, vt ipsemet petat liberationem  
ab officio, in quo habet proximam occasionem peccandi. Porro D.  
Subt: in 4. dist. 21. q. 2. ad 6. cum Sancto Bonauentura ibidem. 2. p. 4. 2.  
q. 1. ad ultimam. S. Thomas 1. 3. art. 1. & aliis, qui distinguunt. Si in  
aliqua Religione est consuetudo communis, & sine nota, vt quilibet a-  
moueatur à suo officio, & loco, prohibito superioris, vel etiam non  
prohibito, sed quandoq; pro alia causa honesta, ad aliud munus, aut lo-  
cum, & in hoc casu, potest Superior ex peccato audito in confessione,  
pœnitentem ab officio & à loco amouere, & ad alium transferre, ex quo  
ei occasio peccati auferatur. Si verò in aliqua Religione, est consue-  
tudo, quòd Religiosi in officio, & in loco durent ad certum tempus ni-  
si ratione delicti, vel insufficietia, ex eo amoueri soleant, & tunc in  
tali casu nullo modo Superior potest amouere Religiosum à loco, vel  
ab officio. Vnde licet suffragium secretum denegare ex scientia con-  
fessionis. Ita S. Thomas in 4. dist. 9. q. 1. 4. 5. Palud. in 4. dist. 21.  
q. 3. 4. 3. Nauar. cap. Sacerdos de pœnitent. dist. 6. n. 147.

**COLLIGE 4.** Sacerdos propter nullum malum proprium, etiam  
mortis, potest reuelare sigillum. Vnde interrogatus ab aliquo de sigil-  
lo, debet dicere, se nihil scire, quia confessarius intelligit se nescire, eò  
modo, quòd possit dicere: Addo interrogatus, posset jurare se nescire;  
quia iuramentum intelligitur de ea scientia, quæ est licitè subjecta hu-  
manæ interrogationi.

**COLLIGE 5.** Non potest dare pœnitens licentiam, reuelare  
confessionem Confessario. Ita D. Sub. loco citato ad 1. Durandus,  
Gabriel. ibidem q. unica art. 3. Ratio est, quia cederet in injuriam  
Sacramenti, & nulla est necessitas scita ex confessione reuelare, cum  
pœnitens extra confessionem possit dare licentiam, & iterum ea  
narrare, vel complicem prodere, si necessitas postulet, & po-  
ssit esse sine graui damno vtriusq; sed hoc semper extra Confessio-  
nem.



DICO 2. Non tantum Confessarii, sed etiam omnes ij, qui ab eo mediatè, vel immediatè acceperunt; quia transferens aliquis aliquid in alium de facto, quod non potest justè, nec licitè transferri, non dat illi alteri, jus vtendi, vel transferendi illud in alterum. Sed ita se res habet in proposito Ergo &c.

DICO 3. Etiam ij qui audierunt confessionem alterius, siue casu, siue dolosè. Similiter consultores, interpretes: & illi, qui aliena peccata, ex confessione, aliquo modo cognouerunt. Ratio est, quia hæc omnia sunt ex confessione cognita. Qui verò confessionem scriptam inuenerunt, solum jure naturali, obligantur ad secretum, cum nondum sit inchoata confessio: esset tamen peccatum mortale, ratione scandali, aliquid ex tali confessione narrare.

DICO 4. Pœnitens non tenetur sub hoc sigillo celare ea, quæ sibi dicuntur à Confessario, sed solum jure naturali. Patebit ex Articulo. 6.

#### ARTICVLVS IV.

*Vtrum Confessarius, loqui possit de auditis in Confessione, aut vti scientiâ Confessionis?*

DICO 1. Confessarius loquens de auditis in Confessione, absq; reuelatione Personæ, & sine periculo, vt audientes veniant in cognitionem, vel suspicionem Personæ, non dicitur frangere sigillum. Ratio est, quia ex hujusmodi locutione, non reuelatur peccator, nec vlli sit injuria, nec ob id confessio redditur onerosa, vel odiosa. Hinc

COLLIGE 1. Confessarius non est fractor Sigilli, si cum pœnitente loquatur de peccatis in Confessione auditis, quibus pœnitens incepit ipsum Confessarium alloqui, nam pœnitens hoc pacto, sufficienter indicat se Confessario facultatem dare loquendi, de auditis in Confessione, cum non solum verbis, verum etiam factis animus indicetur. Atq; hinc sequitur, posse Confessarium de licentia pœnitentis, admonere hæredes, de re aliqua restituenda, pro suæ conscientie exoneratione, nam vtitur scientia Confessionis de licentia pœnitentis; ita Nauar: cap. 12. num. 23. & alij, melius tamen vt det illi licentiam extra Confessionem.

COLLIGE 2. Non frangitur sigillum Confessionis, si Confessarius dicat, in aliqua Ciuitate adesse multos reprobos, vel talia crimina.



*Tractatus de Pœnitentia.*

crimina perpetrari: nulli enim pœnitenti fit injuria, cum non sit periculum, ut auctor illorum peccatorum cognoscatur; & hoc verum est de Ciuitate ampla, & magna; non verò de oppido exiguo, vel loco aliquo, vel Congregatione parua.

DICO 2. Confessarius, non potest extra Confessionem, sine libera pœnitentis licentia, uti scientia Confessionis, ad aliquid faciendum, vel omittendum, quoties periculum imminet reuelationis, directe, vel indirecte alicujus peccati, in Confessione auditi, sed perinde se debet gerere, ac si nihil sciret, in iis rebus, ex quibus pudor, seu Confusio, aut damnum pœnitenti, sequeretur. Ratio est, quia Clemens VIII. in Bulla motu proprio, quam pro Regularibus edidit, Anno Domini 1594. die 26. Maij, præcepit, ne Confessarii ad superioritatis gradum euecti, scientiâ de aliorum peccatis habitâ in Confessione utantur, ad externam gubernationem. Ergo non licet extra Confessionem, uti scientiâ in Confessione habitâ. Tùm quia Confessio redderetur onerosa, & odiosa. Tùm quia forum Sacramentalis Pœnitentiæ omninò segregatum est, à foro jurisdictionis, & gubernationis externæ. Ita Armilla verbo Confess: num. 7. Bannez 2. 2. q. 33. art. 8.

*Extra Confessionem, non licet uti scientiâ, in confessione acceptâ.*

DIXI in Conclusionem ( *Extra Confessionem* ) quia potest Confessarius in Confessione, uti scientiâ ab ipso pœnitente habitâ, in alia confessione, reprehendendo pœnitentem de peccatis sæpius perpetratis, non enim frangit sigillum, cum extra Confessionem non loquatur, de auditis in Confessione; imò addunt aliqui posse Confessarium loqui cum pœnitente, de auditis in Confessione extra confessionem, animo illum adjuuandi, admonendi, vel reprehendendi, etiam si à pœnitente non petierit licentiam, loquendi de auditis in Confessione. Ita Vasquez q. 93. art. 4. Medina. Sed reuera hoc dictum non placet grauissimis Doctoribus, ut Confessarius, extra Confessionem loquatur de auditis in Confessionibus, sine licentia pœnitentis, quia redderetur confessio, & odiosa, & onerosa, & injuriam inferret pœnitenti.

DIXI ( *sine libera licentia pœnitentiæ* ) nam interueniente pœnitentis licentiâ, nullum per se loquendo sequitur inconueniens; hæc tamen licentia, non debet esse tacita, vel præsumpta, sed expressa verbis, vel facto, & extra Confessionem. Hinc



**COLLIGE 1.** Non licet Confessario, ob peccatum in Confessione cognitum, priuare pœnitentem officio, licet officium sit ad arbitrium, & nutum amouibile. Vnde Si Parochus cognoscat ex confessione famulum suum furem, non potest ex sola scientia confessionis ipsum dimittere. Similiter, non potest denegare SS. Eucharistiam alicui, ob peccatum in Confessione auditum. Ratio est, quia injuria fieret Sacramento, & Confessio redderetur fidelibus odiosa. Ita Sotus in 4. dist. 18. q. 4. art. 5. Bonacina de pœnitent. disp. 5. q. 6. Sect. 5. puncto. 2. num. 9. Similiter Parochus sub sigillo tenetur reticere impedimentum matrimonii ex confessione cognitum, consequenter non potest matrimonium tali pœnitenti denegare. Ita Bonacina loco citato num. 8.

**COLLIGE 2.** Confessarius ex scientia Confessionis, non potest admonere Episcopum, vel Prælatum monasterii, vt peccata impediat, si periculum sit, ne delinquens aliquâ ratione cognoscatur. Ita Azor 2. p. lib. 12. cap. 15. quesito 6. Bonacina ibidem puncto 4. num. 27. Secus dicendum putat Nauar: Consil. 11. de pœnitent. & remissione. Bonacina ibidem si hoc fiat absq; reuelatione pœnitentis, & periculo, vt delinquens cognoscatur, nec inde sequatur pudor, & confusio pœnitenti, Consilium verò dat Bonacina Confessariis, vt in huiusmodi casibus in quibus imminet periculum peccatorum, vt petatur licentia ab ipso pœnitente post confessionem, vt hac ratione non frangatur sigillum, & occurratur, seu præcludatur via peccatis.

**COLLIGE 3.** Qui per Confessionem nouit Ecclesiam esse pollutam, non potest hoc detegere, vt reconcilietur. Ratio est, quia non potest vti scientiâ confessionis, cum hæc scientia habita, sit loco DEI. Ita Syluester Verbo Confessio 3. q. 41. Bonacina loco citato puncto 4. n. 23.

**COLLIGE 4.** Non potest Cōfessarius ex notitia in Confessione habita corrigere complicem pœnitentis, aut ejus delicta extra confessionem impedire, aut alloqui complicem de peccato, nisi hoc faciat de licentia pœnitentis. Ita Syluester loco citato q. 6. Suarez disp. 34. Sect. 4. num. 19. Qui addunt posse fieri aliquando, vt confessarius ratione vrgentis necessitatis, teneatur ad correctionem complicit, obtentâ licentiâ à pœnitente extra confessionem, quam pœnitens dare tenetur Confessario, nisi graue damnum sibi, vel complici, timeat.

**COLLIGE 5.** Confessarius non potest ob peccata in confessione audita, faciem, & vultum asperiores præbere pœnitenti, quam antea soleret,



soleret, nam inde sequeretur confusio pœnitenti. Ita Bonacina *puncto*  
4. num: 26.

**COLLIGE 6.** Confessarius qui nouit ex confessione sibi ab aliquo  
insidias parari, potest domi se continere, ne occidatur. Sicut in simili  
D. Subt: in 4. dist. 21. q. 2. ad 3. dicit. Si Sacerdos intelligat ex con-  
fessione vnus, paratas sibi insidias in nemore, potest ille Sacerdos in-  
uenire aliquam occasionem, non intrandi illud nemus, & sic non reue-  
laretur confessio: Quia D. Subtilis dat regulam generalem loco citato.  
Quando signum est æquiucum, seu indifferens ad denotandum tale  
peccatum fuisse confessum, licet sit aliquibus, magis signum determi-  
natum, ex aliquo supposito, non est signum reuelatiuum confessionis,  
nec per consequens est simpliciter illicitum confessori. Et sic in casu  
proposito, potest Confessarius cognoscens ex confessione vnus com-  
plices, mortem sibi imminere ab aliis complicitibus, potest alio declina-  
re. Est contra Nauar: cap. Sacerdos de pœnitentia. Suarez tom. 4.  
dist. 33. Sect. 3. n. 7. cum D. Subtili sunt Major, Gabriel in 4. dist.  
21 q. 5. Sanchez de Matrimonio dist. 16. & alii. Addo Sacerdotem,  
qui per Confessionem nouit, vinum ad Missam paratum esse veneno in-  
fectum, posse Missam prætermittere, vtitur enim iure suo, nec inde se-  
quitur pudor, & confusio pœnitentij nec confessio redditur otiola, oc-  
casione tamen aliunde acceptâ dimittendæ Missæ.

Regula ad  
cognoscendū  
quando est  
reuelatio in  
confessione

**COLLIGE 7.** Confessarii non possunt ex noticia confessionis,  
de peccatis colloqui ejusdem pœnitentis: ita enim postulat natura si-  
gilli.

**COLLIGE 8.** Confessarius qui ex confessione nouit, necem ali-  
cui parari, aut prodicionem imminere ciuitati, non potest proditio-  
nem ciuitatis futuram, aut necem alteri impendentem manifestare,  
quoties periculum est, vt auctor defegatur, & rei deprehendantur: præ-  
ciso verò hujusmodi periculo, admonendus est in genere is, cui pericu-  
lum imminet, vt se domi contineat ob certas causas, quia periculum si-  
bi imminet. Similiter, si periculum non est, quod ille qui illaturus est  
grauè damnum ciuitati, vel regno, prodatur, possunt incolæ admoneri  
incommuni, vt sibi caueant diligenter, ne Deus aliquod malum per-  
mittat. Ita Henriquez lib. 6. cap. 22. num. 2. & alii.

# ARTICVLVS V.

*Cui, & quando tacendum est peccatum, in confessione acceptum?*

Quam-



*Cui tacendum sigillum.*

Quantum *ad cui*, Dico Omnibus, quicumque sint, pro quacunque causa. Vnde si Papa præciperet alicui, ut reuelaret confessionem, non esset ei obediendum, quia Papa non est supra jus naturæ, vel Diuinum. Atque hoc sigillum est de jure naturæ, & Diuino. Ergo &c. Atque hinc sequitur, quod nec pro bono communi spiritali, est reuelandum hoc sigillum. Vnde refutat D. Subr. in 4. dist. 21. q. 2. ad 2. illud dictum Juristarum. *Est hæresis crimen, quod nec Confessio celat*: nam nec peccatum hæresis debet reuelari. Ratio est, quia quod est contra charitatem est illicitum. Sed reuelare crimen etiam hæresis in confessione acceptum, est contra charitatem; nam licet hæresis, vel proditio patriæ, est contra bonum commune, & consequenter contra charitatem, & ideo obligare vnum quemque, ad illud impediendum, sed hoc obligat etiam secundum leges charitatis, quod enim est charitatis, charitatiue est exequendum, juxta illud Deuteronomio 20. *Iuste quod iustum est exequeris*. Cum igitur reuelare hæresim, vel proditionem patriæ, per reuelationem confessionis, sit contra charitatem, quia modus est contra charitatem, consequenter est illicitum.

*Quando tacendum sigillum.*

Quantum *ad Quando*, Dico cum Doctore Subtili, ubi supra. Cum hoc præceptum sit negatiuum, ac proinde obligare ad semper, & pro semper, sicut omnia alia præcepta negatiua. Ex quo sequitur, quod obligat etiam post mortem poenitentis, etiam ad impediendum graue damnum. Ratio est, quia fama proximi, etiam post mortem durat, possentque timere viui, ne eorum peccata post mortem reuelarentur, & sic redderetur exosa, & onerosa confessio.

#### ARTICVLVS VI.

*An sigillum confessionis, extendat se ad sigillum extra confessionem habitum?*

*Confessio coram laico qualis?*

Dico 1. Sigillum confessionis obligat, in quacunque confessione Sacramentali. Patet ex primo Articulo, dum modò sit verè Sacramentalis, vnde confessio facta laico in casu necessitatis, non est Sacramentalis, cum sit nullius valoris; neque valet quòd poenitens intendat esse Sacramentalem, quia intentio poenitentis, non potest facere, ut illud quod non est Sacramentale, sit Sacramentale, quia hoc est munus solius DEI.

Dico 2. Confessio non Sacramentalis, non obligat ad sigillum  
Con.



Confessionis. Ratio est, quia actus qui ex se non est Sacramentalis, *Confessio nō*  
non potest ab homine fieri Sacramentalis, neq; obligare plus, quàm se- *Sacramen-*  
cretum communicatum extra confessionem ex lege naturæ. Vnde si *talis an obli-*  
reueletur confessio non Sacramentalis, non fit injuria Sacramento, quia *get?*  
nullum est Sacramentum, sed similitudo Sacramenti: quare licet de-  
cipiens grauitèr peccet, tamen non obligatur, tam arcto vinculo. Quid  
autem sit confessio Sacramentalis, dictum est *hæc art. 3. Notando 1.*  
*concl: 1.* Hinc

COLLIGE Confessio facta Sacerdoti, non habenti jurisdi-  
ctionem, est Sacramentalis, si pœnitens putet Sacerdotem habere ju-  
risdictionem, & requisita, etiamsi Sacerdos non habeat, & scienter au-  
diat; Sicut à simili, si pœnitens non habeat attritionem, vel non inte-  
grè sciens confiteatur, est confessio Sacramentalis, licet inualida, ita  
in proposito. Si verò pœnitens sciat Sacerdotem, non habere jurisdi-  
ctionem, & tamen velit confiteri illi, talis confessio, non est Sacra-  
mental, quia stante hac scientiâ, nec pœnitens potest habere intentio-  
nem confitendi peccata ad suscipiendum Sacramentum, nec Sacerdos  
administrandi Sacramentum sine jurisdictione.

QVÆRES. Quanta sit obligatio seruandi secretum extra confessionē?

DICO 1. Reuelans secretum, cujus reuelatio redundat in alterius  
graue detrimentum, vel injuriam mortaliter peccat, præsertim, si com-  
missum fuit ei secretum sub sigillo. Ita D. Subt: *in 4. dist. 21. q. 2.*  
*num. 17.* Patet, quia fides jure naturæ seruanda est. Ergo reuelans  
secretum sibi commissum sub sigillo, cum graui alterius damno pec-  
cat mortaliter. Et hoc verum est, non tantum quando quis exprimit  
se committere id, vt secretum, sed quandocunq; apparet id ipsum  
velle. Hinc

*Secretum  
commissum  
seruandum.*

COLLIGE Aperiens secretum vni, vel duobus, qui secretum  
illud celabunt, non peccat mortaliter, quia talis reuelatio, non vide-  
tur redundare in graue damnum alterius: modo illud quod detegitur,  
non sit aliquod peccatum, vergens in infamiam tertii.

DICO 2. Violans secretum absq; iusta causa, cum alterius detri- *Violans se-*  
mento, tenetur ad restitutionem. Patet, quia omnis causa iniusta da- *cretum pec-*  
mni, tenetur ad restitutionem. Ita Syluest: *verbo secretum num. 1.* *cat.*  
Nauar *cap. 18. num. 52.* Hinc

COLLIGE 1. Aperientem, & legentem literas sigillo munitas,

Y y

aut



*Literas aperire non licet.*

aut quæ servabantur in secreto loco, mortaliter peccare, maxime si ille, qui literas claudas mittit, cupiat ea, quæ in literis continentur occulta retineri; nam in hoc casu, quamvis non adsit notabile detrimentum, nihilominus tanta fiat injuria, quæ pertingat ad peccatum mortale. Ita Emmanuel Sa, *verbo litera*. Lopez, 2. p. c. 43. Bonacina *de restitut: disp. 2. q. 2. puncto unico. n. 3.* Porro ille qui literas aperit, ad proprium damnum præcauendum, quod sibi timet non peccat, V. G. qui intercipit literas, sui capitalis inimici. *ita iidem ibidem.*

*Vi tormentorum secreta manifestans non peccat.*

COLLIGE 2. Ille qui secretum alterius, vi tormentorum, aut metu mortis manifestat, non peccat, habet enim justam causam reuelandi, nec tenetur celare secretum, cum tanto suo incommodo, modo ex ea reuelatione, non oriatur graue damnum publicum, quilibet enim tenetur mortem subire ad vitandum graue damnum publicum. Ita Nauar. *lib. 2. cap. 4. num. 459.* Inde.

COLLIGE 3. Secretum detegendum esse, quoties vergit in damnum communitatis, vel innocentis: nam secretum non potest obligare, contra charitatem alteri debitam; Sed ex charitate debemus cauere damna communitatis, & innocentis: Et hoc verum est etiam si secretum promissum sit cum juramento, juramentum enim non est vinculum iniquitatum. Ita Bonacina *loco citato num. 9.*

COLLIGE 4. Licet poenitens non teneatur ad ea celanda, quæ ei in confessione dicuntur, sub sigillo confessionis, tamen jure naturali obligatur celare dicta sibi à Confessario, quando eorum reuelatio, posset Sacerdoti grauius nocere. Est communis Doctorum.

PETES *An sigillum confessionis differat à sigillo secreti?*

*Sigillum Confessionis differt à sigillo secreti.*

RESPONDEO affirmatiue. 1. ratione diuersorum ordinum, nam sigillum secreti humani, est ordinis naturalis, sigillum vero confessionis est ordinis supernaturalis. 2. Quia sigillum naturale, est virtutis fidelitatis, & iustitiæ, sigillum Confessionis, non solum istarum virtutum, sed etiam pertinet ad virtutem Religionis, unde dicitur sacrum. 3. Quia sigillum confessionis est perpetuum, & obligat pro semper, alia secreta aliquando possunt, & debent reuelari, quando occultatio talis secreti notabiliter nocet, animæ, corpori, honori, rei familiari, Reipub: ita Nauar. *cap. 8. num. 3. & D. D. in 4. disp. 21.*

ART.



ARTICVLVS VII.

*An denunciare Confessarium ſollicitantem ad inhoneſta, ſit contra ſigillum?*

RESPONDEO. Non eſſe contra ſigillum: patet, quia Summi Pontifices, dum actum denunciationis præceperunt, reſpexerunt virtutem religionis, ne injuria Sacramento pœnitentiæ fieret, vel ne odium, in ipſum pœnitentiæ Sacramentum concipiatur, vel ab eo ſuſcipiendo fideles retrahantur. Circa quam denunciationem, reſert, & explicat Bullam Gregorii XV. Bonacina in *Tractationibus varjjs diſput. 6. puncto 3. per totum*, ubi multa ex Bulla hac dicit.

Primò dicit, quòd omnes tam mares, quàm fœminæ tenentur denunciare Confessarium, qui eos ad turpia ſollicitare, vel prouocare tentauit, occasione, vel prætextu confessionis. Ratio eſt, quia Pontifices de omnibus loquuntur, ita Pius V. in Bulla quæ incipit, *Cum Nuper*. Paulus V. in Bulla, *Dilecte fili*. edita 1608. qui præceperunt, vt contra huiusmodi delinquentes, tanquam de hæreſi ſuſpectos inquiratur. Gregorius XV. ipſorum conſtitutiones conſirmauit, ampliavit, & extendit ad omnes ubiq; locorum exiſtentes in Bulla, cujus initium eſt *Vniuerſi Dominici gregis*, edita 1622.

DICIT 2. Quòd Confessarius obligatur ſub peccato mortali, monere pœnitentem ſollicitatum, de obligatione denunciandi Confessarium ſollicitantem, alioquin peccabunt mortaliter confessarii, omittentes admonere. Ratio eſt, præceptum Summi Pontificis in Bulla, ubi dicitur à Gregorio XV. Mandantes omnibus Confessariis &c.

DICIT 3. Quòd ipſe pœnitens, tenetur ſub mortali denunciare ſollicitantem confessarium. Ratio eſt, quia hæc obligatio, præcepta eſt pœnitentibus à Summis Pontificibus ob ſalutem animarum, & reuerentiam Sacramenti. Porro denuncians, non debet propalare ſuum peccatum, an peccauerit cum ſollicitante, nec ne? ſed ſolùm obligatur ad denunciandum ſollicitantem. Addit Bonacina ibidem *Cautela*. Inquiſitores, vel Episcopos, non debere pœnitentes interrogare, an ipſi conſenſerint, imò ſi conſenſerint, non tenentur ſe prodere, ſed negare poſſunt, cum aliqua in mente reſtrictione.



DICIT 4. num. 6. Quod obligatio eadem denunciandi, vrget, etiamsi Confessarius alliciat pœnitentem ad peccandum, siue secum, siue cum tertia persona.

DICIT 5. Quod hæc obligatio, vrget pœnitentem, vt denunci- Confessarium sollicitantem, siue sollicitauerit in actu confessionis, siue ante, siue post immediatè, seu occasione, vel prætectu confessionis, siue absolutio secuta fuerit, siue non, imò etiam extra occasionem Confessionis, si prouocatio fiat in confessionali, seu in loco, vbi confessiones audiuntur, vel vbi Confessarius, simulabat se ibi confessiones audire. ita Bulla Gregorii XV.

DICIT 6. Verbum (*sollicitare*) in hoc loco significat, prouocare, seu allicere, seu precibus rogare, seu alia ratione inuitare ad inhonestà. V. G. osculo, tactu, vel ictu oculorum, aut alio signo ad libidinem prouocare. Ita Bonacina. num. 2.

DICIT 7. Hæc obligatio denunciandi Confessarium sollicitantem, obligat pœnitentem, siue consenserit prouocationi confessarii, siue non, sufficit enim quod confessarius tentauerit sollicitare. num. 4.

DICIT 8. Quod Sacerdos sollicitans pœnitentem in confessione, grauibz pœnis sit afficiendus, vt potè pœna suspensionis ab executione ordinis, pœna priuationis beneficiorum, dignitatum, & officiorum quorumcunq; ac perpetuæ ad illa inhabilitatis, nec non pœna priuationis vocis actiuæ, ac passiuæ, si sint Regulares tales sollicitantes, pœna exilii, damnationis ad trirèmes, vel carceres perpetuos, sine vlla spe gratiæ. Ita Bonacina. num. 22. Bulla verba citans.

DICIT 9. Quod hæc denunciatio debeat esse ad inquisitores, & Episcopos ordinarios locorum. Puto autem in iis locis, vbi non sunt inquisitores, posse fieri, & omninò debere denunciationem ad Superiores talium Confessariorum.

DICES Hoc crimen per testem singularem, & maximè per fœminam, non potest plenè probari, cum fœminæ non admittantur ad testimonium. C. Mulierem 33. q. 5.

RESPONDEO. Quod testes singulares probant, quoties crimen aliâ ratione probari non potest. Vnde & fœminæ in quibusdam delictis enormibus admittuntur in iudicio, qualis est sollicitatio in Confessione. Ita Bonacina *ibidem* num. 25, & est communis.

ORA-



## ORATIO.

Domine JESU CHRISTE, qui non venisti vocare justos, sed peccatores, illumina nostri intellectus tenebras, ut peccata cognoscamus, & cognita desleamus, & gratia tua luce perfusi, veram poenitentiam faciamus, & ea qua agenda sunt promptè exequamur, & fugienda pro amore tuo declinemus, ne cruciatibus aeternis mancipemur, sed iis qua promissa sunt poenitentibus misericorditer potiamur in calis.

## DISPUTATIO IX.

### De Indulgentiis, & Suffragiis.

In tres Quaestiones praesens disputatio diuiditur: in prima quaeretur de Indulgentiis. in 2. de Suffragiis. in 3. de Purgatorio.

#### QVÆSTIO I.

Vtrum in Ecclesia sint Indulgentiæ, quid sint, & quotuplices?

In praesenti Quaestione examinabimus hæc, quæ sequuntur.

1. Vtrum in Ecclesia sit aliquis Spiritualis thesaurus, seu Indulgentiæ?
2. Ex quo constet hic thesaurus Spiritualis?
3. Quid sit Indulgentia?
4. Quæ sit causa efficiens Indulgentiarum?
5. Quis sit effectus Indulgentiarum, & quotuplices sint Indulgentiæ?
6. Quæ sit causa finalis Indulgentiarum concessionis?
7. Quæ sit forma concedendi Indulgentias?
8. Quid sit Iubileus, quotuè conditiones requirit illius?

#### ARTICVLVS I.

Vtrum in Ecclesia sit aliquis Spiritualis thesaurus, seu indulgentia?

NOTA. Negant omnes hæretici nostri temporis, Indulgentias, & Lutherus ab hoc Articulo fidei, incepit suam apostasiam à fide Catholica, & à Romana Ecclesia. Caluinus in Comment: in Epistolam priorum ad Corinth. ad illa verba, *Nunquid pro vobis crucifixus est Paulus?* multas calumnias, & blasphemias congerit, contra Indulgentias. Sequuntur mali filii, pessimos parentes. Porro Catholici unanimi consensu affirmant esse in Ecclesia thesaurum Spirituale, seu indulgentias:

Y y

Dico



Dico Exstat in Ecclesia thesaurus Spiritualis, seu Indulgentiæ. Probatum 1. ex Sacris literis Matth. 18. dicitur. *Quodcunq; solueris super terram, erit solutum, & in cælis.* Non dixit Christus Dominus, *Quemcunq; solueris*, sed *Quodcunq; solueris*. Quibus verbis, dedit Petro supremam potestatem in Ecclesia sua, quæ ad actus cælestes se extendit, & inter alios, ad actum concedendi indulgentiam, ac proinde potestas concedendi indulgentias in hoc loco fundatur: Item ex his verbis *Tibi dabo claves Regni calorum.* colligitur potestas concedendi indulgentias, per metaphoram enim clavis, suprema potestas Petri, & successorum ejus significatur. Deinde usus Indulgentiarum deducitur ex 2. ad Corinth. 2. Vbi S. Paulus, illi incestuoso, quem prius graviter punierat, concessit indulgentiam alicujus partis, pœnæ debitæ dicens. *Nam & ego quod donavi, si quid donavi propter vos in persona Christi.* In quo loco Apostolus, incestuosum absoluit à culpa, & ligavit ad pœnam temporalem, deinde ipsum absoluit ab illa pœna, quæ soluenda remanebat. Ergo hæc remissio, facta fuit coram DEo, & in foro conscientiae, non autem solum in foro Ecclesiæ, & ad pacem quandam externam, siue politicam, ut hæretici volunt, sed falsò, quia quòd in Persona Christi fit, ad forum conscientiae fit, & coram DEo, non enim DEus, dedit suam potestatem hominibus, ad efficiendum effectus humanos, & politicos puros, sed ad efficiendos effectus Supernaturales, & coram DEo. Firmum ergo manet, quòd cum Apostolus dicat se condonasse illi incestuoso pœnam debitam, ne tristitia nimiam absorberetur, & in gratiam Corinthiorum, & hoc fecisse in Persona Christi, verè coram Christo, & in conscientia Pœnam illam sibi injunctam dimisisse, ita ut pro illa amplius nullibi debitor extiterit. Atq; hinc sequitur, quòd quando dicit Apostolus, *Donavi*, gratis relaxasse illi pœnam debitam, non potuit autem Apostolus ita gratis dimittere, ut respectu DEI aliquid non solueret, pro illa pœna, quia Divinæ justitiæ, non satisfactum fuisset: obtulit ergo pro illa pœna debita, merita Christi, & Sanctorum, quæ in thesauro Ecclesiæ sunt. Vnde licet respectu fornicarii, pœna illa fuit gratis dimissa, tamen non fuit absolute gratis dimissa, sine debita compensatione. Ex hac autoritate, valde stabilitur auctoritas Prælatorum, in concedendis indulgentiis, quæ autoritas mirè torquet hæreticos, quare Calvinus in Commentariis ad istum locum, legi vult, *in conspectu Christi, non in Persona Christi.* Sed Thomas Stapleto-

Locus insignis pro indulgentiis contra hæreticos.

Hæretici corrumpunt scripturam.



nus in antidotis ad illum locum, hanc corruptelam Caluini vanam ostendit, quia phrasis, quâ utitur ibi Apostolus, est eadem, quâ utitur idem Apostolus eadem Epistola cap. 4. illis verbis. *Ad illuminationem sententia claritatis DEI in facie JESU CHRISTI.* Vbi Caluinus eò loco, *in facie*, exponit, *in Persona Christi.* Sed Caluinus conscius suæ deprauationis, aliam adinuenit, nimirum ut Persona Christi, pro misericordia Christi accipiat. At quis non videat sensum Caluini esse extortum, & peruersum? Persona enim Christi, non pro misericordia, sed pro vice, potestate, & dignitate Christi accipitur, ita ut sensus sit *in Persona Christi.* id est, vice Christi, potestate Christi, & dignitate accepta à Christo.

Probatur 2. Ex traditione antiquissima Indulgentiarum, quæ Ex traditione concessæ Ecclesiæ Romæ, adhuc ante S. Gregorium Magnum, ut tioneibus. constat ex lib. Actorum Damasi Papæ, ubi dicitur. *Populus Romanus per Cymiteria Martyrum stationes sine clericis celebrabat.* quas Stationes S. Gregorius postea, certo sub numero limitauit, & ordinauit, ut patet ex Joanne Diacono lib. 2. de vita S. Gregorii.

Probatur 3. Ex Conciliis Nicæno Canone 11. Carthag: 4. cap. 75. Ex Concilio Viennensi, ut habetur in Clementina de Reliquiis & Veneratione Sanctorum. Et in Extrauag: *Vnigenitus de penitentibus, & remissionibus.* Nouissimè in Tridentino Sess. 25. tale decretum est. *Cum potestas conferendi Indulgentias à Christo Ecclesiæ concessa sit, atq; hujusmodi potestate, diuinitus sibi tradita, antiquissimis etiam temporibus illa usa fuerit, Sacrosancta Synodus Indulgentiarum, usum, Christiano populo maxime salutarem, & Sacrorum Conciliorum autoritate probatum, in Ecclesiâ retinendum esse docet, & precipit, eosq; anathemate damnat, qui aut inutiles esse asserunt, vel eas concedendi in Ecclesiâ potestatem esse negant.*

Probatur 4. ex SS. Patribus, Cyprianus Epistola 30. ait. Remissionem illam, quæ fieri solebat ad instantiam Martyrum, & appellabatur pax, quæ dabatur lapsis, Cyprianus appellat indulgentiam, & remissionem etiam coram DEO, & dicit esse factam per communicationem Euangelicam, quam supra diximus esse in Ecclesiâ, juxta illud Symboli, *Communionem Sanctorum.* Ergo illæ remissiones erant indulgentiæ prorsus in ea significatione, quam nos Catholici, nunc usurpamus.

Probatur 5. Christus Dominus post Ascensionem suam in cælum, appa-



Christus Do-  
minus indul-  
gentias con-  
cessit.

Eur hereti-  
ci calumni-  
antur Por-  
tunculam.

apparens Sancto Francisco, & ab eo rogatus, vt omnes, & singuli ad templum S. MARIE Angelorum venientes, atq; Ecclesiam introeun-  
tes, peccatorum omnium, quorum Confessionem Sacerdoti facerent, veniam, & indulgentiam plenariam obtinerent, & ab omni culpa, & pœna, liberarentur in cælo, & in terra, quam indulgentiam precibus B. Virginis MARIE adjutus, (quæ illi cum CHRISTO Domino, & multitudine Angelorum apparuit) impetrauit, eamq; Saluator Mundi, ore suo benedicto concessit in perpetuum, diemq; ipse istius Indulgentiæ determinauit, nimirum 2. Augusti, & S. Franciscum ad suum Vicarium remisit, Honorium III. vt eam confirmaret, quæ Indulgentia multis miraculis est confirmata, vt refert Lucas Waddingo in *Annalibus Minorum Anno Domini 1221. Et Anno 1223.* Hanc Indulgentiam calumniantur hæretici, maximè Kemnitius in *4. parte exam: Concilii Trident.* Sed non sine causa, quoniam per eam tria dogmata Catholica confirmantur, quæ hæretici execrantur. Vnum de Indulgentiis. Aliud de Pontifice maximo, quod habeat summam potestatem ligandi, & soluendi omnia in cælo, & in terra, & consequenter indulgentiam concedendi, nam quamuis Christus Dominus ipse ad preces S. Francisci hanc indulgentiam concesserit, tamen non nisi per ministerium sui vicarii, Pontificis Maximi, eam voluit obtineri. Tertium est dogma de Confessione, quia nonnisi contritis, & confessis, illa indulgentia conceditur, intransibis in illam Ecclesiam. Modo verò hæc Indulgentia, per Bullam Gregorii XV. extensa est ad omnes Ecclesias Fratrum Minorum Regularis, & Strictioris obseruantia in perpetuum, pro omnibus fidelibus vtriusq; sexus, pro die 2. Augusti, etiam in Confraternitate S. Francisci non existentibus, quam Bullam, afferam Articulo 7.

Deniq; Probatur cum Ecclesia Catholica Romana sit Ecclesia vniuersalis, & à Spiritu Sancto regatur, in nullo potest errare, & consequenter neq; in hoc Articulo fidei, de indulgentiis, errare potuisse.

OBJICIUNT 1. hæretici. Remissâ culpâ, nullas restare pœnas luendas. Ergo superflue sunt indulgentiæ. Responsum est *Disp. 6. q. 1. art. 1.*

OBJICIUNT 2. DEVS est Supremus iudex, & ejus voluntas est immutabilis. Ergo nemo potest auferre, & tollere pœnam, quam ipse DEUS pro peccatis statuit, juxta illud *Plal. 88. Si peccauerint visi-*  
sabo



*tabo in virga iniquitates eorum.* quam auctoritatem maximè virget Lutherus *art: 28.*

RESPONDEO. Non esse inconueniens, quòd sit DEus immutabilis, & tamen quandoq; cum hominibus exerceat actus iustitiæ, quandoq; misericordiæ; Quando ergo statuit pœnas pro peccatis, si de perpetuo obstinatis loquamur, illæ sunt immutabiles; at loquendo de pœnis statutis à DEo, pro peccatis eorum, qui resipiscere volunt, potest hæc pœna auferri, vel per Sacramenta, vel per contritionem, & per opera pœnalia, vel per indulgentias, quod insinuat Psalmista loco citato. *Misericordiam autem meam non dispergam ab eo;* quod crassus Lutherus non aduertit.

*Deus immutabilis exerceat actus iustitiæ, & misericordiæ.*

OBJICIUNT 3. Indulgentiis impediuntur bona opera, pœnitentibus imposita. Ergo non sunt vtilis, imò noxiæ. RESPONDEO Nego Antecedens. Non enim datur indulgentia, vt quicquam boni operis prætermittatur, sed vt molestia pœnarum leuetur, vtq; pœnitentia debita, & subinde propter criminum enormitatem viribus impar, Ecclesiæ thesauro soluatur, & vt opera bona, majori fiduciâ, feruore, & fructu, ab iis, qui DEo jam nihil ampliùs pœnarum, aut satisfactionum debent, præstentur.

*Indulgentia non impediunt bona opera.*

OBJICIUNT 4. CHRISTI Domini merita applicantur fidelibus per fidem, & Sacramenta, ad peccatorum remissionem. Ergo non per indulgentias.

RESPONDEO Nego consequentiam; quia non vnico, sed variis modis applicantur merita Passionis Domini, vt Sacramentis, bonis operibus nostris, & aliorum. Porro Sacramento pœnitentiæ applicantur ad culpæ condonationem, non autem semper ad remissionem totius pœnæ, nisi per acta pœnitentia, quæ peccatis debetur. Indulgentiis autem applicantur ad satisfactionem hujus pœnitentiæ temporalis.

*Variis modis applicantur nobis merita Christi.*

## ARTICVLVS II.

*Ex quo constat hic thesaurus Ecclesiæ spiritualis?*

NOTA I. Hæreticos negare hunc thesaurum spiritualem, esse posse ex meritis Christi Domini, quia dicunt quòd per merita illius simul culpa, & pœna dimittatur, & consequenter nunquam dimitti culpam, sine dimissione pœnæ temporalis, dicunt enim merita Christi Domini ad justificationem nostram prodesse, non ad hoc opus remissionis

*Hæreticorum error de indulgentiis.*



pœnarum, & satisfactionem, quod appellant sordidum opus, quasi nos vilificemus meritum Christi Domini. ita Lutherus articulo 17. à Leone X. condemnato. Et multò minùs volunt merita Sanctorum, nobis ad hoc prodesse, quæ omnino negant.

NOTA 2. Aliqui ex Catholicis authoribus dixerunt, hujusmodi thesaurum, in Ecclesia non esse ex meritis Christi Domini, & Sanctorum, ex quo indulgentiæ desumantur, quia inquit Christus Dominus, & Sancti de merito suo sunt abundanter remunerati. vnde putabant isti Summum Pontificem, indulgentias, & alias relaxationes pœnarum temporalium concedere, non per modum solutionis, sed per modum absolutæ potestatis, eo modo, quo Princeps habens plenitudinem potestatis in aliqua politia, omne debitum in illo regno dimittere potest. Ita Mayronius in 4. dist. 19. q. 2. Durandus dist. 20. q. 3.

Thesaurus  
iste est ex me-  
ritis Christi.

DICO 1. Thesaurus iste spiritualis constat ex satisfactionibus Christi Domini: Est communis Theologorum. D. Subt: in Quodl. 20. art. 1. Sanct: Bonauent: in 4. d. 20. p. 2. q. 2. Palud: q. 4. Soto. dist. 21. q. 1. art. 2. Suarez. disp. 51. Sect. 1. & alij, quos ibi citat.

Probatur 1. Ex sacris literis Ad Eph. 1. vocat merita Christi Domini, abundantes diuitias gratiæ suæ in bonitate. Et cap. 3. appellat, inuestigabiles diuitias Christi. Et hunc thesaurum dicit dispensandum nobis, & pro nobis. Sicut igitur thesaurus materialis fit ex diuitiis materialibus ad vtilitatem illorum, pro quibus dispensatur, ita proportionaliter merita, & gratiæ Christi Domini, quibus Regnum cæleste adipiscimur, meritò dicitur thesaurus Ecclesiæ. Et cum istæ diuitiæ, facientes thesaurum istum, sint abundantes, & inuestigabiles, sequitur necessariò illas nobis prodesse, nedùm ad gratiam consequendam, & culpam delendam, sed etiam ad dimittendam pœnam, & quidem eo modo, quo dispensator diuitiarum hujus thesauri, ab ipso Christo Domino constitutus, iudicauerit expedire.

Probatur 2. Ex Extrauaganti Vnigenitus de pœnitentia & remiss: Vbi asserit Pontifex, Christum Dominum in redemptione nostra, voluisse effundere totum sanguinem, cum vna guttula sufficeret, vt ex eo, in Ecclesia fieret thesaurus, & quoddam velut meritum ærarium, ære alieno grauatorum, solatium; vt viduæ vasis omnibus repletis, ad debitorum solutionem, stetit oleum, adhuc effluxurum, si vasa adfuissent 4. Regum. ita & hic. Probatur

tertio ex S. Aug: qui 21. de Ciuit. Dei. cap. 27. inquit. Est enim quadam

fide-



*fidelium, vita non bona, ut ad beatitudinem caelestem adipiscendam eis ipsa sufficiat, nisi eorum meritis.*

Probatur 3. Quia meritum Christi Domini fuit infiniti valoris, non ex natura præcisè operum, sed ex acceptatione Diuina, id est, sufficiens pro infinitis hominibus, & peccatis Syncategorematicè, & hæc infinitas, non est infinitas simpliciter, sed secundum quid, juxta D. Subt: *in 3. dist. 19. q. unica*, non verò intrinsecè infinitum, quia cum meritum consistat, in actu liberè elicitò, creatæ voluntatis, de necessitate est Ens limitatum, & creatura, infinitas autem creaturæ repugnat. Vnde nescio quare Suarez *diff. 51. Sect. 1.* dixit, negare D. Subtilem Christi Domini meritum infinitum. Subsumo. Sed merita Christi Domini absolutè fuerunt data Ecclesiæ, cum absumi non potuerint, quia acceptata pro infinitis. Ergo adhuc in Ecclesia extant.

*Meritum Christi Domini infinitum.*

DICES Si propter meritum Christi Domini infinitum, hic thesaurus est ponendus in Ecclesia, sequitur quòd hic thesaurus est infinitus: Si est infinitus, sequitur quòd post diem iudicii sit permanens, & in æternum: Et rursus sequitur quòd manebit sine condigno præmio, quod repugnat iustitiæ Dei.

RESPONDEO. Nego quòd hic thesaurus debeat permanere post diem iudicii, quia hic thesaurus, constitutus est voluntate Dei, pro Ecclesia militante, non triumphante, ideo durabit pro tempore illius, non post, quia tunc, nulla amplius erit Suffragiorum communicatio: licet igitur valor meritorum Christi Domini, post diem iudicii permanebit, non tamen habebit ampliùs rationem thesauri, & pretii ad soluendum debita.

*Thesaurus hic non manebit post diem iudicii.*

DICO 2. Iste thesaurus constat etiam ex meritis, & operibus Sanctorum. Probatur 1. ex SS. literis ad Colos: 1. dicit Apostolus. *Gaudete in passionibus pro vobis, & adimpleo ea, quæ desunt passionum Christi in carne mea, pro corpore ejus, quod est Ecclesia, cuius factus sum ego minister, secundum dispensationem Dei.* Ex quo loco habetur, non solum Christum Dominum, passum esse pro Ecclesia, sed etiam S. Paulum addidisse sua merita, meritis Christi Domini, *Adimpleo ea inquit quæ desunt passionum Christi.* Non quòd meritis Christi Domini, aliquid deesset, sed ad maiorem Sanctorum perfectionem, & charitatis communicationem, voluit Sanctorum satisfactiones, & merita sua coniungi. Coniunctio ergo hæc satisfactionum, cum satisfactionibus Christi implent

*Thesaurus hic constat ex meritis etiam Sanctorum.*



thesaurum Ecclesiæ. Confirmatur 2. ad Corinth. 8. dicitur. *In presenti tempore, vestra abundantia, illorum inopiam suppleat, ut & illorum abundantia vestra inopia sit supplementum.* Vbi hortatur eos, ut suis bonis temporalibus, suppleant inopiam eorum, qui egent, ut participant bonis spiritualibus, qui illorum abundant. Probat 2. Communicatio suffragiorum esse non potest, nisi adsit thesaurus aliquis, in quo omnia illa constituta sint, & pro necessitate cujusq; educantur. Sed in Ecclesia est communio Sanctorum. Ergo & communis thesaurus.

DICES 1. Christi Domini satisfactiones, soluendis omnibus debitis poenarum, sufficiunt, non est ergo in hoc thesauro opus meritis sanctorum, nisi per ea obscurare velimus, merita Christi Domini.

*Merita SS. non obscurant merita Christi Domini sed illustrant.*

RESPONDEO Nego Consequentiam, non enim ad obscuranda, sed ad illustranda Christi Domini merita, reponuntur satisfactiones sanctorum in hoc thesauro, ut quæ vim omnem suam merendi, & satisfaciendi, non à se, sed à meritis Christi Domini accipiunt, qui merita sanctorum suis addi voluit, propter ipsorum Sanctorum, honorem, & sui ipsius. Sicut igitur Sol, non obscuratur lumine lunæ, vel stellarum, sed illustrior redditur, ut potè tam clarus, & lucidus, ut omnibus astris, non solum lumen aliquod, sed insignem splendorem conferat, per quem etiam has terras illustrent; ita virtus meritorum Christi Domini, ex eo censetur major, quod vim satisfaciendi etiam Sanctorum operibus tribuat. Porro gloria Christi Domini est, qui sic mereri voluit, ut non solum ipse, sed etiam sui filii, pro aliis mereri valerent: ac ut in Ecclesia esset hoc vinculum charitatis, ut unus alteri proderet. Infinito ergo ejus merito, fit additio, ex SS. meritis, non intensiue, quia sic infinito, non potest fieri additio, sed extensiue, per additionem horum diuersorum meritorum: & hanc esse voluntatem Christi Domini, cognoscimus ex articulo communionis Sanctorum, nobis ab ipso proposito, & imposito.

*Infinito merito fit additio extensiue.*

DICES 2. Sanctorum merita, non sunt infinita. Ergo jam exhausta, tam amplis Indulgentiis, quæ à Pontificibus largissime conceduntur.

RESPONDET Clemens VI. in Extrauag. cap. Vnigenitus, his verbis. *De thesauro huius consumptione, seu minutione, non est aliquatenus formidandum, tam propter infinita Christi Domini merita, quam pro eo, quod quanto plures ex ejus applicatione trahuntur ad iustitiam, tanto magis*



*magis accrescit ipsorum cumulus meritorum.* Ex quo occluditur os hæreticis. Tùm quia merita Sanctorum, fundantur in meritis Christi Domini, quæ non profunt ad redemptionem à culpa, & pœna, vt hæretici blasphemant, sed ad satisfaciendum pro nostris pœnis, suppositâ redemptione, factâ à Christo Domino, & ordinatione ipsius, vt sic iusti iuent apud ipsum peccatores. Tùm quia, non derogant merita Sanctorum, meritis Christi Domini, quia non addimus illa, ex indigentia, & insufficientia illorum, sed quia Christus Dominus voluit, ad nutriendam charitatem in Ecclesia sua inter fideles, vt mutuò sibi subuenirent, & propter honorem ipsorum Sanctorum, quos voluit socios, & iudices, aliorum constituere. Vnde S. Leo quem hæretici citant. *Epist. 83. & 97. cap. 2.* non negat indulgentias, etiam esse ex meritis Sanctorum, sed negat Martyres fuisse redemptores mundi, & salutem vniuersalem mundo attulisse.

*Non derogant merita SS meritis Christi*

DICES 3. Potestas concedendi Indulgentias, cùm innitatur virtuti clauium, debet esse absolutio, non satisfactio, seu solutio: Si autem fiat ex hoc thesauro indulgentia, erit translatio operum vnius ad aliud, non absolutio, & sic virtute clauium nihil fieret, quod est contra sacram scripturam.

RESPONDEO. Etsi applicatio Indulgentiarum, sit solutio, seu translatio operum, tamen non sequitur, quod clauis nihil efficiant, applicant enim merita Christi Domini, & Sanctorum, & liberant poenitentem ab obligatione reddendi illam pœnam: & hæc est absolutio pœnarum debitarum, apud Diuinam iustitiam.

PETUNT hic hæretici, *vbi est iste thesaurus?* RESPONDEO Quod existat in Diuina acceptione, & præsentia, qui ad hunc effectum acceperunt merita Sanctorum, fundata in meritis Christi Domini; & principaliter ipsa merita Christi Domini; quæ merita agnoscit Ecclesia, nō solum valere pro remittendis pœnis, sed etiam, & præcipuè valere pro remittendis culpis, ex quo agnoscit ipsum Redemptorē, & Dominū suū.

*Vbi est thesaurus iste.*

DICES 3. B. Virgo, & omnes Sancti, præmiati sunt vltra condignū juxta illud Luc: 6. *Mensurā bonam, & supereffluentem.* Et juxta illud Apostoli ad Rom. 8. *Non sunt condignæ pæsiones hujus temporis, ad futurā gloriā, quæ reuelabitur in nobis.* Ergo quamuis multa, & maxima merita habeant Sancti, tamē nihil redūdat, quod in thesauro Ecclesiæ reponi possit.

RESPONSIO hujus objectionis, patebit ex resolutione sequentis Quæstioni.



Prima opti-  
onis mo-  
dus.

QVÆRES Quomodo merita reponantur in thesauro Ecclesiæ, & aliis applicari possint.

Prima opinio asserit, thesaurum istum, constitui ex meritis Sanctorum supererogationis, & superabundantibus, multa enim opera poenalia Sancti fecerunt, & multa sunt passi, quàm meriti, vt B. Virgo. S. Joannes Baptista, qui vix aliquod peccatum habuit, & tamen vitam austeram in eremo per tot annos egit. Similiter multi alii Sancti, jejuniis, orationibus, & maximis operibus poenalibus se affligerunt. Huiusmodi ergo operibus poenalibus, cum sint satisfactoria, & pro ipsis operantibus redundantia, ponuntur in thesauro Ecclesiæ, & ex his eliciuntur indulgentiæ, & hanc opinionem Suarez *diff. 79. Sect. 9. dicit esse communem.*

RESPONDETUR itaq; juxta hanc opinionem ad præcedentem objectionem, opera Sanctorum, vt à gratia, & charitate profecta, mercedem acceperunt, vt sunt meritoria, non verò, vt satisfactoria, quia multorum Sanctorum actiones, & passionēs, plures grauiioresq; fuerunt, quàm peccata eorum, ac proinde cum in multis Sanctis finem hunc non sunt consecuta, qui est pro debitis poenarum satisfacere, referuantur idèò in thesauro Ecclesiæ, vt pro aliis satisfaciant.

2. opinionis  
modus.

2. Opinio asserit, merita Sanctorum, ex quibus constat thesaurus indulgentiarum, non potest esse vllò modo meritum personale, sed meritum vniuersale. *Pro intelligentia.* Nota 1. *Ex Quodlib. 20. a. 1. D. Subt.* Meritum valere alicui tripliciter. Vno modo specialissimè, & sic semper valet oranti, quando est in gratia. Alio modo generalissimè, & sic valet soli Ecclesiæ. Tertio modo, valet illi, cui per orantem specialiter applicatur, supposità acceptance DEi. Porro probat D. Subt. ibidem, meritum, & valorem personalem alteri, minimè applicari posse ab ipso merente, quia charitas, magis inclinatur ad actum meritorium, respectu illius in quo est, quàm respectu alterius, & habens charitatem, magis tenetur velle sibi bonum meritorium, quàm alteri, nam, *charitas ordinata à seipso incipit.* Vnde infert ibidem D. Subt: *Fortè non posset dare alteri sic, priuando se illo, quin istud esset peccatum.* Atq; ita meritum personale, ex ordinata charitate, & voluntate, non posse alteri applicari.

Diuisio ope-  
ris in meri-  
torium, &

Ex quo sequitur, quòd illa diuisio operis, in meritorium, & satisfactorium, penes subiectum, nimirum, quòd vt meritorium valet oranti, vt satisfactorium prodest alteri, non rectè intelligitur, nam meri-



meritum personale; etiam in ratione satisfactionis, est vtile ipsi operanti, quia si est debitor poenae, ipsam delet, & auget gratiam, & gloriam, si verò non est debitor poenae alicujus temporalis, multò magis auget gratiam, & gloriam. Tota itaq; distinctio est penes effectum, nam idem valor, & meritum operis, quatenus placet DEO, & illius intuitu confert, vel auget gratiam, & gloriam, dicitur meritorium, quatenus verò relaxat poenam temporalem debitam, dicitur satisfactorium, & habet rationem solutionis in eodem subiecto.

Confirmatur iste modus dicendi 1. quia omnes iusti, à primo vsq; ad vltimum, suis meritis augent hunc thesaurum, vt habetur in *Extra- uag. vnigenitus citata*.

Atqui certum est, quòd non omnes iusti habent satisfactiones superfluas; tolleretur enim purgatorium, in quo tam multi electi, post hanc vitam satisfaciunt pro propriis poenis debitis. Ergo thesaurus Ecclesiae, non constituitur, ex satisfactionibus superabundantibus, quia istae non sunt in omnibus electis, sed necessario asserendum est, cum D. Subt. in quolibet opere meritorio iusti, esse portionem quandam applicabilem, absq; diminutione proprii meriti personalis, quae portio est meritum generalissimum, quod Ecclesiae valet.

*Thesaurus  
hic non est  
ex super a-  
bundanti-  
bus operibus*

Confirmatur 2. Si quis meretur opere bono, augmentum gratiae, & gloriae, & alteri solutionem poenae debitae, sequeretur quòd qui est magnus debitor magnae poenae, propter peccata multa, esset aequalis ei, qui nullius est poenae debitor, & tamen faceret eadem opera poenalia. Sed Consequens falsum esse videtur. Ergo. Sequela probatur, quia faciunt aequalia opera bona meritoria. Ergo aequale praeium essentialiter illis correspondere debet. Falsitas Consequentis, patet ex dictis.

Iuxta hanc opinionem, Respondetur ad objectionem, quòd quoad meritum personale de condigno, & supra condignum, remunerati sunt, & nihil in eis est redundans, non tamen remunerati sunt iuxta valorem generalem Ecclesiae, quod est superabundans, & pro tota Ecclesia meritum, quod Sancti applicauerunt nobis, si non actu, saltem virtute, quatenus sunt membra Ecclesiae vniuersalis, vel vt ait D. Subt. Quòd: 20. intentione habituali.

### ARTICVLVS III.

#### *Quid sit Indulgentia?*

NOTA Cum ad definitionem quidditativam requiratur genus, & differentia, est difficultas de genere, & differentia inter Doctores, ex quibus



quibus constituitur definitio Indulgentiæ. Quoad genus; Alii dicunt Indulgentiam esse sub genere absolutionis, seu remissionis, pœnæ temporalis: & hi definiunt Indulgentiam, esse absolutionem, vel remissionem pœnæ temporalis. Ita Armilla. Angelus, in definitione Indulgentiæ. Alii dicunt Indulgentiam esse sub genere solutionis, quia existimant, Indulgentiam, esse solutionem quandam pœnæ debitæ, quæ per se non requirit jurisdictionem, sed æqualem debiti solutionem. ita Palud: in 4. d. 20. q. 4. Durand. q. 3. n. 5. Silvester Verbo Indulgentia. Alii dicunt indulgentiam pro viuis, esse per modum absolutionis, pro defunctis verò per modum solutionis. ita Bellarm: lib. 1. de Indulgentiis c. 5. Alii dicunt genus vniuocum indulgentiæ, esse actum Spiritu-  
alis jurisdictionis: indulgentia enim pro viuis, & defunctis, est quid vniuocum, non æquiuocum, & ideo sub hoc actu, tanquam sub genere continetur, vtraq; species Indulgentiæ, ita Suarez disp. 49. Sect. 4.

NOTA 2. Quantum ad differentias, variæ assignantur, juxta varias definitiones, traditas à Doctoribus, sed quæ propriæ, ac specificæ sint, ex hac definitione, quæ mox tradetur elucescet.

Definitio In-  
dulgentiæ  
pro viuis.

Dico itaq; 1. Indulgentia Ecclesiastica pro viuis, est relaxatio pœnæ temporalis debitæ, pro peccatis actualibus jam dimissis, quoad culpam, coram DEo, virtute clauium, extra Sacramentum, per applicationem thesauri Ecclesiastici, per modum absolutionis. Explicatur, Dicitur *Relaxatio pœnæ*, quia per Indulgentias homo absoluitur à pœna, quam pro peccatis luere deberet in purgatorio, cum remissa culpa, non tota remittatur pœna, vt dictum est, disp. 6. q. 1. Dicitur *pœna temporalis*, quia non culpa, sed pœna remittitur per indulgentias, non æterna, sed temporalis. Neq; obstat in *Clementina 1. de indulgentiis*, concedi indulgentiam à culpa, & pœna: sensus enim est, per huiusmodi indulgentiam, concedi facultatem eligendi confessarium, qui absolutionem impendat, à quolibet peccato, vt fit in Jubileo, non verò per ipsamet indulgentiam, peccata immediatè deleri. Dicitur, *debita pro peccatis actualibus*; quia per indulgentias aufertur pœna sensus, quæ debetur actualibus peccatis, peccato verò originali, non debetur pœna sensus, sed pœna damni, quæ consistit in carentia fruitionis, ac visionis DEI. Dicitur *jæm dimissis*, quia per indulgentiam, non potest auferri pœna, nondum ablata culpâ, in qua fundatur pœna. Dicitur, *coram DEo*, ad differentiam erroris, eorum, qui dixerunt indulgentiâ Eccle-

Indulgentia  
à culpa &  
pœna quid?

Eccle-  
citu-  
cul-  
Ext-  
bit-  
tion-  
esse  
solut-  
tur  
lice-  
per

ralis  
clau-  
fata

dulg-  
Tun-  
pren-  
Fon-

fice,  
Põti-  
re in  
tunc  
tam-  
possi-  
repr-  
dulg-

cede-  
uileg-  
de fa-



Ecclesiasticam, esse remissionem poenae temporalis coram Ecclesia. Dicitur *Virtute clauum*, ad differentiam illius poenae, quae in dimissione culpae, & commutatione poenae aeternae, in temporalem fit. Dicitur, *Extra Sacramentum*, ad differentiam relaxationis poenae temporalis debitae peccato, quae fit in Sacramento poenitentiae. Dicitur *per applicationem thesauri Ecclesiastici*, per quod significatur relationem istam non esse gratis factam, sed per solutionem compensantem debitum, quae solutio ex thesauro, praecedenti Articulo explicato, desumitur. Dicitur, *per modum absolutionis*, quia non omnis indulgentia est absolutio, licet omnis indulgentia fiat virtute clauum, & potestatis jurisdictionis, per Praelatos legitimos.

DICO 2. Indulgentia pro defunctis, est relaxatio poenae temporalis, debitae pro peccatis dimissis, quoad culpam coram DEO, virtute clauum, extra Sacramentum, ex satisfactionibus Ecclesiae recompensata, facta per modum suffragij. Patet ex dictis.

*Indulgentia pro defunctis.*

## ARTICVLVS IV.

*Qua sit causa Efficiens Indulgentiarum?*

DICO 1. Solus Summus Pontifex, potest primario concedere Indulgentias, alii vero quatenus ipsis conceditur ab ipso. Probatur. Tum quia facultas distribuendi bona publica, principaliter conuenit Summo Principi, & vniuersali Ecclesiae Rectori. Sed talis est Summus Pontifex, vt constat ex primo Articulo. Hinc

*Summus Pontifex concedit indulgentias jure Diuino.*

COLLIGE Conciliū Generale absq; capite, id est absq; Summo Pontifice, non posse Indulgentias concedere: Conciliū verò cum capite, id est, Pontifice, potest cōcedere Indulgentias, quia si Papa potest solus concedere indulgentias, nihil impedit, quin etiam idem possit in Concilio, sed tunc non membra, sed caput Ecclesiae concedet Indulgentias. Putant tamen multi Doctores, Concilium Generale Sede Apostolicā vacante, posse jure Diuino Indulgentias concedere, quia hujusmodi Concilium, repraesentat totam Ecclesiam. Ita Corduba loco citato. Nauar: de Indulgentiis Notab. 31. Henriquez de Indulgentiis cap. 31.

DICO 2. Episcopi, non habent de jure Diuino, facultatem concedendi Indulgentias, sed jure Ecclesiastico, & ex sedis Apostolicae privilegio. Ita Richardus in 4. d. 20. a 5. q. 3. Corduba loco citato. Vnde facultas concedendi Indulgentias Episcopis, concessa est, cum limi-

*Episcopi concedunt Indulgentias jure Ecclesiastico.*



tatione, & restrictione, ut patet in Dedicacione Ecclesie, in qua Episcopi concedunt Indulgentiam unius anni, aut alias, concedunt solum Indulgentiam 40. dierum *cap. cum ex eo, de penitent: Et remiss.* Quare si maiores concedat Episcopus sunt irritae, quoad excessum. Probat<sup>ur</sup> conclusio. Potestas concedendi Indulgentias fundatur in illo loco *Matth. 18. Tibi dabo claves regni calorum.* Sed claves immediate datae sunt Petro, & a Petro Ecclesie, & Prælati Ecclesie, ideo Episcopi accipiunt eam à Successoribus S. Petri. Quare Episcopi habent potestatem limitatam concedendi Indulgentias, quoad quantitatem, & quoad Personas, quia non nisi suis subditis. Unde Episcopi non possunt concedere Indulgentias defunctis, nec per modum absolutionis, quia defuncti non sunt subditi Episcopis, sicut nec Summo Pontifici, qui tamen concedit defunctis Indulgentias per modum suffragii, ut patebit Quæstione tertia.

*Vicarius Episcopi an possit concedere Indulgentias?*

**COLLIGE** Vicarium Generalem, non posse absq; speciali facultate indulgentias concedere, nam actus concedendi Indulgentias, est reservatus dignitati Episcopali. Ita Corduba *lib. 5. q. 13.* Suarez *disp. 55. sect. 5.* De licentia tamen Episcopi posse; facultas enim, quæ alicui jure ordinario competere potest, potest aliis delegari, nisi adsit in contrarium prohibitio. Ita *Sa. verbo Indulg.* Suarez *loc. citato Sect. 6. n. 6.*

**DICO 3.** Nullus Episcopo inferior, potest Indulgentias concedere, absq; Summi Pontificis licentia. Est communis. Ratio est, quia non habent jurisdictionem, nec à DEO, nec ab Ecclesia.

#### ARTICVLVS V.

*Quis sit effectus Indulgentiarum, & quotuplices sunt Indulgentiae?*

*Indulgentiae non remittunt culpam.*

**DICO 1.** Indulgentiae non se extendunt ad dimittendam culpam mortalem, vel venialem, neq; ad poenam æternam. Quoad mortalem, patet quia hæc dimittitur per Sacramentum Pœnitentiæ, vel per contritionem includentem in voto Confessionem. Unde formulæ omnes, quibus utitur Ecclesia in concedendis Indulgentiis, semper explicant, concedi hominibus contritis, vel confessis. Quod nec culpam venialem dimittant Indulgentiæ constat. Quia indulgentia, est relaxatio poenæ, non culpæ. Ergo ex naturâ suâ, non extenditur per se loquendo, ad dimissionem culpæ, sed requiritur motus, vel Sacramentum: ita commu-



communiter D D. Quod non dimittatur per indulgentias poena *Nam poena*  
 aeterna, patet, quia poena aeterna non relaxatur, nisi cum relaxatur cul- *aeternam.*  
 pa mortalis. Sed haec dimittitur per Sacramentum. Ergo & poena aeterna.

Dico 2. Per indulgentias remittitur poena temporalis, debita *Indulgentia*  
 peccato, culpam jam dimissa, nedum injuncta, sed injungenda, & hoc *remittunt*  
 apud DEV M. Probatur: Quia S. Petro, generatim data est pote- *penam.*  
 stas, soluendi vincula post peccatum relicta. Ergo etiam soluendi hoc,  
 quia nulla in eo apparet incongruitas. Quod si dicas, poena tempora-  
 lis, non potest dimitti, nisi prius remittatur. Remittitur autem per Sa-  
 cramentum Confessionis. Ergo poena prius debet deferri, & taxari a  
 Confessario. Respondeo, verum esse quod poena debita peccatis,  
 non potest per indulgentiam tolli, nisi prius culpa dimittitur. Sed  
 haec dimittitur, vel per Sacramentalem absolutionem in re, vel in voto,  
 siue per contritionem. Ergo habitâ contritione potest lucrari indul-  
 gentia poenae debitae. Porro haec poena tollitur, juxta quantitatem  
 indulgentiae, si indulgentia sit plenaria, tota poena dimittitur, si sit li-  
 mitata, V. G. decem annorum, totidem annorum dimittit poenas.

Dico 3. Per indulgentias, non solum quis liberatur a poeniten-  
 tiis, ipsi injunctis, sed etiam a poenis, quae in purgatorio soluendae iis  
 respondent. Probatur, quia alias, per eos potius obesset lucranti,  
 quam prodesset, quia liberando eum a poenitentia, priuaret eum fru-  
 ctu, quem ex opere operato haberet, si eam impleveret, & ita efficeret,  
 ut grauissimas poenas lueret in purgatorio.

Dico 4. Non solum per indulgentias remittuntur poenae, respō- *Quam po-*  
 dentes poenitentiae injunctae, sed quauis aliae debitae, ex peccatis remis- *na remittit*  
 sis, pro magnitudine Indulgentiarum. Patet, quia saepe conceduntur *tur per in-*  
 indulgentiae multorum millium annorum. Certum autem est, nulli *dulgentias*  
 vnquam talem poenitentiam imponi. Ergo. Hinc *plenarias.*

COLLIGE I. Quando Pontifex concedit indulgentiam, cum li-  
 mitatione, V. G. cum hac adiectione de injunctis, indulgentia intelli- *Indulgen-*  
 gitur de solis poenis injunctis in sacramentali absolutione. Quando *tia de injun-*  
 verò Papa concedit indulgentiam sine limitatione, V. G. plenariam in- *ctis.*  
 dulgentiam, vel tot annorum absolutè, tunc se extendit ad injunctas,  
 secundum proportionatam quantitatem. Ita Nauar in Com: de Jubileo  
 & indulg: not. 2. num: 13. Soto in 4. dist. 21. q. 2. a. 1. Ratio est, quia  
 indulgentiae tantum valent, quantum sonant.



**COLLIGE 2.** Cum in pœnitentia injuncta, duplex quandoq; sit ratio, nempe satisfactionis, & medicinæ, per indulgentias aufertur prima ratio, non secunda, ideò lucrans indulgentiam, obligatur ad hanc posteriorem, vt supra dictum est, de satisfactione.

**QVÆRES 1.** Quotuplices sunt Indulgentiæ?

*Vnius speciei sunt indulgentiæ.*

**DICO 1.** De speciebus Indulgentiarum propriè loquendo, nullam diuisionem Indulgentiarum facere possumus. Ratio est, quia omnes sunt vnius speciei; omnes enim sunt relaxationes pœnæ temporalis, debita peccato, coram Deo, dimissa culpâ. Tùm quia quæ specie differunt, differunt per differentias specificas. Sed hic nullæ sunt differentia specificæ. Ergo.

*Penes effectum variæ sunt indulgentiæ.*

**DICO 2.** Variæ diuisiones afferuntur de indulgentiis, pœnes effectum ipsarum, qui est remissio pœnæ temporalis, juxta antiquiores Theologos, in rigore tamen loquendo, duplex est tantùm indulgentia, scilicet totalis, & partialis, seu plenaria, & non plenaria. Hæc diuisio habet fundamentum in *Extravaganti vigenitiæ de pœnitentiis, & remissionibus*: Vbi dicitur. *Theauri Ecclesiastici dispensationem, Petro esse commissam, nunc pro totali, nunc pro partiali remissione pœnæ temporalis, pro peccatis debita applicanda.* Totalis, seu plenaria dicitur, quæ totam

*Plenaria indulgentia.*

pœnam remittit ei, cui applicatur, vnde est æqualis omnibus, quantum est ex se, licet ex accidenti, minor sit in vno, quàm in alio, nam qui lucratur indulgentiam plenariam, & habet peccata plura, quàm alter,

*Partialis indulgentia.*

habet maiorem indulgentiam ex accidenti. Partialis verò, & non plenaria ea, quæ limitatè conceditur, vt partem aliquam pœnæ remittat, seu tantam, quantam Bullæ exprimunt, vt habetur *c. Hoc ipsum. 33. q. 2.* Et *cap. Accusasti de accusationibus*. Hæc autem partialis diuiditur in

*Carena.*

Carenam, Quadragenam, & Septenariam. Carena dicitur à carendo cibo, & potu, is enim cui Carena iniungebatur, juxta Canones ducebat vitam in pane, & aqua per 40. dies, vt Glossa interpretatur *cap. Accusasti citato*. Quadrage-

*Quadrage-na.*

na dicitur Indulgentia, quâ remittitur pœna, respondens pœnitentiæ quadraginta dierum, vide Cordub. *lib. 5. q. 9.* Bonacinam *disp. de Indulgentiis q. 1. puncto 2.* Hinc

*Septem annorum quid?*

**COLLIGE** Quando Indulgentia in Bullis conceditur septem annorum, vel quadraginta dierum, sensus est, remitti tantam pœnam peccatis debitam, quanta deleteretur, per pœnitentiam septem annorum, vel quadraginta dierum juxta Canones assignata; quia in ipsa forma



forma indulgentiarum, non dicitur Relaxamus tot annos pœnæ, sed pœnitentiæ. Ita Palud. in 4. d. 20. q. 4. art. 1. Sotus q. 21. Bonacina loco citato.

DICO 3. Diuiduntur rursus indulgentiæ, in personales, locales, & reales; Personalis est illa, quæ directè conceditur Personis, ita vt talis fauor inhæreat ipsi personæ, vt illam secum deferat, quocunq; pergat vt sunt Indulgentiæ Concessæ Religiosis personis, & confraternitatibus à Sede Apostolica confirmatis, & variis Indulgentiis dotatis. *Personalis indulgentia*

Indulgentia localis, est quæ inhæret alicui loco stabili, & firmo, in ordine ad personas, in tali loco orantes, vel aliquod opus pium exercentes, vt Indulgentiæ concessæ Ecclesiis Romæ, & Ecclesiis Ordinis Minorum in festis Sanctorum Patronorum Canonizatorum, concessæ sunt Indulgentiæ plenariæ & multis aliis temporibus, vt refert Hieronymus à Sorbo in *Compendio Priuilegiorum*. Indulgentia realis, est idem, quod localis, solum differt ab ea, quod hæc conceditur alicui mobili rei, in ordine ad homines; cuiusmodi indulgentiæ, sunt concessæ imaginibus, granis, rosariis, metallis &c. *Indulgentia localis.*

QVÆRES II. Qualis dispositio requiratur in recipiente Indulgentias?

DICO I. Requiritur fides. Patet. Tùm quia concessio Indulgentiarum, est actus iurisdictionis, actus autem iurisdictionis, exerceri non potest in eos, qui non sunt fideles. Tùm quia Indulgentiæ, fundantur in articulo communionis Sanctorum, qui autem sunt extra Ecclesiam, non possunt participare communionem Sanctorum, quia sunt membra præcisa, & mortua. Ex quo patet, hæreticos, & apostatas à fide, non esse capaces indulgentiæ, quomodo enim illi influxum Ecclesiæ percipient, qui non sunt coniuncti, & vniti Ecclesiæ per fidem, quæ est primum vinculum, quod Ecclesiæ membra connectuntur. Ex quo itidem sequitur, quod indulgentiæ, non prosint excommunicatis, quia effectus excommunicationis est, priuatio communium Ecclesiæ suffragiorum, vt patebit *sequenti disput.* q. 2. a. 5.

DICO 2. In susceptore Indulgentiarum, requiritur gratia habitualis, maximè in illo puncto temporis, quod indulgentia consummatur, & effectus illius confertur. Ratio est, Tùm quia de Regulis juris in 6. dicitur. *Veniam non datur, nisi correcto.* Tùm quia non potest remitti pœna, nondum remissa culpa mortali. Hinc

*Ad Indulgentiam requiritur fides.*

*In susceptore indulgentia requiritur gratia.*



**COLLIGE 1.** Non est necesse, vt qui præstat opera ad indulgentiam requisita, vt sit ingratia toto tempore, quò singula opera præstat, sed sufficit vt in gratia existat dum vltimum opus facit. Ita Sotus in 4. d. 21. q. 2. Nauar de indulgentiis. Notabili 15. Corduba lib. 5. q. 23.

*Falsa opinio tribuitur D. Subtili.*

**COLLIGE 2.** Falsò attribui D. Subtili, quòd non requiratur gratia in susceptore Indulgentiarum, ex eo fundamento, quia tenet in 4. d. 5. q. 1. a. 4. hominem existentem in peccato mortali, posse satisfacere pro poenitentia sibi imposita, pro peccatis sibi dimissis, quoad culpam. Sed ex hoc fundamento, hoc quod ipsi tribuunt D. non deducitur; magna enim est differentia, inter solutionem poenæ, quam quis facit, adimplendo poenitentiam Sacramentalem, & inter solutionem poenæ, quam quis facit ad lucrandam Indulgentiam, quia in prima, in rigore loquendo, solum requiritur iustitia, vt vltum est diff. 6. q. 3. art. 3. at in posteriore, supponitur reconciliatio, & amicitia cum DEo, quia DEus suos fauores, & gratias, ad deletionem poenæ, non communicat inimicis.

*Prærequisita omnia facienda.*

**DICO 3.** Necesse est, vt susceptor Indulgentiarum, præstet ea omnia, quæ præscripta sunt à Superiore, concedente Indulgentias. Ratio est, quia Superior concedit Indulgentiam, sub conditione talis operis; vnde omnia facienda sunt, quæ in forma concedendi indulgentiam requiruntur, si enim V. G. præscribitur, vt fiat confessio, Ecclesiæ visitatio, hæc omnia præstanda sunt; Indulgentiæ enim tantum valent, quantum sonant.

## ARTICVLVS VI.

*Quæ sit causa finalis Indulgentiarum concessionis?*

*Causa requiritur ad indulgentiam concedendam.*

**DICO 1.** Ad concedendas indulgentias, necessaria est causa; Patet, quia nullæ indulgentiæ conceduntur, sine dispensatione thesauri Ecclesiastici, vt patet. Sed dispensatio facta sine causa, ab eo, qui non est dominus, sed merus dispensator, (qualis est Pontifex respectu illius thesauri) est inualida. Ergo concessio Indulgentiarum, fit inualidè, si absit iusta causa. Constat ex cap. vnigenitus, de penit. & remissionib: Et ex cap. Cum ex eo.

*Ex quo est iusta causa pro indulgentiis.*

**DICO 2.** Proportio, siue iusta causa, ob quam Indulgentiæ conceduntur, spectanda est. Primò ex fine, ob quem conceduntur, qualis est promotio cultus DEI, vel Sanctorum, propagatio fidei, hostium Ecclesiæ subactio, vel conuersio, maior Ecclesiæ Apostolicæ reuerentia, nam



nam ad honorem, & quoddam externum DEi bonum spectat, si ipsius, siue Ecclesiæ thesaurus expendatur, ad res huiusmodi promouendas. Secundò. Ex proportionem, & utilitate, quam concessio indulgentiarum, opus uè ad illas lucrandas requisitum, habent, ad dictos fines consequendos. Aduerte tamen hic, non requiri, ut opus injectum, sit per se sufficiens, pro poenis remittendis, quia sic nulla esset liberalis remissio, quam supponimus esse, sed sufficit, ut sit iusta occasio, ob talem finem remittendi tantas poenas. Addo Posse Pontificem Indulgentias absolute concedere, nullum opus requirendo: V. G. si defuncto benè de Ecclesia merito, indulgentiam concedat, ut alios hoc pacto, trahat ad consimilia merita. Ita Corduba, q. 6. & q. 22. de Indulgentijs. Bonacina loco citato puncto 4. Hinc

COLLIGE Indulgentiæ conferunt omnem remissionem, quam exprimunt, si modò sit legitima potestas in conferente, causa proportionata, & legitima dispositio.

## ARTICVLVS VII.

*Quæ nam sit forma concedendi Indulgentias?*

NOTA Duobus modis conceditur à Papa Indulgentia. Aliquando enim concedit Papa indulgentiam, eò ipso, quòd ipse fecerit tale, *Forma in* vel tale opus, & sit in gratia, habeat V. G. plenariam Indulgentiam; *dulgentia* & hæc Indulgentia dicitur ipso jure, seu facto concessa. Aliquando *ATUT.* Pontifex, non concedit ipse indulgentiam, sed concedit alteri facultatem, ut tali tempore, possit absolui ab omni culpa, & poena, V. G. quando conceditur alicui plenaria Indulgentia in articulo mortis. Isti modi sunt diuersi, quia in priori, non requiritur actus alterius hominis, ut indulgentia effectum suum sortiatur, præter ipsam concessionem Papæ; in secundo vero modo, requiritur etiam actus alterius hominis, præter primariam concessionem Papæ.

DICO I. In primo modo concedendi Indulgentias, non requiritur alia forma, præter eam, quæ habetur in concessione Indulgentiæ, quæ diligenter est obseruanda quia juxta significationem verborum ejus est valor. Obseruandum est, quandoq; cum concessione Indulgentiæ, concedi etiam alios fauores, & gratias, ut sit in concessione Jubilei, ubi non solum conceditur indulgentia, sed etiam conceditur facultas, ut possint à culpis reservatis, & censuris absolui, ab illis, à quibus Pontifex in forma Jubilei concedit.

Dico



Dico 2. Loquendo de forma confessionis indulgentiæ posteriori modo, seruanda est hæc forma. *Concedo tibi V. G. plenariam indulgentiam.* Addunt aliqui Doctores vt Suarez *disp. 56. Sect. 1.* multos alios citans, neq; hæc verba, (*Concedo tibi plenariam indulgentiam,*) esse necessaria, sed satis esse, quod determinatio materiæ, à qua quis absoluitur, & quantitas ejus, mente concipiatur, & intendatur simul cum aliis circumstantiis, sicut est relatio ad indultum, etiamsi in forma non

*Intentio sufficit absol-  
uendi à cul-  
pa & à pœ-  
na.*

exprimatur. Ex quo Colligitur, quod cum quis in Articulo mortis absoluitur, à peccatis per confessionem Sacramentalem per idem verbum *Absoluo*, quod absoluit à peccatis, posse etiam illi applicare indulgentiam, & eum liberare à poena, quæ per indulgentiam relaxatur. Ratio est, quia verbum *absoluo*, potest esse commune ad peccata, & ad poenas debitas peccatis, idè sufficit intentio in Sacerdote, absoluedi eum à peccatorum culpis sacramentaliter, & à poenis temporalibus debitis, per indulgentias concessis.

QVÆRES. *Vtrum forma Indulgentia, tantum valeat, quantum sonet, & quamdiu durent Indulgentia?*

*Indulgentia  
ita valent,  
si sonant.*

*Quantum ad valorem.* Dico Indulgentia, seu forma indulgentiæ, confert suscipienti totum illum effectum, quem ipsa forma ex vi significationis verborum promittit. Ita Sanctus Bonaventura *in 4. d. 20. p. 2. art. 1. q. 4.* Richardus Albertus *ibidem.* Suarez *disp. 54. & alij.* Probatur Quia omnis Indulgentia confert suum effectum, quando adsunt tres condiciones, potestas in concedente, dispositio in recipiente, & pia, ac iusta causa. Vide Cordubam *lib. 5. q. 23. in principio.* Hinc.

COLLIGE 1. Moriens accepta indulgentia plenaria, statim in cælum euolat.

COLLIGE 2. Eum qui alienam habet coronam, vel granum benedictum posse illam indulgentiam consequi, quæ illis rebus est affixa. Ita Pinellus *de indulg. c. 11.*

COLLIGE 3. Vno, & eodem actu, seu eadem oratione posse nos consequi indulgentias, diuersis viis concessas, affirmat Corduba *q. 35.* Emmanuel Sa. *verbo Indulg. n. 18.* negat verò Gabriel *in 4. dist. 45. q. 3.* Suarez *disp. 52. sect. 8. n. 10.* Mihi dicendum videtur standum esse intentioni concedentis indulgentias, intentionem autem esse concedentis, vt pro qualibet Indulgentia consequenda, singuli actus, & singula opera



opera præstentur. Ratio est, quia sicut ad indulgentiam unam lucranda, requiritur opus semel factum, ita ad Indulgentiam duplam, requiritur opus repetitum, seu duplicatum. Excipe, nisi tale opus sit, quod eodem die repeti non possit.

COLLIGE 4. Potest aliquis uno, & eodem tempore, diuersis actibus (V. G. missam audiendo, & horas canonicas recitando) consequi plures indulgentias, concessas Missam audientibus, & horas Canonicas recitantibus, quia vnus actus, non impedit alium. Similiter. Potest aliquis sæpius eodem die, consequi indulgentiam concessam visitantibus Ecclesiam, quando indulgentia concessa est absq; temporis determinatione. Ita Bonacina *de Indulg. disp. 6. q. 1. puncto 5. num. 32.*

COLLIGE 5. Ille qui non est consecutus indulgentiam, propter aliquem actum omissum, vel non modo præscripto absolutum, potest iterum actum præscriptum facere ad consequendam indulgentiam, modo non sit elapsum tempus, ad consequendam indulgentiam. *Ita idem ibidem num. 33.*

*Quantum ad durationem.* DICO. Indulgentiæ tamdiu durant, quamdiu concedens eas durare voluerit, & non ultra. V. G. si in perpetuum concessæ, in perpetuum durant, si ad tempus, ad tempus. Ratio est, quia gratia dependet à voluntate concedentis, ipsiusq; voluntatis verbis expressam, non excedit, & actus agentium, non operatur ultra intentionem ipsorum. Quare indulgentiæ concessæ indefinitè, sine limitatione formali, vel virtuali, intelliguntur perpetuæ: ita communiter Theologi *in 4. dist. 20. Canonistæ verbo Indulgentia.* Hinc

COLLIGE 1. Per sibiileum suspenduntur omnes indulgentiæ plenariæ, tantum excepta Indulgentia Portiunculæ Assisii, per bullam Urbani VIII. quam refert Lucas Waddingo in Annalibus, *An. Domini 1223. num. 5.* Puto tamen quòd hæc exemptio tempore sibiilei, ad illum solum locum extendatur, S. MARIE Angelorum, Assisii, non verò ad alios Conuentus Fratrum, ad quos, extensa est hæc eadem plenaria Indulgentia, pro die 2. Augusti, per Bullam Gregorii XV. circa quam Indulgentiam multa dubia exoriebantur, imò, & publicè in Concionibus, à quibusdam prædicabatur, hic, & non alibi esse hanc indulgentiam. Quare hanc Bullam inserendam esse hic, non abs re arbitratus sum, vt quiuis cognoscat, vbi hæc indulgentia sit.

*Vno & eodem tempore diuersis actibus diuersa indulgentia lucrari possunt.*

*Quamdiu indulgentia durant.*

*Vbi est Indulgentia portiunculæ.*



## GREGORIUS PAPA XV.

Ad perpetuam rei memoriam.

*Bulla Gregorij XV.*

**S**plendor paternæ gloriæ, qui suâ mundum illuminat ineffabili claritate, pia vota fidelium de clementissima ejus Majestate sperantium, tunc præcipuè benignò favore prosequitur, cum deuota ipsorum humilitas, Sanctorum precibus, & meritis adjuuatur. Volentes igitur omnes, & singulas Ecclesias, Ordinis Fratrum Minorum S. Francisci de obseruantia, etiam Reformatorum, ubiq; existentes, aliquo spirituali munere illustrare, de Omnipotentis DEi misericordia, ac Beatorum Petri, & Pauli Apostolorum ejus auctoritate confisi, Omnibus vtriusq; sexus Christi fidelibus, verè poenitentibus, & confessis, ac Sacra communione refectis, qui aliquam ex dictis Ecclesiis, in secunda die Mensis Augusti, à primis vespers vsq; ad occasum Solis, diei hujusmodi, singulis annis deuotè visitauerint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione, pias ad DEVM preces effuderint, plenariam omnium peccatorum suorum, indulgentiam, & remissionem, misericorditer in Domino concedimus. Præsentibus perpetuis futuris temporibus valituris. Volumus autem, quòd præsentium transumptis, etiam impressis, manu alicujus Notarii publici subscriptis, & Sigillo alicujus Personæ in dignitate Ecclesiastica constitutæ, munitis, eadem fides prorsus adhibeatur, quæ præsentibus adhiberetur, si forent exhibitæ, vel ostensæ. Datum Romæ apud S. MARIAM Majorem, sub annulo piscatoris die IV. Julij M. DC. XXII. Pontificatus nostri, Anno Secundo.

*Ex triplici capite indulgentia extinguitur.*

**COLLIGE 2.** Sicut indulgentia ex tribus capitibus habet suum valorem, nimirum ex parte concedentis, & ex parte causæ propter quam conceditur, & ex parte personæ, cui conceditur, sic etiam ex eisdem tribus capitibus potest extinguì, scilicet ex parte concedentis, si ipsam reuocauerit, vel ad certum tempus limitauerit, deinde ex parte causæ, propter quam conceditur, deniq; ex parte illius, cui conceditur. Aduerte quòd per mortem concedentis, non extinguitur Indulgentia.

## ARTICVLVS VIII.

*Quid sit Jubilæus, quotuè conditiones illius?**Jubilæus ex quo dicitur.*

**NOTA 1.** Jubilæus secundum nominis significationem, non est ali-



aliud, quàm annus remissionis, *Leuitici cap. 25. Ipse enim est Jobel, vel Jobeleus.* Jobel idem est, quod annus afferens omnia bona, & reducens quemq; in pristinam libertatem, & hereditatem; ita Serarius, Ribera, & alii. Cajetan: Jobel deducit à Jebel, id est, germen, ita ut annus Jobel, idem sit, quod annus germinans omne bonum. Jobel ergo significat remissionem, seu annum, quo plenaria fiebat remissio, qui annus erat quinquagesimus. Deniq; Jobel significat buccinam, vel potius clangorem buccinæ, quæ festiuè eo anno personabat, unde Jubilum, & jubulare latinum deductum est, teste Eugubino. Erant autem illæ buccinæ, non argenteæ, sed corneæ, ex cornu bubulo. Nunc Jubileus usurpatur ad significandum annum illum, in quo maximæ indulgentiæ conceduntur, qui fuit prius centesimus, tempore Bonifacii VIII. postea Clemens VI. clementer consideratis vitæ humanæ breuib; terminis, concessit singulis annorum quinquagenis, tandem Paulus II. cujus Pontificatus cepit, anno 1364. intelligens paucis contingere quinquagesimum ætatis annum, ut plures immenso, illo Jubilei anno, bono fruerentur, ad 25. annos reduxit Jubileum. Tamen occurrente aliquâ necessitate, solet extraordinariè concedi Jubileus, ad instar horum ordinariorum.

*Quid sit Jubileus modo*

NOTA 2. Differunt Jubileus, & plenaria Indulgentia, siquidem Jubileus continet plenariam indulgentiam, & aliquid aliud, nimirum præter ablationem poenarum debitarum pro peccatis, & relictarum post remissionem culparum, quod facit plenaria indulgentia, importat plures fautores in foro conscientie, nimirum facultatem supra casus reservatos, etiam Bullæ Cœnæ Domini excepta hæresi, ab hac enim ordinariè non conceditur facultas absoluendi in jubileo, ut dicam *disp. 10. q. 1. art. 1.* deinde supra vota omnia dispensatio conceditur, confessariis approbatis, exceptis votis Religionis, & castitatis; deniq; & supra jura-menta, quod in indulgentiis plenariis, non conceditur. Quare concionatores, debent abstinere à nomine Jubilei, dum Indulgentias promulgant, ne simpliciores decipiantur, & credant, omnia, quæ Jubileus complectitur, concedi: nisi privilegia ipsa, talem indulgentiam alicui confraternitati per modum Jubilei concesserint, sicut in confraternitate S. Annæ, Sixtus V. concessit facultatem absoluendi ab omnibus casibus etiam Sedi Apostolicæ reservatis, (excepta hæresi,) ipso die ingressus in confraternitatē, & semel in vita, & in articulo mortis, ut constat ex Bulla.

*Differentia inter Jubileum & indulgentiam plenariam.*



*Definitio Iu-  
bilei.*

*Cur voca-  
tur Iubilens*

*Fructus Iu-  
bilei.*

*Lenitici ca.  
25.*

*Anagogi-  
ca Iubilens.  
quid?*

*Requisita  
Iubilii.*

DICO 1. Iubilens est indulgentia plenaria, omnium poenarum pro peccatis debitarum, cum favore absoluendi ab omnibus peccatis, & censuris, ut constat ex Notandis. Vocatur verò hæc Indulgentia Iubileus ob similitudinem illius Iubilei in veteri testamento. Quia sicut ille cum sono buccinæ, solebat pronunciari, sic hic voce Apostolicâ pronuntiatur, & à tot prædicatoribus denunciatur. Tùm sicut in illo Iubileo cessabat laborandi prædia, sic in hac indulgentia, cessat labor noster, & satisfactiones pro peccatis debitæ, & subrogantur pro illis merita Christi Domini, & Sanctorum. Tùm quia sicut in illo Iubileo remittebantur omnia debita temporalia, ita in hoc nostro remittuntur debita spiritualia. Tùm quia sicut in illo dabatur libertas corporalis, ita in nostro spiritualis. Tùm quia in illo recuperabantur possessiones terrenæ in hoc verò recuperantur virtutes, & merita, mortificata per peccatum, sine ullo pretio, aut compensatione propria peccatorum. Tùm quia in eo serui manu mittebantur, & fiebant liberi, ita in hoc exules à cælo, reuocantur ad patriam cælestem, cum gaudio, & lætitia. Anagogicè Iubileus significat æternam illam quietem. Primò quia omnes quiq; labore vacabunt, nam DEi laus, & visio, otiosum Beatorum negotium erit. 2. Clangent buccina, quia ob consummatam victoriam, per omnes vicos cæli jube halleluja cantabitur. 4. Reuertentur ad primam possessionem, id est ad paradysum, ex quo cum primò parente ejecti sunt, acceptâ jam plenâ peccatorum remissione. 5. Non feretur terra, quia tunc nulla erit novorum meritorum satio, sed veterum fructu suauissimè perfruentur.

DICO 2. Ad consequendum Iubileum, sex conditiones requiruntur, nimirum Ecclesiæ visitatio, oratio, jejunium, Eleemosyna, Confessio, & communio. Circa quas conditiones. NOTA 1. Non requirit conditio Iubilei, ut omnes actiones enumeratæ impleantur in statu gratiæ, (optimè tamen faciet, ut rem talem aggressurus, recolligat se, compungatur, & proponat in gratiam DEi redire) sufficit enim, quòd principale, nempe communio, & ultimum opus, si quod post communionem restaret faciendum, fiat in gratia, ita communiter DD.

NOTA 2. Ordo inter hæc bona opera, non est de necessitate, optimum tamen est, ut communio ultimo loco fiat. Porro opera illa, quæ allicantur certis diebus, ut jejunium feriæ quartæ, sextæ, & sabbato, non possunt ad alium diem transferri, aut præueniri, neq; per aliū quemq; compleri, Ita Rod. noster c. 183, n. 3, cætera verò opera possunt fieri quocūq; die.



NOTA 3. Istæ omnes conditiones, prærequisitæ ad lucrandum jubileum, tutius, & securius est, vt expleantur intra vnâ septimanam, quàm, vt aliqua præstentur in prima, & aliqua in secunda hebdomada. Ratio est, quia hoc est conformius Bullæ Iubilei: ita Henriquez lib. 7. de Opera quæ Indulgent: c. 11. num. 2. Sanchez. in opere mortali lib. 4. cap. 54. num. 28. hebdomada Sanctarellus de Iubileo c. 7. dub. 1. Bonacina de Penit: disp. 6. q. 1. pun- præstanda. Et 5. num. 34. dicit hanc opinionem esse consulendam; tùm quia est tutior; tùm quia graues Doctores, eam sequuntur. Tùm quia in materia indulgentiarum, non prodest opinio probabilis, ad consequendam indulgentiam, si veritas sit in oppositum. Oppositam tamen opinionem dicit probabiliter sustineri posse, quòd non necessario præstanda sunt omnia opera in vna hebdomada, sed sufficit quòd in prima, vel secunda fiant, & maximè hoc verum est, si necessitas id exigat, & rationabilis causa suadeat: ita Nauar. orat: miscel: 95. Rodericus indicat in summa p. 1. cap. 184. num. 14. Explicantur prædictæ conditiones. Ecclesia <sup>Ecclesia visitatio.</sup> Visitatio, id est, tot debent visitari Ecclesiæ, quot assignantur, & totidem diebus, quot sunt assignati. Vnde qui non poterunt adesse processioni, debent visitare Ecclesias illas, distinctis diebus, non enim possunt fieri in eodem die omnes visitationes Ecclesiarum assignatarum, sed diuersis diebus. Ita Rodericus loco citato num. 3.

Deinde debet fieri Oratio, quæ potest fieri ad libitum, siue recitando Oratio. rationes Dominicis, cum salutationibus Angelicis, vel psalmos aliquot, vel Litanias, dummodo oratio illa applicetur illis, pro quibus fieri mandatur, vt pro Exaltatione Ecclesiæ, Hæresu extirpatione, Principu Christianorum concordia, & specialiter pro necessitatibus in Bulla expressis.

3. Eleemosyna, quæ danda est, secundum arbitrium dantis, monet tamè Eleemosyna Rodericus, ne diues pro lucrando Iubileo cõtentus sit dare Eleemosynam talem, qualem pauper. Similiter monet Roder: n. 3. vt Eleemosyna detur tribus diebus. 4. Jejunium quod debet fieri istis, & tot diebus, Jejunium, quot præscribitur in Bulla, nimirum feria 4. feria 6. & Sabbato. Aduerte hîc quod non valentes Ecclesias visitare, vt sunt Moniales in clausura, vel in carceribus detenti, vel infirmi, istis debet subrogari per commutationem aliud opus pium, per Confessarium, V. G. vt orationem, vel jejunium faciant, certis diebus, tot, quot visitaturi Ecclesias erant. Similiter, qui non possunt Eleemosynam dare, vt Religiosi, vel pauperes, istis à Confessariis, assignandum est, opus æquiualens.



Idem dicendum de non potente jejunare, quæ commutatio omninò est facienda, aliàs non lucrabitur Jubileus. Ita Rodericus *num. 9. & 10. & communiter D.D.*

*Confessio.*

5. Requiritur Confessio, quæ debet fieri Sacerdoti approbato ab Ordinario, quæ Confessio debet fieri intra Jubileum, etiamsi aliquis non impleat omnes conditiones præscriptas, ante confessionem. Hinc

*In Jubileo  
confessus ab  
solvitur à  
reservatis.*

COLLIGE 1. Qui infra tempus Jubilei confitetur, animo suscipiendi Jubileum, & postea mutat animum post confessionem, nolens jejunare, & alia prærequisita implere, talis non consequitur jubileum, validè tamen est absolutus à reservatis, & relaxatio votorum facta, valida est, peccat tamen graviter, non implens alia opera necessaria ad jubilei consecutionem, si absq; iusta causa facit, quia videtur in fraudem jubilei facere. Cæterùm si dum confitebatur, non habuit animum continuandi illas actiones, tunc deceptit confessorem, & graviter peccavit, & absolutio ejus inualida, & reservatio casuum, non est ablata. Ita Henric. *lib. 6. c. 16. n. 5.*

COLLIGE 2. Qui in jubileo confessus est bonâ fide, sed inculpabiliter oblitus est peccatum aliquod reservatum manifestare illud jam amittit reservationem. Censuraverò si annexa fuit, directè sublata est, quamvis post confessionem bonâ intentione factam, mutato animo, noluerit suâ culpâ, obtinere jubileum. Ita Rodericus. *num. 9. Sanchez lib. 4. Moral. c. 54. num. 36. & 39.*

*Nota dili-  
genter.*

COLLIGE 3. Si quis ad finem jubilei accedat, facturus meritò longam confessionem, quia fortè vix aliquando integrè confessus est præ pudore &c: aut habeat multos casus, qui indigent multa deliberatione, & confessarius præ angustia temporis, non potest eum tunc integrè audire, potest eum intra tempus Jubilei absolovere à censuris, & tollere reservationem casuum, quos habet, & differre absolutionem à peccatis in sequens tempus. Ita Sanchez *num. 33.* Rodericus *num. 12.* Henriquez *lib. 7. cap. 11. num. 3. & 4.*

COLLIGE 4. Qui tempore Jubilei, capit confiteri elapso eo, potest absolui, ita citati Doctores.

Deniq; in Jubileo præscribitur *Communio*, quæ tunc à quocunq; potest ministrari, nisi incidat in tempus Paschale, tunc enim vel à proprio paroco sumenda est, vel licentia petenda.

PETES 1. Si quis sub tempus jubilei, hebdomadæ ad id electæ, aliquo-



aliquoties inciderit in casum reservatum, vel Censuram, possit toties abolui durante jubileo? Responsum est ad hoc *disp. 8. q. 6. art. 8.* vtramq; opinionem esse probabilem.

PETES 2. An jubileus semel susceptus, amplius iterari non possit?

RESPONDENT Doctores quod non. Palud. in 4. dist. 20. q. 4. 4. 1. *Semel tantum lucratur jubileus*  
Corduba. q. 30. Sanchez c. 54. num. 29. Ratio est, quia hæc est intentio concedentis, & talis est praxis, quæ est optima harum concessio-num interpres.

COLLIGE Qui legitimè fuit impeditus primis duabus hebdomadis, potest jubileum consequi transactis illis, servatis conditionibus præscriptis.

## QVÆSTIO II.

### De Suffragiis.

Præsentem Quæstionem in tres Articulos diuidemus.

In 1. quæremus, An fideles possint se inuicem per suffragia iuuare?

In 2. Quæ conditiones requirantur in eo, qui suffragia offert, in eo, pro quo suffragia offeruntur?

In 3. Qualis gratia, seu qualis fructus conferatur iis, qui à Prælato alicujus ordinis, admittuntur in communionem bonorum operum, ac meritum, totius Religiosæ congregationis?

### ARTICVLVS I.

*An fideles possint se inuicem per suffragia iuuare?*

NOTA 1. Suffragium juxta D. Subr: in quodl. 20. & alios Theo- *Suffragium*  
logos in 4. dist. 20. & 21. est auxilium quoddam, quod vnus fidelis præbet alteri fideli, ad obtinendam à DEO remissionem pœnæ temporalis, debitæ peccatis, vel ad obtinendam aliquid hujusmodi. Triplex autem est suffragium, quod potest vnus alteri communicare, & per quod potest illum iuuare: nimirum Indulgentiæ, de quibus præcedenti fusè Quæstione egimus. Aliud est Sacrificium Missæ, de quo in disputatione de Religione tractabimus. Tertium sunt operationes pœnales, & satisfactoriæ, vt orationes, jejunia, &c. de quo hic.

NOTA 2. Controuersia est inter Doctores, quomodo suffragia profint aliis. An per modum solùm impetrationis, an etiam per modum satisfactionis, quod veriùs, & probabiliùs sit, conclusione 2. resoluetur.

DICO 1. Fideles possunt se iuuare inuicem, per suffragia. *Fideles iu-  
batur*



*uant se per  
suffragia.*

batur 1. ex SS. literis. Jacobi 5. dicitur. *Orate pro inuicem ut saluemini.* Ad Rom. 15. *Obsecro ergo vos fratres per Dominum IESVM Christum, & charitatem Spiritus Sancti, ut adiuuetis me in orationibus vestris.* Probatur 2. ex Symbolo Apostolorum, ubi dicitur, *Credo Sanctorum communionem.* & sensus est, inter eos fideles, qui sunt viva Christi membra, per gratiam gratum facientem esse communicationem aliquam in bonis operibus, quatenus unusquisque suis bonis actionibus, alios iuuare potest: quia homines iusti, sunt membra vnus corporis Ecclesiae, sub vero capite Christi, vnita principaliter per charitatem, sicut autem vnum membrum, alteri praebet auxilium, ita potest vir iustus, alteri opem ferre per suffragia.

*Fideles iu-  
uant se etiam  
per modum  
satisfactionis.*

*In opere me-  
ritorio tri-  
plex gradus*

*Meritum  
est pretium.*

DICO 2. Fideles possunt suffragari aliis, nedum per modum impetrationis, & meriti de congruo, sed etiam per modum satisfactionis. Pater ex D. Subtili *Quodl: 20. art. 1.* ubi dicit quod in opere meritorio, quod aliquis facit pro alio, est triplex meritum, scilicet Personae operantis, deinde pro Ecclesia, tandem meritum illius, pro quo orat, vel cui applicat. Meritum operantis, non potest alteri communicari, quia fieret contra rectum ordinem charitatis, ideo siue illud meritum sit ratione beatitudinis consequendae, siue poenae debitae soluendae, nunquam illud amittitur operanti, nec alteri communicatur, sed communicatur solum gradus meriti tertius, & secundus, qui tanti valoris, meriti, & satisfactionis est, quanta intensio est actus, & charitatis, quae inest operanti. Confirmatur Si enim opera bona, sunt meritoria pro aliis, necessario sequitur, quod sint satisfactoria pro illis, quia meritum est pretium, quod vita aeterna comparatur, & poena soluitur. Ergo potest esse satisfactorium pro aliis, si est meritum pro aliis. Hinc

COLLIGE Hanc satisfactionem pro alio, esse de iustitia, & de condigno ex acceptatione Diuina, quia si DEUS ordinauit communionem Sanctorum in Ecclesia, certe sequitur in casu, quod haec communio per suffragia fiat, DEUM teneri ad illam acceptandam, alioquin statutum, & lex illa communicationis meritorum, esset frustra, quod non est dicendum.

## ARTICVLVS II.

*Quae conditiones requirantur in eo qui suffragia offert, & in eo pro quo suffragia offeruntur?*

Quoad



Quoad offerentem. Dico in persona offerente suffragia, hæ conditiones requiruntur. Primò ut offerens habeat intentionem offerendi pro eo, cui prodest. Ratio est, quia voluntas est domina actuum suorum, ideò, nisi ipsa ea alteri donet, procul dubiò sibi manent. Necessaria est ergo intentio, ut tale opus pœnale applicetur, & valeat pro eo, cui offertur. Ex quo sequitur Suffragium oblatum pro pluribus, non tantum singulis prodesse, quantum si pro vno solo offerretur, & hoc verum est, non solum quoad rationem satisfactionis, sed etiam quoad rationem impetrationis, ut probat D. Subt: *Quodlib: 20. 2.* Ut opus voluntariè fiat, seu sustineatur, ob id enim satisfactio, differt à satisfatione. unde qui casus, & infortunia, aliundè prouenientia voluntariè non acceptat in satisfactionem, aut illa non refert ad DEum, non dicitur condignè satisfacere. 3. Ut satisfaciens faciat opus, quod ex se sit aptum natum satisfacere, id est, habeat in se valorem, & pretium, ad soluendum debitum illius, pro quo satisfacit. Ratio est, quia nemo potest soluere debitum, nisi soluendo pretium. Ergo quod datur alicui in pretium, debet habere in se prius valorem pretii. 4. Requiritur, ut operans sit ingratus. Hanc conditionem necessariam esse, asserunt S. Thom. in 4. dist. 45. q. 2. art. 1. Soto ibidem q. 2. Suarez disp. 48. Sect. 7. maxime si suffragium fiat ex opere operantis in persona propria. Ratio est, quia existens in peccato mortali, est indignus remissione, tam culpæ quam pœnæ, consequenter non poterit obtinere alteri remissionem pœnæ. Porro Suarez. disp. 48. Sect. 8. negat suffragia prodesse alicui, facta nomine Ecclesiæ, facta ab homine existente in peccato mortali. Sed in hoc rejicitur à Doctoribus in 4. dist. 45. nam S. Thomas ibidem q. 2. art. 1. Soto ibidem, & alii tenent, non esse necessarium, ut offerentes, orationes, & suffragia nomine Ecclesiæ, sint ingrati. Patet, quia sicut si Rex petat aliquid per nuntium, dignitas petitionis pensanda est ex dignitate petentis, non nuntii, ita dignitas orationis consideranda est, secundum dignitatem Ecclesiæ, cujus nomine offertur, non juxta dignitatem improbi ministri: tunc autem censetur aliquis orare nomine Ecclesiæ, quando preces, & orationes institutas ab Ecclesia, recitat, ut minister depuratus ad hoc ex præcepto, vel ordinatione. Porro juxta principia D. Subtilis non est necessarium, ut satisfaciens sit ingratus juxta dicta disp. 6. q. 2. art. 3. Nam si peccator existens, in peccato mortali, potest satisfacere pro

Offerentis conditiones.  
Intentio.

Ut voluntariè fiat.

Ut opus habeat valorem.

Ut operans sit ingratus.

Suffragia nomine Ecclesiæ valent in peccato mortali.



re pro pœna temporali, debita suis peccatis, quæ jam dimissa erant, quoad culpam, nulla videtur ratio, propter quam, non possit etiam satisfacere pro alio, ratione solutionis pœnæ debitæ, offerendo æquivalentem pœnam: Neq; valet, quod non valeant ad merendam gratiam, & gloriam, quia alia est ratio satisfaciendi, alia merendi.

*Conditiones  
eius pro quo  
offeruntur  
suffragia.*

*Quantum ad eum pro quo offertur suffragium:* Dico quod hæc conditiones requirantur. Primò ut sit ille in gratia: verum hæc conditio juxta principia D. Subtilis, non est necessaria ad satisfaciendum etiam pro illo, qui est in peccato mortali: aliud enim est mereri, aliud satisfacere, existenti itaq; in peccato, non potest mereri vita æterna, secus est de satisfacere. 2. conditio est ut ille pro quo offertur indigeat, & sic non prosunt Beatis, nam Beati tantis bonis affluunt, ut nullius ope indigeant: quando verò aliqui Patres dicunt, *Nos pro iis sacrificia offerre*, intellige, non ut iis aliquid impetremus, sed ut gratias DEO, pro eorum gloria agamus. Non prosunt etiam damnatis, quia in inferno nulla est redemptio. Addo, suffragia non acceptari à DEO, pro futuro tempore, ne detur aliquibus occasio peccandi, credentibus se fore liberos à pœna, si peccent, quamvis novam satisfactionem, non exhibeant. Tertia conditio est, ut peccata pro quibus exhibetur satisfactio, jam sint deleta quoad culpam: ita communiter D D. Suarez *disp. 48. Sect. 2. & alij.* De suffragiis mortuorum sequenti Quæstione.

### ARTICVLVS III.

*Qualis gratia, seu qualis fructus conferatur iis, qui à Prælato alicujus ordinis, admittuntur in communionem bonorum operum, ac meritorum, totius Religiosæ congregationis.*

Dico 1. Talis communicatio operum, ac meritorum, non habet rationem indulgentiæ. Patet quia indulgentiæ conceduntur vivis per modum jurisdictionis, & absolutionis, à pœnis DEO debitæ, per applicationem satisfactionum Christi Domini, & Sanctorum. Sed Prælati ordinum hæc facultas, non competit. Ergo. Ita Roder. *tom. 1. q. 9. Regularium q. 33. art. 7.* Nauar. *de Indulg. notab. 31.* Corduba *q. 39.* Suarez *disp. 55. Sect. 5.*

Dico 2. Per talem generalem bonorum spiritualium communicationem, directè, & immediatè, non applicantur satisfactiones subditorum. Ita Suarez *loco citato.* Contra Nauarrum *loco citato n. 18.*

Ratio



Ratio est, quia cuiuscunque hominis etiam Religiosi opera bona, & fructus ipsorum, antequam fiant, vel dum fiunt, subjacent particulari dominio ipsius operantis. Ergo non debent censerī bona communia. Neque obstat *cap. Non dicatis 12. q. 1.* ubi dicitur, *Religiosos non solum facultatibus, sed etiam voluntatibus proprijs renuciāse.* Non enim sensus est, quod sicut terrenarum substantiarum, ita etiam suorum liberorum actuum Domini esse desinant, sed quod per obedientiæ votum, ita suam voluntatem Superioris imperio subjecerint, ut contra justum ejus imperium, nihil licite velle possint. Dixi (directe & immediate) non enim negandum est, quin fructus satisfactionum, ascitis in Religionem prodesse soleat mediate, interueniente videlicet ipsorum subditorum applicatione generali, vel speciali, quam semper habent in omnibus operibus suis.

*Confraternitas quomodo proficit.*

Dico 3. Assumptis in participationem meritorum alicujus Religionis, fructus quicunque proueniunt, præcipue sunt per modum impetrationis, siue directe, siue indirecte, siue per intentionem specialem, siue generalem. Ita Adrian. *quodl. 8.* Suarez, *loco citato n. 2.* Ratio est, quia ratio amicitiae postulat, ut Deus propter amicissimos etiam aliis beneficiat, qui illis amicitia conjuncti sunt. Porro nihil inde decedit Religiosis. Vide Roder. *loco citato art. 2.*

### QVÆSTIO III.

#### De Purgatorio.

In hac Quæstione tria præcipue examinabimus.

1. Vtrum aliquæ animæ, post hanc vitam in purgatorio, pœnis temporalibus expientur?
2. Quò loco sit purgatorium?
3. Quâ ratione animæ, quæ sunt in purgatorio, nostris suffragiis iuuari possint?

#### ARTICVLVS I.

*Vtrum aliqua anima, post hanc vitam in purgatorio, pœnis temporalibus expientur?*

Dico Partem affirmatiuam, vniuersa semper ab initio tenuit Ecclesia. Probatur 1. ex lib. 2. Machab. cap. 12. Vbi dicitur Judas Machabeus collegisse pecunias, & misisse duodecim millia drachmarum Jerusalem, ut offerretur sacrificium pro iis qui ceciderant in bello. Et subditur. *Bene & religiosè de resurrectione cogitans (Nisi eos qui ceciderant, resurre-*

*Purgantur anima in purgatorio.*



*resurrecturos speraret, superfluum videretur, & vanum orare pro mortuis.*

Et quia considerabat, quod hi qui cum pietate dormitionem acceperant, optimam haberent repositam gratiam. *Sancta ergo & salubris est cogitatio, pro defunctis orare, ut à peccatis solvantur.* Ex quo loco habetur.

*Exponitur  
hic.*

1. Mortuos post hanc vitam, posse à peccatis solui, & sic esse purgatorium. 2. Orationes, & sacrificia prodesse defunctis. vbi dicitur. *Duodecim millia drachmarum, misit Hierosolymam, offerri pro peccatis mortuorum, sacrificium.* Tertio habetur non semper in morte expiari omnes reliquias peccatorum, scilicet poenas temporales debitas, ut volunt hæretici, nam si hoc esset verum, non debuisset Judas curare, ut fierent orationes, & sacrificia pro illis defunctis, ut à peccatis soluerentur, quia jam in morte omnes reliquæ peccatorum expiatae fuissent. Quarto habetur hominem posse pie, & sanctè mori, & tamen habere aliquod debitum ad soluendum, propter satisfactionem, non plenè expletam; nam hoc loco dicitur. Judas iussit orari pro illis, qui cum pietate dormitionem acceperunt, mortui enim erant propter legem DEI seruandam. 5. habetur doctrinam de purgatorio esse de fide; quia quidquid est in in Sacra Scriptura, est de fide. Sed doctrina de purgatorio, est in S. scriptura. Ergo est de fide.

*Responsio hæ-  
reticorum*

Respondent hæretici ex hoc loco, non posse vilo modo probari esse purgatorium. Quia isti libri non sunt Canonici. 1. quia author illorum, in fine petit sibi concedi veniam, si qua in re errarit, quod in scriptorem hagiographum non cadit. 2. Quia in eo laudatur Rastias, quod seipsum occiderit, quod tamen impium est. 3. Quia in duobus illis libris sunt aliquot antilogiæ. 4. Quia S. Augustinus lib. 1. capite 31. contra Gaudenium, dicit eos libros sobriè legendos esse. 5. Quia auctor videtur supponere animas, simul cum corporibus mori, quia sentit illis non profuturas nostras orationes, nisi esset resurrectio. Sed hoc est omninò impium. Ergo &c.

*Libri Ma-  
chabeorum  
Canonici.*

Contra Responsio hæreticorum repugnat communi Ecclesiæ sensui, nam Concilium Carthaginense 3. Syricio Papa gubernante Ecclesiam Anno Do: 384. inter Canonicos libros, eosdem, can. 47. numerat. S. Hieronymus in Prologo istorum librorum. S. Augustinus lib. 18. de Ciuitate cap. 36. Ex lib. de cura pro mortuis ca. 1. ex hoc loco probat orandum esse pro mortuis: & sic falsò dicunt hæretici, istos libros, receptos esse in Canone eorum librorum, qui valent ad ædificationem morum, non ad confirmada dogmata. Ad primam probationem dico, fal-



sum assumi; nam auctor nullo modo petit veniam narratorum, sed tantum petit sibi condonari, si quid minus concinne, & eleganter narrauerit, quod facile in hagiographum cadit. Ad 2. Respondeo non laudari ibi factum Rasiæ, sed tantum narrari fortitudinem animi ipsius in contemnenda morte. Addo omnino credibile esse eum mortem oppetiisse ex singulari DEI instinctu, qui potuit ei dare veniam se ipsum occidendi, sicut de multis Martyribus legimus, quæ tamen exempla magis admiranda, quam imitanda. Ad 3. Dico non esse veras, sed solum apparentes Antilogias, quod in multis aliis locis sacre scripturæ, vsu venit. Ad 4. Respondeo rectè monere S. Augustinum, ut cautè exempla in his libris similia legamus, ne putemus nobis similia licere, quæ nulli penitus, sine singulari DEI instinctu licent, ut intimaui sub responsione ad primam probationem Hæreticorum. Ad 5. Dico, auctoritatem loqui ex communi sensu tunc Hebræorum, idem esse, non esse resurrectionem mortuorum, & animas esse mortales, & ex eo quod anima sit immortalis, sequi esse resurrectionem mortuorum. Probatur 2. ex 2. locis. 1. ad Corinth. 3. ubi dicit Apostolus. *Vnusquisque autem videat quomodo superadificet, fundamentum enim aliud, nemo potest ponere, præter id quod positum est, quod est Christus JESVS. Si quis autem superadificat super fundamentum hoc, aurum, argentum, lapides preciosos, ligna, fenum, stipulam, uniuscujusque opus manifestum erit. dies enim Domini declarabit, quia in igne reuelabitur: & uniuscujusque opus quale sit, ignis probabit. Si cuius opus manserit, quod superadificavit, mercedem accipiet, si cuius opus arserit detrimentum patietur, ipse autem saluus erit sic tamen quasi per ignem.* D. Subtilis in 4. dist. 21. q. 1. dicit hæc auctoritate apertè probari dari purgatorium: quia per Aurum, argentum, lapides pretiosos, intelligit Sanctus Paulus bona opera in vniuersali, quæ complectuntur etiam prædicationem doctrinæ fructuosæ, & ductis ad vitam æternam. per fundamentum, ut apertè ipse Apostolus exponit intelligitur Christus, super quæ fundantur omnia opera nostra bona: per lignum verò, fenum, & stipulam intelligit peccata, quæ manent cum gratia, & possunt dici esse superadificata in Christo fundamento, quia licet illud non promoueant, tamen illud non diruunt; possunt etiam intelligi per lignum, peccata mortalia, per penitentiam quoad culpam remissa, quoad poenam verò temporalem purganda. Ita S. Hieronym. libro 2. con. Iovinianum dicens *Cum viderit dominus nos super fundamentum Christi adificare fenum, ligna, stipulam, id est, venialia peccata, tunc supponit incendiū, id est, tentationem ad mortalia,*



Per ignem  
purgatoriu.

Vnde subjungit. *Edificemus ergo aurum, argentum, & lapides pretiosos, & tentare non audebit.* Per ignem, intelligit ignem purgatorii verum, & realem: hoc enim igne, cum aduenerit dies Domini, qui est dies mortis vniuscuiusque in quo particulare iudicium fit, opus vniuscuiusque manifestabitur, quale fuerit, quia ignis illud probabit, quale illud sit, ideo cuius opus fuerit aurum, argentum &c. id est, opera bona, & meritoria, non patietur detrimentum, sed mercedem accipiet: cuius vero opera erunt lignum, fenum, stipula, id est, peccata venialia, vel debita peccatorum mortalium, non perfecte purgatoriu igne, detrimentum patientur, qui vero illa operatus fuerit saluus fiet, sic tamen quasi per ignem. Dicit (*Quasi*) quia non absolute per ignem saluabitur, sed per gratiam Dei, & per ignem tanquam per instrumentum misericordiae Diuinae. Quando vero *S. Paulus* dicit, *Vniuscuiusque opus, quale sit probabit ignis*: non quod bona opera, vel facientes illa, igne comburentur, sed quia manifestabit qualia sint opera, nam bona opera attingere non poterit. Probatur 3. ex 1. ad Corinth. 15. vbi dicitur:

Tertius lo-  
cus.

*Alioquin quid facient, qui baptizantur pro mortuis, si omnino mortui non resurgent?* Ex quo loco Nota Apostolum hic disputare contra Saduceos ex communi traditione Iudaeorum, qui solebant baptizari pro mortuis, Saducei enim negabant animae immortalitatem, & resurre-

Baptizari  
pro mortuis  
quid signifi-  
cat.

ctionem mortuorum. Porro illi ab Apostolo dicuntur *baptizari pro mortuis*, qui poenitentias, afflictiones, & alia opera paenosa assumebant pro mortuis, hoc enim baptizari significat in sacris literis. Lucae 12. *Baptismo habeo baptizari &c.* & Marci 10. Neque valet responsio haereticorum, antiquos Iudaeos fecisse tantum illa lamenta, luctus ostendendi causa, quia Dauid 2. Regum 12. ieiunauit, fleuit pro infirmo filio, eo defuncto luctum omnem deposuit, quia sciebat, eum non indiguille.

Locus Tobiae

Confirmatur 1. Tobias senex filio praecipit, *ut panem, & vinum super sepulturam iusti constituat.* Tobiae 4. Confirmatur 2. Ecclesiastici 7. dicitur. *Mortuo non prohibeas gratiam.* Et cap. 38. *In requie mortui, requiescere fac memoriam ejus.* Quod obseruant Catholici, dum dicunt, & orant. *Requiescant in pace.* Probatur 4. Ex vniuersali to-

Vniuersalis  
consensus Ec-  
clesiae.

tius ab initio Ecclesiae consensu, quae semper curauit, orari pro defunctis, ut constat ex antiquissimis liturgiis, ac ritualibus D. Jacobi; D. Marci. Diui Basilii. D. Petri, in quibus instituuntur certae preces, pro defunctis, ut habetur Tomo 6. Bibliotheca Patrum. 5. Probatur ex

commu-



communi consensu Sanctorum Patrum. S. Aug. Sermone 17. de verbis Apostoli; ubi docet pro Martyribus non esse orandum, sed orationibus ipsorum sese commendandum. Subdit. Pro ceteris autem defunctis, rogetur Deus, ut participes fiant altaris, atque incruenti sacrificij. Et clarissime libro de cura pro mortuo habenda capite 1. In libris Machabæorum legimus sacrificium pro mortuis oblatum esse: Sed si nusquam in scripturis veteribus legeretur, non parua est uniuersa Ecclesia, qua in hac consuetudine claret authoritas. S. Ambrosius lib. 2. Episto. 8. ad Faustinum, agens de obitu sororis, ait Itaque non tam plorandam quam prosequendam orationibus reor &c. S. Chrysostomus in Acta Apostolorum Homilia 21. Non frustra inquit pro defunctis oblationes sunt, non frustra Eleemosyna, hæc omnia Spiritus Sanctus disposuit, volens ut nos mutuo iuuenimus. S. Gregorius 4. Dialogorum. Probatur 5. Sæpe contingit, ut post remissam culpam, restet aliqua poena persoluenda, & consequenter, potest aliquis mori antequam pro omni tali poena satisfaciatur. Ergo tunc, debet alicubi satisfacere, vel satispati post hanc vitam: nulla enim est ratio, cur dicamus Deum, tunc relinquere ea peccata impunita, aut omnes eas poenas remittere. Eadem est ratio de iis, qui subito cum venialibus moriuntur, tales enim post hanc vitam, puniuntur: non enim rectè proficiuntur in cælum, quia illuc nihil coinquinatum, aut immundum ingreditur. Apocal. 21. neque tales poenas æternas merentur. Ergo est aliquis locus medius, in quo purgabuntur. De quo loco Zacharias dicit, cap. 9. Tu autem sanguine testamenti, eduxisti victos de lacu, in quo non erat aqua. Vbi propheta loquitur de Christo Domino, qui descendens ad inferos, captiuam eduxit captiuitatem. Per lacum autem, in quo non erat aqua, non potest intelligi limbus Patrum, nam diues epulo, rogauit sibi ex eo, per Lazarum adferri aquam, ad linguæ refrigerium. Lucæ 16. Ergo intelligendus est locus purgatorii, carens, aqua consolationis, ex quo non paucos eduxit Christus Dominus. Denique exempla sunt innumerabilia, quæ adducere nolo, cum illis hæretici credere nolint, sed exemplum in nostra Polonia, de Petrauino, nobili Polono, (quem S. Stanislaus virtute omnipotentis, ante triennium mortuum, ut veritati, ante tribunal Regium, testimonium perhiberet, resuscitauit,) omnes hæreticos confundit, qui per triennium in purgatorio se poenas persoluisse testatus est, coram S. Stanislaeo, cuius precibus se commendauit, ut à reliquiis poenarum, quamprimum liberaretur:

Rationibus.

Exemplis.



raretur: quæ historia à tot seculis, à grauissimis authoribus scripta, in parietibus sculpra, in imaginibus depicta, à Breuiario Romano relata, conuincit proteruos hæreticos.

OBJICIUNT 1. Hæretici Ecclesiasticis II. dicitur. *Si ceciderit lignus ad Austrum, aut Aquilonem, in quocumq; loco ceciderit, ibi erit.* Confirmatur. *Matthæi 25.* Omnes mittuntur, vel ad cælum, vel ad infernum. Ergo non est media via.

Duplex statu  
morien-  
tium.

RESPONDEO. Ecclesiastes ponit, ex similitudine arboris cadentis, statum post mortem hominis morientis, esse immutabilem, nimirum gratiæ, & odii DEI. Ad austrum itaq; cadunt, quotquot ad purgatorium transeunt, quia in gratia DEI, ex hac vita migrant.

Ad Confirmat: dico illo loco, est sermo de statu animarum futuro, qui solum erit duplex æternus nimirum beatorum, & damnatorum. Neq; valet Consequentia Hæreticorum, sunt tantum duæ viæ, ita vt excludatur purgatorium: nam in altera viarum, quæ ducit ad cælum, est etiam quoddam diuerticulum, seu diuersorium, vbi merces examinantur, hoc est, animæ purgantur, & purgatæ ad cælum transmittuntur.

OBJICIUNT 2. Qui eunt ad purgatorium, vel benè moriuntur, vel malè. Si benè. Ergo cruciatus nullos sentiunt: Si malè. Ergo non moriuntur in gratia. Respondeo. Illi qui benè moriuntur id est in gratia DEI, cum certa expectatione vitæ æternæ moriuntur: Nec ex eo sequitur, quod post mortem nihil patiantur, quia ille etiam dicitur benè ambulare qui terminum suum certò attingit, licet non sine labore. Vrgent ex Apocal: 14. *Beati mortui qui in domino moriuntur.* Ergo statim perfruuntur beatitudine cælesti, & nihil tales patiuntur.

RESPONDEO S. Joannes loco citato loquitur de illis, qui moriuntur circa tempus iudicii extremi, vt constat ex Antecedentibus, & consequentibus verbis, quo tempore nullæ erunt poenæ purgatorii, quia illæ persecutiones Antichristi sufficient illis pro purgatorio. Instant, Multi statim leguntur admissi post mortem ad gloriam cælestem. Ergo nulli purgantur.

In alia vita  
remittuntur  
peccata.

RESPONDEO. Illi admissi sunt, & admittuntur statim ad cælum, qui nihil purgandum habebant, vel habent, qui autem habent aliquid expiandum, admittuntur suo tempore, sed quasi per ignem: nam expresse in sacris literis habetur, *Matth. 12.* quod aliqua peccata remittantur in sy,



in futuro seculo. Ergo si aliqua peccata remittuntur in futuro seculo, non potest intelligi, nisi per solutionem, & exactionem pœnæ. Ergo purgantur animæ, & persoluunt pœnas in futuro seculo.

## ARTICVLVS II.

*Quo loco sit purgatorium?*

1. Opinio affirmat, esse supra terram, & infra cælum, in media regione æris quadam. Ratio est, quia animæ purgatorii, sunt erutzæ de potestate tenebrarum, & sunt in loco tuto à malignis spiritibus. Sed dæmon est princeps æris tenebrosi. Ergo videtur, quod animæ existentes in purgatorio, sint in loco superiori ad illum locum caliginosum.

*Rejicitur hæc opinio.*

Contra hanc opinionem sunt auctoritates, & reuelationes in contrarium, quia sæpè inuenti sunt, qui purgabant sua peccata, in his locis inferioribus, vt dicitur infra. Ergo non est purgatorium in medio aëre.

2. Opinio asserit purgatorium, non esse in vna parte, & in vno loco determinato, sed variis in locis animas ad purgandum deputari, maxime vbi animæ peccauerūt. Ita Hugo de S. Victore lib. 2. de Sac. p. 16. c. 4.

Contra Peccata grauia, solent peccatores in diuersis locis perpe- trare; non est autem vero verisimile, quod per omnia illa loca anima decurrat, cum in vno loco, de omnibus peccatis, vbiq; commissis possit puniri; neq; valet exemplum de S. Paschasio, qui in thermis Angulani pœnas sustinebat, teste S. Gregorio 4. dialogorum cap. 40. nam Paschasius, non fecit illud peccatum in illis thermis, contra Symachum Papam, & tamen ibi puniebatur. Ergo hæc opinio, non est probabilis.

*Rejicitur.*

NOTA. Præter cælum, quatuor esse subterranea receptacula animarum post mortem, ex sacris literis deducitur. 1. infernus damnatorum. Prouerb. 9. *In profundis inferni conuiuia eius.* 2. locus est limbus puerorum, tam fidelium, quam infidelium, sine baptismo decedentium, iuxta illud Marci 16. *Qui crediderit & baptizatus fuerit saluus erit, &c.* Vbi non patientur pœnam sensus, sed pœnam damni, id est, carebunt visione, & fruitione DEi in æternum. 3. locus limbus Patrum, qui vocatur Sinus Abrahæ Lucæ c. 16. ad hunc descendit Christus Dominus post mortem, vt habetur in Symbolo, *Descendit ad inferos.* Et ad Eph. 4. *Descendit in inferiores Partes terra.* Et Gen. 37. Jacob Patriarcha dicit, *Descendam ad filium meum lugens in infernum, vbi*

*Loca animarum post mortem.*



Calvinus loco (*infernum*), vertit sepulchrum, sed quàm impudenter, nemo est qui non advertat. Tùm quia in hebræo est Scheol, quod propriè infernum significat, & sic verterunt 70. sicut & noster interpres. Tùm quia ratio convincit, nam Jacob putabat Josephum à bestiis deuoratum esse, ideoq; insepultum. Ergo non optabat ad eum descendere in sepulchrum, sed in infernum, puta in limbum Patrum. Tùm quia anima non sepulchro, sed limbo tenebatur, Jacob igitur animam Josephi in limbo videre cupiebat, quem deuoratum esse à bestiis putabat. 4. locus est Purgatorium. Quis autem ex prædictis sit vicinior inferno? Respondeo, Probabilius est quòd Purgatorium; deinde subsecui limbum puerorum; maxime disjunctum limbum Patrum, juxta illud Luc: 16. *Inter nos, & vos magnum est chaos*: vnde David Psalmo 85. gratias agit DEO, quòd eum liberauerit ab inferno inferiori; Ergo ipse præter infernum damnatorum, credebat alios infernos superiores.

*Purgatorium  
ubi sit?*

Dico itaq; Purgatorium est in vno loco determinato sub terra, propè infernum, loquendo secundum legem DEI communem; loquendo vero secundum legem DEI particularem, seu dispensationem Diuinam, quandoq; animæ aliquæ in aliquo loco particulari purgantur. Primam partem probat S. August. l. 12. de Genesi ad litteram, cap. 33. exponens illud Apocalyp. 5. *Omni creaturam, quæ in celo est, & super terram, & sub terra dicere sedenti in throno, & Agno, gloriam, & honorem*. Per hos qui sunt (*sub terra*) intelligit animas existentes in purgatorio, quæ DEVM laudant, illi verò qui sunt in inferno non laudant, sed blasphemant. Ergo purgatorium est in terra, & consequenter in loco determinato. 2. pars patet, nam quòd aliquando animæ in aliquibus locis particularibus purgantur, hoc fit ex speciali dispensatione DEI, vel propter eorum celeriorè liberationē vt possint suam indigentiam manifestare, vel propter instructionem nostram, vt intelligamus, quanta poena maneat peccatores post mortem, vel propter alicujus Sancti impetrationem, sicut legitur de S. Patritio, qui impetrauit cuidam, vt in quodam particulari loco puniretur in terra. Vide Sanctum Bonauenturam in 4. dist. 21.

*Pena purgatorii.*

PETES Quam sit acerbæ poenæ purgatorii? Respondet D. Subtilis, cum communi sententia Theologorum in 4. dist. 21. q. 2. poenam sensus in purgatorio excedere omnem poenam hujus vitæ. Patet ex S. Aug. qui lib: de cura pro mortuis agenda cap. 18. ait. *Et si ignis ille æternus non sit, miro tamen modo grauis est, exceditq; omnes penas, quas aliquis in hac*

*vita*



vita passus est. Et super Psal: 37. inquit. *Ita planè quamuis salus per ignem, grauior tamen erit ille ignis, quàm quidquid potest homo pati in vita.*

## ARTICVLVS III.

*Quà ratione animæ in purgatorio, nostris suffragiis iuuari possint, & quibus?*

DICO 1. De fide est, nostris suffragiis, posse nos iuuare animas in purgatorio existentes. Patet hæc conclusio ex Sacris literis, in primo Articulo relatis.

DICO 2. Licet animæ in purgatorio detentæ, iuuari possint omnibus pietatis officiis, maximè tamen Sacrificio Missæ, oratione, Eleem. *Suffragia quibus iuuatur anima.* iynâ, & jejunio. Probatur ex S. Aug. qui Serm. 22. de verbis Apostoli, ait. *Pompa funebris, agmina exequiarum sumptuosa, diligentia sepultura, monumentorum opulenta constructio, viuorum sunt qualiacunq; solatia, non adiutoria mortuorum. Orationibus verò Sancta Ecclesia, & Sacrificio saluari, & Eleemosynis, quæ pro eorum spiritibus erogantur, non est dubitandum mortuos adiuuari, ut cum eis misericordius agatur, hoc enim à Patribus traditum, vniuersa obseruat Ecclesia.* Confirmatur Genes. 50. Ioseph planxit obitum parentis 77. diebus. Dauid in morte Abner ieiunauit, & fleuit. Vnde & Sapiens monet, Eccl. 38. *Fili mi in mortuum produci lachrymas, & quasi diras passus incipe plorare.* De Eleemosyna habetur Tobia 4. *Panem tuum, & vinum tuum, super sepulturam iusti constitue.*

DICO 3. Suffragia pro defunctis, secundum legem DEI ordinariam, prosunt solum per modum satisfactionis. Est communis Doctorum. Ratio est, quia non videtur conuenire Diuinæ iustitiæ, remittere poenam pro peccato, alicui, debitam, nisi factâ satisfactione debitâ, licet enim DEus sit misericors, tamen etiam est, & iustus.

DICO 4. Probabile est, suffragia prodesse defunctis, non solum per modum satisfactionis, sed etiam per modum impetrationis, secundum legem DEI extraordinariam. Ratio est, Tum quia in hoc mundo videmus, quod etsi viâ ordinariâ, poena non remittatur, nisi per solutionem illius, tamen viâ extraordinaria, Principes poenam quandoq; ad instantiam charorum, solent dimittere gratis ex liberalitate. Cur ergo hunc modum velimus negare ipsi DEO?

DICO 5. Defunctis prosunt indulgentiæ per modum suffragii satisfactionis.



tisfactorii, (hæ tamen indulgentiæ non prosunt defunctis, nisi hoc ipsum etiam Papa concesserit.). Ratio est, quia S. Petro, & successoribus, concessa est potestas dispensandi thesaurum Ecclesiæ, in utilitatem omnium fidelium. Ergo & defunctorum, ratione communionis Sanctorum, & vinculi charitatis.

An verò certò, & infallibiliter, prosint indulgentiæ defunctis? Affirmat Sotus in 4. dist. 21. q. 2. art. 3. Nauar. notab. 22. num. 8. Suarez. disp. 59. Sect. 3. num. 3. Negat S. Bonavent. in 4. dist. 20. p. 2. a. unico q. 5. Richard. art. 3. q. 3. Corduba de Indulgentiis q. 13. Henriquez. lib. 7. cap. 7. sed solum ex acceptione DEI.

## DISPUTATIO X.

### De Censuris Ecclesiasticis.

Præsentem Disputationem in sex Quæstiones diuidemus. In 1. Naturam, casus, & conditiones Censuræ examinabimus. In 2. de excommunicatione tractabimus. In 3. de Suspensione. In 4. de Interdicto. In 5. de Irregularitate. In 6. de Degradatione.

#### QVÆSTIO I.

#### De Natura, Causis, & conditionibus Censuræ.

Præsentem Quæstionem in tres Articulos diuidemus.

In 1. quæremus, Quid, & quotuplex sit censura?

In 2. de Causis censurarum?

In 3. A quo possit auferri Censura?

#### ARTICVLVS I.

#### Quid, & Quotuplex sit Censura?

**NOTA** Censura ab aliis deducitur à verbo censco, id est fero sententiam: ab aliis à censio quod significat castigo ex Plauto: ab aliis à censore, qui mores aliorum puniebat: ab Ecclesiasticis verò scriptoribus pro pœna, seu mulcta, quæ per se, ac directam rationem habet pœnæ spiritualis impositæ, propter aliquod crimen.

*Censura in  
q. dicitur.*

*Definitio  
Censura.*

**DEFO I.** Censura est pœna spiritualis, inflicta ab Ecclesiastica potestate, priuans hominem baptizatum, usu aliquorum spiritualium [non enim censura priuat omnibus bonis spiritualibus] per ordinem ad salu-



salutem: [nam per Censuram intendit Ecclesia resipiscientiam.] Hinc

COLLIGE In Ecclesia existit potestas inferendi Censuras, Matth. 16. ubi, collata fuit Apostolis potestas ligandi, iis verbis. *Quodcumq; ligaueritis super terram &c.*

DICO 2. Censura triplex est, Excommunicatio, Suspendio, & Censura Interdictum: ita definiuit Innocentius III. Porro Censura alia est à plex. jure, alia ab homine: alia latæ sententiæ, alia ferendæ. Censura à jure quæ per legem, vel statutum est lata. Ab homine quæ per hominis sententiam fertur. Censura à jure durat perpetuò, nisi contraria lege, vel consuetudine abrogetur. Ab homine lata, pendet à jurisdictione ejus, qui eam tulit, vnà cum eo, aut perit, aut suspenditur quoad Censuram nondum contractam. V. G. Episcopus excommunicauit fures, qui furati sunt vasa templi, interim moritur, alii postea fures furantur ex eodem templo, alia vasa, vel ornamenta, posteriores fures excommunicatio illa non ligat, priores verò etiam mortuo Episcopo tenet.

Congruentiam aliqui adferunt, cur non plures, nec pauciores Censuræ quàm tres. quia Censuris constriunguntur, aut clerici, aut laici, aut loca. Excommunicatione tam clerici, quàm laici: Interdictio loca, licet aliquando, & Personæ. Suspensione soli clerici.

*Cur tantum  
tres Censu-  
ræ.*

## ARTICVLVS II.

*Quarum sint cause Censuræ?*

DICO 1. Causa efficiens, seu potestas ferendi censuras jure ordinario est in Summo Pontifice, respectu omnium Christianorum. Præterea in Patriarchis, Archiepiscopis, & Episcopis respectu suorum subditorum. Ratio est, Tum quia hæc potestas ferendi censuras, est data prædictis Personis de jure Diuino. Tum quia Summus Pontifex, & alii præfati habent jurisdictionem in foro externo necessariam, ad continendos subditos in officio. Sed ad talem jurisdictionem in foro externo exercendam, necessaria est potestas ferendi censuras, vt subditi per censuras retrahantur à peccatis. Ergo &c. Hinc

*Causa Effi-  
ciens Censu-  
ræ.*

COLLIGE 1. Parochus non habet ex jure Diuino, aut humano, ferendi Censuras, per consuetudinem tamen, aut præscriptionem poterant olim acquirere jurisdictionem, ferendi censuras in suos subditos, sicut & alii, vt Prælati Religionum, hæc tamen consuetudo est per Concilium Tridentinum Parochis sublata *Sess. 25. cap. 3.*

*Parochi an  
habeant po-  
testatem fe-  
rendi Censu-  
ras.*



*Laicus non  
potest ferre  
censuras.*

*Causa ma-  
terialis cen-  
suræ.*

*Pro morta-  
li fertur cē-  
suræ.*

*Quis potest  
ligari cen-  
suræ.*

*Causa for-  
malis Cen-  
suræ.*

**COLLIGE 2.** Clericum posse per potestatem delegatam ferre Censuras, etiam si habeat tantum primam tonsuram: laicus verò non, neq; clericus conjugatus, quia non est capax jurisdictionis spiritualis.

**DICO 2.** Causa materialis, ad incurrendam Censuram, est peccatum exterius, non internum, mortale, non veniale, & consummatum. **DIXI** (ob peccatum mortale) quia Excommunicatio major, non potest ferri ob veniale; Excommunicatio verò minor, potest ob veniale incurrì. Major verò cum sit pœna grauissima, non debet ferri ob leuem culpam. **DIXI** [externum, non internum.] quia Ecclesia actum internum, nec vetare, nec punire potest, directe, & secundum se, potest tamen per ordinem ad actum externum, quem informat. Hinc

**COLLIGE 1.** Non pro quolibet peccato mortali, quamuis externo, ferendam esse grauem censuram, sed solum quando peccatum alia ratione corrigi, vel impediri non potest, vt constat ex Trident: *Sess. 25. cap. 3. de reformatione.* Probabile tamen est validam esse censuram, latam pro quolibet peccato mortali.

**COLLIGE 2.** Illum non incurrere censuram qui effectum non compleuit, quem legislator intendit, sub censura prohibere, nam lex non ligat, nec operatur, ultra legislatoris intentionem verbis expressam. Vnde ille non incurrit censuram Canonis, qui proijcit sagittam contra Clericum, sed illum non attingit, quia non adest effectus, qui prohibetur.

**COLLIGE 3.** Pro peccato præterito commisso, non potest ferri censura, sed ad eam incurrendam requiritur contumacia; non enim esset medicina, sed vindicta. vide *q. 2. art. 6.*

**COLLIGE 4.** Qui ligari potest censura, debet esse viator homo, baptizatus, adultus, doli capax, homo determinatus, non enim aliqua vniuersitas, vel collegium excommunicari potest; suspensio verò, & interdictum, in communitatem ferri potest, deniq; vt sit inferior, patebit *seq. quæst: art: 6.*

**DICO 3.** Forma, seu ritus seruandus in ferenda censura, est talis, vt exprimat aliquo signo externo, non enim ligat, per solum voluntatem internam volentis, non tamen requiruntur determinata verba, aut etiam scriptura, debent tamen esse verba definita, & determinata ad aliquam Censuram particularem: verba enim faciunt, quod significant. Hinc

**COLLI-**



**COLLIGE 1.** Ferens censuram solo verbo, sine scriptura, mortaliter peccat, & incurrit suspensionem ab ingressu Ecclesiæ per mensuram scriptis ferenda. & à Divinis; quam suspensionem incurrit ferens censuram sine expressione causæ. *Patet ex cap. 1. Cum medicinalis, de sententia excommunicationis.* Ratio verò eundem requiratur expressio causæ in scriptis, est; tùm ut iudex cautior fiat in ferenda censura: tùm quia ligatus censura, potest confugere ad Superiorem, superior autem non potest facile judicare, nisi nota sit sibi causa, ob quam lata est censura. Eximuntur ab his pænis, Episcopi ferentes censuram solo verbo. Item denunciantes aliquem esse excommunicatum: Item facientes ob urgentem, & justam causam, Item Prælati Religionum ferentes censuram in suos subditos sine scriptura.

**COLLIGE 2.** Censura lata, sine scriptura, vel sine expressione causæ, est valida. Ratio est, quia ommissio scripturæ, seu causæ, non censetur ommissio formæ substantialis, sed tantummodo accidentalis.

**DICO 4.** Finis censuræ est, quem superior in ferenda censura intendit, sibiq; proponit, qui est salus, vel emendatio, ac resipiscentia illius contra quem censura fertur, juxta illud 1. ad Corinth. 1. *ut resurgat à peccato, & saluus fiat in die Domini.*

### ARTICVLVS III.

*A quo possit auferri censura?*

**DICO 1.** Censura reservata, lata ab homine per sententiam generalem vel particularem, jure communi, potest auferri ordinariè per eum, qui eam tulit, vel per ejus superiorem, vel per successorem, aut per eum, cui specialis facultas fuit delegata. *A quo auferatur censura, fertur Censura.*

Ratio est, quia potestas ordinaria ferendi censuram, extendit se etiam ad illam auferendam juxta illud Matth. 8. *Quodcunq; ligaueris super terram erit ligatum, & in caelis, & quodcunq; solueris &c.* Dixi (Ordinariè) nam in articulo mortis, quivis Sacerdos absolvere ab omni censura potest. Hinc

**COLLIGE** Sunt multi casus, in quibus nequit absolvere is, qui excommunicavit. 1. Quando est delegatus ad excommunicandum, sed non ad absolvendum. 2. Si excommunicans perdat jurisdictionem. 3. Incendiarii nominatim excommunicati, à solo Papa, possunt absolui. 4. Si excommunicationem Papa confirmat specialiter.

**DICO 2.** Censura non reservata, lata per sententiam generalem, jure communi, tolli & auferri potest, à quocunq; potestatem habente, *Non reservata censura, absol.*



*20* A quo absoluendi à mortalibus. Ita communiter omnes. Ratio est, quia tolli potest, sententia generalis in multis, æquivalet statuto, & Canoni, teste Co-uaruua, licet ipsa cesset per mortem conditoris. Sed Censura Canonis, & statuti, jure communi, potest auferri ab habente potestatem absoluendi à peccatis mortalibus. Dixi (per sententiam generalem,) quia per particularem lata, debet tolli ab eo, qui eam tulit. Dixi (jure communi) nam ubi est cautum, ne Confessarii absolutionem à censuris impendant, nisi ex speciali licentia, non possunt absolvere etiam per generalem sententiam latas.

Dico 3. A Censuris juris reservatis, ille potest absolvere, qui eas tulit, vel ejus superior, vel successor in dignitate, ut patet ex 1. conclusione. A Censuris verò juris, nemini reservatis, absolvere possunt, omnes prælati jurisdictionem habentes, in foro externo. Ut Episcopi, Priores, Guardiani &c. Immo etiam Parochus, & alius quicumque Sacerdos, potestatem habens absoluendi à mortalibus, potest jure communi absolvere à Censuris juris, nemini reservatis. Ratio est, quia Superior, eo ipso quod non reservat absolutionem, censetur cui-  
cunq; Confessario concedere facultatem absoluendi.

## QVÆSTIO II.

### De Excommunicatione.

Præsentem Quæstionem diuidemus in 7. Articulos.

- In 1. quæremus, Quid, & quotuplex sit Excommunicatio?
- In 2. Quenam sint Excommunicationes Summo Pontifici reservatæ?
- In 3. Qui possint Excommunicare?
- In 4. Quot sunt, & qui effectus Excommunicationis?
- In 5. De Minori Excommunicatione?
- In 6. Qui nam possint excommunicari?
- In 7. De absolutione ab excommunicatione.

### ARTICVLVS I.

*Quidnam sit, & quotuplex Excommunicatio?*

*Excommuni-  
catio quid?*

NOTA I. Excommunicatio, significat extra communionem, eo quod homo per excommunicationem separatur à communione fidelium, & participatione Sacramentorum, maxime Eucharistiæ, quæ per anathemasmam communio appellatur. Dicitur etiam Excommunicatio, *Anathema*, quod ab Excommunicatione differt solum ratione cujusdam majoris solennitatis, quia Episcopus fert Anathema, astan-  
tibus

*Anathema  
quid?*



tribus duodecim Sacerdotibus cum candelis, quas in terram projiciant, & pedibus conculcant. Est autem hæc vox Græca *Anathema*, & significat donaria, quæ DEO, aut Sanctis ejus offeruntur, & in templis honoris gratia suspenduntur, ita accipitur Josue 6. *Sicq; hæc Civitas anathema, & omnia quæ in ea sunt &c.* atq; adeo, cum Achan servasset sibi spolia, iratus est Dominus, & sic spolia, ibidem vocantur anathema. 2. anathema significat à DEO separationem. 3. maledictionem, & alienationem ab Ecclesiæ consortio importat, & sic derivatur ab anathematizo, quod significat maledico, detestor, deuoueo, & sic dicitur S. Petrus apud S. Marcum anathematizare. Hinc

COLLIGE. Excommunicatio, & anathema non conuertuntur, nam potest esse Excommunicatio sine anathemate; & è contra: quando verò concurret Excommunicatio cum anathemate, semper verba maledictoria in forma illius excommunicationis apponuntur.

NOTA 2. Excommunicatio, non est res noua, in statu enim legis naturæ, quædam umbra Excommunicationis fuit: nam primi parentes admodum excommunicationis prohibiti sunt ab esu ligni, scientiæ boni, & mali: illis verbis, *videte ne forte &c.* Apud Gentiles maxime Romanos vestigium Excommunicationis fuit, cum enim aliquis nefandum crimen commisisset, furiis infernalibus deuocabatur, talisq; poterat impunè à quouis occidi. Apud Judæos in leprosis, Levitici cap. 14. figura censuræ fuit, qui extra castra ob corporis contagionem excluderantur: Ergo multò magis ob contagionem spirituales, à consortio hominum, excludi mali homines debent. Hanc potestatem tradidit Christus Dominus, illis verbis, Matth: 18. *Amen dico vobis, quicumq; ligaueritis super terram, erunt ligata, & in calis, Apostolis & Successoribus. Si autem Ecclesiam non audierit, sit tibi tanquam Ethnicus, & Publicanus. Matth. 18.* Ex quò loco Sanctus Bonaventura eruit fundamentum Excommunicationis in 4. dist. 18. Vnde potestas Excommunicationis est de jure Diuino, modus excommunicandi de jure humano.

DICO I. Excommunicatio sic describitur: Excommunicatio est censura Ecclesiastica, à Canone, vel Judice Ecclesiastico lata, quâ Christianus, à Communione Ecclesiæ quoad fructum, & generalia suffragia ejus, & conuictu fidelium excluditur. Dicitur. (*Censura Ecclesiastica*) id est, pœna, hæc particula loco generis ponitur: (*Ecclesiastica*) vt

Ecc

pœna

Vbi ad umbrata fuit Excommunicatio.

Definitio Excommunicationis.



poenæ ciuiles excludantur. Dicitur (à Canone, vel Iudice Ecclesiastico lata) homo enim, & jus hanc poenam ferre possunt: tunc autem aliquis incidit in Excommunicationem à Canone latam, quando aliquid facit, quod prohibitum est sub poena Excommunicationis latæ sententiæ. Dicitur (Christianus) quia infideles, non subjacent his penis, juxta illud S. Pauli 1. ad Corinth. 5. *Quid mihi de his, qui foris sunt judicare?* Heretici verò subjacent quia in illis remanet character indelebilis. Dicitur (à Communionem Ecclesiæ &c.) quia per Excommunicationem, priuatur homines participatione Sacramentorum, communibus suffragiis & consortio fidelium, nimirum colloquio, conuiuio &c. de quibus infra.

*Diuisio Excommunicationis.*

Dico 2. Excommunicatio, alia est latæ sententiæ, quæ ipso facto incurritur, alia ferendæ, seu comminatoria. 2. diuiditur Excommunicatio in Majorem, & Minorem. Major priuat fidelem actiua, & passiuâ participatione Sacramentorum, suffragiis, & consortio fidelium. Minor verò sola participatione passiuâ Sacramentorum priuat. Vnde obseruandum est hic, quod Excommunicatio Major simpliciter, & absolute dicitur Excommunicatio: quare ubicunq; ponitur hæc vox (*Excommunicatio*) semper intelligitur de Majori Excommunicatione.

*Major & minor.*

*Iusta & iniusta.*

Tertio diuiditur Excommunicatio in iustam, & iniustam. Ad iustam requiruntur tria. Primo vt sit causa iusta, & rationabilis propter quam feratur. 2. Vt debito modo feratur. 3. Vt animo recto, & ab habente potestatem, id est, à proprio iudice. Quare deficiente aliqua ex prædictis conditionibus, Excommunicatio erit iniusta. 4. Diuiditur Excommunicatio ex causa effectiua, in Excommunicationem à Iure, vel ab homine. Quæ est à Iure manet in perpetuum, & obligat in perpetuum, nisi per aliud jus contrarium, vel consuetudinem tollatur. Quæ est ab homine, non est perpetua, neq; incurritur pro illo actu, pro quo est lata, nisi quamdiu viuit ille, qui tulit illam, vel quamdiu manet in officio, quod intelligendum est, quoad eos, qui eam non incurrunt antequam ille moreretur, aut jurisdictione priuaretur; secus est de illis, qui eam incurrunt ante mortem illius, vt exemplificauimus in *Articulo primo Quæstione 1. conclusione 2.* Deniq; Excommunicatio diuiditur, in generalem, & specialem. Reservatam, & non reservatam.

*A jure.*

*Ab homine.*

## ARTICVLVS II.

*Quenam sint Excommunicationes Summo Pontifici reservatæ?*

RESPONDEO. Est certus numerus assignari non possit, quia cre-

scen-



sciente quotidie malitia hominum, crescunt quoq; Summorum Pontificum Excommunicationes, tamen quia necessarium est Confessario illas cognoscere, in eis recensendis hunc ordinem seruabimus. 1. Enumerabimus Excommunicationes Bullæ Cœnæ Domini, quæ præ cæteris omnibus magis sunt reseruata. 2. quæ sunt in iure expressæ. 3. quæ in Extrauagantibus iuri insertis. 4. quæ reperiuntur in Extrauagantibus, nec dum in ius relatis.

QVÆRES I. *Quanam sint Excommunicationes Bullæ cœnæ Domini?*

1. Contra quosuis hæreticos, Complices, & fautores eorum; contra *Excommu-*  
*nicationes*  
*Bullæ Cœnæ*  
*Domini.*  
 tra legentes, libros eorum, retinentesq; & libros hæresim continentes, imprimētes, sine licentia Sūmi Pontificis. Cōtra Schismaticos, Apostatas, & eos qui se ab obedientia Sūmi Pontificis subtrahunt: contra Apostatas à fide; 2. Contra Appellantes à Papa ad futurum Concilium, & contra dantes fauorem, & auxilium ad id. 3. Contra Piratas, latrunculos maritimos, eorum receptatores, & dantes auxilium, & fauorem. 4. in eos qui rapiunt naufragorum bona, aut scienter ab aliis rapta accipiunt. 5. Contra onerantes proximos noyis vectigalibus, & imponentes noua padagia, gabellas, &c. absq; principis authoritate. 6. Contra falsificantes literas Apostolicas, aut supplicationes signatas authoritate Apostolicâ. 7. Contra Deferentes arma, ferrum, & aliâ materiam suppeditantes, seu necessaria belli, infidelibus, vel hæreticis. Et contra eos, qui faciunt certiores Turcas, vel hæreticos de rebus Christianorum in perniciem, & damnum Reipub. Christianæ. 8. Injuria afficientes eos, qui in suis Causis Romanam sedem perunt; ac etiam in eos, qui talia fieri curant, & defendunt. 9. Contra impediētes, & inuadentes eos, qui victualia, seu alia ad vsum Romanæ Curia necessaria, adducunt, vel pro eis aliquid soluere faciunt, & hoc extenditur ad fautores. 10. Contra illos, qui non habentes in Curia jurisdictionem, ejus prætextu capiunt, spoliant, detinent morantes in eadem, vel qui talia fieri mandant. 11. Contra offendentes, interficientes, mutilantes, capientes, incarcerantes, aut hostiliter insequentes Cardinales, Patriarchas, Archiepiscopos, Episcopos, Sedis Apostolicæ Nuncios, aut eosdem ejicientes è suis Diocesis, territoriis, terris, aut dominiis. Et fautores includuntur. 12. Contra impediētes quocunq; modo, executionem litterarum Apostolicarum, vel etiam citationes, & quascunq; dispositiones, & decreta Sedis Apostolicæ, vel ejus Legatorum, aut Nunciorum.

*Gabellas imponentes.*



13. Contra prohibentes quomodocunq; , ne tabelliones, executores, & Notarii in his officium suum exerceant. 14. Contra præsumentes prohibere, ne accedatur ad Sedem Apostolicam pro negotiis prosequendis, vel pro gratiis, vel literis impetrandis. 15. Qui impediunt quomodocunq; , ne impetrantes à sede Apostolica gratiam, vel literas, ipsis utantur: aut qui Delatorem talium detinent. 16. Contra Iudices, & officiales, eorumq; complices, auocantes Causas quocunq; modo spirituales, aut eis annexas à Iudicibus Ecclesiasticis, & qui quomodocunq; cursum talium causarum impediunt, vel ingerunt le cognitioni earum, tanquam Iudices, aut etiam partes Adversas, compellunt ad reuocandum juris processum, vel ad consentiendum ipsi absolutioni rei. 17. Contra Iudices seculares, qualescunq; sint, qui ratione talis officii, ad Iudicium seculare personas Ecclesiasticas, quomodocunq; trahunt, etiam prætextu literarum Apostolicarum, præter juris Canonici dispositionem. 18. Contra usurpantes Sedis Apostolicæ, & quarumcunq; Ecclesiarum Jurisdictiones, fructus, redditus, & proventus, aut eos lequestrantes. 19. Contra imponentes collectas, decimas, & alia onera Personis Ecclesiasticis, Ecclesiis, monasteriis, aut eorum fructibus, absq; speciali, & expressâ licentiâ Summi Pontificis, & in exequentes, procurantes fauentes palam, vel occultè. In qua Excommunicatione comprehenduntur, qui sic imposita etiam à spontè dantibus, & concedentibus recipiunt. Includuntur etiam quacunq; dignitate siue Imperiali, siue Regali præfulgent. 20. Contra impediētes quoscunq; Iudices Ecclesiasticos, ordinarios, & delegatos, ne sua jurisdictione utantur; includuntur hic, auxilium & fauorem præbentes. 21. Contra facientes, ordinantes, publicas constitutiones, vnde libertati Ecclesiæ, Sedi Apostolicæ, & juribus Ecclesiæ præjudicatur. Et contra eos, qui utuntur talibus ordinationibus, & retinent Ecclesiasticos redditus. 22. Contra Iudices seculares, cum suis Notariis, Executoribus, & compliceibus, interponentes se in Causis criminalibus contra Personas Ecclesiasticas, eas processando, capiendò, banniando, sententiando. 23. Contra Inuadentes terras, & loca Ecclesiæ Romanæ, & in illis supremam jurisdictionem usurpantes. 24. Contra raptōres suppellitilium, librorum, scripturarum, & bonorum Camera, & palatii Apostolici, ex eodem palatio tēpore infirmitatis Pontificis, & sedis Apostolicæ vacationis. Hinc colligitur Confessores ab his excommunicationibus absolvere præsumentes, incidunt in excommunicationem papalem. An verò sit

Notat Cō-  
fessarij.



reſeruata hæc Excommunicatione, in eadem Bulla, aliqui affirmant, probabilius tamen alii negant, ſi abſit præſumptio mortalis, vt ſi faciat ex ignorantia, aut obliuione, aut cauſa probabili.

QVÆRES II. *Qui ob hæreſim incurrant excommunicationem papalem? & quis poſſit ab ea abſoluere?*

NOTA I. Hæreſis eſt voluntarius error intellectus, cum pertinacia, *Hæreſis quid* contra aliquam fidei veritatem. Dicitur (*voluntarius*) quia ſi deficiat voluntariū, non eſt peccatum. Dicitur (*error intellectus*), quia ſicut actus fidei eſt actus, ſeu aſſenſus intellectus, ita hæreſis, quæ eſt contraria fidei, eſt error ipſus intellectus. Dicitur (*cum pertinacia*), quia ille dicitur pertinaciter aſſerere errorem, qui ſciens illum eſſe contra fidem Eccleſiæ Catholica, nihilominus ei aſſentitur, aut de illo dubitat. Et hæc pertinacia, non attenditur penes durationem temporis, aut ob firmatam pertinaciam in errore, ſed in pertinacia iſta, attenditur conſenſus deliberatus in errorem, quem ſcit fidei Catholice contrarium.

NOTA 2. Duplicem eſſe hæreſim, Internam ſeu mentalem tantum, *Hæreſis duplex* vt cum quis hæreſim, quā mente tenet, nullo ſigno exteriori manifeſtat. Externam, vt cum aliquis facit aliquid contra fidem, & in mente non habet errorem V. G. cum quis interrogatus an ſit Papista, timore mortis reſpondet ſe Papam non ſequi, in tali caſu non eſt hæreticus, cum non habeat errorem in intellectu, licet peccet mortaliter.

DICO 1. Ob hæreſim mentalem, nullo proditam ſigno exteriori, *Ob mentem* quod ſit ex ſe peccatum mortale, & ſufficienter expreſſiuum erroris, *non ex-* *mo eſt excommunicatus, hæc Excommunicatione.* Ratio eſt, quia Eccleſia *communicat* non iudicat de occultis. Sed DEUS ſolus ſecretorum eſt iudex, & cognitor.

DICO 2. Non incurrunt in hanc Excommunicationem, qui aliquos *Ex leuitate* errores effutunt ex leuitate, ira, timore, aut ſimili paſſione. Ratio eſt, *non incur-* quia talis hæreſis, eſt ſolū externa, quæ non eſt verè hæreſis, vt dixi in *Notanda* Notanda 2. & tales non ſunt iudicandi pro hæreticis in foro tamen externo, in quo præſumptiones locū habent, debent diligenter tales examinari. Hinc

COLLIGE 1. Non incurrunt hanc Excommunicationem, qui ad acti, vel capti ab hæreticis, timore mortis, coguntur geſtare arma contra Catholicos. Neq; illi qui ex ignorantia errant circa res fidei, ſed ita ſunt affecti, vt ſint paſſati corrigi, & obedire Eccleſiæ, cognito errore, & rei veritate. Ratio eſt, quia tales non habent errorem voluntarium, cum pertinacia in intellectu, licet à culpa tales graui, excuſari non poſſint.

Ecce

COLLE



COLLIGE 2. Illi qui hæreticorum Conciones audierunt, etiam si sæpius audierint; modo fidem mente retinuerint, non incurrunt hanc poenam, tamen grauiter peccarunt, propter periculum, cui se exposuerunt, qui enim exponit se periculo peccandi mortaliter; peccat mortaliter, sublato scandalo, & periculo peruersionis non peccat grauiter.

DICO 3. Hæreticus qui suam mentem exterius sufficienter manifestat, verbis, aut signis incurrit Excommunicationem Papalem, quamuis suam mentem occultè manifestet. Est definitum in iure cap. *Excommunicatus de hæreticis*. Et in Bulla Cœnæ Domini quotannis Romæ publicatur.

DICO 4. Contrahunt hanc poenam illi, qui hæreticis credunt pertinaciter, illud esse verum, quod illi docent, licet verè nesciant in specie, quid illi credant. Ratio est quia tales verè sunt hæretici, juxta Paludanum in 4. dist. 23. q. 3.

DICO 5. Hæc poena extēditur ad receptatores, fautores & defensores hæreticorum, secuto effectu. Nota nomine receptorū, fautorum, & defensorum, intelliguntur illi, qui recipiunt, fauent, defendunt ex motiuo hæresis, seu intentione fauendi hæresi: vnde si quis, ratione amicitiae, vel consanguinitatis, aut metus, faueat hæreticis illos occultando, ne capiantur à Iudice, non ligatur hæc poenā. Dixi (secuto effectu) quia si quis habuit intentionē fauēdi hæresi, sed fauor non est secutus, non incurrit excommunicationem; V. G. aliquis occultauit hæreticum, vt disseminaret hæresim, si non disseminauit, occultans poenam euasit. Aduerte tamen hic, non esse necesse, vt hæreticus, cui fauor præstatur, sit denunciatus excommunicatus, sufficit enim quod habeat errorem cum pertinacia, contra fidem.

*Legentes,  
imprimen-  
tes retinen-  
tes incur-  
runt.*

DICO 6. Qui legit, retinet, imprimit libros hæreticorum scienter, absq; Pontificis licentia immediata, vel mediata, incurrit excommunicationem Papalem, quamuis legat, vel retineat, vel imprimat curiositatis gratia, & absq; prauo animo. Hæc conclusio patet ex verbis Bullæ Cœnæ Domini. Dixi (scienter,) quia si nesciat libros esse hæreticos, aut scit quidem esse hæreticos libros, sed nescit continere hæresim, aut tractare de Religione, non incurrit dictam censuram, quia ad eam incurrendam requiritur scientia. Nota tamen hic, quod ignorantia affectata non excuset, neq; crassa, secundum aliquos, secundum vero Sanchez lib. 2. cap. 10. & Duardum q. 37. excusat. Dixi

(Absq;



(Absq; Pontificis licentia, non enim sufficit licentia Episcopi, aut inquisitoris. Dixi (legit) ad incurrendam enim hanc Excommunicationem, requiritur, vt per se aliquis legat; vnde ab hac excommunicatione excusantur, qui audiunt legentes libros hæreticorum. Notandum quoq; hic est, non solum illos legere, qui lingua exprimunt verba, sed etiam qui oculis tantum percurrunt, nihil exprimendo, lectio enim non consistit in prolatione verborum. Hinc

**COLLIGE 1.** Ad incurrendam prædictam Excommunicationem excusat paruitas materiæ, vnde excusatur qui legit 6. aut 8. lineas, non verò qui integram paginam. Legentes scholia hæreticorum, in libris Catholicis, excommunicantur.

**COLLIGE 2.** Non est necesse ad incurrendam prædictam Excommunicationem, vt legens legat formaliter, id est, vt intelligat quod legit, quia Bulla inderestationem hæresis, penitus prohibet lectionem, quare etiam si ille, qui legit non intelligat Græcè, vel Germanicè, innodatur hac Censurâ, si legat librum verè hæreticum, Sanchez tamen talem excusat libro 2. cap. 10. num. 51.

**COLLIGE 3.** Non incurritur Excommunicatio hæc, ab illis, qui legunt libros hæreticorum, qui nihil tractant de religione, neq; continent hæresim, tamen peccant mortaliter, & incurrunt excommunicationem non reservatam Papæ, maximè si author alicujus libri est hæreticus, antequam approbetur à Doctoribus, vel reuideatur juxta Decretum Tridentini; idem esto iudicium de libris obscænis, & non purgatis, tam hæreticorum, quàm Ethnicorum, quàm Catholicorum.

**COLLIGE 4.** Eadem Censurâ innodantur legentes, vel retinentes libros Geomantiæ, Hydromantiæ, Chiromantiæ, seu alios, in quibus continentur Sortilegia, Diuinationes, Auguria, auspicia, incantationes artis magicæ &c. Ratio est, quia Magi, & venefici in foro externo præsumuntur hæretici, quia abnegant DEVM.

**PETES I.** Quis possit ab hæresi absoluerè?

**DICO 1.** Papa, vel cui ipse facultatem concedit. Ratio est, quia illi soli reservata est immediatè, & qui facultatem aliis absoluerè delegare potest.

**DICO 2.** Licet Episcopi juxta Concilium Tridentinum Sess. 24. cap. 6. de reformatione, possint absoluerè ab hæresi, istam tamen potestatem eis limitauit Tridentinum, ita vt illis solis tantum concedat, non

autem

Audientia  
non incur-  
runt.

Materia  
paruitas ex-  
cusat.

Quis possit  
absoluerè ab  
hæresi.



autem eorum vicariis, & consequenter nulli alteri hanc facultatem delegare possunt, nisi expressam licentiam habeant delegandi à Summo Pontifice.

*Cæremonie  
in absolutio-  
ne hereti-  
corum.*

DICO 3. Ab hæresi completa, id est interna, & externa, absolvens, debet Cæremonias quasdam adhibere. Primò vt hæresim abjureret, & professionem veram fidei faciat. 2. Vt juramentum in sine professionis fidei faciat. 3. Vt absolutus ab hæresi in præsentia duorum, aut trium testium, absolventi se sistat. 4. Vt omninò prius ab excommunicatione, quàm à peccatis absoluator.

PETES 2. *Virum habens facultatem absoluendi ab hæresi in foro Delegatus, pœnitentia, seu conscientia, possit à sola excommunicatione absolvere, & delegare nò causa integra Confessione faciendæ pœnitentem ad inferiorem confessorium remittere?*

RESPONDEO Non potest ille, qui habet facultatem limitatam, & Sacramento pœnitentia alligatam: Tunc enim Sacramentalem dare debet absolutionem in Sacramento pœnitentia, & non judicalem extra sacramentum, nisi hoc in facultate exprimatur. Ita habetur in compedio Privilegiorum, verbo casus reservati, in annotationibus Capucin: Toletus lib. 1. cap. 15. num. 7. Suarez de Censuris disp. 7. sect. 5. Nauar. c. 27. n. 37. Ergo quando fit commissio, vel delegatio sub certa forma, eà non seruata, corrumpitur actus. Hinc

*In Jubileo  
non dari ab  
solutionem  
ab hæresi.*

COLLIGE. Quando in Jubileo, datur facultas Confessoribus, absoluendi à Casibus Bullæ Cænæ Domini, non censetur facultas concessa supra hæresim, nisi in Bulla Jubilei expressè, & in speciali concedatur. Ita responsum est à Gregorio XIII. Anno Domini 1577. & ante à Pio V. 1572. & talis est stylus Romanæ Curia. Possunt tamen fautores; Receptores, hæreticorum, & libros eorum retinentes, legentes, si hæretici non sint, tunc absolui. Ita Sanchez lib. 2. cap. 12. num. 12. Henriquez lib. 6. cap. 16. num. 2.

*Nota casu.*

QVÆRES III. *Quanam sint Excommunicationes Summo Pontifici in jure reservata.*

Prima habetur 17. q. 4. cap. Si quis. Si quis suadente Diabolo injecerit manus violentas in Clericum subiaceat Excommunicationi, & à nullo præterquam à Papa, nisi in mortis articulo absoluator, & conspectui Apostolico representetur. Idem habetur, cap. Cum illorum. & de Monialibus, de sententia excommunicationis. Pro intelligentia.

NOTA



NOTA 1. Nomine Clerici, intelliguntur initiati primâ tonsurâ, *Nomine clerici qui intelliguntur.* aut aliquo ordine, dum modo clericalem habitum gestent, & licet conjugati fuerint saltem non bigami, gaudent hoc privilegio: & hoc verum est, etiam si Clericus sit excommunicatus, toleratus, vel irregularis. Hoc etiam privilegio gaudent omnes Monachi, & Religiosi professi, non Sacerdotes, neq; clerici, immo & Novitii: similiter & Moniales *cap. de Monialibus de Sententia Excommunicationis.* Gaudent, & Tertiarii Sanctorum Francisci, & Dominici, qui se mancipârunt obsequiis alienius approbatæ Religionis, sub obedientia Superioris, illius Religionis. Deniq; extenditur ad Eremitas, qui in communitate viuunt, in aliqua Congregatione gaudente hoc privilegio.

NOTA 2. Per manus violentas, intelligitur actio injuriosa, *Quid per manus violentas.* contra Ecclesiasticam Personam, consistens in facto, & in opere, siue actio fiat manibus, siue pedibus, siue alio instrumento. Vnde ille qui voluit percutere, sed non percussit, non innodatur hâc Censurâ; neq; ille, qui verbis contumeliosis affecit clericum, absq; percussione; neq; ille, qui actu percutit ita leuiter, vt actus ille exterior, non censeatur sufficiens ad peccatum mortale, quamuis aliquando mortaliter peccauerit in intentione. Sit tamen illa percussio censeatur valde injuriosa clerico, incurritur hâc excommunicatio. V. G. si quis conspuat in Clericum, aut virgâ percutiat, aut includat in carcere, aut vestes laceret in clerico, vel frænum frangat, aut equum cui insidet clericus, occidat. Similiter ille, qui occidit clericum veneno. Porro ille <sup>non</sup> innodatur hâc censurâ, qui clerico dormienti furatur Crumenam, vel eum spoliât vestibus dormientem, si tales actiones verè non sunt violentæ: neq; ille incurrit, qui metu, aut vi, cogit Clericum exire de fundo. Hinc

COLLIGE 1. Ille qui scloperum explodit in clericum, qui ob terrorem moritur, etiam si ne leuiter à globo attingatur incurrit hanc Excommunicationem, quia hâc actio censeatur violenta, & injuriosa in clericum.

COLLIGE 2. Regula hâc à Doctoribus assignatur, quandonam *Regula notanda.* percussio clerici sit sufficiens ad incurrendam hanc censuram, quoties actio, & injectio manus, violentæ arbitrio prudentis viri seclusâ excommunicatione, esset sufficiens ad peccatum mortale, eadem est sufficiens ad incurrendam excommunicationem, positam ob violentam manum injectionem in clericos, hâc enim supponit peccatum mortale:



*Pueri clerici.* quâ de causâ excusantur pueri clerici, pugno se percutientes, & sanguinem naribus elicientes in parvâ quantitate.

*Seipsum percutiens excommunicatur.* COLLIGE 3. Clericus percutiens seipsum ex ira, incurrit excommunicationem majorem: Similiter, qui percutit clericum volentem, vel consentientem: vel si iudex detineat clericum consentientem in custodia. Ratio est, quia tales actiones sunt injuriolæ statui Ecclesiastico. Neq; valet si dicas, *volenti, & consentienti, non fit injuria*; id enim verum est, quando consentiens consentit, in iis, in quibus potest consentire. Sed unus clericus non potest cedere privilegio concessio toti communitati, aut toti alicui ordini: Vnde talis clericus, sic consentiens, licet non sit excommunicatus, est tamen excommunicandus, ut constat, *ex capite Contingit, de sentent: excommunicationis.*

*Clerici a quo castigandi.* COLLIGE 4. Clerici, qui merentur percussione, debent percuti ab ipsismet Superioribus causa regularis disciplina. Juxta consuetudinem verò possunt percuti per alios clericos, vel laicos; & sic bene pater filium Clericum, & Magister discipulum, iusta de causâ castigare possunt. Ita habetur *cap. uniuersitatis, de Sentent. Excõ: Et c. cum voluntate, eodem titulo.*

*Mandans. consentiens.* COLLIGE 5. Consilium, & mandatum, quò quis consulit, aut tacite, vel expresse mandat, clerici, vel Monachi percussione, subicitur huic excommunicationi, secutâ tamen percussione, & quòd mandatum reuera influxerit in percussione. Habetur *cap. Mulieres de Sentet. excommunicat. Mandans clericum percuti excommunicatus est, sicut & percutiens.* Eandem censuram incurrunt consentientes. *cap. Quarta presumptionis, eodem titulo.* Et non impediens, qui tenentur ex iustitia.

*Casus in quibus percutiens excusatur.* COLLIGE 6. Multi sunt casus, in quibus percutiens Clericum, excusatur ab Excommunicatione. 1 casus est, quando aliquis percutit Clericum in continenti, vim vi repellendo, cum moderamine inculpatae tutelæ, ad defendendum seipsum, vel rem suam, vel honorem suum; *Capite si verò, de sentent: excommunicationis.* Ratio est, quia in tali casu, non est vis, sed defensio. Dixi (in continenti,) nam si clericus jam rem asportauit, non potest percuti absq; excommunicatione, si jam sit domi clericus. Si verò aliquis clericum furem insequatur, & in itinere detinet, ut suas res recuperet, non incurrit hanc excommunicationem: similiter famina percutiendo clericum, vel Sacerdotem,



dotem, qui sibi vim vult inferre, non innodatur censura, quia hæc iusta est causa, defensio castitatis, & honoris. 2. casus est, Quando aliquis percutit clericum, quem ignorantia probabili, nesciebat esse clericum, quia fuit in vestitu seculari, *cap. Si verò 2. de Sent. excommunicationis*. 3. casus est, quando aliquis percutit clericum joco. *cap. Super 3 casus. eo, eodem titulo*. Ratio est, quia talis percussio, non videtur esse suadente diabolo, neq; est injuriola, nec sacrilega mortaliter. Addo, & hoc verum est, licet aliqualis ira interueniat, modo attentata qualitate percussione, aliisq; circumstantiis, non pertingat ad culpam mortalem. Secus dicendum, quando actio per jocum inchoatur, sed postea mutatur in sacrilegium mortale per indignationem interueniente aduertentiâ sufficiente ad mortale peccatum, nulla enim subest excusationis causa. 4. casus est, Quando quis percutit, vel occidit clericum inuentum in peccato carnis; V. G. in turpi actu, osculis, amplexibus, vel in loco suspecto, vt si solus inueniatur, cum sola, in loco apto ad turpes actus exercendos, & de illo adsit rationabilis suspicio, modo percutiat clericum in continentem, & non ex intervallo. Ita habetur in iure, *cap. si verò, de Sententia excommunicationis*: in quibus casibus percutiens peccat mortaliter, percutiendo priuatâ auctoritate, non tamen innodatur hac censurâ, quia talis percussio, non fit suadente diabolo, sed ex vehementi passione. Ita Molina Tomo. 4. de iustitia. tract. 3. d. 7. num. 3. Nauar. *cap. 27 num. 24*. Emmanuel Sa. de Excommunicationibus Papa reservatis *rim 2*. Vnde multò minùs innodatur censura, qui clericum in prædictis inuentum detinet, vt illum præsentet suo iudici Ecclesiastico. 5. Casus est, Quando secularis capit clericum, illūq; trudit in carcerem, mandato sui Prælati. *Si clericos in 6.*

PETES Quis possit ab hac Excommunicatione absolvere?

Quis possit absolvere.

RESPONDEO Regulariter loquendo Summus Pontifex: quia illi est reservata, & Nunciis ejus. Dixi (regulariter) nam Episcopus aliquando per te, vel per alium potest absolvere, quando est percussio levis. *cap. Peruenit: de Sententia Excommunicationis*: Vbi dicitur. *Tua fraternitatis arbitrio duximus committendum*. Vnde inferiores Prælati, non possunt, quia non vecantur à Papa Fratres, sed filii. Quòd autem possit in hac leui percussione, absolvere per delegatum, patet, quia facultas absoluedi in percussione leui, est facultas ordinaria, quæ competit Episcopo ratione dignitatis: qui verò habet potestatem ordinariam,



riam, potest illam delegare. Vnde & vicarius Generalis Episcopi, potest, vel per seipsum absolvere, vel dare aliis facultatem absolvendi, nam ipse est Iudex ordinarius, & facit unum tribunal cum Episcopo.

*Percussio levis quæ?  
Ad mediocrem.*

*Grauis.*

NOTA hic 1. Percussio levis dicitur, non quia sit peccatum veniale, sed respectu mediocris, & enormis dicitur levis. Mediocris est illa, V. G. si dens euellitur, vel capillorum copia extrahitur, aut sanguinis copia effunditur, absq; graui læsione. Grauis verò illa, quæ conjuncta est cum graui injuria, & læsione. V. G. quæ fit cum magno ictu, vulnere, aut membri alicujus abscissione, aut quando Persona grauis percutitur in faciem, vel si percussio fiat scandalosa, V. G. ut quando Clericus, percutit clericum in publico, vel in claustro coram secularibus.

*Episcopus quando absolvere possit.*

NOTA 2. Dantur multi casus in quibus ab Episcopo possunt absolui percutientes enormiter, vel mediocriter, non tantum leuiter, clericos. 1. Clerici communiter viuentes. Similiter Religiosi à suis Superioribus, si percutiant Religiosum suæ Religionis: Si verò percutiat alterius Religionis, debet absolui, non solum à suo, sed à superiore percussi, ita habetur *capite Cum illorum, de Sent. Excom.*

Si verò Religiosus percutiat Clericum secularem, debet etiam absolui ab Episcopo, si sit percussio levis. Ita Sayrus *cap. 28. Molina disp. 62.* 2 casus est de habente legitimum impedimentum perpetuum propter quod excommunicatus, non possit Summum Pontificem adire, sine graui periculo vitæ. Ita habetur *capite de Catero, de sententia Excommunicationis*; talis enim potest ab Episcopo absolui. 3 casus Mulieres cujuscunq; conditionis. *capite Mulieres, de sententia Excommunicationis.* Et hoc verum videtur quamuis percussio conjuncta fuerit cum homicidio. Similiter serui &c. Hinc

COLLIGE 1. Habens impedimentum temporale, sublato illo, tenetur adire Summum Pontificem, quia talis, sub hac conditione absoluitur ad Episcopum.

COLLIGE 2. Habens priuilegium absolvendi, satisfacta parte, potest absolvere poenitentem, qui solum satisfacit clerico percusso, vel si ei percussus condonet; licet aliqui probabiliter putant, etiam esse necessariam Ecclesiæ, & statui Ecclesiastico satisfactionem. Et hanc posteriori opinionem, putat esse probabiliorē Bonacina *de Excom. disp. 2. q. 4. puncto 5. num. 22.*

COLLIGE 3. Religiosi circa seculares, quid in hoc casu possint, idem



idem penitus est iudicium de Excommunicationibus, quod de casibus reservatis dixi, *Diff. 8. q. 6. a. 5.* & sic absolvere possunt in casu saltem ad Episcopum pertinente, dummodo satisfactio manifesta præmittatur, si sit possibilis, quia aliàs sufficeret cautio realis, aut juratoria. Vide *Rodericum Tomo 1. q. 61. art. 8.*

2. excommunicatio in jure Papæ reservata. Excommunicatus à legato Papæ, si toto integro anno in Excommunicatione perseverat, absolvens-  
soluendus est à Papa. Ita habetur *cap. Quarenti de officio legati.* 3. Ex-  
communicatus à Dicesano eò, quod habuerit literas falsas Papæ, si eas in-  
infra 20. dies non destruat, aut resignet. Ita *Capite Dura, de crimine falsi.* 4. Clerici qui participant in Divinis, tam in Ecclesia, quam ali-  
bi spontè, & scienter, cum Excommunicato à Papa. *Cap. significavit, de sententia excommunicationis.* 5. Incendiarius excommunicatus, & denunciatus, *cap. Tua, de sententia Excommunicationis.* 6. Excommu-  
nicati propter spoliationem Ecclesiæ, cum effractione, post denuncia-  
tionem, *cap. Conquesti, de Sententia Excommunicationis.* 7. Excom-  
municantur omnes, qui interficere jusserunt, aut capere, aut vexare il-  
los, qui Excommunicationem tulerunt, vel Interdictum, contra Reges, vel eorum Ministros, & fautores. *Cap. Quicumq. de sententia excommu-  
nicationis in 6.* 8. Imponens taleas clericis, *cap. Felicis de immunitate Ecclesiæ.*

QVÆRES IV. Quanam sint Excommunicationes in Clementinis, Excommu-  
& Extravaugantibus, Papæ reservata? nicationes

1. Contra Inquisitores, qui odii, gratiæ, seu amoris, lucri, com-  
modiq; alicujus temporalis obtentu, contra justitiam procedunt, vel in Clemen-  
alicui ex odio hæresim imponunt. Habetur in *Clementina Multorum, & Ex-  
de hæreticis § Verum 2.* 2. Contra Religiosos, & Clericos, inducentes  
ad votendum, jurandum, aut promittendum, eligere sepulturam in Ec-  
clesia sua, in *Clementina Cupientes de panis.* 3. Contra cōpellentes Sacer-  
dotes celebrare in loco interdicto; aut populum conuocantes, etiam so-  
nitu campanæ, ad talem locū; aut qui prohibent ejici excōmunicatos, &  
interdictos ab Ecclesia, quamdiu peraguntur Divina. Ita habetur in *Cle-  
ment. c. Grauis de sent. excom.* 4. Contra Religiosos administrantes Sa-  
cramenta, Extremæ Vnctionis, & Eucharistiæ; vel benedicentes nuptias  
sine Episcopi, vel Parochi licentia; vel absoluentes excōmunicatos à Ca-  
none, vel etiam à culpa & poena, præterquam à casibus in jure expressis,  
vel per privilegia concessis, in *Clement. c. Religiosi, de privilegiis.*



5. Contra illos, qui exenterant mortuos, ad eos conseruandos, aut eos concidunt in frustra, & ea coquunt; vt ossa carnibus denudata deferant, & sepeliant in alio loco: ita habetur in *Extrauaganti communi, cap. Detestande, de sepulturis*. Similiter & contra hoc præcipientes. 6. Contra eos, qui accipiunt, aut dant aliquid ob ingressum in Monasterium. *Ibidem cap. Sanè de Simonia*. Aduerte ex Cajetano *Verbo excommunicationis cap. 73*. Id non habere locum, si spontè aliquid dent, vel quando Monasterium est pauperrimum, & accipitur in sustentationem ipsius monialis. 7. Contra Religiosos mendicantes, sine speciali facultate Papæ migrantes ad non mendicantes, excepto Ordine Carthusianorum. *Ibidem cap. Viam ambitiosa, de Regularibus, & transeuntibus ad Religionem*. 8. Excommunicantur illi, qui docent peccare mortaliter eos, qui dixerint B. Virginem Mariam fuisse conceptam in peccato originali, è contrario, qui docuerint peccare mortaliter oppositum tenentes. Ita *ibidem, cap. Graue nimis, de reliquiis, & veneratione Sanctorum*. Hæc eadem approbatur à Concilio Trident. *Sess. 5. in fin.* 9. Contra committentes simoniam, in ordine, vel beneficio, & ejus rei mediatores; in *Extrauag. cap. Cum detestabile, de Simonia*. 10. Contra Religiosos, qui sine sui Superioris licentia, ultra mare eunt, vbi nec ad Prædicationem, neq; ad Diuinorum celebrationem sunt admittendi; in *Extrauag. Ad nostrum de Regularibus*. 11. Contra illos, qui prætextu confessionum, vel gratiarum concessarum, mutilatores, vel occisores existentium in sacris, vel violatores Ecclesiasticæ libertatis, vel qui absoluunt à casibus reservatis in Bulla cœnæ Domini. Item qui prætextu eodem, dispensant in votis Castitatis, Religionis, Hierusalem, S. Jacobi, & ad limina Apostolorum, nisi in prædictis gratis, fiat horum expressa mentio, & derogatio Extrauaganti. Ita habetur in *Extrauaganti. Esi Dominici gregis, de penitentia, & remissionibus*. Aduertunt hîc Doctores, maximè Toletus *lib. 1. cap. 37*. Non excommunicari hîc eos, qui prædicta faciunt, etiamsi malè faciant, nisi id faciant, prætextu Confessionum, & priuilegiarum, quæ non habent.

Aduerte Multas esse Excommunicationes Papales, in Decretis, Decretalibus, in Sexto, in Clementinis, & Extrauagantibus juri insertis, quæ non sunt Sedi Apostolicæ reservatæ, quas videre licet, apud Toletum *lib. 1. a capite 37. vsq; ad 40.*

QVÆRES V. Quenam sint excommunicationes Papa reservata in Extrauagantibus nendum juri insertis?



RESPONDEO Multas esse, aliquas saltem in medium adducam. Prima est contra duellum facientes, quam excommunicationem Clemens VIII. extendit, & ampliauit in sua Bulla ad Reges, Principes, Duces, Magistratus, non prohibentes, duella fieri, vel ipsa non impeditentes. Item contra suadentes, consulentes, & contra spectantes de industria, & contra incitantes: quam excommunicationem sibi soli reservauit, & ad Episcopos, non nisi occultum duellum extendere voluit. Vnde Bonacina *de Excommunicat. disp. 2. q. 3. puncto 2. num. 38.* negat Religiosos Confessarios, posse ab hac excommunicatione absolvere. Vide quæ sunt à me dicta, *disp. 8. q. 6. art. 5.*

2. Contra Moniales exeuntes de clausura, (quæ extenditur vsq; ad portam exteriorem, per declarationem Gregorii XIII.) & contra dantes eis licentiam, comitantes eas, & receptantes. Ita habetur in *Extravaganti Pii V. Decori & honestati &c.* Habetur in *cap. periculofo de statu Regularium in 6.* Et in Tridentino *Sess. 25. cap. 5.* Ita Rodericus *tom. 1. q. 49. art. 5.* Ab hac excommunicatione solus Papa; vel habens privilegium ab ipso potest absolvere. Ita Bonacina *q. 1. de clausura puncto 5.*

PETES Quibus ex causis, facultas exeundi monialibus, concedi possit?

RESPONDEO In motu Pii V. quæ incipit *Decori & honestati*, tres causæ exprimuntur. 1. Magnum incendium. 2. Infirmas lepræ. 3. Infirmas Epidemias, id est omnis morbus contagiosus. Addit Bonacina puncto 9. quod possit facultas exeundi concedi in casibus similibus, aut urgentibus, ut tempore belli. Item Abbatisa potest exire ad præstandum iuramentum fidelitatis secularibus &c.

De Excommunicationibus in particulari reservatis, & non reservatis videndus est Bonacina in fine *tom. 2. disp. 2. per totam.*

### ARTICVLVS III.

Quinam possint excommunicare?

DICO 1. Potestate ordinariâ illi omnes, & soli, possunt ferre Censuras, qui habent jurisdictionem Ecclesiasticam in foro externo. ut est. Primo Papa respectu fidelium. 2. Episcopus respectu subditorum in sua diocesi. 3. Vicarii Episcoporum, qui habent vnum tribunal cum Episcopo: ut dicitur *capite 2. de Consuetudine in 6.* 4. Capitulum Cathedralis sede vacante. 5. Nuncii Papæ à latere in toto Regno, ad quod missi sunt, *cap. 2. de officio legati in 6.* 6. Abbates exempti habentes jurisdictionem.



ditionem Episcopalem respectu eorum, in quos eam habent. 7. Quidam Archidiaconi, ac Archipresbyteri, ex consuetudine eam potestatem habent. 8. Cardinales in Ecclesiis sui tituli. 9. Concilia Generalia per orbem vniuersum, & Prouincialia in sua prouincia. 10. Ex privilegio eam habent, Generales, & Prouinciales ordinum respectu suorum subditorum.

Parochi nō  
possunt ex-  
communicare.

**COLLIGE** Parochi non possunt excommunicare, quia à jure potestatem non habent; & consuetudo quā alicubi excommunicabant pro rebus subtractis, aut deperditis, per Concilium Tridentinum *Sess. 25. cap. 3. de Reformatione*, est reuocata, & solis Episcopis id est de mandatum.

Cui potest  
committi.

**Dico 2.** Eandem potestatem habent ex delegatione illi, quibus supradicti eam commiserunt. **PETES** cui potest committi? Respondeo Cuius clerico gaudenti clericalibus privilegiis, quia hic est capax jurisdictionis spiritualis, nec ad hanc potestatem requiritur vilo modo potestas ordinis. Vnde nec laico, neq; clerico conjugato ordinariè, ab Episcopis posse committi, nisi à solo Papa: Fœminæ verò, ne à Papa committi talis potestas potest, quia hæc est incapax omnis jurisdictionis exercendæ per clauēs. Hinc

**COLLIGE 1.** Omnes qui habent potestatem ordinariam, possunt illam delegare aliis, vt patet *ex capite, cum Episcopus, de officio ordinarij in 6.* qui verò tantum habet potestatem delegatam, delegare non potest.

Conditiones  
excommuni-  
cationis.

**COLLIGE 2.** Conditiones inferente Excommunicationem, hæc requiruntur. 1. vt habeat legitimam potestatem. 2. vt ejus potestas non sit impedita: impeditur verò per justam appellationem, aut notoriam excommunicationem Judicis. 3. vt ferens censuram agat liberè, siue non necessariò, id est vt sit compos mentis, vel ne fiat censura metu, aut minis extorta, quia metu extortam aliqui dicunt esse inuvalidam, aliqui validam affirmant, vt Lessius *de Justitia cap. 17. dub. 6.* quia tam jure positio, quàm naturæ, gesta ex metu sunt valida, nisi in aliquo casu contrarium sit jure statutum. 4. vt ferens censuram sit in loco suæ jurisdictionis. Hinc Episcopus existens extra suam Diocesim, inuvalidè fert Censuras, etiam in suos subditos, non obtento tali consensu, excepto eo casu, quò Episcopus à suis expulsus est à sua diocesi.



## ARTICVLVS IV.

*Quæ sunt, & qui effectus excommunicationis Majoris?*

Primus effectus Excommunicationis est, *privatio communium suffragiorum Ecclesiæ.* Ita *Capite, Anobis, de sententia Excommunicationis.* Atq; hinc sequitur. 1. Applicans Excommunicato communia suffragia, vthoras Canonicas, sacrificium Missæ, peccat mortaliter. Ratio est quia facit contra prohibitionem Ecclesiæ, in re graui. Addo, qui publicè orat pro excommunicatis vitandis, præter peccatum mortale incurrit Excommunicationem Minorem, eo quòd videatur per hoc, cum illis communicare, communicanti autem cum excommunicato vitando, imposita est minor excommunicatio. Feria 6. Parasceues pro illis Ecclesiæ orat, partim ad imitationem Christi Domini, qui tempore passionis orauit pro inimicis; partim ad ostendendum valorem passionis Christi Domini, qui pro omnibus mortuus est.

Effectus excommunicationis est privatio suffragiorum.

Cur Ecclesiæ orat pro Excommunicatis.

Sequitur 2. Quilibet excommunicatus, quamvis toleratus, & non vitandus, priuatur communibus Ecclesiæ suffragiis. Ratio est, quia destrueretur propria ratio Excommunicationis, quæ in hoc consistit, vt excommunicatus, priuaretur communibus Ecclesiæ suffragiis.

PETES *Qui dicitur excommunicatus toleratus, & non vitandus, & quis non toleratus, & vitandus?*

RESPONDEO Vitandus, & non toleratus dicitur ille, qui nominatim est denunciatus excommunicatus. V. G. si dicatur, Petrus esse excommunicatus, potest tamen aliquis non dici vitandus, quamvis sit nominatim excommunicatus, si tamen non sit denunciatus; V. G. cum Petro nominatim denunciato excommunicantur fautores, sed non denunciatur nominatim simul cum illo. E contra iudicandum facile, quid sit toleratus. Hinc

Vitandus, & non toleratus.

COLLIGE 1. Notorius Clerici percussor, est excommunicatus vitandus, & non toleratus, modò sit notorius notorietate facti, id est, si percussit Clericum in præsentia multorum, sex, aut decem testium.

Percussor obici est non toleratus.

COLLIGE 2. Excommunicatus, qui nondum obtinuit absolutionem excommunicationis, priuatur communibus Ecclesiæ suffragiis, licet sit contritus. Ratio est, quia excommunicatio habet suum effectum, donec auferatur, aliàs talis posset licitè accedere ad recipienda Sacramenta occultè, quod dici non debet.

COLLIGE 3. Sacrificium Missæ, oblatum à Sacerdote in Persona Christi.



*prodest ex-  
communicato  
80.*

*Excommuni-  
cato quā-  
do Sacrifi-  
cium pro-  
dest.*

na Christi Domini, & ut Ministro ab ipso deputato, prodest excommuni-  
nicato, si ei applicetur à Sacerdote, tanquam Personæ priuatæ, & par-  
ticulari, & hoc quoad impetrationem, & quoad satisfactionem. Ra-  
tio est, quia sacrificium operatur, quoties adest capacitas in subiecto, &  
non adest impedimentum ex parte illius, cui applicatur. Sed sacrifi-  
cium Missæ, est institutum ad hoc, ut sit impetratorium, & satisfacto-  
rium, & hoc ex virtute, & meritis Christi Domini. Ergo. Neq; valet  
si dicas, excommunicato contrito, non profunt Ecclesiæ suffragia. Er-  
go neq; sacrificium; Nam sacrificium dupliciter consideratur. Primò  
secundum valorem, quem habet ex institutione Christi Domini, & ut  
sic, non potest computari inter communia suffragia Ecclesiæ. 2. qua-  
tenus offertur nomine Ecclesiæ, & ut sic recensetur inter suffragia Ec-  
clesiæ.

*Quomodo  
Sacerdos de-  
bet orare  
pro Excom-  
municatis.*

COLLIGE 4. Sacrificium Missæ applicatum Excommunicato  
non ei prodest quoad fructum, & valorem prouenientem ex parte Ec-  
clesiæ. Ratio est, quia Ecclesia priuat talem suffragiis communibus.  
Porro Sacerdos, tanquam priuata Persona mentaliter, & secretò in Me-  
mento Missæ, orare potest pro Excommunicato, etiam denunciato,  
cauere tamen debet Sacerdos, ne nominatim illum exprimat in Canone,  
vel in aliis orationibus publicis, V. G. si Episcopus, vel Rex esset  
excommunicatus, non esset exprimendus in Canone.

COLLIGE 5. Indulgentiæ non profunt excommunicatis. Ratio  
est, quia indulgentiæ numerantur inter suffragia communia Ecclesiæ.  
Ergo &c.

*22. effectus  
Excommuni-  
cationis.*

Secundus effectus Excommunicationis est, *priuatio participationis  
Sacramentorum actiua, & passiua.* Circa quem effectum.

DICO 1. Excommunicatus validè recipit Sacramenta, quoad sub-  
stantiam; non tamen licitè; neq; incurrit aliquam pœnam, exceptâ sus-  
ceptione Sacramenti ordinis. Probat 1. pars, quia hic adsunt, ut  
suppono, omnia requisita ad valorem Sacramenti, materia, forma, &  
intentio suscipientis, & conferentis. Ergo. 2. pars constat, quia qui  
facit contra prohibitionem Ecclesiæ in re graui, non facit licitè, & hoc  
regulariter loquendo, nam potest excusari ob ignorantiam, vel necessi-  
tatem, ut ob vitandum scandalum, infamiam, mortis periculum, &c.  
non enim Ecclesia obligat cum tanto incommodo. 3. pars patet, Quia  
nulla pœna extat in iure expressa, contra recipientes Sacramenta in Ex-  
commu-



communicatione. Dixi (*excepta susceptione Sacramenti ordinis*) nam excommunicatus, suscipiens ordines, incurrit irregularitatem.

Dico 2. Sacerdos administrans Sacramenta Excommunicato tolerato, non peccat ex vi Censuræ: non tolerato verò, peccat mortaliter; & præter peccatum incurrit excommunicationem Minorem, & interdictum ab ingressu Ecclesiæ. 1. pars constat, quia nulla extat prohibitio Ecclesiæ, quâ Sacerdos prohibeatur Sacramenta ministrare excommunicato tolerato. Dixi (*ex vi Censuræ*) nam si respiciamus jus naturale seu Diuinum, grauitè peccat Sacerdos, præbendo Sacramenta excommunicato, nam excommunicatus indignè petit Sacramenta, jure autem naturali, & Diuino, non sunt Sacramenta administranda indignè petenti, nisi forte petens sit peccator occultus, & publicè petat. Addo, quod ministrans, nullam incurrat Censuram, quia non est contra prohibitionem Ecclesiæ. 2. pars patet, quia in tali casu, facit contra prohibitionem Ecclesiæ, & hoc etiam verum est, etiamsi ignoret vitandus, se esse excommunicatum, Sacerdos verò sciat. 3. pars probatur, quia si aliis fidelibus, multò magis Sacerdotibus, participatio est interdicta cum vitandis. Addo, Clericus communicans cum excommunicatis à Papa, incurrit excommunicationem Papalem, si in Diuinis participet: maxime si sciatur aliquem esse talem, & liberè id faciat, & ille sit excommunicatus, nominatim declaratus. Hinc

COLLIGE 1. Sacramenta administrata ab Excommunicato tolerato, sunt valida; & petentes à tali Sacramenta, non peccant mortaliter. Ratio est, quia Concilium Constantiense dedit facultatem fidelibus, communicandi in Sacramentis, & quibusq; Diuinis, cum excommunicatis, suspensis, & interdictis, Irregularibus toleratis. Ergo videtur etiam tacitè concedere facultatem non vitando, administrare Sacramenta; non absoluto, sed solùm contrito.

COLLIGE 2. Omnia Sacramenta administrata excommunicato vitando sunt valida, excepto Pœnitentiæ, quia ad illud caret jurisdictione; ipse verò vitandus administrans, vel celebrans incurrit irregularitatem. Porro petens, aut recipiens Sacramenta ab excommunicato vitando, extra necessitatem grauitè peccat.

Tertius effectus est, *privatio rerum aliarum sacrarum*. Circa quem.

DICO 1. Quivis excommunicatus ex vi excommunicationis, privatur

Sacerdos ministrans Sacramenta excommunicato quid incurrat?

Nota.

Sacramenta à tolerato valida.

3. effectus excommunicationis.



uatur auditione Missæ, & si illam audiat peccat graviter: Ratio est, quia priuatur excommunicatus participatione generaliter in Diuinis (si verò inferuiat Missæ, cum nullus alius adsit excusatur ratione necessitatis). Præter peccatum mortale, nullam poenam aliam incurrit. Si verò Sacerdos excommunicatus vitandus, sua auctoritate eurer, coram se celebrari sacrum, incurrit irregularitatem, in *Capite Tanti, de excessibus Prælatorum*. Hinc.

**COLLIGE** Excommunicatus admonitus à celebrante, ut exeat, nolens exire, incurrit nouam excommunicationem Papalem, hæc poenâ mulctatur interdictus, & fautores. *Capite. Eos, de sententia excommunicationis.*

*Non licet celebrare coram vitando.*

**Dico 2.** Audientes Missam cum excommunicato vitando, peccant mortaliter: celebrantes verò coram talibus, incurrunt interdictum ab ingressu Ecclesiæ, Ex *capite Episcopum de priuilegiis in 6.* Admonendus est vitandus, ut exeat, si nolit, omittendum est Diuinum officium, & Missa, modo nondum sit inchoata consecratio: vel secundum aliquos Major Canon, tunc enim tenetur prosequi sacrificium vsq; adsumptionem inclusiue, ut integrum fiat sacrificium. Alii tamen tenentur omnes è templo discedere relicto solo ministrante, cum Sacerdote. Addunt Doctores, quod post peractam communionem, sacerdos debet ab altari discedere, & reliqua in Sacristia secretò perficere.

*Nota diligenter.*

**Dico 3.** Excommunicatus, etiam toleratus, peccat mortaliter, assistendo Diuinis & Missæ, priuatim tamen si sit Sacerdos, vel Religiosus, tenetur per se (non cum alio, juxta aliquos) horas Canonicas recitare: non enim æquum videtur, ut commodum ex delicto suo reportet. Vide *et Alma mater, de Sent. excom. in 6.*

*Quibus rebus sacris potest vti.*

**COLLIGE** Excommunicatus, non priuatur usu aliarum rerum sacrarum, V. G. potest ingredi templum, dum Diuina officia non recitantur, nam tunc non dicitur cum aliis communicare, imò etiam alii possunt priuatim fundere preces in eo loco, in quo est excommunicatus vitandus, si non recitent cum ipso. Similiter potest more laicorum, benedicere Mensam, munire se signo crucis, adorare Eucharistiam: potest etiam vti imaginibus, potest etiam vti aqua benedicta, ut docet Grassius.

*Concioni possunt ady.*

**Dico 4.** Excommunicatus tam toleratus, quam vitandus, potest adesse concionibus. Ita habetur in *cap. Responsio, de Sent. Excom: Ratio.*

cio.



rio est, quia communicatio non prohibetur excommunicato, quæ ten- <sup>se excommu-</sup>  
dit ad ipsius salutem, & emendationem. Sed concio tendit ad hoc. Er- <sup>cati.</sup>  
go. Addo licitum esse excommunicato tolerato concionari, quando ab  
aliis rogatur: quia hoc non videtur directe in fauorem excommunicati,  
sed aliorum, qui non tenentur evitare toleratum, peccat tamen excom-  
municatus, ingerendo se spontaneè ad concionandum, licet non incur-  
rat irregularitatem, quia actus concionandi non est actus ordinis. Ita  
*cap. citato.*

Quartus effectus Excommunicationis est, *privatio sepultura Eccle-* <sup>4. effectus</sup>  
*siaistica.* <sup>carentia se-</sup>  
<sup>pultura.</sup>

Dico 1. Excommunicatus, qui non fuit absolutus in via, aut post  
mortem, priuatur sepultura Ecclesiastica, ita ut, nec possit sepeliri in  
loco sacro, nec à clero solenniter deduci, nec Ecclesiastica officia pro eo  
celebrari possunt. Ratio est, quia hæc reputatur ab Ecclesia, quædam  
cum iis communicatio, quibus autem non communicamus viuis, nec  
mortuis communicare possumus. Et hoc verum est etiam si moriens  
fuerit contritus, procurasse credatur absolutionem, debet tamen talis  
post mortem absolui, & ita frui sepultura Ecclesiastica. Hinc

COLLIGE Aliqui dicunt, hac prohibitione comprehendi; tam  
excommunicatos non toleratos, quam toleratos, aliqui negant com-  
prehendi toleratos: aliqui docent, quod modò prohibemur, tales se-  
pelire in loco sacro, non tamen incurrimus Censuram, contra facien-  
tes, quia modo licet nobis cum illis communicare, nisi fortè sepelian-  
tur hæretici, quos absolute sine respectu ad excommunicationem pro-  
hibemur sepelire loco sacro *cap. Quicumq; de hæret. in 6.* Aliqui do-  
cent hoc verum esse, etiam si sepeliatur hæreticus: Nam nulla ratione  
probatur ius prohibere sepulturam hæreticorum præscindendo ab omni  
excommunicatione. Et *Caput Quicumq; citatum*, aperte loquitur de  
hæreticis denunciatis nominatim per sententiam iudicis;

Dico 2. Sepeliens loco sacro excommunicatum, etiam toleratū, <sup>Tolerati non</sup>  
quem publicè constat mortuum impenitentem, peccat contra reveren- <sup>nitenis pos-</sup>  
tiam loci, & finem ad quem institutus est: non enim decens est, ut da- <sup>sunt sepeli-</sup>  
mnatus inferatur in terram sanctam: Si verò toleratus dedit signa contri- <sup>ri in loco sac-</sup>  
tionis ante mortem, etiam si non fuerit absolutus, licitè sepelitur in lo- <sup>cro.</sup>  
co sacro, & licitè suffragia Ecclesiæ, ei applicantur, ut constat ex *Conci-*  
*lio Constantiens.* Imò & in dubiis melior pars est præsumenda, si de ali-  
quo dubitatur, an decesserit cum poenitentia.



*Vitandus  
non est sepe-  
liendus.*

DICO 3. Sepeliens excommunicatum vitandum, in loco sacro incurrit excommunicationem majorem, si scienter id fecit, & propriis manibus sepeliuit, vel mandavit; & ab hac excommunicatione non potest absolui donec satisfactionem dederit, ad arbitrium Episcopi. Hac eadem excommunicatio posita est, contra sepelientes interdictos, vel manifestos viurarios.

*5. effectus in  
habilitas ad  
beneficia.*

Quintus effectus Excommunicationis est, *priuatio, & inhabilitas ad beneficia.* Circa quem.

DICO 1. Collatio, & presentatio beneficii facta excommunicato, quamuis tolerato, inualida est. Ratio est, quia excommunicatus est suspensus ab executione sui officii: & hoc verum etiam esse dicunt Suarez, & Auila etiam si ignoret se esse excommunicatum, siue toleratum, siue non toleratum.

DICO 2. Collatio pensionis, facta excommunicato titulo clericali, est inualida: quia Excommunicatus, sicut aliorum priuilegiarum est incapax, ita & Pensionum.

DICO 3. Valide acceptatur beneficium ab eo, qui tempore collationis, & electionis, non erat excommunicatus, licet sit excommunicatus tempore acceptionis beneficii, hoc enim videtur esse jure receptum. Ita Sayrus *lib. 2. cap. 5.* Couaruias in *c. Alma mater.*

DICO 4. Excommunicatus licite potest omnes fructus percipere, si modo per se, vel per alium beneficio inseruiat: Si vero non præstat officium, & onera beneficii, amittit fructus, quia nullo titulo potest eos retinere. Hinc

*Excommu-  
nicatus dis-  
tributioni-  
bus caret.*

COLLIGE 1. Excommunicatus, qui non assistit Diuinis officiis, non potest recipere distributiones, quæ dantur assistentibus choro, etiam si per ipsum non stet, ne absoluator, & ne intersit choro. Ratio est, quia distributiones non conferuntur, nisi assistentibus choro.

COLLIGE 2. Excommunicatus, qui bona fide beneficium accepit in Excommunicatione, eiq; deseruiuit, etsi postea recognita, teneatur illud relinquere, potest tamē retinere fructus interim perceptos, congruos sustentationi, quia hi ei pro seruitio impenso debentur: Qui tamen huic sustentationi superflui sunt, restituendi sunt, quia ipse non habet jus nisi ad congruam sustentationem.

*6. effectus  
priuatio ju-  
risdictionis.*

Sextus effectus, *Priuatio jurisdictionis Ecclesiastica.* Circa quem, DICO 1. Gesta per excommunicatum vitandum, seu non toleratum,



tum, sunt inualida, quoties fiunt ex officio jurisdictionis propriæ, excepta tamen electione Papæ à Cardinalibus excommunicatis facta. Ratio est, quia Ecclesia, eo ipso quod non tolerat tales excommunicatos, priuat eos usu jurisdictionis propriæ.

DICO 2. Gestâ per excommunicatum non vitandum, valida sunt, etiam si pertineant ad jurisdictionem propriam, donec contra ipsum excipiat. Ratio est, quia Ecclesia tolerat talem: Et sic Episcopus Excommunicatus toleratus, dare potest licentiam administrandi Sacramenta: similiter à talibus Electio, præsentatio, & collatio beneficii est valida. Præterea testamentum factum à talibus est validum. Ita Nav. cap. 27.

DICO 3. Collator potest præsentationem tolerati acceptare, non tamen teneri. Ratio est, nam etsi possimus, non tamen cogimur, cum ita excommunicatis communicare.

Septimus effectus est, *Privatio Civilis communicationis*. Circa 7. effectus privatio civilis communicationis.

DICO 1. Prohibitum est fidelibus, communicare cum excommunicato vitando, non verò cum tolerato: Ita definitum est in Concilio Constantensi: si tamen in rebus civilibus aliquis communicet, ut plurimum peccat solum venialiter, si non ita frequenter, secluso contemptu, & scandalo: materia enim leuitas excusat à mortali.

DICO 2. Communicans cum Excommunicato vitando, incurrit minorem Excommunicationem: Quando verò communicat in crimine criminoso, id est, cum cooperatur crimini, vel contumaciæ, propter quam lata est excommunicatio, peccat mortaliter, & incurrit Majorem Excommunicationem. Ratio est, quia agentes, & consentientes, pari pœna puniri debent: unde & ab eodem debet absolui, à quo & principalis.

QVÆRES I. In quibus casibus vetitum sit cum Excommunicatis communicare?

RESPONDEO. In his casibus, qui hoc versiculo continentur.

*Os, orare, vale, communico, mensa negatur.* Per (*os*) intelligitur, locutio, siue per verba, siue per literas. Per (*orare*) prohibetur oratio simul cum Excommunicatis; Per (*vale*) prohibetur omnis honorificatio salutatio. Per (*communico*) intelligitur, Societas, quæ sit communicando cum excommunicatis in habitatione, exercitio, & contractu, &c.

Per



Per (*Mensam*) intelligitur, communicatio cibi, & potus ad eandem mensam, vel in eodem conuiuiu, vel Refectorio.

Quando per-  
missum est a  
jure.

QVÆRES 2. Quando licitum est communicare cum Excommunicatis?

RESPONDEO In his casibus, qui hoc versu contineantur.

*Vtile, lex, humile, res ignorata, neesse.* Per (*Vtile*) intelligitur, necessitas tam spiritualis, quàm temporalis, modo sit vera, non ficta. Per (*legem*) intelligitur ius matrimonii. Per (*Humile*) intelliguntur subjecti, vt liberi, serui, famuli. Per (*Res ignorata*) intelligitur, quæuis probabilis ignorantia, aut inculpabilis ignorantia juris, vel facti. Adverte tamen hîc, sæpè contingere ignorantiam, eo quòd aliquo modo culpabilis sit, non excusare omninò à peccato, excusare tamen, ne incurratur poena statuta iis, qui cum excommunicatis communicant. Per (*Neesse*) intelligitur, necessitas excusans à peccato, participando cum excommunicato vitando, V. G. iuuando in rebus necessariis, tam spiritualibus, quàm temporalibus excommunicatum, vel ab excommunicato similia petendo.

QVÆRES 3. Quale peccatum sit communicare cum excommunicatis?

Triples cõ-  
municatio.

NOTA. Sicut triplex est communicatio. Vna in sacris; alia in actibus Ecclesiasticis; tertia merè humana, ita in omnibus his communicationibus, ponunt aliqui communicare cum excommunicatis, esse peccatum mortale: sed hæc opinio est nimis rigorosa, & licet communicare in Diuinis, cum vitandis, sit peccatum mortale, non tamen in actibus Ecclesiasticis, vel ciuilibus, nisi quando materia est grauis, secùs si leuis.

3. effectus.

Octauus effectus est, *privatio forensis, & judicialis communicatio-  
nis aut Ciuilis.* Circa quem.

Judicare nõ  
potest.

DICO 1. Omnis iudex tam Ecclesiasticus, quam Ciuilis, priuatur vsu jurisdictionis pro tempore, quo remanet excommunicatus vitandus: nam æquum est, vt qui repellitur ab Ecclesia, jurisdictionem non habeat in membra Ecclesiæ. Atq; hinc sequitur quòd inuálida sint gesta illius, & mortaliter peccat, sententiam ferendo, quia non habet jurisdictionem. Colligitur ex cap. pia, de exceptionibus in 6. Et cap. Tanta de excessibus.

DICO 2. Excommunicatus etiam toleratus, non potest esse Actor in iudicio in Causis Ciuilibus, & Ecclesiasticis, siue per se, siue per aliam. Ita habetur cap. Decernimus de Sent: excom: in 6. Et licet non possit agere, nec quinquà accusare, potest tamè seipsum defendere in iudicio.

DICO 3.



Dico 3. Toleratus licitè potest ferre testimonium : quia actus testandi vergit in fauorem illius, pro quo præstatur. Excommunicatus <sup>testari non possit.</sup> verò vitandus illicitè exercet officium testantis, nisi in causa fidei ; similiter illicitè exercet officium aduocati, aut procuratoris : quia sic participaret cum aliis, contra obligationem Celsuræ, verumtamen est, acta illius esse valida. *cap. Decernimus de Sent: Excom: in 6.*

Nonus effectus est, *annullatio impetrationis gratiarum?* Circa quem *9. effectus.*

Dico Excommunicatio irritat, & annullat literas, & rescripta Apostolica, & processus virtute illorum habitos, excepto casu Excommunicationis & appellationis, hic tamen effectus hoc tempore non magni fit, quia in literis Apostolicis, quæ modo obtinentur includi solet absolutio a bonnibus Censuris ad hunc effectum, vt Priuilegia, literæ, & gratiæ Apostolicæ valeant, excepto casu excommunicationis, ob hæresim contractæ. *cap. 1. de rescriptis in 6.*

Decimus effectus est, *Suspicio de hæresi.* Circa quem.

Dico Excommunicatus perseverans in Excommunicatione per annum, suspectus est de hæresi, consequenter contra ipsum, tanquam de hæresi suspectum procedi potest, juxta Tridentinum *Sessione 25. c. 3. de reformatione.* Addo, Clericus persistens in Excommunicatione per annum, priuari potest beneficiis, quæ possidet, per Judicem, immo iudex tenetur eum priuare.

## ARTICVLVS V.

### De Minori Excommunicatione.

Dico 1. Excommunicatio minor, est Censura Ecclesiastica, se- *Excommu-* parans fidelem à passiva Sacramentorum participatione. Ita commu- *nica- tio Mi-* niter omnes. Dicitur Minor respectu ad maiorem, & ad effectus illius.

Dico 2. Excommunicatio minor incurritur, participando in rebus prohibitis, cum excommunicato vitando, affecto majori excommunicatione & denunciato : Notandum est hîc, quòd ista excommunicatio minor incurritur, etiam quando est participatio venialis cum excommunicato. Incurritur etiam à participante cum percussore clerici notorio.

Dico 3. Excommunicatio minor, parit duos effectus; Primò *1. effectus ex-* priuat directè passiva Sacramentorum participatione, & sic recipiens in *communica-* minori excommunicatione Sacramenta, peccat mortaliter, V. G. sumen- *tionis mino-* do Eu- *ris.*



do Eucharistiam, contrahendo matrimonium, &c. Addo, quod & ministrans tali Sacramenta, grauiter peccat, cooperatur enim peccato alieno.

PETES *An excommunicatus minori excommunicatione, peccet administrando Sacramenta?*

RESPONDEO Aliqui dicunt talem mortaliter peccare, sed probabilius Nauar. cap. 27. num. 24. & Suarez. disp. 24. neq; venialiter. Ratio est, quia excommunicatio minor, non priuat actiua participatione Sacramentorum, sed solum passiuam.

*Effectus.*

Secundus effectus Minoris excommunicationis est, priuat electione, praesentatione, & collatione beneficii passiuam, ita vt excommunicatus minori excommunicatione, non possit licite eligi, vel praesentari ad beneficia, quamuis electio, vel praesentatio valida sit. Atq; hinc sequitur, Excommunicatum minori excommunicatione, peccare mortaliter, recipiendo beneficium, quia facit contra obligationem Censurae, & prohibitionem Ecclesiae, sicut etiam & ille videtur grauiter peccare, qui scienter eligit talem, non tamen Minor Excommunicatio priuat electione, aut praesentatione actiuam.

DICO 4. Ab Excommunicatione Minori lata a iure, ille solum potest absolvere, qui habet potestatem, vel ordinariam, vel delegatam. Constat ex Disput. octaua. Inde.

COLLIGE 1. Parochus ab excommunicatione minori, potest absolvere, etiamsi nondum sit Sacerdos, nam absolutio excommunicationis non est actus ordinis Sacerdotalis, sed est actus iurisdictionis, qui competit parocho, licet non sit Sacerdos.

COLLIGE 2. Qui potest absolvere a mortalibus, potest absolvere ab hac excommunicatione: an autem simplex Sacerdos possit absolvere, non habentem mortalia ab hac excommunicatione affirmat Tolemus, lib. 1. cap. 11; probabilius alii negant. Suarez. disp. 7. Sect. 4.

#### ARTICVLVS VI.

*Quinam possint excommunicari?*

*Subiectum  
capax Ex-  
communicatio-  
nis.*

DICO Subiectum capax Excommunicationis est homo viator, & viuus in hac mortali vita, adultus, & baptizatus, & qui in terris superiorem habet, & alteri subiectus est. Dicitur 1. (*Homo viator*) per hanc particulam excluduntur bruta animantia, quia non sunt capaces delicti: & Beati, tum quia non sunt capaces delicti, quia sunt natura



sua extra forum Ecclesiæ, & licet S. Paulus Angelis videatur dicere anathema *ad Galat. 1.* per exaggerationem illud dicit, ad ostendendam firmitatem fidei, & quàm sit execrabilis, qui contrarium docet. excluduntur etiam demones, & damnati, quia licet sint culpæ capaces, tamen jam non possunt emendare delictum, atq; adeo ratione status sunt extra forum Ecclesiæ. Dicitur (*Adultus,*) quia qui non est capax delicti, non est capax censuræ, nam vt aliquis ligetur Censurâ, necessario requiritur in eo vsus rationis. Dicitur (*uiuus in hac vit a mortali,*) quia *uiuus* potestas excommunicandi tradita est à Christo Domino Ecclesiæ, propter incorrigibiles, & contumaces: non enim pro peccato præterito commissio fertur censura, sed ad eam incurrendam, requiritur contumacia. Vnde V. G. qui Missam die Dominica præterita non audiuit, non potest excommunicari propter omissionem Missæ, si non erat præceptum impositum audiendæ Missæ sub excommunicatione: ad incurrendam enim censuram requiritur admonitio, aliàs censura non esset medicina, sed vindicta. Vnde Christus Dominus tradens Ecclesiæ facultatem excommunicandi, non nisi rebelles, & contumaces nominauit. *Matth. 18. Si Ecclesiam non audierit, sit tibi tanquam Ethnicus, & publicanus.* Atqui solus homo uiuus potest esse contumax, contra Ecclesiam, solusq; potest emendari; mortuus enim, cum sit extra Ecclesiam, non potest esse contumax, nec amplius emendari potest, si jam condemnatus est; tum quia est extra forum Ecclesiæ. Dixi (*Baptizatus*) quia Ecclesia non *Baptizatus* habet jurisdictionem de iis, qui foris sunt, iuxta illud *1. ad Corinth. 5. Quid mihi de iis, qui foris sunt iudicare?* Dixi (*vt alteri subiectus sit*) *Alteri subiectus* & sic Papa non potest excommunicari, omnes verò alii possunt, quando *subiectus* fertur generalis Censura à Papa, nisi eximantur. Similiter nemo potest seipsum excommunicare, quia nullus seipso est inferior. Hinc

**COLLIGE 1.** Qui exempti sunt ab Episcopi auctoritate, & jurisdictione, non ligantur censuris Episcopi, vt sunt, Imperator, Reges, & Religiosi.

**COLLIGE 2.** Ad incurrendam Censuram Excommunicationis necesse est, vt sit homo determinatus, non enim tota aliqua vniuersitas, vel communitas excommunicari potest, vt patet *ex cap. Romana, de sententia Excommunicationis in 6.* aliàs contineret in se errorem intolerabilem, punirentur enim innocentes grauissima poena, aliud est de Suspensione, & Interdicto, potest enim interdictum ferri in commu-



nitatem quia non sunt, ita graues poenæ, suspensio, & Interdictum, sicut Excommunicatio.

## ARTICVLVS VII.

*De Absolutione ab Excommunicatione: Seu Quis possit absolvere ab Excommunicatione?*

*Quis possit  
absolvere ab  
excommuni-  
catione.*

DICO 1. Ab excommunicatione Majori, potest absolvere, qui eam tulit, vel ejus Successores: ab Excommunicationibus in jure positis, illi quibus sunt reseruata: idq; etiam extra Confessionem: aut quibus delegatum est, sed videre debent delegati, an habeant delegationem extra Confessionem. Qui verò ex priuilegiis possint absolvere ab Excommunicatione, videant diligenter sua priuilegia, quomodo, & quantum se extendunt, vel extendere possint, ne se, & alios decipiant.

*In Religio-  
nibus supe-  
riores ab-  
soluent.*

DICO 2. Ab excommunicationibus omnibus, in Religionibus exemptis possunt suos subditos absolvere superiores cum jurisdictionem in suos subditos habeant in vtroq; foro, ex jure communi, non solum ex priuilegio. Ita Sot. dist. 21. q. 2.

*Ab Episco-  
po qui possit  
absolui.*

DICO 3. Qui justè impeditus, non potest Papam adire, vel ejus legatum, potest ab Episcopo absolui: vel si Excommunicatio, quam incurrit est occulta, & hoc vel per se, vel per alium, & hoc etiam in percussione clerici, non tamen ab hæresi potest per alium, nisi per seipsum, ut dictum est *conclusionē 2. Articulo 2. petito primo.*

*In articulo  
mortis qui-  
vis Sacer-  
dos.*

DICO 4. In articulo mortis quilibet simplex Sacerdos, etiam interdictus, irregularis, & excommunicatus, potest absolvere à Censuris, quando non patet aditus ad superiorem, vel non sit proprius, vel bonus, aut approbatus Sacerdos; quòd si ille excommunicatus periculum mortis euadat, & absolutus est ab aliquo ex præfatis Sacerdotibus, tenetur se præsentare coram Superiore, habente auctoritatem à tali Censura: ita communiter DD.

*forma abso-  
lutionis ab  
Excommu-  
nicatione.*

DICO 5. In absolutione Censuræ, non requiritur determinata forma, sed sufficiunt quæcunq; verba tollentia Censuram, ore, vel scripto expressa: in vsu communi hæc habentur. *Absoluo te à vinculo excommunicationis.* Hinc

COLLIGE 1. Potest vna Censura auferri, manente alia, quia non sunt connexæ: vnde si aliquis petat absolutionem ab vna tantum censura, & superior absoluat illum ab omnibus, non absoluitur, nisi ab illa à qua petit.



COLLIGE 2. In Jubileis non potest dari absolutio ab Excommu- *Notent cō-*  
 nicationibus referuatis extra Confessionem; quia id Bulla Jubilei re- *fessarij in*  
 quirir. *Jubileis.*

COLLIGE 3. In absolutione Censuræ, quæ in foro externo im-  
 penditur, seruandæ sunt Cæremoniæ præscriptæ à jure, & publicanda  
 est absolutio, si delictum publicum erat, vt sciant fideles esse absolu-  
 tum. Videndæ sunt in Pontificali Cæremoniæ istæ.

COLLIGE 4. Absolutio Censurarum in rigore loquendo, potest  
 validè ferri sub conditione, etiam de futuro. Ratio est, quia censura  
 potest ferri sub conditione de futuro. Ergo & ejus absolutio potest  
 ferri de futuro: nam absolutio Censuræ est quædam sententia humana,  
 quæ humano modo fertur, juxta voluntatem ferentis.

COLLIGE 5. Habens facultatem delegatam, potest absolvere  
 juxta concessionem sibi factam, quare quando conceditur facultas ab-  
 soluendi absolute, potest absolutionem impendere, extra Confessionem,  
 facultas enim absolute, & generaliter lata, generaliter intelligenda  
 est, nec est restringenda ad absolutionem impendendam in confessione,  
 cum verba non importent hujusmodi restrictionem; sicut ex opposito  
 habens facultatem limitatam absoluendi tantum in Sacramentali con-  
 fessione, non potest absolvere extra Confessionem, vt dixi *Q hac, art.*  
*2. quesito. 2.*

COLLIGE 6. Habens facultatem ordinariam, vel delegatam  
 absq; limitatione satisfactæ partis, validè absoluit pœnitentem, si au-  
 tem habeat privilegium limitatum sub conditione satisfactionis, non  
 potest validè absolvere pœnitentem, qui nondum satisfecit.

COLLIGE 7. In absolutione casuum referuatorum tradita in  
 mortis articulo, non est exigenda cautio, præsentandi se superiori, mo-  
 do casibus referuatis non sit adnexa aliqua excommunicatio. Ratio  
 est, quia nullum jus imposuit tale onus.

COLLIGE 8. Absens localiter, validè potest absolui ab Excom- *Absens valè*  
 municatione: nam sicut absens potest ligari, ita & absolui. *de absolui-*  
 cum confessorius absoluit, à peccatis habentibus annexam excommu- *tur ab ex-*  
 nicationem referuatam, à qua ipse non poterat absolvere, potest ob- *communica-*  
 tentâ facultate absoluendi, absolvere absentem ab excommunicatione, *tione.*  
 cum hæc pendeat ab intentione absoluentis.



## QVÆSTIO III.

## De Suspensione.

Tria in præsentī Quæstione examinabimus.

1. Quid sit & quoduplex suspensio, & quomodo differat ab aliis Censuris?
2. Quando incurratur suspensio, & quamdiu duret?
3. De effectibus suspensionis, & de absolutione ipsius?

## ARTICVLVS I.

*Quid sit suspensio, quoduplex, & quomodo differat ab aliis Censuris?*

*Suspensio  
quid?*

Dico 1. Suspensio, est censura Ecclesiastica, quâ Persona Ecclesiastica impeditur, ne functiones exerceat sui officii, vel beneficii, vel ordinis in totum, vel in partem, in perpetuum, vel ad tempus. Dicitur (Ecclesiastica) & per hoc distinguitur à prohibitionibus civilibus. Dicitur (quâ persona Ecclesiastica) per hoc ostenditur subiectum suspensionis, non enim ligat laicos, sed personas Ecclesiasticas, suspensio enim impedit usum facultatis, quam quis habet. Dicitur (officii, vel beneficii) per hoc ostenditur effectus suspensionis, de quo infra. Dicitur (in totum, vel in partem, in perpetuum, vel ad tempus,) per hoc indicatur suspensionem habere latitudinem, quia aliquando aliquis suspenditur ab omni officio, aliquando à parte, aliquando pro certo tempore, & aliquando in perpetuum.

*Multiplex  
Suspensio.*

Dico 2. Suspensio alia est ab officio tantum, siue officium sit ordinis, siue jurisdictionis; alia est à beneficio tantum quocumq; ; alia est à beneficio, & officio simul. Deinde alia est suspensio poenalis, quæ fertur in poenam, & vindictam delicti præteriti; alia est medicinalis, quâ intenditur emendatio, & bonum delinquentis, & hæc est propriè Censura. Præterea Alia est temporalis, quæ fertur ad tempus; alia perpetua quæ fertur absq; limitatione temporis. Deniq; alia est à jure, alia ab homine.

*Differt  
suspensio ab  
aliis Censuris*

Dico 3. Suspensio differt ab aliis Censuris. Primò differt à Majori excommunicatione, tum quia major excommunicatio plures parit effectus, quàm suspensio: tum quia Excommunicatio priuat actionibus, quatenus sunt quædam communicatio, suspensio verò illis priuat, quatenus sunt quædam functiones officii, vel beneficii. tum quia Episcopus ferens Excommunicationem non potest illam limitare ad aliquem solum ipsius excommunicationis effectum, sicut potest suspensionem,



nem, quia Excommunicatio habet à jure suos effectus. 2. Differt à Minoris excommunicatione, quia hæc priuat solùm, passiuâ receptione Sacramentorum, suspensio verò priuat actiua, & plures habet effectus, ut patebit infra. 3. differt ab interdicto; cum quia suspensio non inducit priuationem tantarum rerum, sicut interdictum: cum quia suspensio fertur in personas Ecclesiasticas, interdictum verò fertur tam in laicos, quàm in clericos: cum quia interdictum magis priuat vsu passiuo, quàm actiuo. 4. differt ab irregularitate, quia hæc priuat susceptione Ordinis, ut ordo est, suspensio verò priuat exercitio ordinis, vel beneficii, vel potestatis Ecclesiæ.

*Differt à Minoris Excommunicatione.*

*Ab interdicto.*

*Ab irregularitate.*

## ARTICVLVS II.

*Quando incurritur suspensio, & quamdiu durat?*

NOTA Suspensio incurritur à Clericis, ab Episcopis, à Capitulis & Conuentibus, & à Religiosis, & omnes præfati, innumerabiles contrahunt suspensiones, quas moraliter loquendo impossibile est recensere, præcipuas breuiter vnusquisq; indicabo.

DICO I. Suspenduntur omnes Clerici, recipientes sacros ordines ficto patrimonio, vel beneficio, hi enim incurrunt suspensionem ab ordine, ita suscepto; ita habetur in *Bulla Pij V. qua incipit Romanus Pontifex*. 2. Suspenduntur recipientes ordines extra constituta tempora, vel ante legitimam ætatem, vel sine literis dimissoriis, ut habetur in *Extravaganti Sixti V. qua incipit Sanctam & salutare*. porro recipientes minores ordines ante legitimam ætatem non suspenduntur. Similiter non suspenduntur, qui recipiunt ordines non seruatis interstitiis, peccant tamen grauiter tales, quia faciunt contra præceptum Tridentini *Sess. 23. cap. 18.* si hoc faciant absq; licentia Episcopi, vel speciali privilegio. 3. Suspenduntur Clerici, qui vno die recipiunt duos ordines sacros, vel si recipiant eodem die Minores, cum subdiaconatu, remanent suspensi à subdiaconatu. Ita Nauar: *cap. 27. num. 71.* Emmanuel Sa, *verbo suspensio, num. 10.* Seyrus. *cap. 14. & alij.* Eadem suspensio extenditur ad eos, qui recipiunt duos ordines sacros, duobus diebus continuis, & immediatis, absq; dispensatione. 4. Suspenduntur Clerici per saltum ordines sacros suscipientes *cap. unico, de cler. per saltum promoti*. potest tamen Episcopus ex causa, cum huiusmodi promotio dispensare, si non ministraverit ex Trid: *Sess. 23. cap. 14. §.* Suspenduntur illi, qui recipiunt ordines ab Episcopo, excommunicato,

*Qui suspensionem incurrant.*

*Clericorum Suspensiones*

*suspensio*



suspensio, aut interdictio, aut denunciatio vitando. Idem dicendum est de eo, qui recipit ordines ab Episcopo Simoniaci, per sententiam declarato: *cap. Si quis de Simoniacis*. 6. Suspenduntur illi, qui aliquem ordinem suscipiunt scienter per Simoniam, talis enim suspensus est ab ordinibus, quamvis Simonia sit occulta *cap. per tuas, de Simonia*. 7. Suspenduntur illi, qui scienter ordines recipiunt in excommunicatione, talis enim suspensus est ab ordine sic suscepto. *cap. Cum illorum, de sententia excommunicationis*. 8. Suspenduntur illi, qui recipiunt ordines sacros furtivè, id est, sine titulo vero, sine dimissoriis, sine examine. *c. 1. de eo qui furtivè*. 9. Illi qui suscipiunt ordines post matrimonium contractum, etiam non consummatum, exceptis casibus à sacris Canonibus permisis, nimirum, ut vxor consentiat, & religionem intraret, vel votum continentie perpetuum faciat: vel quando vir innocens, licitè potest facere ditortium, quoad thorum, & habitationem, tunc potest vel sacros ordines recipere, vel religionem intrare. exceptis his casibus à jure expressis, suscipiens ordines post matrimonium contractum, suspenditur non solum ab ordine sic suscepto, verum etiam ab officio, & beneficio. *Extrau: Antiqua de voto*. 10. Suspenduntur illi qui Missam celebrant, & non communicant in illa. 11. Suspenduntur illi qui celebrant in loco interdicto à jure, vel ab homine. *cap. Episcop. de privilegijs in 6*. 12. Suspenduntur illi qui præsumunt omittere Missam incompletam sine gravi causa, tales enim suspensi sunt à corpore & sanguine Christi Domini. *cap. Nullus Episcopus, de Consecrat: dist. 1*. 13. Suspenduntur illi clerici, etiam Religiosi, qui admittunt ad Sacramenta publicè denunciatos, interdictos, & excommunicatos; *cap. Episcoporum de privilegijs in 6*. 14. Suspenduntur illi qui admittunt ad communionem altaris, ad sepulturam Ecclesiasticam vsurarios manifestos, antequam dederint satisfactionem, vel idoneam cautionem de satisfactione. *cap. Episcop. de privilegijs in 6*. 15. Suspenduntur omnes illi etiam Religiosi conjungentes matrimonium, vel benedicentes, subditos alterius parochie, absq; licentia parochi; vel ordinarii, tales enim suspenduntur ab officio, donec ab ordinario parochi obtineant absolutionem, ita Tridentin: *Sess. 24. cap. 1. de reformatione*. 16. Suspenduntur qui alienis debitis Ecclesiis sibi commissas gravare præsumunt, aut literas, aut sigilla alteri concedere, quibus obligari possint: hi enim suspenduntur ab administratione temporalium, & spiri-



Spiritualium. *cap. 2. de solutionibus.* 17. Suspenduntur Iudices Ecclesiastici, non Episcopi, qui faciunt injuriam parti litiganti in iudicio, amore, pretio, vel odio, tales enim suspenduntur per annum, ab executione officii. *cap. Cum aterni de Sentent. excom.* ad hanc Censuram incurrendam duo copulatiue requiruntur, nimirum ut fiat contra iustitiam, & contra conscientiam. 18. Suspenduntur clerici ferentes sententiam excommunicationis, sine scriptis, aut sine causæ expressione, tales enim suspenduntur ab ingressu Ecclesiæ, & à Divinis officiis per mensem. *cap. Cum Medicinalis, de sententia excommunicationis.* 19. Suspenduntur visitatores qui in visitatione recipiunt munera, vel pecuniam, & hoc ab officio, & beneficio, nisi intra mensem restituant eidem Ecclesiæ à quâ acceperunt. *cap. exigit de censibus in 6.* 20. Incurrunt omnes illi suspensionem, qui in actibus publicis, nimirum Concionibus, lectionibus, disputationibus, asserunt B. Virginem conceptam fuisse in peccato originali, & hoc Decreto Sixti IV; Pauli V. Porro Gregorius XV. hoc decretum ampliauit, & extendit ad priuata colloquia, ad euitanda scandala, dissensiones & discordias, quæ oriri possent, & jam oriebantur in multis regionibus ex priuatis sermonibus, occasione opinionis affirmatiuæ. Vterius sub eisdem Censuris, & pœnis mandauit, ne illi, qui opinioni negatiuæ firmiter adhærent, & in publicis actibus asserunt, ne opinionem affirmatiuam impugnent, vel de ea aliquo modo agant, seu tractent, cum non fuerit voluntas Sanctitatis suæ opinionem affirmatiuam reprobare, sed solum silentium indicere, propter scandala, quæ in populo oriebantur. 21. Suspenduntur Clerici raptores in Trident. *Sess. 24. cap. 6.* non tamen suspensione ipso jure lata, sed ferenda. 22. Clerici concubinarij notorii, jure antiquo erant suspensi, modo sunt suspendendi, ex Trident. *Sess. 25. capite 14. de reformatione.*

Dico 2. Suspensionem incurrunt Episcopi, Abbates, & alij à Sede Apostolica promoti, sine literis authenticis, ejusdem sedis, suam Ecclesiarum administrationem recipientes. *Extrauaganti 1. de electione inter communes.* Capitula verò, vel Conuentus talium Ecclesiarum, qui hujusmodi Episcopos, vel Superiores absq; præfatis literis recipiunt, suspenduntur à beneficiis, donec à Summo Pontifice gratiam obtineant. *Extrauaganti: 1. Sayrus libro. 4. cap. 12. num. 25. Suarez. disp. 31. Sect. 5. num. 23.* asserunt, non constare, vtrum singuli de capitulo, suspensio-

Episcoporum  
suspensionem



nem à beneficiis incurrant, vel totum capitulum à beneficiis. Item Episcopus, vel alius Episcopo superior, qui consecrationem accipit ab excommunicatis, suspensis, interdictis vitandis, suspensus est à Pontificalibus. *c. Gratia. q. 1.* etiam si ignorauerit eos esse tales. Itē Conferentes Ordines, vel primam tonsuram extraneo, absq; licentia sui Episcopi ita Trident: *Sess. 6. cap. 5. de reformatione.* Et *Sess. 23. cap. 8.* & sic ordinati si fungantur suis officiis, fiunt irregulares. Item Episcopi ordinantes in aliena Diocesi sine licentia expressa ordinarii, aut ordinantes de licentia Episcopi personas non subditas, suspenditur à Pontificalibus, in Tridentino *Sess. 14. cap. 2.* Item ordinans Religiosum non professum, suspenditur per annum à collatione ordinum, per Bullā Pii V. Item Ordinans bigamum, vel eum qui facit poenitentiam publicam suspensus est à celebratione per annum: *cap. Nullus dist. 55.* Item ordinans Sacerdotem indignum suspenditur à collatione ordinis Sacerdotalis *cap. Si qui Episcopi 1. q. 1.* licet hanc suspensionem non ipso jure latam tradunt nonnulli, quia in textu dicitur, *Ordinationis ius ulterius non habebunt*, quod verbum est futuri temporis. Item conferens tonsuram illiterato, suspensus est per annum, à collatione tonsuræ. Porro illiteratus ille dicitur, qui nescit legere, neq; scribere. Eadem Censura ligatur conferens tonsuram infanti, qui nondum complevit septennium *cap. Finali de tempore ordinatorum lib. 6.* Item conferens duos ordines sacros eodem die, vel duobus diebus immediatis, suspenditur à collatione utriusq; ordinis. *cap. literas, de tempore ordinat.* & Trident. *Sess. 23.* ubi reuocantur priuilegia conferendi duos ordines sacros eodem die. Item Episcopus Simoniacè conferens Ordines, vel primam tonsuram, suspenditur non solum à collatione ordinum, & primæ tonsuræ per triennium. *cap. penult. de Simonia,* verum etiam à Pontificalibus, & ab ingressu Ecclesiæ, ex Bulla Sixti V. quæ ad hoc, non est reuocata. Item suspenditur Episcopus, qui debitam diligentiam non adhibet circa electum ad curam animarum. *cap. nihil de Electis,* suspenditur verò talis, à facultate, confirmandi primum illius successorem, & à beneficio. Item Episcopus accipiens aliquid in visitatione in pecunia, vel victualibus, suspenditur ab ingressu Ecclesiæ, donec duplum restituat; non obstante quavis remissione, *cap. Exigit de Censibus in 6.* Eandem censuram incurrunt, & alii visitatores inferiores, si munera recipiant, aut etiam in victualibus, ab iis, quibus visitationis officium non impendunt,



dunt, nisi intra mensem duplum restituant, & hoc ab officio, & beneficio suspenduntur. *Ibidem in iure.* Item Episcopi abutentes officio inquisitorum in causis fidei, suspenduntur ab officio per triennium. *Clementina 1. §. verum de hereticis.* Item alienantes bona Ecclesiarum, vel monasteriorum, suspenduntur ab ingressu Ecclesiæ, si id faciant absq; licentia Papæ. Eadem suspensio, extenditur ad Abbates, alii verò inferiores ligantur excommunicatione per *Extrauag. Ambrosiæ.*

Dico 3. Suspenduntur capitula, Ecclesiæ, vel monasteria quæ *Suspensiones* Episcopum, aut Prælatum Religiosum, à sede Apostolica prouisum, sine *Capitulorū.* literis ejusdem sedis, recipiunt, aut illi obediunt, suspenduntur à beneficio *Extrauag. 1. de electione.* Item capitula, & Conuentus, qui aliquid directè, vel indirectè, accipiunt, ob receptionem alicujus in Religionem, aut post illam, suspenduntur ab officio, & beneficio, quæ suspensio, Papæ reservata est. *Clementina sanè, de Simonia.*

Dico 4. Contra Religiosos, multæ fulmiantur suspensiones, *Contra Religiosos.* in iure communi. Primò Contra recipientes ordines sacros, absq; licentia suorum Prælatorum. 2. Contra Prælatos, alienantes bona suorum Conuentuum, absq; debita solennitate. *Clementina 1. de rebus Ecclesiæ non alienandis.* 3. Contra Prælatum subjicientem laicis bona immobilia Ecclesiæ, vel jura illius absq; licentia Papæ. *Extr. Ambrosiæ.* 4. Contra Prælatum admittentem Nouitium ad professionem, non finito anno probationis, & talis solum suspenditur à receptione aliorum Nouitiorum. *cap. non solum de Regularibus in 6.* 5. Contra Religiosos usurpantes sibi decimas Parochiæ, absq; priuilegio, & hi suspenduntur ab officio, & beneficio. *Clement: 1. de Decimis.* 6. Contra Confessarios, non facientes conscientiam de Decimis, iis, quorum Confessiones audiunt. *Clementina cupientes, de panis.* 7. Contra Religiosos, qui ex administratione SS. Eucharistiæ, Extremæ unctionis, vel Matrimonii solennis, aut quacumq; absolutione indebita acquisierint aliquid nisi restituant intra mensem postquam requisiti fuerint. *Trident: Sess. 24. cap. 1. de reformat.* 8. Contra Fratres Prædicatores, perturbantes in officio sanctæ inquisitionis, Fratres Minores, & è contra, per Bullam *Clement. IV.* 9. Contra Prædicatores promotos ad Episcopatum, si non reddant ordini libros, & alia, quæ habebant tempore promotionis, illi enim incurrunt suspensionem à Pontificalibus, Papæ reservatâ: ex *priuilegio Clement. IV.* 10. Contra Abbates, aliosq; quoscumq;, licet



exemptos, qui dant aliis dimissorias, quàm suis Regularibus, vel si conferant Abbates, ordines Minores aliis, quàm suis subditis Regularibus, & tales suspenduntur ab officio, & beneficio per annum: ita Trident: *Sess. 23. cap. 10.* 11. Contra Concedentes dimissorias, ad suscipiendos maiores ordines Novitio; quia talis Novitius Clericus, non est Religiosus. 12. Contra Religiosos præsumentes introducere Mulieres in monasteria, isti suspenduntur à Divinis, privaturq; beneficiis; & ad illa inhabiles redduntur per Bullam Pii V. quæ incipit, *Regularium*. 13. Contra Monachos S. Benedicti, non videntes habitu, & vestitu, ad formam præscriptam in *Clementina. 1. §. Si quis autem, de statu Monachorum*. 14. Contra Religiosos, qui ad ordines Sacros, nondum facta professione promouentur, isti enim suspensi sunt ab ordinum susceptione, per Bullam Pii Quinti. 15. Suspenduntur ab exercitio. ordinum Apostata, ejecti ex Religione, per decretum Sanctæ Congregationis Cardinalium, de facultate Urbani VIII. editum die 21. Septembris 1634. quòd si talis celebret, innodatur vinculo irregularitatis.

*Quamdiu  
durat suspensio.*

Quantum ad durationem suspensionis. Dico 1. Suspendio absolute prolata absq; conditione, vel limitatione temporis, durat, donec auferatur per absolutionem. Ratio est, quia suspensio, est Censura, quâ ligatur anima, donec absoluat, nisi aliter constet, de voluntate legislatoris.

Dico 2. Suspendio lata cum temporis determinatione, durat intra tempus determinatum, & eo tempore elapso, cessat. Ratio est, quia censura non ligat ultra voluntatem conditoris. V. G. qui suspenditur ab officio per mensem, non potest intra spatium mensis officium exercere.

Dico 3. Suspendus ab officio ab aliquo superiore, est ubiq; suspendus, consequenter non potest alibi exercere officium, si suspensio lata sit absq; loci determinatione. Ita Suarez. *diff. 26. Sect. 1. num. 11.* Ratio est, quia suspensio non est considerata, ut est pura prohibitio, vel præceptum, sed ut inhabilitas instituta ab Ecclesia, quâ suspendus sit inhabilis ubicunq; sit. Quod dicitur de suspensione ab officio, idem sentiendum de suspensione à beneficio.

### ARTICVLVS III.

*De Effectibus suspensionis, & de absolutione ipsius.*

*Quam*



Quantum ad effectus. Dico 1. Suspendio lata absolute, absq; limitatione expressa, vel tacita, suspendit ab officio, & beneficio. Ratio est, quia verba accipienda sunt prout sonant, & cum sint generaliter prolata, generaliter accipienda.

Dico 2. Suspendio lata cum expressione alicujus effectus particularis, extenditur ad illum effectum, & ad ea, quae sunt illi annexa, & non ad alia. Ratio est, quia censura hoc operatur, quod significat: si ergo significat effectum aliquem particularem, ad illum duntaxat extenditur, & non ad alias actiones, quae non sunt illi annexae. unde suspensus à celebratione, potest alia officia Sacerdotis praestare. Hinc

COLLIGITUR 1. Episcopus suspensus tantum à Pontificalibus, intelligitur solum suspensus ab illis, quae concernunt Episcopum, qualia sunt confirmare, ordinare, Ecclesias consecrare, &c. non est autem suspensus ab iis, quae pertinent ad jurisdictionem, cujusmodi sunt excommunicare, beneficia conferre: sicut etiam non intelligitur suspensus à celebratione Missae, nam celebratio proprie, non pertinet ad Pontificalia. Ob eandem causam potest confessiones audire, baptizare, &c.

COLLIGITUR 2. Suspensus ab ordine, non est suspensus à jurisdictione, quia ordo non est necessario annexus jurisdictioni, ut supra visum est.

COLLIGITUR 3. Suspensus solum ab ordine, non est suspensus à beneficio, vel ejus fructibus, quia beneficium non fundatur in ordine, sed in prima tonsura. Aliqui tamen putant suspensum esse, & à fructibus beneficii, & verè probabiliter, si munus suum, non praestat per alium. Ita Sayrus cap. 2. num. 21.

COLLIGITUR 4. Suspensum simpliciter, & absolute sine vlla limitatione ab ordine, vel ab officio, intelligi suspensum ab omni ordine, & ab omni officio etiam jurisdictionis. Porro suspensum simpliciter ab officio, non intelligo suspensum à beneficio, seu fructibus ejus. Ratio est, quia quando fertur suspensio ab officio tantum, non intelligitur suspensio lata à beneficio, dummodo per alium suppleat.

COLLIGITUR 5. Collatio beneficii, facta suspensio ab officio, non est valida.



**COLLIGE 6.** Fructus beneficii pro tempore quo aliquis permanet suspensus à beneficio, conuertendi sunt in utilitatem Ecclesiæ, detractis iis, qui traduntur substituto ad inserviendum, *cap. Siquis deinceps 17. q. 4.*

*Suspensus  
ab officio nō  
potest Sacra-  
menta ad-  
ministrare.*

**COLLIGE 7.** Suspensum ab officio, non posse Sacramenta administrare, quia exerceret officium, contra prohibitionem: potest verò Sacramenta recipere, quia receptio Sacramentorum, non est actus officii, & jurisdictionis, & consequenter potest recipere Indulgentias, & sepeliri in loco sacro. Ita Suarez *disp. 27. Sect. 3.*

**COLLIGE 8.** Suspensum à Diuinis officiis, non posse Diuina officia persolvere ex officio, potest tamen illa absolueri ut laicus, non ut hebdomadarius.

*Absolutio à  
suspensione.*

Quantum ad absolutionem à suspensione. **DICO 1.** Suspendio nem latam ad tempus, eo tempore elapso cessare, absq; alia absolutione, sicut etiam suspensio lata cum particula, *donec satis fecerit*, exhibitâ satisfactione cessat. Ratio est, quia suspensio operatur ex intentione prohibentis, & ultra non. Ita Rodericus *tom. 2. cap. 69.* Navar. *cap. 27. num. 161.* & hoc usu, & praxi receptum est in suspensione, & interdicto, non verò in excommunicatione.

**DICO 2.** Non sunt aliqua determinata verba, ad absoluendum à suspensione. Ita Rodericus *loco citato.* Hæc tamen verba vsurpantur: *Ego te absoluo à vinculo suspensionis in quam incurristi, & restituo te ad executionem tui ordinis, vel muneris, vel ad tuum beneficium.*

*Causa in ab-  
solute non  
semper ex-  
primenda.*

**DICO 3.** Non est necessarium in absolutione explicare causam ob quam contracta est suspensio. Ratio est, quia in absolutione censuræ per se loquendo, non requiritur expressio causæ. Unde non est necesse dicere. Ego te absoluo ab ea suspensione, quam contraxisti ob tale delictum, cum intentio absoluentis ferri possit in aliquam determinatam censuram; licet non exprimatur causa censuræ. Fieri tamen potest aliquando, ut necesse sit causam exprimere, V. G. quando aliquis pluribus censuris est irretitus, & superior intēdit vnum tantum per absolutionem auferre, tunc causa censuræ exprimenda est. Inde.

**COLLIGE 1.** Episcopus potest absolueri à suspensione Papæ reservata, quæ provenit ex delicto occulto, & non deducto ad forum contentiosum, ob priuilegium concessum Episcopis in Tridentino *Sess. 24. cap. 6.*



COLLIGE 2. Regulares circa absolutionem à suspensionibus, idem possunt circa suos subditos, & circa seculares, quod possunt circa absolutiones à casibus reservatis, ut dictum est, *Diffus: 8. quest. 6. articulo 5.*

COLLIGE 3. Suspendus ex delicto, fit irregularis, violando suspensionem per exercitium solenne majoris ordinis, à quo est suspendus. Patet ex *cap. 1. de sententia, & rejudicata in 6.* Similiter suspendus à Diuinis officiis, fit irregularis, quoties illa perfoluit ex officio.

COLLIGE 4. Petens Sacramenta à Sacerdote suspendo ab officio, sed nondum denunciato, non peccat, ut constat, ex *Constantiensis Concilio*, in quo concessa est facultas communicandi, cum excommunicatis, & suspendis, nondum denunciatis.

## QVÆSTIO IV.

### De Interdicto.

Præsens quaestio in 4. Articulos partitur.

In 1. inquiretur Quid, & quotuplex sit interdictum, & quæ causæ ejus?

In 2. de casibus in quibus incurritur?

In 3. de effectibus interdicti, & de ejus absolutione?

In 4. de Cessatione à Diuinis?

### ARTICVLVS I.

Quid, & quotuplex sit interdictum, & quæ causæ ejus?

DICO 1. Interdictum, est Ecclesiastica censura, quâ homo separatur à perceptione, quorundam Sacramentorum, à Diuinis officiis, & à sepultura Ecclesiastica. *Interdicti definitio.*

DICO 2. Interdictum aliud est locale, aliud personale, & aliud mixtum. Locale est, quo interdicatur locus, ne in eo diuina officia audiantur ab hominibus, licet personæ loci interdicti possint alibi audire diuina officia. Personale est, quo prohibetur populus, vel aliqua persona particularis, audire diuina officia ubicunq; sit. Mixtum, quo interdicatur locus, & Persona simul. *Triplex interdictum.*

DICO 3. Interdictum tam locale, quàm personale, est, vel generale, vel particulare. Interdictum generale locale, est illud, quo interdicatur locus vniuersalis, ut Regnum, Prouincia, Diocæsis, Ciuitas, Castrum, aut Villa. Interdictum personale generale, est illud, quo interdicatur generaliter populus totius regni, vel prouinciæ, vel ciuitatis. *Locale generale, & particulare.*



eis. Speciale verò interdictum est, quò interdicatur aliquis vnus, vel duo loca, vna persona, vel pars populi.

PETES 1. *Virum interdicto populo, intelligatur interdictus, Clerus, & contra?*

RESPONDEO Negatiuè, quia populus absolutè prolatus, solet distingui à clero; vnde interdicto clero, poterit populus extraneos Sacerdotes conuocare ad diuina faciendā, & interdicto populo, poterit celebrare Clerus, submissā voce.

PETES 2. *An interdicto populo, intelligantur interdicti exteri, aliterius Ciuitatis?*

RESPONDEO Negatiuè, licet diu ibi habitent. Ratio est, quia non sunt pars illius populi, vel communitalis, interdictum autem generale personale, cadit tantummodò supra illos, qui sunt pars illius populi, & sic studentes extranei eximuntur.

*Causa interdicti.*

DICO 4. Causa efficiens interdicti, est Papa. Episcopi, & illi omnes, qui possunt censuras ferre. Prælati tamen Religionum non possunt ferre interdictum locale. Causa materialis interdicti, est culpa hominum, nam interdictum est poena spiritualis, poena autem supponit culpam. Causa finalis interdicti, est emendatio delinquentis. Causa formalis, est forma, quæ seruatur in ferendo interdicto.

## ARTICVLVS II.

*De Casibus in quibus incurritur interdictum.*

*Quando incurritur interdictum locale.*

DICO 1. Interdictum locale incurritur. Primò quando dominus Regni, aut alterius loci impedit, ne legatus Papæ, fungatur suo officio, in quo casu loca ipsius impediens subiacent interdicto. *Extra mag. super gentes, de consuetudine.* 2. Quando dominus alicujus territorii, percutit injuriose Episcopum, aut capit, vel bannit, vel mandat hæc fieri, vel dat consilium, tunc enim illius territorium subiacet interdicto, vsq; ad condignam satisfactionem, *Clement. 1. de panis.* Idem dic de Ciuitate, quæ insequitur Cardinales, vel insecutoribus consilium, vel favorem præbet, vel non punit intra mensem hujusmodi insecutores, si punire potest. 3. Interdictum locale generale incurritur, quando Episcopus, & alii inferiores Prælati, permanent per mensem in excommunicatione, vel suspensione, ob culpam quam admiserunt in concedenda domo, manifestis vlurariis, ad fœnus exercendum,

*cap. 1.*



*cap. 1. de usur. in 6.* ubi omnes istorum terrarum post mensem interdicto subiiciuntur, quamdiu ibi vsuarii commorantur. 4. Quando Clerici Regulares, vel seculares, inducunt aliquem ad vouendum, vel promittendum, ut in eorum Ecclesia, eligat sepulturam, si talis sepeliatur apud illos, eorum Ecclesiarum, vel Cæmeteria sunt ipso facto interdicta, nisi intra decem dies Ecclesiarum, in qua ille de iure sepeliendus erat, restituant omnia, quæ acceperunt, occasione sepulture, etiamsi non petantur, & præterea ipsum cadaver, si petatur. *Cap. 1. de sepulturis in 6.* Aduerte tale interdictum locale, non esse seruandum, ante denunciationem.

Dico 2. Interdictum Personale generale incurritur. Primo Quando vniuersitas concedit repræsentas, vel pignorationes contra personas Ecclesiasticas, vel eorum bona, & quando iis concessis, non reuocat concessionem intra mensem, tunc prædicta vniuersitas incidit in interdictum. *cap. unico, de iniurijs in 6.* Eadem pena extenditur, ad bona Ecclesiarum, occupantes. 2. Quando vniuersitates, vel capitula, vel collegia, appellant à sententijs Papæ, ad Concilium generale; eidem interdicto subiacent præbentes consilium, vel fauorem. 3. Quando capitulum sede vacante, intra annum à die vacationis, absq; necessitate, literas dimissorias concedit: ita Trident: *Sess. 7. cap. 8.* 4. Illi sunt personaliter interdicti, qui causam culpabilem interdicto dederunt. 5. Capitulum, & vniuersitas, quæ non obseruat constitutionem Ioannis XXII. circa fructus beneficiorum vacantium, subiacet interdicto. 6. Interdicitur vniuersitas permittens vsuarios alienigenas. Hæc omnia Vide apud Bonacinam *disp. 5. punct. 8.*

Dico 3. Interdictum personale speciale ab ingressu Ecclesiarum incurrit, qui recipit Abbatiam, vel aliam dignitatem, de manu laici. *cap. Si quis deinceps 16. q. 7.* 2. Idem interdictum incurrunt prælati, qui sibi aliquid vsurpant ex redditibus dignitatis vacantis. Ramanet etiam interdictus Abbas, vel Episcopus, qui in alienatione bonorum Ecclesiarum non seruat. *Extravag. Ambrosiæ*, ubi est vsu recepta. 3. Sacerdos admittens ad diuina officia hominem interdictum, tunc enim, incurrit interdictum ab ingressu Ecclesiarum, donec competentem præstiterit satisfactionem ad arbitrium illius, cuius sententiam contempnit. *cap. Episcoporum de priuilegijs in 6.* 4. Quando quis inferior Episcopo, tertenturam, sine scriptura, vel sine competente monitione,



vel absq; expressione Causæ, incurrit suspensionem à Divinis officiis, & ab ingressu Ecclesiæ. *cap. 1. de sententia excommunicationis, in 6. 5.* Violans interdictum locale generale, incurrit interdictum ab ingressu Ecclesiæ. *cap. Episcoporum de privilegiis in 6. 6.* Prælati edentes, commentaria in Tridentinum remanent interdicti ab ingressu Ecclesiæ.

## ARTICVLVS III

*De Effectibus interdicti, & de eius absolutione?*

*Primus Effectus interdicti.*

Quantum ad effectus. Dico 1. Primus effectus interdicti, est privatio aliquorum Sacramentorum. Dixi (aliquorum) quia tempore interdicti tam localis, quam personalis generalis, possunt administrari, & recipi Sacramentum Baptismi à parvulis, cum solennitate; ab adultis verò, existentibus in probabili periculo mortis, potest recipi Sacramentum poenitentiae, & Eucharistiæ, cum solita solennitate, recitando Psalmos, & hymnos, quia hæc non sunt divinum officium: & hoc à quovis Sacerdote, qui habet licentiam ministrandi Sacramentum Eucharistiæ, modo ipse non dederit causam interdicto, neq; sit ligatus speciali interdicto. Porro nullus potest, neq; tenetur in Paschate ad implendum præceptum annuæ communionis, recipere Sacramentum Eucharistiæ, tempore interdicti localis generalis. Non possunt autem ministrari Sacramentum ordinis, tempore interdicti localis generalis, neq; Sacramentum extremæ unctionis, nisi aliquibus permissum sit ex speciali privilegio: neq; possunt personæ interdictæ, tempore interdicti localis generalis contrahere matrimonium.

*2. effectus interdicti.*

Dico 2. Secundus effectus interdicti, est privatio divinorum officiorum, id est horarum Canonicarum, quæ tempore interdicti publicè in choro cantari non possunt, comprehenduntur etiam ea, quæ aliquando conjunguntur cum horis Canonicis, ut est officium B. Virginis Mariæ, & officium defunctorum. Item comprehenduntur omnia Sacramentalia de quibus dixi *diff. 7. q. 1. artic. 3.* non comprehenduntur verò benedictio mensæ, & orationes privatarum. Hinc

COLLIGE 1. Clericus tenetur ad recitandum divinum officium, tempore interdicti privatim, non enim par est, ut commodum reportent ex delicto suo, vel alieno.

COLLIGE 2. Tempore interdicti localis generalis, prohibitum est celebrare Missas, in loco interdicto publicè, uti sono organorum, campanarum pro officio.

Dixi



DIXI (publicè) quia Bonifacius VIII. in c. *Alma mater*, de *Sententia Excom: in 6.* concessit facultatem celebrandi Missam secreto, in Ecclesiis, & monasteriis, cum his limitationibus. Primò januis clausis, ut *Nota comm.* hi, qui prohibentur interesse, non possint videre, & audire Divina, *sessione Ba.* 2. Voce submissâ. 3. Exclusis excommunicatis, & interdictis. 4. Sine *missarj.* campanarum sono.

PETES I. An dentur aliqua festiuitates, in quibus licitum est, tempore interdicti localis generalis, celebrare Missas, & Divina officia publicè?

RESPONDEO dari, nimirum Natalis Domini, Paschatis, & Pentecostes, quarum festiuitatum, non solum intelligitur primus dies festus, *qui- bus cessat in ter dictum.* sed alii duo consequentes, non tamen intelligitur tota octaua, quia hæc communiter, non accipitur pro festiuitate. Additus fuit à Martino V. & Eugenio IV. dies sollemnitatis corporis Christi Domini, etiam cum octaua, à Leone X. dies Conceptionis B. Virginis Mariæ etiam cum octaua, suspenditur etiam interdictum in festo Assumptionis B. Virginis Mariæ, in cap. *Alma mater citato*, non est autem licitum istis diebus communicare laicis, quibus licitum est diuinis interesse. Inde

COLLIGE I. Omnes clerici non conjugati, etiam extranei tempore interdicti localis generalis, possunt admitti ad diuina officia, modo ipsi non sint excommunicati, nec interdicti, nec dederint causam culpabilem interdicto.

COLLIGE 2. Illi tenentur interesse sacro, quando habent privilegium assistendi diuinis, nam si in carcerem coniectus facultatem obtineret à iudice, audiendi Missam, teneretur illam omnino audire eo quod cesset impedimentum, ita in proposito casu.

PETES 2. An Religiosi tempore interdicti, possint admittere laicos ad suos conuentus, diebus festiuis ad audienda Diuina, & ferialibus?

DICO I. Interdictum siue valeat, siue non valeat seruandum est ab omnibus Religiosis, etiam exemptis, quando seruatur ab Ecclesia Matrice, Ecclesia verò Matrix dicitur major, vel Baptismalis. Vide Rodericum *tom. 2. q. 108. art. 5.* Porro si plures sunt Parochie in vno loco, & vna seruat, alia non, tunc non tenentur exempti seruare. Ibidem Rodericus. *Re. 3. quid possint tempore interdicti.*

DICO 2. Non seruantes Regulares validum interdictum, quod seruatur a Matrice Ecclesia, impositum à Papa, vel ab ordinario, ligantur excommunicatione & alijs pœnis; ibidem Rodericus.



**Dico 3.** Privilegia, quibus poterant Regulares certis tantum diebus non servare interdictum, minime sunt reuocata per Trident: *Sess. 23. de Regularibus cap. 4.* Porro festiuitates istæ quibus possunt alta voce celebrare, pullare, &c. sunt festa omnium Sanctorum sui Ordinis canonisatorum, Patroni Ecclesiæ, & post Concilium Tridentinum Mindritæ habent multa priuilegia, & Patres D. Hieronymi. Legatur Rodericus *tomo 2 q. 112.* Miranda *tom. 2, q. 38.* Laurentius de Portel. *verbo Suspendio interdicti.* Rodericus loco citato enumerat fuscæ, quæ, & quot Personæ debent admitti ad diuinam.

3. effectus  
interdicti.

**Dico 4.** principaliter, Tertius effectus interdicti, est priuatio sepulturæ Ecclesiasticæ. Ratio est, quia interdictum simpliciter & generaliter latum inter ceteros effectus, includit priuationem sepulturæ Ecclesiasticæ. Ergo. Vnde tempore interdicti localis, non possunt laici, quamuis non interdicti, sepeliri in loco sacro interdicto, possunt tamen tales non interdicti, sepeliri in loco sacro, non interdicto. Hinc

**COLLIGE 1.** Laici violantes interdictum locale generale, vel speciale, peccant mortaliter, quia peccant contra prohibitionem Censuræ, in materia graui, quod multo fortius dicendum est, de violatione interdicti personalis, non tamen aliam poenam incurrunt, nisi cogentes aliquem celebrare in loco interdicto, tales excommunicantur.

**COLLIGE 2.** Clerici tam Regulares, quam seculares violantes interdictum quodcunq; peccant mortaliter, ex suo genere, & præterea per exercitium alicuius ordinis sacri, incurrunt irregularitatem. *Ex cap. in qui, de sententia excommunicationis in 6.*

absolutio  
ab interdicto.

Quantum ad absolutionem ab interdicto. **Dico 1.** Interdictum latum ad tempus, vel sub conditione, elapso tempore, vel impleta conditione, cessat: Pater ex se.

**Dico 2.** Interdictum potest auferri, vel suspendi ab eo, qui tulit interdictum in totum, aut ad aliquos effectus: Pater, quia Censura ligat ad nutum, & voluntatem conditoris.

**Dico 3.** Episcopus potest absolvere ab interdicto locali, posito à iure, non verò posito à Papa.

#### ARTICVLVS IV.

*Quid sit cessatio à Diuinis?*

Cessatio à  
Diuinis.

**Dico 1.** Cessatio, est prohibitio, quæ ministri Ecclesiæ prohibentur



exercere Diuina officia, ministrare Sacramenta, & sepelire laicos in loco Sacro. Ita Nauar. cap. 27. n. 188.

DEO 2. Cessatio siue generalis, siue particularis, differt variè à Censura. Primò, Quia cessatio fertur per modum simplicis prohibitionis, censura uero est veluti quoddam accidens morale, efficiens, & quasi ligans subiectum, in quod lata est censura. 2. Quia violanti cessationem non est imposita poena irregularitatis, quæ posita est violanti interdictum, nam, irregularitas non incurritur, nisi in casibus in iure expressis. 3. Quia tempore cessationis non licet in choro clericis simul etiam submissa voce absoluerè diuinum officium, sicut licet tempore interdicti. 4. Cessatio à diuinis nunquam à iure incurritur ipso facto, sed tantum comminatoriè fertur, interdictum uero ipso facto incurritur, cap. Quamuis de officio ordinarij in 6. Vnde

COLLIGE 1. Quando conceditur priuilegium audiendi missam, tempore interdicti, non censeri concessum tempore cessationis à diuinis, & è contra, quia cessatio distinguitur ab interdicto, & sicut in fauorabilibus, cessatio non clauditur sub interdicto, ita neq; in odiosis. Ita Rodericus tom. 1. cap. 117.

COLLIGE 2. Regulares, non seruantes cessationem à diuinis generalem, excommunicantur; Clementina 1. de sententia excommunicationis; & hoc tunc, quando matrix, vel parochialis Ecclesia, seruat cessationem.

COLLIGE 3. Habens priuilegium interessendi diuinis, & accipiendi Sacramenta tempore interdicti, non potest uti illo priuilegio in Cessatione, nisi illud exprimat priuilegium.

DEO 3. Effectus cessationis à diuinis, sunt priuatio Sacramentorum, eorum, quorum & tempore interdicti: pro communicando in primo tempore cessationis licitum est celebrare Missam, quia communicatio tempore mortis, est de iure diuino. Secundus effectus tempore cessationis, ut abstinetur à Diuinis officiis publicè recitandis, à celebratione Missæ. Vnde cessatio à diuinis non suspenditur illis diebus festiuis, quibus suspenditur interdictum. Potest tamen Eucharistia solenniter deferri ad infirmum, tempore Cessationis à diuinis, dummodò nullum officium dicatur. Potest etiam ob necessitatem infirmorum renouari Eucharistia, semel in hebdomada, celebrando cum vno ministro.



Tertius effectus cessationis à diuinis, est priuatio sepulturæ Ecclesiasticæ, saltem quoad diuina officia. Ita Coninch: *disp. 17. dub. 7.*

## QVÆSTIO V.

## De Irregularitate.

In hac Quæstione queramus

1. Quid sit Irregularitas, & quotuplex?
2. Quid requiratur ad incurrendam irregularitatem, & de Causis ejus?
3. De effectibus irregularitatis?
4. Vndenam contrahatur irregularitas?
5. De dispensationibus ab Irregularitatibus?

## ARTICVLVS I.

*Quid sit, & quotuplex Irregularitas?*

*Quid irregularitas.*

DICO I. Irregularitas, est quædam inhabilitas, jure canonico introducta, directè quantum est ex se impediens suspensionem Ordinum, & indirectè vsum susceptorum.

Dixi (*Inhabilitas*), quia Irregularitas tollit ipsam potentiâ suscipiendi ordinem, & per hoc differt à Censuris, quia Censuræ impediunt vsum potestatis alicujus. Atq; hinc sequitur, quod neq; fæminæ sint irregulares, cum non sint capaces ordinum, neq; Infideles, cum non sunt capaces Ordinum, ob carentiam Baptismi, qui est janua Sacramentorum.

*Quæ non potest facere irregularis.*

COLLIGE Irregularis illicitè facit requirentia vsum ordinis, relicta licitè & sic Irregularis potest omnia alia Sacramenta recipere excepto ordine, cantare Diuinum officium, cum aliis in choro, & exercere actus Minorum Ordinum, etiam solenniter, non tamen debet dicere, *Dominus Vobiscum*, quia hæc verba ex vsu Ecclesiæ, certo ordini sunt deputata. Item potest exercere omnes. actus jurisdictionis præter Sacramentalem absolutionem, & realem degradationem, quia hæc includunt vsum ordinis. Item Irregularis non priuatur beneficio jam ante adeptæ, ejusq; fructibus, modo præstet per se, vel per alium officium, si tamen beneficium requirat actus ipsi prohibitos, eo priuandus est, juxta caput *Si celebret, de Clerico excommunicato*. Item Irregulari valide beneficium juxta probabilem sententiam conferri potest; quia nullo jure potest probari esse collatio inualida. vide Suarez *Disp. 40.* Item Irregularis valide Sacramentaliter absoluit, etsi non licitè.

Dixi (*Jure canonico introducta*) vt ostendatur Irregularitatem, non jure Diuino, sed Canonico esse introductam, & ideo Irregularitas non



non contrahitur, nisi in casibus à jure expressis. Dixi (*Directè impediens susceptionem Ordinum*) ut ostendatur, quomodo Irregularitas impediat susceptionem ordinum, alia ratione; quàm Censuræ, quia Irregularitas, directè impedit susceptionem ordinum, illorumq; usum, & exercitium, nam suspensio priuat usu ordinum. Interdictum non semper priuat usu ordinum. Excommunicatio minor, passiuà receptione Sacramentorum. Major excommunicatio priuat participatione actiuâ, & passiuâ Sacramentorum. Dixi (*& indirectè usum susceptorum,*) nam aliqua irregularitas, licet impediat susceptionem ordinum, non tamen usum ipsorum, ut accidit in eo, cui suscepto ordine Diaconatus absq; sua culpa, amputatur pollex digitus, hunc enim constat posse Diaconatus ordinem exercere, canendo Euangelium, quamuis ad Sacerdotalem ordinem promoueri nequeat.

PETES *An Irregularitas distinguatur à Depositione, & Degradatione?*

RESPONDEO quod sic, quia per degradationem, & depositionem, Clericus ejicitur à statu Ecclesiastico; per irregularitatem verò non admittitur ad statum Ecclesiasticum; turpius autem est ejici, quàm non admitti juxta illud. *Turpius ejicitur, quàm non admittitur hostes.* *Differentia inter irregularitatem & depositionem.*

DICO 2. Irregularitas contrahitur sine ullo proprio actu, aut peccato, V. G. ab aliquem corporis, aut natalium defectum. Alia verò contrahitur ex defectu mentis, alia ex defectu corporis. Alia est partialis, alia totalis. De quibus diuisionibus, fusius Articulo 4.

#### ARTICVLVS II.

*Quid requiratur ad incurrendam irregularitatem; & quam sint Cause illius?*

Quantum ad Primum. DICO Ad incurrendam irregularitatem ex delicto, requiritur culpa mortalis. Ratio est, quia poena debet proportionari delicto. Ergo Irregularitas, quæ ob delictum incurritur cum sit poena grauissima, non debet incurri ob veniale peccatum, sed propter grauem culpam. Porro ad incurrendam irregularitatem, requiritur actus externus consummatus. Ratio est, quia lex requirit factum. Ergo non sufficit actus internus, quia non subjacet potestati Ecclesiæ; quando verò in Bullis aliquibus inuenies, concedi dispensationem ab Irregularitatibus mentalibus, intellige occultis, quæ non possunt



possunt probari in iudicio, sicut si quis occultè celebraret excommunicatus.

*Causa efficiens irregularitatis Papa, & Canones.*

*Causa materialis.*

*Formalis.*

*Causa finalis.*

Quantum ad Causas irregularitatis. Dico Causa Efficiens Irregularitatis est Summus Pontifex, & Sacri Canones. Episcopus verò non potest, & alii Inferiores, Irregularitates ferre, quia ad ipsos non pertinet jus commune condere. Causa materialis, seu subiectum, est omnis homo capax ordinis, subiectus iuri communi, irregularitas enim est inhabilitas, seu impedimentum ad recipiendos sacros ordines, impedimentum verò, seu priuatio, supponit capacitatem. Causa formalis irregularitatis, sunt verba irregularitatem exprimentia, V. G. Nunquam ordinetur, vel ad clericatum promouetur, vel non adspiret ad ordines, vel ne fiat clericus. Causa verò finalis est, reuerentia Diuorum.

PETES Vtrum in dubio iudicandus sit aliquis irregularis?

Dico 1. Ex quocumq; capite dubium oriatur, talis tenetur de veritate diligenter inquirere, quantum pro loco, & tempore commodè potest, antequam quidquam agat, quod irregulari sit prohibitum. Ratio est, quia aliter operans, temerè se exponit præsentì periculo peccandi.

Dico 2. Quando post factam diligentem inquisitionem manet dubium, an tali facto, annexa sit irregularitas, qui id commisit, in utroq; foro debet iudicari, non esse irregularis. Patet ex c. is. qui, de sentent. Excom: in 6. vbi dicitur, non incurri irregularitatem, nisi sit iure expressa. Ratio est, quia nemo bona fide suam libertatem, aliamue quamcunq; rem possidens, tenetur se ea spoliare, nisi sufficienter constet, se eam perdidisse, siue esse alienam. Sed sic ita se res habet. Ergo.

Dico 3. Idem dicendum est in dubio facti, facta diligenti inquisitione. Ratio est eadem, quæ & prioris conclusionis. Confirmatur. Quia sicut Iudex neminem potest condemnare, nisi probetur reus, ita nemo tenetur seipsum condemnare, nisi sibi probetur reus. Nota tamen Illum, qui scit se aliquem verberasse, qui paulò post mortuus est, & manet dubius, an ex ipsius læsione sit mortuus, debere se gerere pro irregulari. Hoc videtur cap. Significasti, de homicidio, definitum esse, quod tamen non procedit de dubio mutilationis. Hinc

COLLIGE Ille censetur Irregularis, qui foemina gravidæ præbuit pharmatum, ad abortiendum fætum, sed dubitat, an fætus esset animatus;



matus, hic enim versatur in dubio facti, circa homicidium injustum. Ita Rodericus *Tom: 1. cap. 275.* Item ille qui consulit homicidium, dubitans an ex ejus consilio factum homicidium.

## ARTICVLVS III.

## De Effectibus Irregularitatis?

DICO 1. Irregularitas impedit susceptionem Ordinum, & primæ tonsuræ, & vltimū, atq; officium ordinum: collati tamen Ordines irregulari, tenent, multa enim fieri prohibentur, quæ tamen facta tenent. Patet *c. curandum. dist. 34.* *Effectus irregularitatis.*

COLLIGE 1. Quando irregularitas est totalis, impedit exercitium omnium ordinum susceptorum; quando verò partialis, prohibet solum illum actum, cui ponit impedimentum, vt accidit in irregularitate ex defectu corporis contracta post susceptionem ordinum. V. G. si presbytero amputetur pollex manet irregularis respectu celebrationis, non verò respectu absolutionis, & sic tali posset conferri beneficium aliquod, non habens annexum onus celebrandi. Patet *ex cap. 7. de corpore vitiatis.*

COLLIGE 2. Irregularis suscipiendo, vel exercendo ordines, non incurrit nouam irregularitatem, vel aliam poenam; quia hæc non incuruntur, nisi in iure exprimantur: peccat tamen mortaliter, quia facit contra præceptum Ecclesiæ, in re graui.

DICO 2. Licet sit occulta Irregularitas, facit hominem incapacem beneficii. Vnde inualidè talis recipit beneficium, neq; potest illud retinere, nisi obtenta dispensatione curauerit beneficium sibi de nouo conferri, ab eo, qui potest illud conferre. Ratio est, Quia beneficium datur propter officiū, cum ergo irregularis, non possit fungi officio, eò quòd sit inhabilis ad vltimū ordinem, sequitur eum esse inhabile ad beneficium. Inde *Irregularitas facit hominem incapacem beneficii.*

COLLIGE 1. Qui recipit beneficium in irregularitate, non potest recipere fructus beneficii, nec alios actus administrationis, qui sunt annexi beneficio exercere, non enim habet ius ad illos fructus percipiendos, vel ad alios actus beneficii exercendos, cum inualidè beneficium receperit, ratione cuius confurgit ius exercendi tales actus.

COLLIGE 2. Irregularitas subiequens beneficium, vel pensionem, non priuat beneficiarium beneficio, priuandum tamen iurâ decernunt, maximè ob homicidium, ita Trident. *Sess. 14. cap. 7. de Reformatione,* non verò priuandum esse pensionem.



*Irregularis  
incapax ju-  
risdictionis  
ordinariae.*

Dico 3. Irregularis, videtur esse incapax jurisdictionis ordinariae, non verò delegatae: quia ordinaria competit propter beneficium, officium, ac titulum spirituale, ordinatum ad functiones Ordinum. Sed irregularis est incapax beneficii. Ergo & ordinariae jurisdictionis: delegata vero jurisdictio, non fundatur in beneficio, nec confertur ratione beneficii, nec dirigitur ad exercitium ordinum. Atque hinc sequitur Irregularem, non posse accipere auctoritatem ordinariam fori poenitentiae, nam hæc auctoritas confertur per beneficium, auctoritatem verò delegatam validè potest accipere, quamvis non possit eam licitè exercere, & grauitèr peccet eam exercendo, quando illius exercitium est conjunctum, cum vsu Ordinis sacri, qui interdicitur Irregulari. Porro Irregularis, potest actus jurisdictionis, qui non includunt exercitium ordinis exercere, non solùm validè; sed etiam licitè, & sic potest V. G. Parochus Irregularis Matrimonio assistere, non tamen potest solenniter benedicere, quia hic est actus ordinis. Item potest Irregularis, facultatem alteri absoluendi delegare, licet ipse non possit Sacramentaliter absolvere. Item Irregularis Superior, potest excommunicare. Porro poenitens absolutus ab irregulari, nominatim denunciato, si ignorabat eum esse talem, validè est absolutus, quia Irregularis habet potestatem ordinis, & jurisdictionis; sicut ergo ratione potestatis ordinis, validè potest consecrare, ita absolvere, ubi non deest jurisdictio, quam non tollit irregularitas.

#### ARTICVLVS IV.

*Vnde nam contrahatur Irregularitas?*

*Irregulari-  
tas contra-  
hitur ex de-  
fectu anima*

Dico 1. Irregularitas contrahitur ex defectu animæ, id est, ex defectu vsus rationis; quia tales non possunt exercere actus ordinum. Deinde defectu scientiæ, quia si omnino sit illiteratus, est irregularis, nam ad primam tonsuram requirit Concil: Trident, vt initiandus sit confirmatus, & calleat rudimenta fidei, sciatq; legere, aut scribere. Ad Minores, vt sciat linguam latinam, ad Diaconatum, & Subdiaconatum, vt habeat instructionem eorum, quæ pertinent ad eos ordines exercendos. Ad Presbyteratum, vt habeat eam scientiam, quâ possit docere populum, & administrare Sacramenta. Ad Episcopatum vt sit Doctor, vel Licentiatus in sacra Theologia, vel in jure Canonico. Vide Trident.

*Seß. 23. cap. 4.*

*Ex defectu  
corporis.*

Dico 2. Irregularitas prouenit ex defectu corporis: ille verò de-  
fectus



fectus, seu vitium corporis, inducit irregularitatem, quod vel impedit vsum, & exercitium ordinum, vel notabilem gignit deformitatem, aut horrorem, quale vitium est nasi amputatio, aut priuatio vnius oculi, aut aliqua macula, quæ notabilem pariat deformitatem: atq; ita mutus, cæcus, carens manu, pollice, naribus, oculo sinistro, aut lu-<sup>mutus.</sup> mine oculi sinistri, est irregularis, quia sinister oculus est Canonicalis, carens verò lumine oculi dextri, non est irregularis, modo habeat <sup>cæcus.</sup> vtrumq; oculum integrum, nam tale vitium, non inducit notabilem deformitatem, neq; impedit vsum ordinis; similiter neq; ille, qui habet visum breuem, vel qui non videt sine perspiciliis. Item est irregularis surdus, quod si illi contingat surditas, post Sacerdotium, non debet admitti ad Missam solennem, ne ritum excitet, si verò vnâ tantum aure surdus sit, non videtur esse irregularis: quod si careat vtrâq; auricula externa, aliqui dicunt esse irregularem, quia inducit notabilem deformitatem. Item monstruosus est irregularis, non tamen habens sex digitos; si digitus superfluous, non impediat vsum aliorum digitorum. Item Hermaphroditus est irregularis, imò talis non potest facere professionem in Religione virorum, vel Mulierum. Vide Bonacicinam, *Disputatione 7. de Censuris Q. 2. puncto 2. num. 11.* Item sunt irregulares laborantes morbo Gallico, qui foris apparet, laborantes leprâ, vel multâ scabie. Item laborantes peste, morbo caduco, abstermii, &c. Item qui caret membro, vel parte membri etiam occulti, si propria culpa contingat, inducit irregularitatem, quamuis ea membri priuatio, non impediat vsum ordinis, neq; notabilem adferat deformitatem, *cap. Maritum Dist. 33.* Si verò sit priuatio talis, sine culpa, non inducit irregularitatem.

DICO 3. Irregularitas contrahitur ex defectu natalium, V. G. <sup>Irregularitas ex defectu natalium.</sup> qui natus est ex illegitimo thoro, siue adulterio, siue fornicatione, siue incestu &c. Et hoc ob delictum parentum, & reuerentiam ordinibus debitam. Atq; hinc sequitur illegitimum peccare mortaliter recipiendo ordines absq; dispensatione, non tamen incurrit nouam pœnam, cum hæc non sit in iure expressa, quamuis peccet mortaliter.

COLLIGE 1. Irregularitas proveniens ex illegitimitate, tribus <sup>Illegitimitas quomodo legitimitantur.</sup> modis tollitur: Primò per legitimationem à Papa. 2. per professionem, fit legitimus ex illegitimo, ad Ordines, licet non fiat habilis ad prælaturam, siue sit Religiosus, siue Monialis. 3. Per dispensationem, quæ



quæ tamen dispensatio, non potest esse ab Episcopis ad Maiores Ordines, etiam si sit occultum delictum parentum, juxta veriore sententiam.

**COLLIGE 2.** Neophyti sunt irregulares, id est, illi qui ex lege Judaica, Machometica, vel Ethnica conuersi sunt ad fidem Christianam.

*Legitima  
ætat.*

**Dico 4.** Defectus legitimæ ætatis, requisitæ ad ordines, inducit irregularitatem, quamdiu defectus durat. Addo Exercens functiones Sacri ordinis, nondum adeptæ legitimæ ætate, fit nouo titulo irregularis, ob violationem suspensionis per exercitium ordinis Sacri. Patet ex cap. ultimo, de temporibus ordinationum.

*Libertatis.*

**Dico 5.** Defectus libertatis, inducit irregularitatem. 1. in Conjugatis. 2. In Mancipiis, quamdiu sunt mancipia, aliàs Episcopus ordinans mancipium, peccat mortaliter. 3. In obligatis ad ratiocinia. 4. Qui seruiunt ex obligatione curiis Principum secularium, vt sunt Iudices, Aduocati, Milites.

*Ex bigamia.*

**Dico 6.** Contrahitur Irregularitas ex bigamia, siue vera, siue interpretatiua, siue similitudinaria. Ita Trident: *Sess. 23. cap. 17. de Reformatione.* Porro ad bigamiam requiruntur hæc, vt eum duabus matrimoniis contrahatur, & sit verè vel interpretatiuè, vel similitudinariè ratum. Deinde vt sit consummatum, multiplicitas enim Matrimonii rati non consummati, non inducit bigamiam; Notandum verò hic est, Bigamum illum dici, & esse irregularem, qui duxit in vxorem corruptam, putans esse virginem, talis enim ignorantia, non excusat à bigamia. Addo Infidelis, qui in infidelitate sæpius contraxit, fit irregularis existens Christianus; Bigamia enim non tollitur per Baptismum. *C. Accusatus Dist. 26.* Nota etiam hic, solam Papam posse dispensare in irregularitate, ex bigamia.

*Ex infamia*

**Dico 7.** Infamia tam juris, quàm facti, prouenientis ex delicto, facit hominem irregularem, & inhabilem ad recipiendos ordines: ablatâ verò infamiâ, est habilis, quia per ablationem infamiæ, tollitur irregularitas.

**Dico 8.** Irregularitas contrahitur ex culpabili iteratione baptismi, vnde tam rebaptizans, quàm rebaptizatus, peccant mortaliter, & contrahunt irregularitatem. Patet ex capite, Ex literarum de Apostolis.

*Ex iteratio  
ne Baptismi*

**Et cap. qui in qualibet. 1. q. 7.** Dixi (ex culpabili iteratione) nam qui caret culpâ, debet carere poenâ irregularitatis. vnde rebaptizans ex ignorantia, non fit irregularis. Item rebaptizatus ex ignorantia juris, vel facti non est irregularis. Addo Rebaptizans cum conditione et in, quem



quem putat verè esse baptizatum, siue ista conditio apponatur in mente, siue exterius addatur, non est irregularis, quia hic non iteratur Baptismus, postea conditione. Ita Nauarr. *cap. 27. num. 246.* Henríquez *lib. 14. c. 4. n. 3.* Hinc

COLLIGE 1. Exiteratione confirmationis, & ordinis, non contrahitur irregularitas. Ratio est, quia hæc irregularitas non est in iure expressa, irregularitas autem non incurritur, nisi sit in iure expressa. Ita Couarrubias *in Clement. Si furiosus 1. parte. n. 8.* contra Nauatrum. Bonacina *disp. 7. q. 3. puncto 3. num. 8.*

Ex iteratione  
ne confirma-  
tionis non  
contrahitur

COLLIGE 2. Adultus baptizatus ab hæretico, est irregularis, ut habetur *cap. qui in qualibet. 1. q. 7.* & hoc esse verum affirmat Suarez. *disp. 42. Sess. 1. num. 14.* etiam si ab ipso Baptismus absq; culpa susceperit.

COLLIGE 3. In ista irregularitate, quæ contrahitur ex iteratione Baptismi publicæ, Papa dispensat, in irregularitate verò proveniente ex iteratione occulta, potest Episcopus dispensare, constat ex Trident: *Sess. 24. cap. 6.*

COLLIGE 3. Adultus baptizatus ab hæretico est irregularis: habetur *cap. qui in qualibet. 1. q. 7.* Infans verò baptizatus ab hæretico, non est irregularis, quia irregularitas non contrahitur, nisi sit expressa in iure.

DICO 9. Recipiens Sacros Ordines in excommunicatione, cum ignorantia crassa, incurrit irregularitatem. Habetur *cap. Cum illorum, de sentent. Excom. in 6.* Ita Nauar. *num. 241.* Rodericus *1. p. c. 168.* Circa quam conclusionem. Aduerte 1. quod solum ligatus majori excommunicatione, non verò minori, incurrat hanc irregularitatem. Deinde recipiens Majores, non verò Minores ordines. Inde

Recipiens  
ordines in  
excom: fit  
irregularis

COLLIGE 1. Ligatus majori excommunicatione, suspensione, & interdicto, etiam si occulto, & excommunicatione tolerata, incurrit irregularitatem, exercendo sollempniter, vel ex officio, actus majoris ordinis, nisi excusetur ratione necessitatis, vel scandalii vitandi, vel ignorantie, aut obliuionis. Patet *ex cap. is cui de sententia excommunicationis.* Hujus irregularitatis dispensatio Papæ reſeruata.

COLLIGE 2. Suspensus, & interdictus, non incurrit irregularitatem, suscipiendo ordines sacros. Est Bonacina *disp. 7. q. 3. puncto 4. n. 2.* quia loquuntur solummodo excommunicato, non verò de suspensio, & interdicto.

Suspensus  
ſciens  
ordines  
non est  
irregularis



**COLLIGE 3.** Recipiens ordines sacros per saltum, non est irregularis, sed suspensus. Ita Angelus *Verbo Irregularitas 1.* Ratio est, quia in *Capite sollicitudo*, directe prohibetur functio ordinis suscepti per saltum, hoc autem proprium est suspensionis.

**Dico 10.** Ligatus aliquâ censurâ, sit irregularis, exercendo ordines sacros, etiamsi sit occultus, & toleratus, nisi excusetur ratione necessitatis, vel scandali vitandi, vel ignorantie, vel obliuionis. Patet ex *cap. 15. cui, desent: excom:* & hujus irregularitatis dispensatio ad Papam spectat, si delictum publicum, si verò occultum ad Episcopum. *cap. 1. de sent: Excommun: in 6.*

*Exercens officium  
divinæ actionem  
quem non  
habet est irregularis.*

**Dico 11.** Clericus qui ministrat in ordine sacro, quem non habet incurrit irregularitatem, exercendo solenniter, scienter, & ex officio. Vnde cantans Epistolam sine manipulo, vel Evangelium sine stola, non sit irregularis, quia non cantat solenniter ex ordine, & ex officio. Ita Bonacina loco citato puncto 6. n. 2.

*Hæretici apostata sunt  
irregulares.*

**Dico 12.** Hæretici, apostatæ à fide, eorum fautores, & defensores sunt irregulares, etiamsi sint occulti, *cap. Presbyteros dist. 50.* dum modo verè hæretici sint interiùs, & exteriùs. Similiter apostata à Religione, & à statu clericali, est irregularis. *cap. hi qui, dist. 50.* Item filii hæreticorum sunt irregulares usq; ad secundam generationem per lineam paternam, per lineam verò maternam solum ad primam. *cap. statutum, 2. de hæresibus in 6.* Si verò parentes ante mortem reconciliati sunt Ecclesiæ, filii talium, & nepotes, possunt promoueri. Ita Henricus: *lib. 13. c. 40. n. 1.* Item filii neophytorum irregulares non sunt. Ita Bonacina num. 11. Aduerte quòd ab irregularitate hac, solus Papa dispensat.

*Judices qui  
irregulares.*

**Dico 13.** Omnis iudex excepto Summo Pontifice, ferens sententiam mortis, etiam justam, vel mutilationis, ejusq; cooperatores, assessores, satellites, torquentes reum, ad inquirendam veritatem, notarii, scribentes &c. irregularitatem contrahunt, si mors sit secuta. Item comitantes reum ad supplicium, causa securitatis. Custodes carceris. vel qui facit aliquid, ob quod mors acceleratur. Item clericus jubens Judicem sententiam exequi; Si verò dicit Judici, ut ex justitia judicium ferat, excusari potest ab irregularitate, quia modus hic loquendi, non importat cooperationem ad mortem. Vide Bonacinam *q. 4. puncto. 1. num. 21.* Vnde concionator reprehendens peccatores publi-



publicos in concione, etiam si iudex inde arripiat occasionem puniendi illos, non fit irregularis. Hinc

**COLLIGIT** Illum esse irregularem, qui satellitibus directè vel indirectè indicavit reum, vel fuit causa, ut reus caperetur, secutâ mutilatione, vel morte; secus dicendum de eo, qui aliquem ostendit, nesciens ipsum quæri ad mortem. Et hæ prædictæ irregularitates ex defectu perfectæ lenitatis.

**Dico 14.** Accusans alium in causa criminali, incurrit irregularitatem, modo accuset in vindictam, nam qui accusat petendo satisfactionem, vel ut se seruet indemnem, modo expressè protestetur, se non intendere poenam sanguinis. Colligitur ex cap. penultimo de homicidio in 6. Item Testis ex cuius testimonio mors secuta fuit est irregularis, siue iuridicè examinatus fuerit, siue non. Ratio est, quia quicumq; cooperatur morti, vel mutilationi fit irregularis cap. Si quis viduam, dist. 50. Ex quo sequitur Clericum non posse cogi ad ferendum testimonium in causa sanguinis contra reum, potest tamen testari in fauorem rei.

*Accusans quando incurrit irregularitatem*

**Dico 15.** Occidentes in bello tam iusto, quàm iniusto incurrunt irregularitatem. cap. Petitio tua, de homicidio. Non item procedentes ad bellum sine animo pugnandi, si occidant inimicum ad sui defensionem, cum moderamine inculpatæ tutelæ. Similiter consulentes bellum iustum, vel animantes milites ad pugnam, non sunt irregulares.

*Occidentes sunt irregulares.*

**Dico 16.** Laicus exercens chirurgiam, vel medicinam, secundum regulam artis, non fit irregularis, etiam si membrum aliquod abscindat causa sanitatis; Si verò culpâ, vel imperitiâ chirurgi, vel medici, mors sequatur, incurrunt irregularitatem. Porro clericus exercens officium medici, vel chirurgi, juxta regulam artis, seclusâ aduisione, vel incisione, non est irregularis, etiam si mors sequatur. quia hoc est opus pietatis, & misericordiæ. Porro clericus sacris initiatus sciendo venam ad emittendum sanguinem fit irregularis, secutâ morte, quia propriè dicitur incidere.

*Chirurgi am irregulares.*

**Dico 17.** Occidens alium ob defensionem vitæ suæ, non excedens moderamen inculpatæ tutelæ, non incurrit irregularitatem. Patet ex Clement. si furiosus, de homicidio. Ratio est, quia tale homicidium, non est voluntarium, sed necessarium.

**Dico 18.** Homicidium casuale, quod non est volitum in se, nec in cau.



*Homicidium casuale non inducit irregularitatem.* in causa, cap. *Dilectus de homicidio*. Ratio est, quia tale homicidium, nullo modo est voluntarium. Ergo. Unde commissum à furioso, vel ebrio, non inducit irregularitatem.

*Homicida irregularis.* Dico 19. Homicidium non omnino casuale, sed volitum in causa, vel implicitè voluntarium inducit irregularitatem. Vnde qui inter dormiendum, occidit infanrem, fit irregularis. Ratio est, quia tale homicidium est voluntarium, eò quòd non adhibeatur debita cautio. Similiter qui iubet alterum percuti, afficitur irregularitate, securà morte, etiamsi expressè imposuerit mandatorio, ne lethali ter vulneret.

Dico 20. Homo baptizatus occidens, vel mutilans voluntariè, fit irregularis. Habetur in *Clemen. Si furiosus de homicidio*. Item consulens, mandans, cooperans, non impediens, qui tenetur ex iustitia, fit irregularis. Pater, quia isti efficaciter influunt in homicidium.

## ARTICVLVS V.

*Quis possit dispensare in Irregularitatibus?*

*Papa in omni irregularitate dispensat.* Dico 1. Summus Pontifex, potest in omni irregularitate dispensare. Ratio est, quia sicut potest legem condere, ita & potest legem abrogare.

*Episcopi in quibus?* Dico 2. Episcopus in sua diocesi, potest cum suis subditis in irregularitatibus provenientibus ex occultis delictis dispensare, exceptà irregularitate proveniente ex homicidio voluntario, etiam occulto. Ita Trident. *Sess. 24. cap. 6.* Potest verò Episcopus dispensare in irregularitate proveniente ex injusta mutilatione occulta, quia concil. Trident. excipit tantummodò irregularitatem proveniente ex homicidio. Item potest dispensare in homicidio vere casuali, non potest verò in vilo homicidio voluntario, etiam iusto, & licito, vt in homicidio commisso à iudice, ferente iustam sententiam sanguinis, vel commisso à milite in bello iusto. Colligitur ex Trident. *Sess. 24. c. 6.* Vide Suarez. *disp. 41. Sect. 2. n. 3.*

*Sublatà causà tollitur irregularitas.* Dico 3. Irregularitas aufertur, ab atà causà, ob quam fuerat indycta. Quare irregularitas ex defectu ætatis, tollitur defectu ætatis, V. G. ad presbyteratum suscipiendum, est irregularis, donec attingat annum ætatis 25. postquam illum attigerit, presbyteratum recipere poterit. Similiter irregularitas ex ignorantia, tollitur per scientiam. Ratio est, quia cessante causa, cessat effectus.

Dico 4. Prælati Regulares, possunt dispensare cum suis subditis per



per privilegia, in omnibus irregularitatibus, exceptis his, quæ proveniunt ex homicidio voluntario notorio; possunt verò dispensare in homicidio voluntario occulto. Item non possunt dispensare in bigamia; & deformitate essentiali, non enim possunt dispensare, cum carente digito pollice, vel oculo Canonis; Neq; cum leproso, vel caduco &c. Ita Rodericus *Tom: 1. q. 4. art. 3.* Item non possunt Provinciales, neq; Generales dispensare cum infami, notato infamiâ juris, & condemnato legitime. Item non possunt dispensare, cum promotis ad Ordines Simoniacæ. Ita Laurent: de Portel *verbo irregularitas.* Addo quòd Provinciales possunt dispensare, cum mutilatione membri voluntaria occulta, non deducta ad forum contentiosum. Hinc

**COLLIGE** Irregularitas quæ provenit ex defectu natalium, per professionem aufertur, quoad Ordines suscipiendos, non verò quoad Prælaturas. Quare illegitimus, in Ordine aliquo professus, non potest esse Prior, Guardianus, Diffinitor, vel Provincialis, nisi per dispensationem, quam dare quidem possunt, Prælati Majores in Capitulis Generalibus, vel Provincialibus, extra capitulum verò non. Habeatur in *c. 1. de filiis Presbyterorum.* Vide Rodericum *tomo 1. q. 13. art. 6.*

**PETES** An Prælati Regularès, possint illum habilitare, qui ante legitimam ætatem suscepit Ordines, ut exequatur Sacros Ordines?

**RESPONDEO** Cum communi sententia Doctorum, negativè. Pro intelligentia.

**NOTA.** Tria esse consideranda in ordinatione, seu promotione ad Sacros Ordines ante legitimam ætatem. Primum est ætas legitima, quam Conciliū Trid: requirit *Sess. 23. c. 12.* Secundum est suspensio, quæ incurrit ordinatus ante legitimam ætatem contrahit, per *Extr. cum ex sacrorū Pj II.* quæ suspensio non tollitur etiam adveniente legitima ætate, absq; dispensatione, ut docet Rodericus *Tom: 3. q. 23. art. 14.* Et ratio est, quia hæc suspensio lata est, absq; vlla temporis determinatione, proinde durat, quousq; per absolutionem non fuerit sublata. Tertium est irregularitas, quam contrahit promotus ante legitimam ætatem, per hoc quod celebret, seu potius consecret, unâ cum Episcopo ordinante, in ipsa ordinatione, ut docet Navar. *Consil. 8. de Clericorum Excommunic.* Et Hieron: à Sorboin *Compendio Privilegiarum. verbo, Ordines sacri,* ubi ex Navarro subdit. Idcirco per primam celebrationem cum Episcopo, absq; eo, quòd aliâs celebret, irregularitatem incurrit, in susceptione pres-

*Prælati Regularès quid possunt circa irregularitates.*

*Prælati ordinum non possunt habilitare ætatem non habentem.*



ne presbyteratus, quam irregularitatem non incurrit, in susceptione aliorum ordinum, nisi suspensionem, in qua suspensio, si ordines exequatur, contrahit irregularitatem. Dato igitur, & concessio, quod Prælati Ordinum Mendicantium, possint ordinatum ante legitimam ætatem, à suspensione absolueret, & cum ipso dispensare in irregularitate, hoc enim verum est: Non possunt verò illos, qui annos requisitos non habent, habilitare ad exequendos ordines susceptos, quia nihil possunt contra Concilium Trident: quod omninò legitimam ætatem requirit, imò nec Episcopi possunt dare annos, non habentibus. Confirmatur ex jure l. Itaq; fullo in ff. de furtis, ubi dicitur, Nemo ex delicto debet reportare commodum. Atqui hic ex delicto reportaret commodum, nimirum habilitationem. Tum quia quod prohibetur, prohibetur etiam omnia, que sequuntur ex illo. per Regulam juris 39. in 6. Hinc

COLLIGE 1. Absolutus à suspensione per bullam cruciatæ, non potest celebrare ante accessum 25. annorum, absq; peccato mortali. Ita Rodericus Tom. 3. q. 23. art. 11.

COLLIGE 2. Qui bonâ fide ordinatus fuit ante legitimam ætatem, non remanet suspensus, nec celebrans irregularis, tamen si postea celebraret, sciens se adhuc non habere legitimam ætatem, peccaret mortaliter, toties quoties, non tamen incurreret irregularitatem, cum talis à principio non incurreret suspensionem ipso facto, sed iudex posset illum suspendere. Ita Rodericus loco citato art. 11. & in Summa p. 2. c. 16. n. 2. citans multos Doctores. Atq; hinc sequitur, quod Superiores ordinatum ante legitimam ætatem, non possunt legitimare, ut ordines exequatur, neq; sic ordinatus debet in hoc Superioribus obedire, sed annos præscriptos expectare.

## QVÆSTIO VI.

*Degradatio*

Quid sit degradatio, & quis, aut quem degradare possit?

DICO 1. Degradatio alia est realis, alia verbalis. Realis est potestatem Ecclesiastica, quâ persona Ecclesiastica, priuatur omni beneficio, officio, & privilegio clericali in perpetuum, absq; vlla spe illius consequendi, (nisi fortè à solo Papa restituatur) Ita Emman: Sa Verbo Degradatio, num. 3. Sylvest. ibidem. num. 8. Degradatio verbalis, quæ etiam appellatur depositio, est sententia Ecclesiastica quâ persona Ecclesiastica priuatur omni officio, & beneficio in perpetuum sine spe illius



consequendi, non amisso privilegio clericali. Ita Julius clarus *in pract. criminali* q. 74. Atq; hinc sequitur multiplicem esse differentiam inter degradationem realem, & verbalem. Prima est, quia actualis fieri solet cum majori solennitate, nam fieri solet assistentibus personis constitutis in dignitate, & degradandus induitur sacris vestibus, nec non vasa sacra pertinentia ad illum ordinem, à quo degradatur, defert, ad conspectum Episcopi à quo gradatim exiit, & priuatur, ac tandem capillis rōdetur, prolatis quibusdam verbis, terrorem incurientibus. Vide Pontificale. Secūda est quia verbalis fieri solet in absentem cōtumacem, realis autem in præsentem. *Cap. Nouimus, de verb. sign.* Tertia. Quia depositus realiter non gaudet privilegio fori, & Canonis. *Cap. degradatio, de penis in 6.* Depositus verò verbaliter gaudet privilegio Canonis, vnde qui illum percutit excommunicatur. Similiter gaudet privilegio fori, nam non potest cogi, nec puniri à iudice seculari. Ita Nauar. c. 27. num. 81. Sayrus lib. 5. cap. 20.

Dico 3. Proprius Episcopus consecratus, debet degradare realiter degradandum neq; potest delegare hanc facultatem alteri degradandi, & deponendi. Ita Trident: *Sess. 13. cap. 4.* Henriquez *cap. 43. n. 5.* & communiter Doctores *in cap. Degradatio, de penis in 6.* Porro depositio verbalis presbyteri spectat ad proprium Episcopum, vel ejus Vicarium generalem. Degradatio verò Episcopi spectat ad Papam. *Ex cap. Dudum. 3. q. 6.* Prælati autem Religiosorum, non habent facultatem deponendi, vel degradandi suos subditos, nisi illis concessum sit per privilegium, vel consuetudinem. Vide Trident: *loco citato.* Syluest. *Verbo, degradation. 1.*

Dico 3. Personæ quæ degradari possunt, sunt Personæ Ecclesiasticæ in ordine Ecclesiastico constitutæ, etiam in Minoribus Ordinibus. Patet ex Tridentino *loco citato.* Et habetur *in cap. si quis Episcopus 27. q. 1.* Vide Bonacinam *de Censuris disp. 4. puncto unico.* Aduerte hic, quod degradatus, siue depositus realiter, auctoritate Episcopi, non potest in pristinum statum restitui si depositio sit valida, sed solum à Papa. Colligitur *ex cap. Qui semel dist. 50.* Depositus enim realiter caret omni privilegio clericali. Sciendum quoq; est, Sacerdotem degradatum valide, sed non licite consecrare, quia per degradationem non amittit characterem Ordinis.

QVÆRES Quæ sit differentia, inter degradationem, cessionem à Diinis, Censuras, & irregularitatem?

RESPONDEO esse multiplicem. Primò ex parte principii effe-

Quis potest degradare?

Quæ personæ possunt?

Differentia



*inter censu-  
ras & irre-  
gularitatē.* entis, quia degradatio, cessatio à Divinis sit ab homine, non à jure, irregularitas semper à jure, censuræ verò partim ab homine, partim à jure. 2. Differunt ex parte subjecti, quia interdicto iudiciuntur homines, & loca, Excommunicationi soli homines, de reliquis constat ex dictis. 3. Differunt ex parte causæ propter quam, quia irregularitates multæ incurruntur sine culpa, reliquæ censuræ, & pœnæ propter culpam propriam mortalem. 4. Ex parte effectus proprii cujusq; Cessatio enim à Divinis, solum impedit à laudibus Divinis, publicè in choro recitandis. Degradatio priuat spe consequendi id, à quo est degradatus realiter. Suspendio priuat aliquo actu legitimo, ut Ordinis, vel officii, vel jurisdictionis, vel beneficii. Interdictum priuat ipsis Ecclesiasticis officiis. Irregularitas facit inhabilem ad actum primum, & secundum, Ordinum. Excommunicatio verò multos parit effectus, ut vidimus. Deniq; ex parte effectuum, quos inducunt, quia violatio, suspensionis, interdicti, & excommunicationis regularitatem inducit, transgressio verò irregularitatis, & cessationis à Divinis minimè. constant hæc omnia ex dictis.

### Conclusio, & Oratio ad Dominum JESVM.

**D**omine JESV CHRISTE qui es *α, & ω*, sapientia, ac infinita veritas, cujus oculis omnia nuda sunt, & aperta, ostende nobis in tenebris ignorantia, & peccatorum, inuolutis, vias, per quas ad te verum principium, & finem curramus, ne ullis censuris hic irretiti, vel laqueis diaboli, aut mundi illecebris capti, sed ipsis, te illustrante, perfectè cognitis, Te ipsum cum Patre, & Spiritu Sancto, & in via, & in patria collaudare, & concelebrare possimus. Amen.

Soli Deo Honor, & gloria, Latriæ.  
Beatissimæ Virgini MARIÆ, Hyperdulia.  
Omnibus Sanctis, Dulia.

### F I N I S.

Hæc omnia Sanctæ Romanæ Ecclesiæ, quæ est Magistra veritatis, iudicio, examini, & correctioni subjiciuntur.



## INDEX RERVM MEMORABILIVM,

Quæ in hoc opere continentur.

Absolutio.		nominationem, similiter bonus. 140.
Absolutio profertur verbis pag.	82.	In actu interiori malitia ex fine est forma.
Absolutio Sacramentalis differt ab absolutione fori externi	ibidem.	liter, in exteriori vero denominatione extrinseca. 140.
Absolutionis forma.	82.	Actus exterior, & interior habent connectionem. 141.
Absolvere non potest qui non est Sacerdos.	269.	Actus voluntatis quoties repetuntur circa idem objectum, tot peccata committuntur. 141.
Absolutio à peccatis inualidè datur absenti.	113. 164.	Ex actibus interruptis multiplicantur peccata. 141.
Absolutio absenti à Censuris validè datur.	427.	Actus voluntatis quādo interrumpitur. 142.
Absolutio directa, & indirecta.	325.	Actus unus physicus includit plures species malitiarum, 144.
Absolutio à solis reservatis illicita.	323.	In actu morali sunt duo, bonitas vel malitia, & imputabilitas. 139.
Prelati an subditos non integrè audire possint.	324.	Actus unde distinguitur physicè, an à subiecto, vel ab objecto. ibidem.
Absolutio Sacramentalis an possit dari sub conditione de futuro.	88.	In actibus externis quomodo inest peccatum. 131.
Absolutus à reservatis in casu necessitatis, non est necesse, ut coram inferiori peccata illa aperiat.	325.	Actus penitendi quomodo est actus, & quomodo passio. 23.
Absolutio data spe futura ratihabitionis, non est valida.	303.	Actus penitentia est voluntarius. 13.
Absolvere quis possit percussores Clericorum.	409.	Actus penitentia est actus specialis virtutis. 24.
Absolutio ab excommunicatione, praemittenda est ante absolutionem à peccatis.	84.	Actus penitentia quatuor. 32.
Absolutio Sacramentalis an danda sit pueris.	76.	Actus penitentia, non est necesse, ut sit genitus à virtute, & formatus gratia. 36.
Absolui ille non potest qui nulla peccata habet.	79.	In actu morali sunt duo. 139.
Actus.		Actus voluntatis quando interrumpuntur. 143.
Actus malus à quo habet speciem, & de		Actus interni non puniuntur ab Ecclesia. 308.
Nau		Appro-



*Index Rerum Memorabilium.*

Approbatio.	<i>Auxilium speciale cur vocat D. subtilis influentiam communem.</i>
<i>Approbatio non dat jurisdictionem, hac tamē sine illa inualidē confertur.</i> 296.	39.
<i>Ad quorum confessiones audiendas non requiratur.</i> 299.	<i>Bonitas moralis.</i>
<i>Approbare idoneum tenetur Episcopus.</i> 299.	<i>Bonitas moralis, est integritas eorum o- mnium, quæ recta ratio operantis judicat debere convenire actui.</i> 140.
<i>Approbatus in una diœcesi trāsferens se ad aliā, indiget novā approbatione.</i> 300.	140.
<i>Approbatio semel data, sine justa causa re- reuocari nequit.</i> 299.	<i>Casus reſeruatus.</i>
<i>Approbat ſolus Episcopus.</i> 297.	<i>Reſeruandi peccata eſt poteſtas in Eccle- ſia.</i> 306.
<i>Approbatio debet eſſe ab Episcopo Confef- ſarij.</i> 298.	<i>Non reſeruantur peccata interna, neq; ve- nialia, ſed mortalia.</i> 308.
<i>Religioſi Confefſarij itinerantes, non ap- probati in aliqua diœceſi, poſſunt au- dire confeſſiones.</i> 300.	309.
<i>Approbationem Religioſi accipiunt ab Epi- ſcopo, jurisdictionem à Papa.</i> 300.	<i>Qui poſſunt caſus reſeruare.</i> 309.
<i>Approbatio petita, &amp; non obtenta an valeat?</i> 298.	<i>Non ſola peccata habentia annexam cen- ſuram reſeruari poſſunt.</i> 308.
<i>Approbatio quid ſit.</i> 296.	<i>Reſeruatio Pontificia cadit ſuper Cenſu- ram, &amp; ſuper culpam.</i> 309.
<i>Approbatio debet obtineri actu.</i> 298.	310.
Attritio.	<i>Qui, &amp; quotuplices ſint caſus Episcopis reſeruati.</i> 310.
<i>Attritio quid ſit.</i> 91.	311.
<i>Attritio quomodo differat à Cōtritione.</i> 91.	<i>Quæ cauſa reſeruationis.</i> 311.
<i>Attritionis ſpecies.</i> 91.	<i>Reſeruatio caſuum inter Regulares.</i> 311.
<i>Attritio putata contritio quæ?</i> 96.	312.
<i>Attritio quæ nō ſufficit cum Sacramēto.</i> 96.	<i>Bulla Clementis VIII. non reuocat caſus antiquos in Religionibus.</i> 315.
<i>Attritio includit dilectionem Dei.</i> 93.	316.
<i>An attritio fieri poſſit contritio.</i> 95.	<i>Quinam habeant poteſtatem abſoluendi à reſeruatis.</i> 316.
<i>Quomodo ex attrito ſit contritus.</i> 94.	316.
<i>Attritio non eſt ex viribus nature.</i> 92.	<i>Quando Episcopi poſſunt abſolvere à caſi- bus Papalibus.</i> 316.
<i>Quatuor ſpecies attritionis Chriſtiane.</i> 95.	<i>Num iter agens in Episcopatu alieno abſol- ui poſſit à reſeruatis.</i> 317.
<i>Homo ex attrito quomodo fiat contritus virtute Sacramenti.</i> 95.	315.
<i>Auxilium.</i>	<i>Regulares quis poſſit abſolvere à reſeru- tis.</i> 315.
	317.
	<i>In Jubileis à caſibus Bullæ Cœleſtis Deo ni an poſſit ſe abſolutio.</i> 317.
	<i>an Re-</i>



*An Religiosi Confessarij possint absolvere à casibus Papa, & Episcopis reservatis.* 318.

*Superiores regularium possunt absolvere suos subditos ab omnibus Censuris, & peccatis, in utroq; foro.* 316.

*In articulo mortis cessat omnis reservatio.* 323.

*Qui absoluitur à reservatis in articulo mortis, non tenetur amplius illa confiteri.* ibidem

*Propter casus reservatos non debet Confessio dimidiari.* 323

*An absolvens directè à non reservatis, absolvat indirectè à reservatis.* 325

*Superior tenetur petenti à reservatis licentiam, dare.* 326.

*In dubio facti potest quilibet à casibus reservatis absolvere.* 326

*Per obliuionem reservata non confessa, desinunt esse reservata* 327

*Obliuio culpabilis nō tollit reservationē.* 328

*Absolutus tempore Jubilei, & intra Jubileum cōmitens reservata, non potest iterum vigore Jubilei absolui.* 329

*Censura.*

*Quid sit, & quotuplex censura.* 394.

*Quenam sint causæ censuræ.* 395.

*Censura pro mortali ferenda.* 396.

*Censura in scriptis ferenda.* 397.

*A quo possit auferri censura.* 397.

*Circumstantiæ.*

*Circumstantia quid sit.* 132

*Circumstantiæ quotuplices.* ibidem.

*Circumstantiæ septem.* ibidem.

*Quæ sunt confitenda.* 133.

*Circumstantiæ explicantur.* 134. 135.

*An sit necessariò confitenda circumstantia stupri* 134.

*Qualitas quando explicanda.* 135.

*Circumstantia diei festi an explicanda.* 136.

*Modus peccandi ex ignorantia, ex malitia est confitendus, quando adest notabilis contemptus.* 136.

*Clausura.*

*Clausuram violantes, & permittentes incurrunt excommunicat :* 413.

*Clavis.*

*Quid sit clavis.* 281.

*Quid sit clavis regni calorum.* 281.

*Clavis potestatis quid, & quando datur Sacerdotibus.* 282.

*Clavis scientiæ quid.* 283.

*Clavis scientiæ, & potestatis sunt duæ clauæ.* 284.

*Quomodo possint dici vna.* 284.

*Clavis jurisdictionis est diuersa à clauibus Ordinis.* 288.

*An cuilibet Sacerdoti in susceptione Ordinis sacerdotij, conferantur clauæ.* 290.

*Potestas clauium extendit se ad remittendam culpam.* 292.

*Potestas clauium, extendit se ad remittendam penam, debitam peccato.* 294.

*Vi clauium remittitur etiam pena temporalis.* 295.

*Virtute clauium an iterata remittantur.* 77.

*Cogitatio.*

*Cogitatio antecedens actum voluntatis non est in potestate voluntatis.* 130.

*Cogitatio aliqua est in potestate voluntatis.* 130.

*N n 2*

*Cogi-*



*Index Rerum Memorabilium.*

<i>Cogitatio quando peccatum mortale.</i>	131.	<i>Confessionis iteratio an permittenda.</i>	139.
<i>Cogitatio de peccato quando non est peccatum.</i>	131.	<i>In Confessione circumstantia mutantes speciem necessario exprimenda.</i>	133.
<i>Confessio.</i>		<i>Alia circumstantia qua confitenda.</i>	133.
<i>Nomen Confessionis multiplex.</i>	111.		134. 135. 136.
<i>Confessio Sacramentalis quid?</i>	112.	<i>Consuetudo peccandi juxta aliquos necessario confitenda.</i>	136.
<i>Confessio ore facienda.</i>	113.	<i>Numerus peccatorum mortalium in Confessione exprimendus.</i>	137.
<i>Confessio Sacramentalis est necessaria, &amp; quali necessitate.</i>	114.	<i>Ad Confessionem examen requiritur.</i>	137.
<i>Ex praecepto legis naturae, nemo tenetur ad confitendum.</i>	115.	<i>Non sufficit inconfuso peccata confiteri.</i>	137.
<i>Confessio non est praecepta lege Ecclesiastica.</i>	116.	<i>Historicè peccata in Confessione non sunt exprimenda.</i>	137.
<i>Confessio Sacramentalis jure Divino praecepta.</i>	116.	<i>Certus numerus exprimendus, si non potest exprimi exprimat certus pro incerto, plus, minus, &amp;c.</i>	138.
<i>Contra Confessionem objecta Caluini solvuntur.</i>	117.	<i>Confessionis conditiones.</i>	144.
<i>Quando obligantur homines ad confitendum.</i>	117.	<i>Quae conditiones essentiales.</i>	145.
<i>Praeceptum Confessionis ante articulum mortis obligat jure Divino, &amp; hoc tempus Ecclesia determinavit ut saltem semel in anno.</i>	118.	<i>Explicantur conditiones confessionis.</i>	145.
<i>Actus confitendi est actus virtutis.</i>	112.	<i>In quo consistit integritas confessionis.</i>	147.
<i>Non confessus in Paschate statim tenetur confiteri.</i>	119.	<i>Sufficit confessio integra formaliter, &amp; non integra materialiter.</i>	147.
<i>Confiteri Sacramentaliter tenentur fideles post commissum peccatum.</i>	120.	<i>Quid integritas formalis, quid materialis.</i>	147.
<i>Ad confessionem Papa obligatur.</i>	120.	<i>In gravi morbo sufficit confessio formalis.</i>	148.
<i>Pueri qui obligantur.</i>	120.	<i>Quae pericula excusant ab integritate materialis.</i>	148.
<i>Infideles non obligantur.</i>	121.	<i>Generalis confessio an sit facienda.</i>	139.
<i>Confessionis materia, sunt omnia peccata mortalia, de necessitate.</i>	124.	<i>Conditiones Confessionis dimidianda.</i>	149.
<i>Originale, &amp; actualia commissæ ante Baptismum non subsunt clauibus Ecclesiae.</i>	125.	<i>An liceat ob integritatem confessionis complicem manifestare.</i>	149.
		<i>An liceat confiteri partialiter diversis confessoribus.</i>	152.
		<i>Confessio debet esse fidelis.</i>	153.
		<i>Detractio in confessione admissa invalidat illam.</i>	158.

*Que*



# Index Rerum Memorabilium.

Qui confitetur mortale, quod non com-  
misit peccat. 159.

Affingere sibi mortale in Confessione, quan-  
do non est peccatum. 159.

Quando peccator recordatur peccati mor-  
talis, sed non meminit cuius speciei  
incommuni tenetur illud confi-  
teri. 159.

An de necessitate Sacramenti poenitentiae  
est, ut Confessio sit secreta. 159.

Confessio quomodo esse debet obediens. 161.

Quando est iteranda confessio. 162.

Quibus de causis excusantur fideles à con-  
fessione. 164.

Signa desiderata confessionis sufficiunt ad  
absolutionem. 165.

In mutorum confessionibus quid facien-  
dum. 166.

## Confessarius.

Solus Sacerdos potest esse Minister huius  
Sacramenti Poenitentiae. 268.

Neg. laicus, neg. Diaconus potest esse Mi-  
nister poenitentiae. 268.

Non quilibet Sacerdos, sed ille qui habet  
jurisdictionem est minister Sacra-  
menti poenitentiae. 269.

Quis sit proprius Sacerdos. 270.

Regulares Confessarii accipiunt à Papa ju-  
risdictionem, & ab Episcopo appro-  
bationem. 270. 271.

Religiosi sunt proprii etiam intra tempus  
paschale. 271.

Parochus respectu quorum est proprius  
confessarius. 271.

Quilibet Sacerdos in articulo mortis est  
proprius Sacerdos. 272.

Qui in articulo mortis confitetur, non te-  
netur eadem peccata iterare. 272.

Proprius confessarius Regularium, quis  
sit. 272.

Regularis debet approbato confiteri con-  
fessario. 273.

Extra conuentum Regulares cui debent  
confiteri. 275.

Regularium ordinarij Confessarij. 274.

Regulares constituti in itinere cui possint  
confiteri. 275.

Quae conditiones requisita in Ministro poe-  
nitentiae. 276.

Qualem potestatem debet habere. 276.

Qualem scientiam. 277.

Ad quot capita scientia Confessarij re-  
uocatur. 277.

Vtrum hac scientia in Confessario habeat  
limitationem. 278.

Qualis bonitas, & prudentia requiratur  
in confessario. 279.

Valor, & veritas Sacramenti non depen-  
det ex bonitate, neg. ex malitia mi-  
nistri. 279.

Confessarius in mortali existens tenetur  
premittere contritionem ante ad-  
ministrationem poenitentiae. 280.

In conficiendo Sacramento SS. Eucharis-  
tiae debet premittere, si potest Sa-  
cerdos confessionem. 280.

Qualis prudentia requiritur in Confessa-  
rio. 281.

Confessarius debet esse approbatus. 296.

Quinam habeant facultatem eligendi  
Confessarium. 305.

Parochus unius diocesis, potest confite-  
ri Pa-



# *Index Rerum Memorabilium.*

<i>ri Parocho alterius diæcesis.</i>	305.	<i>An conscientia scrupulosa obliget, vide</i>	
<i>An Confessarius obligetur ad audiendam</i>		<i>Scrupulus.</i>	
<i>Confessionem, quoties pœnitens vo-</i>		<i>Contritio.</i>	
<i>luerit.</i>	330.	<i>Contritio habet fundamentum in Sacri li-</i>	
<i>Parochi obligantur etiam &amp; tempore pe-</i>		<i>teris.</i>	90.
<i>stis curam habere ouium.</i>	331.	<i>Contritionis descriptio varia.</i>	90.
<i>Quando parochus est liber.</i>	331.	<i>Differentia inter Contritionem, &amp; attri-</i>	
<i>Pralati Majores quando obligantur, Epi-</i>		<i>tionem.</i>	92.
<i>scopi, &amp; alij.</i>	331.	<i>Conuenientia inter Contritionem, &amp; At-</i>	
<i>Qualem dispositionem debet aduer-</i>		<i>tritionem.</i>	92.
<i>tere Confessarius in pœnitere.</i>	332.	<i>Ad Contritionem perfectam qua sunt re-</i>	
<i>Quid faciendum est Confessario, qui ad-</i>		<i>quisita.</i>	96.
<i>uertit pœnitentem, aliquod pecca-</i>		<i>Contritio non est dolor sensitivus, ac pro-</i>	
<i>tum quod cômisit, non confiteri.</i>	333.	<i>inde non requirit lachrymas, neq;</i>	
<i>An Confessarius teneatur instruere igno-</i>		<i>suspiria.</i>	110.
<i>rantem.</i>	334.	<i>Ad ver. m contritionem requiritur propo-</i>	
<i>Confessarius an teneatur examinare pœ-</i>		<i>positum non peccandi.</i>	97.
<i>nitentem.</i>	139.	<i>Sufficit aliquando ad contritionem propo-</i>	
<i>Quando Confessarius tenetur interrogare</i>		<i>positum virtuale.</i>	98.
<i>pœnitentem de peccatis.</i>	35.	<i>Propositum in contritione debet esse cum</i>	
<i>Quid factururus sit Confessarius male absol-</i>		<i>spe veniæ.</i>	99.
<i>uens pœnitentem.</i>	336.	<i>In contritione necessaria est, aliqua dura-</i>	
<i>Confessarius absolvens à Casibus Bulla ca-</i>		<i>ratio, &amp; intensio.</i>	100. 101.
<i>na Domini excommunicatur.</i>	337.	<i>Quomodo contritio respectu peccatorum,</i>	
<i>Confessarius debet esse in gratia.</i>	38.	<i>est concipienda.</i>	102.
<i>Ceremonia de necessitate nulla requiritur</i>		<i>Bonum est dolere grauius, pro grauiori-</i>	
<i>in Confessario.</i>	338.	<i>bis peccatis.</i>	104.
<i>Conscientia.</i>		<i>Præceptum de contritione quatenus inclu-</i>	
<i>Conscientia quid sit.</i>	153.	<i>dit pœnitentiam virtuales, vel for-</i>	
<i>Conscientia multiplex.</i>	ibidem.	<i>malem est de lege nature.</i>	104.
<i>Faciens aliquid contra conscientiam, pec-</i>		<i>Contritio post peccatum mortale commis-</i>	
<i>cat.</i>	154.	<i>sum in lege noua, non est necessaria</i>	
<i>Conscientia est habitus conclusionis pra-</i>		<i>necessitate mediæ ad salutem.</i>	105.
<i>ctica.</i>	154.	<i>Præceptum de contritione, cum sit affirma-</i>	
<i>Cōscientia inuincibiliter errās obligat.</i>	156.	<i>tium obligat ad semper, sed non pro</i>	
<i>Conscientia dubia obligat.</i>	156.	<i>semp.</i>	105.
		<i>Pro-</i>	



*Index Rerum Memorabilium.*

<i>Probabilis est sententia D. Subtilis asseren-</i>	<i>Deus est causa justificationis.</i>	237.
<i>tis tempus determinatum contritio-</i>	<i>Dispensatio.</i>	
<i>nis à jure positivo esse dies festos.</i>	<i>Quis dispensare possit in Irregularitati-</i>	454.
<i>Ex vi, &amp; natura sua intrinsecà hoc præcep-</i>	<i>bus.</i>	321.
<i>tum contritionis obligat in articulo</i>	<i>Dispensare Confessarij Regulares non pos-</i>	
<i>mortis, &amp; in omni casu, in quo est</i>	<i>sunt in Irregularitatibus, cum secu-</i>	318.
<i>periculum mortis.</i>	108.	
<i>In tribus casibus ex accidenti obligantur</i>	<i>Dispensare in votis absolutè non possunt,</i>	
<i>homines ad contritionem facien-</i>	<i>sed commutare.</i>	318.
<i>dam.</i>	108.	
<i>Obligatur homo ad contritionem peccati,</i>	<i>Confessarij Regulariù possunt dispensare in</i>	
<i>quando memoria occurrit.</i>	<i>irregularitatibus ortis propter Cen-</i>	85.
109.	<i>suras inadvertenter incuras cum</i>	
<i>Probabile est teneri peccatorem ad contri-</i>	<i>Religiosis.</i>	
<i>tionem, quando ei occurrit delibe-</i>	<i>Dubium.</i>	
<i>rata memoria peccati commissi</i>	<i>Qui cum conscientia practicè dubia ali-</i>	
109.	<i>quid operatur peccat, peccato ejusdè</i>	
<i>Ad remissionem venialium requiritur con-</i>	<i>speciei de quo dubitat.</i>	156.
<i>tritio, vel attritio, tanquam mate-</i>	<i>Regulè D. Subtilis pro dubijs.</i>	ibidem.
<i>ria necessaria.</i>	110.	
<i>Culpa.</i>	<i>Ille qui dubitat an votù fecerit, vel aliquid</i>	
<i>Culpa remissio, &amp; gratia infusio, an sit una</i>	<i>alicui promiserit, an possit tuto judi-</i>	
<i>mutatio.</i>	<i>care se non vouisse.</i>	ibidem.
23.	<i>Num liceat viam minus probabilem sequi</i>	
<i>Culpa remissio, &amp; infusio gratie non sunt</i>	<i>relictà probabiliore.</i>	158.
<i>duæ mutationes reales.</i>	214.	
<i>Culpa remissio viâ generationis est prior in-</i>	<i>Dubium aliud est juris, aliud facti.</i>	75.
<i>fusionè gratia.</i>	<i>Ecclesia.</i>	
29.	<i>Ecclesia thesaurus. Vide Indulgentia.</i>	
<i>Qualis prioritas sit inter infusionem gra-</i>	<i>Ecclesia quando polluitur.</i>	15.
<i>tia, &amp; remissionem culpa.</i>	<i>Ecclesia internos actus non punit.</i>	308.
220.	<i>Ecclesie catholice melior est conditio,</i>	
<i>Ad deletionem culpa requiritur penitentia</i>	<i>quàm Synagoga.</i>	58.
<i>voluntaria.</i>	<i>Episcopus.</i>	
18.	<i>An Episco: possit cōcedere indulgēcias.</i>	367.
<i>DEVS.</i>	<i>Episcopi soli possunt approbare, vel eorum</i>	
<i>Deus est causa principalis remissionis</i>	<i>vicarij.</i>	298.
<i>peccati.</i>	115. 58.	
<i>Non mutatur actus Divina voluntatis,</i>	<i>Episcopus ab hæresi solus absoluit non erò</i>	405.
<i>neq; in se, neq; ut transit super obje-</i>	<i>per alium.</i>	
<i>ctum, nisi fiat ex parte objecti creati</i>		
<i>muli a. 10.</i>		
216.		



*Index Rerum Memorabilium.*

<i>Episcopi quando possunt absoluerè directè à casibus Papa reſeruatis.</i>	316.	<i>Quando iam finis, quam media mala vtrumq; confitendum.</i>	136.
<i>Excommunicatio.</i>		<i>Finis Censura quis.</i>	397.
<i>Quid sit excommunicatio. &amp; quotuplex.</i>	399.	<i>Finalis causa Indulgentiarum.</i>	372.
<i>Vbi adumbrata fuit excommunicatio. ibid.</i>		<i>Finalis causa justificationis triplex.</i>	239.
<i>Excommunicatio alia major, alia minor, alia à jure, alia ab homine.</i>	400.	<i>Forma.</i>	
<i>Quae sunt excommunicationes Bullae Cœna Domini.</i>	140.	<i>Forma absolutionis.</i>	83.
<i>Excommunicationes Summo Pontifici reſeruatae in jure.</i>	406.	<i>Forma absolutionis Hereticorum.</i>	84.
<i>Excommunicationes in Clement. &amp; Extrava-gantibus Papa reſeruatae quae sunt.</i>	411.	<i>Quis sit sensus forma absolutionis.</i>	86.
<i>Excommunicationes reſeruatae Papa, non-dum juri insertae.</i>	413.	<i>Forma Sacramenti penitentiae non debet proferri per modum deprecationis.</i>	86.
<i>Quinam possint excommunicare.</i>	413.	<i>Si contingat mutatio substantialis in forma, non est validum Sacramentum.</i>	87.
<i>Conditiones Excommunicantis.</i>	414.	<i>Si contingat mutatio accidentalis, est validum.</i>	88.
<i>Qui dicitur excommunicatus toleratus, &amp; qui vitandus &amp; non toleratus.</i>	415.	<i>Qua conditio inuoluit formam.</i>	88.
<i>Quot sunt, &amp; qui effectus Excommunicationis Majoris.</i>	415.	<i>Forma non est iteranda supra eandem materiam proximam.</i>	77.
<i>In quibus casibus vetitum sit, communicare cum excommunicatis.</i>	421.	<i>Forma in Sacramento Penitentiae, juxta D. Subtilem propriè, &amp; formaliter, est relatio rationis, nimirum significatio illa absolutionis animae à peccato.</i>	60.
<i>Quale peccatū sit communicare cū exco.</i>	422.	<i>Gratia.</i>	
<i>Quando licitum est communicare, cum Excommunicatis.</i>	422.	<i>Infusio gratiae, &amp; expulsio culpae, an sit una mutatio.</i>	213.
<i>Quid sit minor Excommunicatio.</i>	423.	<i>Gratia, &amp; peccatum non opponuntur formaliter, nec priuatiuè.</i>	222.
<i>Effectus Minoris Excommunicationis. ibid.</i>		<i>Infusio gratiae, &amp; remissio culpae, non sunt duae mutationes reales.</i>	214.
<i>Quinam possint Excommunicari.</i>	424.	<i>Gratiae tria sunt munia.</i>	222.
<i>Vniuersitas non potest excommunicari.</i>	425.	<i>Abſq; infusione gratiae, potest remitti peccatum.</i>	223.
<i>Quis potest absoluerè ab Excommunicatione Majori.</i>	426.	<i>Possit poni gratia justificans in anima peccatoris.</i>	
<i>Quis ab Excommunicatione Minori.</i>	424.		
<i>Finis.</i>			
<i>Anerſio à fine ultimo, alia est formalis alia virtualis.</i>	123.		



*Index Rerum Memorabilium.*

catoris, & non remitti peccatum, de potentia DEi absoluta. 225.	In ignorantia inuincibili, quid facto opus sit. 334.
Gratia de lege, quâ homo est gratus DEo. 226.	Indulgentia.
Gratia creatur, & cum destruitur, non corrumpitur, sed annihilatur. 226.	Quid sit indulgentia. 365.
Peccatû gratiam destruit demeritoriè. 227.	Mendacia, & objectiones hareticorum con- tra Indulgentias. 353. 359.
Gratia habitualis quid. 232.	Quid in Sacris literis habeatur de indul- gentijs. 356.
Cur gratia, vocatur gratia. ibidem.	Vsus Indulgentiarum ex Patribus. 357.
Gratia vocatur arrha, lux, gloria, vita, Sanctitas, semen gloria, stola pri- ma. 232. 233.	Christus Dominus concessit Indulgen- tias. 358.
Infusio gratie quomodo prior remissione culpe. 220.	Haratici calumniantur Indulgentiam Por- tiuncula, & quare. 358.
Gratia habitualis non facit hominem gra- tum, & iustum, completè ex se sed ex lege, & ex acceptatione Diuina. 223.	Ex quo hic thesaurus spiritualis cõstat. 359.
Gratia forma justificationis. 238.	Vbi est iste thesaurus. 363.
Gratia est forma Virtutum. 39.	Quomodo merita reponantur in thesauro Ecclesie & alijs prosint. 364.
Dispositio ad gratiam vnde? 39.	Thesaurus hic an sit ex superabundanti- bus operibus. 365.
Hæresis Hæreticus. 403.	Thesaurus Ecclesie non permanebit post diem iudicij. 361.
Hæresis quid sit. 403.	Qua Causa efficiens Indulgentiarum. 367.
Hæresis alia interna, alia externa. 403.	Quis sit effectus Indulgentiarum. 368.
Ob hæresim mentalem, non excommunican- tur homines. 403.	Indulgentia remittunt penam tempora- lem, non aternam, neq; culpam. 369.
Qui incurrunt Excommunicationem Bul- la Cene Domini ob hæresim. 403.	Per plenariam indulgentiam omnes pœna remittuntur. 369.
Quis possit absoluerè ab hæresi. Ignorantia. 405.	Quotuplices sunt Indulgentia. 370.
Ignorantia quid. 334.	Quid sit indulgentia Personalis, localis, & realis. 371.
Ignorantia triplex. ibidem.	Qualis dispositio requiratur in suscipiente Indulgentias. 371.
Ignorantia juris, & facti. ibidem.	Quæ causa finalis Indulgentiarum. 372.
Ignorantia inuincibilis. ibidem.	Quanam sit forma concedendi Indulgen- tias. 373.
Ignorantia vincibilis, crassa. ibidem.	Indulgentia ita valent vt sonant. 374.
In ignorantia vincibili debet admonere Confessarius penitentem. 335.	O o o An



# *Index Rerum Memorabilium.*

*An uno eodemq; actu, diuersa indulgentia  
lucrari possint.* 375.

*Indulgentia tamdiu durat, quamdiu eas  
concedens durare voluerit.* 375.

*Per Iubileum suspenduntur omnes Indul-  
gentia excepta Indulgentia Portiun-  
cula Aſsiſij.* 375.

*Indulgentia Portiuncula, apud quos ſit  
Religioſos, 2. Auguſti, per Bullam  
Gregorij. XV.* 376.

*Ex triplici capite Indulgentia extingui-  
tur.* 376.

*Qua ſit differentia inter plenariam In-  
dulgentiam, & Iubileum.* 377.

*Quomodo Indulgentia poſſunt deferri de-  
functis.* 393.

## *Interdictum.*

*Quid ſit interdictum.* 437.

*Interdictum eſt triplex.* 437.

*Interdictum tam locale, quam perſonale,  
eſt vel generale, vel ſpeciale.* 437.

*Interdicto populo non interdicitur cle-  
rus.* 438.

*Cauſa qua ſint interdicti.* 438.

*Quando incurritur interdictum locale.* 438.

*Perſonale interdictum quando incurritur,  
generale & ſpeciale.* 439.

*Qui ſint effectus interdicti.* 440.

*Qua ſunt feſta quibus ceſſat interdi-  
ctum.* 441.

*Religioſi an teneantur ſeruare interdi-  
ctum.* 441.

*Privilegia Regularium quoad interdi-  
ctum non ſunt renocata per Concil.  
Trident.* 442.

*Qui poſſit abſoluere ab interdicto.* 442.

## *Irregularitas.*

*Quid ſit Irregularitas.* 444.

*Qua ſit differentia inter Irregularita-  
tem, & inter degradationem, &  
depoſitionem.* 445.

*Quid requiratur ad incurrendam irre-  
gularitatem.* 445.

*Quenam ſint Cauſa Irregularitatis.* 446.

*An in dubio iudicandus ſit aliquis Irre-  
gularis.* 446.

*Quinam ſint effectus irregularitatis.* 447.

*Irregularitas etiam occulta facit hominem  
inhabilem beneficij.* 447.

*Irregularitas contrahitur ex defectu ratio-  
nis, & corporis.* 448.

*Ex defectu natalium.* 449.

*Quibus modis tollitur ex defectu nata-  
lium.* 449.

*Ex defectu legitima aetatis, libertatis, ex  
bigamia, ex infamia, ex iteratio-  
ne Baptiſmi.* 450.

*Ex receptione Ordinis Sacri in excommu-  
nicatione.* 451.

*Omnis Iudex excepto Summo Pontifice fe-  
rens ſententiam mortis etiam juſta,  
vel mutilationis &c.* 452.

*Accuſantes in criminalibus, occiſentes  
etiam in bello iuſto contrahunt Ir-  
regularitatem.* 453.

*Quis poſſit diſpensare in irregularitati-  
bus.* 454.

*Praelati Regulares quid poſſint in Irregu-  
laritatibus circa ſuos ſubdi-  
tos.* 456. 454.

## *Juriſdictio.*

*Juriſdictio duobus modis committitur, ſor.  
Aucto.*



# *Index Rerum Memorabilium.*

<i>Auctoritas jurisdictionis quando est instituta.</i>	288.	<i>In justificatione hominis verè tollitur peccata, non teguntur.</i>	235.
<i>Ex vi ordinis Sacerdos non habet jurisdictionem.</i>	289.	<i>Iustificatio, non est imputatio justitiae Christi Domini.</i>	234.
<i>Jurisdictionis potestas, est distincta realiter à potestate Ordinis.</i>	291.	<i>Christus quomodo justitia nostra.</i>	235.
<i>Potestas Jurisdictionis quid sit.</i>	291.	<i>In justificatione, DEVS infundit homini gratiam habitualement.</i>	236.
<i>Jurisdictionis potestas etiam respectu venialium requiritur.</i>	292.	<i>Ordo justificationis.</i>	38.
<i>Ad Jurisdictionem requiritur actualis consensus delegantis, isq. aliquo signo manifestatus.</i>	302.	<i>Iustificationis definitio.</i>	236.
<i>Non habens jurisdictionem non potest absoluerè se futura ratificationis.</i>	303.	<i>Quanam sint causae justificationis.</i>	237.
<i>Jurdictio pertinet ad substantiam penitentiae.</i>	304.	<i>Errores Lutheranorum circa causam formalem Iustificationis.</i>	227.
<i>Jurisdictionem à Papa habent Religiosi.</i>	270.	<i>Objectiones eorum solvuntur.</i>	228.
<i>Jurisdictionem Papa habet jure Divino, Episcopi Pontificio.</i>	288.	<i>Errores Calvinistarum circa justificationem refutantur.</i>	230. 231.
<i>Jurisdictionem ordinariam, qui habent, &amp; qui delegatam.</i>	270.	<i>Justificatio Catholica similitudine declaratur.</i>	231.
<i>Jurdictio delegata à Papa Regularibus exerceri non potest ab Episcopo.</i>	271.	<i>Iustificatio Calvinistica.</i>	232.
<i>Jurisdictionem ordinariam qui habent, eam delegare possunt.</i>	271.	<i>Jubileus.</i>	
<i>Justitia.</i>		<i>Jubileus unde dictus.</i>	377.
<i>Justitia duplex, actualis, &amp; habitualis.</i>	80.	<i>Jubilei definitio.</i>	378.
<i>Justificatio.</i>		<i>Jubileus anagogicè.</i>	ibidem.
<i>Iustificatio multipliciter sumitur.</i>	232.	<i>Requisita ad Jubileum enumerantur, &amp; explicantur.</i>	378. 379.
<i>Non iustificantur homines per essentialem Dei justitiam.</i>	233.	<i>Jubileus semel tantum lucratur.</i>	381.
<i>Iustificatio non consistit in sola remissione peccatorum.</i>	254.	<i>Laicus.</i>	
<i>Iustificationis nostra non est causa formalis fides.</i>	233.	<i>Laicus non potest esse minister Penitentiae Sacramenti.</i>	
		<i>Lex.</i>	
		<i>Lex alia naturae, alia positiva, &amp; hac vel Divina, vel humana</i>	115.
		<i>Macula.</i>	
		<i>Macula non est formaliter, &amp; absolutè privatio gratiae.</i>	9.
		<i>Macula in peccatore non est elongatio à Deo, neq. denominatio extrinseca.</i>	10.
		<i>Ooo 2</i>	<i>Macu-</i>



# Index Rerum Memorabilium.

*Macula est ratio rationis fundata in anima peccatoris, in quantum est subiectum intellectus, & voluntatis Diuinae, ordinantis eam, ad poenam correspondentem peccato, eo quia commisit peccatum.* 12.

*Macula provenit ex peccato.* 14.

*Macula unde dicitur turpis.* 15.

*Macula quomodo est obligatio.* 16.

*Macula ista derelicta post actum peccati de facto deletur.* 17.

*Macula hac deletur per poenitentiam.* 17.

*Materia.*

*Quae sit materia Sacramenti Poenitentiae necessaria remota.* 73.

*Dimissa peccata per contritionem sunt materia necessaria.* ibidem.

*Peccatum originale non est materia Poenitentiae, neque actualia commissa ante Baptismum.* 73.

*Venialia sunt materia sufficiens.* 78.

*Quando venialia sunt materia necessaria.* 74.

*Dubia non sunt absolute materia huius Sacramenti.* 75.

*Mortale dubium necessario est confitendum.* 75.

*Peccata semel dimissa, sunt materia sufficiens Sacramenti poenitentiae.* ibid.

*Materia, vel quasi materia proxima Sacramenti Poenitentiae, sunt actus poenitentis.* 81.

*Materia proprie loquendo Sacramenti Poenitentiae, est sola absolutio.* 60. 61.

*Accipiendo essentiam Sacramenti Poenitentiae pro integra, & perfecta ra-*

*tione Sacramenti poenitentiae, absolutio, & actus poenitentis, sunt de essentia Sacramenti.* 60.

*Meritum & Mereri.*

*Meritum habet valorem triplicem.* 364.

*Merita Sanctorum non obscurant merita Christi Domini.* 362.

*Merito infinito fit additis extensivè.* 362.

*Non derogant merita Sanctorum meritis Christi Domini.* 363.

*Meritum aliud est de condigno, aliud de congruo, & quid sit.* 40.

*Meritum de congruo est ex auxilio Divino,* 39.

*Motus.*

*Motus primo primi.* 131.

*Motus secundo primi.* ibidem.

*Opus meritorium.*

*Operum bonorum, & meritorum fit communio inter fideles.* 382.

*Opus meritorium, & satisfactorium quomodo differunt.* 364.

*In opere meritorio est triplex valor.* 364.

*Opera alia sunt viva, alia mortua, alia mortificata.* 266.

*Opera mortificata reuiuiscunt per poenitentiam.* 266.

*Opera mortua non reuiuiscunt.* 266.

*Ad quid valent opera mortua,* ibid.

*Peccatum.*

*Peccatum quid sit.* 122.

*In peccato sunt duo auersio à Deo, & conuersio ad creaturam.* 123.

*Peccati ratio est in auersione.* 123.

*Peccatum quod est grauius alio peccato,* 124.

*Pecca-*



*Index Rerum Memorabilium.*

<i>Peccatum mortale quid.</i>	125.	<i>Peccata tot sunt numero, quot sunt actus voluntatis interrupti.</i>	141.
<i>Peccatum veniale quid.</i>	ibidem.	<i>Peccata specie per quid distinguuntur.</i>	143.
<i>Differentia inter peccatum mortale, &amp; veniale, juxta aliquos Doctores.</i>	125.	<i>Peccata cordis, oris, &amp; operis an specie distinguantur.</i>	144.
<i>Inter mortale &amp; veniale differentia juxta D. Subtilem.</i>	126.	<i>Peccati Macula.</i>	
<i>Veniale peccatum triplex.</i>	126.	<i>Vide Macula.</i>	
<i>Regule tres ad discernendum veniale à mortali.</i>	127.	<i>De peccatorum reditu in recidivante.</i>	
<i>In peccato mortali attendenda est quantitas materia, &amp; consensus deliberatus.</i>	128.	<i>An peccata dimissa in recidivante redire possint de potentia DEi absoluta.</i>	256.
<i>In peccato consensus ex duplici capite deliberatus oritur.</i>	129.	<i>Peccatum ut est obligatio ad penam possit redire.</i>	258.
<i>Peccatum de mortali, &amp; veniali uniuoce dicitur.</i>	127.	<i>Peccata dimissa de potentia Dei ordinaria, neq; redeunt quoad culpam, neq; quoad penam.</i>	259.
<i>Peccatum formaliter est in voluntate.</i>	130.	<i>Peccata remissa, etiam in relapsis, non redeunt simpliciter.</i>	261.
<i>Peccatum in cognitione, &amp; in opere exteriori est materialiter.</i>	ibidem.	<i>Quale peccatum sit ingratitude in recidivante.</i>	262. 261.
<i>Peccati quantitas in Confessione aperienda.</i>	135.	<i>Ingratitudo hac materialis, non est necessaria confitenda.</i>	262.
<i>Qualitas peccati mutans speciem, est confitenda.</i>	135.	<i>Quando ingratitude confitenda.</i>	262.
<i>Peccati circumstantia qua confitenda. Vide Circumstantia.</i>	ibidem.	<i>Pœnitentia ut virtus.</i>	
<i>Peccatorum numerus mortalium in Confessione exprimendus.</i>	138.	<i>Pœnitentia unde dicta.</i>	2.
<i>Qualis diligentia in examine peccatorum requiratur.</i>	138.	<i>Pœnitentia alia est ut virtus, alia ut Sacramentum, &amp; quomodo inter se conueniunt ac differunt.</i>	3.
<i>Peccata in confusio confiteri non sufficit.</i>	138.	<i>Pœnitentia de lege DEi ordinaria necessario requiritur.</i>	5.
<i>Quando pœnitens non potest numerum peccatorum explicare quid facturus sit.</i>	138.	<i>Pœnitentia non est necessaria habitualis.</i>	5.
<i>Peccata tam interna quam externa quomodo distinguuntur.</i>	139.	<i>De pœnitentia est preceptum DEi.</i>	6.
<i>Peccata unde numero distinguuntur.</i>	ibid.	<i>Pœnitentia definitio.</i>	2. 3. 21.
		<i>Pœnitentia alia est formalis alia virtualis, &amp; quid sit utraq;.</i>	6.
		<i>Sufficit pœnitentia virtualis.</i>	7.
		<i>Pœnitentia formalis est remedium ordinarium</i>	



# *Index Rerum Memorabilium.*

<i>rium necessarium necessitate mediij,</i>		<i>Primarius actus penitentia est vindicare</i>	
<i>&amp; precepti, dantur tamen remedia</i>		<i>peccatum.</i>	34.
<i>extraordinaria, ut Martyrium, di-</i>		<i>Tristitia in penitentia ex quo motivo</i>	
<i>lectio Dei super omnia.</i>	7. 8.	<i>oritur.</i>	35.
<i>Penitere significat punitionem actiuam seu</i>		<i>Penitentia actus non est necesse, ut sit de-</i>	
<i>pene tenentiam.</i>	20.	<i>terminata virtutis.</i>	37.
<i>Ad deletionem culpa requiritur pena vo-</i>		<i>Actus penitentia, non est necesse ut sit for-</i>	
<i>luntaria.</i>	18.	<i>matus gratia.</i>	40.
<i>Pene voluntaria quatuor modi.</i>	19.	<i>Penitentia non est virtus supernaturalis,</i>	
<i>Quadruplex definitio penitentia, iuxta</i>		<i>neg. infusa.</i>	44. 45.
<i>quatuor modos punitionis.</i>	2.	<i>Penitentia dupliciter consideratur.</i>	46.
<i>Actus penitentia est quadruplex, vindi-</i>		<i>Penitentia quando virtus Euangeli-</i>	
<i>dicare peccatum, detestari, gratanter</i>		<i>ca.</i>	48.
<i>penam acceptare, &amp; patienter</i>		<i>Penitentia virtus Evangelica plures pa-</i>	
<i>panam ferre.</i>	21.	<i>nas infligit.</i>	ibidem.
<i>Penitere prout est vindicare peccatum</i>		<i>Penitentia an fuisse in statu innocen-</i>	
<i>est actus virtutis.</i>	22.	<i>tia.</i>	25. 48.
<i>Cujus vero virtutis?</i>	24.	<i>Penitentia ut est Sacramentum.</i>	
<i>Penitentia alia habitualis, alia actua-</i>		<i>Penitentia est Sacramentum.</i>	53.
<i>lis.</i>	25.	<i>De penitentia Sacramento errores hereti-</i>	
<i>Penitere est actus virtutis ordinantis ad</i>		<i>corum referuntur, &amp; refellun-</i>	
<i>alterum.</i>	26.	<i>tur.</i>	53. 54. 56.
<i>Penitere non est actus amicitia.</i>	27.	<i>Penitentia Sacramentum est distinctum a</i>	
<i>Penitentia vindicta quis finis proxi-</i>		<i>Sacramento Baptismi.</i>	56.
<i>mus.</i>	27.	<i>Penitentia Sacramentum non fuit in lege</i>	
<i>Penitere prout est detestari peccatum,</i>		<i>natura, neg. in scripta.</i>	57.
<i>non est actus alicujus specialis vir-</i>		<i>Quid sit Sacramentum penitentia.</i>	64.
<i>tutis.</i>	29.	<i>Penitentia Sacramenti essentia.</i>	59.
<i>Penitentia, ratio formalis objecti.</i>	31.	<i>A quo, &amp; quando fuit institutum Sacra-</i>	
<i>Penitere prout est gratanter penam acce-</i>		<i>mentum penitentia.</i>	66.
<i>ptare, est actus virtutis, &amp; multa-</i>		<i>Penitentia Sacramentum quomodo est ne-</i>	
<i>rum virtutum.</i>	31.	<i>cessarium.</i>	69.
<i>Penitere pro patienter ferre, est actus pa-</i>		<i>An ista tria Contritio, Confessio, &amp; satis-</i>	
<i>patientia,</i>	32.	<i>factio, sint partes essentielles Sacra-</i>	
<i>Omnes predicti modi penitentia delent</i>		<i>menti penitentia.</i>	70.
<i>peccatum.</i>	32.		



*Index Rerum Memorabilium.*

**Materia, & forma Sacramenti pœnitentia.**

*Vide. Materia & forma.*

*Cur tres actus pœnitentia, & non plures sint instituti, pro materia proxima pœnitentia.* 81.

*Sola absolutio quomodo sit essentia Sacramenti pœnitentia.* 61. 70.

*Pœnitentia Sacramentalis.*

*Vide Satisfactio.*

*Actio interna, potest esse pœnitentia Sacramentalis.* 175.

*Effectus Pœnitentia.*

*Quatuor effectus pœnitentia.* 206.

*Primus effectus est remissio peccatorum.*

*Pœnitentia remittit mortalia peccata.* 207.

*Pœnitentia est sufficiens ad delenda peccata mortalia, toties quoties homo peccaverit.* 207.

*Non potest remitti unum mortale absq; alio.* 207.

*Nullum est peccatum in via, quod per pœnitentiam non possit deleri.* 240. 208.

*Blasphemia cur dicitur irremissibilis.* 208.

*Pœnitentia Sacramentum remittit venialia.* 208. 209.

*An pœnitentia ex opere operato deleat venialia.* 209.

*Remissio culpa non est eadem mutatio, cum infusione gratia.* 213.

*Remissio culpa, & infusio gratia non sunt due mutationes reales.* 214.

*An remissio culpa sit mutatio ratio- nis?* 215.

*Possit de potentia Dei remitti pecca-*

*tum absq; infusione gratia.* 223.

*Remissio culpa alia perfecta, alia imperfecta.* 222.

*Dum remittitur peccatum, gratia homini confertur.* 207.

*Inter remissionem peccati, & infusionem gratia, qualis prioritas.* 219.

*Remissio peccati an fiat in instanti, nec- ne?* 101. 216.

*Remittuntur peccata in extremis.* 239.

*Pœnitentia in extremis, vix est sufficiens ad salutem.* 348. 347.

*Peccatum mortale in altera vita non di- mittitur.* 251.

*Peccatum veniale remanens in damnato an possit dimitti in inferno quo ad culpam.* 252.

*Secundus effectus pœnitentia est re- missio pœnae debitæ.*

*Remissa culpa mortali remittitur pœna aterna.* 254.

*Remisso peccato quoad culpam, non sem- per remittitur totus reatus pœnae temporalis.* 254.

*Pœna aterna damnationis in altera vita non dimittitur.* 255.

*Dimisso peccato mortali quoad culpam, dimittitur pœna temporalis in alia vita.* ibidem.

*Potest dimitti pena, debita peccato ve- niali, in alia vita, etiã damnato.* 256.

*Tertius effectus pœnitentia, Irreuo- cabilitas peccatorum.*

*Peccata semel dimissa non redeunt.* 259.

*Semel dimissa redeunt secundum quid.* 261.

*Quar-*



# Index Rerum Memorabilium.

Quartus effectus pœnitentiæ Recupera- ratio, gratiæ & virtutum.	Potestas celebrandi, & absoluendi sunt dua potestates.	284.
Virtute pœnitentia recuperat homo grati- am, & virtutes amissas.	Potestas faciendi miracula pertinet ad gratias gratis datas.	219.
Resurgens à peccatis per pœnitentiam non semper resurgit ad maiorem gratiã, semper verò resurgit ad maiorem gloriam.	Potestas Ordinis, & Jurisdictionis ubi sunt instituta.	288.
Virtute pœnitentia opera mortificata re- uiuiscunt.	Potestas celebrandi est propinqua, potestas verò clauium remota.	289.
Vide opus Meritorium.	Potestas Suprema data S. Petro.	288.
Pœnitentiæ Minister.	Episcopis datur potestas à Papa.	288.
Vide Confessor, & Jurisdictio.	Præsumptio.	
Solus Sacerdos est Minister Sacramenti Pœnitentiæ.	Præsumptio consensus presentis, non suffi- cit ad valorem Matrimonij.	304.
Proprius Minister quis sit.	Prioritas.	
Proprius Regularium quis sit.	Prioritas multiplex enumeratur, & ex- plicatur.	219.
Quando Regulares peregrinantur quis eo- rum proprius.	Purgatorium.	
Quæ scire debet Confessarius.	In purgatorie pœnis temporalibus, animæ post hanc vitam expiantur.	283.
Pœna.	& sequentibus.	
Pœna ad delitionem culpa debet esse volun- taria.	Pro purgatorio loca Sacra Scriptura ad- ducuntur, & exponuntur.	286, & pag. 387. & 388.
Pœna alia est damni, alia est sensus.	Hæreticorum objectiones contra Purgato- rium soluntur.	390.
Pœna à culpa distinguitur.	Quo loco sit purgatorium.	392.
Potestas. Auctoritas.	Præter purgatorium, alia loca subterra- nea animarum post mortem, ex sa- cris literis deducuntur.	391.
Potestas delegandi Jurisdictionem, tribus modis fit.	Purgatorii pœna quàm sit acerbæ.	393.
Quæ sit potestas Ordinis, & quæ jurisdi- ctionis.	Quibus Suffragijs anima in purgatorio existentes iuuantur.	393.
Sunt distinctæ potestates istæ.	Rati habitio.	
Potestas Jurisdictionis, etiam respectu ve- niarum sum requiritur.	Non validat absolutionem præcedentē.	303.
Ad potestatem jurisdictionis requiritur a- ctualis consensus delegantis, signo manifestatus.	Quando retrahatur.	304.
	Sacramentum.	

Quid





in dua

284.

et ad

219.

ubi

288.

testas

289.

288.

288.

suffi-

304.

ex-

219.

anima

283.

ad-

286.

rgato-

390.

392.

terra-

ex sa-

394.

393.

atorio

393.

re. 303.

304.


Quid







Biblioteka Jagiellńska



stdr0025967



